

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第一六二冊



責任編輯：孫言誠 賀 偉

ISBN 7-5333-0615-5



3628/12

四庫全書存目叢書·集部一六二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一六二冊目次

集部・別集類

支華平先生集四十卷附錄一卷

〔明〕支大綸撰
北京大學圖書館藏明萬曆清旦閣刻本

.....一

御龍子集七十七卷（一）

〔明〕范守已撰
重慶市圖書館藏明萬曆十八年侯廷珮刻本

.....四九五

支華平先生集四十卷附錄

一卷

〔明〕支大綸撰

北京大學圖書館藏明萬曆清旦閣刻
本

附《四庫全書總目·支子餘集

五十二卷》提要

支華平先生集序

夫文有虛有實。為文者類

能虛而不能實何以故虛易而

實難也。蓋人非窮探博獵盡九

丘。一貴之。遺則其文

應世故朝

章。錄多所咨詢不實非其人

精。八。沉。不實第曰

鏡花水月露珠雲葉不必可即

而可玩則一二南華禦寇淮南

諸語斯已足。用多識之

為輓近少年浮誇之士以為虛

可為觀而實難取悅虛可襲而實不可強也沙面餅陳土龍而饗芻狗謂文在是而實之不足何以文哉其甚者南華禦寇之不以陰符黃庭之不足而楞伽楞嚴一以為仙品一以為禪機是其虛又文之賊而此其害也先生與予同甲戌榜其集具在諸紀叙傳誌讚頌歲誄之為文樂府古風五七言近體五言絕句之為詩靡不品人以人評物以物論事

以事述境以境據情以情攷世以世一切理所不必有而事所不必嘗者無侈口無掉舌寧有餘而收無不足而吐如張樂洞庭五音六律迭響互奏小不窕而大不樛彼熟蕢餘蕭僅僅呼霜月而叶鳴蟲雖甚淒渺非所好如陳兵細柳羽林欣飛之屬披堅執銳連牆而列未始唱籌示衆增灶揚威貌貅鮮少而驅市人以戰又如天厨設食池酒陵由庖人鼎俎拉羅襍沓和調

芍藥而進不可指數不徒說餅
而已者華平非不究心仙禪而
於靈函貝葉絕不作一語曰吾
不能舍上聖而上清外孔氏而
佛氏也至其所為郡邑牧伯餞
送稱賀之文更覈玉風審疆里

鄒序

四

按官箴鑿鑿可據井井不清有
法有度大類司馬遷善乎華平
之能為實而不為虛矣所繇華
平早慧自其為童子時即已日
誦數千言值數之奇而偃蹇一
第不售既售而又偃蹇一官不

竟售窮愁兀兀蠹魚作活裏誠
秉德惻惻無華不少點黜白貴
之極而丹鉛出焉此豈與少年
浮誇之士以枯腸嚙腹強弄不
律者同年語哉華平視予十餘
季而長彼其時試政西曹予實

鄒序

五

兄事之華平坐予坐華平立予
立華平飲食予亦飲食獨華平
讀書余不能讀書華平習掌故
余不能習掌故耳一揮別去終
其身無奉而處近嗣君輩始以
遺文見示且屬予序嗟乎以華

平之博學重積通古今有道德
而坎軻偃蹇官不滿六百石所
為博士幕僚邑令理官計先後
四年罷免負郭無田家徒壁立
短褐蔬食菜羹以老是華平之
才其實而其為名利則虛實也

鄒序

六

而不救其虛吾於丈公不能不
為三嘆

梁溪年弟鄒迪光譔



支華平先生文集叙

吾郡魏水竝時有支袁兩先生
云袁務為淹宏多蓄其文俳詭
百變不可端倪支先生神骨峻
峙於書無不讀意所可不可劃
然中斷若干將之齒肉性喜扶

李序

一

揚幽節擊刺大慙不遺餘力與
袁石交意偶牴牾輒引繩批切
過苦袁初格終渙逌先生歿而
袁操文慟哭以祭蓋其碌碌礪
礪於道德文藝之林而卒澤於
道德靡間也先生潔廉好義襟

府灑落湛如曠如不雲之空淒
霜之曙清剛沈寥之氣相對射
人觸事感慨不禁為吐砭世語
或襍談劇嬉笑以出之不幸有
是疾而受砭者不勝護痛潄先
生文至忸怩不能終讀曰漱哉

李序

二

苛矣懟歎嗟乎水與石齒則漱
矢與絃絕則激水不激勢不震
盪矢不激入不深人負隱隱而
先生為震盪急疾以効瞑眩之
劑仁哉何嫌激且惟疾犯丹靈
鬼藏育穴斯一痛攻之而他可


不煩毛舉又何苛先生雅意經
世所至飭綱陳紀釐弊剔隱弊
爽獨運動求滿志不顧四伏之
戎世固不容以成先生之大夫
天既縱先生以睥睨千秋之才
又恣以夷由一壑之適綠波青

李序

三

嶂候鳥時花一瘁一榮互進於
無關之宇幽几淨牕名香異帙
忽吟忽嘯自鼓為天成之籟以
印心則有古人以嗣響則有佳
胤若夫鳥鵲之所嚇蠻觸之所
爭黍炊槐穴之所營營先生直

詹三寸不津揮之單越于還矣
何所不足而復實懃歟故夫先
生之文陶世十九超世十七醜
世十五玩世十三而砭世之作
十不能一二是一二者悉抒於
潔廉好義之本衷與虛舟飄瓦
李序
之偶觸規瑱忠告先生雖不任
受德又何致媒人睚眦間哉先
生歿且十年餘諸嗣君合梓先
生集而謀曰先人剛腸峻詞盡
稍裁之以寡怨余曰不然凡物
粧綴附合久必渝而真者不朽

先生真品真文其所刺訛真神
注焉不可裁也昔司馬子長傳
游俠傳貨殖及諸名公卿紕繆
悉舉即茂陵諸政無諛隱也奈
何圖千秋不朽盛業而置目睫
之論耶藉令袁先生而在亦必
李序
以余言為然嗣君曰唯唯敢敬
附殺青之端
賜進士第禮部儀制司主事通
家晚學李日華頓首拜識


支華平先生集叙

昔者常縱張其口以示老子
舌存齒亡天下之事已盡矣
吾無以語子矣獨孔孟不然
一則曰我未見剛者一則曰
其為氣也至大至剛以直養

陳叙

一

而無害則塞乎天地之間夫
分剛分柔此孔孟與老氏較
然大關捩處也夫老氏鄉愿
之漸也鄉愿鄙夫之漸也柔
弱法門姑可行於宦途而斷
斷不可行於執林父苑蓋一

有唯唯諾諾之心腸必無磊

磊落落之精氣百練繞指昔

賢所痛况文章何事而可以

脂韋入之哉華平支先生甫

釋褐聞江陵有紅蓮白燕之

獻草疏糾之會抑于座師不

陳叙

二

果已官司理官藩幕散吏官

奉新所至執法無秋毫假借

如雪洪侍郎奇寬識安溪永

春墨更狀持論彊鞭聞之使

人心怖其他憤世憂時剛知

紓禍凡結轡于胸懷而逆轉

于喉嚨者悉發于詩文雜著
中大都練規格于西京采膏
腴于六朝鏗聲調于三唐而
衷之以洙泗之微言瀟洛關
閩之正脉讀其書想見其丰
采殆古之至剛人也若使得

陳叙

三

時而駕亢屬守高鉗勒貴戚
大臣則汲長孺朱公牀之流
或手提一劍介馬疾馳決能
答兵數萬里外為小范為老
种不然授之高文大冊指事
陳情隨時敏給度不減劉穆

之輩而惜乎旋起旋蹶偃蹇
崎嶇反為巧宦無文者所笑
豈老氏學術果勝于孔孟剛
大之說歟幸毗有云是不過
使我不為三公耳公前為吏
時部使者以禮徵文于公公

陳叙

四

不移畧立具草若移檄促之
公謾罵曰支丈人非而記室
也即大中丞無以加公而公
亦傲然不以屑意拂衣長往
寡交絕游其氣益發紆其骨
力膽力筆力益得以孤行壹

意惟吾馳驟而莫之敢衡鼻
息所衝上拂雲漢穎鋒所注
商帶風霜魚不見水龍不見
石文士不見忌諱務以洗脫
天壤間鄉愿鄙夫之習而已
微獨詩文天地之大也以剛

陳叙

五

氣為覆載而五行隨之木銳
而好上金銛而好割火無性
而善觸水無骨而善排惟土
覺中和而金木水火之最剛
者生焉女子得之為貞烈男
子得之為忠孝為劍客為文

人皆至剛之所從出也知此
可以讀支公集矣公晚年自
悔少作半付祝融今嗣君輩
收拾餘燼而無始以來剛大
之氣尤有存什一于千百者
語云大直若曲余謂不曲乃

陳叙

六

直太剛則折余謂惟折迺剛
遇不遇何足以論公哉

華亭陳繼儒撰



支華平先生集叙

余性喜焚寶流寓武塘友人憐余病不能飲率以焚寶代酒然武塘去武林三百餘里至彼者皆五日以後之焚寶也余顧友人我等所啖者皆無魂之焚寶耳友人曰魂之說若何是時几上適有華平先生集指而告之曰艸木將生其色青者象天

唐叙

比其將終其色黃者象地天所施也故生而象天歸藏于母故終而象地象天者魂也象地者尸也筆畫者字之尸也刀者鐵之尸也運之以雲長則凡刀皆魂也運之以右軍則筆畫皆魂矣今之文集大抵皆具字尸耳人之生也尸輕亡也尸重此有魂無魂之別也今之文集豈復有輕者

哉魂之為道有大力焉而有力者又不必有其有魂何也書生腕力必不逮農夫然農夫擎三寸管未成半字而髀指震動如降千斤之刃雲長舞千斤之刀髀指如意如舞寸管此可以知也余山中曾蓄小猿童子持猪肺過援前援驚怖欲死夫猿之魂豈不忌于童子哉當其攀高奮擲有勇士

唐叙

之所不能而援則優為之何怯于猪肺也哉緣其胸臆不了然于肺奪散其魂耳今之臨文者矜其魂而魂亡不明也援之見肺也鼓其魂而魂不勝不習也農夫之舉筆也利其魂而魂鈍不靈也死尸也五日之焚寶也華平先生之文曾有一于是乎

烏程後學唐時頓首誤

燭跋語

夫自古位不配德、不載寸為豪傑、跌船
界、而是然而位不配德、即釋秩、拔官
有足鼓吹、聖明羽儀、世教者、其人固饒、藝
而龍驤者也、倘德之不克、載其寸手、舞高
會、營糟丘、月幕風帷、蘆人代而極、藉、撥
迪、為誕、為縱、為癖、而已矣、雖日繁、少、游、之

精騎、富長吉之錦囊、六醯、雞、未、啓、其、覆、耳
而碩、喆、何、取、焉、我、舅、氏、華、翁、起、家、世、德、髮
未、燥、即、潛、闕、理、學、直、接、姚、江、聞、知、之、緒、而
棄、席、於、龍、溪、南、屏、二、先、生、之、門、爾、時、泚、筆
千、言、試、輒、效、螭、孤、袂、剩、技、耳、少、不、逢、九、烈
君、壯、而、始、通、籍、焉、寓、內、靡、不、星、岳、之、而、翁
之、所、自、矢、者、業、欲、印、夔、龍、而、班、申、甫、詎、屑

庶、魚、為、繞、指、柔、坐、是、名、太、高、如、孔、翠
威、鳳、弋、人、爭、籠、而、中、之、矣、雲、舒、電、燿、之、猷
矜、不、試、一、拳、而、歸、田、依、然、風、節、高、標、謝、諸
大、夫、干、旌、不、溺、于、五、難、七、惑、間、懷、孤、憤、而
洩、之、為、聲、歌、為、贈、言、為、著、述、種、皆、碩、人
之、哀、鉞、名、教、之、甄、型、蒙、節、之、燈、炬、而、非、徒
祖、秦、禍、漢、之、戔、戔、摹、古、而、爭、雄、也、者、所、謂

二

讀書、破、萬、卷、下、筆、如、有、神、洵、為、翁、詠、已、翁
洪、胄、賓、于、鄉、兩、次、第、且、鵲、起、未、艾、相、与、檢
牋、帙、以、彙、為、一、編、未、寸、而、德、載、之、則、鐫、是
編、以、出、僉、謂、武、塘、支、先、生、魚、四、科、而、成、三
立、日、異、啄、已、翁、所、謂、掀、髯、呈、寸、于、上、清、而
請、觀、十、賚、者、維、其、德、矣、曷、問、位、矣、邦、辱、倩
忠、殿、數、言、若、曰、冰、鑑、溢、毫、楮、而、么、膺、子、以

玉潤而對揚乎則吾豈敢

歲庚申麥秋下潞吉子塢戈請邦齋沐百
頓首跋

舊序

藝餘序

華平夫子之言曰楊子雲著太玄成一家言乃曰
令後世有子雲則好之吁嗟乎人不知而斬之後
世斬之後世而必子雲然則志士仁人欲上窮玄
覽下諸塵目氣凌往哲範胎來匠固亦艱哉我明
天造青田肇稱覆瓿菽園販販汗竹圭峯崛起獨
規昌黎追獻吉振鐸于關西仲默嗣響于洛下風
流雅尚作者彬彬昭陵七子橫行海內業謂無人
舊序

清旦閣

夫德謝禹臯則典謨曷永學乖姬孔則詩易不傳
必以煙霞爲風骨孰履砥矢之途遠作息爲塵相
徒侈靡曼之習詞達之訓殆其遠而夫子研精玄
奧博綜墳索冥悟千古獨擅一家積有歲年笥函
什伯斷斷乎淮南競富左思塢一麗矣間以酬世時
見一班矢心自口多觸俗諱俛作輒燬僅存什一
從游士黨臆述口授浸以愛傳夫子聞之曰豐狐
文豹孰蓄之哉業旣傳第勿名

明萬曆壬午冬

賜進士第知六安州事門生李懋檜百頓首撰

又

余邑侯支公藝餘溫陵字六安既序而梓之矣公故門人李生具慶以其末簡屬余余謏鄙何以重公哉顧文以人重因甘重而重之可毋辭也已未人與文非二也然難乎兼而有之近世薦紳先生以副墨名宇內者不少乃其本諸身而見之行者類不獸人心蓋文之所待以重者不與文偕故也然亦有卓詭瑰奇之士偉然斯世倚重矣則又惟

舊序

二

清旦閣

少文而所謂華國者弗存焉吁之二者兼之誠難也往余未親公之文見公之政行焉始攝敝邑雖然不滓庭無畱事又不事敲朴而訖於威富大能跋扈而振竊及以薦卽真則謂威行而不欲竭方且更爲寬大以爲民安真所謂民之父母是已斯其立乎文之先者亦重乎不耶重矣卽不文或文而不闕于道猶將豔而慕之而況淵永其思博雅其聞時發其幽憤而不爲誹足薄西京而上之者乎既兼之矣重之斯傳之矣又奚有於言卽有之

不必待以傳顧徒因公之自重而里以言言者將

不朽矣若重公何有哉抑余竊有重焉余閱集知

公發念于周通參卒業于吳司馬顧未免有言于

耿中丞夫三公皆賢耿與吳又余之所得交者余

知其不妄非諛人然于公或重或不重意者學術

未相通不則不仁人間之耳公惟益自重終重矣

夫何傷

萬曆甲申冬

賜進士第中憲大夫奉

舊序

三

清旦閣

勅提督學校福建按察司副使李新蔡國珍拜撰

華平先生述

華平先生者吳東里人也先生少業舉子業弗好

也則就故笥緡緡帙帙咎軼事咕咕呢呢不釋口既

業孫吳業弗試則輒從釋老談玄理卒莫得其要

乃則從東越人學道時禁朋徒稍稍散棄去間挾

鉛槧從有司輒謾曰茲非余好直寓耳卽有司亟

賞識則又輒謾曰之子知我乎居無何奏對公車

當服在有司先生輒上書乞閒杖行偕諸生探奇

質言誦法古人不讓也或問政曰政不結繩民弗理也問學則曰義氏之一晝濟矣天無言問文曰典謨哉商周文矣庸無誠哉史遷秦故牘也長卿優孟之雄耳乃先生有作輒弗詭于世用是世罕知者先生輒設曰知我者希則我貴矣之人知我哉俄而門下二三子竊錄先生酬世語稍稍傳之謀所爲名先生橫眉曰女知河上鶚冠流乎名者毀之形也其勿名第以華平名禮部祠祭司主事門生許國瓚頓首百拜撰

舊序

四 清旦閣

耕餘跋

我邑華平先生有載餘集行於世人無弗嘉尚之者而恨未既其華若探驪僅得一珠而拾翠止得一羽也癸巳秋先生延余家塾與伯子修業暇則以問之伯子曰吾聞先生還山後著述甚富何可令其散佚弗收也伯子爲言曩曾奉先生命之秣陵遊弇州汪先生門出所爲家集相正是時王先生有一言之弁今幸君在試以請於是請之而得其尤者若干篇余與伯子更互簡櫛以付殺青及

工竣先生又自命曰耕餘總始刺也余因伏讀而歎曰美哉郁郁乎茲集也從子桓言之以爲大業矣從子雲言之以爲小技矣夫小與大何足爲先生重輕獨先生德極純懿而俗不察政甚瑰瓌而世弗庸所可扼腕爾余生也晚而又未得及門其望先生顏範如蟻望霄焉今者謬以伯子故日夕得接先生而聆其罄歎乃知先生腎腸金玉也步履準繩也間有彊直自負之氣亦天植使然其古者君實稚圭之匹乎而又聞之人言得先生居官大槩種種取灋古人所爲致王康民釐奸剔姦寧忤時必不忍違心寧去位必不使旣國宜其與世若枘鑿之不相入也夫先生少有民譽世之傾注最久或以爲先生陳人云不知先生材力甚勁而年尚有餘也惜其不得施於國乃抑而用之家事無巨細靡不由先生擘畫絕勿以拮据爲勞一夕與不佞夜坐縷縷百千言皆有裨時政繼絕學幾於達曙矣而無惰容不佞媿以壯年豎儒不逮也近先生且斥上世餘貲構書閣買今古文度之曰

舊序

五 清旦閣

吾用以娛吾老噫嘻余竊聞當路新推轂先生於朝而一時諸貴人譽言方藉藉起恐先生不得安枕而臥東山矣伯子如玉篤行士也詩文得先生風骨燁然鳳毛哉後學馮盛世濟之甫拜書

政餘引

支子少時輒好奇策綜隄績抵掌劇譚謂卽仕且遇合若羅峰張文忠之遇肅皇乎吾且悉取輓近世夷風霸氣一刷而洗之以躋黃虞姚姁之舊胡乃以肅皇之雄才大略而功烈如彼僅僅也

舊序

六

清旦閣

洎甲戌登第實出予門予謂羅峯事業指掌可辦竟數奇行獨再兩權倖以罷無論平生偉抱計謨百未酬一乃貧瘁踽涼栖栖滿園卽以方諸掾史入貲流結綬贏金者未逮什一而同志士又惠好如新手次公贖付之梓人予讀之不覺喟然長嘆夫士君子遭時得君言聽計從渥澤浹於區寓芳躅章於來茲卽鍾呂鐃助帶礪紀勛僅符土苴何庸假是芟芟者爲哉乃不獲已而効之一坂不獲已而斤斤于米鹽醬醋之末又不獲已而紆緒餘

于公牒問其遇良也而志亦良苦矣錄成名之曰政餘倘所稱政本者將無在茲乎一斑非全豹而窺一斑以觀豹其蔚然者可睹已

明萬曆戊子槐仲楚應虹山人陳葉撰

政餘跋

華平夫子政餘集自丙戌中蜚語歸諸門下士共彙成帙矣戊子春揚善始得而授之剞劂夫子卓犖空羣天人粹蘊敷歷江右閩越間直聲四塞達揚善侍夫子廣坐中口如懸河落筆燦爛諸凡文

舊序

七

清旦閣

移斷語字句兩漢皆可書而誦也而夫子輒以故帚跡之半飼蠶夏故所餘僅六卷而附胎札爲八卷揚善廉祿南中幾欲叩九閣效景叔伸伯寮之愬而未便第朝夕締繹以求承夫子衣鉢而夫子今且坐清旦閣中上下今古出入玄漠與孔周左史割席分壇而揚善猶嘵嘵稱枉夫子聞之不以爲贅乎刺竣附數言以告我同志云

賜進士第江西道御史門生陳揚善頓首百拜跋

政餘引

華平夫子爲諸生時習博士業有聲尤酷好古文
詞然制于太翁寧國公不獲專攻既仕乃一意作
者之室諸上官雅慕夫子聲有大文字必藉重夫
子手筆夫子勸勦簿書期會間旋應之有餘地焉
以是業日益精夫子云惟教學半吾之業匪是惡
能遽入其室也刻成命之曰敦餘江右門生喻言
與百頓首識

又

華平夫子仕而遭蹶日罄折諸部使前諸部使雅
舊序

八 清旦閣

聞夫子爲文章大家凡製作靡不就夫子請乃夫
子故倔強自負卽以禮請輒立具艸不移晷應矣
有泥故常移檄促之卽開府不能得一言第呼促
者謾罵曰支子奉 天子命有職事不爲若曹白
丁記室也田賦獄訟乃移牒安得抽人胸中機錦
而以俗吏格爲哉聞謁諸部使語及時事可否輒
慷慨大言質今古畫便計目中若無人諸部使故
尊重乃夫子亦自標異久之言益益難竟無能難者
積數年充然若橐中裝夫子口珠玉盈筭豈黃白

埒耶門下士念夫子苦心處不可不傳而授簡得
書夫剝肝剝腑成一家言文士宿業固然第宜達
時不達志輕肥而感感爲文章志誠奇而遇誠不
偶矣

明萬曆甲午夏日戶部主事閩南門生鄭得書百
頓首撰

記十餘集後

吾邑支先生之有文而以餘名也姑列之爲十若
曰此餘事耳其藝餘政餘耕餘教餘述餘屯餘已

舊序

九 清旦閣

行世而聞餘談餘課餘圖餘藏之家藏之家者吾
侍先生時謦欬之以竊承其輝潤至所行於世者
通都人士無不誦習其說而或有解有不解有甚
好有僅好之者若余夙笈沾愛先生最深而又周
還先生几榻最久其於此十餘也者豈惟得其解
且能解人所不解豈惟僅好之又且甚好焉而以
爲芻豢於口不翅也大都先生負節義之腸故其
文正大而不墮于解秉剛正之氣故其文宏浩而
不涉于靡後生熟之可以健筆鋒倏人閱之可以

寒心而裂膽以至正人君子披釋之勃乎可爲勁
氣英風之助乃知先生之文美矣善矣無以加矣
間嘗掇拾一二則于公奸救司寇洪芳洲于單弱
救冤民田實等其他革沿習之宿姦復躡佔之學
基皆爲人所不敢爲不能爲而所與李山人一書
旣辯挾貲干人之疵又辯同人非辱身敗德者比
最後有詰錢賦則又不以瑜而掩其瑕可見先生
于好惡非有作也卽聖賢天地之心亦若斯而已
然吾因是而識李山人之爲至人也山人耽玄守
宋其于人間世若遺之矣而乃以干人辱身者雖
黃有名之士且也山人不以爲忌而有名之士亦
無所恨于心其古者渾噩之天乎又余嘗反覆先
生之文而窺見其爲人則先生絕似蘇文忠公猶
文忠自謂生平無一不似白樂天也文忠公有文
集百餘卷流布海內外而先生亦有十餘集戶習
而家傳文忠公所遭讒忌者有章惇李定王珪謝
景溫之徒而先生亦羅織于朱南英周希旦敖鼐
俞仲章之屬文忠公貶竄于黃惠儋耳諸州而視

險若夷先生亦落職于縣令理問卑秩而失不靳
得文忠公惡不徇人若大儒程頤嫉之無所容而
先生于趙麟陽耿楚侗亦微有所不滿文忠公有
東坡雪堂以爲四時之適而先生亦有綠溪清旦
閣以昕夕徜徉其間文忠公有父蘇明允以文章
相授受而先生亦有祖支中夫以經學爲淵源文
忠公有邁迨過諸子紹其詞翰簪纓而先生亦有
子如玉如金如璫以衍文緒宦業者未艾文忠公
有世外交若王子符秀才相出入而先生亦有素
心友若卞生沈生及余以相問難又若文忠公放
生先生亦放生文忠好禪理先生亦好禪理文忠
不善酒先生亦不善酒文忠不治生先生亦不治
生其生平果無一之不似文忠公也乃予非有不
蓋之唇磨竭之命而讒妬亦或不免非不悲譽片
池挾策薇省而淪棄亦將終身遽廬之桑榆亦可
以憩也此之清旦閣筵楹懸耳魏里子之集亦不
啻充棟也比之十餘諸製好醜殊耳喜于揚人懿
矣而竊奇二三之行亦嫉之如讐亟于掇聖賢粕

矣而瞿曇不二之經亦甘之若飴且非獨于此也
所與交亦務取其樸不取其華凡遇物亦寧過而
生勿過而殺謂余稍有似于支先生可矣第未知
先生九京之下其許我乎否也後學馮盛世書

舊序

十二

清旦閣

支華平先生集目錄

卷一

五言古詩

江幕有懷

懷舊

昭君怨

過河間口占寄丁勺玄十六韻

經梅花道人故丘

七言古詩

支華平先生集

目錄

一

清旦閣

行路難

功名難

結交行

隣女行

春楊曲

課耕苦旱

雪中候藩伯萬禱宇臬使鄒文谷二同年

得子

癸巳閱東征邸報

贈邑令

舊園詠爲曹位宇題

暑月途中

五言律詩

廷試感述

山房叢蘭下初啜新茗

春日贈圖者

雪夜在豫章公署

感賦

支華平先生集

目錄

二

清旦閣

已卯仲冬先公服闋哀不忍釋志感

辛巳仲春先妣服闋志哀

壽卞母吳夫人

有引

寶應湖遇風

余幼同庠丁清吾別來二十五稔矣歲午

日返于邑庭駭余顏貌勝少年詢駐顏

之術賦答二首

三賢祠失足

秋夜懷龔郡伯

持志逆境

順境

老僧

袁四參謀遼左效杜體賦懷二首

肺病

有引

長谷沈瑞峯文學七袞矣而今子脩吾爲

吾庠白眉于其誕也輒致慰藉云

撥悶

壬午一令以請托得薦感賦

支華平先生集

目錄

三

清旦閣

卷二

七言律詩

陪宴新進士志感

秋思

東同年李編脩

友人以詩促予謁選用韻答之二首

九日遊柳洲亭三首

春日在豫章公署

肅皇中興聖政比隆三代俗儒方之漢武

謬矣于其登遐哀志之

秋漢旅懷

部試午日賜扇三首

歲旦臥病

送南昌樊學博遷洛客令二首

候謁有感

送許侍御白塘還朝四首

壽同年貢洪沙尊公

辛未北上春試二首

支華平先生集

目錄

四

清旦閣

送同年蕭如齋守泰州二首

試士懷冊詩以諭之二首

郡伯方初菴陳豫吾招餞不赴書謝

九日

皇子生大赦

祠部許仲葵入京迂途枉顧夜談

門人李心湖促余謁選咏謝

風變

如玉兒邑試勉示

題月湖溪隱卷

送石屏戈堦應舉

中秋陰雨

同年金令尹約賞中秋值雨

丁丑中秋憂歸五載矣良宵對月懷我二

人每增涕淚

感秋闈傲言

清旦閣秋思

思仙侶

支華平先生集

目錄

五

清旦閣

宗弟慈谿令蘭室促余北上咏謝

得臺章自解

聞謗

自訟

有引

慰泉南故知

有引

送馮濟之與如玉兒畿省應試

中秋二首

勉玉兒應舉

泉中同張運長陸二守熊三守遊清源山

二首

甲午勉玉兒應試南畿

大兒下第倚閭盼歸

七夕

讀杜集

答門人李玄冲進士

初度

輓徐志山四首

促袁坤儀志徐節婦

支華平先生集

目錄

六

清旦閣

促志徐節婦不得詠歎二首

邸返管嶢谷

丁酉秋有非意之謗

丁酉學政紀事

送大兒如玉應舉北京二首

江右謝生玉樹遠謁農部楊致吾賦贈

卽境

邑令七年考滿投贈

送吳自湖司馬督漕

卷三

七言律詩

謝門人陳樂菴侍御序述餘

如玉兒秋捷

生第五兒如璿

初度

題唐伯虎美人夜櫺圖

壽馮文學五十

沈郡博澹滄歸田投贈兼柬令嗣仲容二

支華平先生集

目錄

七

清旦閣

首

感懷用莆士鄭性之韻

登山次前韻

題郡伯車子仁慕椿卷

壽萱卷

陸母董孺人故太學伯蓮元配也太學捐

館三十年而孺人克家教子如一日令

子孺蓮學成爲時名士會須致身顯親

則孺人苦節之報也聲諸詩歌以揚懿

美云

渡瀛海寄河澗令徐東磐

別門人林孝廉龍津

途次潭滑過東平山同年陳珍九守州不

得一見

壽某安人

過李司業故第二首 有引

丁亥水菑贈邑令

已丑早菑又贈

支華平先生集

目錄

八

清旦閣

贈沈魯卿秀才

丙子秋余在閩闡董易書之役至乙酉復

以謫吏于役江闡有咏

邯鄲才人將嫁爲廝養婦

卽懷

姚大參隱居

中秋排悶二首

渡江寄孫許西侍御

三過釣臺

秋日懷舊尹金餘山

烟雨樓懷龔毅所郡伯

嚴瀨感懷

富陽令素無禮於遷客一士人嘆之感賦

撥悶

秋季之貶道經艸萃公署讀忠烈公詩不

覺感泣賡韻三首

貴溪道中

莫春新吳志感

支華平先生集

目錄

九

清旦閣

七夕解嘲

賀邑侯壽誕

聞譖四首

和答龍大章太學四首

客有攜七夕詩至者皆淫媒怨詞用韻反

之

聞信四首 有引

章邑侯以詩貽贈用韻賡復二首

送嘉興鄧明府太初入覲二首

憑高獨眺

卽懷

遇同年王吉山子

有松士以簡筆見窘於魏溪自謂半世英

雄無端受折聞而慰之二首

夢所思

悼亡爻

止謗

復袁坤儀

支華平先生集

目錄

十一 清旦閣

卽事

穀雨卽事二首

有引

初度二首

李廣文致歸

怨艾

午節用杜早朝韻二首

東沈仲容馮行之敘之

贈馮濟之

黥髮復蓀

卷四

排律

送王太史冊封秦藩便道歸省

東途阻水

丙戌除夕

九月十九日爲章母初度賦贈

感徐節婦事志慨二首

贈姚節婦

題同年馮源泉太夫人貞節錄

支華平先生集

目錄

十二 清旦閣

贈於秀才

輓余明府二首

石城王秀峯卷

漫興

絕句

瓊林宴

出關口占

渡章江大風雨

懷冊禁

有引

挾冊者被逮咏桃諷之

七夕

門人陳文學過從

讀史十首

讀鄉書

入京往別徐蛟不茗而返口占二首

亡友徐志山賞陸虬川謨舊居豐前橋左

經其戶爲之悽然感賦二首

訊徐蛟過虬川故居

支華平先生集目錄

十三 清旦閣

卜居熙寧渚憶徐陸二亡友二首

明妃怨二十四首

有引

問道傍棄婦

棄婦答

信州公署

聽百舌

聞鵲

題扇景

七夕乞巧六首

得巧六首

秋興四首

園居禱咏九首

送郡侯張程川署縣還郡十首

少尹朝回投贈二首

寄水部章循之八首

送馮文學濟之館廣平徐令八首

齋居卽事四首

庚子送余惺韋應舉浙闈四首

支華平先生集目錄

十三 清旦閣

觀芍藥二首

咏結梅

遊黃金臺有感

卷五

序

送陳應虹座師以左諫議擢山東兵憲序

送巡按督鹺孫許西序

送少司馬吳自湖再起淮揚總漕序

送徐司訓擢掌新昌教序

送周三泉調尹華亭序

送徐魯源視學陝右序代

送徐魯源視學秦中序

送周三泉應召序

送邑令人覲序

卷六

序

送張別駕程川攝縣還郡序

送廉訪使陰公還陝西右方伯序代

支華平先生集目錄

十四 清旦閣

送蔡邑侯遷司空郎序

送同年蕭如齋守泰州序

送邑令人覲序

送邑侯許白塘應召序

送邑令人覲序

送大中丞楊公震厓還少司空序

送李令尹應召序

送邑侯謝鳳高入覲序

卷七

序

贈南昌守胥頤川遷憲副序

贈李邑博擢掌天津教事序

贈邑侯入覲序

贈邑侯入覲序

贈饒懷亭量移南部尹序

賀南昌守胥公考滿序

賀邑侯封典序

賀邑侯榮典序

支華平先生集目錄

十五 清旦閣

賀邑侯敕命序

卷八

序

賀邑侯壽序

賀邑令壽序

壽僉憲葉沈湖七袞序

壽邑侯序

賀古建吾父母齊壽序代

壽周母七十序

壽薛母余孺人七十序

壽呂孺人序

壽錢母王夫人七十序

壽章太夫人序

卷九

序

梅花道人冊序

秋江歸思圖序

溫公督府奏疏序

支華平先生集 目錄

十七 清旦閣

大澤鄒先生古離別序

古離別序

福建鄒試敘齒錄序

薄游小咏序

馬味梅孝義傳序

書法雅言原

許白塘平役書序

卷十

序

永昭兩陵編年史序

率真傳序

章憲副詩序

任君四書義序

奇節無名編序

述餘序

數餘序

耕餘序

屯餘序

支華平先生集 目錄

十七 清旦閣

卷十一

記

桃源記

嘉善縣義田記

忠烈祠記

時政記

儒學義田記

南昌府重修正廳記

存墓碑記

重修翔雲觀碑記

荒事概

嘉善縣修城記

卷十二

傳

范顓傳

詹封君傳

卞司勳潁山吳孺人傳

陳母孝婦萬孺人傳

支華平先生集

目錄

十八

清旦閣

徐節婦傳

卷十三

墓誌銘

明處士陶鶴湖墓誌銘

明處士前川陸公墓誌銘

明陸母薛孺人墓誌銘

行狀

先考寧國博槐谷府君先妣顧孺人行狀

卷十四

贊

先祖考菊巖公像贊

先考槐谷公像贊

先妣顧夫人像贊

銘

方檀扇墜銘

屏風銘

祝文

告文廟

支華平先生集

目錄

十九

清旦閣

南昌府堂定礫榻柱告神

豎柱告神

上梁告神

南昌府上梁文

母病祈年青詞

攝縣禱雨

大旱祭龍潭

府堂工成告神

修庫祭文

泉州奔喪辭城隍關王等廟青詞

民疫禱城隍

玉兒鄉舉祭五祀

祭祖廟

告家廟工完

遷居立廟題主告文

醮謝諸神箋

卷十五

祭文

支華平先生集 目錄

二十 清旦閣

祭練黃諸公

祭水洲魏先生

祭侍御何省亭

祭封吏部左侍郎淡菴王公

祭王封君

祭錢二守柏峯

祭同年黃景陽

祭封右方伯泰從川

祭周元翼公子

祭張太岳 代帥大夫作

祭中丞劉肖巖

祭邵太守

祭費錦坡孝廉

祭嚴封君

祭嚴封君 代

祭李封君

祭楊象石封君

祭邑侯子

支華平先生集 目錄

二一 清旦閣

祭門人鄭心緝王事

祭趙中翰

祭朱母張夫人

祭于母

祭秦夫人

祭秦夫人

祭楊夫人

祭錢夫人

祭周夫人

祭錢夫人

祭趙母太姆

卷十六

頌

恭親 文華殿 御書學二帝三王治天

下大經大法頌 并序

奏疏

乞恩改教疏

辯明心迹疏

支華平先生集 目錄

三 清旦閣
一五十三

擬奏輔臣進獻疏

擬論科舉事宜

擬條陳時務疏

卷十七

公移

議處倉糧折色 以下係臬屬事宜

議舖兵事宜

議處更夫

議處安海堡芎稅

革無名征稅

革舖民襍差

驛遞事宜

議革無名之稅

禁私征海稅

議處水陸兵

議條編事宜

議恤黎民以弭盜端事

以下係奉新事宜

議處舊逋以蘇重累事

支華平先生集 目錄

三 清旦閣
一五十六

議加夫馬以蘇衝疲事

議積穀以蘇倉役事

清丈田糧事

酌處條編力差以蘇民困事

革僉換總甲

革糧里上卯比限之弊

諭各寺觀僧道文

諭各醫生示

宰牛諭

丈田示	時估紙價	卷十八	公移	四誓	諭永春縣亂民示	審安溪縣俞知縣	黃欽表參語	田實審單	支華平先生集 目錄	審復陰陽醫學	審城工乾沒詞	杜思則參語	莊君清參語	熊十二斷詞	考語	守城規畧	卷十九	論
									二四 清旦閣									

論治便須識體	聖學一爲要	人君守成業而致盛治	秦漢諸儒無此氣象	殷浩有確然之志	隔千里如下面談	卷二十	表	擬唐以御製金鏡述頒示侍臣謝表	支華平先生集 目錄	策	鄉試策五道	卷二十一	策	會試策五道	廷試策一道	卷二十二	裸著	賈燁夜談
									二五 清旦閣									

說泗	修建羅星疏	分黃道淮議	放生河約說	奇政紀聞	卷二十三	襍著	嘗錢文	太清上清互語	支華平先生集 目錄	劇質肆文	卷二十四	襍著	九發	清旦閣壁揭	山居六戒	題跋	題三公指日圖	題觀音大士像
									二六									
									清旦閣									

自題瓊林醉歸圖	自題小像三首	自題待漏圖像	題批點唐音大成後	奇節無名編跋	偈	戒殺偈	食用偈	布衲偈	支華平先生集 目錄	葛衣偈	燒香偈	讀書偈	蒲團偈	布袋和尚偈	策問	福建丙子問	又	奉新課士問
									二七									
									清旦閣									

課子策問

又

卷二十五

書牘

復大司馬吳自湖

復僉見川銓部

與友人

復浙江巡按吳鵬峯

復門人鄭子讀

支華平先生集

目錄

荅同年嘉興令張誠吾

與季雁山司李

與曹雙華侍御

荅王都昌

出京辭同年

與魏見泉王政

與山海關王政王吉山

復陳紫台僉憲

復岫嶠山人

二八

清旦閣

復大司寇陳我渡

與同年陳海樓

復建寧二守楊魯南

卷二十六

書牘

上曾見台大司空

與張大司成

與韓約菴兵憲

與貢洪山運長

支華平先生集

目錄

與羅康洲少宰

拉錢孝廉夜坐

又

荅馮濟之茂才

復夏璞齋進士

與萬襟宇大叅

代與友人

與曾少宰

復大名令鄭心緝

二九

清旦閣

與華亭令項東泉

又

復薛介屏大行

與蔡信菴邑侯

與蕭觀復同年

與秀水令李少春

上少司徒毛小山座師

與馮文學濟之

復徐述齋尚寶

支華亭先生集

目錄

卷二十七

書牘

與蔡見麓學憲

又

與鄒南阜吏部

與吳司理

荅程司理

與太倉守馮原泉

與李編修

三子

清旦閣

與舊尹史瑞巖

賀陳廣文選盜書

荅同年丁敬宇

與陳寧州雲浦

又

復大司馬吳自湖

與朱雲崢

再與雲崢

卷二十八

支華亭先生集

目錄

書牘

復張繹菴王政

與友人議鄉飲

與趙宗伯

與馮開之少司成

謝常心吾大中丞

與余幼峯學士

復曹位宇

與李師弦太守

三一

清旦閣

入閩與同年梁元沙劉筆山徐東磐

與蕭允嘯少司寇

與邑令金餘山

與友人

與邑令王華源

復新建令余十竹

答陶憲長

與余憲長

答姚侍御

支華年先生集

目錄

三

清旦閣

復余襲溪太守

又

復南昌令楊蒼嶼

上大司徒畢松坡

送鈔關冬至禮

與李見羅中丞

與鍾蘭石太守

答郝州守

與張掌科

與蔡見麓學憲

又

與王與竹憲副

與陳豫吾主事

與沈侍御

復高安令盧德玉

與宗弟簡亭學憲

與如玉兒

仲兒久滯外家促歸

支華年先生集

目錄

三

清旦閣

與碧山兄

與姚龍山

與同年王吉山

復蔡信菴邑侯

卷二十九

書牘

與南冢宰蔡見麓

與沈繼山司馬

與劉筆山大叅

與少宗伯孫柏潭	與廣西陳臬憲	與同年范太守	與劉筆山大叅	與兵憲湯見弦	與嘉興令陳鑑章	與龍大章二尹	與陳同守	與張程川別駕	支華平先生集	目錄	三四	清旦閣
與馮開之太史	告郡中諸同年	復項觀察	與友人	與邑侯謝鳳高	復章水部	與友人	答人	復袁坤儀				

與馮原臬丁敬宇二同年	與袁坤儀	再與坤儀	與邑侯議糧米	復邑侯	代合邑與藩臬公啓	卷三十	書牘	出疆上麗惺菴撫臺商燕陽按臺揭	支華平先生集	目錄	三五	清旦閣
答撫臺麗惺菴揭	報撫臺	回按院	答按臺	覆帥糧道	上郡伯	回李節推	再覆李節推	與李節推				

上部院揭

覆守道王白岳巡道史裕菴

與羅康洲宗伯阮順所掌科

與沈晴峯

再與晴峯

與平湖王令

卷三十一

軼簡

謝三閣下

支華平先生集目錄

三六 清旦閣

與劉錦衣

答各省軍門

答各省巡按

與周都水

答高大叅

答王學士

答李巡撫

與張中貴

與中貴

與司禮

與賀水部

與楊司空

與賀水部

與何水部

與王司空

與溫撫院

答趙操江

與孫總兵

支華平先生集目錄

三七 清旦閣

與劉錦衣

與司禮

答周憲長

與任道長

與詹道長

與孫按院

送南贛軍門北上

與徐給諫

與田掌科

賀南贛軍門內轉

答座主

與姚掌科

與王掌科

與王掌科

與劉掌科

答汪侍郎

與少司空

答李巡撫

支華平先生集 目錄

三元 清旦閣

與胡銓部

與陳給諫

與陳吏部

卷三十二

軼簡

與李大參

答李少參

與趙巡撫

與徐大參

與王翰林

與吳編修

答劉宮詹

與王司寇

賀沈大宗伯

與吳按院

答張道長

與王道長

與王掌科

支華平先生集 目錄

三元 清旦閣

與姚掌科

與于道長

答楊道長

答蔡鹽院

與曲掌科

答賈方伯

答張臬副

答沈憲長

答伍二守

與王少司空	上鳳磐張相公	與吳內翰	與王內翰	與孫道長	送南贛軍門冬至禮	賀舒大司寇	答王道長	與孫右轄	與湯憲副	與李撫院	與徐侍御	又	答錢道長	與周給諫	與楊司空	與孫吏部
支華平先生集																
目錄																
四																
清旦閣																

啓	賀淮王壽	代藩司	賀淮王壽	代憲司	賀淮王壽	代本府	賀淮王誕辰	上益王	謝益王禮	謝益王	謝益王禮	賀淮益二王年啓	謝益王中秋節禮兼卻紗羅補扇	謝益王冬至節禮兼返紗羅扇補	賀張元輔正旦	賀張相公元旦	賀呂豫所元旦	賀張鳳磐元旦	賀部院元旦	賀張鳳磐入閣
支華平先生集																				
目錄																				
四一																				
清旦閣																				

賀張鳳磐入閣 代都院

上余相公

上余相公

候余相公

候余相公

上申相公 代同年

上許相公

賀呂豫所相公壽

賀張鳳磐壽

支華平先生集 目錄

四二 清旦閣

賀申相公壽

賀張相公服闋

賀張太宰加宮保

上吏部王疎菴

賀吏部王疎菴

賀兩廣殷制府陞大司農

賀王龍洲陞少司徒兼謝

賀李漸菴陞南少司馬

賀王少司寇

賀楊司空午節

上少司空何來山

上少司空褚愛所

上楊司空

通督撫兩淮周三泉

請吳自湖起總淮漕

賀總漕傅後川

賀王雲澤總漕

謝王雲澤

支華平先生集 目錄

四三 清旦閣

卷三十四

啓

賀趙掌院榮滿

賀南贛軍門轉坐院 代撫臺

賀南贛軍門轉坐院 代按臺

賀陳掌院

賀邵僉院

送陞任張僉院

賀廣西撫院郭加少司馬

上易軍院

上撫臺

賀南贛軍門平寇

賀南贛軍門平寇加俸受賞

賀南贛軍門平寇

代戎院

請新任南贛軍門

賀胡玉吾

謝撫臺薦

賀贛州軍門

支華平先生集

目錄

四

清旦閣

謝撫臺薦啓

代屯道

復贛州軍門

代戎院

謝大中丞常心吾揭薦兼惠扁額

送年節

都院中秋禮

賀馬定宇升撫臺

賀南贛軍門元旦

賀戎院元旦

賀南贛軍門午節

候陳中丞致仕

送撫院中秋禮

送南贛軍門中秋禮

賀南贛軍門中秋

答贛州軍門

代都院

賀南贛軍門重陽

賀南贛軍門重九

答賀南贛軍門冬至

送南贛軍門年節

支華平先生集

目錄

四

清旦閣

謝按臺薦

代分巡道

賀按院

送韓按院復命

謝韓按臺薦

請新任孫按院

迎孫按臺

賀按院元宵

賀張按院午節

請軍門入簾宴

請總戎入簾宴	請察院入簾宴	賀周左轄	吳文臺郡伯中秋禮	賀洞山尹先生七十壽	賀朱鎮山壽	送鈔關主政中秋節	謝陳寧州惠炭	請邑令	請邑令	請邑令	請邑侯 <small>代新孝廉</small>	長兒納采	仲兒納采	回于濟川繫定	生辰辭賀	卷三十五	諸牒
									支華平先生集	目錄							
									四六	清旦閣							

例義	世系圖說	總圖	分圖	第宅志	丘墓志	大傳	小傳	卷三十六	諸牒	科貢志	文獻志	隆劉傳	顯幽傳	黜幽傳	外傳嫁女	外傳娶婦	議立廟祭法
									支華平先生集	目錄							
									四七	清旦閣							

議服制	處祭田	議賑族	酌家訓	景賢祠議	卷三十七	臆劄	四十七則	卷三十八	臆劄	四十二則	卷三十九	雜劄	一百二十五則	卷四十	雜劄	一百二十五則	附錄
-----	-----	-----	-----	------	------	----	------	------	----	------	------	----	--------	-----	----	--------	----

支華平先生集 目錄

四八 清旦閣

明進士文林郎華平支公墓志銘	京山李維楨撰	支華平先生行狀	鹽官劉世教撰	明故文介先生華平支公墓表	西陵黃彥士撰	華平支先生墓碑記	華亭曹 蕃撰	華平先生傳	同邑馮盛世撰	先考華平府君行述	男如玉撰	三虞泣詠	男如金撰	明萬曆四十七年己未冬日	男如增輯
---------------	--------	---------	--------	--------------	--------	----------	--------	-------	--------	----------	------	------	------	-------------	------

支華平先生集 目錄

四九 清旦閣

文華平先生集卷一

構李 文大綸心易父 著

五言古詩

江幕有懷

寄迹紅蓮幕緬憶清旦閣江河雖云殊風景應相
若干峯入簾櫳淑流紫丹腹嘉木羅清陰好鳥遞
鳴躍白雲何英英和風互迴薄還客寂無營奇抱
聊爾托翩翩水上鷗矯矯雲中鶴顧非謝幼輿雅
趣宜丘壑

文華平先生集 卷一

清旦閣

懷舊

長至裴陀洞九日高士峯欣逢素心人聊復寄高
蹤振衣凌絕巘倚杖披蒙茸劇飲班蘿薜長嘯驚
蚪龍琪園熟丹荔綠沼秀芙蓉蓮茲豐以豫露冕
故雍容良會苦不再黯然傷離悵舊游宛在目延
鋤何繇從遐心憶金玉夢魂徒憧憧

昭君怨

念我二八初承恩入漢宮文憐班史續忠拒婕妤
態自憐顏色麗顰笑生春風且訝相如賦安能賂

畫工疇知錢有神黃金解爲容丹青慘以淡重瞳
忽以矇不期天可汗乃識畫圖中和戎非所願緣
此發幽悰呈貌披香殿孔士術甫竄賊賕紛委籍
陳尸西市中儘拚絕世姿爲王達四聰八千長門
侶從茲得上通稽首辭君王勿爲譏佞蒙

過河間口占寄丁勺玄十六韻

我從瀛海去君從瀛海來來者會有遠去者何時
回我去何所有空囊策駑駘泥滑行難進陰霾撥
不開敝服人爭席村醪自舉杯君來何所爲駿骨

文華平先生集 卷一

清旦閣

千金臺薰風消積暑甘雨灑輕埃羽蓋催星騎珍
饌羅雲疊昔日調本同今何忽以乖我去非君意
君來感我懷我已甘飄落而君定鼎台塞馬宵難
測海鷗閒不猜天人巧錯繆造化如嬰孩時有遇
不遇人非才不才把劍發長吟調悲聲正哀飛策
向南征陡覺雷霆催

經梅花道人故丘

寄傲華亭水幽齋徒四壁與世鮮所儔剛有梅花
癖晴窗展縑素香雪紛如積手揮玄理應頭點悟

禪石脩然高士踪
遐哉弗可覲
披圖訪故丘
樛斗委茅藉

七言古詩

行路難

行路難行路難吾嘗汎舟黯淡灘
汎流飛瀑湧崩湍寸步九折十礁礮
喧阗砵震摧心肝顧我正冠擊蘭漿
一瞬百里帶笑看鼉鼉揚鬚泳危瀾
又嘗縱步霹靂岩鳥道縈結石壁巉
窳竅結曲削萬仞日光破碑靄層嶺
顧我肅趾厝其下曼歌長嘯和

支華平先生集

卷一

三

清旦閣

英威猿猱戢首借飛颿
桐鄉之山如培塿高不盈咫尺如砥
桐鄉之水僅容舠涓涓瀝瀝清見底冠
裳揖遜通一刺睚眦俄坑二孝廉行路
難行路難不在人間水與山差岢嶢泝
笑談間鼉鼉慢駭不敢過猿猱辟蹊蹊
蹊板行路難行路難智士聞之心膽寒

功名難

若謂功名易渭水非熊頭白遇
若謂功名難挾趙攻燕指顧間
吾今已年五十七前望子牙二十三

回顧廿卿四十五舊事淒涼那忍談
崎嶇塗抹漫一試四任紆回七品官
素心秉直忤權奸含沙者蜮紛來攢
歷俸總贏三百石風波搖撼天迷漫
責我廉橐中十載無一錢責我慎履
繩蹈準直如弦責我勤戴星出入夜
無眠責我仁災災不忍試蒲鞭責我
斷片言兩造疇稱冤人誠畏我方力
持三尺肅王綱時或濟以員乃云意
忌巧中藏人誠畏我剛斬釘截鐵新
刃芒時或濟以柔乃云玩世浪沉浮
匪獨權奸情叵測世途紆險盡山川
林林金紫諸貴人不知何術能鑽天
挂冠歸來十五載困窮拂鬱摧心肝
青雲親故已削迹貧求貴茹日夜
謹或從虛空下一石或從脊井生波
瀾百事從從不見德一事少異成仇
敵百言調護了不聞一言未契生蚤
賊對面嬉怡膠與漆俄然轉眼翻荆
棘韋脂蹲沓喧不休老鈍逢之轉腦
側衣單食糲苦自甘呼馬呼牛俱等
閒已分息機終匿影怕看冷面與醜
顏人云丐有三日運吾運通時無一
瞬向後流年知幾許子牙功名可勿
論天覆無私吾命

支華平先生集

卷一

四

清旦閣

偏世運多順叩不然前生孽債同淡淵儘拚今生
取次填

結交行

古人結交惟結心今人結交惟結金金多驅鬼如
驅羊金盡交絕覆見侵古人結交惟尚義今人結
交惟重勢勢重咳唾生風雷勢去反戈相辟倪君
不見南隣子追隨談笑滿城市指天畫地同生死
一朝身去家復寒門外誰人厝一趾又不見東隣
有素封精鏹千金結巨公而今金盡交亦絕莞莞
支華平先生集 卷一 五 清旦閣

隣女行

南隣一女顏如花貞孝婉婉柔且嘉朝初絲泉夜
漚麻荆布無媒空歲華北隣一女情性劣四行俱
無百事拙帝子王孫爭委禽祇緣綺繡盈簪篋東
隣有友自髫年貧窶出入相周還見我遇慳錢又
罄翻然借手爲墜淵青雲貴客在朔方水陸三千

阻且長有勢可援財可取問餽緘詞日夕忙人生

何必饒才貌人生何必修宿好人生何必顧清議

人生何必敦雅操不如相將柳陌與莊蹻左扶珊

弓右寶刀日剽行旅橐中裝夜發諸陵希世寶積

粟堆金滿倉度時捐纖粒濡涎沫松文晄白映玄

眸黃金火赤手可熱小靳嘻怡首盡摧一揮駭矚

腰應折頤指儕流如使狙名場利路機猶掇膩澤

滯朋膠漆堅餘腥千里爭奔蹶一丁不識致青雲

一事不解登津要吁嗟不獨結婚交友事事宜世

支華平先生集 卷一

六 清旦閣

間何莫由斯道吁嗟世情真嶮戲吁嗟世道多顛

倒昨朝桃花似錦霞今朝零落隨芳艸花開蜂蝶

日紛拏花落閒庭空自埽阿誰初仕勢熏天厥子

而今成餓殍阿誰廣厦鎮鄉郊俄然勢盡番爲沼

貪吏可爲不可爲惟有靈扁堪自持旋乾倒岳鎮

常靜風淨天空雲自移

春楊曲

城邊柳枝復如眠渡口花飛骨客船長條曉逐流
鶯語細藥朝含玉塞煙無緣得解湘妃珮空有遊

絲挂春樹漢家苑外綠如縑西望長楊無覓處春
風淡蕩染羅衣公子幽嫺玉騎飛清平多少豪華
事落日悲笳那自持一年一度花如雪一變一回
情轉別雒陽李少笑轅生獨向金門思如結春隄
紫陌總芳年綠塋清尊意了然自對門前五株樹
朝朝暮暮使人憐

課耕苦旱

我有瘠田三十畝墳塋磽确世所憫年來佃者故
無賴租徵爛豈不盈斗國稅繁急尚難輸那有贏

支華平先生集

卷一

七

清旦閣

餘供八口憤思振起積衰時服牛布糞勤畦穰
賦拮据親督鋤確擬獲登儲宿糗無奈天公巧簸
弄旱魃煽虐苦相負驕陽閃爍熾于火猛風捲水
聲作吼人疲牛勑力不前龜拆苗槁勢殊陡庾內
粟罄常晏炊浜中水涸徒掘漫從歲儲粟粟不售
今歲粟怪無處叩追思半生寓寓內立名營利事
事操我計圖南遇反北旋圖向左機忽右伶俜往
苒已至斯升斗營謀亦掣肘呼天禱地總茫然空
揮涕泗椎胸剖嘗閑居高解聽卑倘垂睿鑑矜窮

安須臾霈澤下塵寰五龍倏忽齊驤首蟻封穴戶
后燕飛河伯翔流雨師趣銀漢直寫如建瓴大者
傾盆小傾缶我屋見天常苦漏丙夜牀牀聲徹丑
披簾戴笠裹書囊仰謝蒼蒼微福厚四郊枯槁盡
敷榮三農獲望我何有

雪中候藩伯萬襟宇臬使鄒文谷二同年

雪花紛飛大于掌寒風撲面威如鉞野夫高臥太
無端瘦馬馳驅候行仗口膠膚粟肩侶撼笑語雖
溫心怏怏何似黨家風味麤玉人美酒羅銀幌

支華平先生集

卷一

八

清旦閣

得子

吾父筭年三十六生我鞠我如珠琰吾今亦季三
十六吾兒呱呱始生育念我生不辰勞形苦趨起
櫛蘭珮芷千秋芳扶微探祕三冬足荏苒流年忽
若斯萬事偃蹇舟移陸向來志氣欲橫秋翻與蝸
涎相角逐追惟疇昔父母心豈至斯乎良可惡吾
兒肖形得似無共期老蚌含明珠吾心亦是吾父
心願爾復爾懸柔弧崢嶸應作千里駒勿與爾父
同圈模耿耿向南圖浩氣四海驅熠熠升天衢坐

理泰階符不數杜家驥子扶不數楊兒解潛夫作
棟須支宇宙傾爲霖好濟蒼生枯癘人求火良自
憐芝蘭玉樹要使榮堦前

癸巳閏東征邸報

狂倭之勢如轟雷破浪衝風動地來樓船百丈旣
挿天戈矛耀日聲喧應鬼行魑伏計百出猴跳猿
攀震羽毳騰身直上發颺敵爭先死關無旋回武
弁望風膽迸裂勇士觀影心崩摧昔年汪直已如
許況迺關白尤渠魁可憐趙括易言兵長平坑卒

支華年先生集

卷一

九 清旦閣

成血軀古來將將重分閭只今誰是謝玄才

贈邑令

武塘日暖波溶溶武塘芳杜搖春風紅樓翠箔十
萬戶連雲掩霧江西東輕舟曉蕩遶山碧霜刀暮
贈金鱗紅平疇老農力新雨別浦漁子歌長空民
殷俗厚重犯法自古此隆稱敦蒙 天王御極宣
重光敷文海宇扶天常王多吉士四國康蠶爾城
狐尚跳梁 天王獻聖照遐陬爰簡吾疾紆墨綬
驅車躋駐渤海濱牛刀小試陰陽手自公令此餘

五年提封皞皞皆堯天詩書憲戶夜宿火犁鉏吠
畝朝衙煙爨倫講幄敞高堂青衿環聽森成行披
霜流汗分毫芒聞幽窟蹟聲琅琅節聳青山巔清
逼武塘水碧雲漠漠接三台素練平鋪照千里人
云我公善樹莠妙相天工著生意養成犀刃斲七
重植我甘棠還菽蒂

荷園詠爲曹位宇題

干溪之許清且渙中有佳園占玄津風雨無端久
養蝕曹君市取更興新蓮荒蕪棘開幽徑崇高卑

支華年先生集

卷一

十 清旦閣

庫排朱板迴岡斗轉虹蜺合杳嶺雲屯日月踰縹
艸丹蘅錯綺繪沙禽水獸印花茵釵砌蒼森攢秀
木飛薨蒼蔚遶脩筠騰見蟠枝紉古篆更沿縈沼
搗神輪浮巒積翠紛闌溢河英岳粹何嶙峋吾聞
銅陵鈇觀虛卓固金谷徽音非季倫平泉醒酒石
何在麋鹿蘇臺迹已陳翩翩濁世佳公子掘情撻
鮮娛芳辰應達浮齡了如借不惜黃金布地墜榛
藂莽艸再生色碧蘿喬木重含春余從脫鞅歸故
山爲憎澆俗來城闌兒嫌書舍苦湫隘謀貸子錢

營隱當余聳呼兒重咄囁湍水何曾解縱鱗不見
禾城太宰秩亦尊假園臬使宴私賓爲憐一朵姚
黃花炎炎鼎族成灰塵又不見奉新徐太學園池
畜魚肥且珍沈令徵之不及申須臾涸鮒如其身
只今吾邑盛侍御園具紛紜僊鬼薪回船奔命少
迤逗王令咆哮誅反脣宮鄰金虎勢崩摧那有桃
源可避秦曹君之圃真香寮吾欲從之絕世民飢
餌丹沙渴沆漉朝騎玄鶴暮蒼麟揮毫碧漢走龍
蛇縱飲滄海爲醪醇長吟時擊漸離筑怒喝風生

支華平先生集

卷一

十一

清旦閣

朱夾嘖逆旅何煩更築舍寄寄那知夢與真

暑月途中

赤醖蒸骨汗如浴黃塵蒙蒙迷倦目空腹奔歸賣
酒家數米炊來貴于玉力倦神疲眠未穩蕭蕭征
騎催聲促去年此日小齋中夾道清泉萬竿竹科
頭獨踞琅玕簟一枕涼風睡初熟

五言律詩

廷試感述

上國春光早彤廷曉日新明良千古會燈火十季

心策入重瞳簡袍分玉府珍丹束期報 主白髮
況思親

山房叢蘭下初啜新茗

陶栢瑩如雪嘉茗挹新烹幽卉當時發清香滿座
生林暉迴霽色山境斷凡情獨此冥心賞泠然坐
化城

春日贈圖者

曰余何所事藝圖在南城春色敷千植欣榮接四
極悠然刪卉罷散步踏花行莫說趣迷濟無能問

支華平先生集

卷一

十二

清旦閣

耦耕

雪夜在豫章公署

南州淹吏隱東閣啓重暉雪剝梅枝瘦風欺酒力
微睠茲鑽蠹竹簪爾見垂衣早晚論封禪何因一
奮飛

感賦

金多身可售金盡背旋違瞬息分讐戚眉峯隱械
機口甘千釀蜜腹甲幾重圍任是逃虛侶難逃賊
箭飛

已卯仲冬先公服闋哀不忍釋志戚

嚴父恩何極孤兒命獨窮猶傳庭內訓難息樹間
風黯黯魂消盡奄奄服制終除練心曷忍情豈世
人同

辛巳仲春先妣服闋志哀

慈母恩難報孤兒命轉窮幾年機欲斷三載服俄
終夢裏愁容黑燈前淚血紅除練心更苦情豈世
人同

壽卞母吳夫人

支華平先生集

卷一

十三

清旦閣

卞母秉節持家訓子七十年午月十月初
度令子太華心賴持觴壽之薦紳先生咸
播諸詩歌以侈其盛予惟子之願望其親
者曰壽伯康而親之屬其子則曰賢曰顯
賢且顯矣匪壽而康安所效之然弗賢弗
顯卽壽康弗樂卞母老矣諸所屬其子者
弗克自致而致之壽而康而樂者匪二君
誰屬哉余亦有子余亦有心故頌而以規
云

縷續千絲綠萼開十葉新華冠猶賸翟玄鬢已堆
銀饌鯉情須竭丸熊味獨真應知叱馭者絕勝舞
班人

寶應湖遇風

寶應一勺水剛于逐客偏暴風能震地惡浪乃掀
天沽酒嗟方壯危襟坐正安平生忠敬在到處自
飄然

余幼同庠丁清吾別來二十五稔矣歲午日

近于邑庭駭余顏貌勝少年詢駐顏之術

支華平先生集

卷一

十四

清旦閣

賦答二首

風塵三十載玄髮故相仍楓老丹應豔松寒翠更
凝澄江千頃碧素月一壺冰戰勝何須問冥心入
大乘

其二

落拓忘家旅蕭疎有髮僧一真遊化境萬卷續前
燈塵世漚生海浮榮水作冰無端貧病老何事得
相凌

三賢祠失足

積雨蒼苔滑奔趨陡失容低頭知已熟屈膝苦無從折屐誰傳遽扶筇孰奏功漫云增一識畏路正憧憧

秋夜懷龔郡伯

秋仲月輪新清光欲襲人微吟聊却病殘卷自忘貧獨有錫山水偏甦涸轍鱗楓灣應落葉飛夢自相親

持志逆境

瘦腹渾欲折茅舍半無楮四壁山如削終風雨更支華平先生集卷一

十五 清旦閣

磧餓豺當戶踞毒蟒遶簷馳孤坐殘燈燼天君安所持

順境

漏永燕居時香奩出艷姿良金豐密篋醲醲薦瓊厄爵秩從心授恩讐快爾私惺惺耳闕王此際作何持

人情趨利避害刺核錙銖曲殫機械試從逆境中身處之當作何狀爲之賦逆境而宴安易溺逸欲難充矧當莫夜諸幻見前熏心動魄酷于

馳毒吾人揮塵高談輒云克已不知當此景能自持否孔顏云逝寧歆亦罕孤陋索居誰爲鍼砭念之惕然并賦順境云

老僧

苦海渾無岸慈航渡尚遙側身疑斷木回首失霜瓢眼暈天花字鬚霏玉屑刀腰歆膜拜怯齒豁偈聲嘈

袁四參謀遠左效杜體賦懷二首

不見袁生久羈危真可哀沉幾稱先物索隱擅奇才繪藻人爭妬譚兵世益猜途窮頭更白遮莫賦歸來

支華平先生集卷一

十六 清旦閣

其二

黃也今何在遠師久未聞紅顏猶忤俗白髮況從軍對月頻中酒挑燈重校文生平高誼在目斷海東雲

肺病

余肺病源自外氏歲發秋仲緣少年鄉舉不偶也發必于五更得茶則愈緣夜讀依

月冒寒也甲子舉于鄉則病在夏緣南省
久困也甲戌成進士不復發丁丑秋邁外
艱戊寅秋邁內艱兩罹哀慟復發于秋每
歲一發不爽皆度

肺病亦多奇幽尋若可期悲秋隨落木早起先晨
曦天籟靜中發星河坐處移烟窠茶鼎熱心爽夜
忘疲

長谷沈瑞峯文學七袞矣而今子修吾爲吾
庠白眉于其誕也輒致慰藉云

支華平先生集

卷一

十七

清旦閣

長谷挺靈椿蒼烟翠色春夥頤麟紱旦爛矣鳳毛
敗道爲尊生絀文因教子新長楊行奏捷頻進尚
方珍

撥悶

瓜期今已及辟召幾時來道在官寧左才疎命豈
乖夢疑隔世事愁入五更懷已得虛舟意臧倉莫
浪猜

壬午一令以請托得薦感賦

皎月當空戶涼颼總畏人霸圖寧狀詐仕路只憂

貧九就蜣螂化螢生腐艸新天人多繆巧滄海忽
揚塵

支華平先生集

卷一

十八

清旦閣

支華平先生集卷一

支華平先生集卷二

構李 支大綸心易父 著

七言律詩

陪宴新進士志感

瓊筵此日醉神仙把酒臨風一愴然直道已當三
黜後浮名猶記十年前心懸赤日愁沙域目斷孤
雲泣杜鵑傳語故人休下石半生燈火總堪憐

槐思

彈指浮光五十三秋容不減少年繁半生飄落夢

支華平先生集

卷二

清旦閣

初覺二月鶯花興易闌任彼紅塵摧玉質饒予綠
髮駐金丹碧蘿如惺川如繡盡日支頤仔細看

東同年李編修

翩翩使節駐江東遷史文章百代雄漫憶當年曾
附驥却憐吾技似屠龍空彈馮缺悲無主擬試齊
竿媿未工此日玉堂多雅調好憑鴻翼墜天風

及人以詩促余謁選用韻答之二首

秋潦乘河苦急流蘆汀片葉任虛舟息機久矣消
搖臥玩世俄然汗漫遊畏路交情誰管鮑故鄉詩

社逼應劉夢風蘋月涼如洗肯向迷津一問否

其二

仗劍高歌對綺筵綠觴素蟻挾飛仙壯遊總得江
山助念別寧爲兒女憐習習涼颼吹客鬢翩翩逸
興薄秋天浮踪已共盟鷗狎沙渚從君喚晝眠

九日遊柳洲亭三首

夜夢伍相枉顧言忠楚報吳甚悉領聯乃
夢中句也

伍相英魂何處尋伍唐隄畔柳陰陰渙舟未解西

支華平先生集

卷二

清旦閣

江劍一飯空投下瀨金都都故畱忠楚計無疆終
殞報吳心英雄幾掬恩讐淚夜夜風濤自古今

其二

貫酒狂歌鼓枻遊憑高縹緲躡層樓耶溪尤物罵
花老石室遺通日夜愁入郢漫酬無忌恨使齊番
墮伯嚭謀可憐隄右千株柳猶帶寒鴉訴屬鏤

其三

一榻清風午夢餘忠魂炯炯御馳車耀兵魏水唐
稱伍試劍璋山石看赧抉眼吳門眞作沼回頭宗

國竟無家驪蹕素髮凌飛絮日日溪頭捲暮沙

春日在豫章公署

當年捧檄出長安盡道愚夫愛冷官雙膝到今渾
作繭寸心如谷漫成丹幾回顧影頻舒氣畢竟逢
人又強顏苜蓿已空羶已破會看春燕一彈冠

肅皇中興聖政比隆三代俗儒方之漢武謬

矣于其登遐哀志之

禹成龍駕杳難迴過客應淡四海哀神武真堪清
瀚海遺謨原自悔輪臺只聞李豎含嬌死

支華平先生集卷二

三 清旦閣

不得逞一掃正德驕縱之不見田蚡請宅來

相繼誅滅視田四十六年真聖澤微材猶及荷培

栽臣生也晚乃以皇上

秋溪旅懷時在南昌公署

屈指官期已及瓜那堪搔首對烏紗西山爽氣呈

新牘南浦潮聲報晚衙江月夜寒龍臥遠薊門秋

杪雁來賒如何假寐長檠下倦眼朦朧見翠華

部試午日賜扇三首

律轉南薰傳午漏恩銜鳳嘴動涼颼冰統沁出披

香殿寶月光分太液池影入霞觴搖錦席綵綠金

縷拂朱旗熙朝懿典由來盛願播仁風滿四陲

其二

堯甸清涼午漏遲欣逢佳節被恩私曾聞酷暑題
茶肆忽奉薰風下玉墀炎冷不須悲歲序卷舒常
恐負明時莫云微薄終難展已許捐軀効一麾

其三

朱旗斗轉午陰長珍扇傳宣出上方巧斲湘筠寒
映玉規裁蜀繭夏合霜自憐弱質同披拂賸有仁

支華平先生集卷二

四 清旦閣

風爲奉揚却憶重闈當暮景幾回昏清待黃香

歲旦臥病

僵臥空齋雪亂飄梁園何暇候蜂朝官家原不嫌

強項傲吏由來嬾折腰度歲祇應饒藥物謀身故

自媿渙樵年來已識虛舟意浪說陳登苦似驕

送南昌樊學博遷洛容令二首

春風聯轡挹清暉新命俄驚鳳願違伯起徵時三

鱸兆伏波到處百蠻歸青蓮未散春逾暖杏樹移

栽花更肥從此宗元文自好莫言內地柳州非

其二

偶逢楚客說蠻荒萬里離愁一倍長嵐桂香迷嵐
霧黑嶺薇花映嶺雲黃向來百粵文身地此去中
牟駢雅鄉利器正須盤錯試莫令經術負明光

候謁有感

首披凍雪膝沾泥蒲伏車傍畧再移畱滯故應常
落魄崢嶸無那獨雌羈却憐檻馬心千里翻愧鷄
鵠足一枝會把卞和三日血叩閣直達武王知

送許侍御白塘還朝四首 許舊為吾邑令

支華平先生集 卷二

五 清旦閣

彩鷁翩翩泛錦湍乘風無路涕汎瀾操觚久已輕
司馬仗劔俄看踏賀蘭 時有虜警鏡裏勲名雙鬢綠鼎
中龍虎寸心丹河東賦就憑誰薦送別惟彈貢氏
冠

其二

花縣棠陰滿岸湍袁安僵卧助清澗貧慙雪下會
遺蒜冷向秋來獨佩蘭眼厭風塵翻作白心經燈
火煉成丹長喙不盡撻天巧一任人嗤大市冠

其三

一葉西風泛遠湍野人追送竭情澗尋常抵掌籌
前筋潦倒停杯賦木蘭別浦波清萍尚綠平林秋
杪槿如丹杞人憂國渾無補珍重清朝鐵柱冠

其四

君德如山障激湍我心如水不生瀾燕臺會市千
金馬幽谷時含九畹蘭長孺早囊行吐白子雲華
轂可能丹憐君那得從君去徒抱經綸戴鶡冠

壽同年貢洪沙尊公

累朝甲第傳金馬榮壽重光倚玉鑾義飲向來懷
支華平先生集 卷二

六 清旦閣

白壁錦衣歸去舞萊斑南湖水綠春杯滿疊嶂風
清暮景閒三百鴛行同結綬知君此日再彈冠 湖南之勝跡

辛未北上春試二首

幽澗寒崖久索居束裝北上意何如半肩行李天
人策一統經綸咫尺書河朔欸戎須有日江南輸
粟竟無餘驅馳欲効生平學誰信長沙術不疎

其二

彈鈇長驅縱所如五雲溪處是宸居十年鉛槧三

都賦一襲衣裘萬卷書文徵華國卿雲見運際中
興化日舒阿世自來慚曲學對君唯願戒衣袂

送同年蕭如齋守泰州二首

薊門秋杪碧雲霽送遠那堪挽轡吟禁闥有懷同
補衮江皋無奈獨分襟西曹素吏愁方劇南國蒼
生望正深安定千年風教不待看俎豆接棠陰

故有胡安定祠

其二

翩翩使節擁春明珍重仙郎自此行五馬專城煩
支華平先生集卷二

七

清旦閣

出守六曹粉署獨知名曾聞澤國魚羹美幾見江
雲蜃閣晴莫負漢廷推轂意邇來循吏盡公卿

試士懷冊詩以諭之二首

獨望天閣倚劒歌清時願彥育菁莪若教衣錦嬰
三木寧似掀髯卧一簑萬卷讀來憐我老片章攜
去奈君何可知藝匠無憑據珍重祥鸞避網羅

其二

聞道長安春色新盡攜猿鶴出山林胸藏素冊原
無術頭點朱衣別有神東閣未開常委命齊郊屬

禁只悲人爰書并附嗟何及愁絕重闌夢裏身

郡伯方初菴陳豫吾招餞不起書謝

弱羽傷弓尚未乾勁風吹起向長安宦情雞肋年
來淡世路羊腸到處難殘局自知先着少疲腰剛
喜得官閒吟聲骭髀秋容苦并作泉南一道寒

九日

亂插茱萸兩鬢疎清秋佳景入吾廬笙簧細細空
林樹珠玉粼粼滿架書夢裏彩雲時變幻醉來明
月幾盈虛登高便覺長安近況是前星啓曜初

支華平先生集卷二

八

清旦閣

皇子

皇子生大赦

興都啓祚瑞應河清世宗以丁卯八月
十日生享國四十六年近古所未有今
上八月十七日生而皇子之生以壬午
八月十一日未時此國祚永遠之符也

河清啓祚仲秋初三見垂虹行慶餘舞抃一時瞻
國本靈長萬禩裕皇儲青史喜集承明筆赤尾行
廷涓轍魚樵悴只今惟下邑彩鸞銜詔莫紆徐

祠部許仲葵入京迂途枉顧夜談

木樨疎籬曲徑中卧來五見放新紅流光冉冉三更月春夢蕭蕭兩袖風國事未酬家計落新懷欲話舊交空多君夜半迂關梅把劍高談氣尚雄

門人李心湖促予謁遜咏謝

縵魚千里托驪歌無奈幽情遠薜蘿乳燕欲飛嫌翻短渚蓮纔放畏風多涓埃猶抱孤忠在薑桂難調衆口和清旦閣前朝雨後新篁浮翠水層波

風變

支華平先生集

卷二

九

清旦閣

壬午七月十三日毒龍礪轟天怒時颶風四作海暴溢闔市一洗山旋移惡聲咆哮乳虎嘯穢氛噴薄蒼鷹馳漁郎住久解占候未午收竿猶恨遲

如玉兒邑試勉示

髫年論秀忝時名此日掄材見後生老去屠龍空有術夢來覆鹿忽無評歌成郢里還同調賦入長楊好嗣聲漢世只今方好少才華須似洛陽英

題月湖漁隱卷

大海東頭湖水寬平蕪森森釣舟還放開老眼浮

雲外領取清光落照間劇飲浩歌千頃足淡烟疎雨半竿閒年來坐徹磯頭石却笑蓬萊只一山

送石屏戈堦應舉

午槐垂穗桂風清珍重時髦此日行萬里經綸宜綠鬢十年燈火慰蒼生邊陲靡靡氛初動閭左蕭蕭析自鳴

時省城兵民二變

側席只今勞睿慮北轅蚤擬聽雷聲

中秋陰雨

中秋萬里共陰晴不奈風霾向此生玉宇祇應隨

支華平先生集

卷二

十

清旦閣

翟手南樓那復寄庾情太空無滓寧須點老我何辜獨坐清今夜儘拚沉晦處微玄終借一輪明

同年金令尹約賞中秋值雨

千里襟期共月明無端陰靄陡然生人間故是多番覆天上何由辨濁清幾見參辰隨斗轉從教瓦釜自雷鳴良宵一晤猶緣薄浪說聯鑣走玉京

丁丑中秋憂歸五載矣良宵對月懷我二人

每增涕淚

子夜清光沁骨寒邇來無復奉餘歡獨于石竇和

愁卧五向中庭帶淚看青桂影中銀闕迴卿雲擁
處玉人單清虛已識天閣近幾欲凌風愧羽翰

感秋閣傲言

憶咎憑虛入廣寒揚眉瞬目騁雕鞍舞時手握娑
婆樹醉後胸吞白玉盤南去北來雙劍紫東塗西
抹寸心丹因風報取蟾蜍信廿載蹉跎只一官

清旦閣秋思

清旦閣前竹離披清旦閣中人栖遲風湍撼竹節
逾勁貧病摧人心不移林葉無言時序改畏途多

支華平先生集

卷二

十一

清旦閣

故繭緜知自憐白雪難諧聽羞對吳鈎說數奇

思僊侶

當年振羽五雲端九轉刀圭一七間壯志等閒消
盡竹韶華容易付絲竿从渠貝錦能銷骨奈我金
丹可駐顏蓬閣風清仙侶近不妨高卧且加餐

宗弟慈谿令蘭室促余北上咏謝

千里紅雲是帝都一筴行色助離歌黃金有價銜
毛壽白玉無因泣下和自信壯心如鐵石那驚塵
世足風波庭前昨夜霜華重不改陰懷舊日蘿

得臺章自解

市虎無端本易知射工偵影故多奇河中發粟原

非矯閩南機兵餉錢多逾歲乃給給則官吏例有

怨苦到骨昔安驛站銀舊例解府須數月一發發

則官吏亦三分之驛丞貸之官豪月利三分異轉

那移百金率得七十金實用而嚴程飛下星火莫

如驛官苦之有今日抵任而明日即逃者予攝邑

事乃白之府曰予亦堂官請得以便宜給之取文

券入府似少省盤剝府長公龜勉从之然以分例

不人為恨矣予與諸役約每月首朔關發不假吏

書不扣常例如約而給不費經營不煩偵候上下

便之今論章云錢糧重務也署印擅為支

放致數日差錯重徵則交盤册不足憑耶

兵竟有詞墨吏許兼善暴于永春永春之民願與

借亡至挺戈刃入縣洵洵為劫庫殺官

支華平先生集

卷二

十三

清旦閣

榜資據城計予六月二十日抵郡尚未履任而飛

報星流道府官惶怖無策予曰小人困于水火遂

作此狀誠得寬仁長者扶義而西宜自定耳毋事

張皇毋煩兵革諸司曰無以逾公予慨然任之一

日發二十牌諭以除暴安民之意小民爭先赴慰

三黜恨臧倉猶撰後喪疑

先君以八月二十九日下世閏八月初三日告

縣起文計至泉在閏八月二十四日時予以公務寓漳則以計至漳在二十六日也自嘉善至泉水陸二千五百里今以二十一日行自泉至漳凡五驛以一日一夜行而論章云間計數日匿哀不舉非惟無天理亦不知地理矣律不又三十里者限半年非耶原任有雜任日期月籍有預申日期稽勳司一勘即玄黃遽變从渠染自咎高人泣素絲明誰能揜護

聞謗

瘴風沙影鳩爲媒白日清朝見怪哉積矢儘拚塗
尺璧孤丹忍使變寒灰縱云赤子心堪昧不道青
天眼會開忠直委身無二志從教百折可能回

支華平先生集

卷二

十三

清旦閣

自訟

憂歸蒙謗謫官幽居坐爲墨吏所窘悶懣

無聊自訟從愆

誤承簡命入榕林聖主新恩十月溪嶺表馳驅憐
綠鬢海隅鰥寡見丹心淒風刮地白雲散戾靄漫
天紅日陰彈鋏歸來惟有劒笑人紆紫更簾金

慰泉南故知

余甲戌夏觀政刑曹時張江陵上蓮花白
燕子擬奏効之疏成擇諸書者于市簡亭

弟偵知之奔諫曰渠方有時名言之徒取

禍遽奪疏艸以去俄而故太傅豫所呂師

亦知之怒且咤曰纔得寸進輒敢作死且

勢在疑逼顧不重傷我耶予謝不敢未幾

張稍稍聞之疑甚師思予罹奇禍欲爲圖

歸以免于時出差告病咸有厲禁乃緩爲

調護得陳乞南昌教授以行旣一載撫臺

震厓楊公猥薦余故事學博得薦者遷京

秩乃予獨轉推泉郡泉巖郡也屬有司寇

支華平先生集

卷二

十四

清旦閣

洪芳洲素除于張張授意當事者而甘心

焉余力爭事寢而張益恨矣予旣憂歸三

載共事諸公散去殆盡而承奉者日事齟

齬予按羅甚悉幸無詞以乘泉中縉紳憤

然起爭之而門人李克蒼鄭子讀以書抵

予令善爲計可謂愛我未可謂知我也咏

此答之

千秋青史定難移照膽天明未易欺榮謝一生愁
裏悟風波兩眼夢中危建江哀淚添新漲燕谷春

陽發舊枝官是強名身是寄只教清夜寸心知

送馮濟之與如玉兒畿省應試

喜逢簪盍共論文獻策那堪兩地分世德陪京鸞

掖重

先曾大父
仕南翰史

雄才胥嶺雁行翁馮君昆
仲同試掄魁竝

折三秋桂臚唱行看五色雲水上去人天上喜好

將佳信蚤相聞

中樞二首

薄遊兩度寄洪州纔到中秋已殢愁倦耳似聞滕

閣宴枯腸只向藻園搜東封玉冊憑誰草西域金

支華平先生集

卷二

五

清旦開

戈孰與收長策莫如當月坐不將前箸倩人籌

其二

二十秋前此夜遊才華偏不讓名流吟成陡落三

十字醉後仍添八百籌馬上奇功羞絳灌隆中高

臥夢伊周月宮似有人堪語笑問狂言幾日酬

勉玉兒應舉

奇樹中庭慰冷官長風吹信逗承歡他山攻就售

時易畏路爭驅試步難飛夢已隨鵬翮遠縈情頻

祝馬蹄安舊攜叢桂香猶在花趁秋期着意看

泉中同張運長陸二守熊三守遊清源山二

首

振衣千仞見瀛寰共陟泉南第一山日射澄江環

警堞雲移疊嶂護禪關游魚結隊情偏狎飛鳥忘

機意自閒行樂不教虛勝地歌鐘滿路使君還

其二

翠微雲木鬱蒼蒼風御泠泠到上方千里峯巒開

霽色萬家煙靄帶斜陽清時自遣登臨興浮世空

驚歲序忙最愛蛟巖依絕壁一龕燈火接天堂

支華平先生集

卷二

十六

清旦開

甲午勉玉兒應試南畿

花甲兩回聽鹿鳴

先曾大父及余
皆以甲科中式

願乘甲榜再蜚

聲書貽萬卷汝能讀賦就三都名可成萊舞官袍

酬素景梅和羹慰蒼生孤忠爲我傾餘瀝莫遣

江湖負聖明

大兒下第倚閭盼歸

四度看花四度新開門五柳靜中春歸來秣筆天

南色別去黃金糞北身奇字豈終虛屈指浮名何

必費合羶阿翁賸有青箱在倚杖吹藜好細論

七夕

賸憐曼倩落人間秋色蕭條兩鬢斑夢斷紅雲生
漢署醉餘明月滿吳山玄經草就憑誰解白雪歌
來只自刪聞道銀河牛渚遠星槎隱映可能攀

讀杜集

乙未秋章令君征舊稅頗嚴

賀蘭遼海足干戈江左那堪苦備倭煨芋已消三
日火叩扉猶督十年逋醫瘡儘剜胸頭肉染指爭
摧餓殍膚信道杜陵詩是史石壕哀怨遍山阿

答門人李玄冲進士

支華平先生集

卷二

十七

清旦閣

憶從慷慨致身初萬死酬恩不願餘此去播遷明
主惠古來貧賤勢交疎自知性拙難諧俗敢謂官
閒好著書瘦馬空囊千里道那堪翹首望宸居

初度

四月一日建瓛日五十二年雙鑠年對鏡自憐饒
綠鬢挑燈賸喜續丹鉛浮雲聚散天無意丘壑夷
猶地有仙獨愧劬勞渾未報瓶罍時頌匪莪篇

輓徐志山四首

蒿萊一陌幾昏黃煙雨蕭蕭冷北堂身後無兒憐

伯道閨中有婦似共姜臨風忽漫藏犀塵落月猶

疑滿屋梁此夕共終舟壑寄無勞死爰憶山陽

其二

久推粹質子淵德豈謂天年亦竝驅塵世勛名猶
渺漠重玄果報定虛無飄殘萱艸千莖雪操盡瓊
花萬顆珠爲問螭蛉何所肖一抔他日尚堪虞

其三

校藝追隨十載中君年弱冠我髫童自誇貴賤交
情見祇爲金蘭臭味同塵劫有涯悲逝水花期無

支華平先生集

卷二

十八

清旦閣

信恨飄風寒燈丙夜瞻思處千仞岡頭雪後松

其四

慧質相期穎脫囊龍泉奚事忽收光死生意氣傾
今古江漢交情孰短長執袂頻年常屬句尋花何
日更稱觴早雷共訝如生鐵此夕因君竟滿眶

促袁坤儀志徐節婦

時修邑乘

逝矣徐君四十年當肯袁丈亦周旋余慚挂劒吳
公子誰爲鳴琴顧彥先傳世故無蘭玉種遺芳今
有柏舟篇左狐幸得雷陳在華袞還勞慰九泉

促志徐節婦不得詠歎三首

知君馳逐正蒼黃老我空遺札十行交隔重泉寒
管鮑書傳通國漏鴻光智昏暮夜情如水議凜陽
秋舌有霜魯史原非檣杌比忍教冰檠獨埋芳

其二

奇節翻从死爰疑生前膠漆棄如遺不侵然諾肝
腸許忽中膏肓面目移竹策竟貽青塚恨梅花長
負素心期夜臺旦莫同歸去便說思君亦忸怩

其三

支事平先生集

卷二

十九

清旦閣

柔兆維申歲氣辛赤雲吐餒捲氛靈虛名見慣錢
堪市朽骨誰知價可諸蕪穢幾編先積蠹縱橫十
道盡當豺世人殖貨酣無狀只恐浮生亦有涯

邸返管嶸谷

時管以今尹左遷寄雲尉

逆旅驚心思正紛那堪淪落又逢君相將貰酒歌
燕市遮莫揮鞭靖楚氛泣盡鮫珠渾未吐刑窟和
壁尚難分夜窻共說天涯路纔到關情不忍聞

丁酉秋有非意之謗

世事無端詎可憑行藏那恃直如繩幾看背井波

濤惡怪見晴空霹靂輒半世知心惟白日他年予
客只青蠅陰陽繆巧應難測判得愁中却盡生

丁酉學政紀事

時姑蘇伍袁萃督學吾浙

百年絃誦藹襟裾此日俄驚敢典虛試罷黃金應
敵斗風行白屋盡燒書秀將盈敵頻加殖蘭不當
門亦妄鋤最是秋初筆楚後青衿赤血滿河渠

送大兒如玉應舉北京二首

珍重長楊獻策身天高日永客囊貧驚心埜渡關
山川得意烟花帝里春槐雨細教清閣曙劔光遙
淨塞垣塵饒余恬臥多佳句懶寄空箋入阜輪

支事平先生集

卷二

二十

清旦閣

其二

片帆北上借薰風萬里雲程一夕通日近長安槐
景碧香浮閭闔桂花紅鹿鳴歌奏三秋捷雁塔光
生五采虹東事只今咨頗牧爲言江左有非熊

江右謝生玉樹遠謁農部楊致吾賦贈

二十年前返若翁論文對酒氣偏雄子須落魄如
陶癡子遂無家泣阮窮彈鋏漫紆千里駕綈袍誰
念一寒踪高情只有楊夫子爲解吳鉤挂墓松

卽境

機徑惟爭一着先淳芬李亦各紛然裝成伎倆無
虛日看到兒孫始見天鳩力無營身苦紉蝸涎有
限壁空綠霜青潦盡寒潭涸笑問浮生更幾年

邑令七年考滿投贈

聖王新恩踰地節聖書畱任寵文翁大樟七載奇
材見徹棘三回冀足空題處縹緗頻滿帙栽來桃
李幾成叢于今海島烽烟急吾邑跋跋可卽戎

送吳自湖司馬督漕

支華平先生集 卷二 廿一 清旦閣
自管真儒賴爽邦傳家千鎮氣橫江市開西北虛
以餌橈發東南幾換腔高竈湖平隄已決徐邳河
勢將降於今須信兵農合白粲齊教護碧幢

卷二

支華平先生集卷三

構李 支大綸心易父 著

七言律詩

謝門人陳樂菴侍御序述餘

三支族望皆稱賢萍梗江南二百年八世青箱猶
踈蹶九朝宦轍盡屯邙憐余落難繩武藉子吹
噓得浪傳聲橐莫愁無潤筆千金何處買如椽

如玉兒秋捷

差池半百甌藍田忽覩成名意惘然夢入彤雲倏
支華平先生集 卷三 一 清旦閣
綠鬢喜从丹桂憶青年未論世德行將大且見書
香得少延薄分生平無一偶倘徼蔗境藉餘甘

生第五兒如增

翩翩諸子藹庭除課業含飴總發舒齒似商瞿茲
較晚貧如元亮獨耽書鳩居任自無三頃燕翼饒
予足五車假我从今知幾歲好持忠孝荷經鋤

初度

華髮文章一卷經曉達初度愧餘齡幾从按劔投
明月浪向偷桃識歲星金盡自誇心尚赤客來誰

見眼堪青芝蘭風氣駸駸上詩禮翩跹屬過庭

題唐伯虎美人夜櫛圖

玉人丙夜倚妝樓一握青絲萬斛秋鸞鏡暗來添
別恨鳳釵排處半嬌羞雲堆螺黛巫山聚光微銀
缸碧漢流皓質娟娟蟾魄淨陽臺幽夢倩誰收

壽馮文學五十

秋日秋江景物新大馮君調好誰倫李當服政名
猶屈學到知非見始真慷慨荆山懷璞者悲歌渭
水握竿人紫萸且盡長生酒富貴行看逼買臣

支華平先生集

卷三

二

清旦閣

沈郡博澹滄歸田投贈兼柬令嗣仲容二首

丁巳偕君廩學官後先出處漫追从廣文蘊敝寒
猶在彭澤瓶空性轉慵鍼砭黃鸝聲入耳膏肓白
石癖填胸自來丘壑天常各不是高人不肯容

其二

半醒半醉夷猶日無病無榮落拓仙架上圖書隨
意閱檻前山水逐時鮮魚吞香餌鱗常繫燕累危
巢喙欲穿遁世不須愁簡宋鳳毛五彩更翩跹

感懷用甫士齋性之韻

眼空三界遍由旬獨立寥天一愴神抱璞曾嬰

楚別揮戈常欲靖胡塵青尊味美有佳句綠蟻香
浮無可人慷慨悲歌還自詫高山流水幾回新

登山次前韻

習靜幽齋已浹旬起憑高閣更怡神山間賸有謝
安屐扇底應無庾亮塵碧水丹山剛著我沙鷗楚
鷺故依人臨風爛醉發長嘯詩思秋光兩鬢新

題郡伯車子仁慕椿卷

嘉禾連稔荷春涵化日祥霖處處覃民有去思知

支華平先生集

卷三

三

清旦閣

報王親無遺憾貴生男典榮黃壤禹成五冊拜丹
綸命且三永慕休銜風樹恨已看錫類遍江南

壽護卷

壽母南來馭板輿護枝和桂艷庭除使君養志非
甘毳天子旌賢賚聖書陟屺幾人猶白髮舞斑若
個盡華裾長生何必尋靈島眼底蓬瀛自有餘

陸母董孺人故太學伯蓮元配也太學捐館

三十年而孺人克家教子如一日令子孺

蓮學成爲時名士會須致身顯規則孺人

苦節之報也聲諸詩歌以揚懿美云

幾幾卅載未亡人萬死寧移不二身機上滴殘紅
淚雨鏡中銷盡翠眉春貧供菽水心如擣苦和熊
丸味更眞林老漫勞許月旦旌書旋見紫泥新

渡瀛海寄河澗令徐東磐

獨跨雕鞍出漠關却从瀛海望天山屠龍有技身
猶健失馬無心夢亦閒是處鳥依青苑上誰家犬
吠薄林間楊梅正熟開簷蔔且襲香風破醉顏

別門人林孝廉龍津

支阜平先生集卷三

四 清旦閣

重銜簡命出長安兩度移官兩度閒千里憑誰歌
折柳一杯多爾醉征鞍郊原極目惟豐艸旅次關
心只故山衣鉢向來原有托好將吾道障狂瀾

途次渾滑過東平山同年陳珍凡守州不得

一見

策蹇披泥百道環間關不覺淚潸潸宦情已逐孤
雲遠行色渾疑五月寒忍向蒼穹嗟雙屐敢將丹
悃瀆龍顏途窮自咎無知己信矣人間行路難

壽某安人

火棗交梨獻海東錦闌清宴彩雲中兩髦獨矢共
姜嫄三徙全收孟母功綸誥自天濡湛露絃歌隨
地暢淳風萊衣分得袍花艷笑舞庭前樂未窮

過李司業故第二首

余與李自髫年同爲諸生甲子同計偕談
諧甚得乙丑李登高第俗子趨伺匍伏惟
謹余談諧如初李遂銜予戊辰李分考南
宮予卷在周微菴公房擬首選李故從總
裁所說以關節落之子偃蹇南歸而李永

支阜平先生集卷三

五 清旦閣

繡畫行張甚漫謂予曰我每人館中輒念
尊祖丰采蓋先曾祖蘧菴公以鄉魁不獲
一第仕爲翰林孔目故以是況我也而受
人袁坤儀每規予曰子何不少自下謝彼
哆口至甲戌予亦成進士而李病痿病狂
以歿矣先是李藉同年許令以臬司爲第
宅燬佛閣以自封不七載其子以售予新
郎葉君而李病時大不愜于金令餘山金
予同年也予時憂居每過從必諷以禮及

李物故予移書責金以大義金悟卒全其
家以今觀咎夢邪真邪經其居不覺惘然
柏臺已剪舊時陰劫火俄驚古剎殿突兀高牙猶
似昨參差短券遂如今廢典過眼三更夢生死論
交一寸心宋宋九京那可作不堪落葉埽空林

其二

黃葉隨風市地堦李花狼藉委城闌驚人勢焰原
如水回首名途業已塵寶劔有神還自合浮榮無
蒂竟誰真只今贏得將衰老且買溪舟理釣綸

支華平先生集

卷三

六

清旦閣

丁亥水災贈邑令

百萬厄巖赤手扶忍教澤國浸萑苻剿裁小試湛
盧劔指畫全勝祕景符滿地棠陰堪共憩頻年菜
色已全蘇請看諸道旬宣使辛苦誰如子大夫

己丑旱災又贈

蒲嵐就盡若爲哀撫字如君天亦回來幕賸聞追
往事去思早已入新裁均調緩急烹鮮手經緯分
明製錦才百里甘霖秋已過遙看瑞氣上三台

贈沈魯卿秀才

秋色寒塘逗鑑光風飄菡萏水痕香鳥鳴伐木聲
相應室借芝蘭韻倍芳卓犖雄篇追景福相將珥
筆奏長楊休文才藻憐腰瘦白紵歌成到建章

丙子秋余在閩闈董易書之役至乙酉復以
謫吏于役江闈有咏

秋闈兩度督傭胥轉眼江闈十載餘珠海森茫鮫
有泪蘆蘆荒冷食無魚黃金浪說能求駿驟耳猶
憐未御車一夕西風飛桂影寥天獨步認干旗

耶鄆才人將嫁爲廝養婦

支華平先生集

卷三

七

清旦閣

白首宮人被放回却依合殿再徘徊莫从廝養牽
裾去曾向昭陽奉帝來日色每于花底換朱顏況
復鏡中催皇恩若使畱青盼猶是當年續史才

卽懷

垂楊夾岸蘸輕烟水外絲竿物外綠着眼河山猶
昨日關情容鬢憶當年窮途置足無餘地聖世捫
心肯負天梁甫吟成還自領孤舟橫楚載雲眠

姚大參隱居

在吳山面倚西湖巷稱大隱

幽亭高架倚吳岑大隱歸來入市林返照躍金鋪

水面晚霞散錦落湖心雲山共獻千重秀花鳥平分一半陰最恨萬松山下路不堪凝睇憶天真南湖
有天真書院奉祀陽明夫子
張江陵禁學毀之念此慨然

中秋排悶二首

良宵黃酒強登樓去國離家總是愁客舍荒涼空有月征裘凋敝不宜秋十年好侶餘青鏡萬里通臣尚黑頭試向仙娥問消息人間何處是滄洲

其二

暫攜一劍客杭州風景蒼蒼亦壯遊鼙鼓驚心惟支季平先生集卷三

人清旦閣

半夜鶯花笑我又中秋誰人眷命來宣室何處笙歌宴庾樓獨有蟾光最相惜陽春纔唱彩雲浮

渡江寄孫許西侍御

戀國懷鄉一寸心塵途多故獨沾襟嶺猿已過三聲淚塞雁先傳九月音淪落始知官計拙紆回漸識世情淡浙江南去二千里望斷紅雲與綠陰

三過釣臺

千仞峯巒百尺灘披裘兀坐獨垂竿平生魚水風期合一臥烟霞午夢殘高士有心常慢世清時何

意得閒官十年萍梗看三過怕殺紅塵道路難

秋日懷舊尹金餘山

東籬歲晏稻梁新醉酒登高憶美人七載絃歌鳴里社千家雞犬信農辰恩周雉子心如母膳落狐奸政有神種得四時花萼在金風吹處盡生春

煙雨樓懷翼毅所郡伯

千季渤海政猶新此日嘉禾牧字頻再見閭閻運揖讓从教窮谷遍陽春釣鰲磯迴烟雲飲白馬湖平雨澤均只有任濤最疎拙儘容吟眺及芳晨

支季平先生集卷三

九清旦閣

嚴瀨感懷

出處無歸信陸沉竭來磯下把清陰已知玉石無成價却恐涓埃負夙心湍急未應鱗得縱餌驚行見逝偏溪寥寥千載知音在日暮聊爲澤畔吟

富陽令素無禮于遷客一士人嘆之感賦

楚楚空林暮色平蕭蕭官舍旅魂清已知霜露皆元化敢以炎涼論世情櫪馬恥云思遠道溪鷗終不負初盟風輕月淡芙蓉渚聽盡寒流五夜聲

撥悶

誤從委巷僦鳩居幽抱何由得暫舒送酒巧富人
病後催租剛遇月明初質未未贖寒先到葦屋方
乘雨竟沮猛向遊仙尋一快赤蚊玄蚤觸華胥

秋季之貶道經州平公署讀忠烈公詩不覺

感泣賡韻三首

管時銜命倅閩方車轍虛將一臂當幾爲權奸其
去就却因鰥寡受窮忙暮年受事心惟赤七載憂
說鬢遂蒼寄語當塗持論者少畱公道與朝堂

其二

支事平先生集

卷三

十

清旦閣

手握魚腸走四方綱常隨分可擔當漫云散迹難
從俗却愧閒官也自忙艸就未應玄尚白榮來無
奈素爲蒼蒼百年忠烈須知我總把丹衷托廟堂

其三

秋水伊人在一方幽懷暮景最相當兼葭波靜蛟
龍遠木槿花繁蛺蝶忙笑向此生甘落落莫將孤
憤顧蒼蒼願渠終運回天力金紫長年白玉堂

貴溪道中

十二黃頭發權歌一年途路盡風波

予二月初入
京五月領運

謂之命今九月故鄉豺虎縱橫甚壬午王令華源
刑缺頗苛復以
終矣尚在途次
請托入室妻孥偏謫多開官冷落衙役無迎候者
長途孤旅室人相對殊增
得薦俱赤滿楓林鴻杳冥綠浮村驢客蹉跎采樵在野
渾無賴邑事紛亂民之
逃者十室而五放志清狂奈我何

莫春新吳志感

三月春陰一夢中周南畱滯歎飄蓬逃名已愧爭
蝸角攬轡無須試蟻封玄鬢錯教閒處白桃花原
是謫居紅冬夜夢桃花感聞人云春權之
兆乃新吳官舍所見宛如夢中羈棲情
況憑誰話長嘯臨風天地空

支事平先生集

卷三

十一

清旦閣

七夕解嘲

井梧初墜露霏微雲自氤氳鵲自飛天迥玉塵凝
暗度月明銀漢失餘輝只緣慾界多離合翻使仙
源有是非寂莫張槎那可問浪從織女覓支機

賀邑侯壽誕

皓月凌秋景獨融使君嘉誕五雲中脂膏遍塗棠
堪憩琬琰存碑艸並豐卓魯幾年淹百里夔龍且
莫際重瞳古來賢相多循吏華髮旂常軼漢宮

聞諧四首

秋厓截薛倚穹蒼下有幽人踞石牀慣見蜨螂常
載魄忽逢魑魅恥爭光中庭得月桂仍發幽谷無
風蘭自芳縱目海天原空濶莫從井底測行藏

其二

傲骨惟便木石居故人姜非定何如彌生漫爾憐
鸚鵡漢帝從誰見子虛我已還山韜下壁君猶按
劍抵隋珠息機隱几情騰睡多口無端忽起予

其三

風塵廿載世途難歸臥山局重自完散髮獨尋河
支華平先生集卷三

十二 清旦閣

朔飲披裘休作拾金看泣牀直欲批刁協詠洛終
當識謝安妖鳥經秋猶鼓舌曉霞千頃碧天寒

其四

秋來灝氣滿神州掉臂臨風汗漫遊俠骨幾年嘗
拂劍朗懷此夜獨登樓常憐易水人空去還恨金
臺駿未收世態浮雲那可問蕭條千古一漁舟

和荅龍大章太學四首

傾蓋風流喜遇程暫淹征騎話浮生千秋俠骨虛
燕市萬里雄心狎鷺盟綠蟻光涵新漲碧陽春詞

迥莫雲平河梁抗手鍾期遠莫寫高山竹紫瓊

其二

白眼摩挲獨毀程百篇斗酒太憎生時有罵坐者半空
聲裂蘇門嘯五岳雲封木石盟嬾拙此身疑叔夜
垂簾終日信君平梅花香後無佳句強入新裁一
報瓊

其三

斗室神遊百二程英雄天地亦虛生嬾從巴里調
新曲且向龍門締舊盟白鹿紫芝吾不老唾壺鉛
支華平先生集卷三

十三 清旦閣

筑意難平靡無綠遍渾無賴漫掩玄關鍊八瓊

其四

片帆春水足飛程世路交情貴賤生龍君謂章令不見抱
璞無端時縱酒釣璜有夢故尋盟石門路僻宜靈
運鸚鵡才高惜正平藻句逼人卿太橫竹看繁價
重金瓊

客有攜七夕詩至者皆湔媒怨詞用韻反乏

潦倒西風憩午橋也隨兒女競良宵銀河隱見疑
仙駕金盒紫紵葩紫綃巧拙有緣人自乞令離何

意語空招傳訛似此知多事且拾新詩付酒瓢

聞信四首

余庚辰之貶主于某謀于某而某寔媒孽
其間至丙戌之讒又復尸之乃甲午鯢死
乙未向死周朱罷官呂又以賊戍聞之不
覺惘然自失

驚看玉碎瓦能全正是黃楊遇閏年羽箭不辭櫻
彩鳳爪牙爭願効鷹鷂閩中霧重疑無日林下雲
開忽有天點檢生平還自領漫因邸信一瞿然

支華平先生集

卷三

十四

清旦閣

其二

牢鹿風塵十二年多君下石爲周旋數行白簡憑
人畫一掬丹衷只自全時過冰山終是泮勢窮與
寵總無權蕭蕭野渡殘楊樹冷笑歸鞭有後先

其三

當年智畧足彌天今日天開聖鑒宣松逕未荒元
亮去蘇臺云墮伯詔還懸知夢熟三更後却悔棋
爭一著先來路何如歸路穩蒸羊無便托雲箋

其四

平生不識宣州史流矢無端似有緣傀儡故應爭
巧拙矮人何意浪嫵妍身披貝錦謀非左塢築辛
夷兆已先乙酉冬人觀途夢入辛夷院蓋平生未
嘗識辛夷花也罷官後避寇入居邑城
西北隅而隣有辛夷花茅屋石田投老處臥聽五
因攜種之豈非數耶馬日三遷

章邑侯以詩貽贈用韻廣復二首

白露蒹葭久杜門溝中那復望犧尊垂衣已負生
平遇藿食空銜國士恩髮短漫誇心尚赤齒長羞
覩舌猶存獨憐楚些多情思澤畔依依苦頌蓀

支華平先生集

卷三

十五

清旦閣

其二

手持世笏出金門善政多才衆所尊春到有情皆
顧化陽回無地不合恩清詩迥逼黃初上章艸俄
驚舊觀存更愧殷勤推詡意直將蕭艾比芳蓀

送嘉興鄭明府太初入覲二首

輕舸如葉汎帆開夾道遮畱首重回四載棠陰淡
構李一時駿價涌金臺臨風暫覺飛鳬遠對景常
疑竹馬來朝罷定前明主席垂綸休道子牙才

其二

少年穎異擅聲稱正是南陽佐漢齡長水霜凝春
尚凜驚湖月映夜偏澄危絃觸手看調瑟朽索關
心歎飲冰自古循良多特拜鵷班翹首佇先登

憑高獨眺

一巢佔勝倚飛翥身際層霄最上乘老去黑頭常
自笑貧來白眼更誰憎名歸趙孟忙軒輕利任陶
朱巧弋增風御冷冷諸品靜沈寥天外片雲升

卽懷

忠赤生平貫上蒼別好何意挂彈章沉寢已結三
支華平先生集 卷三 十六 清旦閣

季早激憤應飛六月霜天道循環終有復人心紆
險竟難量馳驅未遂涓埃願千古英雄淚滿眶

遇同年王吉山子

廿年雁序久投膠痛子箕裘遂燎毛欲拯窮途修
世講輒于同志取前茅稔聞越石追高躅勿使劉
標恥量交若激西江須巨力慚余一勺覆堂坳

有松士以倩筆見窘於魏溪自謂半世英雄

無端受折聞而慰之二首

半世英雄已白頭番從結客少年遊家無儋石常

輕擲袖有明珠却暗投去魏瞋然逃厠簣歸秦空
自泣貂裘天涯失路誰知已俠氣縱橫貫斗牛

其二

沈寥天外豁雙眸俯首僂躬步九州右轄崑崙凌
絕頂左睨溟海挹微漚角端久縛鹽車輓驚鶩俄
嬰露多學問世英雄何所事長空極目又窮秋

夢所思 夢中作領聯覺而續之

懷君無復見君時風雨連宵倍有思駭問別來殊

艸艸俄聆囑語更咨咨乍逢自恨從前隔又去誰

支華平先生集 卷三

十七 清旦閣

憑訂後期聚散都鄆原孟浪幻中情事夢中詩

悼亡爰

文學靈輻返故鄉南州絮酒意偏長讒淡駭見三
校杼義重還焚一辨香意苾休騰車下謗龍泉難
掄匣中光夢回轉眼成今昔鄆塢侯鯖總北邙

止謗

逃名局戶避庾塵何意流言陡地侵市虎俄驚慈
母怒歌鴟終白老臣心敢將盟血追疇答忍見椒
觴訟似今聞道謔人能覆國可知傾覆到山林

復袁坤儀

廿載周旋跡已陳雨雲翻覆竟如新參差按劍投
珠客慷慨論心把臂人世路羊腸還自領夢中蝸
角定誰真頭顱相看今何許雪影蕭蕭兩鬢均

卽事

垂楊宿霧艸玄亭隱几翻然愧獨醒薄海烽塵重
譯騎滿城烟火五侯鯖營中銳卒無完甲輦上詞
臣孰撼鈴永夜悲歌頻易枕匣間風雨吼青萍

穀雨卽事二首

支華平先生集

卷三

十八

清旦閣

萬曆甲午按君風力特勁湖郡惡少乘機
鼓煽伯千爲群架虛投詞因行劫諸巨室
諸巨室譁聞御史寔命之靡敢抗者卽大
宗伯董公宮允范公受害甚慘暨諸閣左
無賴亦相攻剽報復湖郡幾爲長平坑吾
郡與湖接壤諸惡少攘拳以望逞者無慮
萬人巨室愿夫耳語涕泣圍圍如負重譴
閱二月兵憲韓約菴入言狀稍改前轍不
大擾然諸惡少先期譁張恐喝良民爭致

金帛具酒饌以奉如互市者亦閱二月而

叢祠遙宇潔豚酒祝禱脫禍者香炬之儀

熏天際云至三月牖事甫定士君子相釀

脩楔而穀雨適值其辰人人更相慰藉自

是得耕于塋矣咏此以紀歲月

早乘穀雨帶經鋤送酒人來諗被除萬事皆慵猶
種竹千金盡散只畱書長陰陡覺和風動安步徐
看化日舒不是狂夫偏玩世也知天地亦蘧廬

其二

支華平先生集

卷二

九

清旦閣

當門蘭茝故應鋤塞路荆榛詎易除雪水更無脩
楔侶由拳剛有未焚書啞啞猿鶴聲猶咽楚楚松
筠葉乍舒滿目江湖休厝足祇須拚杖入匡廬
初度二首

其二

眼底流光逐逝波顏顏頻向酒邊過三朝仕隱身
須絀兩世清狂伴已多新翠拂雲森玉笋濃陰遶
屋簷金柯盱衡走筆傾千古閒看塵中赴燭蛾
且袖陰符篋太阿臥聽四塞滿干戈陰成白雪知

應寡悶熟黃芽髮未皓老計可能虛歲月官身那
許臥烟蘿細將殘局從前勘得數于今已較多

李廣文致歸

朝對華簪暮卽投飄然宛轉竟迴輦堂深雀鱸聲
榮起水足尊鱸典味幽北海矜綸翁望斗東甌砧
杵天驚秋丹楓翠燼風流近肯放紅塵染白頭

怨艾

寓形寓內盡含靈我獨何辜萬慮衡赤膽豎勳詭
旋伏白頭砥行妬偏櫻同舟轉眼皆成敵異域無
支事平先生集卷三 二十 清旦閣

午節用杜早朝韻二首

懸門不必爲人艾止惡何煩刻印桃一棹遊龍追
屈子五湖乘鯉汎琴高鶴形龜息身無漏招風本
芝耳有毫眼底風塵安足問茫茫大塊等鴻毛

其二

千秋競渡悲魚腹三士曾緣殺二桃漁父尚疑心
獨苦靈脩誰辯調彌高葵丹漫爾空傾日樞火何
因解察毫自是勝人多薄命王媼終古竟銜毛

東沈仲容馮行之敘之 時分葦芭乘

藻園八子歛聯翩素節清才羨爾賢關節不阿如
鐵筆冰心羞道述牀錢肯將十斛要丁廋寧爲黃
金廁太玄華衮儘堪榮白骨幾家生氣到重泉

贈馮濟之

白首經生彈鋏日青山逸叟著書年西堂春艸惠
連夢虹月滄江米芾船齊瑟見君追大雅楚騷添
我續新編鸞洲卜舍羊求侶濁酒長吟聽晚蟬

黷髮復番

支事平先生集卷三 廿一 清旦閣
閒來攬鏡倚前榮黷髮如童見幾莖潘鬢悔從愁
後短呂丹驚向悟來成周知松柏冬逾茂豈類蟬
蜩暮不生對景朗吟聊自喙未須懸想慕聃彭

支華平先生集卷四

稿李 支大綸心易父 著

排律

送王太史冊封秦藩便道歸省

磐石宗盟固宸章日月昭使旌遶玉署分寶下丹
霄遷史遊方壯王陽馭自調萊斑裁畫錦倍頌溢
春飄爲愛華南日寧馳隴右輶萱姿娛晚翠蘭樹
挺清標皇事須將母臣心更祝堯講幃虛席在側
耳聽回鑣

支華平先生集 卷四

清旦閣

東途阻水

山東霑潦後周道盡波濤在陸凝浮水驅車若泛
舠淺波猶沒脛跋涉欲齊腰騰沸陵爲谷飄搖粟
是芟淤泥行跡遍平土望中勞失路知予命愆陰
復爾遭知津漸沮溺幽蹈愧渙樵猶喜沈腰瘦兼
憐莫足高滔滔聲利客何日曬征袍

丙戌除夕

除夕長爲客今宵始在家都無官長罵終鮮吏民
譁弱息聞詩悟邨童得句誇送神朝葵楮守歲夜

烹茶混俗知無術浮生會有涯素心便鹿豕春睡
足煙霞對鏡丹如渥操觚墨作花方壺多夙約祇
用覓金沙

九月十九日爲章母初度賦贈

南極猶躔丙重陽復浹辰天符照樞社佳氣下高
旻名閭鍾祚遠芳閨毓秀醇齊眉坤順肅和脂母
儀真故繡由夫貴新封自子申一經勸督策廿載
歷遭屯貞母無瑕璧仁侯有膺春恩波覃涸轍丰
采動朝紳花縣神明宰楓廷骨鯁臣承顏多聚順
養志重宣旬絃誦長生曲豐稷瑞露珍四郊開壽
域千里播韶鈞象服斑斕盛鸞章祝頌頻滿斟醪
是玉細擘脯爲麟拜舞民人叶歡歌雉兔馴展如
無量佛不數八千椿

感徐節婦事志慨二首

藍田猶失種鳳偶忽摧殘風燭慈顏莫晨炊歲計
殫生前言可負死後殉何難仗友棲泉魄憑人發
竇端含茶捱旦夕嚼鐵厲心肝痛徹天應老操冰
夏亦寒從來無信史祇炳寸心丹

其二

南州標異節少寡古來難種玉前期絕瞻雲莫景
殘囊空悲瀝髓囊積痛摧肝已分蒸嘗盡誰憐菽
水彈拮据終永托憔悴盡紅顏昔也言同穴今茲
定蓋棺投崖情共烈截耳壁俱完鐵石猶堪撼冰
霜未是寒無勞鐫志艸已列婺星端

贈姚節婦

香奩方侶鳳青鏡忽分鸞靡恃家多難無兄祚更
單幽明千古恨生死一身難風膳令頻進遺經帶
支華平先生集 卷四 三 清旦閣

淚看紅顏心欲碎黃壤魄應安送往仍當戶貽謀
獨和丸痛淡天地老節苦雪霜寒信史鐫金石千
秋炳若丹

題同年馮源泉太夫人貞節錄

笄櫛歸君子相期百歲長棄捐在中道死殉何倉
皇伶仃牽弱息風燭恩高堂孤燈時慘淡夜雨幾
昏黃調膳聽雞早傳經促織忙只將心比鐵不覺
髮如霜子壯名將起親終事已襄玄扃他日面綠
鬢笄年腸魯鵲堪賡咏姜舟足嗣芳清朝旌詔重

奚獨里間光

贈於秀才

昭代二千石箕裘得子賢賦成垂十載帷下又三
年繪藻天葩豔鉤玄象帝先芝蘭真臭味葭莩托
烟燴治策工見畫憂時泣祖鞭行藏虛歲月勲業
寄韋編佇擬層霄上崢嶸更孰前

輓余明府二首

抗手杉青許丹楓露未晞鷁舟虛迅發龍劒忽翻
飛雅量空湖海高懷畧等威暫違猶愜慕長逝可
支華平先生集 卷四 四 清旦閣

歎歎黔首追遺愛千秋炳若斯

其二

余侯良已矣齒屑正霽霏交道殊存沒冥途有是
非亂拋分手淚猛扇蓋棺誹易啗唇間蜜難防腹
底機只應林下爰猶自惜畱衣

石城王秀峯卷

西江挺奇觀高削玉芙蓉材植初封梓庭栽笄剪
桐巉岩二島似磐石萬年雄入老傳丹處青恭照
卷中願言崇大雅一德拱堯封

漫興

孰謂予年老才高命可衡玄英行自至白髮敢橫
生目見孺枝菌心驚腐艸螢去秦幾已兆獵渭夢
須成慷慨英雄淚千秋共此情

絕句

瓊林宴

臚唱鉤鉤下玉宸袍花初試聖恩新宮醪醉出長
安道紅紫三千別樣春

出關口占

支華平先生集

卷四

五

清旦聞

下帷跌坐七十日忽見天光發香冥萬里晴空雲

盡掃一江沉碧浪初平

渡章江大風雨

江風如吼雨如傾萬頃波濤一葉橫試覷奔忙名
利客也須到此念頭輕

懷冊禁

會試例無搜檢嘉靖乙丑始設時被逮者
十餘人

咸世方崇洛下才嘉賓曾宴鹿鳴來從聞入國須

知禁今日官家禁棄灰

挾冊者被逮咏桃諷之

仙桃一種倚雲栽珍重徵求萬里來却恨無端貪
結子隨風狼藉委塵埃

七夕

牛女盈盈隔水遙祗憑靈鵲爲填橋世情對面成
千里那得雙心一夕交

門人陳文學過從

烟花絲竹遠春城喬木嚶嚶鳥自鳴艸就玄經愁

支華平先生集

卷四

六

清旦聞

宗莫問奇剛喜得侯生

讀史十首

漂母

封侯推食渾閒事何自翻爲老媼哀却報數言殊
咄易吾嫌一飯是嗟來

虞姬

鏖戰睢陽水不流三千女色銳全收可憐亘古英
雄淚祇爲虞兮灑鬪體

鴻門宴

玉玦屢翹機尚淺當筵舞劒術尤疎縱教如廁能
潛遁何不先批瀾上虛

子房

伎癢英雄不自持韓仇聊爾藉名資快心三月咸
陽火何似虛投博浪椎

淮陰

鴻溝血誓俄成幻帶礪金盟條已寒躡足假王瑕
蒙啓可憐感項是夷韓

沛公

支華年先生集

卷四

七

清旦閣

火燼咸陽勢已傾并齊收趙更誰爭可憐夜半陰
陵道無復鴻溝兄弟情

文帝

浪傳絳灌忌才華不道文章忌當家宣室夜分前
席罷少年應是老長沙

匡胤

頃刻黃袍與禪壇趙家神術過曹瞞只緣傳得陰
謀在金匱盟言忽已寒

光義

斧聲燭影奸全露金匱遺謨事總誣天定勝人踰
七世秀王曆數恰相符

秦檜

一旅江南巢幕燕驚魂殘息敢稱師康王偷取和
戎利浪道金牌出會之

讀鄉書

逐隊隨行三十春蹉跎不覺二毛侵何時得見周
元老消盡生平喜獵心

入京往別徐嫂不若而返口占二首

支華年先生集

卷四

八

清旦閣

短褐逢春又遠遊叩門無語泪長流剛悲伯道扁
幽戶忍向空庭啜茗甌

其二

十載風塵走逐臣愁多豈爲守官貧徘徊伍水烟
雲散不見當時仗劒人

亡友徐志山賞陸虬川謨舊居豐前橋左經

其戶爲之悽然感賦二首

培塿甌山色自青川蟠門左作虬形嚶嚶黃鳥鳴
如訴不似當年伐木聲

其二

危樓終夜泛金卮爛醉狂歌倒接羅一自河梁攜
手後至今長抱子期悲

訊徐姁過虬川故居

陸無子僅二女

樓上誰人鎖白雲橋邊伍水自沄沄中郎有女渾
無賴野雀群欺燕壘焚

卜居熙寧渚憶徐陸二十又二首

徐悱登城古意空陸機去鶴吹雲中眼前風雨多
番覆歲晚誰爲田舍翁

文華平先生集

卷四

九

清旦閣

其二

栖栖萍梗一逋臣官罷蕭然倍舊貧漫向門前栽
五柳南鄰那得素心人

明妃怨二十四首

余故疎簡不習爲吏于役泉南匝期月耳
乃屹屹效古循吏蹟謂孔孟之道必可行
于時士民翕然稱之洎以憂去士民思慕
如初越二年所爲仇者所傾幽憂聖室自
怨自艾因念王昭君以殊質入宮卽不幸

猶在灑埽末毛延壽狡焉中之迄殞絕域

矧萬里孤孽哉聊爲吟詠以助擊筑語云

長歌之哀甚于痛哭詎不信夫

清晝深沉局鑰負鸞鑣轆轤是宮車假饒得倘椒
房役未必當能讓婕妤

其二

徑路無媒不自由明珠忍向暗中投蛾眉自管多
嬌媚幾個承恩到白頭

其三

文華平先生集

卷四

十

清旦閣

曲房長夜聽秋砧絕曠由來志念淡辦取赤心事
明王賂工何處得黃金

其四

千金纔得倘朱軒百萬方能近至尊陳后管年多
寵盛也須司馬賦長門

其五

染就香肌粉末勻黃金一着倍生神本來妍醜誰
還識塗抹由他筆下真

其六

女史無階進彤管校工任意舞毫端何當自獻披
香殿倩取君王仔細看 右宮中怨

其七

自倚芳姿徹骨真好修那忍贖錢神今朝上馬肝
腸斷却梅花客解悞身

其八

緘恨含顰怯訴春下陳舊矣妾身新儂家自被丹
青悞豈是丹青欲悞人

其九

支華平先生集

卷四

十一

清旦閣

敢怨生身命不猶敢嗟粉績故相仇踽踽株守離
宮下縱有恩波那得周

其十

帷幄原非乏運籌封疆應也足戈矛自憐無補昭
陽役拚取微軀爲國謀

其十一

妾有真心主有明筆端誰道巧相傾當筵奏對天
顏悔始信君恩本不輕

其十二

袍裘毳結若爲容羞對菱花泣北風玉質任教憔悴盡也應不似画圖中 右舜宮怨

其十三

宮人負寵如雲騫画工搖筆如風翻而今不用更
相妬已抱琵琶出玉門

其十四

漠漠黃沙黯黯陰琵琶咽咽恨沉沉胡人不解思
君調笑道全勝傑韞音

其十五

支華平先生集

卷四

十二

清旦閣

朱顏儘奈黑風吹一寸丹心男子奇若比祁連山
上石沙埋雲鎖不輕移

其十六

飄飄豔質向誰榮損我容華益我名試向宮人斜
上望和戎若個更馳聲

其十七

自從騎馬出瑤林萬里烽烟接塞陰不是君王剛
棄妾妾緣自淺聖恩深

其十八

拚却微生靖虜塵只愁腥虜未堪親白登止是傳
空影見說闕氏已沸脣

右出塞怨

其十九

愛生不逐大羊腥萬死終須死漢廷記取他時原
上沖千秋應作漢家青

其二十

帝家女伴三千侶北使蕭蕭不寄聲若問妾心天
外月照將瀚海色逾清

其二十一

支華平先生集

卷四

十三

清世閑

右賢王信自龍庭傳道丹青盡伏刑窮海只入平
漢德却從油幕聽和鈴

其二十二

織得迴文獻紫宸帛書血縷染胡塵君王只道邊
陲靖未解沙場飲恨人

其二十三

南飛征雁寄遺音萬里風塵紫禁深合殿由來知
已少誰人剖取歲寒心

其二十四

淚漬織羅字有痕紅妝凋盡漢環存妾心便訴君

王道未必過塵解斷魂

右寄塵怨

問道傍棄婦

金鈿翠髻石榴裙玉質冰肌腦脂薰如子丰姿應
絕世爲誰哽咽不堪聞

棄婦答

嬾修眉嫵向東風自答承恩不在容班后衰時飛
燕棄由來新寵亦難終

信州公署

支華平先生集

卷四

十四

清世閑

玉露楓林旅雁寒綠蕉分影入雕闌自憐兩度來
江右不是閒官即冷官

聽百舌

間關百轉任雌黃短喙無因抑與揚最是幽人春
夢後數聲腸斷巧如簧

聞鵲

蘆汀颯颯渡舟橫臥聽波濤幾度更怪底鵲聲頻
入夢乃公河上學逃名

題扇景

一葉扁舟一釣夫茅亭溪處掃寒蕪醉吟梁父聲
如吼天際浮雲任有無

七夕乞巧六首

謫來兩七夕矣況味聞寥無可與語良宵
對景率爾調唱豈惟搖落之悲哉

翠幙淡淡鳳幄開玉街隱隱鵲飛來謀生百拙從
誰訴天巧憑君取次裁

其二

華幄香闌日日開銀河清淺鵲常來不知帝子緣
支華平先生集卷四 十五 清旦閣

何事故遣佳期隔歲迴

其三

纔渡雲輶曙色催却瞻歡宴意徘徊匆匆群緒猶
難盡巧思何因乞得來

其四

巧術縱橫日月昏巧言截截更瀾翻天孫似厭塵
寰巧故逗佳期隔歲論

其五

莫將修曠怨星河未似人間別怨多失路天門應

似海年年爭得一回過

其六

負水深恩夙昔同盈盈一水遂無從君門萬里孤
臣遠縱巧如何得自通

得巧六首

處處穿針望碧霄天機軋軋閃紅綃西來青鳥傳
消息定擬佳期在此宵

其二

玉梭金鏹絲橋頭星月亭亭水不流早泛靈槎移
支華平先生集卷四 十六 清旦閣

桂轍便從脩渚渡牽牛

其三

佇瞻龍輦渡河時牢把霞裾問別離才調只今誰
得似可教畱滯乞蛛絲

其四

娟娟靈匹倚層穹曠歲幽期一夕通最苦人間魚
水契忍令齟齬歎英雄

其五

輶車綉幄赤光浮八寶雲囊五色稠慙愧天孫分

巧意浪陪王母叱三偷

其六

讀盡殘編閱盡人間將巧拙細評論人間巧盡終
成拙天道常將拙勝人

秋興四首

橫空孤鶴警秋鳴老驥長嘶萬里輕愧煞壯心無
處耗漫從野叟學長生

其二

東封西禪五雲車烽火甘泉擁翠華漢帝憐才似

支季平先生集

卷四

十七 清旦閣

飢渴念儂何事到長沙

其三

蘇子坡前夜色涼徐君祠畔藕花香西山爽氣章

江雨裴點閒官日日忙

其四

遼左滇南兩歲兵吳山楚水困輸征芙蓉幕下梧

桐雨挑盡殘燈夢不成

園居禱咏九首

看花

昨日枝頭爛慢花一宵風信委泥沙浮榮自咎無
根蒂何必沾沾傲物華

對酒

剛向瓊筵快舉觥無端傀儡早收棚長安貴客如
中酒席罷醅醕盡日惺

觀雲

天際浮雲一瞬更飄風那得決辰鳴人生僅似埃
樓艸敢向洪鈞索滿盈

駕舟

支季平先生集

卷四

十八

清旦閣

世路風波洶未平乍來逆順漫喧旬長年三老雖
多伎安得飛帆十日程

鷗渚

臥向沙頭狎鷗盟摩挲白眼醉來瞪西臺風力徒
云猛不似晴空一羽輕

夜坐

軀殼飄飄一水漚更從漚外計沉浮可憐夜半眞
需性都付名根與霸謀

櫛髮

束髮馳驅短鬢休閒居底用思如抽生憎幽薊饒
霜雪一染風塵便白頭

山亭

天空日落鳥飛還錦砌丹霞遶翠巒十畝野塘千
個竹人生何必老長安

野眺

少年喜事近來慵遮眼文章義亦憐臥起憑高紆
倦目閒雲幾片落長空

送郡侯張程川署縣還郡十首

支華平先生集

卷四

十九

清旦閣

十載驅馳紫陌塵宦程紆復聖恩新响响孔喃張
明府曾向中朝律貴人

其二

前渡波光徹底清再來風骨更瑋瑋願磨胥嶺忠
臣石記取西曹法吏名

公甲午冬來視
篆戊戌春再至

其三

雞犬無聲散曉鴉荆條不刈足桑麻使君原是陽
春脚畱得東風與萬家

公催耕不遺
人不利用

其四

十萬漕儲一字平千金不染半毫贏縣刑兀蠹都
蠲盡兩月誰云福力輕

微序

允漕力蠲清費微金無羨
公給憲云視事兩月日淺

其五

似聞仙鶴向西來爵墓俄驚覆綠醅追送無緣非
中酒怕看水滸一驅開

予以拜墓
不及追送

其六

百日陰霾一日晴老天應解別離情魏溪三月烟
花景夾道遮畱緩去程

春來久雨公
歸日留晴

支華平先生集

卷四

二十

清旦閣

其七

不向山頭挂紙錢不從脩禩到江邊喧騰萬口攀
畱者只訝今朝遠二天

公行旅在三月
三日值清明

其八

兩足郊原楚麥新風和桃李櫬門春別來河畔千
株柳青眼依依亦帶顰

其九

只尺禾城望渺然去思來暮共喧闐松窻月色桃
花雨一夜懸心似隔年

其十

使君望實六曹先澤國行珂亦偶然上苑名花須
種植莫雲有日憶江天

少尹朝回投贈二首

自攜手板出鴛班兩度雲霄顧盼間良吏不矜君
寵渥天威只尺不違顏

其二

潯暑馳驅方緝貢凝寒策馬復嵩呼知君亦有陽
春調不向松間只自哦

支華平先生集

卷四

三

清旦閣

寄水部章循之八首

章舊爲邑令時督稅蕪湖以詩見脫

一從分手出西郊夢寐常驚迂節旃自是七年情
若水誰云千里不神交

其二

欲知遺愛在甘棠綠柳陰陰遍伍塘七載弦歌垂
俎豆千秋白雪見文章

其三

啼鳥三匝上林枝一疏陳情慰所思匹練吳門看
未足襜帷又報人鳩茲

其四

風流謝眺白雲泉爛熳新詩錦字傳怪得空齋光
徹夜明珠幾顆案頭懸

其五

五雲淡鎖謫仙樓丙夜寒芒燭斗牛只說楚關堪
禦衆那知輦上有應劉

其六

鍊就干將赤鑄山腰間明月挂金環而今使節臨
姑孰紫氣東方定滿關

支華平先生集

卷四

三

清旦閣

其七

漉巾濁酒甕頭眠白眼逢人氣嶄然借問陽水依
幕客只今誰似李青蓮

其八

鳴緣行成事枉然甘泉烽火薊門天英雄袖手還
誰識憔悴滿菰只自憐

送馮文學濟之館廣平徐令八首

浙下傳經已有年又攜經笥五雲邊社中白雪人
千里坐上東風馬一鞭

其二

孔壁藏來簡半詮伏生口授義箋箋漢家若下遺
經詔應喜馮生尚艾年

其三

沙朔風高白馬寒叢臺天外一彈冠中原極目春
應遍賦就梅花好共看

其四

花燈結綺漢宮春眼底浮雲意氣新此去爲尋燕
趙士悲歌慷慨更何人

支華平先生集

卷四

三

清旦閣

其五

翩翩國士舊風流春雁隨雲亦壯遊祇是五車攜
不去夜燈風雨腹中收

其六

一肩行李半囊書門外俄看出有車徐令縱云能
嚼檠賓筵何必食無魚

其七

柳條如線艸如茵欲縮長條繫去輪任是封侯年
少事也應難解鏡中顰

其八

白首紅塵惟仗劍風簾雨葉沒然藜讀書臺上人
初去織錦機前烏夜啼

齊若卽事四首

鴨綠風波勢淼然遼陽底自遍烽烟東山不起謝
安石和戰惟爭一着先

其二

爛醉扶歸倒接籬風塵白眼任傾傲孤舟盡日無
人渡月黑濃霜海外師

支華平先生集

卷四

三

清旦閣

其三

手握龍泉照膽愁剗犀切玉好誰酬無端長閉豐
城下紫氣空濛貫斗牛

其四

五陵裘馬自續紛委巷窮交獨閉門月色空明時
拚映人情安得似秋雲

庚子送余惺韋應舉浙闈四首

劍井曾聞瑞氣生掄材此日見蜚英扶搖自有凌
秋翮好趁長風促去程

其二

少年裘馬自縱橫
鐘鼎功名一羽輕
四海黃金惟駿足
千秋白雪見飛聲

其三

松石亭前酒色青
紫薇堂上桂花聲
子科吾邑饒登雋
才調如君協地靈

其四

老我曾叨子歲名
雄飛今日喜先庚
兒曹微得朱陳誼
好向金臺接翅行

支華平先生集

卷四

五

清江

觀芍藥二首

花王已恨殿春光
花相合芳至六陽
安得玄工更造化
會教喜起協明良

其二

仙姿原不侶群芳
待得繽紛已六陽
縱與花王不相值
官教溱洧漫相將

咏結梅

鐵幹霜葩挺異姿
無端繩索故羈縻
本來曲直還誰識
世態看來曲更奇

遊黃金臺有感

振古誇傳郭隗臺
千金市骨致奇才
而今世治渾無用
盡向鹽車縛輓來

支華平先生集卷四

支華平先生集

卷四

五

清江

支華平先生集卷五

樵李 支大綸心易父 著

序

送陳應虹座師以左諫議擢山東兵憲序

國家樹給諫臣直掖垣內專封駁其制視諸京朝臣特重既任率數載不輕徙秩滿輒服在卿佐大僚時時出一二補藩臬司初亦曷嘗不獎忠直而酌年勞哉迨歷練之術行而老成者以資絀遷轉之期亟而鯁峭者以年沮 孝廟後諫垣遂多故

支華平先生集

卷五

清旦閣

矣總之不出兩途有悍然冒清議懸危法以震言者其究也法極而身繼之乃以成言者之名于是有嘻怡渙忍謹然示人以有容而陰疎貳之以穢其權甚者中以法而汗蟻之俾言者不獲自直而已得有辭于天下蓋自咎舞圖機以刳言鋒者雖低昂遞更吾咸得攬其大較云居常念汲長孺佐武皇朔朔于時忌不見察泊出守竟以一臥治語咻之唐子方許文潞國至叱咤廷陞中而潞國終能洗瑕捐忿同升之以參大政蓋兩宋尚清議其

公卿典刑邁前漢殊絕矣止當長孺與平津爭布被時豈復爲身資計哉而子方淮浦一塗直以忠義自仗亦豈卑卑念內外資者乃長孺依依款款懷戀禁閨子方一承薦剡遂忘宿嫌欣然與之共事此未易與淺中道也臣子抱犬馬戀主之忱安能斯須忘天下哉誠念天下大本在王上一人吾苟獲瀝吾血誠以翊戴而保護之登王上于堯舜之隆天下治若股心之役臂指耳釋此而之外僚雖盡所長以就于理如根本何用是志士純臣日以糾德弼違爲事而彼倡均任歷練之說而亟遷之者凡以塞言路而啓之竇也夫以長孺之樸忠俾平津少優容之亦奚損于平津而漢家之強藩巨憝環伺而竊發如淮南流者其先事伐謀之功奚可勝紀顧局之一淮陽間子方詆訐宮闈當宋天子震怒時潞國卽爲所欲爲奚不可者乃引咎自歸尋顯陟之其有補于宋治甚鉅而潞國反藉是以永其譽然則優容直臣誠秉軸者之偉節哉顧自漢迄今中更幾賢相而潞國一舉竟爲史冊

支華平先生集

卷五

清旦閣

奇觀蓋峭直難親軟熟易制諛言便耳激語刺心
恒態固然古今一轍矣然長孺卽少疎而武皇至
方之古社稷臣子方一出而孤忠獨立之詠終古
藉藉有聲則須臾一內外資奚足爲丈夫道哉我
師應虹歷宜賓尹著循良聲旣久尋召入爲左諫
議侃然以道德佐天子直聲振一時浹二載擢
佐山東憲備兵北海登萊濱倘亦獎忠直酌年勞
之制哉第吾師寔社稷臣旦夕宜復入侍天子
左右愚且鐫金石賜路國之烈矣

支華平先生集

卷五

三

清旦閣

送巡按督饒孫許西序

吾浙自晉稱沃壤顧漸靡恬嬉久矣至萬曆初會
省里中少年競習猥險慆悍椎埋飲博之伎以相
夸詡中外無慮三百群群率十百人有善計畫者
有足力者有珥筆者有趨捷善偵探者有辯給者
輒自標榜爲名高恣睢衢市謹呼謔浪一倡百和
或白晝搏人攫其金夜則昇道殢陰中閭右之家
陽爲講解以貨行成得貨則釀飲酣醺遞相連逮
里閭騷然郡邑長貳畏其口爭下之如拊驕子直

指使邇亦挫于權相務以煇器苟容罔或攫其鋒
故日益錄而縱辛巳冬許西孫公奉命按吾浙廉
知之曰余事也且皇祖以饒政致煩直指使持
繡斧巡行豈謂權饒哉念勝國不綱釀藉張士誠
方谷珍流煮海鑄山竊據土宇元社以屋厥監不
遠乃重命使臣以制之本所以來詎顧顧繩責柴
備哉第其徒夥無盡殲理遂擒厥渠魁法之諸黨
駭遁會城以定壬午春三月募兵亂縛吳中丞于
營將刃之遽聞上下喑噤罔知所出公挺軀入營

支華平先生集

卷五

四

清旦閣

曉譬迎順利害甚悉而公脩幹洪聲素有威名慷慨
激烈亂兵聽之錯愕喪膽相率羅拜請命卒全
吳中丞以歸無何閭左亂闔城縱火徹晝夜鬪剽
掠閭右殆遍已直入張巡按門環內外索且甘心
焉會匪束薪中以免獨相戒毋近武林市令聲徹
饒臺激孫御史來也及相顧推雄長受約束舉事
無可者則愼恚曰藉令諸渠帥不觸孫御史網乃
今萃諸少年橫行江淮間拉枯藥耳旣三日公定
計與御史大夫張公崑崙會擒之崑崙亦服公威

名且按浙久知民隱故用公策以濟藉第令公不
蚤至不先遣諸不逞者則二亂時推爲帥長諸少
年千百人爲先驅分劫衢市會城有完璧耶矧諸
不逞素俠豪詩張破竹後浙不魚肉耶微浙而已
江以南姑蘇震澤間惡少元凶凡幾浙不完江南
北且騷動不血戰十數祀不斬艾數萬命能卒定
耶卽匪惡少元凶者相翊煽方亂旣作匪公溪沉
果殺坐策機宜折衝而奪其氣徒令白面生睚睚
于于談舞干上理呼吸間雷都振武之變立作矣

支華平先生集

卷五

五 清旦閣

公能庇吾浙能全江南北能固億萬年根本功德
于今代最大吾故紀之以俟信史

送少司馬吳自湖再起淮揚總漕序

貞諒直方之士懷奇蓄憤翹然思爲世用世亦甚
倚藉之而恒不究其用脂韋澳忍悛悛億億者多
致通顯握鉅肩重遭時幸亦偶無青災于是聲景
姍議剗觚挫稜比圓迂方依曲違直將守其町畦
爭蹂躪之將固其戶樞爭排闥之將驚駕騁轡爭
格鬪之斤斤信志永矢弗渝則踰垣鑿坯之侶也

一不幸則溪源之咄咄書空也孰爲之徒而掖援
之故志士仁人欲究其用而不失已亦危矣公素
貞諒直方士也游歷世路三十餘年其所遭淹頓
腐阿稔矣茲入也能究其用乎不佞綸竊有獻焉
渡江而北高寶間湖平而隄弱卽一決無論漕艘
頽隄之民魚鼈矣長淮以北河身淤淤視世廟末
高數尺有咫勢不返而四注乎登萊間古所稱習
許多變區也膠河之議盈庭而莫之決卽決矣且
群數十萬不逞之徒趁起中原累歲而未克報績
支華平先生集

卷五

六 清旦閣

能無他虞乎卽令績用成矣彼數十萬衆者服事
且十年歸靡寧室矣能卒散之乎邊關百備驟整
戍卒身役戎酋利廝養矣令犬羊易慮誰與爲敵
者而藉馬市以餌之幸旦夕安亦嘗念物力易絀
戎心叵測關廂鐵幣狼藉而草竊者盡中原之膏
血耶數者厝火之形也而持議者務積薪不已不
念其一燃而燎原耶庸夫見尋尺而忘遠駕志士
炫奇策而鮮成事此物情之大闕也世顧見脂韋
澳忍者或全軀保妻子以幸去而貞諒直方之士

類矯矯不狎于世遂舉而棄之若不可近獨不觀
三季迄今慨懷任事諸大臣孰俊俊德德善逢人
意旨者乎余故謂士人用世與否視所遭何若耳
苟獲所遭卽貞諒直方不廢或廢而復振以究其
用設不遇卽俊俊德德廢矣然則貞諒直方亦奚
妨于富貴而必俊俊德德適人意旨以求用哉于
子公之人也爲之撫然

送徐司訓擢掌新昌教序

穆宗肇位四海漢惟化源崇文學詔天下郡國貢

支華平先生集

卷五

七

清旦閣

士必拔其尤者乃得上之時我浙徐君在選中上
春官春官試可進之廷再試之下之太宰時太宰
奉詔令慎選法其恪當選曹挾敘冊上太宰曰今
天下稱多才所無踰浙次者江西而浙之紹興江
之南昌則二藩所揖讓也徐子才若是宜委之南
昌以宏厥施南昌據會省要區也部使監司輻湊
而填沓而士人則囂然逸于繩勒之外司教者日
夕勸勦馳驟奔命食不服給而于士人率莫知誰
何乃徐君敏給善應上以承諸司咸得其惟心而

下亦與諸士相切劘既踰四載會 今上銳志治

理修 先帝之績太宰課天下吏謂選曹曰徐子

前試南昌效矣宜還之浙浙惟紹興號多才其以

遷紹之新昌俾專校事云外史氏曰國家監古晉

選舉之法著在功令內設胄監外置郡邑博士弟

子員俾歲簡可者上春官藉奏諸稱者遣受業胄

監其高第授郡邑博士復徃教弟子員事權殆與

諸牧宰埒比能就事視科甲相什伍得人爲彬彬

顧不慎且重哉延祀二百習靡文勝憲臣輒輕視

支華平先生集

卷五

八

清旦閣

廩資易以售人食廩久者積資既及不問可否輒
以上春官就學士試亦不問可否輒報稱曰憫老
而惠寡耳以是太宰亦易視諸博士不問可否率
數載徙棄之若弁髦焉蓋上下交相病也 今上
膺沖嗣緒委心元老蒞夙蠶而一新之敕憲臣貢
士法惟謹登明選茂胥暨于位與科甲什五交進
諸博士咸爭自濯磨以承翊休明之化徐君雅稱
詔旨太宰推轂而峻擢之真知人哉子家自高王
父敷貽我後人休曰願世爲校官既會王父登賢

利及王父及我家大人世受博士官弗敢忘也余
倖獲第家大人移書邸下曰汝叨知遇當惟所任
使效犬馬勞顧高王父命在也倘得給博士符爲
天子造多士詎非世業乎余奉命獲領放南昌又
獲與徐君偕決一祀所矣蓋朝夕商榷觀劇甚決
也茲擢矣行且殫文德以陶我鄉人固 聖天子
新法之德意哉

送周二泉調尹華亭序

三泉尹吾邑政績赫赫顯矣顧獨刻意心學日與
支幸平先生集 卷五 九 清旦閣

華平子相砥磨茲以最報更調雲間且行華平子
以學質之因以爲別云聞之曰心正而不偏則氣
融而無間物格而不二則養熟而道凝蓋天下國
家之治本于心竅于知而物實障之物不格則知
不致而心不正身不修施之天下國家無一可者
故明德而格物則障去而明全親民而格物則物
體而親至物格之至卽至善至善之止卽知止而
定而靜而安慮也慮則心無物累而通乎微矣故
得得者明德之得諸已也今公之治也或以地多

豪猾而糾之以猛或以地多權貴而徇之以縱或
以邑多逋負而急于征輸或以勢多牴牾而弛于
繩勒或畏其流言告訐之習而有所阻或惡其囂
譁冗雜之俗而有所忿若者皆物也有物則偏偏
則滯由是而加之以係吝終之以蔽固益之以聲
色文之以矯飾而良知之體牿矣又安能全其沖
虛靜一之故而得其通微知慮之精哉愚又聞朝
廷分土地有遠近臣子事上忠無兩心管之治嘉
也待士以禮御民以仁繩胥吏以嚴處度事以預
支幸平先生集 卷五 十 清旦閣

隨宜順應一無成心格物之功裒然效矣是政也
果可施之松乎抑將隨時變易順風土之宜而爲
之轉移乎謂嘉之治必不可施之松而矯焉亢其
所守物也謂嘉之治已有成而必欲施之松膠柱
而鼓瑟然亦物也一物不格則偏滯生而係吝蔽
固之弊聲色矯飾之私交至而遽見矣予于公且
相成以道義而相期以無窮之事功非今世功名
富貴流也故于公之行不爲稱功頌德惟序其格
物之學如此

送徐魯源視學陝右序

余同年魯源公夙歷春曹郎署有聲既外補凡遠
巡江右藩臬司者數祀乃聲稱無異郎署時魯源
好理學津津不出口所至輒圖章掖士上下商確
不勅章掖士嚮往之若奔赤幟銓司遶陝右督學
使以魯源往廉其素也瀕行藩臬諸寮睽然慕之
謂余素有槩于公心宜有言余念公之于學行且
典學憲請以學進惟國家監三代造士之法察郡
國之秀補博士弟子員俾考撫往咎宏辯典紀憂
其歸折之于經義夫經義固先哲所以闡性靈敷
典則而本之實蹈者也乃其蘊則發之文文以信
心而符行亦奚遑匪學矣洪宣中士爭博訓詁遺
本溺心性術之學惜焉自陽明先生力排故說探
討淵源風響谷應洋洋乎關閩濂洛之遺然其說
獨盛于虔中傳習既久獵名創戶之徒竊其似以
自炫者往往陽附而陰畔之迄于今士咸標華而
剽實競詭而踰閑甚者剽章弋字併其文而浸滅
之司學者率矯節易慮日事周防剝厲之術而文

支華平先生集

卷五

十二

清旦閣

日不振此世道之大懼也魯源神悟宗旨于數十
載之後而微言懿行復自虔中發之江右士望魯
源如陽明矧今自南而北釋兵刑錢穀而視學事
益專教益普異時陝右士有不心服而速肖者乎
且陝之俗惟樸而沉鷙強力而慕義自咎記之孔
氏所謂剛毅木訥人也今卽不古若而先聖王之
流風遺烈當僅有存焉魯源第遐觀神矚旁諏獨
斷直躬以端其則章厚以鎮其囂肅紀以督其怠
烝烝然率所自得者以陶冶而進退之俾紹明聖
緒借之大中學不在茲乎間嘗念穀函巴隴之險
國家之雄輔也虜入套而金城失險矣隴岡以西
土衍民殷尤爲三秦右臂乃董學者率不及至而
更轄之然則所謂聲教西被者非耶今隴西諸郡
方彬彬向風而套中土著者半漢人其惟悍慕義
習性當有同者詎不可以化誨懷服耶茲行也其
求三秦豪傑采觀風謠而經理其要會裁軌物而
撫柔之以承翊休明而漸于禽巢獸窟之間固亦
敷教者之職哉夫長年三老日坐談河經維機甚

支華平先生集

卷五

十二

清旦閣

其乃颺作舟簾卒弗克相風樞柁俾就寧所斯中
世談學之善喻也魯源蓄冲遠之學挾批擣之才
几持論務究本實不諱徑歷內外僚咸鑒鑒自表
豈不虛茲行也其弗爲舟師之坐談審矣余故因
寅僚之請而預信之

送徐魯源視學秦中序

王文成公開督虔南標揭心學務以簡捷超頓爲
宗暨策大勲振宇內斷斷乎却萊歸誰之伐焉初
亦曷嘗不崇經術而矜實蹈哉顧霧滃雲集寔錄
支華平先生集卷五

三 清旦閣

有徒掇影師心徑實旁啓甚至以博文爲支離敦
行爲粗迹曳白者托之玄悟圯族者詭曰信心于
是積學好修之士譁然攻之而文成宗教溺其守
矣魯源夙以績學好修有聲薦紳間顧獨談心學
不輟口頃秉臬虔南文成故開督所也真詮載揭
風教一新章掖士景從而響應者視管爲彬彬願
風而呼聲非加疾其所固然也乃者王爵遴泰中
學使獨以魯源徃非廉其素耶我國家以經術造
士著在功令惟六經四子是宗俾博士弟子員滌

心飭躬爲縣官用卽文成所謂良知今姑竊其似
務爲名高而陰畔之此與耳食奚異秦古雍州地
也自姚姒肇統蒼姬嗣封學術淵源越二千餘祀
而惟魯沉毅儼有古風其天性固然洪宣以來騰
英茂實如武功空同涇野流咸以古學爲天下倡
卽南服莫之或先茲第因俗而陶冶之以就大中
斯幾矣夫談心學至逮也矯流俗以獵高譽至美
也奉 天子命以奔走多士至易也而魯源以實
蹈先之非所謂順風而呼者耶而事或有不然者
支華平先生集卷五

十四 清旦閣

懼掇影師心者衆而績學好修之議其後也魯源
既行俄有新命總僞學甚峻遶與余言合然則文
成宗教庶其有明乎

送周三泉應名序

周公以壬戌舉制科厥明年來尹嘉善期月化行
聲稱藉甚屬隣境華亭邑號多故難治銓司以公
遷補治行無異嘉善時迄丙寅 天子聞其賢下
璽書徵之入予不佞欽鑒歷落人也直行而多忤
矢心而觸忌乃獨受知于公公多俯納之無吝情

今公且行予當有言以榮之乃余不能爲諛詞第
掀眉而言曰公茲行不爲給舍卽侍御史矣皆
天子耳目之親臣 列聖所慎簡而任之降顏色
而嘉納者也上自法宮戚畹之隱下逮閭閻水旱
蓄祥之微皆得與聞之今 天子新御宇內其最
所親比而昵結者莫如宦官宦官之勢橫矣內
歛喙而不敢干者亦莫如宦官宦官之勢橫矣內
導 天子以馳馬試劍角觝游龍之戲而外假威
福以逞其私至頤指閣部大卿而莫之忌春初石
友華平先生集 卷五 五 清旦閣
給舍一觸之輒廷杖編籍以去而言官莫以爲非
此士風之一變也吾常恨張季敬佐 世宗得君
行道不能盡奪司禮監條旨之權以復 太祖宮
門鐵牌之制使此曹復至今日也其次則莫急于
防秋今之防秋也九關櫛比而鱗次督撫文武之
大吏錯置而分屯然率虛具耳虜騎深入能閉城
自固斯萬全矣余入京時 天子嘗召文武大吏
清問之舉朝無有任其事者其所著防邊集議皆
刀筆吏故牘耳或有虜警有能爲閫外決一敵乎

有能出入將相如于節菴劉東山其人乎中世以
文取士士亦以文應不務實學以裨實用而銓司
黜陟以緘默爲老成軟熟爲持重洪忍模稜爲德
量依附圓活爲通變間有赤心任事以身先國家
之急者輒以狂躁去一不幸則文吏以法繩之故
今世以言官爲時宰私人卽有建明皆時宰之風
旨也公得爲言官將若斯止耶夫陟榮履順上下
協和豈非人所深願至欲哉顧黃梁易覺蕉鹿難
明得志須臾而貽穢千古高枕冰山而陽旭斯泮
友華平先生集 卷五 六 清旦閣
丈夫甘之乎韓退之論爭臣而陽城爲名大夫歐
陽永叔胎書司諫而范之黜爛焉余之言亦韓歐
餘沫也公其念哉茲行也能使迎豎寢謀而北門
增重則 天子之召公公之所以應召與余之所
以告公者皆不虛矣夫
送邑令入覲序
我邑侯辛卯蒞吾邑壬辰春旣入覲矣 天子懋
厥庸命仍字吾邑以觀厥成旣三稔爲乙未復以
覲典行 天子必前席咨侯所爲撫綏鵬疲邑作

何狀乃政平譽峻若爾侯拜稽首對若曰臣奉明
命更下邑首飭軌度乃崇庠序肅廟貌而程士人
以行藝士習用虔邑賦重積祿民無宿春而司計
者督逋如絞繩臣裁緩急而贏絀之民幸不瘳而
賦漸平民窮且詐好鬬訟而愚者良者困于鬬訟
臣慎憲悉慮持三尺以繩頑梗而時有所縱舍以
矜愚而惠良刑幾清矣夷警纂嚴民無所做臣培
城鑿隍以戒不虞而倉庾之傾圯者亦以時勑建
臣咸躬自經畫故費約而緒幸以成環境內若大
支華平先生集 卷五 七 清旦閣

夫若士若庶人輿臺牧圉各有定極罔或干于政
洎甲午春直指使按湖日吻吻奉亂民如驕子而
包休攘臂以冠讐其縉紳諸不逞百千其群望門
攻剽間右貴畜妻孥大者糜沸小者齏粉蓋舉郡
爲咸陽坑矣諸吏承風旨以武健搏擊相高而郡
伯某稍示持平旋以論調游聲噂嚅千里風靡臣
邑密邇爭先效尤無情之詞靡日不三四下而士
民廩廩莫必其命臣孤立迄持三尺藏訓典慎刑
辟以抑鬬而鎮浮直指使大望臣且甘心焉臣以

去就肩之會有范司成之變事得緩夫民情如水
恃紀秩以隄之而持憲如持鐔不慎則惠莠而賊
禾今亂民奔潰如瀾斯狂顧決隄而導之施鐔于
禾而惟莠之蘊崇其橫流滔天而根莠塞路曷怪
焉似匪 天子惠安元元意也支子開而建之曰
許謨哉達國體悉民隱茲古管相天子法也奚論
下邑有所庇以永無侵軼哉門下士謀所爲壯行
色者乃紀其次以傳云

支華平先生集卷六

樵李 支大綸心易父 著

序

送張別駕程川攝縣還郡序

萬曆甲午冬邑侯以入覲行郡伯張公下攝邑務既數月政成民和頌聲四溢乃由拳士民慕公之麻德而伎吾邑之得私所天也相率籲所司借公遑涖之吾邑大夫士庶相率爲扳留計弗獲則相率徵言以寄其思支子曰冬仲邑侯行余既有言

支華平先生集

卷六

清旦閣

以識之矣公以郡伯下涖邑固玄豹之一斑耳今卽遑邑侯且至二三子奚患乎無君而鰥鰥焉若離襁褓者何居父老曰吾目覩攝治若而人矣無論以亂繼亂卽賢令之政誰不壞于攝者其視邑如逆旅視民如蜚鳥而視財貨如涸鮒之吸濡沫也邑幸得歲庇公麻德卽不能留張公卽邑侯不敢違張公懿軌又安能一日而忘張公哉公下邑恂恂姝守五絕之操不異在那時而凝神畢慮弗囂弗婧以惠訓民恒爲必世計吾邑賦良重將清

使私其卒以漁吾民至無紀也公以誠格使者而

以法裁武弁而扼其吭迄卒事靡敢譁者所省耗

費鉅萬石邑徵司農金錢以六萬計病矣而奸宄

筦出納之柄者從中陰搜之以同利于下而歸咎

于官公塞旁落之實嚴加耗之令故輸于邑者不

益纖毫而領解于郡若省若部者亦不損纖毫邑

多狐鼠咸亡命無賴內則胥吏外則隸卒相結納

爲奸利通稅之追呼訟牒之連逮日聽聽于篆丹

之一抹以餐其私而暴桀子弟借交報讐輒戕賊

支華平先生集

卷六

二 清旦閣

疲瘡以恐良民良民誠愕竄匿舉室如洗公一切報罷卽有逮者以片言立決之不移晷而獄讞矣故里閑熙熙如登華胥而狐鼠扃戶啜蔬糲有忤容焉令甲哀焚獨蘓無告計至亟也而胥史以文法制之保勘徃復動經旬月匪有賄托輒以汰免嗟嗟焚獨無告安所得賄乎奈之何不駢首而擠溝壑也公躬閱之立爲報可于是無告者咸獲延旦夕之命矣大綸拜手曰公孫儵云無欲實難諸父老所稱張公政至鉅且悉孰不自無欲生哉惟

無欲則一腔融融莫匪真境而露濡霜肅緩急張
他皆太虛之法象耳矧公爲部郎時抗人主排中
貴而拯無辜其直聲宿望旣足以攝上下而又以
太父母數字其子姓體尊而情親宜政出而民人
宜之也茲卽去吾而由拳乎然故吾太父母也遲
之且去吾而廊廟乎然故吾太父母也以相天
子以庇海寓其獨遺吾邑乎遲之且大慰若士民
之思矣

送廉訪使陰公遷陝西右方伯序

代

支華平先生集

卷六

三

清旦閣

陰大夫順俊閩達君子也甫弱冠以巍科震天下
暨進爲西曹郎讞斷出諸曹郎右初使粵再使秦
咸督學憲學憲允肅又使閩叅知政事閩賴以安
奏成天子亟賢之俾總江臬越二祀所矣江之
人譽臬使平者謹者清而確者振不幸而矜不逮
者奸宄倖追而竟絕于理者桀右濡沫踰伏膽裂
而回向者籍籍無間言于是亢績騰聲宣于闕下
而縉紳士庶咸推轂之內子會泰中右方岳當代
主爵以聞上曰陰大夫陳時臬事有倫從視學

秦中旣底績矣刑清教章敷政之經也其以陰大
夫代之命旣下大夫且行寅賓議所爲贈者則以
屬余余揖而進曰今爲天子守三尺平允明肅
以振救迷民者在臬臺保境固圉則壤均賦以拊
循元元登之秦符者惟方岳使左右竝建事權基
重矣傳曰物物有其官官脩其方故官必踐物官
而後政可紀也車之登于阬也必有轄否則匡且
敵今藩省設左右使亦稱轄秦豈所云施轄于外
乃復設者以副轄也卽稽牒閱訴咨議善敗覈減
支華平先生集

卷六

四

清旦閣

否之綜商盈縮之宜政無鉅細悉與左轄共之乃
今僂僂而前纖趨而言署衙坐哺卑卑焉越俎之
懼臬臺不以白牘訟不以聞豈復踐物之義全車
之度哉陰大夫敷歷中外哀然旣踐厥官矣履方
邁德畢慮宣猷其素所蓄積也嗣是協寅敷誠可
否惟義俾我無代庖之功而庖者亦賴以濟如左
右轄然政其幾矣夫秦中四塞之國也方歲呂時
籍以舉胡戎距羗笮疊六國而殲之有餘力焉今
軍國百需仰給東南而關陝之利厘厘自給傾天

下之貨市贏馬以厭夷心而雲錦騰驤之技在關
中者置不以齒延綏以北捐數千里沃饒之地以
資虜而邊吏噤莫敢言此其故余莫之究詰矣蓋
漢武帝拓地置張掖酒泉郡急則守帥士卒給餼
糧以從故邊郡數有功今兵民分統封疆之臣惟
程書錢穀是給四方有敗問主帥已耳主帥檄諸
岳伯則芻糧械器莫之應也夫亦禁防煩密積輕
重之勢哉今天子方隆唐虞之治公卿元老奏
臯夔稷契之績千載一時矣誠越拘攣之見振積
蠱之俗曠以歲月陶以禮樂糾以徽墨俾遠撫而
長駕雷動而雲合秦中之政度其有瘳乎余知陰
大夫稱上意久旦夕且授節鉞制匈奴故纒纒
及之固亦祀人之心云

送蔡邑侯遷司空郎序

蔡侯令嘉善六年所矣至是始遷司空郎紳紳士
庶謀相與借而留之莫得也則做古庚桑之祝而
贈之言余惟侯之始蒞也蓋飭蠱傾否之會也時
則去泰甚蠲煩苛簡刑罰平徭賦約已靖事以舒

支華平先生集

卷六

五

清旦閣

于民屬歲大侵民罔所底則捐廩設糜禳災散劑
爲民續命甚具迄茲而吏束于程士習于校民狎
于野二京所稱循良治行固兼之矣惟是歸悍俗
輸里閭羣不逞恣睢橫行凌轢章掖挾持公府短
長至無紀也前是者希拔薤之聲啓矯虔之實以
獎其毒而煽其焰民用大擾侯獨左幪枝右惇睦
弘覆冒于隕落易狼忤以遜節冠冠履履各遠其
迹而罔有奸踰敲朴寢絃誦興梟驚馴鸞皇翔此
其治豈卯金世亟疾苛察者埒哉政要曰靡一一
之夫縣令于民至親也而上之臺察百執事百相
臨也百相求也方歲之不易黔首環邑而待命者
赤身枵腹鰓鰓若不朝夕而諸上官以征輸至者
以訟獄至者日下空牒以督責之匪矢心一慮如
侯秉仁植義如侯其不矜日計之績工逢合之術
以幾速化而暇爲惇族無告謀哉譬之赤子方溺
於淵而慈母者出之平陸燭之拊之衽席之惟生
生是圖而諸姑宛若各出評語以款之嗟哉彼評
語者以足聽聞可耳庸詎若慈母之苦心而起溺

支華平先生集

卷六

六

清旦閣

子也先是縣官徵天下令補臺諫侯名業在徵矣
竟格于忌者不果徵以今觀之彼臺諫而徵者能
得民延譽若斯焉否耶以是規侯之介有皦然自
表豎者而徵陟淹速名位顯晦勿問焉可也

送同年蕭如齋守泰州序

予少聞心齋先生者得陽明夫子之傳以斯文鳴
江北江北之人自是知有身心之學云既又知其
泰州人也每偕計北走輒欲至其地挹其休風觀
其尸祝之典而發其未發之議論于數十年前之

支華平先生集

卷六

七

清旦閣

乃今銓司簡泰州守以吾如齋從豈將壽斯文之
緒而樹之幟耶如齋登進士高等于吾爲同年觀
政西曹爲同部蓋日夕旅趨而宏議者決五月有
奇而如齋于同部中獨沉毅而果銳明敏而練達
清操雅尚儵然塵垢之表絕不類東南浮靡猥險
之習其于斯道既心沃而躬迪之矣茲之守泰州
也若傾風資而售之市又焉有不宜者乎然吾聞
泰之治隸于揚而屬邑爲如臯其上下之勢交相
軌也吾且周旋踉蹌以承郡伯日懼其萬有一焉

弗稱而以蒞如臯則纖指而苛責之不以情吾以

望如臯旣瑣瑣刺畫靡不顧當意而顧矯焉抗其

郡伯以自托于簡直由是上下咸不得其適而治

日以壅誠率吾所事府者而臨縣卽縣所事我者

而事府不激不隨不諂不抗直以心信乎上下而

上下亦無所猜于我是吾所以善郡邑之交也泰

境稍偏東稱簡靜諸部使歲率一二至則舟車駢

沓厨傳劬勩日不暇給守土者率厭苦之然惟其

耽于宗而弛然自肆漫不爲備故事至而無以御

支華平先生集

卷六

八

清旦閣

之且此心既習肆而成性一旦強以事事則常若
弗堪誠素持吾心不少懈如見部使時而備其所
爲部使事者及部使至循循然條具而縷陳之有
餘力矣泰之田多饒腴民力耕者中歲率大獲而
南瀕江之漬江漬之民擅魚鹽之利事末技好草
竊者厯厯以煩守土之令以是守土者亦峻絕勒
以困之困之益甚而跳梁者益不休否且爲大梗
焉誠念江漬之民與齊民同其依魚鹽以生也與
耕織同平吾衡以待之第無狎吾憲斯已矣有狎

吾憲者則亦以齊民之治治之彼雖不逞有不心降而懾服者乎乃今之人不訊其本輒曰州治難州治難夫州之難難在是數者吾苟無成心易易耳今之守揚者潘公吾浙之弘朗君子也頃爲西曹郎知如齊爲漢而又嘗守泰州有成績泰之人興起于心齋之教而沐潘公之德者迄耿耿不衰如齋第率其學以布之上下吾日觀政之有成也已

送邑令入覲序

支華平先生集

卷六

九

清旦閣

萬曆壬辰春正月 天子居明堂觀羣后我邑侯亦以入覲行都人士相與謀曰我侯之花蔭吾屬也蓋嚴攜而慈鞠也茲行卽厘厘耳顧邑方多儆吾安所仰願有言以繫吾思支子曰信哉詩云愷悌君子民之父母若之何其孰弗思也吾嘉善諸邑侯在昔則稱陳公我渡賢比則稱周公三泉賢然陳以才周以守陳繼治周繼亂陳務婉約噢咻以馴柔之周則飭廉隅辨賢邪剔奸革蠹確然以道法爲繩率陳致位大司寇而周公今進少宰且

未艾斯皆吾邑之賢父母世之所豔慕以爲巍勛峻秩也顧二公席累世之饒上下恬然洽于富庶閑于禮義詎不烝烝乂哉邇歲比不登賦重役繁民無所飲敵民睥睨爭以彈射持上短長而上官復操一切以繩之廉近堂卑訟滋政亂紛莫可解蓋百六之會也我侯惇允惠和克弘先德灑濯其志嶠如瑩冰甫至盡驅胥吏之黠猾者亦廉其尤不逞者而法之旣則齊政典清訟牒疏壅闕而誕舒其冤結旣則覈賦役稽逋負時歲縮以先後之而汰宿蠹之病民者旣則料貧富酌繁簡以定庸役而去其太甚凡諸厝注肅然協于憲章而綜其實卒歸于豈弟故無滯積亦無敵民無畱慝亦無稅政方諸陳周卽所繼之揅不侔而批窾解紛茹冰啗藥有券符者真所謂民之父母已若巍勛峻秩時至則爲之耳矣隆于二公焉今銓宰方奉明旨拔異等以風吏治侯其所首誣乎謹肝衡而望之

送邑侯許白塘應召序

支華平先生集

卷六

十

清旦閣

今天子新御極太宰矢心靖獻率厥屬奉法惟謹
暨明年課計天下郡邑吏廉其最者上之 天子
天子下璽書徵之邑侯許白塘亦在徵中士民悵
其別也乃爲詠歌以見志心易氏曰自余省事迄
茲目覩八易令矣嚴者以酷烈武捷爲聲其寬者
率煦嫗也貪而穢者不旋踵敗矣廉者亦淡藏巧
飾以博巨資邇遵二令尹皆良吏不三禩爲有力
者奪之去嗣篆者皆擔囊發篋扼民吭而攘之食
也許君之蒞民寬矣而約已節用天植固然非爲
支華平先生集 卷六 十一 清旦閣

市高養望資也今行矣斯吾民所爲褰衣丐履思
叩闕一號而莫之詰者也能不爲之憮然

送邑令人覲序

我國家環海內羅郡若州邑以鎮撫百姓無慮千
八百歲矣竊謂莫若我嘉善鉅且難諸長吏理簿
領執玉帛計最績蓋人人能矣竊謂莫若我嘉善
邑侯良入覲時若士若大夫所爲追攀祖餞同贈
言同乃其綜情實中窵繁庸詎我嘉善若焉否也
蓋嘉善地半公租天造時所爲以重賦困之者故

賦獨重賦重則民窮民窮則習詐習詐則囂悍而
狎憲而自壬午遵令非人蒐獮擣撫民力大殫重
以歲饑土曠通積訟縣良民廩廩莫必其命此鳥
啄獸攫皆也而以文法督下者紛于絞繩若室之
圯梁棟榱桷靡弗捐者若疾之蠱毛捫體膚靡弗
敗者乘是爲政良亦鉅且難矣我侯席先公遺訓
以修令則而宣明德考東飭紀以蒞之制義惇信
以孚之掄其廢且弛者而張之亦掄其逞志以亂
政者而芟夷之課士禮賢矜窮振滯結賦清訟平
役鋤梗不葦歲而邑事悉就于理蓋若班輪之削
墨若和扁之投砭不甘不苦不疾不徐而圯者新
蠱者瘳矣卽海內彬彬多循良之政有能先此者
否耶今且以入覲行夫赤子之離襁負也蓋不能
旦夕忍乃今遠且三千里而數月不詹宜士民之
遑遽攀呼懇懇然不忍釋也故相醺而贈之言願
言何容易今之言類微名于當世之顯者然顯者
烏能言能言矣而不顯則庸夫且耳視之信乎立
言之渺也則所謂情實窵繁孰與我邑多敢以質

支華平先生集 卷六

十二 清旦閣

諸知言者

送大中丞楊公震厓遷少司空序

江右古吳楚之交一都會也明興來故多變矣顧數數自江左人戡之在晉大藤桶岡阻峻煽亂時則有若韓襄毅公雍寧濠弗靖擐甲而謀北向時則有若王文成公守仁暨先後戮力首義而振沒者厥亦惟我江左人是崇是力以摧廓而綏定之倘所謂南產瘴濕北產禦風固氣類然耶乃今震厓楊公卽襄毅郡人也起家名進士敷歷中外迄支華平先生集卷六 十三 清旦閣

右使洎御史大夫著勞江右者浹五祀有奇遭時休明無兵革之警顧惟分寧巖邑西連荆楚頑獷易動嘯聚出沒以發賊我疆圉公是以有備寧之舉湖曲逋亡草竊弗悛俘我逆旅公是以有巡湖之約瀕湖隄潰旱潦荐臻民罔所底公是以有築隄之役簡廉墨平徭賦吏束其程民狎其業若風動而雷迅靡弗植也若括省而機發靡弗的也第不韓王兵耳乃其伐卽二公奚多焉然文成遭運彬柄政懷功賈巖故勛勩百戰以定亂賊而咫尺

不得見 天子以竭欵欵之忠乃今 王上冲齋

元老協恭纖勞潛勛靡不蒐緝而公願望膚功蜚騰闕下甚籍其有概于 主心稔矣茲陟爲少司空且晉諸北柄用之陞見時慰勞外咨公以當世之務或故事宜亟罷行者有幾一一得覲玉顏承溫語從容筴之又文成所深覲大願于時而不可得者而矢忠畢慮以補主闕而建永圖公素所蓄積也豈直江右賴之哉藩臬諸君因予言輒屈指前政如劉公凌公徐公代嬪撫治而繼公者潘公支華平先生集卷六 十四 清旦閣

皆江左名大夫然則江右之治其永永未艾矣

送李令尹應召序

李侯以進士高第尹我邑旣三載治行爲天下最聖天子采僉謨頒欽命召侯入且行予不佞乃就侯而論學焉今世以進士入者類重翰察次六曹郎而視令尹爲斥地然令尹能其官不自隕墜卽三載且入爲給舍爲柱下史則諸曹郎且悚侍儼服而前是以翰苑選者徒佩牙逐隊靡所建明且有出而爲郎者矣況令尹六曹百職之交上下承

宣之會審能是卽天下事靡有弗宜然則前日之
視以爲斥者適以老其經濟之才而優游郎署者
反不免空秩之嘆設此二者易位而處之其心宜
何若也第位令尹者惟斥是懼率俛顏循足抑抑
若有所負而一列臺諫卽奮膺昂領眇瞬百寮吾
不知今日之揚揚逞氣與昔之抑抑者何心而前
此之視以爲斥而不屑爲者又何心且糾紛盤錯
動干貴豪仗下一鳴而朝廷之精采爲之震曜弼
廟謨而天下萬世賴以低昂糾邪歟端伐狐斷鯨
支華平先生集 卷六 十五 清旦閣

貞度執憲弗激弗摧而元慈寢謀國是載寧固給
舍侍御之經也侯之尹也猾胥黠吏罔有慝志里
閭之奸屏迹宵伏而查者剔傾者扶幽振而堅破
政和而民恬旣效矣茲而承膚簡以臨內臺是假
之千里以騁其追風掣電之足重湛盧之利而再
發之矟也其又有弗宜者乎他日侍殿陛與天
子爭可否而肅百寮者必我侯無疑矣第不知端
笏殿陛之心與邑庭南聽之心何如爭可否于
天子之前與酌利害于閭閻之下者其心又何如

而琅然對仗下弼廟謨不少退避者將動于意氣
而有所加乎抑本諸心率諸分益然出之而不以
已與乎侯冲和之學淵源且久而復與諸兄聚德
一門以共扶斯道之衰其爲我國家用良不虛矣
而竊意其政務所以日益練德性所以日益完則
令尹之助非淺淺也茲別也遠且四千里而三載
爲期不能不軫茅塞之懼故以政學就正侯其終
教之

送邑侯謝鳳高入覲序

支華平先生集 卷六

十六 清旦閣

今上御極之甲辰蓋三十有二稷矣天下吏當受
計闕下 上方淬心治理綜覈而上下之我邑謝
侯鳳高循績最著且久計畢 上且前席勞侯悉
所爲治嘉善者何狀乃爾于時里中父老咸曰嘉
善最爾邑而漕綱粟什伯他邑胥吏度蠹旁蝕率
漏豪而督糈侯乃秉幸櫛比畝爲籍輸爲限役爲
等錫煩節冗著爲絜令良民得有所做而狐鼠踰
伏靡鼓筆銖累之憊而賦以完曰政平訟理奚繇
致之僉曰訟之興媒自俾筆之奸侯斧斷理解罔

有遺慝則相率跳于上府以蠱聽覩侯嚴格示彈
俾勿逞而洗冤滌滯辨疑剔隱不爲鈎距操切而
質成者各適其平乃荏苒之聚躬示纂嚴先聲懾
人不移晷而赤白之尤以絕曰人謂教比文翁者
何費士咸曰侯之惠我輩紳也豈繁齊民月程旬
督豐餼隆施以校行藝精品臨殷殷靡勑容而于
負牆之白眉者諸所裁輯迄爲制藝赤幟斌斌乎
咳唾入兩京而尺蹠涌三都矣曰邑諸大夫士亦
共惟播和否乎曰諸大夫士固嫻于禮義而履減

支華平先生集

卷六

十七

清旦閣

明之跼者也方桑梓是恭方讞穢是虞而侯風裁
獄獄矜蹕湫厲滌二十載之污跡而獨振之諸所
陳厝張弛咸劇思矜操靡借聽亦靡旁撓奸宄威
感靡所騁而嘉師若晞春陽諸大夫士咸樂觀厥
成而播民和者故有嘉德而無違心曰然縣之上
有諸部使奔走伏謁人百其儀孿頤豎指人百其
心所爲逆伺其向而避醜就便委蛇可否而彌縫
其隙奚若而獲無咎曰侯之事部使也勿務希韓
鞠脆以微色澤惟 天子法是殉諸令下麗于典

者亟承之罔有差池否卽煇熏天令秋荼勿行也
而閭閻中度慘舒中遠歲計之而百績熙矣上下
協矣部使之賢者方樂得侯以共理奚其咎 天
子悉侯治狀恨得侯晚且旦夕置左右需弼亮顧
念邑民尚痛匪侯莫與終惠者不獲已借侯復蒞
邑以衽席之且勞曰行且召侯矣爰授簡詮識之

支華平先生集

卷六

十八

清旦閣

支華平先生集卷七

樵李 支大綸心易父 著

序

贈南昌守胥頤川遷憲副序

君子握鉅肩重而熙鴻績也有四難焉以御衝者識之難以剗繁者敏之難以鎮囂者量之難以持久者守之難蓋水陸交馳賓使駢沓下印上督勢若焚絲匪有卓識以劑緩急而張弛之無當也顧其務絲徐則滯而益最疾則漏而多盭其匪敏曷

支華平先生集

卷七

一

清旦閣

濟矣然物情夥矣或激而犇或犇而嚙或矯虔而撞擊翕張呼吸瞬息立殊故鎮之在量夫以衝地御絲務而撼之以囂匪憚焉思去之卽矯焉易其故矣堅忍淬厲永矢弗渝類非沾沾鞅鞅者幾也則尤貴守矣故曰有四難焉郡伯頤川守南昌南昌藩臬之鉅都吳楚之重鎮也臺司部使星駕宵征歲無虛日暨諸郡邑長貳以職詣者紳章宦轍以郵達者鱗次于江之濱浦之麓如織也公旣善厥職于所司而懷柔周洽以善遠近之交迄用成

禮而鮮愆尤訟牒讞輸日盈几案而漕務軍需計額取盈者六十萬有奇青衿挾藝待試者距萬人公以時均節之訟稱平催科稱最而諸生絃誦亦視晉有加北瀕彭蠡盜藪也出沒叵測而戎戍數萬盡亡賴易爲非宗藩怙寵犯科時微焉啓爭博之舉公受成督府而盜弭兵懾宗藩旣艾矣如是者五歷年所顧不稱勞勩淹頓哉乃復堅志如捧抑氣如馭循循焉率其素以孚比于上下久之而衝者絲者囂者身狎而神解如承燭然倘所謂四

支華平先生集

卷七

二

清旦閣

難者非耶茲效矣奉欽命秉憲節于通泰間則南北之吭兩都之閫也漕艘徑焉冠裳萃焉臺司部使走集焉嘯江之豚煮海之侶淵藪而草竊焉視南昌不啻倍之公兼四者以持衡其中疇非撓首之宿衛班輸之故墨哉鄉所稱衝絲而囂者不足以難公而益足以見公矣若久則無庸慮爲也銓法超遷久任什伍相權以償勞勩公自乙丑騰仕歷洛而廣而江所在鴻績赫然顯且久矣當軸者其亟遷之以樹循良之幟乎公其無慮久矣屬邑

某某荷公曲成久當其行也屬一言以志之

贈李邑博擢掌天津教事序

明興重博士選環海宇諸郡邑武衛博士彙簡宿儒以次貢于大庭而遞擢之凡以一文武而端模範也自選貢法行人竊以私躡進而鄉舉之乞恩遷客之優假咸徑實其中于是選法且壅統均大窘則務吹求拔剔以冀其通而部使諸司亦競爲拔剔吹求以應之自非清操雅識獲上協下鮮有永終譽而久厥職者奚陟明之敢幾哉吾邑庠李

支華平先生集

卷七

三

清旦閣

先生浙以東宿儒也筮仕于湖歷于常洎擢吾邑越五祀擢掌天津非所謂久厥職永終譽而以明陟者乎締觀先生之長吾庠也首惇祀典飭祭器而新所未備及進諸生講究經術程制藝咸敷悉肺附罔有隱衷至出不腆之奉以供脯粢具茗餌不少靳燕居質業品隲可否晰于軒鑑卽束脩之贊終五祀不一至者亦時其課藝而上下之無幾微軒輊見于色惟干謁構訟是懲是艾而貧弗克莠者疾弗能療者亟請於所司以時振之甚于痼

瘵之在躬久之而部使郡邑諸上官靡弗獲者紳

韋園阜靡弗協者拔剔而堅貞彌著吹求而粹白益晰而賢聲騰闕下矣天津之命旣下戒行有日僚佐洎諸生謀所爲識去思者屬余一言余惟天津古齊境而介于燕所肄諸生非武弁之世胄則尺籍之英也其冠履詩書誠不能當吾鄉之什一而敦龐木訥猶有東海之遺風矧自島夷倣擾建督益戍視諸都會爲纂嚴諸生漸被敵愾之教稔矣先生以武胄之英棄弓矢而工翰墨以文獻三邦之師表而敦敦龐木訥之士矜珣玞于棲櫓弦誦利于戈矛載戰海氛永抱神京尚亦有賴乎夫洙泗之間斷斷耳而公良孺闕蒲仲由扞轍賜也說吳舉七十二國之豪俊莫敢望焉三苗弗率徂征三旬尚不得其要領乃振旅而舞干羽不亦嘽綏無當哉而苗以時革固知經文緯武其用本一而端模範以陶鑄人羣良司教事也余將于李先生觀之

贈邑侯入覲序

支華平先生集

卷七

四

清旦閣

萬曆辛丑春邑侯當入覲以受紀闕下博士弟子
員被陶鑄含淳德思旦夕函丈而莫之致也則就
不佞屬所爲志厥思云支子曰夫學校類先雨露
而民之望也諸士服膺且稔庶跋跋速肖矣卽

天子計績見效而遂簡拔在大庭亦惟是柄喉舌
以陶六合何詎不爲諸士範哉奚沾沾于最爾之
邑爲也若筭 景陵在御勵精綜覈守令匪九載
靡徒易者故吏習而民安之爾來按曆而稽晷跂
足而釋荷上啓寶以市于下下由徑以市于上官

支華平先生集

卷七

五

清旦閣

無黔突民鮮恒嚮新故驟更賢不肖互臨而天下
之治絀矣今 聖天子洞囑獎本獨秉乾斷斂諸
倖實銓司靡所騁諸以異等徵者章數十上弗俞
久之俞且徵矣需次闕下再浹歲不得調匪獨難
臺諫選也將以斂倖實而久厥任也而巧宦者輒
規取冷曹以自便諸以異等徵者皇皇感感未測
所終泊而冷曹揚揚然積日計畧且拾金緋如左
券矣自法之渝人恒就內而避外而外之輕至令
而尤難母論簿領米鹽卽上官毛摯操切人百其

程亞旅士庶人百其情而隣封比邑日屬垣而窺
釁者人矜智挾術以角其觝故爲令者利速遷匪
利速遷也利釋負而遑孽也噫亦旣難矣邑侯自
戊戌春蒞政宣慈迪敏政以惠和已亥春旣以最
報 天子爲下璽書顯厥庸迄茲又二載所矣茲
行也 天子倘脩 景陵之烈而借我以久政乎
抑計績見效而遂以明陟也脫遂以明陟于侯則
誠當矣顧吾民失乳哺諸士達師模諸寮采亦安
所持以行厥志也是所爲望闕而願借也若簿領
米鹽則迎刃而解有餘地矣毛摯操切則積誠以
動有神應矣四封之外窺伺而思逞者則坦中以
示款無我貳矣是安足以難侯哉

贈邑侯入覲序

我邑侯自戊戌蒞茲土迄已亥春報最於銓司蓋
兼故績也 天子下璽書旌侯暨元配洎厥父母
而俾仍舊秩以竟其施更二載爲辛丑當入覲脩
計典蓋爲日彌久而績用彌章矣績彌章則孺慕
者彌篤日彌久則敘遷者彌亟以篤慕之心視亟

支華平先生集

卷七

六

清旦閣

遷之會則借留彈切而恤嘆強段于斯時環封內
愿器顯晦老倪昵逃罔弗皇皇若遠怙恃者士友
某謀臥轍以留之而弗獲也則謁言於余余乃迫
爾而嘆曰諸君被服文教嫻於禮樂其沃淳德而
願爲借留也固矣乃若愿器異質顯晦殊軌老倪
昵逃相錯而揖志畢愿罔有弗虔匪五質內充五
精外宅而韞全德以達衆美未或臻斯境者也天
之界忤也金木偏勝水火遞克故達動者闔于玄
慮識靜者闔于應捷亢直者短于事上疏豁者漏
支華平先生集 卷七 清旦閣

不霽顏而峻摧者哉 天子得侯以寄亮惠侯遇
天子以展完才斯泰交之會也吾邑安能私其澤
而久潤公哉吾于茲行覘之

贈饒懷亭量移南部尹序

吾邑自昔稱馴調樵朴崇禮而惜法爾來一二詬
訾之夫穢衷而矯俗刳樸而眩聽甚且莛履以冠
鉤距而勢結之若抵仇導敵者然而巧營潛結飾
諛低逆以微浮夸之與竊凌獵之寵群不逞之徒
競附互市倣庚桑之美談以成其私肆我民亦用
支華平先生集 卷七 人 清旦閣

于逮下物情固然疇克周施而竝濟哉邑侯中叡
外朗體方用員其量恢其神宅其心澹其省若括
其勞若斧其應事如發機恪以育士而雅化孚恕
以持經而政典平剖胸示坦而寅案信秉忱允塞
而上官協久而益習達而益彰哀功敘績五閱歲
于茲矣主爵者卽懸九徵以辨材設七觀以程能
其曷有弗宜者哉今 天子雅重臺諫選不輕授
所司日咕咕綴牘以力爭之格弗行顧未得全材
若侯者耳倘覲侯之風度而廉其素聆其政績有

謂公力鉅而肩重久淹而存拔也而南部當梁益之衝扼巴劒之塞計非公莫可與圖政遂舉而委之公且行民鰥鰥然失其所怙而莫知所出也則相與慰且祝曰公茲行必且峻擢嗣而擢也或內臺或藩或司臬安知不復道吾土也公之胤美丈夫者七必肖而賢必仕而位通顯以惠吾土也余聞斯言蓋欣欣嘆之語云桃李不言下自成蹊其是之謂乎吾又聞善惡之報不徵于人必徵于天徵于子孫今蚩蚩者挾主威而罔上執寸篆以繩下當其赫然震且曜也極其私之所騁如執轡然彼自以爲善籌巧伺也曾未逾時而漠漠者視矣金張許史乃其後竟何如也若公者假得攝專制之權總喉舌之會不以百里困其才而局其志卽古名詰何加哉乃僅僅盤旋一邑是困鳳于笄而試湛盧以綴履之需也吾于人焉奚徵先民有言民之所欲天必從之今邑民之祝藉藉如是而公德又足以徵之吾日見天之定也已且翹足而須之

支華平先生集

卷七

九

清旦閣

賀南昌守胥公考滿序

江之首郡曰南昌當吳楚之交扼荆越之險省署星羅冠裳藪萃士庶走集民卒錯沓稅繇浩繁賓檣絡繹蓋自晉稱巖郡云士君子出而長民能郡治者十而一能南昌治者百而一若永肩厥治而以最績稱者千而一耳胥公守南昌三稷矣報政之日上官旣賢之薦諸朝而又爲南昌治計特疏留之以俟陟明之期固知公旦夕且峻擢不能久借冠然士民猶冀須臾母行以終被德化云公以乙丑進士海歷廳仕二十稔守禹州佐守武昌守廣州皆劇郡著聲稱居常惴惴愿慙恂恂款款不露崖岸乃其動中窾宜絲分縷析莫之亂也雅尚循循披肝示坦而堅持苦節冰寒玉粟莫之黜也御史無大小皆務獎成之乃詮次臧否評隲高下如藻鏡空懸而不爽毫髮也接遇薦紳禮數勤渠情款周洽而苞苴不入請謁不行如飲以醇酒而自不忍欺也齊民惠而撫之節而柔之至鞭逸群謹街勒懸三尺以燭幽結如電爍而神矚也上下

支華平先生集

卷七

十

清旦閣

交列以誠孚之宗藩勢糾以德服之兵民獷悍以
靜鎮之催科拙而稅自清賓旅柔而費日約蓋舉
世人所稱最艱且鉅者日投之而靡不迎刃以解
矣昔班史傳循吏盛稱龔黃其治行在汙竹者試
舉而質諸公有足當一二者乎俾令孟堅及見之
或異日有孟堅氏者紀良二千石南昌治行且軼
潁川而駕渤海耳郡佐尹公李公與公爲寅案而
觀刑其德業固心服公之治行而共慶其成且慮
其秩滿而逸也謬屬余敘其慰悅之情余材不逮
支華平先生集 卷七 十一 清旦閣

賀邑侯封典序

邑侯蒞吾邑滿三載以最考上天官天官按考功
令封文林郎元配爲孺人而侯之尊公故廉訪副
使也自廷尉評歷僉憲少叅至廉訪階正四品貴
矣顧格於例不及封今以侯績故當進階於是天
官以例請併誥贈爲中順大夫配爲淑人云支子
曰展矣世德之足憑也先公爲德于 永陵抑權

奸絕諸侯王降賓利分比猛獠師徒不頓風聲西
被有成績矣疇匪中封格者乃不以封我侯績脩
舊服試之下邑以煥休吾民而衽席之湛恩茂績
簡在帝心休命洊臻將焉避之且邑令于官寮爲
外臣諸廟恩異數弗預也必歷三載文無害而又
有臺使者薦之至再僅一當封格而或以驟遷不
遑考或臺使以他故不及代則不敢薦失一使薦
則逾三載之期皆不封今侯所獲恩命不獨舉邑
令所難者加之二尊乃併曩管尊公之所積勞而
支華平先生集 卷七 十二 清旦閣
未獲者一旦駢集而兼獻之可不謂至榮乎菑者
以獲堂者以構足稱世德矣侯慨然曰不穀逮事
先君之日晚矣不獲以三釜養也又不獲以一命
進也而僅僅以榮稱將父之謂何卽幸吾母健進
一匙筯而撫孤悼逝焚焉疚心乃今謬膺恩賚跪
而獻之吾母寧無重傷徃昔而闕然一日之養乎
且先君之在國家法不撓貴惠不遺賤矢勞盡瘁
而不以躬被榮遇也不穀卽無敢失隆顧茲小腆
抑諺曰叢爾邑而藉先君之德倣 天子之寵靈

窮思不克任先人之緒矧克任 天子之庥命乎
曰是乃所爲世德也國家之建官也授之職事而
程其功計其勞勩而錫之命典載其績而厚其庸
奉之以彝器旌之以車服顯之以文章上推其祖
考而下延其胤嗣久近崇卑皎如畫一當先公爲
德于江粵而未竟也國家報先公以章命而未稱
也匪侯疇爲竟之而疇爲報之今以台衡之器發
軔于吾邑而懷柔和解以媚一人者靡所不效其
勞瘁是先公所爲竟其施也國家將大畀于侯銘
支華平先生集卷七 十三 清旦閣

賀邑侯榮典序

邑侯令吾邑一載所乃以舊政文無害兼理滿三
載績報最郡司泊撫巡諸大吏靡弗稱最者上之

銓司銓司哀列前後薦剡以上 天子天子若曰
咨爾臣某以愷悌令劇邑邑用理進爾階爲文林
郎而元配某實相厥成 天子曰咨爾室人某以
懿靖宜家贈爲孺人顧義方之訓職自厥父母則
又曰咨爾臣父某母某績德裕後式延美胤以宜
惠政于下土宜贈爾父如其官而母爲孺人蓋
天子之恩四加而靡所不渥臣子之願浹被而靡
所不伸願頌侯之徽澤于 天子哉我國家考功
令褒隆中外大小之臣始僅逮京都而外臣滿三
支華平先生集卷七 十四 清旦閣

載僅得敕命耳恩錫未暨也若生母繼妻至 裕
陵而始詳然非六載則弗與其以三載再薦輒錫
封典則 永陵所爲成文武之德也顧年資之外
駁直指報政其勢弗齊而其數弗偶其能協令甲
下而承休命者十不得一焉侯以美才懿政忝前軼
後而存歿嫡庶駢寵齊榮匪國家之異數臣工之
奇選哉予又聞之綜覈參伍類績而旌者縣官之
徵馭也瘁躬殫慮永矢弗渝者臣子之靖悃也侯
畢慮以媚 天子天子捐名器以逮下而覃被于

其先後適庶之親 天子之馭臣則誠有禮矣嗣
茲以徃侯其思所爲重報禮哉余且端揖而默識
之

賀邑侯救命序

國家固重經術士自三公三事以逮內外岳牧舉
經術士莫以也中世士嗜矢經術而管商是資申
韓是師矯焉以一切將事罔羅而鈞距之以自爲
聲民且攫且喙矣其曷以興理夫褒德之治雖未
盡倣經術僅煦然禮讓三更令而天子賢之位三
支華平先生集卷七 十五 清旦閣

公爵通侯冠雲臺助祀之上而嚴趙以刺覈銳悍
掠譽旦夕倏以不振經世務者其奚擇焉邑侯以
明經專門魁天下天下談經者彙宗之蒞邑惟經
術是師故度軒意豁披肝剖素飲人以和弗飾瑣
屑以市名也由由翼翼不見町畦而當幾摧瑕縷
析斧斲舉世所最艱且鉅者旋投而旋解之良民
惠懷和懌如顧如復百里內無驚雉吠犬聲而輓
敗群謹銜勒三尺森然颺發而電灼也詮騰臧否
酌哀多寡空鑑斯懸毫毛靡忒而尊禮讓迪彝典

以化誨馴擾終不恃掎摘以炫聽睹也莘衿髦工而
時督之以程校其業鉛黃粲若不管文翁之風範
而嚴局室竇凜莫敢以私進也卽張弛遞發縱橫
殊度而於所謂教訓正俗分爭辨訟蒞官行法非
禮弗備者兼脩而用之罔弗虔矣 聖皇睿照遐
矚而簡在者積三載所乃俞銓宰報最錫以恩典
煦以綸音而首稱文章俊品經術專門愷悌廉平
用經術以飾吏治者尤諄諄焉贈故配俞封今配
吳皆孺人又追厥考妣而贈故大足簿如侯官故

支華平先生集卷七

十六 清旦閣

嫡母生母皆孺人一門五命駢錫齊榮蓋異數也
士某夙依門牆執經且久屬一言以揚之支子曰
猗歟是舉也有六善焉以躬化者惠以獲上者忠
以顯親者孝以裕後者慈以相內者義而懸章命
以勵良吏者惟仁邑侯奉簡命覃雅化而尊人共
膺顯命三善備矣而尊人邁種德以貽厥後元配
修壺職以成令政其慈其義足術也若 天子綜
核吏治褒顯循良不愛五章五服以示寵異從數
千里外咸若親覲重瞳而聆溫語

侯直躋功宗之上皇仁浹被其何日之有是君臣
父子夫婦咸做經術以共成盛美也世由此益重
經術士

支華平先生集卷七

支華平先生集

卷七

七

清旦閣

支華平先生集卷八

樵李 支大綸心易父 著

序

賀邑侯壽序

戊戌春邑侯謁選銓司業擬令嘉善矣而懷寧士
民夙庇撫字借寇甚亟部使以聞銓司謂懷寧最
爾邑不足以展驥足嘉善久乏良令需治尤亟乃
以侯蒞吾邑越三月朏至自楚里居薦紳迂於途
軒豁瑰琦披襟示款蓋望而知其爲長才也旣而
支華平先生集 卷八 一 清旦閣
親訟者之鈎激泯勢則曰民未知恥未格其心于
是有陳牒之式令訴者輸情撰者代艸據事直書
毋載爾偽而以側但聽之詳識而緩其入片語立
析人人咋舌稱神明胥史抱案辟易數十武外罔
敢以睂視瞬授者民有黠魁好以單詞詆臺使下
諸邑故吏畏臺使先旨而逆伺之多主先入溪文
枉抑以狀訟者心數載來刁鋒幾不可觸而良民
重足立侯惟虛中省度揆情而典靡所軒輊黠者
大沮創觀賦法之叢脞沓喋旬鍛日鍊則曰民德

於力賦曷由輸于是乎更麗錯之轍令受賦者戶
括其概列之爲十而月徵其一民以三旬之全力
以積以輸什一日紆力饒而賦以集秤入平準畫
一鮮旁落而歛散多寡燦如列眉胥史之影匿者
敵民之倩答者一洗而盡以方彙歲乾沒敲篋浮
費所省幾正供之半云囂澆無賴者假以醫讀諸
伎奔走板附陰藉私寵輒冒冠服揖遜盤辟如儒
流名罷屑越笑膏爛羊戾則曰民未知禮未定其
志于是立訊而褫其服上下有章矣而縫掖士校
文華平先生集卷八 二 清旦閣

龍爲壽而不以姬煦懸三尺於百里之上而邑以
牧寧泊某日值戾覽揆之辰紳綬衿韋咸錫爵稱
賜而諸生某屬言於予予謝曰文亦難言矣而壽
尤難自兩京以還無慮充棟侗士掇其菁撫其鉅
釘抽押岡陵帖括經伸而微重于美臚飾名於鉅
工卽滴漣同缶璣砒易視矣且戾甫強仕耳以鬢
綠而頌黃考以剛膺而談耄耄亦豈其情哉諸生
曰否否在昔魯之頌其君曰萬有千歲幽之頌其
君曰萬壽無疆奚必俟萬斯年而後頌哉夫亦以
文華平先生集卷八 三 清旦閣

藝品題句雜字櫛時有獎借其跡地乏齟齬者歎迪
威董靡敢弗虔邑稅故重厥田高下迴絕水旱遷
困今歲春雨霖霑浹三月弗霽下者淪于水弗獲
以時時入夏驕陽魑虐熾于紅爐高壤焦灼以稿
一望如焚穀涌陡陡倍戾乃發宿儲之粟以出於市
崇祿於上下神祇爲民請命諸臺使祈所爲蠲賑
甚懇故饑而不害而性尤慷慨持正不邇便倭卽
倭人如刁玄亮娓娓垂涕市闔目攝而色夷之殆
甚於仲智之手披者蓋朗析秋毫而不以繳炫惠

荷估恃孖祈祝而志忠愛耳若知言則戾固文家
之牙婁也其弗可罔矣曰然則請誦所聞吾聞精
疑者壽劇思者其精搖機局者壽鑿窳者其機可
本麗者壽峭淡者其隲淪淪解牛以養生閒於神
也觀坯蟄以辟穀舍其和也圍戶樞以伏氣員於
機也戾以素節清裁凝神兆庶之上片語尺牘左
麾右叱手披色授聽發泉涌如條九紀鏤動中其
括舉邑之糾紛叢委有足以刺其思者乎矚如秋
水瑩若冰壺吏習舞巧射發而度自如民徂于

連滿闔計而鑑自如堂廉倒置翁張樞秘而衡自如與邑之震撼擊衝有足以剗其機者乎融融愉愉匪龍以謂龍龍嶽嶽弗翹以操狙桀屏息蚩愿舒眉舉邑之張弛有辟有足以淪其騰者乎咎蒞懷寧則懷寧治今蒞嘉善則嘉善治是群二邑之百千萬命咸藉濡沫以踣壽域而百千萬人搏心揖志以祝萬斯年者非其情耶而又可涯哉自茲而勲崇澤渥陟台司鼎象龍綵服大官珍饈以頤其祉前光後延以懋其庸卽千秋一日可也更五

支華平先生集

卷八

四

清旦閣

賀邑令壽序

邑侯自辛卯春卽政至七月某日爲侯誕辰諸生卽謀所爲慶者侯曰吾奚慶爲日吾抵邑而費宇燕莽絃誦未諧也田賦勢糾積逋以巨萬計城庫墮湮道路若塞倉庾充烏鼠也胥吏卑罔憑充而詭法未釐也故民罷訟囂譁而狎于弗類者未戢

也吾且循其故而亂靡所底卽以剛厲之而惡施鐫之不審以戕良而鑿和也方日踞堂皇以圖厥始而奚以慶爲自是滌慮範躬端軌肅憲首緒費枝廟庶垣宇以大新葺日進諸生析理剖疑迨茲而俎豆秩如也絃誦雍如也遲之校田賦蒐侵匿積逋則先其急者而緩其餘簡民之良以率其或不良者與臺胥史洗刷而董飭者遲之而成城城成矣而除道道除矣而勑倉庾倉庾以時勑矣至乙未七月復值侯誕辰諸生相率謁支先生曰曩

支華平先生集

卷八

五

清旦閣

者以祝壽微惠于侯蓋三請而三辭之矣以時未進也乃茲百廢具興四野協和侯其自介用擇乎卽以頌請宜弗吾以也敬以屬先生先生矍然曰侯之純德懿政豈惟邑士民有所依庇其二三臺司實嘉賴之頃以最報而封章錫典翩然南馳疇不爲侯喜亦疇不謂侯宜者又奚藉于若輩之文爲且而以文壽也曷不徵詞於當世之顯者而以屬予哉諸生曰頌侯德而徵諸文誠非其似矣然非文則奚所藉以伸吾私且文以徵信奚藉於顯

人曾以索諸境外之文人懇聽觀之不審也先生方以立言自負其舍先生誰屬矣曰若立言則余豈敢謂余爲侯所畜民而聽觀差審也其奚敢辭顧予之序侯政者數矣卽有言亦奚加于昔哉居常念漢宣川法爲理以綜數稱一時武健吏爭以剋覈應之乃所稱最尊顯者不在強察之京兆而獨眷眷於潁川渤海之政夷考其政則僅僅敦本節儉緩收成效而止耳卓褒德之賢更三世而其政益章至位上公爵通侯列雲臺卽元勛如鄧吳

支華平先生集

卷八

六

清旦閣

賜

壽僉憲葉沈湖七袞序

余浮觀彭蠡長波迤涎委輸靡極息楫而睨匡廬五老之巔積翠揚華殊暉異彩意必有天珍夜壁邃淵而鼓麓者非淳融靈毓之徵哉以是締觀于世邦基麗固景祐熾隆則有鼎畫馮翼之臣者頤固命丕揚顯休下迨紳掖烝庶之家累世樹德篤培弗怠則有耆英碩哲躬膺百祿以厚享于時而其子若孫亦膚俾博敏襲麻綿祉而昌大之自傳

支華平先生集

卷八

七

清旦閣

郡者世有惠政以厚其積而公勤施明德以揚先
閔之光垂後昆之緒其躋上壽飲繁祉以著蔡我
國家夫詎有涯豈非山川毓秀積厚葆和之徵耶
乃公顧數數與余侈談服砂辟穀家若目可睹焉
茲年且屆七袞矣益灼灼康強如少壯時倘天發
靈于公畀以完福符昔所謂龍沙過井之緯言耶
抑噓吸冲和鍊形益算信有之耶第余見公多信
命樂生垣中無爲類古之達人齊物而委化者乃
足以凝其神而植之祉耶是月二十有四適公誕
辰門下士謁余謀所爲賀顧余弗獲出郊垞致洗
腆之私諸生其爲余三致言祝公壽因勗乃子若
榜若校者茂崇令德以光昭公之盛美而厚集其
祉毋徒稱觴進履爲也

壽邑侯序

語云勝觀數定觀理基厚者崇受巨者豐人之萃
純嘏而協天人也蓋有基之者矣亦有受之者矣
以是觀我邑侯所蘊蓄所厝注疇非自貽其壽祉
者余嘗槩其凡矣侯以瓌稟淵詣獨究禮樂之原

支華平先生集

卷八

八

清旦閣

以制稅魁南宮卽諸南宮士莫之先泊蒞邑首揭
正脈以課邦人士日程月校飭型迪綦比以督學
檄試士則周防曲慮一洗挾文倩筆之實而禮經
搜義一書獨發陳澍之所未發是心學與禮經均
不朽矣壽一邑賦綦重民以困迫文田而飛詭隱
蔽踰四萬畝有奇更三侯莫克正民益困侯銳志
申復議且定卽刁黠桀驁露所相稽而永肩一心
以折其鋒而鎮其囂民以田賦爲命工而侯再造之
壽二邑城草初樓櫓未完而堂皇圯蝨幾不可措
先是者幸傳舍候遷莫之省侯綜理鳩工而撤構
之而諸公署之敝陋者咸以次葺是百歲之計也
壽三邑多囂訟紛莫可詰侯一見立究其顛委桀
若觀火卒乃傳情而行不竄不苛時有所縱捨以
不遏而振匱而贖鍰之網多存一而解三是哀矜
之澤滲入無辜者靡極矣壽四催科之政緩急有
程鞭箠不舛出納惟允繇賦催輸咸劑其贏絀以
畀於民如執衡平物靡所低昂貧者獲免而富者
亦不窮其力舉邑輸將無失事工而室家永相保以

支華平先生集

卷八

九

清旦閣

有生是貽百姓以永年之業也壽五賓使之絡繹
公府之稍食時有市于民者卽以時授值罔有折
閱而泉貨刀布之征新法數百金時爲均節菜傭
擔夫迄不知有新稅之名是上無逆令下有依怙
而商賈百千人各懷資斧以逐刀錐永無虞矣壽
六乃若郵卒輿臺遷夜芟艸之役暑雨祁寒櫛風
沐雨必噢咻勞來卽內庖之宿餼儲糗亦出其餘
以飼之而故交之零替者韋紳之廢佚者炎涼之
世奚啻飄株而戾獨依依戀戀不減疇昔存者蒙

支華平先生集

卷八

十

清旦閣

舉火之資而亡者亦垂挂劍之情雅道義聲埒於
晏李奕世無斁矣壽七中世士類峻町畦厲聲色
翹然示潔而中寔汶汶識者已闕其奧而猶皎皎
自多戾則廓落大度不爲矯飾不爲曲節由由然
率真委蛇若適于春風時雨中而清操矯尚凜秋
霜而炫烈日焉節惠且與甘棠永矣壽八吾聞壽
者厚也鍾是厚德以迓天寵奚所不崇壽者受也
具大受之麗以膺多福奚所不豐而位台鼎而名
忠願以垂裕于千秋者非常勝之數而理之預定

者予余故因諸生之請而述戾之自貽壽祉者云
若乃濡一夕而頌海曝隙光而頌春暉則固大方
之所見笑者矣

賀古建吾父母齊壽序

代

昔人語福者必以百順夫福何以百順稱也人居
大壤間其所取于世者至繁且苛故履和而迪惠
則順宜家而恢業則順貽燕謨而昌後昆則順綿
遐祉而康寧則順是數者或順之天或順之人自
昔哲士勝人類不能一一取必而兼萃之故百順

支華平先生集

卷八

十一

清旦閣

集而福斯徇也若古建吾尊公所謂百順者非耶
公績學而敦禮力德而貞業恪慎篤孝布恩厚施
振不能而憫不給其迪履則誠順矣然或不宜于
家而交謫之卽宜矣或未克協精矢慮以勤生聚
而脂膏滄滌之具或以不給則亦曷從而厚施之
也卽如事筋力奇勝計盈而極姦矣而厥子或弗
克負荷以繼其志而高大其閭則其名不顯卽顯
矣而河清難俟晷晦靡恒魯陽之景其壽考其康
寧又深願至欲而莫可致詰者也矧又夫婦偕耶

乃公樹德弗怠以培長慶之源下逮徒扛細務靡
不力肩而茂建之而余夫人亦罔弗輯鄰賑乏澤
枯骨而全遺金之託卽詩所稱維佩匄之義不
啻過之是公之德室家刑之矣而建吾爲時碩卿
府承寵命以榮其名政訓一書丕承公志而覃敷
于元氏之民者鑿鑿不爽俾元氏之民沐膏潤而
頌公之教者若券符而徵契焉是祿養善養備矣
今公年屆七袞而夫人亦且望六優游耆耆歛錫
榮祉輝金紫于世綵之堂自是而躋上壽躋上爵
支華平先生集 卷八 清旦閣

壽周母七十序

往余閱制義得周君稿如璞玉渾金輒手之不釋
既觀中吳士友則又稱周君瓌才偉抱饒經濟而
行尤孝恪事其父若母務齋慄養志以頤高年輒

口之不置迺茲得制科書則既哀然列高等矢擊
節嘆賞者久之蓋嘆周君之邁明時嘆國家之得
高賢而又嘆若父母之得養其志也既月楮生者
介吾戈倩以請曰生於周君有葭莩之親周母后
孺人壽七十矣四月某日其設悅辰也周君執掌
垣署弗獲稱觴膝下而郡國守相以羔鴈來者子
姓戚友以牢醴入者既且充牣庭除間周君莫愛
也而以書屬生曰吾母拮据勤生督某以有今日
也正某喜懼之日也顧不獲躬率婦子以益吾母
支華平先生集 卷八 清旦閣

觴其亦安能一夕寬雖然賴子之介微一言於支
子爲吾母祝不愈于千金之餽乎支子瞿然曰有
是哉中世奔聲利如驚而畧於言卽有言亦微美
銜締勢交耳周君功名鼎盛如日向午而吳人尤
競于華孺人之壽疇不瑜簪珥以實其篚鼎臠
俎哉以豐其庖庖啗醴齊以沃其觴而奚有于言
余以是覩周君雅尚竄哉以志養其親以具壽壽
其親而脩然于浮榮塵滓之外者也昔魯人之頌
其母曰令妻壽母萬有千歲眉壽無害宜大夫庶

士四方是有夫壽母何有于大夫士也則以僖公之宜大夫士者乃其所以壽母也今孺人從封翁言之則令妻也從周君言之則壽母也而周君致身殉國麗天紀地策旂常之勛垂竹帛之光俾天子嘉乃績曰幸哉孺人有子以佐邦國也大夫士推且讓曰幸哉孺人有子以共成休明之治也封翁若孺人慰且以娛曰幸哉有此子以對揚皇休而貽我以康強顯我于無疆是之謂真壽是之謂養志卽萬有千歲且無害矣不然而窮水陸考金

支華平先生集

卷八

西

清旦閣

壽薛母余孺人七十文

嘉邑著姓推薛氏薛之宦而賢者推賓洲子之愿恪克家者毅軒也而吾孫弱寔聘其異女姻婣甫篤于是益聞內德云毅軒之繼母余孺人慈明貞順克相厥夫賓洲而毅字毅軒九篤至是且七十春秋矣而其撫毅軒與毅軒之慕孺人猶一日也

戚友輩束幣稱觴以壽孺人而仲毅軒來綵之思爰屬言於予予於毅軒雅相訓益以姻懿卽微諸君請且有言顧惟先民之飭婦道者曰無攸遂無非無儀已爾乃雜佩之贈雞鳴之儼蘋蘩之奉與螽斯麟趾之祥舉所爲正家而錫胤者靡弗萃於厥躬婦道不恭重哉茲余孺人之相夫宜室迄有秩命捧檄遄行弗戒于火而孺人從烈焰中出其檄完其資斧以無虞于行此其智膽豈在當熊下哉賓洲故好客客靡所不傾倒而儲水陸勸脯醢支華平先生集

卷八

圭

清旦閣

云于時余不佞且右操班管左寫瓊漿以揚盛美
尚奚俟咕咕兒女子慰藉語哉

壽呂孺人序

吾邑有何氏二子通稱名士往予在講肆識二君
因悉其母呂孺人乃今值孺人初度壽五十八矣
友人請所以壽母者請予序之予觀齊世家太公
望理家肅尤閑內則以是世多賢女孺人豈其苗
裔耶聞孺人初歸時遘家不造拮据勤生生用殷
歲時修蘋藻慕舅姑終其身不衰而教二子以文
支華平先生集 卷八 清旦閣

其所樹植皆足自貽厥壽者二君即闢堂皇偕子
婦羅拜而膜祝之以爲母壽奚益哉吾有善壽其
親者四請爲誦之博辯而文上下今昔俾班馬腐
毫謝鮑輟鉢續文之子也倅信邇果經繩緯墨經
經恂恂弗詭弗激此倅行之子也委身任事孤立
犯顏批鱗靖獻之死弗移此忠惻之子也若邇道
微精一功參位育天下吾度萬世吾宇言爲著祭
行爲楷式則邇德之子矣率是四者以事其親卽
毀譽得喪之不齊而一有所樹則親壽係之釋是

而沾沾舞班扇枕爲女曹估蟬態可以娛流俗之
目而親之願或不在是則反用爲戚其究也身名
過佚而親亦泯泯無聞甚而虧行以陰辱其親其
得爲壽乎曩與二君晤言時志行卓卓不自隕迨
今幾五六年不識于是四者果有所樹乎夫文士
人之素業也倅行勸忠國家之教稔矣二君固能
之而或阻于遇或限于時雖聖哲莫可致詰乃德
則根心植性靡遑弗宜達則舜禹窮則曾閔道尊
名顯身榮親壽天下孰加焉二君母亦是務乎予
支華平先生集 卷八 清旦閣

壽錢母王夫人七十序

歲乙未玄月某日錢母誕辰壽且七十矣錢母者
僉憲惺初公元配而太學生幾母也諸友生有通
家之雅相率稱觴讓堂而徵言於支先生先生執
爵欬歎者久之乃作而言曰是天人交相成也惟
帝祐善惟人成之惟人思順惟天成之方錢氏以
積慶之源而將食其報也爰有大夫而復生夫人
以定厥祥相大夫於寒燼以經術成進士洎又相

大夫中外敷歷爲名臬使泊歸田而相大夫以經其家纖蓄奇羨銖累黍積爲名宦族錢氏所爲哀然稱邑中領袖者皆天之降祥而夫人寔相厥成迨大夫卽世太學焚然豈儒耳而吾邑政麗俗倫卽大夫僅立門戶而墨吏目爲外府也好究居爲奇貨也併筆舞文之流思餽其膏而饜渴腹者百十其羣內囂外訐陽施陰設其罟獲機變復不可致詰卽予所睹記諸與太學交者舍予父子外孰不思分其潤以肥家而所爲輯其故業修其闕漏

支華平先生集 卷八 大 清旦閣

鎮定其擊撞調劑其辛甘者匪夫人誰屬哉以予面稽天若必且念夫人肩荷良苦而錫之永年錫之康強錫之孫枝自耄而耄而期而目覩太學之有成耳茲則人所厚望于錢母者而天成之乎抑予又聞之截髮結客而珪以造唐秤提投創而準以相宋微獨天人乃母子亦交相成耳今耄夫入茹茶嚼檠篝燈授經以善厥子者甚肫且悉而太學亦溫溫馴謹績學停行不狎變童不近季女風氣日上七八年間以子身立於內外衝決之途

左擗右搯不隕其家聲自足以盡復大夫之故範而夫人優游諼堂之上徐益海屋之籌執太學手而慰且釋曰吾乃今不負先大夫之托也則今之壽夫人所以成厥子而方來之壽太學所以成其母者詎有涯哉支先生居里中於時爵丹九轉尚當掀髯一笑連引蟠桃之觴云

壽章太夫人序

往予遊豫章則聞嘉靖中有憲使章公備兵豫章以疆直顯至己卯秋吾友張生舉于南都則亟稱同年章君爲憲使胤倣儻瓌琦有長者風竊識而慕之己丑章君成進士蒞吾邑卽不及見憲使而太夫人就養邑邸邑之大夫士庶親吾侯如怙恃而仰太夫人如太母咸願叩階伸祝而未之致也乃茲值太夫人誕辰而喜可知矣門下士某稱觴而致之詞則謂予曰竊聞比梗杞之蔭者循其本醴泉之灌輸沃矣而飲澤者歸其源侯之惠吾邑也奚啻美蔭委輸乎幸于本者源者圖之夫予不佞安能效封人祝哉顧吾邑固積燠之枿而亢螭之

支華平先生集 卷八 大 清旦閣

濡也戶無宿春微弗停筆岌岌乎若弗朝夕矣侯
秉仁迪智漱冰茹荼劈畫中欲蠲其煩苛時其羸
細以振救吾民俾少者壯壯者老而老者獲全其
天年追茲而摺笏垂帶者泠草弦誦者黃童白叟
耕傭而肩販者咸津津頌曰此侯之德而太夫人
胎之者此太夫人志而侯善養之者暨諸部使監
司拊疆場而課最者廟堂元老南顧而願治者咸
曰微賢令孰與奏令政微令母孰與成令子而上
尊兼金六珈瑱瑳行且申命而三錫之矣其庶幾
支華平先生集 卷八 于 清旦閣

益七箸以迓純嘏哉語云得全全昌太夫人昔相
憲使公持節中外恭順弗渝範嚴訓協基溪積厚
以成吾侯昔爲婦則今爲母儀內以養志外以錫
類其得全審矣善積者壽善養者壽聚順而後裕
者壽太夫人具曰宜壽壽不可必哉鄙人何知願
執稱觴之役

支華平先生集卷九

樵李 支大綸心易父 著

序

梅花道人冊序

元有高士曰吳鎮字仲圭隱陳圖善繪事尤善繪
梅遂號梅花道人聲價重江左王侯士庶購賞無
虛啓然不欲以技售也卽強有力者函金帛亟購
之輒拒弗內曰吾筆詎金帛餌耶道近貧者輒曰
吾欲賑若乃歸而謀諸家無長物也則俛爲濡毫
授且戒曰聊以資旦夕毋輕售匪人且吾筆胡可
輕也性獨好梅時從大雪中把玩若有真契云晚
稍厭之而以易數賣卜于廬第日布一卦日禺中
則扃戶垂簾俯仰獨笑莫之測也旣老自題其墓
曰梅花和尚之塔若迹于禪者支先生曰吳仲圭
智俠也元季泯勢上下以墨爲政卽環行琦畧其
誰是之仲圭以畫自娛聊抒其湮鬱無賴之抱耳
而世且謂仲圭畫工也而以畫槩之旣而以易教
人蓋深于進退存亡之道而以振世之瞶瞶也而

世無可與語者乃駕于下以自汗若卜肆然人又神其術而謂仲圭下人也吁嗟使仲圭而誠畫工也卜人也胡所業輒精而不可傳世也今其卜弗傳世亦妙有傳者乃其畫自余祖父邇會高而上代有歌咏而余五世祖亦工畫嘗逮友仲圭亦謂仲圭智俠也諦觀妙蹟所遺皆神韻超逸標格奇崛隱然自寫其凌霜傲雪之氣幾與化工爭奇而隱衷惻慮思拯疲羸而噢咻之者亦因購畫之可否以低昂于富貴取予之節富者自多其財謂捐

支華平先生集

卷九

二

清旦閣

以爲玩世之一斑者世通緣是以重仲圭顧其所爲重者亦僅僅鑒真贗商市值以操奇贏而軒輊之耳而瓊行琦畧伊誰測之而誰傳之宋人有徐熙者工水墨以神韻勝迄損弗錄而黃筌父子徒以賦色濃潤隸秩翰林卽畫品一藝猶左神韻而右色澤矧智士大畧而猥令庸流品目爲哉故士生斯世而欲以徒手自見其弗可冀矣何者中世鉛槧家其人非盡好脩姱潔者也非有高致朗識知人于驪黃之外也非有膽詞勁筆以扶隱而剔幽也匪躡高懸駭里閑則弗傳匪豐資厚結則弗傳匪前有掖援後有推挽則弗傳仲圭觥觥落落石隱于泯棼之秋其與傳者幾何乃以畫品聲價猶足潤賈人之橐而延譽于一綫吁嗟仲圭初心豈至此哉然當世弗知而以畫傳于今今亦無知者而予乃因畫以信其心于二百祀之上則畫亦胡可輕也噫繼緒之力千年則盡兵燹之劫百載一厄仲圭而僅以畫傳乎幾何而不與畫俱盡也而瓊行琦畧所爲泣荆聶而走羸亥者卽亘萬世

支華平先生集

卷九

三

清旦閣

猶炯炯焉而奚隆于俗士之傳耶頃見弇州王司馬歎戴文進畫格冠昭代而生前不能買一飽則今世之士風民俗又何若也臨卷撫時良用慨然

秋江歸思圖敘

衛臯顧君承上林職奉賓祭宮府膳羞斥牧地于餘里饒羨財足自潤及致仕歸橐中裝乃罄然無長物也惟緝紳逢掖所贈遺秋江冊若而首耳既復介沈生紹曾丐支子敘言以弁之支子曰余閱皇甫湜傳吾郡有顧逋翁者以文入仕不得志結

支華平先生集

卷九

四

清旦閣

廬茆山稱華陽真逸有白圭振鷺之望衛臯豈其齋耶何退之勇也中世士大夫于進退之介汝矣下者竊名器爲姦利扞文罔或微榮巧顯瓦合而毀其方上者亦嬖澳湛浮詭遇標奇以自見于世尋有可直尺枉甘之矣無論強年完名不自引決卽蒙詆被譴猶昏夜權竇屈膝紆臆以幸旦夕無恙而黃馘皓首偃僂磬折貴人前強飾少壯容不憊不得已而歸則媿媿營營日從郡邑有司濡餘沫如殼中蝸或豐筐篚走要津以規復起昔所謂

林下無人京華俱鶴其信然哉衛臯名家子好學任俠爲緝紳逢掖所豔交官致上林入奉乘輿出結納顯庸可旦夕致卽不然而請外策肥衣輕軒車迫然侶士庶氓隸之上獵其膏脂顧不足爲終老計耶乃毅然乞身于強健之年抗表一辭飄然展脫視美臙不啻腐鼠此可以沉湎聲華之恒態測哉朱郭節俠程卓擅義皆名動人主景傳通都矧衛臯以貲起家以義植架固足以傾聽觀而激

支華平先生集

卷九

五

清旦閣

頽鄙者都人士所爲揚翊而咏歌之匪徒以志離合之踪也然傳稱逋翁壽九十有子非熊禮其家衛臯歸理先世之業擊鮮釀醪徜徉清風之澗壽未涯也而藍田之胤及茲可自種顧不賢于碌碌風塵中牛馬走哉第逋翁慕皇甫如楊雄孟軻而卒賴其文以不朽衛臯日從沈生亟徵余文無亦子與我乎不佞奚敢讓焉遂不辭而序之

溫公督府奏疏敘

代

一齋溫公先以少司馬開府兩浙駿業鴻謨上乎

下格蓋赫然震區寓矣屬下吏某奉公成憲而服
膺之乃哀次簡牘謀付之剗剗氏以永其麻既竣
總曰督府奏疏云公之開督兩湖也實兼安攘之
寄矣兩湖故沃土也頃以歲之不易土虛民耗罔
知所庇閭左翦焉有鳴柝之警公約躬飭度柔保
剛釐辨京陵鳩數澤表淳鹵藉樹畜惠訓不倦以
紓吾民而先後和懌之民是以阜民之阜也繫于
吏治顧近世之吏治絀矣公類能而使之汰墨懲
猛勸良策驚舉不失選官不易方以眎列而效之

支華平先生集

卷九

六

清旦閣

君而文武吏士咸兢兢奉明德唯謹官材辨矣惟
是營卒日冗稅額歲溢帑無滯積經費者率爲一
切以力矯之夫藉責育以應猝而暇日則枵其腹
聚豺虎于一隅而飢渴之其叫囂憑陵而不可億
逞也若觀火耳公之豫邊儲也蓋其慎也然以荷
戈敵愾之人而凌其上也其故匪渺也兵不練則
將不識士臂指幾大瘡不相使不習戰鬪則無所
調攝馴服其雄心而敢于私逞母乃上之經制實
有所闕以玩吾士而蘊其孽乎公乃選精銳以嚴

什伍謹輯鈴以勤訓練俾先驅者申驅者貳廣者
啓者肱者大殿者日有所事以惕其心而投石超
距者有所奮以洩其勇將與士日相狎習而太阿
之柄常縮于上以時其操縱是節制之兵也奚訓
之弗飭奚亂之敢生夫君人執信臣人執共今

主上神聖委心腹以授制府而公密畫顯斷深惟
社稷之大計以排其難而恤其匱補其闕而正其
違殫精披赤以復于天子天子嘉其勤卿相讓
其美羣工百執事受其成三陲耀威四域流澤纓

支華平先生集

卷九

七

清旦閣

纓乎獻替之忠者定之策與賈董相彪炳焉詎非
元老之壯猷名世之奇遭哉詩曰周道挺挺我心
局局觀事不令集人來定夫奇偉倣儻之士非乏
也標華揚伐躡景詡聲蓋人人能矣顧拔繡擢藻
寵飾其芬豔而實蹈膏焉尺璧寸畫聲容斐然而
時與事或不中其適亦奚貴言矣公忠以基之智
以運之文昭武輯敷納于上而上允其功措注于
下而下安之往轍之不令者一舉而就鼓率焉所
謂集人來定者非耶嗣是而宅揆持衡以毘天

子以殿邦國而樹不朽之績也茲繕固其一斑云

大澤鄒先生古離別序

今上脩綜覈之政躬覽萬幾諸司疏奏多出宸斷于是公卿百執事有不得其官者矣楚大澤鄒先生銓司矯矯樹奇節務守官以伸道不少委蛇久之拂衣返初服乃倣江文通古離別爲贈送詩數十章蓋以惜賢達而厲高尚也我邑余侯爲先生門下士傳而習之以示余謂余遺世之日久矣宜有概于中者盍序諸余諷詠彌日既卒業乃騷

支華平先生集

卷九

八

清旦閣

然而嘆曰詩云惟其有之是以似之先生以開闢正脉藻凌屈賈蕙若長孺忠若敬輿而時事齟齬衷情靡適有足慟陳留父老之泣者振轡而南遺榮漱節俯視塵世方且爲野馬爲九蜺曠然無一物足介吾懷者卽掛瓢抱石尚屬多事而奚由光之匪吾徒哉先生懷此惻惻感時潸淚咳唾珠璣寤寐豪賢千古接序偉哉乎其言之矣惟是八荒我聞潛見一心商維餐芝出成羽翼潮陽返駕欣問弗隕天生賢豪固有成之者矣有縱之者矣勒

勛桑鼎則社稷重流光竹帛則山川重丘樓林偃何必非顯秉圭紆綬何必非晦所爲高翔遠覽不染世氛者豈必在瓢石間哉予掃軌衡門不涉戶外事十五秋矣獨聞先生秉銓時風烈振世所賴以寄社稷者匪渺故綴以狂斐之言云

古離別序

代

大澤公自銓署歸潛德養晦間取古獨行士代爲五言詩以餞贈之藻梲空谷神交往詰翩翩出世之天籟哉某不敏請事良久彷彿其似乃歎陸敬

支華平先生集

卷九

九

清旦閣

輿垓戶于忠州而僅集古方書蘇長公懲檜詩而自侶田叟大澤將無同乎不獨才人輒軻遺恨千古而文明柔順用晦而明心亦良苦矣嘗念黃初以降才士彙作其辭工其調高翹然爲世道計者奚限乃其出處之義則情矣時而得志則高視而闊步凌物而多易稍拂其願則于咎所由而甚其尤自詡其長而若有所負或僂焉調且謏而不自聊卽矯焉自拔匪元則誕矣公綠情論世觸事匠心靡所不賢亦靡所不適淺而益深悲而實愉冲

澹而不可厭驟而讀之若吟閨風而翔八極徐而誦之憤世者恬然以夷玩世者爽然自失矣所爲滌玄風扶元化而囑三百篇忠憤之教者豈渺小哉某不敏願服膺焉

福建鄉試敘齒錄序 代

丙子秋余祇命按閩試士既得士矣越九月望諸士稽故事修齒會于平遠臺相率造而請曰惟主司惠顧小子以獲有聞迺小子自顧無當也茲以齒會尚克藉主司教以庶幾夙夜余日二三子惡支華平先生集 卷九 十 清江閣用是聒聒而咕咕也且而以齒會也何居曰小子自束髮遊嶺之陽也靡弗貴齒也頃者微天之惠猥以藝角而奇勝此其中不能無先長者哉是用錄之齒以明有讓也余曰蘇曾晚出而文竟歐埒也則惡言讓尼父學琴越宿而進技也則惡言讓胥靡肖繪而置左右莘父釋耒而保衡之作也則惡言讓惟士當仁則亦不讓二三子奚讓焉其文之也曰讓由人心生也惡用文之往昔士砥名號悖忠信傾蓋而談形神遂忘一語中結生死靡忒

詩詠同仇傳記久要誠歎之也邇者剗樸繁飾彤外窾中道喪世矣結綖燕遊誓心平生驪甚無厭卒有急棄之如遺聲勢相屬藉利相附也夸詡唯諾津津不出口所遭一不偶妻非先之中道而逝顯人恂恂款悃卽倉息之首豫讓之身分且甘之乃其心輒陰計避就沙射而尸愬之矣昌黎所志中郎所歎蓋不足以蔽其險也二三子毋亦厭斯習而奮思近古乎其文之也咸應曰小子卽不佞幸藉主司教誠不能隱隱仙仙爲市道交也曰夫支華平先生集 卷九 十二 清江閣會也豈特骯髒澳輒以締私交便昵好云爾哉吾儕挾鉛槧以干世僅如雕蟲主上過而用之誠無愛一身徒願得不貳心之士以其登治理耳夫試典旣榮且渥矣茲復洽之宴好申之詞命母亦犬馬戀主之誠不能已已而思與二三子協寅恭以享上乎嗣是而吾儕有發言指畫可以弼主違定國是者唱和之要于必行事有利社稷上下共力不必已出也忠于國者獎成之一不中則啓翼調護以幸無負否者爭相匡抹弗之棄也斯會之義

也二三子豈有意乎曰小子幸卒藉主司教敢不自力第人心惡乎同余曰人生而俯仰則君臣位之矣忠者中心之稱靡弗同也唐虞之朝二十二
人同湯尹未遇而一德同也周武之臣蓋三千同心矣何者忠植于性結于心而人各據之以效于上如股肱耳目各出其用以衛元首而靡有後先則中心爲之也烏得而弗同也二三子行與天下
士同卽四海九州捐笏垂帶之士結綬而同靖且獻矣二三子豈有意乎咸起揖曰主司惠之言以

支華平先生集

卷九

十一

清旦閣

偕之大同也小子何幸焉願隱約而次序之以書諸紳

薄游小咏序

今之譚詩者則推元曆云第唐士以詩起家自其本業而穠纖綿麗舉業之帖括耳以是而進諸作者吾誠未知其解也夫詩以詠志也閭閻婦子以逮王公大人戀國懷家悲窮念別委宛篤至矢志摘辭如洪鈞鑄物隨在肖形而生機躍然故可以諧聲律而宣淑莖鬯精理而達玄化卽隱顯遞遷

支華平先生集

卷九

十三

清旦閣

妍醜異致代稱作者奚必聲擬而字摹之也自明良解阜以至五子之歌其恬愉惜恨之志瞭然可睹已今世博士家以經術發身士鮮知詩及李何首倡七子嗣響厥稱斐然顧亦僅僅耳其諸家蛇人壁鼃響蛩吟無慮蝟毛乃率剽掇餽釘呬吾口吻如剪綵爲華鏤玉爲葉色肖彌工精理彌索詩道之厄甚于秦火矣我邑侯自公之暇嘗以薄游諸咏就予商質則見緒致繡錯靡所不總而慕慈思李籌邊憫潦抑何委宛篤至也蓋自先公卽世太夫人實抱析薪之思躬歷百艱以成侯德而季子雋才潛德頌身巨擘侯蓋日夜腐心焉而覩邊防之多故則思伐謀履澤國之陸沉則思固本其隱衷惻慮有難一二與俗人言者時而對境成聲觸景生色溫柔而有致深怨而不怒莫非真境莫非精理豈徒于聲吻間追韻語者而湫底以宣音律以諧矣予誠少而好詩顧困于佔俸不得學仕弗逢世繫于簿領不暇學歸而貧冗交病不及學詎敢謂知詩者乃獨心薄今世之模竊聲吻也而

願一振之而詩道如侯卽謂振八代之衰可矣

馬味梅孝義傳序

余少繙馬遷傳貨殖列引賢人隱士深謀高名咸于富厚歸以謂遷特含抑懟謗云迨長歷燕越之境綜情物之變觀諸治生家率計纖而覬亥數倫而決性真若穹壤間無遺巧者而委瑣齷齪往往容甫掖而術傾籌心撲滿而口阿堵竊谷谷歎之而信遷爲知言乃今睹姚太史傳味梅孝義殆章章不虛然後知遷之言特可以繫蚩蚩者耳吾聞

支華平先生集

卷九

十四

清旦閣

馬公善治生饒貲產爲時素封意其真若今世所謂治生者然顧弗事纖膏筋力奇勝取盈恬恬愉愉不激不亢日捐其贏以奉其親以成其兄而姻婭比黨之不給者咸傾囊贍之不少靳視其術若大相迕者又何所施縣殊也夫人情有所挾有所寄有所寄而情不枉有所挾而心不役此瑰梧卓犖之才或因所託以自娛而其中必有矜然于浮榮塵滓外者如范蠡之三聚萬金而旋散非可與淺中道也馬公翩翩博雅韞璞非琢以讓其兄俾

兄爲名士而已僅以治生終乃竟薄積而厚施之

此其所挾豈世俗蚩蚩者倫哉傳曰君子富好行其德夫富非可以智力專也釋氏亦云財者五家共有之卽如馬公善籌巧會殫械獲以罔其入固局錫以深其積德之弗植而天膏之其不爲五家勞生者渺矣乃今務豐德以全其天而垂裕其子孫俾休問燿燿懿模世禪承芳苗秀代有顯人迨茲易數十禩而禹山氏復顯爲王國禎非孝義之流而玄玄者隲之耶予雅不喜狀人行又不信史氏言以其崇諛而儀丐絢華而剝實也乃獨序姚史言者蓋徵諸鄉之人徵諸禹山氏之定于天

書法雅言原

夫書法自皇顓而降其統系正閭可縷悉也程隸紉基元常構室逸少匠心獨運而子姓藻枕鬱爲大宗至文皇心嗜手追制爲掄材之令其統斯振而虞褚諸家各有體裁入宋而蔡米黃蘇局體又變矣元之興也文敏其庶乎乃遒勁之氣則蔑如也明興天造厥有正韻學士先民罕由之俗俗習

支華平先生集

卷九

十五

清旦閣

便六義如綫漢史用修時亦弋獲越逸道生誕敷厥緒京兆希哲韋備諸家至徵仲而稱工矣第亦宋元之脉也邇來格卑氣弱無所取裁逸少之業衰焉夫書統詎易與哉其輕重係之人其邪正抽之心而竅于天倪中于神解匪神閒氣冲獨覽于穠纖華實之外者不足以入神而躋聖逸少夙稱骨鯁綽有鑒裁其人良重矣而雅性服食若餐沆瀣而稱閭風者故意與境會肆筆而成文挺如植壁燁如凌虛千古罕儷希哲放浪不羈故自豪俠

支華平先生集

卷九

七

清旦閣

徵仲雖非至者而恬淡高潔不墮蹊逕故書法于中葉獨擅聲焉若韞塵想逐羶臭而摹故牘以質聲是日書奴賈虛譽以射利是日書妖吾法中且夷狄之矣不然則吳中諸傭賈希哲徵仲以罔值者其徒實繁胡不自名其名而贗兩家以售其名則其所以名者不兩家重也我郡貞玄項子少而擅人羣之譽制稅翩翩倜儻一世士士亦共推轂之而未究其用間以湛思邃蓄精詣書法令名隱隱動吳越間諸所建豎如廣義田以惠士遠俗諱

以營葵戚足爲世重者輒乃脫屣科名身散萬金之產而屏紛扇戶庶幾冲舉之術此其人塵囂榮利足絀之哉故于世靡所不練習而僅著于書于書靡所不貫穿而取衷于逸少蓋高標雅尚有神契者今觀其書卽穠纖殊致而方圓協軌華實逸美而神情傳合匪天發其靈人殫其學博綜邃討神動機洽未易臻斯境矣而雅言一篇揚確百氏拔窾中縈服膺逸少而願爲蘇米忠臣心畫一語尤軼書譜書述而窮其奧真可羽翼正韻而砥通

支華平先生集

卷九

七

清旦閣

皇頤者乘此日力挾銳志以追逸少而紹正統豈虛觀哉予又聞逸少晚歲位遇不逮藍田而嘲其子不坦之乃貞玄有子臯謨藻業偉修令聞蔚起色養之暇亟圖其父所爲不朽計此又逸少之所得不得望者予誠少而好書顧以應博士舉未見其止而家故貧不能多致真蹟乃厯厯含津筏而師心故于臨池之道淺矣近欲撰十二家統系自帝紀儒術文章六書成別正閫以範來茲若貞玄者故當亟述云

許白塘平役書序

國初之制役也辨田之高下賦之贏縮而等差其役以待上下百司之服用維時哀益獲中徵發以時百餘年間民用又安載諸方策可觀已屬者敝政久襲兵燹頻仍非藝讐斂十倍故常計度之司銖析縷幹迴殘贖利名目萬端老胥猾吏投伺利孔陰擅其出役轉輸之數以耗國脈而煎民膏雖卓魯蒞政梳首總算莫可致詰于是間右之民或給納以罔官達或寅緣以賂胥吏或析籍以潛名或漏冊以逃役而貧民之側愿者反肩重役而莫之省憂富者席餘而日熾貧者躡短而歲蹶提封之內煙井蕭然而元氣日疲以索矣此平役之議誠所謂勤恤民隱而除其疾者也許公蒞吾邑崇儉以鎮浮厲介以敦本剔幽隱以澄靈審時俗以定議以此而當革之時夙弊其有瘳乎外史氏曰制役之法學者多稱周禮尚矣明興襲元敝累世樹量賦法無慮三變而支費日侈司農告匱烝黎蹙首膺役至抗弊巧法以罔其上公卿大夫日厲

筭朴以儉之而民之棄禮義捐廉恥日甚常妄念太祖天造改物定制復古之一會也俾當世諸君子陳王道講周官之治以審行之卽數百世可以無敝安有數變而尚未復古者乎宣父有云君子之行也度諸禮施從其厚事舉其中歛從其薄則丘亦足矣信斯言也雖萬世無敝可也噫非仁人疇能如斯

支華平先生集卷九

支華平先生集卷九

十九

清旦閣

支華平先生集卷十

橋李 支大綸心易父 著

序

永昭兩陵編年史序

夫史者廻天維旋地絡景曜璇璣昭回蒼冊神謨
廟畧絢燁玄區善敗炯如勸戒斯灼俾在御者瞻
前軌而改轍操軫者聆故曲而調絃進忠良則龍
干再肉誅僭逆則夷羿重礪懷瓊握瑾之士睹華
衮而作氣胸馳臆驚之侶望斧鉞而喪魄匡家糾
支華平先生集 卷十 清旦閣

繆助化流勸於斯爲烈矣爰自巢風旣家義畫甫
孺有六籍以宣聖教有六家以析名象有乘譜以
申世模有埤稗以悉叢委美刺別于騷賦堅白雄
於同異鏤山嶽篆鐘呂肇繡恬毫藻績倫齒體裁
百變而史實談之洋洋乎囊括六合總攬萬彙蓋
不朽之盛事哉故金石時乎鏤泐而炯鑑不磨日
月代有朧胸而縹緗永耀結陰陽舒慘之機佐皇
王章輝之柄遐追太始下垂無極自剖闢以降未
之有替也迨夫蠅蛙競響紅紫亂色言辯而罔詮

其與文葩而遂斲其樸詭異飾則雅致漓暫黜焚
則品目幻附威富乃鑽皮而潤毛羽抵單微顧雖
肉而生瘡瘡豈惟索米之陋實始曲筆之譏史道
之厄烈於秦燔矣惟我 皇明紹隆軒項度越姬
嬀闢三極于晦蝕沛玄澤于大荒躋命崇勛窮天
徹壤蓋墳索不足宣丘倚未易述也厥惟史局作
者彬彬邁銜圖之景運參簪筆之華秩紀言動于
垂衣漱秣苑之芬潤歆向接席班范聯署猗歟煒
哉第啟局于易世則涇渭易消焚艸于液池則流
支華平先生集 卷十 清旦閣

覽曷遍雜拾遷除之赤歷猥裁胥史之故牘恩怨
潛萌疑信錯出琬編鏤檢鬱而未揚龍圖鳳艸闕
而莫豐用使然黎博古之士蒞儻領于當年長籌
佐命之臣闇規隨于往哲韋絢竹睠九土盱眙積
有間矣大綸先世通有聞人聿念鼻祖臣叔芳人
稱幽齋先生潛光逐鹿之秋撰記飛龍之會式從
艸昧揆次天歷暨高王父臣支茂奮逸軌于 文
宣曾王父臣支立濫詞垣于 英憲王父臣支高
發藻于 武廟嚴父臣支祿嗣響于 永陵詵詵

五葉世叨文學掌故之司遙通三支庶接天下博
知之系而皆性耽古昔學不常師身在顯晦之間
故餘力足以弘著述官繫詞翰之局故聞見足以
備編摩凡國常民極邊防河漕皆精研而殫其要
邇原而習其委或參侍工寮而與聞其概或躬親
敷歷而備究其詳忠臣讜議時揖讓而丰采如覲
神皇察相日趨踰而都俞在耳摘鉛次槧藏副巾
箱幾伴秘府矣臣大綸生髮未燥猥習句讀遠勝
耳提趨庭而命口誦臆記逾弱至壯追馳驅南北
支華平先生集 卷十 三 清旦閣

而心迹兩疑者信心而姑貫其迹譽溢寰衢而得
自不虞者必沿華而覈實毀幾負俗而出自求全
者不以瑕而掩瑜廉介峭直者雖賤必褒山棲谷
隱者雖貧必述批鱗碎首者大書騰聞儔詞者亟
賞飾浮以炫俗者不廢砭針奸名以聚賄者重爲
倍擊肝膽遜之衡鑒幽仄之慘艸凡再易歲亦屢
更矣丙申秋杪 永陵脫稿觀察項德楨見而謬
賞謂 世廟德澤亘古獨永通紀諸書槩未皇及
士流企慕怒焉如饑亟畀梓人以揚丕烈旣而
支華平先生集 卷十 四 清旦閣

廁跡冠珮尚思得一當以罄涓埃尋舊學以酬知
遇而術疎數奇志與時左首忤權相再中讒喙素
壁點于青蠅雄翻摧于飛戈偉算逝而聲懷遐思
集而盈抱惜聚沫之蕤華思世業之就蕪乃搜獮
故帙結佩遺音仰 九廟之訐謨而委心揚扆接
八閩之碩彥而抵掌校讐籤軸繚列碎金如鋌僭
不自揆乃效司馬遷史記司馬光通鑑分格辨體
援古質今粹爲卷牘蓋善無微而弗揚惡必顯而
後稱一人而終始頓異者虔始而淡惜其終一事

昭陵就緒因并錄之夫仲尼至聖志在春秋猶蒐
擷于寶書乘觀于周史威麟紱而杼簡卜陽豫以
稽疑蓋紀載若斯之重也大綸識類燭龍身羣野
鶴而乃結隆思于穴隰紆遠駕于魯暉手澤故在
疑抱誰質啟騰剖袞眩輶軒之梗概範形鑄象談
鍾山于曲室挂漏旣多郢燕益謬罪我是愚敢云
竊取之義哉弟子長紹談大家續固故業可藉柯
則不遠蓋蓄德于多識匪資吻于塗說倘覽者獨
張左之艷詞繹筆削之微言亦禮失求野之意云

爾若說難留秦呂覽遷蜀左盲牘別憤極成章大
綸遭逢 聖明幸不罹此而蒲柳未秋桑榆非晚
悲名稱之不植托空言以自見亦豈若而人哉

率真傳序

高黃州傳滌川項公奇抱醇行數什伯言而蔽以
率真支子曰黃州之嫺于詞而約其稱也有是哉
中世摘詞家務楊詡以諛世卽有撰述彙萃今昔
清脩偉畧而文致之業必陵泉稷而學且軼宣尼
奚率真之足云黃州乃以率真蓋滌川知言哉夫
支華平先生集 卷十

五 清旦閣

真未易率也士徒患不真耳厥初受衷若有真性
一而不一也恒而不息也如水必寒如火必熱載
而行之範躬迪履屏慾絕智以含萬有以宰百爲
靡匪真覺靡匪真境蓋精不外假則精凝神不外
鑠則神王可以轉山岳可以入無微可以惇族黨
可以鎮囂煩功見言信出恬入愉奚而不得其真
也滌川貌不踰中人仕不踰下士而睦親恤孤平
賦定亂協于上下貢于遐邇時于仕止動有成績
迨茲事定且久矣而黃州復爲立傳諸韋紳大夫

士嚴名實而交頌之令談者芬齒聽者擊節可不

謂篤始令終哉匪至真曠能若斯不然世之據津

握要競巧捷以逢人者不少顧飾愿而狡露舞術

而勢絀繪貌言懸耽論而人益攜卽強自策豎矜

蹕于所長而迄窮于所不勝者何可勝道也吾又

聞泉稷宣尼未亂而好樹藝陳俎豆如素習朕蓋

真機天植有固朕者率是以往而業邵于窮古德

範于百祀罔不自真髓中出之則真性全體其蟠

際昭徹本若是無涯黃州所爲傳滌川者雖其傳

支華平先生集 卷十

六 清旦閣

真鏡貌務中名實無亦閔其旨遠其蘊以俟永永

而姑約其稱哉項氏故多賢與余洎吾子爲同年

交者世再閱矣而伯子雋材遠養又足爲滌川光

誠不可當吾世而失傳信之言遂因黃州之傳而

首敘之

章憲副詩序

華平先生耕于綠溪之澗日蒐古今名家著述而
品隲之以故得探章公詩章公嘉靖中名憲使也
以介直忤時宰歸隱姑胥集中詩雖不盡出姑胥

而自姑胥始傳蓋翹朕天寶正聲也錢生謀善梓
以廣之支先生曰昔人謂誦詩者必尚論其世而
知其人詩以道廣顯德而耀明其志者也誦其詩
其人可知已而世有否泰遇有亨屯匪論其世則
骯髒而忤世與脂韋而阿世者所操履曷從聞也
當嘉靖世權相莫嚴若矣顧工于詩而因以詩羅
天下士夫以首揆擅爵賞斧鉞之權而又高其標
目以籠致之豈惟苞苴契券如蟻聚羶卽通才達
士挾所長以見于世者嚙不川赴而谷應哉公以
支華平先生集 卷十 七 清旦閣

能詩居廷尉且數年尤權相所願交者乃絕不言
詩及出而秉憲豫章又朔朔以法繩其倖豎致却
以歸嗣而當軸者更其調以理學爲羅一肯措大
假東越之餘唾以干進者實繁有徒公爲其同里
人乃又不言理學而肆力于詩而其詩綿麗而有
則清婉而不煩聲必諧律才必傳情誦之絕不見
佻倖憤激之氣而顰狀不滓諸于境而超于神者
如孤鶴鳴空而莫或和之長鯨局于斥堠而鬣鬣
迄靡所騁也今三吳號多詩家顧體局日下徐庾

流風往往見寶烟雲色相句剽字綴蓋言不由衷
而竊其似格非已剽而持其菁若經生之掇陳言
以眩有司者朕胡可令具眼見也公劇心剝腹鏗
金戛玉蘭風郢雪觸景匠意而莫之天闕俾得究
所好以見其長其不爲江東獨步乎因序之以塞
其請

任君四書義序

明興雅重經術士士之工經術以干進者蓋家蛇
人壁矣顧高下隨時而皆出諸性才質懸殊而一
支華平先生集 卷十 八 清旦閣

稟于法旨沿訓故而泥故則落蹊逕詞叶俳偶而
勦說則離本色借今吻以釋古義則聲口弗類舍
津筏以騁已意則沈洋無當意欲深而不得鑒于
法之內調欲博而不得溢于法之外攻句者惡其
庸而稍涉鈎棘則益摘字者尚其雅而一入陳言
則陋幾之以天倪規之以物則經緯有定軸華實
有恒度卽斲至之枝弗能越矩矱而運斤射鵲之
手弗敢舍教率而激矢故經義之難學士先生蓋
屢折肱焉矧時尚通遷則風格日下朗鑒未晰斯

眞賞易消品隲由人遇合由命點頭惟藉朱衣過
眼空迷五色歐蘇且嘆其無憑矣而徑竇多岐雖
黃自口委命無媒含怨秋江士之挾鉛槧而取世
資者憂憂乎難哉吾邑任君束髮好脩夙負不羣
之譽藻業偉抱聲問蔚騰今歲不遇于鄉而以選
貢上春官卽未竟穆馭之足而汗血已珠矣黃金
臺側疇不望風而遜步耶交遊胠篋得其經義若
千首鏤以傳同好而丐序于余則竊有概于衷焉
蓋文雖不可以盡人而亦可以知人文固先資獻
友華平先生集 卷十 九 清旦閣

于法以信今而傳後望之而知其有德之言矣彼
志溫飽者其文侈而陋好肥輕者其言詭而哇苞
莖者浮滯而不律險佞者脂韋而乏骨如拾餘瀝
以和羹飾朱澤以取妍識者且浣其質而吐其餘
耳任君涉世甚淺渾璞未琢屬書摘詞厥稱斐然
持此以往卽步武郅鉉赤幟旆林庶幾哉出藍之
青乎此我明選士之美意而余所力爲從臾者也
奇節無名編序

華平先生日嗚呼天地生人有萬其繁獲所者恒
友華平先生集 卷十 十 清旦閣
什九卽有困瘁亦莫甚于節婦婦節苦矣而徐婦
之節則尤百之一云夫莫慘于絕嗣莫迫于內變
莫難事于老姑而莫難處于貧窶此四者卽男子
遵其一鮮不神沮色喪顏狀黎守矧以一婦人弱
質子軀搖撼于百死艱關之交而挺狀嚼狀終其
身迄使仇口革音狂且屏息詎非綱常之正鵠乎
徐生天逝少婦孀守寡姑垂白日暮莫保靡近屬
可依恃而血胤斬焉無一縷可屬衣食薪水甘旨
之需靡一可取給者而門以外又靡一可營煖煖

一身惟對總帷飲泣心口自籌乃不仁伯更窺瑕
抵隙思逞不肖之心如是而礪冰切夢至死不變
婦節孰苦于是顧縣官甲令旌表節義良厚乃有
浮費不可以徒手微而邑志爲一標題則易然况
秉筆者又生時之密友與密友之子里閭之耳聆
而目濡者乎彼慕義強仁如沈生紹曾去徐君生
年絕遠且尋聲而列上之邑侯去民間墓絕矣覽
呈惕然特揭以示諸生而竟以無資棄顧節婦居
闕閭且與不仁伯同室居而壓市耳目廣不可以
支華平先生集卷十
清旦閣

躬兼之第不巾櫛耳藉令巾櫛而冠裳且與首陽
埒烈矣故曰綱常之正鵠或曰志者非若友乎奈
何退生友以進死友也余曰伍胥覆楚包胥復之
夫伍包固密友懿好也而義在存楚則不得苟同
楚復而友義如初矣死生皆友也死者絕弗可作
矣而存之者在我生友可爲而不爲友道奚賴焉
故爲死者一酒之倘亦復楚之義乎

述餘序

不肖孤給少時知句讀先府君時出先世所貽冊
支華平先生集卷十
清旦閣

君憂因默繹故所誦憶者手書之再錄諸梓庶幾存什一千千百耳名之曰述餘蓋子孫承藉先志既不獲以善述稱而手澤世寶又不能守而厯在天之慮卽所述者亦餘緒耳嗚呼傷哉

敦餘序

支子仕而遭蹶日罄折于部使諸大夫前供副墨之役諸部使大夫殆以記室目之支子雖供記室之役乎然倔強故自若在部使諸大夫所問難則對宴笑則從僛憐慷慨目中似不見諸貴人也者

支華平先生集

卷十

三

清旦閣

而諸貴人習見支子態有常而言論侃侃久之言頗讐亦無能難支子也積三四年篋笥充牣蓋歸而人人指爲橐中裝也支子曰裝誠有之顧他人裝自外入積而益富支子裝自內出久而益章歲甲午有善書者來自金閭遂命如玉兒校而梓之夫劇心剝肺成一家言固文士宿業而宦遊時乃感感作此伎倆良足規遭逢之不偶矣集成額之曰敦餘蓋惟敦學半以仕爲學是敦而學也日餘者非職事也

耕餘序

支子少卽嗜理學性澹泊不與世馳騫蒞官任事矢心殫瘁無暇顧利害故所至少有樹立而毀禍隨之丙戌春爲言者所中歸而課農圖之役業已忘情世故間勗于應酬弗獲已而成言總之力耕餘事也乃兒輩校而壽之殺青昔賢云身將隱矣焉用文之吾人安身立命自有本領文如春花秋霞時序相推觸景成象非眞血脉也而支子課農時信步吟哦品裁日細卽東漢諸體已不出口吻

支華平先生集

卷十

十四

清旦閣

奚論晉魏將以窮而工耶抑工而窮耶噫

屯餘序

支子晚而學易也事必占之泊輯藝草將梓而筮遇節之屯喟然歎曰合哉九五當陽四陰互比初九下闕卽鹿無虞吾之脫塵鞅而入林莽也非所謂幾不如舍者耶丙申之春下逼于陰貞而不宇迨丁酉之秋蜚厲橫出乘馬班如勿利攸往矣吾于是而益信易之以憂患作也初九以陽居陰下上應九五而三陰間之動罹險陷狀能止以艮厚

以坤宜无咎矣而羣陰糾結以傾孤陽貌媾衷冠
剝膏嗜血至與坤上六咸有血象焉顧陽德方長
勢必奮地而上卽坎壙當前而驚遠懼逼庶幾無
咎故象不以反身不以致命而以經綸蓋君子挾
瓊瑋之才秉剛中之德出震濟險無一念不與世
道相經緯卽小人日媒宵孽以擠抑之而貞一靡
渝能屈抑其身而不能挫其志故曰小貞吉而以
遇君子則草昧可造雷雨可盈而利建侯所爲委
蛇于剛柔之交而出入于屯解之變也而君子涉
世之心則良苦矣吁嗟乎雲雷方凝勾萌未鬯而
標心無始之前送懷終劫之後穎端舒鬱穹昊證
胸豈螻屈而祈蟄亦蚌病而成珠耳命以屯餘志
憂患也如其甲柄以俟作解

支華平先生集

卷十

五

清旦閣

支華平先生集卷十一

橋李 支大綸心易父 著

記

桃源記

東海子汎舟遊于南溟風恬波靜天水相映息機
而晚有嶼焉峯欹崒崱蒼翠萬狀不可以階乃維
舟而上周遭三匝在巽之隅有石鑄焉方五尺有
咫就而捫之如有人跡沿跡而入數十仞豁然軒
然無翳無塵固異境也信足往憩于瑞木之陰俄
而玉蟾子顧東海子笑焉子何來知此木乎此華
平也本于娑婆苞于鈞天元運爲節陰陽爲理上
蔭清都下庇挺宇五百禩而一茂下土有至人焉
宰人間世則扶疎敷榮蒙茸翹達芳微入遠之外
彩暎六合之表若泗亭得鹿晉陽啓祚點檢襲基
則枝榮而不芳尼丘應禱函谷傳經雪山悟空則
枝芳而不榮暨諸葵丘首止崑崙秣陵則枝榮其
方方視其枝自榛榛開達迄茲凡五茂矣子固憩
于是乎因携東海子縱觀之其山則金碧瑪瑙瑰

支華平先生集

卷十一

一

清旦閣

瑋瓊瑤所在而是屑越而弗之珍也其禽皆鳳凰
鸞鷟祥鸞仙鶴無鵬鸞鵠鴉之啄也其獸皆麒麟
騶虞白鹿青牛無豺虎蛇虺之毒也其植皆朱草
紫芝喬松古柏而華平上參無極亦無二本若妖
卉惟木則弗產也其男女羽衣霓裳囁囁于無
婚媾昵倖忿忤哀戚之感也其飲甘露醴泉其食
芝菌花實不醯鹽不醢醢而臭味爽然也俄至一
觀徘徊久之玉蟾子曰此清旦閣也吾域不寒不
燠不凌風不驟雨澄霽蒼涼常如六月之清旦也

支華平先生集

卷十一

二

清旦閣

嘉善縣義田記

代

兩浙憲使董學政飭紀貞度崇正黜詭畫渠燧既
又黜隸僕之倖進者以別品彙錄賢士大夫之裔
而衿帶之以毋忘先閥也逢掖士爭相濯劇者彬
彬向風焉既又念士有敏學而厄于窶者乃議立
義田以周之爰請于都憲劉公劉公嘉其義首發

臺鑑之美三百緡以益市田而下其式于諸郡邑
凡田有故隸學宮者以慕義應者以貴補借資者
廣爲封殖而哀其額正其經界而制其入庀其賦
復其繇而時其贏絀數其多寡而別其上下播歛
責之縣佐嚴侵冒也出納遵之郡佐杜乾沒也查
數例諸歲巡慮湮佚也頒給必擇其才而定以鵬
之上浣防湫底也而又斥其羨以優師儒以資三
禮之缺乏綱舉條列周防曲慮犁然畫一之規矣
維時嘉善義田統計四百十七畝有奇所入租三
百五十三石六斗有奇歲以輸賦之餘貯諸公廩
而受成於憲臺以待諸生之式用云竊惟虞夏殷
周作人之法晰矣顧所爲四學者特詳于養老二云
耳廩士之粟無聞焉蓋其時井田之制自足以資
俯仰而胄子凡民之入學者又有餘田圭田以優
之故無不田之民亦無不祭之士而婚葬之禮咸
以時舉迨井田廢學制隳而養道益疎矣明興廣
厲學官士之雋者歲餼以廩禮文隆渥振古罕儔
而士之貧而弗克養婚葬弗克成禮者寔繁有徒

支華平先生集

卷十一

三

清旦閣

益原制有定其勢必不能周而諸生躬業鉛槧又不克自致于尺寸則設義田以助化流勸非教典之攸賴乎顧昔雖有義田而其數弗廣其制弗密其委輸匪入其弊徒文具而膏屯于壅閼屑越于胥吏之腹而諸生卒靡所濟其與幾何今而益其額以廣惠嚴綜核以責實旌別有倫資予有節有司於是乎蕝飭而不敢違紀律諸生所不能得之君者乃得之于師所不能養于家者乃得養于學宮以無虞于饘粥膏楮之費豈惟諸生父兄子姓支華平先生集卷十一 四 清旦關

寔受其貺卽郡邑吏寔嘉賴之以少造造士育材之責非古昔既富方穀之遺法哉抑又考之四代之教惟六德六行是先而時遊息于六藝今時制以舉子業課諸生特六藝之一耳其所爲孝友聖義未聞也而師氏爲爾衣食計甚悉蓋亦蓄銳擢業迪德厲行以誕對于師訓乎若獵聲偶飾采澤憊精于棘侯之末而取世資國家奚賴焉其不敏無能爲役而奉成畫以弘德造則寔願與諸生共服之無斁云謹勒諸石以竣

忠烈祠記

武宗蒞位四年江右大饑閭左作亂奉新巨盜據華林阨塞聚眾數萬人流劫奉靖寧武等州縣遠近響應者以數十羣時周公憲以某使備兵西道親督民兵討之平其三寨至靖安遇害公有子幹聞公遭難卽身先士卒赴之亦遇害事聞贈公節愍子爲孝烈立祠祀于邑之東時議以憲副吳公一貫先後在西道築城堡扞禦矢力盡瘁死于王事遂以並祀學憲李夢陽嘗記其事祠故卑陋且歲久圯甚支子至伏謁祠下竊高二公之忠孝大節而悲廟祀之弗稱也捐俸新之既竣工爲記其歲月云我 皇祖天造崇尚節義旌余闕以顯忠貶危素以儆細風厲漸摩至建文靖難之變死者駢首雖逮師生夷九族而不悔不沮視死如飴然亦大甚矣馴至宣英汪直則媚王振則媚呼父呼師了無慙色土木之變死節者猶晨星迨 孝廟寬仁恭儉尚直言崇正學十七年間所以維植元氣良厚故正德初亂政百出而人心不移下逮遐

方僻壤卑官冷秩皆知自樹流賊歛起而許樂陵
抗于北周節愍抗于南乘完節以報朝廷則孝廟
培養之貽也自後一挫于逆瑾再斲于江彬三木
楚辱死徙紛如一時士君子憤激就戮有東漢之
禍而直節亦因以衰矣 世宗初年直言復振雖
貴溪分宜陽擊陰排言者不替至張江陵乘權阻
之後乾子門生且遍中外奪情則舉朝頌功德卧
病則舉朝勤醢禱奉母入朝而傾城迎餞甚于乘
輿則天理人心幾于滅絕而廉耻不復在天地間
支華平先生集 卷十一 六 清旦閣

時政記

支子遊于蘿陰見諸父老漫發行歌甚適也問曰
樂乎曰吾壯者耕幼者哺而婦子織也奚弗樂曰
家有絲乎曰絲善應之有賦乎曰賦吾輸之卒事
而已莫予瘳也亦有訟乎曰有之質成而已曰汝
知其本乎曰未知也曰疇昔之歲汝亦嘗賦與絲

乎曰弗勝其擾矣亦嘗訟乎曰幾斃于繫也曰然
則今之耕且織絲且賦而恬愉自若也孰致之父
老劃然曰邑侯之德也微子言幾忘本矣稽首虔
祝而去他日以讀法當詣邑都則諸大夫士咸集
相與諗曰我侯厲藥平衡無所私吾儕亦蹢躅莫
有干以私者迺其節禮樂而敦詩書溫恭勤劬靡
弗愛也靡弗恪也自俗之漓宵人講張綦絢憊息
侯來而冠履秩如矣絃誦雍如矣風恬日舒侯之
德哉退而覲諸府史俛首如遺鬼也胥徒抑抑如
支華平先生集 卷十一 七 清旦閣

緩徵發緩逋逃振廩同食以飼饑者而藥其札瘥
禳其災害上下神祇無弗遍也窮陬僻陋無弗歷
也商農工賈各返其故以相拯也助助勤勤日謀
所爲生吾民者時支子卜築城之隅矣見諸行乞
垂盡之民貿貿然來曰日者日有粥二疾有藥且
禳侯德如天哉吾卽死且不朽富有方者曰比壤
伊邇咸奔攘相殺傷吾邑幸有王得相保以生遂
各捐其餘以益賑小者負擔大者牛車以稱侯之
所以生吾民之意蓋至于禾登而侯之喜可知也

支華平先生集

卷十一

八

清旦閣

支子志曰予自涉世迄今薄遊南北足跡半天下
所睹記吏治焯焯有聲稱者詎少哉顧士罕兼才
氣多偏勝庸庸者既品竄而不立而所謂焯焯者
率疆察矯虔牛羊其民而鞭箠之甚則崇嶮峻隄
獨任羣小力擠縉紳以爲能而陰以自結于當塗
之顯者卽有事亦且聽聽于簿書期會之末以微
譽于上官而民之饑且死不啻秦人而越視之矣
兼材粹德若吾侯者世寧有兩哉時支子方屬史
草因敘而紀之

儒學義田記代

明興修三代之典申布功令廣厲博士弟子員所
爲甄台教育甚具而制使銜命按郡邑復轍字而
提撕之萬曆戊戌夏巡按監察御史某協謀于督
學僉事某議鄉義田以惠寒士而某邑庠所哀括
諸田以捐俸市者以倡義應者竝故隸學宮者計
若干頃有奇歛散乾沒臚格申禁井井芸芸而博
士諸生所不得之父母者臺使實卵翼之卽不能
沾沾頌德亦安能以一日忘哉爰劉堅砥以諭永

支華平先生集

卷十一

九

清旦閣

永竊惟造士之制昉自有虞歷夏殷而成周所稱
菁莪棫樸奚其侈也夷考其時所稱養士者亦惟
上庠下庠東序西序與東膠虞庠耳斯亦厯厯矣
我朝天造聿崇師儒廣學制譽髦之士廩于縣官
者三萬五千八百人涵濡二百年風翔澤洽比屋
絃誦茲地饒民秀韋帶經術士蓋三千焉肄業辟
雍泮宮者踰五百人邇來籍上太常都人士爲多
盛矣而叨餼廩者自制額外不與焉諸生自中產
而下手握鉛槧弗克躬兼耒耜而俯仰婚葬膏蘭

楮穎之費靡一可捐亦靡一不交適于其躬苟非
豪傑其不墮志而他徙業業名教而汨沒蠅營之
利者眇矣幸而遵右文之制使樹和義之恒產嚴
旁落之禁流浩蕩之澤歲有常餼以恤其私俾畢
志于藏修佔俾之業而預天下萬世之猷寧非熙
朝之異數綦綯之曠邁哉語曰林盛而鳥歸之淵
深而魚聚之人富而仁義附焉二三子既富方穀
和于其家矣相與定志安學親師樂友翩翩俎豆
之間者豈徒工倂繕藻觀題邁而拾青紫哉入而
支華平先生集卷十一
十 清旦閣

南昌漢豫章郡也國初稱洪都尋倣唐制建會省

南昌府重修正廳記

代

稱南昌府云所統爲州縣者八爲儒學倉庫巡泊
者百編戶三十萬稅糧五十萬山川文獻名物之
盛甲于天下蓋赫然雄郡也顧獨府治卑庫不稱
雅制志蹟軼不傳攷自洪武三年郡守趙公奎卽
唐觀察使治所益以州邑故址傑構章江睥睨東
永樂改元寧藩南封卒卒不暇圖遽移布政司于
府治而府則就新建治所爲之弘治間郡守任公
肅治葺率務貶損簡陋莫軌于度欹朽日益滋每
視事輒聞蠹蝕聲潰雪蜚蜚下也咸謂不葺且大
支華平先生集卷十一
十 清旦閣

崩余亦時時諮察佐謀新之顧深計而中輟屢矣
迺萬曆乙亥歲夏四月十有四日俄聞西北二楹
傾聲甚迅人馬辟易會予方理牘燕夏胥徒各就
解莫有罹者然東三楹亦棟撓榱折岌岌且盡崩
矣不獲已爰白諸司諸司報曰可翌日予率僚佐
某某達觀于故宇程物宜覈因革檄屬邑知縣林
某詹某校經費書餼糧鳩徒庸越七日用牲于司
空則經營乃俾知事某照磨某督津吏輸材木俾
經歷某檢校某具畚揭紀功賞俾縣丞某主簿某

庀器具佐將作委輸責之縣正紉浮淫也勾稽總之郡堂虞媮妖也拳石塊礫寸薪朽咸有主者防漁蠹也材礪鍛磚堊甃膠采公市平估懸格臚諭慮侵擾也縮溢伸乏辨材程能槍勞節力獎勤振脩百司執事各辦其物經始于四月二十有二越九月十有一日告成廳五楹高三丈一尺有奇廣倍之軒楹稱是費凡五百三十三緡有奇取諸公帑之贏者取諸贖金之裒積者取諸廢料之旋售者不以征于民民方病旱艱食藉是得食力于

支華平先生集

卷十一

主 清旦閣

公役既峻上下宜之予追念慮始之難有遠嫌慕絮莫適任其咎者有視爲遽廬汲汲若不朝夕者余嬰其敝不憚囂譟以從大役經紀五閱月而不聞澤門興役之謠力絀舉贏而卒免于咎實賴士民和會暨寮屬播和見事以能有成誕敢記其本末以誌在事且以俟來世云

存墓碑記

宇後故有墓一丘方三丈許土封隆然子姓微且盡矣有好予者議更之予曰止慎勿更予生髮未

孫墓蒙累古矣予生墓不予閱也予閱墓哉人生猶石火耳死者且終劫以有盡之年毀無窮之墓命之曰不仁墓業已定矣子孫之賢不肖如反掌嗣而賢墓卽存弗閱也不肖宇之弗保而奚恤其後耶祗爲他姓利耳而予寔首惡猶有黃耆其及見之覆爲笑資命之曰不智五行家曰地不兩秀陰陽相反墓匪室利也更之便予曰否否陰陽一也人道好逸神道好靜汨之則憂父天母地理一而已不仁且不智天且厭之顧以徼福于地是悖

支華平先生集

卷十一

主 清旦閣

重修翔雲觀碑記

明嘉靖丙寅歲嘉郡西濮鎮羽士某卽翔雲觀故址重葺之前奉真武後像三清翼以廡繚以垣巋然奕然厥稱美觀矣余自白門歸適諸道流索記以旌不朽余乃按其始末而張之粵自勝國時紫衣鸞影翺然步虛祥雲陡集靈跡斯啓暨我明興百九十祀 聖天子以欽明纂曆數以玄默新

景命崇清淨以緯民恢神武以戡亂自指笏垂帶之士下逮羣方異流咸瀝血誠端儀檢以祝聖釐而贊景福維吾邦僻在東端文甲五服式修玄教載闡幽蹤鬱起層構輦飛矢直邃宇秘躅粲然具賄庶以率通僊而肅百靈翊玄修以契膚思也矧夫金玉真詮玄珠妙響將繼跡以闢瓊樞沿故以宣寶章若縣明鑑于講肆陳洪鍾于杪屑俾著錄者升堂守心者入室三山可陟九鼎俄成詎非度世之神後錫美之聖階也哉吾想夫地靈境秀景文華平先生集卷十一
古 清旦閣
幽跡奇朗月揚輝晴烟吐華林霽朝翠谷霞夕霏猛虎爲榮長蛇我持安知王喬不驂羽節而翺翔崆峒不佩霓旌而上下也耶余少侍元宮長遊皇宇以有爲佐天下于殫霞遁俗之學不啻若水火顧其逍遙至道冥符玄極蟬蛻聲利之表龜息冲和之蘊固亦放心高世之士所侈慕者余雖不能爲之而亦不能去之遂爲張其教以覺愚氓如此若能和光于無極委蛻于重元汰寥洞廓不假各象縣解了悟不教而尊固上士之究心非凡品之

通論也使其道非覺世教華尊主則胡鳩庀百費匪徵會而豫來荒圯千祀不崇朝而鼎建也耶是則可記也已

荒事概

萬曆丁亥冬江南水民用大饑維嘉善僻在東端壑三江五湖而墊溺暴骸幾以澤量矣維我邑侯以躬肩之奏獨大司農度支粟數萬已則勾諸轄司虛庾之廩發踴積親巡阡陌而共其乏困近者設糜遠者貸粟已則捐其札瘥而藥石之崇于上下支華平先生集卷十一
古 清旦閣
神祇以戒饗之凡在官者無弗舉也無弗虔也已乃諷于大夫士庶曰昊天不吊游臻饑饉以及此憂也稍蠲蒲贏盡矣敝邑悼心失圖寄命漏畧惟二三大夫其亟圖之而大庇民乎時邑中縉紳某某拜命惟謹母敢蕙貲出豆區釜鍾之食以相裨也已而設糜于家以飼饑者投糲于戶以煖寒者凡捐粟若干斛布帛稱是先此秦晉饑縣官以帑置懸旌格募富家出粟貸之至是江南饑諸臺吏復請以旌格下今所捐貸寔應旌格所司議以聞

卒辭去予爲記其事余惟人所爲聚財者以厚生而潤喬也顧幻形寄大壤間如飄塵耳而子姓復不可必潤多藏之謂何且計施而責報者黽僮之心也讓利而市名者節俠之行也卽慷慨慕義如卜式如郭解豈不熒然榮俗目哉而非人情則不軌子皮以子展之義遍國戶粟一鍾良鉅厚矣而家施及國則不訓惟樂氏先請粟于公以貸爰泊諸大夫皆貸而後爲大夫之貧者貸而已卒不以貸稱爲庶幾焉晚近世小人嗜利君子寡學蓋未支華平先生集卷十一
未 清旦閣

程古昔之誼耳顧余攬民風而概于世者則有深懼云往昔歲在甲辰大祲斗米二百錢饑矣而雞豚魚鹽蔬茹之養至狼藉不售今茲斗粟僅百錢有奇而雞豚諸食價且三倍故常四民之業坐困而莫可營此其故匪獨在歲凶也自俗之靡兢侈驚奇暴殄五材至于今而天壤之物力絀矣而屑越以務奢麗者罔有悛心鼎甲右族帑無終歲之計而裘馬蠶毳稠冶甚都絲賦通責羅括以輸塞下如塊之投海而金錢刀布之幣歲鏤而月耗矣

持議者不深惟弊本而習談賑施之利將甕汲與膏雨分潤耶昔楊子雲雖至貧迄不以萬緡載蜀富人名而史遷傳貨殖卒不以季次先端木余奈何身季次而口端木之行哉夫亦重爲邑民感而樹經濟之臬云耳

嘉善縣修城記

嘉善吳越之交一隩區也海甯鯤艘白徒嘯聚奸宄島夷猾夏則白沙柘林之寇寔首禍焉嘉靖甲寅夷用大擾乃城之時細事倖規制卑陋爾來恬支華平先生集卷十一
未 清旦閣

嬉既久益就頽圯萬曆癸巳渠魁闕白游食諸島虐如朝鮮震驚中原我民皇皇望城爲命邑侯履而歎曰語云見亂不惕所殘必多時事棘矣而城卑陞堙其曷以抗大敵一旦弗戒舉城齏粉矣爰謀所以修之謀旣同乃申憲鳩工程物庀材益卑培薄高高下下悉中軌度樓櫓雲屯雉堞峰巒屹爲江南雄鎮矣蓋自茲而戍人無勤蚤賊遠屏士庶室家子姓永相保也永相慶也則屬大綸記之綸惟城者成也昔帝王所爲禦暴客以扞成其民

也清風至而修城郭具在戴記審矣中世宦道日
巧視城如郵日計除厝以跋遷陟比事至輒營徙
脫禍頃者西夏弗靖蠢爾若疾當事者率引疾去
無何且徙善地無何又徙善地夫臣子致身凡以
批擣解紆扞疆圉也而調繁而晉秩凡以勤勞勤
而旌伐也乃遽小蠶而全軀以去全軀以去而更
予善地予美遷是遵何典耶謹舉易類賢勞解體
庸庸者務豐橐裝以行媚結強後以厚封而遠嫌
慕紫者類以簡靜自命卽卓犖之士亦揚眉伉膺
支華平先生集卷十一
大 清旦閣

令一而上下安之卽召伯之膏雨山南之清風且
爛焉竝照汗簡矣迺者九域之內水旱居七衛殲
相望萑葦不逞跋足以伺釁兵革之興何日不有
卽善宦如過郵恐未知所稅駕矣然則是舉也其
桑土之至計制勝之先聲哉城高若干厚若干爲
丈二千四百有奇甃築輓石若干

支華平先生集卷十一

支華平先生集卷十一

尤

清旦閣

稿李 支大綸心易父 著

傳

范顛傳

吳有范生者好奇僻善嘲謔以意氣凌人其屬文必求一世人所不好者而後銜之人率哆笑以爲顛文以是卒世罕有合者而顛顧日甚人因目之曰顛予聞而憐之恨不一見其人與之語中正之道而約之大通也特爲之著曰顛之言不見經傳

支華平先生集

卷十二

一

清旦閣

殆吳謠也吳人凡輕揚狂躁者曰顛顛生居常詆一世名公如奴隸然顧窮且老若是雖生亦何以自解然吾觀世人最懦弱婉欬低聲細氣善承達人意指而卒以窮死或中奇禍慘刑者種種此又何也俾生巧詐善伺脂韋而趨逾之其能不窮且老耶然人亦有偶顛者背毀巧詆陰肆凌轢而面爲諛說以相比附或負意氣奴視儕列而曲奉達人倚藉聲利卽吮癰舐痔甘心焉有寅夜入權門叩階捧足以幸一面而號于人人曰我善顛也今

有善顛者託孔子之見可以行其瑣鄙之術駕言

于柱尺而實降志辱身漫無紀法則學士達人類

能之生顛矣亦若是班乎天下有義有命以順死

勿以苟生以道窮勿以倖進義也順在我道在我

而先生窮達若有適然者以主之顛者不能拒而

不顛者不能招則命也君子信義則心正信命則

心安生信顛則亦可以自樹矣霜降水涸天根乃

見六陽剝而復次之窮達之數固有適也生母亦

自樹哉然生恨不見予偕之大道卒以顛老吾師

支華平先生集

卷十二

二

清旦閣

曰如不可求從吾所好又曰君子以莊敬日強使生以敬自強而置不可求于所好之外又何必僂蹇恣睢作顛狀耶噫此不學之過也

詹封君傳

傳曰余辛酉春遊宛陵聞詹氏有二龍至甲戌冬遊洪都則魯臬公令新建三年所矣日夕偕出入聆議論而觀刑其政業綽有古循吏風意其家必有偉人焉以淵源之既久盡得其家世于是知有詹封君封君諱友相字某宛陵右族也自幼儻

不羣習舉子業貫諸史百家言業且就忽自念曰
吾父老且疾區區守章句而貽父母以門戶憂嗣
卽祿千鍾安所逮吾親遂棄去稍經其家日洗腆
孝養厥父母供膏脂滌滌甚具凡起居食寢必俱
或以故離父母所卽皇皇靡所騁厥父母念封君
至亦必共起居寢食乃樂父遺疾侍湯藥卽食弗
甘夜弗解帶弗交睫也甫弱冠喪父後喪母號痛
哀毀哭無長聲喪大事悉倣古禮時幼弟友賢甫
七歲封君撫育備至迄用成立迨長無間言鄉人
支華平先生集卷十二
三 清旦剛

命曰吾少有四方志以父老故中輟迄用耿耿汝
浙汝沂其力學以成我志汝洛汝滾其爲我課田
產植母嚮家聲汝父老矣暨漸補郡廩生有文名
魯泉登進士高等今新建封君亦時時貽訓勉策
功名以繩先哲肆魯泉益用奮勵底循良之績焉
三載銓司課治行爲天下最例錫爵命以茂厥庸
于是勅封君如魯泉官階文林郎配盧爲孺人云
先民有言期年樹穀百年樹德詹封君古孝弟力
田人也顧今制不以選終老獻畝間乃子孫輔勲
支華平先生集卷十二
四 清旦剛

而受積爲時名大夫爵秩方駿駿未艾封君膺簡
命登八表榮且壽矣俾封君工文善宦得志一時
孰與發祥延祐如今日哉然孔門稱曾閔孝弟諸
文學政事莫敢先之而恤匱乏急人之難尤末
俗所罕覩如封君者可使汶汶不傳耶余故掇其
大者而爲之傳云

卞司勳潁山吳孺人傳

潁山者嘉善人也姓卞名錫字叔孝別號潁山故
海陽博士白溪公仲子少稟英質業舉子有聲吳

簿奇其才以女倩之是爲吳孺人自總角試輒高等廩於縣官乙卯科舉湖江鄉試丙辰第進士以才請入中翰滿三載考最階徵仕郎配吳爲孺人而府士公與母徐封如之無何遷爲吏部稽勲司主事時嚴嵩相天下委政胥子中外吏靡弗以賄進而銓部尤號要津必豐貴僅僥得之乃穎山入銓署顧獨匪胥子以也蓋穎山少而負卓犖之譽斤斤自好不與俗浮沉刻厲經術制義清醇娟好如其爲人海內博士家咸宗模之故未離蓬室而

支華平先生集

卷十二

五

清旦閣

不敢快其私居無何竟以哀毀遘疾弗起時伯子洪勲甫四歲仲子洪烈匝八月耳家故貧而邑民鴟鵂多幻睥睨孤孺思齟齬萬端維吳孺人矢心圖之內緝外扞而屹屹以經學程其孤迄今家道日益振而二子皆彬彬質有其文不隕厥聞者孺人力也伯子又云穎山爲司勲時列嵩穢德具疏且上會內艱不果允若所言則嵩之稔惡流禍倘亦天耶假令疏得人卽不效亦少挫其鋒幸而濟去逆胥如振槁葉耳安得恣睢洗洋至壬戌始敗

支華平先生集

卷十二

六

清旦閣

也易簣之夕邑人見朱衣戴冠乘而之北郭者二人而後一日盛憲副夢穎山投刺入想殮者屈其足拇指殊艱于步及往吊啓視之良是斯又英爽恍惚不可致詰者云

支子曰余先君寧國公嘗學于白溪公故與穎山世好也穎山弱冠時嘗過從先君時予甫十齡輒與穎山辨四傑事嗣後塲屋相周旋者無慮二科洎穎山益顯貴予性不耐謁顯貴人遂絕不通一介穎山錦遊都市余有里中賦從塵中睨之倨輦

飛軒翩翩若僊郡邑長貳服素書銜匍伏惟謹而里中士人駭汗奔走脇肩屏息通殷勤遂無丈夫氣矣及屬績邑令黃當入候聞絕卽叱御去扶騶者弗早聞而脇肩屏息者共謀下石以阱其孤顧余曩卽不通一介乎適今爲穎山立傳而余之子復與二子交雅相善也一死一生乃知交情以斯言之尤信

陳母孝婦萬孺人傳

鹽官陳生嘉會之言曰會之母遵貧多艱植德良

支華平先生集

卷十二

七

清旦閣

苦郡丞張公時修布衣沈君明臣皆持正不以文市者幸俛得一言之譽郡邑志方索高價嘉會奚敢窺其外垣雅聞支先生好奇節不市文敢微一言以不朽余聞而嘆世風之靡匪獨煩德也乃婦德而有聞者尤妙矣夫黃金諛墓琦瑤豐碑古誠有之詎聞藉公典而納賂者耶按孝婦萬孺女而允武元配也少孝恭有奇操父母絕憐愛之不忍嫁許贅允武婿於家未婚而父母相繼歿孝婦痛泣總肩鐫約臧獲襄事以禮既三載喪終乃殯

於陳嘉靖中炳嗣子萬損繇輪京儲粟覆於風家塋無所償當受法孝婦曰嗣子法吾父母疇爲奉祀者顧安得所償乎乃割奩產之半鬻之以償嗣子得保有其宗祧甫歸遣姑喪遺弟妹三呱呱襁褓中孝婦鞠字惟謹既長爲之嫁娶令故姑無身後虞允武之叔諸生亮米者無子而允武陳仲子也宜爲後而亮米家故貧業舉子不暇治家人業孝婦相夫春作織甞理內政以養嗣父者十五載及亮米以鄉貢授松江學訓有官奉稍裕矣而亮米自有子孝婦曰嗣父有子卽晚且少顧血胤也夫在久壓之豈情哉嗣父卽弗言吾當以義自裁嗣父亦悅而聽之歸旣數載庶子弗克家家日落亮米老矣日食不給孝婦曰夫卽歸奉吾翁顧叔嘗爲而父矣今忍恣然不繫于衷乎歲時問安否飪滌瀝製溫輕服食不絕旣物殮殯窆安喪葬如禮令嗣父得所終翁榮輪縣官金錢餉諸禦倭兵道遽倭掠盡法當死榮視諸子業弗能償而仲子既贅且出後卽歸而分業薄忍弗言孝婦曰翁不

支華平先生集

卷十二

八

清旦閣

幸惟寇奪餉用軍興法且死而忍徐爲之乎亟傾
諸奩具及嫁時田盡罄之以輸于官事寢翁得夷
猶色養以終天年孝婦卽有奩資善經理乃以中
外代輸事育亟矣於是亦貧顧善居貧教二子嘉
會嘉相從名師學而手絢繡洗佐之學成爲諸生
大宗墓饒美材宗人不肖者矯虔以自私孝婦力
爭之不免僅得其所稟二百本售之爲立祭田若
千畝以奉蒸嘗令祖宗無之祀至晚歲病且革命
二子以生平所自樹者惟誠孝爲兢兢云

支華平先生集

卷十二

九

清旦閣

支子曰婦人之性多耽飾而昵內固蓄而深藏而
仇舅姑叔姒如戈矛孝婦婦人也父母喪能恤其
嗣子姑亡能字其孤事嗣舅能從其志以歸歸而
復養其貧以老況贅且出繼事其翁顧不輕哉乃
遭變而傾重貲以償官錢自甘貧窶而教二子以
義方其孝思惻惻奚獨爲婦師也劉光祿傳烈女
凡六而不及孝乃昭代聖母廟諡卽備百行而必
以孝冠之度越千古矣鹽官王沂陽余友也志諸
孝節而不及陳孝婦締觀諸所志者亦多顯盛之

家與顯盛先世耳然則婦德之有聞者豈不藉聲
利哉余益重慨世風云

徐節婦傳

嘉興郡東邑曰嘉善其地僻其民愿至嘉靖末饑
壬橫出而諸生徐賞者獨持古節士風言忠行篤
與人款款無町畦籌畫赴義不少詭隨歲役徒飭
度端軌獻歲啓絳帳迄伏臘靡勸容諸儕列推志
山如丈人行卽志山有言必靜聽罔敢闕語時則
予兄大烈大經泊侃効忠陸謨陳棟皆同筆視而

支華平先生集

卷十二

十

清旦閣

表黃及不佞大綸以肄學同榜與志山爲金石交
然余兄弟居東鄙踰月乃一會而諸兄同里閉听
夕飲譟周旋至出涕泗指天日披肝瀝血誓生先
富貴無相忘者歷壬子乙卯戊午三試不偶家故
貧喪父蚤獨母寡居而婦李氏者故諸生輔女也
有志操勤緝紵春作佐夫事母備色志養而砥行
修文以自見於世屋數椽田可數十畝與異母兄
徐貢中分而貢爲府掾且分固長凌之志山不敢
校弱冠爲邑諸生益攻苦向學不問家人業家益

落而兄攬郡案益饒乃凌益甚已未冬病痢且半載亟矣余輩入視疾志山曰吾數人異姓骨肉也今病且死奈何余曰生死百年之大齊無足悲者母老矣而嫂弱且少志行在嫂氏耳若聞外事吾兄弟敢肩之倘嫂能終節亦足不朽而志山先已撫族子行二者爲子鞠育婚聘數歲矣既絕貢之次千萬里以倫序並爲子而貢弗善也陰計寡婦少獨母老矣倘改適彼行二者當門丹耳一刻立去之日跂足以盼改適亦日屬垣詞聞以伺微點

支華平先生集 卷十二 十一 清旦閣

而齟齬之獨姑弱類焚焚靡依吊影腐心天日無光況有含沙以射堂奧者乎乃節婦深局堅鏘忍茶嚼雪足不踰內閫卽外事須應必令女奴傳命終不聞其聲遭歲大稔歲入不能給母老須甘旨羞則質簪珥簪珥盡鬻布帛布帛盡則以米膳奉姑手捻糠覈自嚼或糠覈盡則枵腹啜水而多方以膳姑浣垢紛紜結嚴形而衣姑如夫存時葢室無薦厨無煙甕無壘鹽蕭然四壁而節婦姓介絮不受一介二三兄弟稍有餽餉誓死不令入戶

故貧窶益無可爲者貢意其貧且困或生他心而操履固益峻伺釁久終無奈節婦何至辛酉母亦歿節婦益單而故僕唐佑者馴謹供薪水役徵租輸稅咸賴之貢乃妄據浮詞訟於邑侯黃思湖蓋剪其枝以伐本也比逮者至節婦拊膺搏杖而哭曰天乎伯氏最爾蠲逋鄧林敗葉耳未亡人旦莫從若弟區區几上肉一噉可盡何施舐糠及米計邑宰廉察面訴當自折奈吾守丈夫命足不出內戶而以身入邑庭令隸卒指耶哭罷且自經余輩

支華平先生集 卷十二 十一 清旦閣

七人盡喘而奔令女奴入慰曰母怖吾等且代嫂庭辨之乃共爲一詞入白思湖思湖察吏也一見決遣徐貢而慰諭其僕令母忘夙心節婦得不死事在邑故牘中至甲子冬喪六閱歲矣未葬余以計偕當遠遊乃偕諸同志議捐助以襄大事令女奴入請於節婦節婦哭曰痛哉吾夫之不能葬而以溷諸伯叔也請俟之終圖所爲葬者諸同志復請曰嫂氏餽粥之不贍而能計大事乎卽俟之其與幾時且更安所圖也吾輩昔有遺言可不終托

乎況諸兄弟出處異途聚散靡恒今不亟圖後奚
及矣節婦乃許而母氏視在殯諸同志復傳語曰
兄之母未葬而葬兄兄其忍之乎請先葬母節婦
復哭曰痛哉吾姑之不能葬而以溺諸伯叔也既
葬母且穿墳具窆復傳語節婦曰葬稱同穴墳
必雙奈嫂氏少而貧何柳雙則應虛其左單應他
日之改爲也幸終命之節婦又哭曰痛哉未亡人
忍死七載爲老姑耳卽有犬豕心奚至今日且而
視徐志山何如人而有改醮婦乎余輩愧且悔且

支華平先生集

卷十二

三

清日閣

慰曰志山卽天且絕得婦如斯不朽矣旣營墳奉
志山以葬返而虞而飲余作輓詩有爲問螟蛉何
所類一抔他日更堪虞蓋罪其不葬而重爲守墓
計也徐貢意不憚思困余乃故出繭緒金星硯曰
卽有高誼能立賦滿紙乎余曰悲憤填胸拙之愈
出南山竹可盡奚有於數楮走筆書之表子曰日
試萬言倚馬可待君其庶乎書畢余囑節婦之父
李輔曰煩君以詩義諭令女幸堅鐵脊梁擔徐氏
綱常也李輔曰無以爲也吾女少讀烈女傳嘗覽

齒頓足誓學古節烈事無俟更諭顧嘗聞吾婿卧
病與女論古忠孝至宋末諸忠臣因問文丞相何
以不卽死婿曰彼思黃冠故鄉徐圖興復耳女曰
否否宋室淪喪尺寸元土老倪元民興復萬無一
偶不卽死者謂丞相以不屈存是宋臣存也而宋
室猶以名存丞相死而舉世不知有宋矣時婿已
欲女知不可爲而嗣子皆徒名耳無父子情吾女
存設几進奉蘋蘩是志山存也女死而舉家長幼
畢尊臧獲其孰知有志山者故忍死一日以延夫

支華平先生集

卷十二

四

清日閣

名耳女之執節其無以過慮爲矣夫志山與余輩
聚談遇忠烈奇行輒津津若旨詆邪佞貪墨卽露
斷裂皆思一刀而劑之今觀其病視猶日與節婦
語文丞相事則節婦之艱關百死而不撓不震固
天植純耶抑刑於寡妻者稔耶自是馳驅南北三
十年卽令人問安否顧道遠不時達而諸里黨間
語節婦貧益甚節益苦益堅稍稍聞貢之長子一
鳴以黥生從事於府校黠多婪時時修怨窘節婦
而嗣子行二者旣爲所逐不復來萬里卽名爲嗣

居室受田耳無母子情萬曆丁亥戊子歲比祿斗米三百錢所在以艱食死者疫死者可澤量節婦亦以是歲死其疫耶抑亦以饑耶猝且秘莫可詰而余聞之乃不以詰而以喜曰節婦事定蓋棺志山藉以不朽矣昔人生祭文丞相況以節死而暇詰其他乎第縣官旌異典所當爲亟圖者呼其僕唐佑來告以故唐以質諸人咸謂自里胥而師生而縣而府而監司費太夥匪若力可辦也及再呼不至三四往訊萬里亦不報則使人訪撫子行二

支華平先生集

卷十二

五

清旦閣

亡羊當至是哉乃訊志山之徒沈嘉賓往致意且約渠同門戴洪恩淳恩輩共圖之已而戴生竟不至而表子曰事在邑侯時諸生慕義者沈紹曾輩詣邑庭陳之邑侯廉其狀良苦具以事下諸生令書復踰月邑志節婦十二人而徐節婦格不書私問友人則曰十二人皆有厚價值不稱弗書也而以面皮干耶余曰爲亡友計卽乏資鬻於菟數十畝居間當不靳否且負良友而吾子如玉曰大人在仕路當汙濁時不以貨傷義迄罷官無怨尤乃

支華平先生集

卷十二

六

清旦閣

其不復傳爰以文告城隍而傳其始末不以告邑
侯者素不干邑事不欲破齋例也語曰是非得失
身後乃定謂恩怨之漸遠而公道之日明也今志
山貧而天亡且四十年節婦亡亦十年宜無可爲
忌者而忌之者乃千若姪嗚呼天平天其年絕其
世沒其產乃并滅其名乎世人操趣黷踰閑饗
利至無行矣而顯名肥家皓首偃傲是又安所賴
藉也嗚呼天平人乎人不可信而稽諸天乃茲天
亦不可問矣將寫水在地方圓正少飛花舞空祠
支華平先生集卷十二
七
清旦閣

厠惟遇其信然乎吾又安所賴藉也

支先生曰徐君殉義婦義與匹有友秉筆而不爾
恤志以紀實貨財乃殂嗚呼節婦可名而志不以
名志不名而節婦以名吁嗟乎友生盍若鳥之求
友聲

支華平先生集卷十二

支華平先生集卷十三

構李 支大綸心易父 著

墓誌銘

明處士陶鶴湖墓誌銘

嘉興稱右族者首陶氏陶氏之稱于嘉非徒以族
蕃且熾也蓋亦有隱德焉若鶴湖者非古魁梧長
者之遺耶公諱某字大音鶴湖其別號也公自少
績學以穎才稱業且凌駕時曹揚軼先閥既數試
有司竟弗偶適稍棄去放跡林墅間見王夫得
支華平先生集卷十三
一
清旦閣

途聲談耀赫者遠之如賦而境內上官雖勢有可
緣附而納結之以自夸謂者一不與接惟磊落自
表見不以非禮誦公所或對權貴人輒笑傲移晷
坦懷洞達若不知爲權貴人者卽權貴人亦自以
爲無加于公也乃居鄉幸用惻朴相先雖以世德
爲俗所推而益自貶損與閭閻襁褓者流徵逐抗
禮不少以富盛加人人以產售者輒傾資應之人
或告以急卽多與之值弗吝或謂價稍昂宜少裁
可得奇贏公曰吾收產豈爲自潤計徒以急人之

難耳乘其急而裁之如此心何當歲莫出收責多割券以貫通戶而人以急告者又日益應之無慘情自是以急赴于公者踵交接于門而公之囊亦少匱矣余又兄曹子云公自弱冠居中齋公喪哀毀逾節哭無長聲終三年不離苦塊啗酒肉迄壯且老無慮三十祀而追感風木未嘗不涕潸潸然下也審若是卽古之死孝何殊耶予見孔子思有恒益重傷浮俗之靡靡也迺若鶴湖所謂有恒非耶夫習偽成真溺華滅實戀巨資以自擁酣華競支華平先生集卷十三 二 清旦閣

而辭生者晝夜勸勸馳逐毫芒之利揣摩機械卽同室較盈縮焉而冠蓋追隨氣指威軋又惕惕承伺不少懈或忍誑蒙詈亦且爲之而卒自落莫不克令終者何限此不獨賦命有奇亦行誼不恒使然也公山澤沕闇人也而力行慕古不與世浮沉而世亦莫之誰何此豈可媿矜慘礪者道哉所謂有恒者非耶爲之銘曰厥有高逸時維先民遑然其行闇然其文蜚英不售約以潤身隱德弗耀在爾後人我言匪誣徵此貞珉

明處士前川陸公墓誌銘

陸公諱芹字文蓋別號前川其先茗溪人也七世祖安義遷于嘉濱夏墓蕩以居至曾祖衍產益斥好禮以輪貲得請冠帶如制維時宗伯王公華司馬王文成公守仁太傅李公東陽高其誼紀之文在陸氏家乘中衍生孝孝生公公風性淳慤不類凡兒少業經生業日有聞矣遘東臯公卽世執喪以禮如成人而東臯故好士食指衆歲入不足以給公曰吾世以克家嬗忍陸于茲耶爰及薛孺人經其家孺人益用拮据輔公業漸拓而公習識當世之故側儻饒智畧家督錄役悉身肩之先是潮溢鹽官塘圯縣官徵閭右往治之司空郎旦暮督法峻甚公坐卧海壖四閱月績用成厥明年所司復議徵公抗爭之事得寢邑人賴之暨伯仲析箸居乃大治垣屋于東畬址故與仲迫公獨念仲氏廳事隘清讓之不以聞諸伯仲諸伯仲亦屢有聞者居無何母沈孺人喪而曰吾事也送死以禮不與昆弟分費族姓人人德之及弟衍蚤世而仲子

萬殊以次當後業後矣竊有妬者煩言孽械震烈
標迅公第恐之弗校也迨伯兄匪歿無後而季之
子後遺娶周氏故太宰周恭肅公用女弟也性故
幽貞不問闢以外事公顧傾身翼蔽之俄而後者
錄京儲乾沒數百斛斛直金一鎰國家故事沒八
十斛者謫戍邊逮其子孫季法當是也公日夜爲
計傾橐中資不足則稱貸以益之如所負數代輸
之官復以百鎰居間始獲釋而于時胥吏連坐遣
者咸藉以全所居地窪瀉苦水公第厚其堤封植
支華平先生集卷十三 四 清旦閣

鞠脆持業滋益恭余三人雅自負乃獨多公誼僅
然忘形迄今如一日也過庭時屬諸子曰吾少也
志四方中遭閔凶弗克遂得藉先人遺以足饘粥
二三子幸無分念其自力以成吾志夫業須學也
學須德也匪學則業弗熙匪德則學弗固操行小
不謹世德之謂何故諸子亦彬彬砥行敏學大爲
時流所推謝云嘉靖辛酉春邑令黃公樞遵令甲
舉鄉飲酒禮遵之邑諸生邑諸生僉曰逸民芹孝
友篤行誼謹耆年碩德允惟賓哉所司廉之確賓
支華平先生集卷十三 五 清旦閣

榆柳旣茂以障風湍堤乃完歲收大穰居恒昧爽
作屬傭業時時杖錫周旋賦畝間課耕作暮則謹
庾積固扇鏹卽戰瘡流汗不少輟以是世分僅四
頃而手益倍之生平涉歷稔見苦爲生難故種褐
蔬糲甘隱約而宴姻戚知友椎牛炮羊引白大醕
盡款極娛束髮論交益垂白靡爽也既見諸子咸
俊朗迺曰陸氏之先德遠矣而未有得志以顯者
其在孺子乎爲延名師數舉子業時余與袁君黃
張君思明爲諸生有雋聲公禮致之而諸子希講

富者乎公生甲子年九月初四日至丁丑壽七十
有四矣方日藝名菊培佳果優游自愉逸也八月
二十四日以疾逝逝之日鄉人無長少咸悲悼之
弱冠娶薛孺人丈夫也直不巾櫛耳佐公內政肅
如也雍如也迄老相敬如初諸子以狀屬余銘余

雅不好諛墓乃諛一陸公哉惟是疇昔之所睹記
有足傳者爰次其行而銘之銘曰履而身以孝以
友勤而家以劓以守終而壽歸而阜其不朽

明陸母薛孺人墓誌銘

薛孺人薛西隱公季女也西隱娶大司寇屠康僖
公女而生孺人固相種也資性故不凡及笄擇所
爲偶者西隱公固難之曰薛甲姓也世種厚德而
女才復不凡必萃是三者乃可以字時前川方有
弱冠聲且世系種德相將也爰歸之乃孺人雖起
支華平先生集卷十三 六 清旦閣

自右族乎性獨幽閑婉婉一洗鉛華之習事姑沈
安人以孝聞暨先後宛若如太宰恭肅公女弟周
御史穀菴公女弟姚咸以族望高江左孺人恂恂
翼翼以身下之而內以友其同母兄弟若鴻臚丞
萬溪上海簿同野咸先前川意而均節之怡怡煦
煦卽垂白無異故居室時其相前川佐家政飭農
桑時樹畜浣故紉新調餽割肅躬女御之勞卽
絲髮靡匪手畫而臆計者適其訓諸子延師致客
則脫簪珥市甘毳無勦心以故諸子僉爲名士而

前川身所敷歷繇賦輸作迄無敗績以克禮其家
者惟孺人是倚萬曆丁丑秋前川以壽終孺人率
諸孤經紀喪葬悉規古禮時縉紳韋帶會葬者無
慮數百人咸多其知禮至乙酉冬孺人亦以壽終
距丁丑九稔矣時伯子萬機季子萬化相繼奄逝
顧獨太學生萬年在耳屬有家難幾不克成禮萬
年獨以身肩之茹荼嚼蓼以濟其委宛有難與俗
人言者戊子冬將奉孺人而合葬焉顧以志屬予
先是前川喪余嘗志其墓諸凡行誼既悉矣茲復
紀其內德如斯云銘曰既稱婦師亦曰母儀佐夫
以義迪子則慈爰臻壽祉亦茂孫枝歸于爾穴庶
其安之

行狀

先考寧國博槐谷府君先妣顧孺人行狀

在昔顓頊命重黎氏典于支支氏之錫土姓自世
官也周衰溺其守而戰國時有諱期者仕梁止安
釐王母入秦與樓緩周訢並聲漢元光中光世公
偕博望侯臣月氏功進爵西涼郡王國于秦趙之

交及謙生亮亮生繼三世以博學顯語云天下博
知不出三支晉既東而遁以詩鳴逃于禪好鶴今
雲間有支公放鶴亭其勝跡也唐高宗朝祖漸以
孝行旌故宇有來鶴軒縉紳先生詠歌之以志孝
感事在 成祖文皇帝孝順事實中時又有名祥
者爲嶺南節度使五代時子姓益蕃而瑯琊一宗
最著今淮北所稱支家河者宋南扈蹕隆興家西
山而國徽公舉進士第暨諸第進士者先後二十
五人至三一公承宣州生于仲碩徙崑山今其地
支華平先生集 卷十三 人 清旦閣

有支巷是爲小宗而仲碩之子叔芳授徒嘉興人
稱幽齋先生嘉興之有支氏自叔芳始也叔芳生
廷秀廷秀生茂永樂五年以貢丞山東之樂安有
隱德茂生立績學累行舉正統甲子浙江鄉試第
四人爲翰林院孔目呂文懿公原羅文介公倫張
給諫公寧志其孝友爲一時冠人稱支五經樂安
公生翰林公晚攜之膝曰吾願兒爲校官或曰人
固願其子顯官大爵耳胡卑卑校官之願爲也公
曰吾懇夫不學而政者之逞其幾也校官而才也

亦足以及人其不才也亦不大害人胡文安公淡
亟稱爲知言表于墓自叔芳公至翰林公三世皆
幼孤不能返故鄉宗在崑山者亦式微轉徙翰林
公痛念不能合族以居遺訓故諄諄乃立生高亦
晚亦少孤後更自奮策德行文詞爲世軌式亦以
貢爲興濟學諭高生先考先考之貢也齒未艾也
奉樂安公訓就寧國府教府君生而卓犖多大畧
嶄然不能委蛇大爲昆弟女兄所不容而府君故
好學學無所不窺髫年爲文健偉驟長不襲故常
支華平先生集 卷十三 九 清旦閣

督學使按郡亟請于興濟公願往試諸昆弟是也
府君輒入試試高等補邑諸生歲丁丑興濟公上
春官爲府君卜婚會奉賢里顧時軒有女奇之不
偶凡子聞府君才迺歸之是爲顧孺人府君于是
胥孺人居奉賢里里故僻鮮師承府君獨以學自
程孺人亦甘荼蓼操井臼佐府君學雞初鳴促篝
燈治女紅府君卽榻蒙被誦書旦則扇齋衡几以
夜所誦書環而繹之歲戊寅督學汪公文盛試冠
諸生廩諸縣官塲屋聲籍甚已卯科試卷大爲有

司賞識業入發矣竟以太奇落故中丞黃公獻可
時令嘉興爲府君爭之甚力諸孤稍長卽庭除爲
函丈口授章句府君亦發憤與諸孤偕府君出則
孺人董戒之屬曰而翁多故而家多故蚤自力庶
一日得寬而媼心諸孤小不進府君必扶且詢又
詢孺人孺人第婉婉泣撫屬諸孤曰胡不自力煩
迺翁爲讀書自增益耳何煩翁爲諸孤泣謝不敢
息如是者二十年而以餘力經其家庖錢鏹巡
瞬間命諸孤習之曰民勞則思善佚則驕奢淫縱
支華平先生集卷十三
十
清旦閣

饑萃薶花籍涇渭如亂麻府君乃大募耕者而食
之遠近來就食以百數全活甚衆所忠謂府君曰
方穀價騰踊曷不操之以邀奇贏卽捐之曷不白
之于官以博義聲而屑越如是誰知之者府君曰
人以力我以粟不兩利耶吾徒不忍蒙袂瑣尾之
民駢首就死儲而活之耳而必義之名耶時軒錄
畱都通稅五百石法坐戌時軒歿當逮其族子府
君謂孺人曰翁通法應戌戌且永矣而族不魚肉
耶晏子仁妻之族無凍餒者吾脫之桎梏而返之
支華平先生集卷十三
十一
清旦閣

百邪從之若握鉛槧而弗知未耜便肥甘而弗辨
稼穡卽得志詎不殘民以逞耶見寸楮故帖必謹
收藏之曰舜禹之德積于勤儉小者弗惜暴殄之
漸也諸孤服食務極朴素蔬糲之食與婢僕均永
僅粗布敝則緝之以授少者每一永不更四孤不
五六稔弗窮結弗改爲也性獨重然諾慷慨不疑
閭黨有急卽赴府君輒應之如寄貧弗償者輒不
問已而有急復應之如初其爲義如嗜欲不復顧
前後見不義則畏避如賦然嘉靖甲辰乙巳歲大

盧井不亦可乎且吾微孺人之力不至於此奮身
出白諸縣令于公業曰舅沒靡血胤矣生不忍妻
之族連坐以戮也願代之償而貫其辜于公大義
之關白監司曰支生故顧某倩也代償其通足稱
義士例得免戍監司報可自是外氏得不敗而府
君之故貲緡矣有執友項爲仇所誣者府君力批
擣之與之終始事平友人浸疎之弗校也復有急
復赴之迄不以緩急故持二心府君故不理于昆
弟女兄肆先後宛若亦多無禮于孺人間從興濟

公諱府君興濟公精素好修士也耳其讒輒大怒
及興濟公宦遊南北有奉入詣昆手其貲且遠可
用讒益其讒之興濟公問遺諸昆奉獨不及府君
又多切責府君府君則伏枕涕泣自怨艾孺人則
泣且慰曰無庸丈夫自樹耳而翁大人奉薄即專
之詐有幾耶怒言樂也君不睹牛豕泣人耶既女
兄之夫以誤殺人繫獄府君以諸生入郡雪其冤
狀郡伯徐公盈素知府君口足生風有士望言固
不妄竟辭之歸口不言功言功者卒不及府君追
支華平先生集 卷十三 主 清旦閣

邑無慮百餘試試必先府君嘉靖己酉今太子太
保雷公禮選郡邑諸生貢之春官府君名在第一
業謂京闈可芥拾矣遽興濟公喪府君念祿不逮
養益倍悲慟哭聲酸楚吊者不忍聞飯含歛窆悉
規典禮世所慕詭浮屠老子術絕不爲曰吾父平
生心行卽釋迦李耳當揖讓安得以非禮瀆之及
至葬有以俗尚優伎侑送者府君曰葬以聲伎是
樂之也亟謝遣之而凭視號呼哭踊失聲送者皆
爲之哀泣人謂其至性純篤有先世來鶴之範焉
支華平先生集 卷十三 主 清旦閣

乙卯服除以母老固不出太孺人固強之上春官
試春官再對大廷皆冠天下仕爲寧國郡博士至
則肅儀度稽德學左文右行雖歷于郡不獲大建
豎而束贊不行俎豆裡滌察宋士庶固知憚支先
生學憲吳公遵薦諸朝方之楊伯起郡有故尉魏
某者縱淫桀驁奴役諸生聘婦于家諸生訟之官
弗得直府君則偕寮友詣其門爲陳說禮法天道
福善禍淫甚具且曰以君嘗吏于嘉有故人之情
故咕咕若爾不且鳴之直指使者君卽慨于賄謁

其能求多于諸生乎宜蚤自裁故尉聳聽喘汗伏
息竟歸其女于諸生諸生人人德之郡伯今少司
寇朱公大器知愛踰等乃府君日念太孺人不置
曰母在諸兒所恐不若在吾所也諸兒事吾母恐
不若吾之事母也歲時伏臘對宴享必泣對諸生
語忠孝大節必曰吾母老矣乃栖羈升斗粟而不
得養爲因悲咽不休諸生皆拚泣而退遞相傳誦
以興于孝者彬彬焉淡四禩歲癸亥太孺人壽九
袞矣泫然出涕曰焉有九旬之母七旬之子而曠
支華平先生集卷十三 古 清旦閣

子歲不肖孤舉于鄉府君喜曰得兒計偕進吾母
一匕箸也居二年太孺人喪柴毀過禮三日泣下
皆血羸墨不自持諸孤泣諫曰七十不與齊衰毀
不滅性聖詒所慎奈何以稀年重自摧毀耶太孺
人期願終其天年有生之大致也卽以生殉之無
益逝者獨令諸孤靡所恃耳府君朝夕奠則諸孤
環跪阻之然終祥禪無怡笑容至大事則哭泣盡
哀聲漸血迸裂卽懇諫不輟也禮制悉視典濟公
喪時吳俗益侈娼優雜伎歌舞侑葬者動以百計
不如是者共嬉笑之以爲儉于親府君殊不爲動
惟附棺附身是圖識者多其執禮不易云時諸孤
析箸居僮僮自給府君無他營乃出橐中裝可百
金曰吾奉雖薄明主惠也敢以爲酒食費乃以營
興濟公墓環以垣墻植以廳榭志以碑碣畢則念
翰林公墓父弗治乃披荆莽建碑亭周遭垣宇以
遠樵牧畢則營新垣墻庭宇悉如興濟公坐畢
則徜徉其間曰遊于斯寔于斯于吾足矣丙寅歲
縣令許公鉉雅重府君曰古者嚴事老更必有悖

史近世取成禮不睹言行矣檢聞支先生孝慎式
于鄉其嚴事之以稱功令聿延府君爲上賓府君
不獲已俛一再赴後皆以疾辭而所司虛右以禮
之者垂二十年不衰晚歲益自攝養日偕孺人于
堂諸孤以次侍差美膳遞上之府君舉杯大酌間
述耳目所濡染微言碩行可爲鑒戒者訓諸孤由
由翼翼竟日無情容諸孤抑首促促罔敢闕語卽
有問咸踧踖嚬嚅莫敢前對對小不當則怒且叱
曰對我若是遇儕列不更誕且放耶諸孤惶恐謝
支華平先生集卷十三 夫 清旦閣

夫妻以色謝高王父却走避之暮夢一神諭之曰
汝有隱德天錫爾後俄而幾冠一人入于懷曰爲
而子暮年而生翰林公延我後之人今三世而子
姓五十人皆高王父一念基之也小子念之官爵
易得天道難欺勿做法以從人勿苛察以徵譽勿
摧細氓以啗權要勿剝膏脂以潤私橐汝父年幾
八十甘旨自足勿以爲念而府君亦恂恂恪慎執
度以身率子姓僕御如寒士然罔或干于政者歲
乙亥同年金公餘山蒞邑里中子以年誼日以事
支華平先生集卷十三 七 清旦閣

過乃已旣諸孤益長曾玄滿前府君稍愉快而諸
孤業已成性益復夔夔如初歲甲戌不肖孤大綸
舉制科府君覆用爲臧曰吾高王父命我後之人
惟戕民是憂小子服在百寮恩弗稱也吾固憂之
無何大綸以例乞得如高王父命教授南昌歲丙
子量移泉州府推官府君囑曰自昔刑官無後卽
咎錄且爾小子何知遽肩斯任矧泉巖郡也見必
不免念高王父行年五十弗子矣近良民誣于盜
者掠服幾瘦死公獨矜而直之官事得白旣出攜

微細者亦時時闕恤慰勞罔弗當其心故府君以
峭厲矯俗得爲長者而崎嶇桀猾間終其身無奇
禍府君嘗嘆曰弓堅于溺水韌于裏吾之有今日
也匪孺人曷克也奉賢里有豪隣驚而鵬弱府君
數齟齬之孺人泣諫曰諸不逞里所讐也卽邑令
當之鮮不鹹者丞佐以下兄事之間右上姓一櫻
其鋒立破耳讀書人固饒英氣謹勿持虎鬚也洎
叔子當擇昏或說府君曰君與豪隣而力不敵卽
以德自固奈窘辱何盍姑俛和親以紓難也府君
支華平先生集 卷十三 九 清旦閣

者幸以坦中不疑陰墮其機獲而終老迄無他腸
蓋幾與豪以罷訟相終始而曩所爲和親以紓難
者徒以延家庭之寇而莫之振歲丙辰府君需次
公車豪乘島夷亂貌諸孤羣不逞操戈以撼孺人
掠貲財盡將不利于不肖孤會有天幸以免其怙
逆狎憲至是疇曰紓難難可紓哉先是府君屢悔
之曰禮之用惟昏因爲兢兢吾之壞矣家門之禍
種矣蓋屢欲更之而中輟以迄于今汶汶也然府
君卽歷諸磊砢日尤淬志好修鄉曲之譽日益起
支華平先生集 卷十三 九 清旦閣

罔不屑久之從史者日益衆乃黽勉聯姻無何豪
以牛一售于府君授直矣府君曰姻親肉骨其弗
券哉決辰豪奪牛以歸僕驚告曰豪奪牛去府君
念曰彼曷故哉其以亢陽姑假之耶旣而曰安有
兒女親昵爭一牛者耶第勿言詰朝則豪訟之郡
矣郡伯聽之則徵券券弗徵也府君曰欺人之與
欺于人也其較可知也置弗辨會郡倖廉豪所侵
官稅萬餘金上之郡伯郡伯大悟曰豪果若而人
哉幾罔乃公矣事得釋凡府君平生之見欺于人

學益進而諸孤亦幸不遂墮落其天平其天平其
何德以靈承之歲丁丑叔子卒業南雍以旅亡計
至府君痛絕移晷因病五閱月弗能起八月二十
九日晨盥櫛遷于寢呼子若孫拱榻立以次命之
旣曰謹屬綸也吾家先勞臣之裔也世有顯官聞
人以紹厥勲人我明來以儒術起家五葉矣未有
大得志以達者顧獨忠孝一脉相煙耳孺子勗之
母墜世德時伯子治嫂氏後事未至日須大兒訣
乃歸耳之哺而至張目曰兒來矣乃瞑嗚呼痛哉

蓋府君自結髮至屬纊未嘗一日去書不讀未嘗一日親聲伎博奕之戲未嘗一日昵二色昔人所謂不入季女之室不登妾童之床者奚翅過之故行年八十而神不衰彌留而無但化之容云時孺人日夕籲天禱也日婦願代良人亡也不則願先一日亡及府君棄諸孤途病諸孤日夕進湯餌萬方弗效病凡閱七月餘每早必盥櫛整綬斬具酒食拜几筵日必端坐見諸孤諸婦必以禮臨屬纊無惰容歲戊寅十月十五日諸孤環而泣孺人曰

支華平先生集 卷十三 手 清旦閣

勿泣得與君子偕願也時既莫乃曰俗忌夜亡姑待之將曙而瞑嗚呼痛哉人亦有父生之耳矣未有躬自訓迪寢興與俱二十年弗離者也人亦有母鞠之耳矣未有身兼父師周旋督策至以課業而戚其母亦未有戚其母而猶不怒益之以撫摩者也亦未有自少至長共患難均甘苦如一日者也哀哀父母劬勞至斯乎終天罔極尚忍言乎府君棄諸孤不肖孤卽圖所爲不朽者每握管則心忤忤隱隱如刺淚潸潸如雨憶庭闈訓督語則腹

痛如絞大聲長號而不復醒故因仍至今今府君之喪三周孺人亦倏而禪矣復不急圖一旦殯先朝露府君孺人之潛德不委諸草莽乎是用忍痛掇拾所憶以乞言于名世者第質言多陋哀款不文碩德懿行十不能舉二三若飾詞以炫俗溢美以誣親則孤豈敢府君諱祿字子賢號槐谷生弘治己未二月十六日辰時歿于萬曆丁丑八月二十九日酉時享年七十有九孺人生弘治辛酉二月初八日辰時歿于萬曆戊寅十月十五日丑時

支華平先生集 卷十三 主 清旦閣

享年七十有八府君以丁丑冬十二月二十四日孺人以戊寅冬十二月二十六日合葬白水塘東黃圩之新坪

支華平先生集卷十四

構李 支大綸心易父 著

贊

先祖考菊嶠公像贊

視身退然如不勝衣吐詞訥然如有餘接物也恂
恂然如恐忤之敦行也兢兢然如恐失之口不絕
吟手不停披入十年如一時其誠所稱君子儒耶

先考槐谷公像贊

時乎春陽藹如時乎秋霜凜如聞人之善如或失

支華平先生集

卷十四

清旦閣

之見人之惡如或浼之勤家力學訓士課兒屹屹
然八十年服禮義而敦詩書

先妣顧氏夫人像贊

主多故之家而歷險如夷事嚴毅之夫而婉順齊
眉教不慧之子而拊愛响响哀哀我母益苦心劬
力者八十年而弗渝

銘

方檀扇隆銘

世皆瓦合子執其方三遭剗削此心不忘世炫其

華子韞其芳俾經烈焰其芳孔揚佩子之德以行
以藏

屏風銘

屏之外排青達綠屏之內榮蘭秀玉出吾屏朗吟
遐矚入吾屏韋編牙軸所蔽者朱幡華轂所安者
石田茆屋高明隆隆昨營今鸛岑毗炎炎朝歌暮
哭曷若株守衡門且耕且讀

祝文

告文廟

支華平先生集

卷十四

清旦閣

南昌學宇爲勢豪所侵遍申當道議復之
强有力者竟以勢沮事格不行乃率諸生

控告于廟

嗚呼自設學校以敘彝倫必建宮牆而崇廟貌事
關天紀匪侈美觀惟我府庠屬當要市駟僮目爲
利窟貴豪指爲地靈久切垂涎尚多縮頸迨彼世
蕃逆賊偃然怙勢公行毀我青雲樓塞我玉像沼
廟心方熾天殛孔殷身磔于市妻戍于邊數載奸
謀一朝沒籍蓋非聖者無法逆天者必亡秦始皇

壞室未幾竟驗沙丘之變魯共王登堂議毀忽聞金石之聲信在天之有靈知斯文之未喪恚茲小醜輒敢效尤或踵嚴賊之遺奸而冒爲故物或乘城狐之積蠹而滯入經闡編竹籬而自擁安知數仞宮牆蹂聖域以肥家誰識簞瓢陋巷西奪膳堂巷則齋舍無饕餮之所東佔猪羊巷則犧牲乏燭滌之區甚至擔糞穢者對正廟而息肩昇尸喪者從中門而出入靜思之可爲痛哭吁嗟乎不承權輿綸等謬列冠裳叨承俎豆旣一日居乎其位敢支華平先生集 卷十四 三 清旦閣
漠然不戚于心途瀝血誠過申當道勘查甫及詢謀食同但地當闐闐之衝則千金可以立致而人聚富豪之黨則衆力可以通神難而前孰作關蒲之良孺惡聲不入嘆無浮海之仲由試觀今日之衣冠竟傍誰家之門戶而綸官僅比于抱關身久同于土芥自知卑微之秩勢本難行人謂芻蕘之言終無可採徒吞聲而躑地敢號泣而呼天嗚呼事誠在我雖九死其奚辭成敗出人期寸心之不負一以忠 聖天子委任之意一以答 五岳夫

子罔極之恩蓋將被髮纓冠期復侵疆于喪亂之後任彼鼠肝猿臂恣行鬼臆于晦蝕之時痛思人事之不齊尚冀 神靈之我鑒興言及此墮淚潛如

南昌府堂定礪榻柱告神文

洪惟國家建邦樹屏蒞政臨民爰有廳事以肅吏治因仍既久圯蠹日深偶當蠱極之時勉肇鼎新之舉經營伊始規定方中齋卜剛辰敬拔雄址俯因葢厚奠四方柱石之基仰藉高明植千載棟梁支華平先生集 卷十四 四 清旦閣
之業行且拱宸宸于北極亦以庇寒士于萬間統藉神庥共襄勝役式陳令薦以報鳩工

豎柱告神

欣惟羣材畢集模範旣勤茲當結構之初兼獲陰陽之吉建立伊始景福方同敬薦芳醪仰祈藻眷上梁告神

欣惟雕栱星懸繡楹霞繞必遴偉材于衆木庶恢大壯于工師茲而甫柏徠松克勝棟梁之任乾規坤矩斷成楨榦之需需卜芳辰虹昇藻架聿弘條

構仰藉神庥自是而吉協棟隆美成輪奐瑞氣永
凝于朱拱仁風廣運于綠莎君子攸寧四境荷帡
幪之庇一人有慶萬年鞏磐石之宗惟爾有神尚
克相之拜日明禋庶其庥享

南昌府上梁文

伏以南昌大郡西江上游彭蠡東廻佳廬北輩荷
天衢以作都錫皇極而開宇快觀升平之會大新
鼎建之規恭惟宏謨廓度素涵天下之廣居矩義
規仁風擬朝端之柱石常嘉績既孚于宇內謂榮
支華平先生集卷十四

五 清旦閣

遷已在于目前乃特弘叔孫始至之仁初不靳李
聽全新之費據坤靈之寶勢承蒼昊之純殷詢議
僉同卜云習吉凝土度木彬彬播和會之風慮材
鳩備濟濟協子來之詠茲虹梁之上舉維燕賀以
前陳咨爾郢人共聽巴唱 梁之東瑞氣葱龍朝
旭紅一點赤心常捧日海隅黎獻照臨中 梁之
南座正離明象魏端南浦祥雲凝畫棟勲名在擬
入台三 梁之西楚衡間氣五雲齊堂皇高跨章
江小簾棟西山自此低 梁之北手握斗杓依紫

極提封千里護龍沙永掃胡塵清幕北 梁之上
恩牧萬間同保障手斟元化紫垣中經綸繩墨歸
天匠 梁之下璇題繡礎光如畫德星朗照綠莎
廳坐鎮南昌保中夏 伏願上梁之後百祥駢集
萬化一新堂之上峨冠而蒞者委委蛇蛇坐講唐
虞之治堂之下布武而趨者踴踴濟濟共宣召杜
之仁櫛堵星廬奠閭居于千里江漕山膺拱宸極
于萬年凡在燕雀之儔咸遂鷦鷯之願懽欣莫既
祝頌何如

支華平先生集卷十四

六 清旦閣

母病祈年青詞

禱後病愈又
十年以壽終

伏以太上好生常欲躋衆生于壽域皇穹福善會
令悉片善以皈依謹吐血誠仰塵玄造竊惟臣母
顧氏素性幽閑秉心慈順宜家有道績德無報六
十九年行如一日顧惟臣等性資惡劣行事乖違
罪業彌天上干和氣貽殃及母忽遭沉痾自除夕
偶冒風寒迄今晨未能平復念分痛以徒云欲焚
身而無路謹于本年正月初九日延擇道士宣誦
玉皇真經泣伸身禱之忱妄瀾蓋高之聽伏念臣

母相父勤家備拮据卒瘞之苦教男罔學歷和九
剪髮之艱雖庭除笑語之間無一刻安閒之狀邇
世故伶俜之日閱萬般悽慘之情必臣母再衍餘
齡庶臣等少酬至願願蠲臣壽上益母年俾臣等
各減六年則臣母共延二紀一則使臣等少報劬
勞罔極之德一則使臣母得見兒孫成立之期况
臣母根器本自慈仁累行尤爲惠順不斷六根而
能滅貪嗔痴三賊不離一切而實有戒定慧諸緣
計生平之行或有可矜在照臨之下必能密察念
支華平先生集卷十四 七 清旦閣

攝縣禱雨文

念綸謬承縣篆遭時多艱乃舊通新稅之交征值
政亂民流之已甚而綸性資寡昧舉動乖張上干
天和重罹早曠寔一身之作孽在萬姓以何愆惟

是天矜于民必無終絕之理而泰生于否或有可
回之機敢負罪以哀號庶蓋高之降鑒沛茲時雨
潤彼枯苗不勝虔禱之至

大旱祭龍潭文

恭惟上帝好生蕃殖百穀粒我杰民明則樹后王
大夫百執事以節宣元化幽則授甫伯雷公暨爾
龍神諸司應辰順布罔極備亦罔極無以虐我民
其分責于爾諸神甚悉惟是江右比罹蛟毒漂山
蕩谷稻蟹不遺爾既弗克救寧于昔矣今者嘉禾
支華平先生集卷十四 八 清旦閣

垂穎成獲在望而妖魃爲虐如倏如焚千里焦赤
饑民枵腹而勤耨釋耒而待斃暨我文武吏士罔
弗替替皇皇奔顙靡及而爾神乃憤騰歛戢若罔
聞知夫彼歲苦潦既縱爾類決洪水以益之今茲
苦旱獨不能蠲升斗以活我民耶審若是其何以
復帝者之命卽文武吏士放棄王命以干天和亦
惟我文武吏士躬罹之我民何辜橫罹茲厲謹率
屬齋心束首禱于爾神惟神其亟圖之以迨茲戾
也

府堂工成告神文

惟稽古國有大建必稱殷禮以告成事以報神賜以祈鴻庥禮也今茲廳事一新輪奐耀彩事則成矣民不憊勞工無苦窳賜則隆矣繼自今以往尚祈國泰年豐民安訟簡寅察播和衷之譽課績奏陟明之榮咸藉神明永錫純嘏敬修洗腆之既仰致報祈之忱神其佑之神其享之

修庫祭文

緊自府治初開庫廨並建事關國計易戒慢藏惟

支華平先生集

卷十四

九

清旦開

茲府庫名曰厚儲奈歲久而蠹深宜鼎新而革故爰當堂構之後遂爲修葺之圖改作惟時我既有詞于閔損貨錢質券爾其慎守于尉遲諏此穀辰敬陳牲獻惟神歆享昇以純禱

泉州奔喪辭城隍關王等廟青詞

伏念大綸任泉州府推官迄今一年有三月矣惟此泉州夙稱嚴郡而綸賦性近迂立已頗峻行法不遺于強禦推仁必逮于孤憚故閭閻豪右之家頗懷忌忤而販傭號獨之侶甚荷瞻依以至崖岸

太嚴貪墨者忌吾矯激愛民過恕驚悍者見謂驕

虞華百年指剋之策曰則前此者旣形其短而繼之者將苦于染指之無從擅一時廉敏之駿名則上焉者旣疑于逼而下焉者尤懼于發擿之難免以故奔喪之後瑣尾流離之子往往望門悲號而輟市走吊也綸竊自計之委問重辟平反肆出者不下百人其軍徒笞杖由重卽輕者無慮三倍以及鞭朴不敢妄施錙銖不敢苟取民夫一日之力不敢私役市行一文之費不敢濫及評考官屬非支華平先生集

卷十四

十

清旦開

十分狼狽者必曲爲隱諱之辭訊鞠官邪非十分彰著者每緩爲保全之策過行非有實跡告訐者必不忍妄發其陰私積害得諸風聞開送者必不敢遽形于揭報此皆平日家庭之訓抑亦微生心術之真也旻天不吊罹茲大故奔計還鄉號哭單人鬱鬱誰語謹因齋醮上瀆神明惟願察綸平生心行果有可矜居官履歷或無可罪特賜矜原普加保庇俾亡者早獲超昇存者利有攸往庶以彰福善之不爽抑亦俾爲善者之無懼也

民疫禱城隍

本職謬承人之待罪奉新與尊神分理陰陽共宣德化安我蒸黎本職蒞任以來夙夜孜孜以圖上理凡胥吏之積猾者訟師之教唆者土豪之黠者惡少之狡捷者傷風敗化不道不義者悉置之法矣今茲窮困小民久罹饑饉遂染疫癘煽禍簸殃孽由疫鬼本職身居五濁弗克祛遣不祥流毒無辜罪以疚曠其曷敢辭顧惟我尊神衛備六通參天巨地少垂降鑒邪魅盡銷矧茲疫鬼其安

支華平先生集

卷十四

土

清旦閣

玉兒鄉舉祭五祀

竊念大綸性惟百拙才乏寸長耽故紙僅侶蠹魚守官箴竟成畫虎迨此挂冠之後又罹貝錦之殃悄悄憂心唇舌喉陰相訟訴焚焚弱質形影神遞

五咨嗟方虞溝壑之忽填敢望箕裘之有托仰藉天地降鑒廻陽春于燕谷之中日月照臨溥大明于容光之隙頓使單微之品亦沾浩蕩之仁既報捷音復傳家信知郵言之匪謬荷恩庇以奚堪敢具菲儀仰酬大造伏希歆享無任顙昂

祭祖廟

大綸生弗逢時仕途多躓謹遵世德期衍書香迨茲庚子之秋聞幸親王兄之獲雋此皆祖宗積慶天地垂矜忻忭之餘曷勝感戴乘此捷音之既核

支華平先生集

卷十四

土

清旦閣

謹修報祭之微忱伏候時歆鑒茲悃款

告家廟工完

萬曆戊子歲六月十九日照告于七世祖考仲碩府君六世祖考叔芳祖妣樂空孺人五世祖考憂齋祖妣淑三陸氏孺人四世祖考廷秀妣明玉陳氏孺人高祖考迪功郎宗衍府君妣唐氏張氏夫人曾祖考翰林蓬菴府君妣潘氏陸氏李氏夫人顯祖考興濟博菊巖府君妣張氏夫人顯考寧國博槐谷府君妣顧氏太夫人曰大綸幼承父訓竊

慕古人家廟之禮弱冠游經多難身如暮燕迨潦
倒宦路迄無寧宇每當歲時隨俗薦享疎齒苟簡
良用慙然今茲卜築城市居址龜定爰稽令甲品
官例得立廟廼經營于正寢之東首大門次廳事
三楹奉安神主東爲夾室以奉祀主西爲永思堂
倣古燕寢規制略備敬安神龕敢用牲品案盛醴
齊上伸告虔嗚呼昔在成化初曾祖考嘗建祠堂
于王溪博綜禮制曲盡孝思棄世未幾遂爲不肖
子所敗今大綸才德什不逮一而草創又復鹵莽
支華平先生集 卷十四 清旦閣

遷居立廟題主告文

伏以功德千秋儼音容之如在血誠一脉信呼吸
以潛通大綸頃爾遷居家廟尚存于故宇歲時將
事妥靈曷罄于瞻依爰竭微忱敬題新主諷此奉
安之吉式修嘗祀之儀謹具金錢備陳衣履秉堅
一念殷薦四親逮我賢妃亦加惠賚嗚呼恩勤罔

極寸草奚補千春暉繼述無聞一滴妄稱乎冥報
仰祈鑒在俯賜照臨

醮謝諸神箋

伏以天矜於民所欲有必從之理道通於數枉極
無不伸之時况分隔幽明而誠徹上下形有生死
而心無存亡故負心者雖生而猶死秉誠者以明
而格幽大致固然神功炳若恭惟嘉善縣城隍大
父母尊神正直聰明凝專翕於壹德威命靈爽嚴
彰輝於四隲立人道以贊天工握陰符以佳陽化
支華平先生集 卷十四 清旦閣

丙辰彰七子之駢誅壬戌見朱永之會逮通茲一
歲更示三祥焚財顯責於西郊弒王亟誅于南郭
事列聽睹法凜日星洎綸單宗尤叨異數惟先兄
嬰疾於丙申之春日涕泣而托以孤寡迨奄逝於
丁酉之夏已折券而析以田房綸恚愚自任謬謂
可爲兄亦深信無他慨云得所不虞去後遂至紛
紜此以十三之孤三十之寡笑矣如霜凍蠅彼以
正嫡強宗點臂刁證赴赴若負嵎虎陰計併殲祿
息羣謀盡易分綱黥哲倒眩旦一夕莫保惟綸義堅

季諾嗟策駟之難追心軫趙孤誓從井而勿恤血
惻匪石訖於富尤訖於威奸喙如錐失於此求得
於彼謂綸分居族長公法所必首咨謂綸名忝煇
修上人夙爲傾注必先箝王議之口方可壓奪攘
之騰孟秋則發難於學詩以毀傷至行孟冬則駕
言於過死以搖動人心迨茲學禮僦居遂爾狂謀
締約確許酬米十石矯誣證寄千金朦朧不指其
人俾修名者畏避陡頓撰成形似令驟聽者駭疑
逞三不足心名教既難化誨施六出奇計憲章亦
支華平先生集卷十四
莫誰何時欲紫身速嫌則六尺之孤易戕欲直躬
擔荷則千金之點難雪將伏枥日之義孰爲程嬰
強爲里克之言獨慙荀息一意全茲二命百凡任
彼羣凶心苟無瑕斯夕齋心告帝事出不幸居常
據事呼神仰巧回光倘照臨於客隙俯垂憐念賜
果報於旬時是亦無可奈何徒書空而咄咄敢冀
有感斯應以伸節於昭昭不圖最下之血誠輒動
蓋高之睿聽狡焉甫遂其術溘然凶於其身嘔血
呻吟果驗銅打背鐵椎心之誓叩頭呼服不爽七

日前三日後之期盡輸銀寄出於程虛懊恨米賊
胡然妄受見三人格項遶床而扳追謂五叔裂背
据枕而索負足舉手反被倒懸於陰兵皮綻血流
決鞭箠於地獄備諸苦楚倏就天亡要結者棄之
若遺津助者宵焉如幻至索產戶以掩形撒祖塋
而藁瘞妻翹首而望新郎兄攘臂以搏嫁貲誣證
之賊何在講張之術徒勞此豈凡愚敢有樂禍之
心若我明神寔嚴瘴惡之典有懷感戰無任屏營
敬釋前言肅將醮祀伏念大綸質類蓬麻雖直而
支華平先生集卷十四
無當於用技同鼯鼠屢出而每見其窮祇荷栽培
動微奇倖豈期茲舉復顯神通區區一念之小廉
耿耿九天之丕應自分蟻螻殘喘必無酬於高厚
僅知蜂蟻至性永不負於嚴慈蓋無似之身皆鏤
骨銘心之府而有生之日盡悲反因遂之期也大
綸下情不勝激切感戴之至

支華平先生集卷十五

橋李 支大綸心易父 著

祭文

祭練黃諸公

嗚呼昔周武觀兵夷齊叩馬世民造唐王魏再相
夫裔周異姓而革命死固無媿唐宗以弟而代兄
生者何心惟我 成祖以叔父之尊繼 高皇之
志內清國難外拓邊陲其爲我天下萬世慮甚遠
諸公獨浩然不屈而駢首以就刃也豈義固各有

支華平先生集 卷十五

清旦閣

攸當耶想夫建帝方新燕師未動黃公陳順逆之
理卓敬發幾事之疏鐵鉉抗師盛庸屢捷阿柄一
握國是立斷矣乃一失於炳文再失於景隆手勅
諸將則曰勿殺疏逐齊黃則曰謝燕使徒師縮手
而不敢前義夫扼腕而不得逞豈天命有歸人力
末如之何耶不然四臣匡衛五人復晉豪傑得志
何事不成乃以方黃持議于上諸公共事于下而
率繼以死也信天命耶抑委任權力者殊耶嗚呼
人就無死所存者心諸公雖死不死者存公視盜

城叩頭顧家飼豕之流死則慘矣瞬息百年公論

千古能無辨乎九原可作冥途重逅彼亦何顏耶

我 皇博採廷議下詔褒卹崇祀鄉土綸翰昭回

忠鬼再耀匡廬首陽異地齊高矣以是知 成祖

之仁覆于宇宙之表我 皇之量包乎天地之外

而諸公之節燦乎日月之光事若相迂道則同歸

也昔以奉詔孔棘權附同仁祠立置失倫不稱祀

典今大中丞楊某仰遵明旨顯遂忠良謀于藩臬

二司協恭定議易祠專祀諷諸令旦獨儀告成以

支華平先生集 卷十五

清旦閣

安神位惟公其永享于茲土以風我後之人也

祭水洲魏先生

惟翁夙鍾至性神悟真詮潛機玄鏡海畜淵涵氣
凌岱岳義薄雲天毫毛軒駟柴欄蟬聯昔在世廟
聖禮示譴公也抗節排闥請劍批鱗逾怒九死彌
堅編籍而南葺宇故山舍和韞粹覃精章編啓鑰
開關載衍心傳 穆宗肇位顯忠佑賢魏封峻秩
一月再遷臣義君恩庶幾兩全壽踰大耋心契冥
筌談塵猶懸鳴琴尚絃如何奄忽蟬蛻而仙宮墻

凝竊茶竈銷烟嗚呼猥夫矜細單人踰閑聞公之
風儒立頑廉嗟余後覺惟公是瞻生芻一食肅將
明燭

祭侍御何省亭

嗚呼逸史邦之司直奮身義行彌達禁掖殫思德
謨採納忠式惟我江左哀宗八紘一瞻使節貴近
股慄風肅霜凝鷹視隼擊嗚呼物尚特生人懼介
立大方則閔孤高易屈矯矯何公堅貞硯硯匪磷
易緇畏榮慕質色斯其舉魚鳥共逸汲流舊嶽濯
支華平先生集卷十五 三 清江閣

祭封吏部左侍郎淡菴王公

士有一善足以自珍公萃衆美以淑其身潛隱弗
曜垂裕後昆士有一命足以自榮公膺 天章寵
秩隆隆重金襲紫靈謚休封士有一子身事已足
惟公冢器載培載穀四子十孫燁然蘭玉十二云七

十古人所希惟公望八鶴髮童姿而康而寧享此
純禧梁孟齊德自昔所式公有佳匹齊眉垂白令
和育珠永贊內則衛武箴儆在昔所稱公敦雅操
老而彌貞好德考終淑慎儀刑益公所自律者不
爲一身謀而居然萬世之長計故公所嚮用者亦
出于五福之外而燦然百順之咸備顧惟令子之
德 天子所昆今乃違黼屨而俛卽于總帷令子
之德四海所依今乃焚焚擗踊而未卽共濟太平
之基斯則公之所緬懷而未盡士流之所茹哀而
支華平先生集卷十五 四 清江閣

祭王封君

嗚呼在昔景叔植槐兆靈燕翼載培爰暨子明歷

相熙朝永享榮名惟公先閥肇自臨川世有隱德
卜地牛眠乾端坤倪粹靈以宣乃兆我公韞璞含
淳遺榮慕淡厚志薄身弓冶之良以裕後昆多賢
令子致身綸閣南省持衡石渠講幄手握鴻樞斟
酌斗杓二公弘化三朝耆德槐卿允陟三公協吉
教自義方慶緣善積惟帝念功覃恩錫類追惟嘯
昔子以父賢肆迄于今父以子貴鳩杖載攜鸞封
遜至麟服輝煌鶴姿含晬倬幽鏤羽翩翩仙飛皇
衷警側備諸曠儀光光泉壤休論崇碑恩殊寵絕

支華平先生集

卷十五

五

清旦閣

今昔所希惟令子之相業逼子明而上之而公之
厚德完名卽景叔末之或幾嗚呼自我介居瞻閣
有式秋堂夜空獻音永隔往駕弗迴來芳可述嗟
衡若以薦枕庶遺英其我卽

祭錢二守栢峰

同鄉會祭

惟厥委化泡影浮漚一涉宦海領領罔休彼崇勲
而峻秩似洪濤之迅舟若通遷而倏跌則迷津之
沉浮欲舍筏而登岸惟勇退于急流在昔至聖等
之浮雲白永蒼狗任彼氤氲厥惟達人視爲畏途

羊腸鳥道聞者回車孰是世榮百爾酣逼弱子擬
其世資稚孫希其餘歷琬成翹首而丐澤朋僕跋
足而濡液憊委形以相殉崇未充其渴腋瞻此京
華爵標勢的造物小兒簞弄巨測朝露忽晞重泉
永隔慨百禩之擾擾竟不沾其一滴惟恒物之大
情乃有生之太息嗟乎陽鳥南征充腹捐生南冠
北紮耽名殞形緊惟栢峰託景風雲卧理專城五
馬之貴古希之齡業倏桑榆之遺嗣鍾蘭玉之英
乃致身于天關向末路而乞骸陶粟方辭魯戈弗

支華平先生集

卷十五

六

清旦閣

回病未瞬息哲人倏頽旅觀側殯豐囊夜摧悵望
故國白雲靈靈吊祭不至嗚呼曷歸倘鍊神于太
陰恍迴光而返照追惟疇昔之營營徒付南柯之
一笑生等慷慨悲歌之客蓬飄萍聚之踪悼夜行
之失步念羈旅之愁容聊陳絮酒寫此哀悰吊往
悲來一慟臨風

祭同年黃景陽

嗚呼雙龍之劍世孰不知其爲寶而購觀之爭先
然其沉光埋穎于豐城者不知幾千百年而燦于

斗躔兆于茂先委宛于雷煥之尹而僅得之者又
且踰數十年卽終顯于世以究其利人且嘆其邁
會之艱曾不踰時而卒龍化以去豈惟神物會合
之有緣將天下之寶造物者亦且深闕而莫測其
所以然耶嗚呼景陽之貌黜然以蒼景陽之學幽
然以光抑且潛心內觀而直探乎太一之藏俾之
蚤脫穎以自表見卽古人或與之頡頏乃竟蓄之
數十年至甲子而始發于鄉迨茲又十年矣而後
策名于廟廊想其剗犀之利燭斗之芒固惟俟茂

支華平先生集

卷十五

七

清旦閣

先之博物而景陽之負器以需時蓄厚而引長也
亦旣彰彰矣胡不五月而遂溘然以亡老子謂造
化多缺美好不祥豈才名雙美固造化之所忌而
愛寶愛道天地固有盡藏乎今世俗之見語位必
曰台鼎而壽則以期願是之不足率曰數奇然則
仲尼不封于淵早衰亦有不足于斯耶景陽究孔
顏之旨而得其歸其于盈虛倚伏之數德貴仁壽
之資亦旣庶幾矣則其委命而俟化夫復何憾而
吾黨亦何爲此無益之悲顧方奏捷南宮錫宴瓊

林或掉鞅而講藝或結社而論心共期以展生平
之抱負而答聖德于涓塵胡淳篤如兄者乃遂齎
志以歿而俾吾黨咸失其所親此情此恨行路靡
伸矧附甲流之末而同臭于蘭金者乎嗚呼景陽
之來輕車北馳挾天人而獻策指層霄以爲期今
茲之歸丹旄前飛弱息扶觀駭僕擁帷嗚呼吉凶
通至吊慶互隨滿堂讌笑倏爾獻歎促裝遠馭跬
步而兄曾不能供達人之一噓而實素交之所長
慟而莫追者也

支華平先生集

卷十五

八

清旦閣

祭封右方伯秦從川

於鏤我公降命上玄秀毓九龍瑞鍾二泉韜馨韞
璞隱德餘慶篤生哲人聿司文命惟吾虹師邦之
碩輔栢臺振鐸時雨覃布矧我愚頑策我庸駑品
題優異俾冠多士猥就微名教育稠至爰暨兩浙
咸沐恩光寔維我公長發其祥計偕北上樞承謁
公豸冠鶴髮金標玉容顧語同儕竊方我公蘇氏
老泉程家大中爰有虹師作我先覺老坡之文明
道之學義訓淵源日衍以綿頴濱伊川休問後先

協翊皇朝共振家聲惟公懋德作彼典刑銀臺宿
望儼省新階德簡朝端榮擬上台縉紳屈指朝野
引領由臺而期以愜輿情天弗憖遺恍卽玄宅望
風瞻依疇不憚惜秦樓云杳錫山其頽顧我蚩蚩
安所依歸生本單人辱厠門墻飲水思源徒刺肺
腸矧此言帛能不盡傷生芻一食蒿里長歌宿草
而哭此心匪他

祭周元翼公子

在昔伯魚遙逝蘇過旅亡世所共悼而實則委化
支華平先生集 卷十五 九 清旦閣

之常子淵苦卓長吉奚囊生年雖淺而實流不世
之芳蓋尼父之德老坡之才識者業預占其有後
而睿姿間氣亦胡能羈縻塵寰而久虛乎玉樓之
記修文之郎吁嗟公子明時茂良雄文豹蔚英標
鳳翔固已擅聲藝圃而庶幾坐忘方淬神鉛槧而
繼志乎青箱胡嘯心殫思而蟬蛻于青陽長算短
步遐馭促裝少微隕石龍劍鏖鏖白壁黃壤紫芝
繁霜此恨此痛行路盡傷矧某固依蓮泛水而竊
聞乎耿光惟是公子之生天洩其藏公子之歸天

收其良逝且參箕尾而縮文昌而世濟明德班老
成希宣父者賈裕後昆而衍無疆故喪未浹旬而
麒麟之種已誕降乎嘉祥厚施之報不干身而干
子充閭之慶益寔明而寔昌則彼蒼者固不爽矣
而胡擇夫城郭與嵩印滌此玄香寫此玉漿薦苾
芬于白雲之鄉

祭張太岳 代帥大參作

我朝自 皇祖翺基垂憲百務斬斬革丞相之任
分府部之權內外臣工奉法惟謹迄今二百有十
支華平先生集 卷十五 十 清旦閣

矣矣俗以漸靡法以漸弛官有稅政士有回嚮天
下治幾至凌遲先生受負扈之托寄四海之命才
籠宇宙力制府部用重典以懲玩排羣議以振蠱
三四年間措注良勤而行法亦少惜矣顧治忌躁
擾俗尚恬嬉一時士庶相顧錯愕若東濕薪至有
不利社稷之疑蓋自憲孝以來方煦之以寬和優
之以平恕而一旦繩以申商之尺幾也其不堪宜
矣不然皇祖之網嘗密矣而吏治烝烝罔有逸志
今稍一振舉遂有二心豈真途痿廢頽靡而淪胥

以壤耶況奪情起復辱及言臣既童僕以納貨私
子姓以崇科媒陷遼王游于威福不無營窟樹翼
之心而激忠臣義士之忿固有創置亦多以委任
之匪人奉行之太過而天下譁然幾蹈熙寧元豐
之轍此皆先生之不能自解者也使先生遭喪時
拂衣去則廟堂之上方且慕先生之高而惜所施
之未究不三載勢必復起不終廢卽不去能常持
此心如初相時不爲匪人所依附不昵僕從不溺
愛子姓不喪志聲色玩好之欲不作威福以干清
支事平先生集卷十五 士 清旦閣

之義固不敢遂違掛劍之初心而怆然如遺也故
吊先生于宿草之墓而奠之以文且以俟公論之
定先生其終聽之

祭中丞劉肖巖

惟靈樾材煥節濟德粹容穆如玄玉叩若華鍾製
錦潤州旣揚仁風載入蘭臺如鸞憑空人服其智
帝念厥庸棘寺游陟罔牧用豐苗夷悔禍款獻來
同咸選邦良師錫惟公金魚鐵豸玉節于從紆途
晝錦其樂融融美疾何酷遽罹此凶嗚呼霜凋葉
文華平先生集卷十五 士 清旦閣

祭邵太守

惟公念子日懋以忠頽齡倏逝孰奉而終惟子守
官亦日致身西山景薄明發懷人維茲二者鮮克
兩全一或相左恨也終天翁爵旣尊金章丹轡翁
壽旣高迎風晝燭于時令子嗚珂朝寧居則建親

行則戀主惟天錫祐惟帝念功乃授節鉞專制虔
中畫錦南旋萊綵翩翩承歡夙夜修膏擊鮮公疾
彌留既含且咽藥餌必親附身必信父以考終載
榮三釜予以從王而獲將父父慈子孝君義臣忠
賈亘古之完福而軼世之奇逢嗚呼人亦有言是
父是子翁邁種德敷歷州郡棠樹春陰峴山華閭
弓冶之良以燕翼子名德勲庸俾昌而熾百順既
聚五福以備存順沒寧浮生罕儷惟是聖衷虛席
百寮承式章貢之交時厯反側翁全于天而令子
支華平先生集 卷十五 三 清旦閣

終制淹以三年固朝野之所共惻而某等亦爲之
泫然我有既馨我酒既清齋香千里將此惻誠

祭費錦坡孝廉

錦坡與余同年交契故不淺
中構細若讒恨以絕益絲贊

其買妾所嗣故也
於其亡中以前言

萬曆辛卯歲夏八日明鄉進士錦坡費公頌五日
矣其同年友人支大綸拊其櫬而哭之曰嗚呼古
稱益友直諒是先數則反疏物情固然甲子附驥
遂辱周旋如兄如弟永矢弗諼念兄弟子密謀深
言曾是交喋甚嘗用讓浸潤日積膠漆不堅爾胤

允絕我心空懸茲僅下壽胡然弗天嗚呼人亦有
言慘刻剪喬驚悍感年憤極發疽酷頤蒸炎兄德
淳朴而嗣弗傳兄性寬惠而壽弗延兄量坦易而
違自疽癰兄心仁恕而逝以徵天匪數之偏孰尸
其愆嗚呼往矣可言歛也誰合梓也誰苦紼也誰
牽土也誰放姬媵誰主僕御誰瞻良田誰播廣厦
誰挺百年松楸誰掃其荃奕世血食誰灑其饌鳴
呼逆耳難入嫵媚易憐陰道無極柔品孔耽匪乘
劉腸易割昵濫昔謀昔言覆用爲嫌此景此緒寵
支華平先生集 卷十五 古 清旦閣

一訣千古敢聲哀言長號迅酌注入重泉嗚呼哀
哉

祭嚴封君

古之哲人韞通才而不售則鳴一善以洩其藏勤
厚施而不食則鍾賢胤以殫其光若狄梁公嘗自
試于神石而終以造唐董杏林櫻寧生厚植其德
以貽孫謨而不顯奕世之良於惟我公挺天目之
孤標凜高逸之奇芳探玄岐黃綜緯青囊丹衷神

術簡在先皇功覃冀北躡躋京堂顧厥方術之紛
譁向初服而徜徉其極急扶疾湛仁渥積人固知
其集慶之長而未試之略燕翼厥子者益深以遠
而閔發其文章肆惟冢器克紹青箱弱冠而蜚聲
于藝苑應仕而奉使于遐方既浹三載績用孔彰
迺稽彝典晉錫褒章因公官之舊秩特晉陟于清
郎嗣是而出藩入臬握蘭含香一按洛陽三蒞西

江茂庸碩政皆足以銘彝鼎而勒旂常公亦周旋
祿養而相成以義方迨承簡命督漕淮揚奉公東

支華平先生集

卷十五

五

清旦閣

馳返于錢塘賈齊榮于畫錦而方馭于王陽胡一
疾而弗起遂蟬蛻于信州之疆臨風跋扈聞計畫
傷陌墅釋耜而奔轡通閭罷市而彷徨矧某固承
德于疇昔而素襲其休光匏繫邑守奔喧靡遑緘
此蕪詞以侑瓊漿諒明德之惟馨其格享于茫洋

祭嚴封君

代

惟翁風標秀舉清彈逸軌多才豐藝綜圖探緯仕
隱先朝辭祿延喜名器雖崇勲業未光乃眷冢器
弱冠蜚黃四吐皇皇宣諭遐方帝嘉茂績重申前

冊傳燁新封相輝舊秩祿養周旋榮名遞陟一按
洛陽三蒞西江出入藩臬惠覃刑祥迨茲特簡督
漕淮揚捧檄執馭同榮畫錦長駕南驅砥礪告涉
纔抵信州胡然而賁嗚呼哀哉余與令子間接神
交竭來江表載共官寮賴翁永存終挹清標聞凶
哀震感絕移時奔唁靡及泝風神馳生芻遠致聊
寫我私

祭李封君

於鏐我翁績緒鍾靈濯纓洄水振冠韓陵如彼荆

支華平先生集

卷十五

六

清旦閣

璞方合其和如彼春蘭將茁其華誕惟令子茂德
繼期乃播而穫如堂斯基譴謨峻節武緯文經四
知礪操冰檠振聲惟我江左吏治久隳財殫訟煩
文恬武嬉暨此洪都負江帶湖螟侵鼠孽霆駭風
徂張輪所至宿靈立摧遠肅邇懷草偃樂諧伊誰
尸之惟翁發祥伊誰成之惟翁義方我皇覃恩載
在今甲子冠炯炯相輝鶴髮萊斑楚楚光映鳳札
謂報潛德以祐遐祉胡是弗慙僚幽長逝余昔交
令子獲庇棠陰今撫江表義貫丹青如車共御若

川共濟永矢弗諉用宏茲賁自始迄今曾未盈稔
翁訃忽承切怛曷甚令子德祚如川方盛行躋台
鼎載陟華贈身逝聲咆餐違祀崇一丘掩魄千禩
遺榮敬散菲詞佇俟休風

祭楊象石封君

惟翁名閎高標玄圃人豪悅禮敦仁班蟬珥貂六
館騰聲三楚種德循良之譽兩播州邑應仕方新
勲猷尚隱如彼璿枝方植其本乃眷冢器茂德繼
期爰播而穫繼弓以箕蘭臺峻節薇省訂謨文經

支華平先生集

卷十五

七

清旦閣

武緯內寧外和家範既嚴子以父賢國典錫類父
以子貴燁若新封輝增舊秩祿養周旋榮名遍陟
亦暨諸郎共韞才華翩翩春蘭方茁其芽下逮諸
孫三五成行溫溫玉樹方韞其光隆庥遐祉中古
罕匹云胡一疾倏幽長畢綸等蒞事南州瞻閭有
式魯戈弗迴燕然永勒蘅若薦忱遺靈可格

祭邑侯子

歲在戊戌公子侍我侯于宦邸再閱歲我侯廉明
慈惠舉邑怙恃而公子篤孝逸才蔚有令聞然以

官箴故未獲見也鄙心寔咨咨嚮往之矣今月之

六日倏有以公子訃報者予叱以爲訛傳亟譚僕

之邑庭諭之則奔而號曰信矣予聘貽者累日乃

謀治鐫俎入唁于帷次及操觚志思而弗能文也

又浹旬而愀然如有失也已則咨嗟而籲天曰世

固有廉明慈惠之父而顧天其嗣者乎曰王祥之

賢也而烈芳殞士雅忠矣而越騎亡延陵族于齊

而子以族歿古亦有之則又憑櫬而搏曰世有篤

孝逸才如公子而弗究厥施者乎曰長吉以玉樓

支華平先生集

卷十五

六

清旦閣

淵商以修文仲純之主長白曼卿之宰芙蓉來既
弗凡逝必有歸矣則又慷慨而問曰然則公子之
委化也天爲之乎且固數也曰否否公子有寒疾
越三日傳經矣法不可下而庸醫謬投硝黃以致
弗救夫握子之數以九九也有賤丈夫者操斧而
中斲之數奚而成天者無定形而有定理者也形
既橫斲理將焉附故公子厚于天豐于數而賊于
人者也于是邑人咸懊恨痛憤思俾刃于庸醫之
腹矣但數有必恒天有必定以侯之德其胤必繁

行且擇諸孫之賢者以後公子主家祀而膺國家
世延之典公子之孝必且告于上帝復求爲侯子
如非熊之復爲况子者奚拘拘一時之觀化爲一
滴重玄哀心如疾憑虛問天以寫不平靈爽如在
尚其格斯

祭門人鄭心緝主事

其錫嚮五數縮其衡皇降乘一理握其經有正合
而順以成有錯迕而莫憑數從理叶故臯益升而
六坑刑理以數絀則淵天而踴以壽終憲甘空乏
支華平先生集卷十五 充 清旦閣

而季氏富于周公雕虎桀鷙而冉牛凶于而躬天
運有傾平國脉有屯亨家祚有衰興而生辰奇偶
之相乘萬其遭亦萬其形殆冥漠而莫可詰亦肩
固而莫能攖余嘗盱衡遐睎臆折其中時爲擊節
而快其通時爲裂眦而醜其凶時亦扼腕而痛其
弗逢甚且狂呼駭汗思徒手沒振而末之從乃茲
遘吾心緝之遇非扼腕狂奔而咨嗟悼痛者耶吾
友致身青雲志希古人硜硜子子脫屣囂塵通籍
六祀不忤不取殆企淵憲而志冉耕斯乃秉一而

植其經余方冀差肩臯益而茅茹以彙升迺僅陳
計偕而屢蹶春官甫離韋布而二親駢捐投第出
宰得邑如彈丸入爲司農而蟬蛻于旅人之屢蓋
登名者昉十年而貧病窘迫亦日深月狃而終弗
可獨生命奇耶家祚單耶將數爲衡而理爽其權
耶而彼其驪彼魑虎彼季踴乃躬被金紫而享豐
恬余于天壽之界晰矣心薄富貴而富貴亦弗我
睚也生長于貧賤厄困之中而因仍以戢矣獨矯
志亢節迸衷惠廼惟晨夕扶正氣諒臯益以轉天
支華平先生集卷十五 子 清旦閣

運扶國脉是虞是劫而夙所指擬如吾心緝者乃
一寢而長畢扼腕何從狂呼莫及漫爲宿草之泣
得一乖五數贏理細拂楮行詞寫我心惻嗚呼心
緝英靈可格

祭趙中翰

維公名臬象賢胃學奇英禔躬敦素緒緒傳經晚
際主知揚芬楓廷入贊絲綉琬珞蕙衡曉茲在告
乃遘三彭嗚呼哀哉維公休遇前光後繩維公家
馭委轡采蘋維公家學振關原鶴累貲素封業紹

雲仍維公家胤蔚有今聞績學礪行儻孤撐務
披荆棘以振頽聲苓玕代玲惟松之貞珪連韞彩
惟璞之瑛豕胤之賢惟公範型間公易簣屬望尤
殷東隅之悔化後之名惟子是托惟子是憑治命
若斯賈公之明余于令子一日之盟爰薦一辭以
洽幽冥靈其有知來格來歆

祭朱母張夫人

繫華閨之淑媛今毓冰曜于壺儀定厥祥于景胃
今修蘋藻以思齊策翺翔于鳴鷄今珍雜佩以相
支華平先生集卷十五 主 清旦閣

貽相夫子以崇令問今迺泛駕于皇輿歷中外以
奮惠今鎮方岳于覆孟欣主鬯之幼清今課青箱
于斷機瞻小星之嚶嚶今箕行慶于螽斯炳芝菌
以含珠今森蘭玉以相輝荃震器之發祥今策皇
達而馳驅既齊芳于龔黃今寢晉秩于三珪欣重
華之懋績今紛象服之陸離綏福履以無斁今促
瓊馭于崦嵫嗚呼羌坤順兮巽惠珍萱茂兮蘭芬
既相夫兮立德且教子兮策勳萃修能兮下世卽
萎絕兮奚屯矧七泰兮考終暨百順兮駢臻侶二

姚今結袂聯王母今聯輪薦椒糈今茅藉格靈修
今來歆

祭于母

嗚呼太母毓秀德門歸逢其良樛木綏履小星嚶
光晚遘弗天撫孤和丸拮据勤家箕裘再延葵曜
冰清萱儀日檢婦道母道可付彤管歸然後福如
玉斯栗八泰有七而歸完璧瓊枝霞摧珍英秋彫
人百其身莫贖迴感我思太母衷實無忤還報君
子兒既終託顧惟令子號旻刺心三釜未酬一經
支華平先生集卷十五 主 清旦閣

徒動暨余弱息擬附喬松閭範倏頽大慟臨風鳴
呼太母念爾背捐多歷年所霜鴿夜悲秋燕月苦
爾難方冲疚也焚奠數歷百艱慈母嚴翁既鞠既
育甫有成立承歡未幾遽嬰茲阮興言及此聲咽
泪俱薦此羞榮寫我哀私

祭秦夫人

維閨房之秀質今攬蕙蒨其陸離相德門以攸允
今漱冰瑩于壺儀紛瓊琅以章順今相君子于鳴
雞矢清約以一節今翊惠問于皇輿瞻重華以懋

績今紛象服之下地播奇芬于方鎮今寢晉秩于
三珪歟王器之風震今逮江茵以合珠汨瑤華之
甫獲今胡薤露之易晞翳靈璫以至室今促瓊駟
于崦嵫嗚呼哀哉紛萬始今無垠孰朝茵今大椿
維坤順今巽惠珍萱茂今蘭馨萃衆芳今永世卽
萎絕今奚屯侶二姚今結袂驂王母今齊輪薦椒
精今茅藉招靈修今來歆

祭泰夫人

嗚呼孰謂夫人而溘然上征耶以夫人所遭爲屯
支華平先生集

卷十五

三

清旦閣

耶則景胄定祥早綰纓簪金章紫綬誥秩如綸闈
中之秀若此幾人以此爲夫人亨耶則抱疴彌旬
拮据勤生緝紉主饋茹檠嚼冰亂童始殞奄忽及
身端亦有生之大殺也以夫人之行爲旣足耶則
相夫忠君白首一心誠不止此遽以爲夫人憾耶
則溫恭翼子柔順宜人儆戒播鷄鳴之譽荆布齊
德耀之貞冢器衍麟趾之祥逮下廣小星之仁婦
道母衛旣焯然而莫與倫然則夫人之所遇與所
可傳者固天所以厚夫人而畀以完德而其所憾

與屯者殆所以善成其天而益增其所不能耶將
天祐我公立厥配以翊其清白之聲耶抑庭除倡
隨協氣薰蒸不覺其一德之相和而相成耶不然
則世途夸毗之流偶綰一命沾斗祿其內鮮不有
侈心焉甚或濫苞于司晨交謫于北門以速官謫
而罹天刑今榮階登于二品宦履幾于三旬而猶
苦貞以求身也豈獨閭閻之珍而藩屏寮屬疇不
仰德而奮然以興耶乃年未登于中壽位且逼于
三階陰教方隆中道而殞也豈獨我公慟德宮之
支華平先生集

卷十五

三

清旦閣

祭楊夫人

維靈懿範秀于蘭房孝思順于慈嫗明信以尸絜
享齋肅以力公桑夫人之德亦孔之臧滌穢源于
華閭依景胄以定祥榮象服于紫綬震王器于青
箱夫人之福亦孔之穰迺維夫人不德其德以禮

自坊飲冰茹檠異惠含章不侈其福以儉自將蔬
羹糲食荆釵布裳故夫人之德日益減而我公之
德肆然以彰夫人之福日益降而錫福于家邦暨
我藩服之官常者不覺其寢明而寢昌嗚呼吾聞
人有一德足以延福矧夫人萃茲衆芳而尤日戢
其光一念惜福天益之算矧夫人夙膺繁祉而又
抑然不盡其藏則其壽其福亦胡可以數計而意
量今顧甫幾下壽而溘然以亡天耶抑殲禍以自
養拮据以贊政乃足以懲其委形而促其強耶將
支華平先生集 卷十五 壬 清旦閣

飢服而奉揚一函明水一辨玄香聊以代羔膾而
舒結腸靈其翩然霞舉而降監于白雲之鄉

祭錢夫人

惟靈蘭安玉質尹媛吉嫡陰教協宣坤成作則嗚
呼我聞藍田毓頑白璧生煙璠璣瑟潤乃輝千山
金闕滋靈珠鏡載涵神光瑩徹益媚于川於維夫
人韞和葆貞炳靈啓祚淑爾後昆乃維令子秉節
蘭臺貴豪歛衽荆楚懷來人亦有言此子此母子
德若茲母恩良苦和九之教斷織之勤乃如之人
支華平先生集 卷十五 壬 清旦閣

祭周夫人

維靈修能樹德純禧發祥上下史冊疇克頡頏嘗
聞德耀隱操齊眉舉觴燕謨未彰載聞崔母安享
金章萱齡未長亦有女儒長年孺色莫繼青廟庶

姬四郎才名擅場未聞六子共本齊芳燕國陳母
訓協義方孫枝未昌北平之孫蘭芽玉相一禪曾
玄途殄其光惟靈璿源昉于名閥懿範宜于閨房
壽迫人瑞之期業修子治之良偉哉令子三三鳳
翔貂蟬結轍譽望游揚暨諸曾玄五五雁行瑤環
瑜珥繁麗寒芒燁有生之百福萃千古之衆芳伊
誰軒輊而低昂乎矧我太府定靈家孫德規天而
廓地衛緯武而經文三吳奏卓魯之績豫章轅襲
黃之勲頃持囊於青瑣殆獨簡于紫宸行且躡鰲
支華平先生集 卷十五 三 清旦閣

階而秉軸捧鳳詔以如綸恩覃三世光賁九冥人
亦有孫孰克如靈之孫乎今之逝也其企颺遊之
列馭按瓊式之飛輪攀九虛以結袂拉上元而接
茵乎洪惟太府陶治人羣撫我屬吏母鞠父臨緣
恩邇義靈猶吾母而士民孰匪靈之來雲飲紺泉
而泝源望素閣而怡神列丹臺之芳薦叩玄室以
羅珍靈其策風御虹而隆鑒於高旻也耶

祭錢夫人

維靈璿雲呈彩孳星降祥言成陰教行著國章克

相夫子鳴鷄翔翔敷歷中外齊德俾芳源璿流遠
慶延祚昌厥維王鬯嶄然軒昂資涵潤玉學紹青
箱徽音永嗣丕祉爰集昊蒼弗憇艱棘俄及地維
傾紀月輪載鬼烟樹凝慘露枝垂泣氣易灰飛暄
逝寒襲雲籠黼嬰塵封華璧嗚呼哀哉某有弱息
締言附松閭範倏傾哀疚焚焚瓊漿一酌長慟臨
風

祭趙母太姆

維靈葆祥發曜毓粹璇閨作配德門婉嬈賓儀邁
支華平先生集 卷十五 天 清旦閣

家不造中道分飛提攜襁褓矢死靡忒備嘗荼苦
孤標玉立和九資勤皇達展翼矜飾孔堅今問載
宣榮名休命局紛其荃色養愉愉青鳥籌添胡然
弗憇蛻几卽幽堂摧燕喜并謝忘憂棘人樂樂悲
心如拙嗚呼史列婦師國宗母憲共姜詠周殫母
圖漢於維太姆南邦之媛忝我弱息委禽名閭方
藉芳軌忽罹摧割慕德瞻儀曷勝忉忉栢巷尚新
總帳若遺臨風一酌辟芷江離儻靈洋洋庶其斯

支華平先生集卷十五

支華平先生集卷十六

橋李 支大綸心易父 著

頌

恭親 文華殿 御書學二帝三王治天下

大經大法頌并序

臣聞木崇矩矱則雕牖廼成金藉範模斯陶鎔克
肖矧伊 皇度夙著 憲章元元本本誕闡昆侖
之儀井井綸綸動準方圓之則鴻義以上遐哉邈
乎莫得而紀云自放勳垂被格之光洎重華播烝
支華平先生集 卷十六 清旦閣

又之績姁禹禪而祇台大競殷湯建而聖敬日躋
迨文武之重光寔作述之兼備經常章徹鑄金石
而莫湮法則森羅似凝脂之罔隙鏤山岳雕篆素
垂勳播烈亘古徹今凡有作者靡不由斯咄彼炕
龍代運餘分閏位騁眎夫之泛駕堊上聖之莊達
用是瑤檢琬碑盛典蕪而不治靈符祥曆元化鬱
而不宣誰克補穹圓于已紊迴衝波于既洩也哉
惟我 皇上統天御寓紹 祖敷文 玄澤旁流
熙風四動 陶唐灝灝之仁 虞舜烝烝之孝夏

禹推其聲教湯武讓其神功文同軌通民恬神格
固已業光曩代德邁 先烈矣乃猶 奇探冥揆
企芳躅而若未之逮宏規遠圖望崇表而若未之
見遐思于道德之林研精于仁義之府璇題瓊牓
竝二曜而輝煌帝驟王馳越千祀而上下銘盤銘
牖視昔有光見夢見牆于今爲烈矣臣等志欲摹
天學同測海幸逢盛軌竊擬鋪揚遠則效阜夔尹
旦之流鳴玉鑾而颺言近則與相如王褒之屬馳
金羈而獻頌願得荆山之華者歸憎斧砥見滄溟
支華平先生集 卷十六 清旦閣

之勢者類耻涖蹄陸金徒揀潘錦難裁未能振翰
彩于霞軒率爾叩缶音于韋席庶以恭揚駿譽祇
助鴻休云耳乃作頌曰粵若玄黃昉判七政羅錯
斷釐補石穹規載廓巢風永頽義埃綿邈惟彼陶
唐有此冀方虞舜入禪竝曜重光睦族徽典之紀
之綱既輯玉帛爰同律曆惟時惟幾聿修厥德禹
乃嗣興敬承弗忒湯纘禹祀肇修人紀風愆永戒
奄甸疆理周王代之如矢如砥三壤經國九疇欽
倫周禮周官郁郁其文條分縷析典則斯存昭茲

遐躅爛焉汗竹浹深極高民熙物育訐謔懿範永
植君鵠於錄我 皇侔德 昊蒼冥探遠邈聽
鴻荒睿思忡忡昧爽靡遑躋唐堦虞肩夏踵殷鑒
于有周乃武乃文念茲克艱誦茲日新慕茲垂拱
繼茲照臨 黼座高敞璇臺迥矗鳳藻雲廻龍章
電燭法言在御載留神矚稽古立則日乾夕惕左
右天經張弛民極覆之疇之無怠無斁寶綸輝映
乾度永正勉勉我 皇四方其靖保我泰符式昭
靈慶

支華平先生集

卷十六

三

清旦閣

奏疏

乞 恩改教疏

奏爲陳情事臣少嬰狗馬疾靡寸長足自效謬膺
知遇且銜 命事事郡邑臣竊惶悚頃越懼瘵
帝命顧惟臣先世自高曾大父迄臣父凡四閱世
洊歷賢科賴 列聖恩皆先後試教事習爲吏以
幸無大戾臣自分才德不逮前人絕遠卽事事懼
速天殃願遵近例得少自習于膠庠乃今祗役西
曹旅進旅退靡所豎立必需次選徒糜 天祿無

補且需次選臣或當倖得華美顧臣數多奇不敢
希覬非分以干陳列之誚如蒙俞允俾得習視成
事嗣且鞠躬盡瘁以報累世之 洪恩而大展生
平之學術所謂事 陛下之日長也惟 陛下裁
之臣不勝受恩感激之至

辯明心迹疏

奏爲孤臣心迹已明懇乞 聖慈特賜查析以昭
公道事臣萬曆二年進士陳乞就教南昌萬曆四
年三月陞授福建泉州府推官比緣時宰欲陷洪
支華平先生集 卷十六 四 清旦閣
侍郎不從招恨至五年閏八月聞喪回籍而七年
十二月撫臣承風撫拾混論降聞此閩南原問官
吏士民所共知者時懼禍患叵測伏匿七載至十
一年四月方敢赴部降補江西布政司理問又經
一載撫按薦陞奉新縣知縣奈緣舊官朱南英弊
政積逋紛如亂絲臣銳意報稱釐革殆盡一時院
司謬見推許而舊官忌恨倚親掌院百計中傷本
省馬巡撫知臣受誣先期揭辯吏部大計過堂掌
院故違公評極力排擠而吏部楊尚書廉得所由

面註開用事已定矣乃舊官復挾掌院重結臺臣
會有掌察周希旦與原任安溪知縣俞仲章同里
同年結姻甚昵仲章爲令時貪縱不檢大綸奉法
問黜私恨次骨遂挾怨妄彈附臣名于拾遺疏末
時論共爲不平而掌察力請銓司俛擬開任隨行
巡按查勘而孫御史備下司府纖悉搜羅迄無賊
跡回咨見存部院夫憎臣者駕空捏虛備彈下石
之謀查勘者尋影偵風曲盡鉤致之法而卒無一
點疑似之端一毫沾染之跡則臣之被誣心迹亦
支華平先生集 卷十六 五 清旦閣

既明矣伏讀萬曆二十一年七月 聖旨李某既
問無賊准以原職調用徐某舉劾不當有失憲體
着調別衙門用近來被論官情重提問的有虧枉
得開釋其情輕開任爲民免提問的混議斥革仲
理無路政體殊爲不平今後還着該部虛心細訪
斟酌去留有原參不核一併議革及有原任某縣
知縣某某等被論革職尋以伸辯復職天下共仰
聖明洞鑒真有以燭孤孽之悰而發覆盆之隱矣
夫免提問者尚矜其混革况臣之查勘既明者乎

徐某巡按地方尚有未核况據拾於風聞媒孽於
讐口者乎臣謫江西踰年始得薦陞及縮縣符十
月遂以計行而讐口吹聲不遺餘力奉新附省不
過百里倘有不力何不聞於百里之內而風及於
四千里之外掌院私忿囑陷而撫臣代爲揭辯設
有可疑何不仰詢要地而乃庇孤寒無似之小吏
開任之後寒灰已不燃矣若非真有虧枉孰肯曲
爲開釋而忤當道之譏夫是臣之不理于口非臺
臣之公言寔憮壬之私恨耳既經勘明尚未昭雪
支華平先生集 卷十六 六 清旦閣

是虧枉者終無伸理之路而混革者永抱不平之
痛也大非 皇上敷言之德意矣臣筮仕未幾幽
居七載矢心革蠹竟中讒毒被黜以來又十有三
年人生幾何豈容復有宦情但念 聖皇在御宵
翹之物皆得自途而臣以風影無稽之譏遂絕於
化國舒長之日今查勘無賊公道漸白而臣不自
陳是 陛下未嘗棄臣而臣乃甘自棄也且混稱
開任徒與貪濫不檢之流同迹獻賦卽天下萬世
其謂臣何用是不揣貧陋冒昧 上陳如蒙 聖

恩初下吏部備查歷考被誣之由撫按揭辭回咨
及在籍揭薦之詳聽以原職致仕俾得以清白吏
稱臣雖踰伏林泉有餘榮矣或念犬馬血誠齒髮
未衰照例矜錄則浩蕩之仁尤出於帷蓋之外者
而非臣所敢望也被勘之初卽圖伸理緣忌者甚
布飲恨未吐今 聖鑒燭照小人道消正君子得
伸之日故敢披悃叫闕上徹 天聽伏惟 聖慈
垂鑒焉

擬奏輔臣進獻疏 時觀政刑部

支華平先生集

卷十六

七

清旦閣

奏爲輔臣違道獻瑞蠱惑 聖心伏乞斥正以端
好尚事臣聞太公之教成王也雖鮑魚不登于俎
而周公則橋仰梓脩事必致規舜之登庸已五十
矣而一造漆器諫者且數十人周武之通道僅一
旅焚耳太保有玩物之戒誠以君心易惑而好尚
當審也五子之歌曰內作色荒外作禽荒有一于
此未或不亡蓋關係治亂若斯之重也本月五日
臣在刑部閱邸報見輔臣以五月紅蓮先時而開
爲花卉之瑞又以翰林院有曰燕一來巢網取以

獻爲禽鳥之瑞夫身爲元輔不以道德佳 主上
乃啓禽荒色荒之端耶且是二物者奚取于瑞也
五月盛陽蓮固時卉耳卽不然而物非其時則爲
草妖燕玄鳥也而反白白者金象于兆爲兵災瑞
焉今 主上山淨泉清欲寶未啓彼且百計中之
若是令他日顧不重傷聖德耶昔元輔進帝鑑圖
說繙播海內沽忠直名而顧陰購物妖以蠱上心
納誨之謂何臣誠不知元輔此舉于自古人臣果
遵何道也締觀元輔近日所爲卽古謙恭下士者
支華平先生集 卷十六 八 清旦閣

擬論科舉事宜

奏爲科場弊竇百出新法防範尚疎乞更宿習以
求真才事我 朝用人惟藉科舉一途所係豈不
甚重而浸淫既久百弊叢生其間以勢得之者內
閣輔臣獨秉國鈞則願指如意而以賂得之者交
手相付如質左券以臣耳目所睹記校之其數略

與真才埒吁亦太甚矣夫糊名之法嚴矣而彌封
編號皆屬吏承其受賄潛通名號若指掌也易書
之法密矣而分考則賣字樣暗藏文中主考則賣
題目并付全文尋檢若而暗也藝業本荒也而懷
挾之弊甚巧其愚且拙者藏於筆墨承履多被搜
獲其富盛之家或賄通院司門吏就藏于本官篋
筒鋪陳之複誰敢發其奸或藏于醫生厨役藥材
香料之中誰能覺其偽閩南有龜遁之術則埋竹
地中竅引絹線內外相屬題目則自內而達外文
支華平先生集卷十六 九 清旦閣

字則自外而達內其端如環不可禦也軍衛有頂
替之弊則倩有學生員或充監軍或充祇候或入
號而更代或作文而遁入其踪跡詭秘不可測也
又有就號僱倩每人買取一篇共成卷帙名曰短
僱有買通謄錄書手重賂有學生員頂入揀墨卷
之佳者襍鈔入卷名曰採花戊子北京鄉試亦用
此術甚乃并原卷而故燒之矣其賄買者買分考
則發卷雖有分限而彼此通同互相轉換若出於
一手總裁雖有品鴈而紫點華彩虛美眩目難出

其機關若買主考則森羅包括百不一失矣及議
論齎起至形奏劾則惟有覆試之法耳先年覆試
內閣擬題先期請旨多方透漏得以宿構欺人搜
綽未嚴財力通神百計傳遞得以混謄塞白邇年
臨試命題信手揭書漏題之弊革矣科道環列論
者監試傳遞之弊革矣而白丁覆試尚能完卷間
有文理亦通不大荒謬卽言者驚疑而不知其弊
在覆試之時先期僱倩文士潛住寺宦舍邸迨題
既命卽令宦豎傳出撰文卻僱內官聰敏者暗誦
支華平先生集卷十六 十 清旦閣

入內故倚本生卓上口授之此則監試之所不知
者而宦豎悠揚倚盼固其常態卽 廷試亦多若
此孰能禦之哉內而翰林部屬皆得考試其受賄
關節固必有之矣而外省則御史專之凡編號彌
封命題去取無不任其操縱故內閣之子明係冒
籍而中富民之家明係白丁而中閭中諸臣亦各
自行其私而憲典漸以滅矣近用京考其奸修尚
繁者固多而間有煩言者何也用京考則權在京
考而御史不得察其奸用御史則權在御史而司

道不敢行其志以至府縣分考人有定員經有定數皆可預擬而潛通者故科舉之法布憲擬於秋茶裝綴密於凝脂而千金暮入一經朝撥矣不變而通之其不至舉場濫觴乎臣請籌之京闈三場仍用翰林二員主考外如第一場合用監試官六員科二道二部二命題則六員參互間出以防賣題其分考閱卷則襍取部寺府縣科目出身者一百餘員以入試人數爲率約每員閱三十卷自旦至暮一日而畢不得越宿而閱卷之法仍不得分

支華平先生集

卷十六

士

清旦閣

公堂將三場取卷拆封查對但三場俱取者爲中式不拘舊額多寡登榜其三場取二者發學補廩取一者補增原係廩增者另行獎賞其試卷先期順天府陸續收受卽對本生彌封就付領出聽試如以人數不給卽多設員役分受約以廿日爲期亦不廢事不必編號不用浮帖不必易書三場異官命題而主考在內不得預落卷則主考之弊革矣多官分閱每員不過三十卷限以晷刻則分考之弊革矣銅臭白丁安所措其奸也惟有閣部擅

支華平先生集

卷十六

士

清旦閣

官員併去取諸條俱如京闈之例惟印封在布政司收貯落卷在按察司庫耳江西湖廣則二都御史及巡按各占一場山東河南山西陝西道差甚多分場最便惟雲貴四川廣東廣西福建六省撫按外尚缺一員仍用京差道臣一員補之是京考之差不廢而巡按亦得以效其忠都御史兼理其綱而司道亦得以伺其弊科場積蠹必如是而後可清乎臣奏一出真才者固必悅從而銅臭者惡其害已清操者當無異議而黷貨者難于染指輔

支華平先生集

卷十六

三

清旦閣

臣部卿又嫌其子弟之不與而競排之不將曰祖宗成法不可變乎夫成法之不可變信矣而制度文爲因時損益何代無之卽科舉一事洪武中間一行之耳而後遂偏重初年不過二三十名耳而後以之四百制額定於成化中年京考差於嘉靖初年皆非 祖宗之舊也而卒未有非之者何獨於此而疑之又將曰官多而費鉅乎夫易書之費至用書手生員三千名而卒無救于弊且舊用考官內外簾亦數十人曠日持久動經踰月其費

甚夥今省膳對三千之費以加贍考官三十員省一月之費而約之旬日其費當倍省於舊矣臣嘗有狗馬志不得行其百一今已跳出樊籠之外而芹曝之私可爲採弊清蠹之助者倘奮然行之科場庶幾復古矣

擬條陳時務疏

爲百政積弊懇乞釐正以飭蠱拯亂事臣惟天下之治如人一身其少壯時精神方聚血氣方剛諸病不作卽有寒暑燥濕之侵亦可計時而療治迨

支華平先生集

卷十六

古

清旦閣

其老也七情日恣精力日衰勝理疎弱風寒易入漸成膏肓之病卽治以和扁猶難奏功宋臣朱熹謂當世之弊須用大承氣湯亦以時之弊壞不大蕩滌不足以致治耳愚觀今時之弊皆與宋相似而益之以機械因之以昇平故纏綿牢固必大有爲之君以脫胎換骨之法一洗而更之如元臣朱彥修所製倒倉法然後可以振人心迆休命而復觀洪武之治請悉數其弊而亟圖救弭之術可乎一曰宦寺之弊夫宦寺之設以傳內外之言給門

戶掃除之役也 太祖之制宦官不許讀書識字而宮門置鐵牌禁宦官不得預政聖謨洋洋其爲子孫萬世慮至遠也沿襲既久弊孽潛生正統正德間大爲肘腋之禍今承 世廟之後雖已去其外變而宮閣之內窺伺動靜假冒威福馮保攬權時雖以張居正事之僅同僕妾而張誠張鯨諸宦內則管錢貨之柄外則操吏兵之權先朝宦官傳旨到閣皆離席二丈行禮今則抗然賓王南京守備獨列文武之右此豈聖世之所宜有哉况教習支華平先生集 卷十六 五 清旦閣

宦官皆翰林諸臣他日宦豎得志潛爲援引則其權安得不重而其勢安得不縱也臣嘗憾張孚敬遇 世廟志同道合乃僅能復條旨之權而不能盡奪司禮監之柄革鎮守之害而不能盡革南守備織造之差以流毒于今日也請悉復 太祖之制職役止于掃除而不得復教之讀書金錢掌于司農而不得使委之出納織造責成于藩臬守備獨任于兵部司禮監不得預奏疏而御批一付之臺閣深宮燕見日近儒臣飲食衣服皆任賢士則

刑人自遠而政本可清矣二曰館閣之弊國初鑒胡惟庸之亂革丞相之位而以政事分任六卿館閣之臣皆以學士爲銜專備顧問而已承襲既久遂有兼六卿者有兼公孤者而條旨之權隱然丞相之實矣然當時入閣或由守令或由邊功而翰林參伍互用卽世宗初年尚多有之後遂專用翰林而天下莫敢齟齬夫吏部爲六卿之長官察由其銓注而翰林廢置獨屬內閣惟考滿亦入吏部僅應故事故館中諸臣多恣睢自肆囑托任情大支華平先生集 卷十六 六 清旦閣

夫初制之意矣請復本朝之制凡有人材政事面與六卿百執事親計可否而裁決之卽下而賢士之初進邊方之形勢皆親承玉顏而奉聖斷則政體自一而竊弄之弊可革矣三曰臺諫之弊國初以公論付臺諫而奸黨有禁挾私彈事有禁上言德政有禁當時言者亦皆正直忠厚老成持重而不爲黨同伐異之談乃今亦多故矣其下者貪利厚積出其餘以賂當路自入爲門生私人以求進而因爲鷹犬以搏擊天下之英賢其上者亦借竇

以求入而每事持正以自明其非黨或犯顏敢諫
以自益其愆而冀以有詞于天下其所舉劾皆市
恩報復之私而漫不問風憲之體矣願 陛下斷
自聖心擇其素有清望無書抵政府者以登華選
其鑽求薦剋妄結交知者一切屏遠仍每歲終閣
部大臣總彙臺諫奏章課其臧否而殿最之論人
有不公陳事有不當者注以下考仍聽被論者得
廷辯而薄責之以伸冤抑而扶公道而挾私彈事
犯賊黨奸諸典皆以時舉行庶言路清而國是無
支華平先生集 卷十六 七 清旦閣

之日一揖而定豈有公聽並觀之義哉且進士初
選不論名次不考文行而惟以選頭居內選尾居
外至所謂選頭者惟任冢宰一舉筆耳筆端所注
後者爲京前者得縣多寡無恒伸縮任意舉監吏
員考選亦以意上下而身言書判之等徒借以文
其奸內外論劾官員全無評騭使賢才抑鬱而莫
訴撫按恣睢而無忌愚以爲吏部非有平衡之術
朝廷非有稽察之明不若盡舉而槩之以法如進
士銓選除一甲外二甲定以京秩若干自第一至
支華平先生集 卷十六 六 清旦閣

第幾止知州若干自第幾名至末名而守部之選
卽以京秩之尾當之三甲首以中行評博以次定
名而後推官知縣亦以次定皆取自上裁豈不成
畫一之規哉舉貢監生聽選考案宜倣科試之法
糊名編號分以三場命官校閱三場俱通者不問
舉監舉以上等選授府佐縣正三場通二者中等
選授三司首令等官三場通一者爲下等選授府
領縣佐三場俱落者雖舉人亦發回以俟再試而
地方之繁簡則臨時品列而低昂之大抵能通三

場必非衰疲之甚而三場俱落必非才幹之優一
試而人品大定矣其衰老之甚不堪策勵者量加
銜秩以榮其身如自揣不堪在家養素者聽歲貢
試法閱卷官批評擬進多用浮票吏胥受財恣行
改帖故原擬下等竟列首序考官亦不敢言似合
明註卷面仍用印鈐以杜其奸而吏員之選其弊
尤劇緣富戶商人冒以效勞鑽入諸司備辦衣食
每選各得售其贓賂而自擇美缺卽遇考察亦各
私自改貪爲廉顛倒賢否猥得苟全此其弊全在
支華平先生集 卷十六 九 清旦閣

司屬之自便已私耳其府縣正佐方面京堂陞遷
尤宜定爲畫一之法請于府縣等官每項編爲一
部如知府卽自永平府起至曲靖等府共爲一冊
每員下詳列陞授日期獎薦次數槩天下知府定
爲一二三等凡有相應員缺先儘一等年深者而
二三等以次銓授以至同知以下莫不皆然每當
陞除吏科河南道及內閣大臣集查定數注授一
毫不得假借而方面京堂尤必未事之先開列邊
才內地所宜定爲品格臨期就中推用至于天下

官員衆多請定爲分掌之例使各司皆得自效其
忠而吏胥不得陰擅其利吏部尚書尊官也雖無
所不統矣而九卿正佐尤獨隸焉左侍郎掌寺卿
小京堂科道諸員右侍郎掌各部郎中及天下布
按二司方面諸員文選郎中掌各部員外主事及
首領等員考功郎中掌天下知府驗封掌天下同
知通判推官稽勲郎中文選員外分掌天下州縣
正官考功員外驗封員外分掌天下司府首領縣
丞諸員稽勲員外選司主事二員分掌天下主簿
支華平先生集 卷十六 十 清旦閣

典史考功稽勲主事四員分掌天下教官驗封主
事二員分掌天下倉場庫務諸員庶事權既有專
屬精力各有專攻而無旁落之弊矣而內之臺省
外之撫按所刻人員勿得遽爲覆罷必須詳查履
歷公詢物議明白開列上請臺閣六卿各註人品
而後會議以定去畱則一人之毀譽不得以槩一
人之終始庶賢者有所恃而果于爲善不肖者有
所慕而慚于爲惡矣五日財賦之弊今天下歲漕
四百萬石以實京師乃江南七郡獨三百萬而金

錢服用尤獨擅天下之最于是東南民力竭矣而國用恒憂不足邊陲之儲宗藩之祿日增于舊而札瘥凶饉所在告病徵輸不前今建議之士則憂民生主計之臣則憂國課欲節財則自帝后王公以至府史胥徒仰哺需炊孰爲可蠲之費欲加賦則自田里市廛以至山林藪澤頭會箕歛孰爲未括之利益蓋天下之財力自昔憂之而今日則有不可爲者矣愚以爲賦不可加也而可以權通財不可少也而可以漸省今冗員自郎署而下百自府

支華平先生集

卷十六

三

清旦閣

佐而下百自縣佐而下千自諸襍職二千此不特俸薪之費也而府史胥徒之傭值需求倍克之所獲或什伯而倍從者孰非民之膏國之脉也倘稍加裁損不可以省二三百萬之妄費乎宗藩自親王而下歲糜金錢五百萬仰給者常苦于不給而輪納者常苦于告盡誠倣宋人之法錄其親者而汰其疎者使復四民之業重有司之權不可以省二三百萬之冗費乎諸生廩膳歲糜米一百三十萬銀五十萬兩固日以豐教育也乃諸生之良者

多以設教取資而不才者或游惰而不律或營運以治生何嘗有坐齋宿號之實而剝民財以養之乎故廩膳之資宜議也民壯之名天下幾三十萬起于正德五年劉賊生發取壯丁以爲兵寓兵于農之義也乃今竭民財以贍之而爲祇候迎送之役矣是軍衛之外又多設衛所也獨不可盡裁以省百萬之費乎內而寺人之數盈十餘萬宮女之數盈數萬而其家之優免給贍糜費又且數十萬此輩一清又不可省百萬之費乎倘悉從初制痛

支華平先生集

卷十六

三

清旦閣

加節省盡天下可省千萬而財力充矣六日禮樂之弊夫祭祀大禮也而太常所隸者皆道流猥瑣安有昭格之實音律大樂也而教坊所習者乃優俳賤類安有和樂之本搖慾之禁人道至重而明設妓戶是率良民而爲禽獸異端之教先王所誅而僧道充斥是傾中國以事夷狄請盡革神樂觀提點之類而悉以儒士充之兩京監生歷事者卽令肄習音樂藝術有成署授提點等官數年之後或陞本寺或陞外任量能敘勞以優其選有志之

士宜無不樂爲者而何用此冗穢爲哉其教坊官
俳色長限以月日將該坊娼妓盡數從良過限不
嫁或隱匿不報及假冒賣好者坐以枉法而天下
士妓無夫者勒限從良有夫者務令俊改及各處
僧道不問有無度牒年六十歲以下者盡令還俗
當房田業均分給業民間私自替剃者里黨坐以
容隱贓罪仍每歲有司課殿以俗無娼妓僧道者
註上考行之數年紀綱日正風俗日淳而民財亦
日裕矣其學校一事士習所係故正統間議設提
學道以督之然所貴乎端士習者非謂課雕蟲之
伎程科試之榮也正欲養其德器端其操履以爲
國家用耳今每省學校皆統于一員巡歷既不能
周二三歲始一試則巡歷所至一月之間斤斤然
鎖院校文尚恐不及何暇論行義而觀德業乎作
奸犯科恣行無忌而禮義相先之地幾爲矯虔奪
攘之藪矣臣請以每處守巡等道各統本府學校
以一道考一府歲無曠舉而民詞國賦日呈聽睹
諸生行義知之必具就事勸懲人無遁迹則人人

支華平先生集

卷十六

三

清旦閣

力于爲善矣若服舍之式婚嫁之節酒饌之制皆
盡力以挽回之而不徒爲口說之騰則禮樂庶其
可興乎七日武衛之弊今天下衛所羅列虛名空
伍坐靡大司農金錢數百萬一遇有倣非召募客
兵卽調浙廣諸兵耳然則平日所爲竭民膏以養
之者謂何調兵費鉅而害猛所過之處剽掠殘酷
有甚于賊而犒賞資給爲費不貲及召募水陸之
兵皆市井無賴鬪鷄搏狗之徒無事則張虛聲以
邀餉稍不遂則羣起而噪呼如羅木營寧夏大同
支華平先生集

卷十六

四

清旦閣

諸變有不忍言者有事則奉頭鼠竄而已愚以衛
所之軍嚴其實數見在者姑仍舊貫其逃亡者悉
免勾補所募客兵斥還原籍所司并各郡邑將原
設民壯汰其游食無徒而令里正保選壯丁自二
十歲以上者與退歸土兵隸各兵籍操閱而訓教
之三時務農各事其事一時講武官給以餉無事
則府散于縣縣散于鄉而兵卽爲農有事則鄉聚
于縣縣聚于府而農卽爲兵二十而附籍五十而
歸農妻子田宅各安其所防守扞衛各就其土不

煩征調不費齎送無養兵之費而有強兵之實兵制之善計無出此者而衛所武弁分隸諸邑以顧民兵與縣官相爲左右而時閱于兵憲受成于督府十年生聚十年訓練轉輸之役益輕而民財益裕練習之法益廣而兵力益強何至倉皇失措也乃邊陲之弊有不可言者夫九邊恭布星羅將士分屯錯置平時則聲援聯絡勢若率然有敵則逐北追奔俘斬首畜詎不稱雄鎮修干城哉乃其實則剽掠動以萬計而匿不以聞官兵望風奔潰而支華平先生集卷十六 壬 清旦閣

探無真耗拾所棄之餘畜而妄報稟截殺邊氓之老弱而詐稱首功或捐重賂以勾虜而俟其出塞以報捷或括軍餉以媚虜而買其死畜以論功大司農金錢所輸以犒將士者悉扣取以充勾和之費而就其中又因秩以定賂如萬金則督府千兵憲七百總戎千指揮千戶亦各有分例而內之趨迎鑽刺外之賓使星術皆什一相權以剋取之窮邊軍士衣食日窘氣鬼如綫望旌旄而膽落聞金鼓而神褫矣而督府之陞陟部使之遷賞將士之

累功者歲不絕書不亦罔上而殃下哉愚以爲欲足九邊之兵食宜先擇將帥欲擇邊方之將領宜先擇督撫欲飭兵政而重督撫必先自閣部始今之將領其指剋軍儲非盡入私橐也上則交通閣部次則締驪要津苟內閣必不受私餽則兵部不敢不廉臺省不敢不飭而督撫亦有所畏忌而兵道而武弁孰敢不畏清議而擅爲指剋者乎由是以實意行實政以實功祈實效選練必精戰陣必勇何憂乎勦虜何畏乎積弛八日刑法之弊祖宗支華平先生集卷十六 壬 清旦閣

設法司以平刑豈不重其選哉乃今之詔獄多下鎮撫司錦衣衛以介冑而屈辱縉紳以武弁而評議文法折文臣之氣損永冠之體非所以令衆庶見也况所隸者皆敢言極諫因事件旨之臣乎而京都民訟不在有司而任兵馬庸流開冗不知法紀兵番無賴以邏覺濫及兵馬官輒從而束縛之事上巡城御史遂爲成案及至比部又畏臺案而不敢異同是兵番之單詞遂爲法司之公案而冤抑者無由自雪青灾者無路自新京城小民垂首

喪氣久矣愚以爲刑辟之制必使尊者訊卑上者制下武弁萬不可任矣卽文臣中如卑官屬吏悉從法司聽斷其內閣九卿取自上裁有不當聽諸色人代爲奏辯而勿使小臣得操出入之權卽在外官察三司聽于都御史府縣聽于院司不得轉委屬官推問以紊上下之體而出入之間有徇私貪賄者聽諸人自辯卽小民之訟亦必擇其廉敏中正者而後用之而濫訊濫繫悉有厲禁庶刑辟可平而民以不冤矣九日監司之弊祖宗設監司以糾察郡邑而殿最之其權誠重奈何自設御史以司糾察專舉劾而監司者日務彌縫以自固切切焉奉風旨而奔走于送迎期會之間其吏治之賢否民瘼之安危悉視按臺以爲俯仰而莫知所裁而按臺又不信監司而取裁于甲科之州縣甚至監司之賢否亦日取郡邑之私考而上下之于是監司視郡邑能吏亦務以阿媚相結而無復監臨之體矣夫監司品級自高體貌自重專制一面何歎于御史事權所隸彼此交錯糾察互加儻能

支華平先生集

卷十六

壬

清旦閣

自樹豈爲御史所紂而乃畏首畏尾咕咕如轅下駒也愚以爲宜令二司官與御史相見必以賓主接遇職事必以剛柔交濟有不公不法彼此互相糾舉御史挾私彈奏二司得隨事奏辯仍禁各臺臣不得黨同蜂起以滋訟端則監司庶其再振乎十日守令之弊夫守令于民至親其惠澤及民至易責任良重矣然自郡牧而監司而諸道而撫按而部使自教養工虞以及米鹽絲枲之微百相臨也百相責也百人譽之未有不次之擢而一人失指遂盡棄其平生百政具舉未必見知而一事偶遺遂構無端之謗不肖者百方拮克爲終老之資而卑鄙無耻吮癰舐痔以期媚于上官往往瓦全而不害賢者抗志矯節一介不取而逢迎稍闕伺候少疎反以來譏賊之口巧者深藏密取外市美聲驟致通顯質直者悶悶其政侃侃其操動觸忌諱乃多罹詬訾而不可解于是人競其私日飾其僞而不復留神于實政矣而上官之所責于有司者所令多非其所好今日吏必廉而餽遺之票取

支華平先生集

卷十六

壬

清旦閣

者動以百什皆云無礙官銀贖餉之所獻者數以什伯皆云取諸俸資非貪何以充其求今日吏必仁而一有徵求剋期必集一有觸忤舉族皆囚號令必期嚴明迎送必期齊肅非酷何以濟其欲部使之所臨賓旅之所經鄉達之所在餽遺不厚則不譽囑托不行則不譽送迎不周則不譽而小民之待澤于下者又以廉仁爲歸行取陞遷非交歡過客厚結上官重賂要津則不得而數者非貪且酷則何以爲資故今之守令欲直已行道而不失支華平先生集卷十六
清旦閣
美名縈已好修而游登顯秩猶南轅而企燕也必無幾矣愚謂監司部使賢否萬有弗齊毀譽萬有弗一而所以風勵有司者其權全在銓司銓司者必多其訪採公其舉措清其藻鑑而又久其時日諸凡舉者固俟其宦成而被劾者仍候其事迹顯著而後行之其有輕徇喜怒偏聽讒邪妄行論劾者必令本人自辯事久論定論者坐以故人之律而讒者亦准誣告之條其孤立行一意者尤當于世俗之外別着眼目不次陞擢以旌異等如憲宗

之于楊繼宗楊文貞之于范理而蠅營狗苟譁世取寵者必有非常之罰則庶幾哉守令其得人乎愚以羈旅之身未嘗見知于世而狗馬之忠可爲聖明獻者不敢不盡言以進惟裁而採之不勝幸甚

支華平先生集卷十六

支華平先生集卷十六

三

清旦閣

支華平先生集卷十七

稿李 支大綸心易父 著

公移

議處倉糧折色 以下係臬屬事宜

本職近攝縣務目擊時弊採訪民瘼稍稍損益
非故喜功生事先正有言人臣事君雖近且小
亦須爲百年之計況泉中小民凋瘵已極而錢
糧冒濫之弊夫征徵發之煩病孔百出怨讟藜
輿不及今酌處將無紀極爲此俯鑒愚悃參以

支華平先生集

卷十七

一 清旦閣

時宜畫一陳請

照得晉江等縣額派永寧福全等倉本色糧米緣
各倉不通水次每遇輸納各里多以肩擔抵倉而
積年攢典斗級攪頭多方勒捐巧索酒食行樂席
底諸費稍不如意卽誣以米色不堪而衛所等官
聽其檢置妄加筆楚甚至守候旬月不爲交收諸
役進退維谷不得不任其科派每石至費一兩有
奇米既入倉恣攬水穀給發官軍則又有起籌酒
席之名有朱墨公費之日每石實數不能六斗值

支華平先生集

卷十七

二 清旦閣

銀不能二錢其貧軍無聊每每先期稱貸于附倉
之豪每石得銀一錢有奇卽以糧票送抵徵散之
日各豪齎票坐索高價每石亦踰一兩有奇是以
一石計之小民所費踰一兩官軍所得僅二錢而
飽飫鬼蜮狐鼠之腹者殆入錢矣軍民兩病莫此
爲甚議將各倉本色悉依時估徵銀計名分給建
議之時軍民歡呼以手加額而吏書貪餌常例官
攢失其故步豪民亦以空券無徵協謀阻撓遂以
本色爲辭然非食同之議也本職查得該倉累年
積貯稻穀頗多歲久易腐本年米價稍平請以陳
穀給發而以折銀買新穀抵之則斗級免浥爛之
累小民免盤運之艱官軍無剋削之苦其爲利益
不亦昭昭著哉先蒙戎院侯爲核軍糧以裨國計
事奉委查核乃知各倉離府既遠法網疎濶每歲
諸役運納止于索取倉收出納一任衛所漫無稽
察或以老弱充數或以故丁混報或役占正軍而
肆行吞啗或縱放軍人而代名冒領攢典吏識飽
食恣睢而城操海操諸軍竟無實惠及行查核止

以空文抵牾而軍士老弱頂充之因官吏減俸任俸扣除之數無一的據其平日冒濫之奸居然可知矣若行改折則徵收在縣給散在府出納有數句稽有實每歲間差一二疆察吏清查而禁革之則一切弊端自當斂塞矣

議鋪兵事宜

照得鋪夫差發弊耗甚劇因襲既久有司卽欲以一切之法均之勢必壅闕今斟量民情稍加哀益去其太甚圖採萬一今夫有司徵法如執燈焚州支華平先生集卷十七

支華平先生集

三

清日閣

致微細也乃委政胥吏督以積老妄撥多人計貲免役而貧窶孱庀之夫罔可營托俛首服役諸役洊憑城社抑勒而需索之刁難之苦甚于夫征而官值一傭民費三倍差發愈苦則營免者日多俸免既多則更番者日急迫至闔城騷動衝突叫囂月無寧日民不堪命而官事竟亦不濟安得視爲細故而不一處也合無將原募公役外給口糧稱事考成則所役皆坐食之人而應役者無俯仰之累矣

議處更夫

照得更夫巡警本以防盜貧民室如縣磬一身之外更無長物何盜可防顧獨爲富民守財耳乃強有力者率以財免以勢脫仕宦之家僕從如雲華衣腴食高枕酣卧而傭夫販婦瓊尾流離之子日夜奔馳勞瘁萬狀至富室以慢藏誨盜或長夜劇飲喧襍致寇或窩納亡命就內竊發少有失事輒張皇虛數眩惑睹聽致將更夫拘逮筆楚甚而誣執平民遷怒有司有司不勝其忿乃責之保甲諸支華平先生集卷十七

支華平先生集

四

清日閣

役比屋連坐鷄犬不寧諸役不堪比併則糾讎金帛如所告之數哀號失主之門以祈緩獄矣及捕盜之役願指從命妄指閭右之族以開利罔彼良民者皆好修敦行人也一聞盜名舉家奔竄因而檢括其家貲係累其婦女而有司以其名盜也又從而酷訊之甚者文致而深入之矣彼被誣者稍有繫援稍有干謁或幸而得免使財力已盡則俛首就死而終無以自明有司習知其冤而懼流言之及已也則寧苛刻以避謗而不敢爲之一白卽

強察不阿者亦僅能寢閣以待其自定耳寢閣之人多致瘐死而吏牘屢更羅織益密其能昭雪者幾何人哉議令仕宦家丁每夜與更夫協守如有疎失卽以本戶家丁分任其罪以示一體之義而息誣盜之風

議處安海堡芋稅

照得該鎮海濱荒漠生理艱難芋市刀錐原無征稅邇因築堡建議推征蓋以杆城而衛民非以盡利而爲暴乃總甲王顯黃悅者游憑社鼠霸創官

支華平先生集

卷十七

五

清旦閣

牙巧爲壟斷之謀大肆侵漁之術百里孤懸有司旣難覺察二豪盤據商旅坐困誅求不主其家則指爲匿稅一投其網則非執剋留機兵羽翼爲奸鎮官束手聽命迨赴府陳告或幸准行拘逮淹羈動經旬月貿遷者利于轉輸及時而刁悍者巧以持久坐困卽能直之公庭折閱已什伯矣況其多智足力變幻請張又有不可必者乎奚怪乎商人之倚權長號良民之向隅掙泣也夫商旅所主或因親故或隨市屢聽從所便則情狎而勢順散之

各行則市平而貨通今以一城之牙盡歸二人之手在私牙旣不敢抗則拮克任其主持百貨咸萃一隅則貿易不無壅滯稅錢旣入私橐輸官多不以時張堯等所告趙誨等所呈其惡狀彰明較著者也除將王顯黃悅枷號革役外合無將前項稅銀通融各牙計戶均派每歲齎納商貨一至隨便化居不必報官不必驗貨上無科察之煩下無抑勒之苦似于地方小有裨益伏惟裁奪

革無名征稅

支華平先生集

卷十七

六

清旦閣

查得安海堡芋稅七十兩自萬曆二年建議迄今五載矣總之共銀三百五十兩近蒙委查軍餉始知前稅俱係王顯侵欺竝無分毫輸納除一面嚴行監係革究別議攤稅外但身充牙保者類非良民而倚官爲奸勢所必至王顯雖經革役而其族黨往往把持行市緣附官吏拮剋行旅原額每芋一擔抽稅一錢五分今私抽三錢有奇而抑勒恐嚇之弊倍之及查稅銀徒潤私橐夫商民受剝膚之灾而公家無毫釐之益爲術亦旣疎矣且以堂

堂大藩爭利于刀錐之末其損國體失人心尤有甚焉者乎合無俯念海濱瘠土薄惠弛征令豪猾無所藉口而商旅悅于出途亦清時一盛事也

革舖民襍差

照得舊規公宴皆于舖戶借用瓷器夫瓷器最易破損物出借用廚役漫不經意及其破損又不賁賄而胥徒冗沓伺間草竊終席之頃闕然而散存者幾何至于時果之借尤爲可矜貧賤青果本息最微一經借用無論遺失卽存者亦必傷萎不堪

支華平先生集

卷十七

七

清旦閣

難于貿易而一夫終席伺守徹夜其于生理能無耽滯至上司按臨當用小舖卓椅往亦借之民間夫富民既皆管免受借率係貧民彼身無完衣瓶無餘粒儼居藁息安得長物以應公需也而胥徒奉命追呼沿門搜索又多以財囑幸免直至極貧之民無財可囑則拘繫入官責以頑抗其爲冤楚豈特一夫不獲之辜哉似合通行禁免

驛遞事宜

照得驛遞之害不在文官而在武官不在流官而

在鄉官文官多重名節而武官不知法紀文官僕從多奉約束而武官烏合亡命千百成羣逞強橫索莫可理詰至境行鄉官遷除往返行齎居送固爲勞費而里居卑秩亦用驛夫每至月終坐索夫價凌迫萬狀且站銀徵發弊孔尤多有司官吏每當關給多不以時而冠蓋紛集飛下嚴程勢如星火不得已而告貸于勢要之家其扣餘成色襍用者十之一按月出息十之一及候領站銀有兵吏之常例有庫吏之常例有掌印官之常例如此者

支華平先生集

卷十七

八

清旦閣

又十之一以百金計之僅得七十金實用耳而賓使之需索或又倍之故晉安驛官有今日赴任而明日卽逃者及委官署驛如往棄市驛遞之弊遂至此哉合無痛革常例按朔給發節縮妄費則不必裁抑勘合而驛遞自蘇矣

議革無名之稅

照得民財有數生理甚艱抽稅充餉未有不病民者然猶以充官用也其山縣野市無名之稅徒繫哨于狼豕之腹乾沒于馴僮之手者不知其幾踰

越也安溪縣麤窰一器其利甚微該縣例起私稅每里坐派銀一兩通縣共一百七十里頭會箕歛盡入私囊先該提問各碗戶紛紛控告若不任其苦者其諸竹木有稅生鐵有稅皆私征擅歛不管于公家之經費利宿弊藪塹山而堙谷矣此墨吏之尤無賴者也合行嚴行示革仍查邇年賦穢追比入官以懲貪墨

禁私征海稅

照得沿海貧民以漁爲業者必遠涉波濤彌日徹夜僅乃得魚稍有不利遂葬魚腹矣此其生計艱亦艱苦而彼中豪強占據海口漁舟泊涯坐科十之一稅夫竝灣熟海既裁佃蛤蜊取租矣蠨螋小利又取息矣大洋之魚何預人事而亦稅之乎先該本職奉委提問白沙灣民詞將土豪鄭大舍等據法懲究痛革私稅一方三百餘家有若更生然海隅遐僻其受困而不能自伸與具告而官不爲直者何限也合無將前項禁約通告海隅令知遵守

議處水陸兵

照得各處水陸兵募置星羅控扼要害前院刊示章程既截然有條矣惟客兵一節似宜別議蓋閩中客兵率募潮人然此流非素勇且練也皆市井無賴輕身應募而人非土著則無固志官非部內則無畏心屯劄所在既無親戚妻子之慮田廬墳墓之計淫酗恣睢搏雞椎狗蕩無紀律彼固自以爲行道之人掉臂而去莫之誰何而蟻聚烏合千百成羣一繩以法小則造言流謗大則嗾呼而反噬矣釋此不圖其害有浮于寇者昔人云兵猶火也不戢將自焚宋臣亦云螻虺終歲不噬則觸艸木以洩其毒兵聚而不試則殘良民以逞其奸大都亡命之徒非能糲食編衣也非能履繩蹈矩也四方有事則饒餉豐犒賞厚既得以恣其婪餐之欲而變故紛紜上下駭愕可以攫民財而充腹可以誅良民而報功而多事之妖官司往往簡節疎目而不爲苛責故驚然得志而無他變今盜平警息則目爲冗兵矣餉日裁而實不及矣而憲典既

明兵民異處上人亦且過爲裁抑而非復向日之優容矣彼固虎狼之性鷹犬之材也安能貼然耐饑寒忍嗜欲而入吾約束也一旦橫決奔潰操戈內向勢所必至此厝火積薪之形但火未及發耳計今亦未可卒散散之則立變矣請以漸圖之凡各兵有死者勿補有逃者勿補諸省有事者調之南北更番俾無常居十年之後可以坐銷而于各縣原設機兵汰其老弱蠲其襍役以時訓練凡衣糧之屬給操閱之約束皆受成郡縣正官無事則

支華平先生集

卷十七

十一

清旦閣

郡散諸縣縣散諸鄉而寓兵于農有事則鄉會于縣縣會于郡而部伍有統兵可悉去餉可悉裁民盡既省兵力漸充而永無他虞矣不然則衛所之軍已不勝養軍之費矣而乃益以募兵不將胥民而迫之爲盜耶

議條編事宜

照得條編之法行諸湖中已將十年小民受福不少計閩中之利當無異湖省而在泉爲尤宜蓋不特貪暴官吏非藝橫征而泉中宦族繁多每宦率

植產七邑每邑率以千頃而分之十年一切徭稅遷年冒免雖優免奉有定法而以通府十年計之所免者已數倍矣冒免愈多則派徵愈重派徵愈重則強有力者皆務飛詭影射以爲倖免之計而貧弱者坐受其困莫可控額今綱銀每丁至一兩五錢徭銀每丁至二兩五錢計小民之力終歲勤動安能辦此若以一兩均之十年每丁不過一錢力既易辦而況冒免飛詭之弊既革則勞逸均而徵求約向之一兩者計不過五錢其爲福利不亦

支華平先生集

卷十七

十二

清旦閣

較然矣乎此今日所宜亟行者伏惟軫念窮民速賜允行勿爲浮議所阻蒼生幸甚

議恤瘵民以弭盜端事

以下係奉新事宜

照得奉新民俗素稱刁頑就中北鄉與安義靖安新建等縣接壤尤爲盜賊淵藪綠山岡沙鹵硤涸絕無泉塘稍遇旱乾遂成赤地頃自去歲旱荒民已艱食丈量之後田則倍加舊逋新稅交徵迭擾故彼地小民替替待盡強狠者轉而爲盜懦弱者散于四方故北鄉之多盜非獨其性好偷也歲歉

而政煩湫迫之也乃本鄉之民既善爲講張而附近巡檢等官捕影尋聲邀功生事里閭忿爭求勝輒指爲盜其尤黠者則陰結官豪賄囑捕快以邏覺之不問真僞獲送巡司而巡司既利其所有又利其可以報功也則酷刑拷訊有竹簽釘指腦箍烙鐵之刑者有係累婦女吊乳烙陰非人所爲者箠楚之下何罪不承而重之以老吏之羅織宿猾之扛幫比至縣庭身無完膚命已垂斃仰有善聽訟者當之已不能辨矣間有賊證參差情詞低梧支華平先生集卷十七 主 清旦閣

可以昭雪者則又移文于隔屬騰口于上司展轉纏延必至破家亡身而後已此皆本職之所親見而切齒者也申乞明示嚴諭巡檢等官以後獲有盜賊必送有司審究賊證明白依律定擬勿得先于深山冷廟非法酷拷致死無辜而附近烏山巡檢司官兵人等去縣既遠酷烈尤甚似應行該縣時加查究以安良善其彈盜之法似應煦以寬大之政蠲其煩苛之令貸其宿負勿以帶徵擾之復其田則勿以新則困之其田至于畝而以逋欠久

監失業者聽本縣得便宜申請寬之必使逃亡者復業逐末者歸農野無曠土民有固志然後驅之以善而無不從繩之以法而無不肅安民弭盜之方計無出此者

議處舊逋以蘇重累事

照得本縣土瘠民貧素多逋負每歲糧差止完入分其所欠二分秋糧則舊例存留夏稅麥米等項也其四差則軍餉驛傳柴馬科舉等類也有司所徵稍足起解苟免參罰則以爲幸而小民亦視二分支華平先生集卷十七 古 清旦閣

分拖欠爲固然而不可易者乃今忽奉部文盡行追解而科舉柴馬適值事勢之窮復行催取統計自萬曆入年至今糧銀至入千兩有奇四差銀至一萬二千有奇而冊籍參差逃亡過半且以數年之積逋而責成于數月以既竭之財力而取盈于萬金豈惟民力必有不堪雖鬼神亦難輸運只如此者未知縣冊補十年京庫纔四百兩耳專委江縣丞督追殆將一年監責殆踰數千而所追在官者尚不及數十金則舊逋之難完亦可槩見矣今

以五年之舊欠數至二萬有奇若欲追之勢必家
造一兵戶懸一票銅之囹圄嚴其筆楚舉邑無得
免者而其勢亦終不完何也民財有限一年之所
出誠不能償數年之所負也合無姑准將庫中糧
賊差贓等銀自萬曆十年以前者并一應銅錢金
飾等物量行減價變賣盡數起解暫抵舊例一年
之數以苟免參罰之例其里排拖欠者聽本職查
審明確每名添註實徵戶下諭令帶納漸次完解
庶黎民蒙安堵之恩而縣官亦免讎歛之怨矣其

支華平先生集

卷十七

五

清旦閣

北鄉鄧崇文熊慶等家頃遭荒歉皆田連阡陌顆
粒無收查盤問徒迫贓係累囹圄已踰三載比追
筆楚不下百千而贓贖終無分毫可納問其田則
買而不售問其業則荒而不耕益身羈于獄則耕
作失時名陷于罪則借貸不通其窮愁悽楚之狀
見之不覺流涕而又以法應監追不敢輕縱直付
之無可奈何而已合無將十一年以前查盤問徒
者准令擺站原擬杖者容職查果無力在改的決
擴浩蕩無涯之德以甦替替待盡之民誠今日拯

荒之奇策也

議加夫馬以蘇衝疲事

照得江右係楚粵滇閩六省衝途故省會驛遞其
費浩繁而二縣長夫短夫馬匹等項其制甚悉猶
然稱疲煩之區也乃今六省士夫有畏鄱湖之險
北自九江南自臨江從陸取道者有避省城交際
而取道者有文憑限促而捷道陸馳者而南轅軍
門每歲交代之所必由府縣正佐避省便道之所
必至故往來駢沓應付煩迫與省城略等而況省

支華平先生集

卷十七

六

清旦閣

會之中上有院司爵尊體隆力能彈壓官使遇之
其威力自戢其徵調自省況主以院司而下及縣
官則彼之責望也既輕而此之奔命也亦緩乃若
奉新則最爾之邑孱然之官飛下嚴程勢如雷火
叫囂索勒邑治騷然憲票每夫一名則正夫之外
復取折乾一名每馬一匹則坐馬之外必要包馬
一匹至部院大卿則押扛官有差使錢人夫有夫
錢馬夫有馬錢多者至一兩少者不下四五錢稍
不如意則有凝寒而剝衣以質者矣則有揮鞭流

血而被體者矣。則有中夜開小門而故索必不可得之物者矣。則有叩與大呼而叱縣吏之慢令者矣。本職親見其苦而又以身爲地主不忍過訐以發大賓之私也。則付之太息而已。且下程一副原派銀三錢計心紅紙劄以及鮮熏水陸等物動用三兩有奇。中火一發原議八錢而大卿眷屬隨從頗夥每位動用上飯二卓以奉本官內闈者用中飯二三卓以奉隨從親屬官吏者有下飯五六卓以奉隨行僕隸者大約費銀五六兩有奇。故一遇支華平先生集卷十七 清旦閣 七

大卿費出不貲所登循環則例派也。而縣中所費殆什伯而倍蓰矣。夫居官而剝膏脂以盈私橐者罪也。然求之以必不可行之法強之以必不可能之事使之如負債之夫終日蹙蹙捉衿見肘以博節省之名則昔日持議諸公亦少誤矣。且天下之夫多以七兩二錢卽今各縣偏僻之處猶以五兩四錢而奉新獨每名四兩。人夫之所以困也似合查照本縣舊額每夫一名仍編五兩四錢以蘇貧困之夫各處馬匹每匹一十八兩奉新止編一十

二兩而原馬四十八匹。先該本職署印時惡其刁誣舊令議革入匹以示懲創。然馬額雖革而其差遣尚充。則因舊年工食已預領故也。似應仍復舊額以蘇馬夫之困。上司公費使客過關原額三百零六兩近奉裁減止編一百六十八兩而上司交際禮儀時亦取給于此。故自萬曆十一年所費已借過十三年額矣。似合仍復舊額量加編四十兩以備上司差用其餘一應差使照常外若遇部院大卿廩給中火查照官品酌議數目以免那借之支華平先生集卷十七 清旦閣 六

苦仰候詳允施行

議積穀以蘇倉役事

照得積穀備賑爲一邑計也。乃自斗級旣革遂用倉吏則禍中一家矣。蓋本地秬穀早熟青嫩易朽晚穀皮厚不實積貯經年之外形存實亡。纔一簸颺損耗過半。則有責賠之數有問罪之贖而交盤之日所用人夫工食動以十數。官府查盤造冊工費動以十數。皆可以指挾而目睹者是官之繩倉吏也。嚴於盜賊而吏之畏守倉也慘于棄市。夫彼

亦人也誤而爲吏役而守倉又重困且罔之似非人情也除裁革斗級自是美政無容改議但查得舊額修倉銀四十一兩就中哀益猶可少濟今自裁減太過卽夫役僱直已自不克況可以補虧損之數耶似合查照舊規編銀以濟倉吏之困蓋勢有必窮力有必絀今倉吏之力絀矣勢窮矣去歲本縣倉吏熊應豹一聞守倉之命自經者數數後復以一名計之纔肯應役而本縣應納吏役歲無一人實叅之吏六纔得一尚不爲處則見存者非支華平先生集卷十七 九 清日一閣 三五五

清丈田量事

照得本縣丈田定則弊孔繁多近因復奉部文民益囂然各懷一切僥倖之心而綜其實則未有若南北二鄉之困且甚者緣國初定制則壤成賦二鄉曉鹵不毛之地原不起科其成業者亦以二畝折一故其稅獨輕而民不大困邇者丈田頗失初意加額獨多民不堪命有棄百畝之田而遠遁者有捐千畝之田空手與人而莫肯受者有賣男鬻

女負瓦揭木以償逋負者有查盤問罪係累囹圄踰年歷歲者通計本縣十有二鄉奉化法城進城新興新安此上五鄉皆上田也原額載米二萬一千二百石今丈二萬四百石減米八百石矣從善同安建康縣市奉新此下五鄉皆中田也原額載米二萬四千石今丈後減米六百石矣南北二鄉皆下田也原額七千八百七十九石今丈至九千二百七十三石益加米一千四百石也是舉通縣所減之米而盡歸于二鄉瘠鹵之區其勢必不能支華平先生集卷十七 十 清日一閣 三五五

支華平先生集卷十七 十 清日一閣 三五五

堪故二鄉之民傍徨控訴必要盡復原額本職竊自計之覆丈之法諸縣行之皆無就緒而近奉明旨亦難擅行且自始丈至今六年于茲矣不惟書算弓役疲于奔命卽業主佃戶歲苦追呼了無定日今復擾之非所以安民也立法者如築室永建則昌揅弊者如治絲緒多則亂本縣原擬三則似矣後因人言復改五則邪易之間弊緣而起端緒繁糾人難計算非所以清弊也而田有定數糧有定額既爲下下則以消之必爲上上則以息之

下下者以獲減而安則上上者以頓加而擾且據冊定則官無真見猾胥上下民受其欺非所以一衆也是不惟覆丈不可行即改則諸法皆出下策矣切惟民情難與慮始治道去其太甚本職延見故老諷咨利病除上下十鄉一切弊端并少有不均前來具告者一一臨田踏勘對衆詳審應分豁者分豁應減則者減則略已平妥外惟南北二鄉

其數多其弊大其情迫不得不處而又不可擅處

者謹參酌申請查得本縣糧米惟兌淮南京例有

支華平先生集

卷十七

主

清旦閣

贈耗獨爲重稅舊例官米皆免派徵今官民一則

槩縣通派矣議將二鄉之田照官米事例免其京

淮二科則雖不得減原額之米而猶得減額外之

耗官冊不必減額上鄉不必加稅而二鄉實受其

惠是所以抹二鄉米重之累者一也又查得江省

南昌等縣瘠薄之鄉例有患圖編派四差類從折

減有折三者有折二者今南北二鄉則本縣之患

鄉也合將四差丁糧分別折減南鄉十都北鄉八

都七都以三折一其北鄉六都九都南鄉十六都

十一都十二都皆以二折一則糧銀雖云稍重而差銀猶得從輕是所以抹二鄉銀重之累者二也近以此議宣示百姓二鄉之民歡欣踴躍而各鄉冊書亦謂造冊之役紛更太驟拖延太久家破人亡若得從一誠爲大幸補偏抹弊之方似無出此者伏乞批示允行載入規則永爲定例不惟二鄉得蒙再生之恩而各鄉皆免紛更之擾矣

酌處條編力差以蘇民困事

照得催科本無善政責任皆屬縣官上則挾冊督

支華平先生集

卷十七

主

清旦閣

催日下參提之格下則對案號啼日間愁怨之聲

欲獲上則苦民力之不堪欲徇下則慮經費之不

繼若不悉心調停未免捉衽見肘今照本縣十二

年差銀尚欠三千六百有奇即今歲序已終新差

又當起限一時併取苛擾滋煩合無准將所欠舊

差分派各役聽令對取准作十三年分工食候徵

新差照數扣補本縣參酌事宜博採輿情有三便

焉蓋舊逋遺票逐戶勾攝各役事非關已採門而

入未催公務先索酒食所索既遂漫不經心故累

歲積逋迄無完期者匪特小民奸偷一則胥吏假逋負以爲乾沒之因一則隸卒執牌票以爲需求之柄而勾攝之費倍于正供追呼之擾甚于輸納矣若給票對取則人自爲計交手相付別無營求一切布穀牲畜等物昔投爲酒食之費者皆可充實徵之數而小民免剝啄之擾各役獲先期之利官府無積逋之累其利益明章較著矣倘疑銀力均編要以十分爲率通諸下戶若將舊欠對取下戶不得沾恩但念一邑編戶止有此人小民之財支華平先生集卷十七 重 清旦閣

止有此數舊逋新差年分雖殊而此人此財則一也但新差上卯之初民情響應徵歛稍易與舊逋之遺票拘追者不同耳一二年後逋負既清卽照常均派通融新舊之中而不失銀力均編之意萬分利便妥屬可行伏候詳允

革僉換總甲

照得本縣舊規每至年終諸坊總甲盡行僉換而市井之無賴者多方營求各厚賂老人舉保入冬以來老人日坐酒樓挾妓酣歌已有日矣夫總甲

名爲煙火賤役有身家者多不願充而願充者乃不願脫不過該房吏書與各坊老人作此狡獪欺誑縣官以充私橐耳今以後總甲諸役但有作奸犯科被人告發者本縣隨事審究得實問罪究革外其餘仍舊充役益新役上卯則坊民有醜賀之儀本役多作張皇之態展轉相承不惟老人得利虐我良民而胥吏糾同且多常例若止于仍舊則諸費皆省且相與有年家有染著自難更札面皮需索重費所謂養饑虎不若養飽虎也本縣灼知支華平先生集卷十七 重 清旦閣

此弊有不得不重爲禁止者仰各老人速辭酒席退還當物安貧守分勿想橫財以犯憲典

革糧里上卯比限之弊

訪得本縣舊年里催上卯必差皂役追呼至縣則又各投積歇主保主保因爲開派使用有該房官區書手錢有長押民壯錢有保歇錢有認保錢有原承皂隸錢大約每名各費銀四兩有奇夫里催之有保也非恩其逃而責之保耶然保家皆外境游民浮店沽酒無賴之徒而里催皆田產相應身家

無過非土著之良民卽世家巨族也不信良民而信無賴不信土著而信游民是非顛倒莫過于是況此等棍徒專壹指稱衙門使用誑騙鄉民遇有軍需以一科十蠹民玷官尤有甚焉者乎本縣深鑒前官此弊不勝憤歎今盡行裁革見年里催只照官派四差正額隨班完納此外一應公務但就額銀備辦並不更煩甲里然則見年里催與排年里班無異何必上卯何用保歇也耶又訪得舊規比限縣官不能遍閱完欠止憑管鄉書手開註分

支華平先生集

卷十七

圭

清旦閣

數應責板數里催臨比必雲集書手之門賂求免責以致完糧者以無賄而遭刑不完者以重賄而倖免錢糧多被延賴書手獨受賄賂通計每限約費四十兩有奇每歲糧差二限妄費以啖積書者入千兩有奇國帑告空而民膏亦匱矣今本縣將通縣糧差造簡明冊一簿每區裝成一本收貯堂厨輪限發與收頭登報本日所收銀數照名實註至晚一面拆封計算一面照冊比較比完復貯堂厨夫比較與拆封並舉則收頭無虛報之弊報數

與比限一冊則吏胥無挪易之端況冊貯堂厨收發由已則先期賂囑亦何益哉自今以後里催但務勤儉持家安心生理遇限備銀完官不必買求該書不必各投保歇卽所裁之費亦可償糧銀十分之三四矣凡我良民各宜體恤自愛毋爲積棍所欺也故特遍行曉示

諭各寺觀僧道文

惟茲奉新旻天弗吊歲屢太侵疹戾所蘊蒸爲疾疫死喪相繼殆無寧日除一切醫藥賑貸人力可

支華平先生集

卷十七

圭

清旦閣

能者本職不敢有愛竭力圖濟惟是陰沴之氣厥有疫鬼耳目所不及者寔賴上下神祇鑒在愚弱默賜祐遣投之荒裔以安中土除本職痛自革責齋戒懇禱外謹捐俸金十兩分給在城寺五所觀五所各建道場肅恭禳祀爾僧道各宜清心素食沐浴奉事務期上下積誠共迓天祐其有陰自觸犯以褻天神縱或掩我耳目神不爾殛耶

諭各醫生示

本縣貧民屢遭荒歉饑寒所中至春爲疫富民雖

有漸染自能延醫調治惟貧困之民闔門卧病飲食尚且不周醫藥何從得至今著通縣醫生赴縣關領俸資置買藥材凡遇病者計口給藥每早叩門齋送俟病少瘳即將本縣給去白米煎爲糜粥少加蔬鹽計口送食其家有餘丁者聽赴官闕米自行煎煮各醫毋得剋減故將賤藥堵塞本縣自有察覺之法勿謂可欺以方也此示

宰牛諭

照得私宰耕牛律有明條若現耕之牛宰以充饌

支華平先生集

卷十七

毛

清旦閣

妨農害物罪在不原矣乃先儒見民棄老牛謂少用其力老則棄之民之無行莫此爲甚則耕牛之老者亦不忍宰也但當今之世賦重役繁歲荒民困小民之家朝不謀夕雖年老父母供膳尚有所缺安有餘力以求芻餘地以作牧而養此老病之牛乎上之苛取于民既不勝誅求之擾而所責于民者乃獨望以淳古之風似非所謂藏身之恕也本縣曲諒民情酌爲良法除力堪耕作者決不得宰外其倒斃者倘能念其勞苦功多倣古埋犬埋

馬之側固所藉尚但恐小人力農全倚耕牛卽有倒斃剝賣皮骨可得半價以爲更市之本必令埋瘞似亦不情且暑月潯蒸皮肉易腐深山窮谷必限以報官查驗方許開剝不無妨誤今後聽民自便舊例所徵牛稅悉行蠲免總甲地方捕衙人役等有敢刁蹬搜括擾害良民者坐贓究罪示文至日照行

丈田示

本縣節奉院司憲牌前事本應卽行覆丈以清欺

支華平先生集

卷十七

天

清旦閣

隱但念公正人等先因督丈忙促多致差漏或貪餌厚賂或圖利子孫或怙于勢豪或徇于親故以致報數不公法雖難容情猶可憫若不先期示知聽令自首遽行覆丈治以重例誠恐玉石俱焚爲此示仰各鄉公正書算業戶人等但有漏報坵號及報弓報畝敢以多作少層山複嶺未經報丈等弊聽各不時赴縣自首卽與照冊改正准免究罪如怙終不悛僥倖行險謂覆丈未必實行謂抽丈未必盡法延至正月十五日以前不行自首正者至

次年正月十五以後本縣親行田畝密抽嚴丈查出前弊或被人出首踏勘得實定依律例從重究罪仍將田盡數入官并追四年所得花利夫開爾自新之路緩其覺發之期本縣爲爾等計亦已盡矣儻爾不知自愛自罹法網亦安能利王法以行姑息之政哉各宜體悉毋貽後悔

時估紙價

看得市行交易時估臨時視貨低昂兩無折閱官價一經定議比至取用率將羸薄之物充數所領支華平先生集卷十七 无 清旦閣乃得上價甚非兩平公道且連四紙市上每百二錢二分堅厚細白者每百三錢京文紙上好者每百八分次者七分廣紙上好者每百三分次者二分案紙上好者每百三分次者二分中夾紙上好長連者每百三分次者二分稿紙每百一分此民間常價而官價所議乃獨溢于時估之外者一則守候久近不齊一則奉行之人亦多旁落之弊耳合無今後取用物料卽行驗估如果堅厚細白者准給上價以備部院咨呈之用其一應尋常文移

止用次等紙張仍給次價每月定以期限不使久候當堂給散嚴禁侵耗則所領皆足色紋銀且稱兌足數比之市易成色釐等稍有贏餘雖有奔走小勞亦足相當矣緣蒙奉查事理合將實估呈施行

支華平先生集卷十七

支華平先生集卷十七

三

清旦閣

支華平先生集卷十八

公移

橋李 支大綸心易父 著

四誓

廉訪副使臧孟祥銘曰淨洗眼睛

僉事董師謙贊曰這眼睛獎膽鏡照見誰窮百姓
所嗔誰好貪佞看不錯定定秋月明秋水堂本
無塵洗更淨

推官支大綸曰眼可刺非義之物不可視疲癯

支華平先生集

卷十八

一 清旦閣

獨照如燭貪戾奸豪心若甚不獨鬼神常在鑒天
君炯炯敢自昧

臧孟祥銘曰放寬肚皮

董師謙贊曰這肚皮長忍饑衆肥甘我糠糜將軍
腹寬十圍食以敗脂流臍平生事百甕齏咬菜根
事可爲

支大綸曰肚可剖非義之物不可忤菜羹蔬食如
甘飴布袍陶瓦踰瓊玖若使中藏一點污人頭畜
鳴戎中首

臧孟祥銘曰硬豎脊梁

董師謙贊曰這脊梁鐵鑄成廣平骨沒孺身會強
項批逆鱗肯折腰揖貴人臺中評謂我傾我自我
卿自卿

支大綸曰脊可斷非義之事不可亂須教貴戚皆
歛手誰謂南山能改判若使低回雌伏時寧使雙
脊分萬段

臧孟祥銘曰牢立腳根

董師謙贊曰這腳根如山立立得牢踏得實倖門
支華平先生集

卷十八

二 清旦閣

裏曳不入正路中拔不出持一定禦衆謀不退轉
堅固力

支大綸曰脚可折非義之途不可躋忍從利藪潤
膏脂肯向權門甘宕跌若躡回衰失故步此足須
教遭楚刑

諭永春縣亂民示

泉郡丙子夏六月永春縣墨吏許兼善亂
政民不勝荼毒煽聚數千人圍城以殺許
倭爲名道府盛議調兵大綸曰民爲虐政

所激奈何兵之兵且愈亂不殺百千人不
血戰旬月不定也請身任之先一日遣十
二牌諭慰冤苦招之來懇次日單騎戒行
民間之歡呼赴懇者沿途約五千一一剖
示勒期候審時城圍半解矣比至縣尚有
二千餘矯然抗命時偵知有諸生陰主其
謀且曰必殺許侯而甘心焉乃示考遺才
兼行季考諸生既領院試矣立命巡捕官
兵押送許兼善赴府候審及諸生出見罪

支華平先生集

卷十八

三

清旦閣

魁既遠無可爲兵端遂翕然貼服一邑以
安時劉凝菴巡撫亟稱智膽過人云

照得該縣知縣許兼善老忘戒得利令智昏委政
積弊陳正簾弄威權濁亂憲典聽獄不問曲直富
者輒佔上風編徭不審丁田貧者卽肩重役造獄
廟而舉邑徵求數踰正供之半修誌書而計戶科
欽酷于軍興之需始以狐行侶虎繼而鳩化爲鷹
遂至棚屋俾于邑堂而縣正餽之花幣多有東縣
西縣之名威福倍于縣令而正官拱手受成乃有

此許生陳之號以皂隸立生祠而鄉達之尊官亦
以侍生投刺挾美妓遊東山而糧里之室女亦以
逼勒受污罪惡貫盈神人共憤以致爾等良民弗
忍荼毒願與偕亡僅求自跳水火之中豈敢遽弄
潢池之衆而訛傳遠布叛逆頗彰諸司共議徵兵
本職獨思安撫除許兼善陳正盡法究革外于本
月二十四日躬乘單騎緩轡徐行仰沿途十二舖
司兵各設公案候本廳到日隨處質審果有灾係
剝膚不妨披肝自訴枉者必伸冤有必泄毋自疑
或坐失事機倘眷戀他歧持兵躍馬敢行稱亂則
國典甚嚴天討甚速最爾小邑豈能與全省抗衡
耶牌到日各具詞狀沿途赴告以憑審究其諸戶
婚田土毋得乘風混告以圖僥倖益指鹿而爲馬
有目者之所共見怒室而色市有道者必不其然
故示

支華平先生集

卷十八

四

清旦閣

審安溪縣俞知縣

審得俞仲章性本險躁行復猖狂挾勢恣睢自恃
負隅之虎忍心嚙噬居然吞壑之狼綱銀已徵在

官矣而諸色復行科派以至私衙厠溷亦皆指名勒取何廉耻之盡喪部民已收二妾矣而室人不能相容遂將少女秋英復賣歸德李仁何帷薄之不修土產微物原無官稅者盡起稅以充私囊不顧膏脂之告竭譙樓賓館本非繫囚者皆幽囚以苦欠戶惟圖贖銀之肥家劉大旦一告撫院而肩挑一千兩分送其中丞某司寇共爲囑庇自誇百足之蟲聶崇科屢進賊賂而捏造無名帖排陷李舉人詹王事盡力攻擊誰識含沙之蜮蓋酷以濟支華平先生集卷十八 清旦閣

五

清旦閣

貧民財民命俱殘險以成詐上官鄉官盡疊若不據法問革誠爲流毒山城

黃欽表參語

省得辜仕顯家頗饒裕而玉卿欽表皆極貧村民玉卿向仕顯取索田價互相競毆查據初發縣詞稱將仕顯打傷倒地其父子健占抹被打身死而仕顯之傷更不聞開有何傷是仕顯身無一傷也健老病日久頭髮禿盡觀初相屍圖不見開有髮遮蓋字樣今其屍亦僵瘁葉葉當係病久絕

食之人設使玉卿等行兇何舍壯強之仕顯而毒手于老病垂死之夫也且屍傷皆偏左近前一邊依稀淡紅色非係入骨重傷所報拳打脚踢皆無的據而左臂臂膊皆有跌頓傷痕俱在偏左一邊事遠人亡雖難遽指爲跌死而詳閱縣卷魏氏訴詞乃係二犯脫後所訴其情近真似未可盡以爲虛也止緣玉卿欽表皆貧困至骨隣里干證無一人爲之地者而其家亦無一強近之親入官伸訴遂成大獄耳縣卷內明開二十日關毆二十二日支華平先生集卷十八 六 清旦閣

六

清旦閣

告縣蒙差老人伴作下鄉相視蓋玉卿欽表初與仕顯競毆之時衆已勸解明因子健未死故得從容散歸及子健既死二犯脫逃仕顯始將金梳子一件分募甲隣四面緝拿而子健之死竟未知的于何時使登時身死則登時執之以告官矣何必次日購募拘獲又何至二十二日而後告也是登時之說未確也二犯皆逃伴作老人多亡命棍徒貪啗財餌止憑一面之詞朦朧混報比時仕顯告詞則以玉卿爲首而欽表與黃伯聰等十餘人皆

混扯在狀其件老屍結亦止混稱玉卿欽表踢打致死而已及玉卿先獲不能明白伸訴而苟求獨免遂妄認左肋一傷而以陰囊一傷供扳欽表以爲日後展辯之計故謂欽表踢傷陰囊者玉卿耳部叅以欽表獨逃疑係真犯初不知玉卿亦逃顧玉卿先獲問官見謂原謀主使之人又認左肋一傷已足正法遂不根究欽表耳非玉卿挺身入官而欽表獨逃也是以逃走之故而疑爲欽表所殺者非也卽據屍傷其左腮朕左肋二傷皆近前處支華平先生集卷十八 七 清旦閣

所頗似對面相扭以右手擊之則其傷在左而稍前也而陰囊一傷又在左勝近前處所則亦係對面所傷當玉卿與子徒對扭之時奮身毆打而欽表復于對面踢之將從何處著脚也獄貴初情法須兩造今玉卿未獲之前其屍傷混報二犯而無定執玉卿既獲之時以陰囊獨歸欽表而無的據欽表既獲之後干證皆已物故屍傷未經一檢只據洪美一人又係洪美之弟而非原見正身從何可信遂以無據單詞移獄坐抵誠爲可冤如以案

獄年久猝難改移似合仍坐玉卿蓋欽表陰囊之傷在先本非面供至今死不承認而玉卿自供左肋一傷欽表與仕顯別無仇故而玉卿以取貼索價主使相毆欽表止一時聽允本非與之同謀共毆者依律威力主使人致死以至使之人爲首坐罪玉卿猶似平允若據初情叅之事理止應以矜疑開釋事干重辟旣蒙委問輒難附和原招恠草塞白致有遺憾而成案已久又非下屬所敢擅改田實審單

支華平先生集卷十八 八 清旦閣

審得田實之父亦泉中富民也存日爲實求昏蔡中書次女財幣甚厚又自念年老子幼乃以重貲盡付蔡收藏其所爲聯姻義甚篤後父母相繼病故田實年才十五耳內帑旣入蔡氏而田宅空囊竟以戶役蕩盡蔡氏度其幼弱可欺遂將女改嫁鄉紳江同知子生員某一富一貴聲勢相倚田實之鏡破矣而猶望復合時時向本婦私通殷勤且年貌兩小相若也以故不量其力瑣屑有詞江蔡合謀 買三犯竊盜王義攀供同盜分

履鞋一雙蓋以婚姻律有奸盜之條也今田實在獄日久與王義面對無據而王義亦以謝禮不酬具首本情在卷則田實之於蔡氏原無離異之條卽以斷歸前夫完聚皆律所明載者但念江某縉紳之子既已成昏似難斷離合依律倍追財禮給還田實收領另娶蔡某仍問罪

本日接得本院紙牌訪拏元惡田實本職遍訪該縣並無惡戶田實止有與江生告婚者卽本院所批問也坐以富豪則家無立錫坐以積年則年才支華平先生集卷十八 九 清旦閣十八坐以教唆則目不識字本院何自而訪拏之耶數日來頗聞外議籍籍謂本院爲江某日後計故欲殺田實以滅口也此固理之所必不然而人言則大可畏矣故敢具揭上稟

審復陰陽醫學

看得國家設縣三學並建儒學與陰陽醫學皆制額印信衙門與奉新縣相爲存亡者也土豪廖富九廖貴五徐胃四等窺見通閭帶閭地要人稠屋價十倍于市屢租利獨冠乎邑泊乃乘回祿之後

輒懷兼併之私陰饋縣官二百金折充謝禮明納佃價十五兩稱備公需大起連雲之樓共計店房二十五間自恃通神之力歲索租銀一百五兩二學之故址斬焉無遺三氏之規恢歸然占勝在本官闢葺苟安弗思瓶罄而彈耻在他人虛心察影竊思砥米而先陳昔宋人賣及先賢之祠有識者且爲駭愕矧此虜敢窺民社之鼎蒞土者能不傷心是用悉準誌載舊基盡復國初原額中建扁額外隸官房各豪以占據麗刑該吏以通同連坐仍支華平先生集卷十八 十 清旦閣刊名申明亭榜以示後戒似此合行通詳院司道府伏候明示

審城工乾沒詞

審得奉新縣初建城垣估價二萬兩給發該縣備辦椿木甌石石灰等件其修築力役則照田均派上中等戶此建議之初法也該縣原領布政司官銀二萬兩在庫而積書徐嘉選王學義等乘官嗜恣遂肆請張妄將樂縣民戶遍派城垛復將密戶石匠盡行徵發毫銀不給簞朴驟施依稀鞭石之

威不顧杞梁之命城工纔畢功賞遞加謾誇金城
湯池誰念塗膏喋血昔當城狐有恃以致投鼠多
嫌今本官離任之初正匹夫復讐之會據告則自
府縣而司而院瑣屑有詞細查則由木石而輓而
灰分毫無值鬻妻質產以赴工在民戶徒然飲痛
揭債除本以應用在貧匠何得無言今庫內既無
遺銀而各犯亦無厚積官既陞任似合苟全估計
各犯家貲變賣均給匠役少償其憤其各犯依律
擬罪以懲積猾

支華平先生集 卷十八

士 清旦閣

杜思則叅語

叅看得杜思則之于杜達止以妬罵小爭本非深
仇財募謀殺更無證據至於聚謀糾眾皆非人情
原招思則出銀六十兩買鄭子靖分募義質等行
殺止付十兩爲約以十兩分募十三人每人當分
銀七錢安能遽得其死力至獲獄之時尚未旬日
乃止搜出銀一錢六分則十兩之說已無稽矣況
銀一錢六分亦人所常有又何所見而定其爲思
則雇募之銀也及稱鄭子靖陳乾質因與杜達借

銀樸山逼取致怨思則因而募之則乾贊固子靖
一體之人也乾贊且首于既殺之後子靖亦何怨
而必殺之思則又安能料其非黨而敢募之乎至
義質義斷皆其養女贅壻以婢侍主人情所安思
則何不少顧忌而告以陰謀且所募至十三人親
疎不同踪跡易露自十七日造意至十九日舉事
其間聚散誓約計利害害能必無漏言乎至所獲
腰刀三把乃倭亂之時人挾家藏既無血痕何足
爲據及查杜達親兄杜加遺書在卷伊親兄杜養
支華平先生集 卷十八

士 清旦閣

一到官亦爲思則稱冤卽仇族杜養吾到官具訴
亦止稱向無唆使並不執係思則主謀及查陳乾
贊親筆首詞果無杜思則名字內所稱銀五十兩
照分開還亦不稱杜思則募殺之銀其所執十九
日皂隸林義票拘在縣盡招既有官票似難一切
抹撥細閱原招所敘情節皆牽合文致之詞明因
各官重憫杜達禍慘急欲成獄遂盡括平昔小嫌
夙怨之人而鍛成之耳但事經久遠人犯監故數
多難以具招合無查照恤刑會案姑從矜疑開釋

庶無枉縱

莊君清叅語

叅看得莊壬春以科甲名流價買海業吳純清等以互爭小忿糾眾戮殺至于碎屍寸裂慘毒已極雖經告官問罪而洪德昭以監故全屍吳純清倖脫末減人子痛恨不共戴天使君清忘其仇而不報豈復人道也耶特以吳純清既經謫戍尚隱忍不發一旦見彼逃回令僕以臨等執而殺之天理人情固然亦何必展轉含糊歸獄于佃戶志高以支華平先生集卷十八 圭 清旦閣

爲自脫之計也據律父母爲人所殺而子殺死行兇人者杖六十吳純清即使果爲君清所殺罪亦止此今吳純清身死年久縊痕雖難復驗但細叅林氏原詞及前後屍圖吳純清委係縊死左右耳根先報有傷已經問官硃判後復塗抹改作無傷而林氏原詞綁網等字正欲掩飾縊痕以成重獄耳不然則莊氏自宦父被殺之後家勢式微吳純清安肯偃然就縛而吳氏族夥衆多亦安肯任其網縛就途經數十里而不與之一角耶且凡被毆

即日身死必有致命傷重今閱純清屍圖所傷不重其重者皆非要害之處若非自縊安得如是之速也止緣吳族強梗習詐林氏刀潑利口致問官亦往往畏其污讎故不得已借志高以償重獄而塞林氏之口耳但人子有復讐之義而佃戶無代死之理律有原情之獄而法家無移罪之例純清之獄如據本律條擬以杖罪亦自名正言順林氏其何說之辭若會志高初詞訴詞皆係紙尾牽連直至九月方告係下手人數即九月間林氏詞稱支華平先生集卷十八 圭 清旦閣

志高棍打遍傷頭腦一孔而今圖內頭腦一傷止微紅色而無一孔于下手傷重律亦未合今輒坐以鬪毆殺人而移以就獄此志高所以不服而林氏亦得以有詞也況莊鄉宦受害之慘吳純清死有餘辜倘不以報父讐爲義而必置之罪則慘殺其父復殺其子純清止捐一命而莊氏以父子二命當之不無傷縉紳之體而長陵替之風若會志高始末情節委無干涉青灾肆赦實維其人

熊十二斷詞

看得堯鳳原案萬曆四年打劫胡鑾一家殺死廖用賢明開熊十二同行比因熊十二廖勝堂未獲以致分贓數日未經開列及查案內有堯鳳一親筆分贓草數明開熊十二分受綿布代衆變賣則不特殺人同行而分贓亦有據矣至萬曆七年四月廖勝堂被獲問擬典刑而本年八月童縣丞署印輕聽捕兵王冊周典混結熊十二在萬曆五年十二月病故而又捏改住址爲若株林以致影射漏網今查萬曆五年五月新建縣關文內稱熊支華平先生集卷十八 五 清旦閣

十二住址地名饒家邊查得案內堯鳳一訛稱饒鳳一故以堯爲饒今堯熊二姓比屋同居烟癮十餘同夥強劫重縣丞卑官厚賄捏結詐死而又預更地名圖爲本犯出脫且十二親兄熊十一已經萬安強盜問斬則本案之熊十二更有何人而乃以住址爲詞也先該本縣捕獲熊十二時即喚廖勝堂認比時相見如故熊十二低憾云汝何供我廖勝堂云堯鳳入久已扳供在案非我也此皆初審真情今久繫相串慣賊善詐雖其語或有參錯

然原案具存豈容輕縱且本縣自舊冬至春草竊時發及本犯就擒迄今數月方四十里無夜吠之警本縣延見故老語及本犯盜情但云擬坐重辟則合口懽呼論以坐徒則攢眉不應則本犯之怙終稔惡毒害地方尤可見矣嘗聞正德中靖安巨盜胡雪二已經知縣張伯祥擒治後爲有力者出之伯祥懊恨曰此賊若出地方多事矣及瑪璫賊起本犯卒爲賊魁今本犯強劫已踰十年竊盜已經二世積有貲財更饒產業四方夥盜奔奏如歸支華平先生集卷十八 六 清旦閣

每至緝擒則積年捕快爲之透漏比經訊鞫則多財足力可以資緣故初供劫殺而得以詐死脫身繼擬強劫而竟以竊盜徒配迄至于今則視刑辟爲虛文玩巡警如家件而聚四縣之夥盜窩諸路之賊以致數十里夜無安枕矣伏乞仍依原案定擬重辟明正典刑以安善良以剪禍本但慣賊之變幻如蛾而官府之浮議易搖出入之間杳無定執則不特南北二鄉將爲大梗而奉靖安高四縣之盜聚爲巢穴將莫知所終矣此本縣所爲深慮

而未敢定擬者非審之未確誠自知官卑而易挫也今蒙本道軫念地方灼見民隱再賜駁審士民聞之莫不舉手加額庶幾得以安居矣但近該本縣通詳守道已蒙駁發本府理刑館審究伏乞併批從一歸斷庶幾憲典易行巨奸可折伏乞照詳施行

考語

南昌太守解紆叢委而刀尺無滯用糾輯凋瘵而襁褓有湛恩雅望標江服清風滿豫章

支華平先生集

卷十八

七

清旦閣

南昌二府良庖中肯綮刀數發而若新朗鑑悉纖毫光屢磨而益徹處臆不染遭蹶常馴

南昌四府析疑滯石平鈞和鎮器器淵澄壁立刑中有化李下無蹊

南昌縣天植劉陽人推強項踔厲風發時張鷹擊之材機軸神流騰見雉馴之俗

進賢縣直而溫頑梗異志寬而敏斃弱舍仁逸思副隄神爽清晤栽花甫值潘年芝宇雅如元秀

豐城縣望實更覃二邑循良奏最三周乍詠去思

錦水清瀾自遠繼歌來暮江花神劍增輝

饒州太守澄流品端渠饒阜齊民之業變苦窳重物力佐公家之徵葦杖不試枹鼓稀鳴

饒州四府折盈庭之辯動以片言發依社之好庶幾空穴引經正詞而識斷明績事程功而綱運濟

樂平縣文則變雅行乃矩物政先務本雨後人耕

綠野善可勝殘月明犬卧花村

德化縣逸才茹古涵今雅道樹蘭剪棘絃誦聲喧

蓬巷苞苴絕跡莎庭

支華平先生集

卷十八

大

清旦閣

安仁縣恭慎以懍勇整暇以御煩事藉忍而有濟昨頌樂而不支

廣信太守清源而冗蠹錫正色而羣下肅嚴私宰青牛滿村戶慮淹繫綠草靄園屏

上饒縣孤鼠畏嚴霜之威黔黎怙冬日之愛沃衍應應安堵熙熙

貴溪縣挺素節以變淫哇琅琅宏琴雅調剔青騰以陰桃李翩翩偃室高標神爽珠淵器宇玉海

鉛山縣勤牧字而敗羣必去謹懷柔而羈旅無虞

邑中敲朴靜山下稻梁肥

永豐縣高標遠景秀氣林姿附循卑處如行空駿
足三試熟路輕車勞畫中窾如出柳龍泉一任剗
犀切玉

南康太府介能自信清畏人知慎標模而丞掾肅
匡廬永固嚴紀律而荏苒靜彭蠡無波

建昌縣摧宿豪如薙草無難色視貴客如歷塊無
懼心膂力自雄威名衆忌

九江二守奮廓氛埃艾夷逗漏江黃旄頭可屬澤
支華平先生集卷十八 十九 清旦閣

澤漁火相輝

九江四府英標學學曠度恢恢投盤錯以皆宜委
絲夢而必理展也策遠行空之器奚啻釐好直枉
之能

建昌太守抑華採實品鏡倚其清通簡節蠲苛保
障胥其畫一邇風墨吏遁先令瘵民甦

建昌三府幹時通才宜民茂質式賦絕石壕之猛
視章宣夔子之聲

南城縣訟牒無譁百里鷄豚畫靜催科不擾千家

杆軸宵盈誇節茹藥款惻推瑜

撫州府高朗洞徹瑩然冰壺玉衡雅藻鏗旬蔚爾
商彛周鼎臨汝馳新譽圖書是舊貧

臨川縣清晤映玉朗照排雲觀其風亶符三異綜
其實迥備四科

金谿縣英標聲爾不羣穎器劃然皆利斷斷控御
之才炳炳嚴辨之選

宜黃縣踐歷久而宛委周詳振刷嚴而張弛協則
人稱不擾心本無瑕

支華平先生集卷十八 二十 清旦閣

樂安縣字襖發煦然慈母繩墨悍爛若神君荆壁
雖點而非瑕南金以鍊而愈重

臨江二府志揅漱石枕流風力回瀾障海愠屢加
而問不隕遇多蹇而節愈堅

臨江三府倜儻無忝家風忠孝願酬先志永誓心
于茶蓼終不潤于膏脂

新喻縣衡總隨方而有序恢廣自信而不疑燿然
朗月清輝自是風塵物表

吉安府華星卿月其襟宇青萍結綠其才請牧愛

春輝紫綬功庸畫撤彤禧

吉安二府心計擅轉筋之敏風裁推殢鼠之能析
不宵鳴民咸貼席

吉安三府橫經質律閑身動準古人政拙心勞掌
計一清宿負事由通濟道以正行

吉安四府清徹金莖之露直方朱緯之絃人服鵲
鳩犁電佇看威鳳鳴陽

廬陵縣守身如妹保民如子處心如青天白日錯
事如流水行雲

支華平先生集

卷十人

主

清旦閣

太和縣展采指畫動若承蜩滌瑕蕩垢捷于斷壁
粹事炳于燭照範身不啻持盈

吉水縣六年奏二邑之庸勲三事擅一方之絕唱
剩看愛棠故老不減騎竹新童

新昌縣惠綏洽于四載操履絕于一塵循良擅疲
邑俊聲卓異績西京吏傳

安福縣一意父鞠母摩三禩英聲茂實既騰最績
益膏麻光

萬安縣政雖悶悶民則熙熙東條佐而偕之大道

聯肝陷而登之春臺

瑞州府太守帥帥厲六條之頒圍人裁五馬之秣
威行拔薤錦水醒心寬察挽鈴鳳山清耳

高安縣力清宿道而門無剝啄智排糾結而庭罕
鞭笞雅稱慶錄之能了達烹鮮之法

宜春縣慎麗乃勸宜慈在躬抱四境如振闌而法
無遺奸習百務如素練而弊無旁落

分宜縣雅裕鎮俗而摘察尤神介特絕埃而米鹽
具悉尤績旁流駿譽籍甚先勞無倦嚴辦有聲

支華平先生集

卷十人

主

清旦閣

贛州四府久握詳刑明恕共于張繼獨及兼邑篆
廉平與卓魯齊鑣蓋根器本自不凡故投亦自有
餘地

贛縣朴忠而閑于繩檢故處劇邑而摘兇營孤假
之奸峻紫而運以精明故又盜藪而寢拔葵唱棗
之跡

雩都縣政綉飾以儒雅民響應以成風刻意抑搔
而同隅者輟泣身先清約而跋扈者輸誠

經歷性資險誕才氣麤豪承司委而每多科勒視

縣篆而大肆貪求

都事練達之才清修之守逐隊奔馳而常持雅操奉委聽斷而曲盡事情

知事性本倜儻才尤揮霍量不移于奔走守益厲于困衡

照磨視閑謹恪吏事精詳綽有幹濟之才雅無刀筆之習

檢校儒珍常固古昔自程才已徵于三載守不崇夫一塵

支華平先生集

卷十八

三

清旦閣

理問恂恂舊家之範兢兢禮法之防才則斗筭守如冰檠

司獄守身無玷慎雅有勞

陞司獄獄多戾竈卒有違言

守城規略

時以候警係致邑人令

古人云處無事常如有事今警報非時已不可言無事矣而人情如處堂燕雀不見突炎已在眉睫一旦禍作誰執其咎兵法守城之具必三月而後備吾邑東逼柘林乃倭奴入寇舊穴而彼中既無

官軍又以隔屬不關休戚脫有不虞誰爲狼燧誰爲聲援誰爲扞禦蓋旦薄嶺而莫抵城下矣渴而後井其及抹平防守之具謹列于左

一布塼守

一先料閭城人丁分爲上中下三等上等等若干中等若干下等等若干除中戶自食外要見下戶若干均之上戶給養而上戶又分爲六等上上等養五十家上次養四十家上中養三十家中次養二十家上下等養十家上下次養五家儻數目不齊不

支華平先生集

卷十八

三

清旦閣

不告饑

塼口二千五百每塼用夫二名一正一副正守卯辰已副則午未申正守酉戌亥副則子丑寅上半日勞者逸以午後則酉時自有餘力下半日勞者逸以酉後則子時不妨蚤起更番遍上民不告勞自北門迤西起天字一號每號夫一名五號爲一伍伍有長二十五號爲一隊隊有長十隊共二百

五十號爲一軍以鄉官領之二千五百號爲一師
本縣正堂王之先期將各坊居民姓名編置號簿
自縣前舖起天一以次均編卽將各姓名照號書
于塋上庶民有定向不煩呼集

一分責任

本縣正堂駐札公廨爲中軍居中調度巡察隨時
用大黃旗一面立于營門上書中軍二字吏書皂
快民壯各持兵器列營坐鎮策應

一各衙及學博分守城門各立本色旗號一面帶
支華平先生集卷十八 圭 清日閣

本衙祇候協以壯快持器列營于城門下專守城
門以防不逞之徒盜門獻城者旗色東青西白南
紅北黑稍亞于中軍

一鄉宦每員分管十隊各立本方色旗一面專督
塋夫看守爲正兵本官自帶家丁或二十名或三
十名兼以鄉兵二三十名各持兵器巡行各塋爲
奇兵如正兵有缺卽將奇兵立刻頂補或攻打稍
急協力擊刺鄉官亦用一正一副更番節力
一各街道不分大小凡一二百家卽用鄉官一員

自帶家丁或五名或十名列營坐鎮如有小人說
傳破敗飛語民間婦女號呼卽時慰止地方失火
小警一面撲滅一面傳慰各坊明言失火之由以
安人心蓋城守最畏內潰小民素不知兵尤易驚
擾一聞訛言人無固志一人奔走舉城譁然此患
之必當預防者其有奸細內應不過數人專以放
火爲號就于本坊設計擒斬不致流毒

一修器械

每塋用水缸一隻滿貯以水防火箭火炮每塋用
支華平先生集卷十八 圭 清日閣

舊氈單一幅或綿被一條臨時用水浸挂塋口以
蔽矢砲火箭

每夫雨傘一把小燈一盞大雨各用蓑笠油衣更
佳每夫長鎗一柄

弓箭砲石無數砲石小者便于拋擊更有大者重
五六十觔七八十觔者亦要多備遇有板屋砲車
輜輳車令壯士昇打

每隊奇兵旗一面鑼一面正兵隊長旗一面鑼一
面

奇兵用器不等連頭棍如打稻枷賊蟻附上城刀鎗皆不便惟此可以隔牆拋打

一板斧闊六七寸長柄以便所指

一鈎鎌如月斧而彎處深大可以鈎搭賊首鎌端有尖銳如鎗更利截殺

一木柵百丈每塊闊五六尺用土塗之布囊千條用土三四寸實之臨時城有傾壞即將木柵用鐵紐聯綴爲城中實土囊壘爲土阜旋用輓石修補完後撤入

支華平先生集

卷十人

主

清旦開

一長篙無數如鹽船所用者防有飛雲梯近城令壯士數十人各執篙併力拒倒之

一麻索百丈防架木椎城令敢死士絕城而下作結收上

每隊用鐵鍋一隻木柴無數鉛錫數十觔賊至城時鎔錫兼人糞煮滾澆下

灰砲用鷄鴨子瀝去青黃曬乾實以石灰中施火藥糊紙曬乾臨時拋擊以眯賊目小瓦瓶亦可燕尾標用蘆葦一半灌油一半硫黃煑縛爲燕尾

帝賊有尖頭木驢攻城惟此可破

藍布帷百丈高與城等臨賊至時城有傾倒用此遮圍夜望如城可以漸修

一議攻戰

城隍外掘陷坑一道闊二丈深一丈三尺下布竹籤蒺藜上用篲竹架棚覆以葦薄或蘆蓆艸薦薄鋪細土旋取苔蘚細艸菜子襍栽在上彼跳躍而來誤中此阱少挫其鋒

一關外河內先築木柵量開小口以通民船臨時

支華平先生集

卷十人

天

清旦開

築斷使賊船不入勢必從陸乃可以火攻之先期令城外居民房屋門面用許忠節守樂陵法各用灰輓厚砌牆垣封簷上高一丈許門面各留三尺用鐵皮包門平時不妨生理賊至閉門壘石完固居民不妨絕城先遁仍先于近城街道用木石塞其來路其外關盡處屋上先堆木石無數伺賊逕入卽拋下塞斷去路街中左右先用稻艸藥煑油葦隨路鋪墊臨時因風放火攻之可以盡殲一收人心

一油燭責取舖行彼憂虧折必不肯多蓄將致匱乏先期諭以居民自辦官府必不票取彼必嗜利多蓄仍要通融平價不許勒索

一開城之時米價最易騰踊今下戶既以守城得食而孤寡不與城役者既無生理必致饑餓臨時諭令富民平價糶賣或另議勸借賑貸

一議聲援

本縣僻在一省東北隅柘林等處原係松江地方與我素不相屬卽警急了無關報而彼中兵備方

支華平先生集

卷十人

无

清旦閣

幸賊之南侵以免已禍其肯爲我聲援而平湖海鹽僅僅自保猶恐不贖所仰賴者仗一兵道耳宜先期申請水陸等兵往來策應庶人心有恃城守益堅又多設旗鼓益爲疑兵以駭之賊必棄而遁矣不然則勢孤援絕卽張許其若之何哉

支華平先生集卷十九

樵李 支大綸心易父 著

論

論治便須識體 觀部政試

治者所以統人羣弭亂爭美中播外洋洋乎茲豈靡迹也哉凡治之道其難易微之勢遲速係之時靜躁占之量圓幹視之才世之論治者卽錯綜殊軌取舍易途總之大較可睹已顧天下事未有無體而立者豈獨于治不然耶故康世保邦肇緒續業治之績也經文緯武敦大明作治之規也限防品式周備曲慮治之具也臂指相使遐邇歸奏治之序也慎簡羣哲布列庶位治之輔也禮義廉耻治之維也論治者得其一則曰體在是矣見其末而不要其本執其所可見而遺其所不可見是以歷世累考而體用之義不明治亂之機不審也體者對用之稱非可以應迹求也猶築室之有基也猶繪事之有素也猶植物之有根也天以健爲體地以順爲體人以心爲大體治者將規天繫地而

布之人者也奈之何其無體也今論漢高之治者則曰雜伯論唐宗之治者則曰雜夷夫霸者偏安之雄夷者桀驁而不論于理者也乃二君卒定大物綿祀數百茲豈漫出而偶符哉知其治而不知其所以治羣然一辭而莫之究竟也此與耳食何異矣愚獨謂五帝之體純其治忘三王之體公其治大五伯之體馭其治漢高即未純然寬仁之體藹如春生唐宗信有慙德而力行仁義其體固已厚矣故二代之治于近古獨擅聲焉蓋治無體支華平先生集卷十九 二 清旦閣

發殆有神運而天隨者其本體厚而未流長也今鼓瑟者按調而移柱印譜而諧指非不習于音也然心怒而聲噤心蕩而聲淫審音者率能言之若目睹而指挾焉者何也體用一原固不可以僞而襲也矧羣衆之命化育之紀而可以周防劇切之術當之哉今之論治者遠于義軒燦于藁錦密于秋荼日聽聽焉而卒鮮成績者凡以闇于體用之軌而疎于中正之則也雖然禮樂法度則亦胡可以弗講也顧物有本末事有體用苟不究其體而支華平先生集卷十九 三 清旦閣

聽聽于周防劇切之術斯治煩而愈亂外飭而內枵秦政之末路是已故論治者貴識體識體者貴識心

聖學一爲要 福建丙子擬程

夫學以純天則完性靈也匪以矜博而驚遠也是故有典要存焉何也聖天道也天爲物不二故易之咸也三陽肇亨至萃則五陽會而百嘉嚶矣而聖人皆曰見天地之情而已必于復而後見天地之心蓋一陽復元萬象歸命靈根內植神機畢欽

此天道不二之原而聖人所以見天則也學者卽崇奇慕高安有畔天道而可以入聖者乎故博綜遐覽蒐古權今學之岐也紆鉛繪藻鏗金戛玉學之蔓也言倫行慮殫殫子子學之藩也定撼抒紛豎助揆策學之緒也學者得其一隅則曰聖在是矣徂于末而不究其本滯于所見而遺其所不可見是以矻矻窮年而去聖愈遠也夫聖人亦人耳凝然方寸之中而萬理咸備不出戶而聰明四達靡有壅闕意指所向而千變萬化綸綸井井靡不支華平先生集卷十九 四 清日閣

從心而就緒焉此何以故也得非操之有要而至一者足以待天下之不一耶故聖人者完其秘于太乙之真凝其神于不二之域運其機于不雜不息之表明照萬古而一者洞然幽也智周萬物而一者炯然虛也範圍萬象而一者淵然潛也錯綜萬化而一者泐然寂也蓋匪特聲利之莫_吾慧術之莫吾鑿_吾倏變亂之莫吾撓也卽民彝物則吾所日研精而致力者帝烈皇猷吾所日運籌而措畫者而卒澹然無所介于中夫是之謂無欲夫是

之謂至一而後天下之至不一者盎然出之若源逢而輻輳焉何者得其要也學聖人者亦若斯焉止矣不然而紛紛藉藉憊精于蠶竹騁步于藝圃修綴于廉謹之隅馳逐于王霸之途其不以多岐喪志者歟矣奚其聖奚其學曰然則聖學與二氏合耶曰非也二氏瞥窺吾道之一而不得其要故枯槁寂滅歛天下之不一者以歸于一而終之曰空曰虛聖學由一以執其要而萬者罔不周貫充溢于其中故出之以經天下之至不一者而其用支華平先生集卷十九 五 清日閣

森然以具體用一原聖學之一也有體無用卒乃利其用以固其體者二氏也堯之學曰執中顧中非一則莫之能執也故舜受之以精一湯之學曰聖敬伊尹懼索敬于外也而揭之以協一求仁辨志仲尼之學博矣而以一貫該之賜之多識求之多藝日望聖道而疾馳焉乃卒躋聖奧者如愚之顏氏也然則聖學之要從可知矣曰是則然矣或非周子意乎曰周子嘗謂一爲無欲而又曰無欲故靜蓋非靜則動于欲動于欲則貳以二參以三

甚且百慮憧憧固有定極矣故一者至靜之根天地之復聖人所以立極也烏得爲靜非一哉顧人知聖學之一矣而莫知所以一知所以一矣而莫知至一之一知至一之一矣而莫知不一之一不一之一乃真一也非靜之靜乃真靜也心齋坐忘若一矣而知有所謂忘非一也萬籟俱寂若一矣而知有所謂寂非一也何也無思無爲心之一也一涉于思則爲意障一滯于爲則爲事障一涉于見而不能忘則爲理障雖其所謂欲者不同而于支華平先生集 卷十九 六 清旦閣

人君守成業而致盛治

萬曆甲戌會試墨卷

人君撫有先業而能以身致休嘉之績者非獨其主德茂也蓋亦有預養之助焉夫守業固難守之而能致盛治爲尤難故修德而凝緒者今王之偉

圖也養德而格心者名相之大忠也養之素則君德修君心格可以載天命可以底民生可以立極而昭紀其于祖宗之業豈徒守之殆庶幾奮揚光大之烈焉苟德之弗植而徒以身席前人之寵榮其下焉者既狃于承平而爲流連玩弛之行其上者亦且好大喜功取先王之法而日紛更之以是守業猶且不可而何治之能致哉此輔養君德之功非明保之大臣莫能與而守成之主非有大臣焉以輔之則亦莫與成治也三代而下知此義者支華平先生集 卷十九 七 清旦閣

亦鮮矣程子所以慨慕乎成王而深嘉周公也夫人主之守成與創業中興之主迥然別也蓋創業者其天下非素有也一時崛起草昧之中崛崎羣雄間以角力而程智故其事習而謀長中興者奮起積衰之後欲借一旅以規舊物則志鍊而憤深故古之人君如湯如武如仲康宣王者流皆以絕人之資集羣策之力建萬世之業雖制度禮文或有待于後人之增光而其治則軼乎莫可儼也乃若守成之主生長深宮不離襁褓多狃近逸而忽

遠圖玩細娛而遺大計，狙僂倖之習，則不親師保之範矣。熟便辟之態，則不恬于咈耳之言矣。倚太平之樂，則不介于小民之依矣。耽宴辟之私，則不涉于道藝之場矣。迫其長也，欲資漸啓，百邪輻湊，惑以燕趙之色，鄭衛之音，則其心蕩而闇于治誘；以珥璫之玩，珍禽奇獸之物，則其心侈而蠹于治；神仙土木之說，中則不至璇宮紺宇，泛弱海降天書不已也；而其治荒啓疆，斥土之術，中則不至空幕南通，月氏不已也；而其治耗而儉，夫壬人方且

支華平先生集

卷十九

八

清旦閣

倡豐亨之說，極皇王之美，稱以誇詡而怨吏之天下之治日浸以汨，而其漸至于凌遲而不可救故，守有成業者，其勢若易而致治則甚難，非智不足漸摩使之然也。惟大臣能以身任天下之重，逾慮而曲防之，慎凝丞之選，以端其輔，嚴保傅之法，以習其智，簡羣僕之臣，以薰陶其質，上自法宮深聞之隱，話言嘖笑之微，燕養蠶護之內，罔有不欽三統重光，百靈駢集，業若成矣，不曰治而言締造之艱難，三陴晏然，百蠻向風，業若成矣，不曰治而言

窮荒絕徼，戎心之叵測，百穀咸登，民熙物阜，業若成矣，不曰治而言神寒暑雨，怨咨之惟艱，是以監戒日嚴，而非幾不入典刑，在望而羣枉不干危言，法論若耳熟焉。法家拂士，若目習焉。左繩右矩，聲律身度，若風成而素蹈焉。宵衣旰食，以習其形聽政，糾刑考憲，記過以飭其度，妖聲冶容，便辟側媚，弗悅也。而日延四方耆俊之士，談玄慕詭，瓊瑤珍玩，弗惑也。而日念穴居鵠結之民，鉅兵銷甲，貢檠獻鹿，弗樂也。而日思戎兵之詰，六師之張，皇一有

支華平先生集

卷十九

九

清旦閣

舉動罔不足以正朝綱，而肅臣紀，宣茂德而立民極，自是而宮闈順序矣。自是而貂璫屏迹矣。自是而兵革不試，刑措不用矣。諸福之物，可致之祥，罔不畢至。殊勲茂績，烝休軼古，生爲聖帝，沒爲明神。人徒見其致治之盛，而不知其維持輔導之周，則師保之臣爲之也。不然，則少成之性已汨沒于先而徒欲制之，既壞之後，小人以甘辭媮態，順導于冥冥之際，而吾以一暴之力束縛而馳驟之，吾欲鞠躬盡瘁，以終先王之託，而君則貳矣。吾欲據誠

殫德以答天下喁喁之望而權則中制矣方成業之弗保而何盛治之致乎哉古之大臣知此而預養之故用力約而取效倍也三自古守成之主可一二計也夏啓之敬承也禹素也太甲之允德亦幾矣而桐宮一往懼不克終尹之心惕焉乃若成王何如王也以幼沖之年而王業甫造武不少延頑殷之叛未帖也三監之叛未鋤也禮樂文物官職制度未遑也當是時無論其甚者如太康諸君卽如商太甲然吾末如之何矣乃周公矢精忠之德以身爲太保而推太公爲師召公爲傅以夾持而輔翼之不得已而撻伯禽以示警貽賜臯以見志作無逸幽風以示戒使成王之心日優游于吾之教而吾亦無所逾于王兩相遇而卒相成焉故成王之自警亦曰予其懲而毖後患曰制治于未亂保邦于未危而基命宥密日就月將之詠見于詩者尤彬彬焉由是東山之征遏亂之治也周禮周官之建咸正之治也越裳貢囹圄空夷賓刑措之治也海不揚波風不鳴條鳴鳳在岡而成周

支華平先生集

卷十九

十

清旦閣

極治之象會于斯矣成王所以光前啓後而餘休所及至于康昭穆共之後而卒過其曆者皆周公爲之也觀其敘成業之難則曰枯枵日卒瘁而謹風雨之飄搖武王弗豫則以身請代而君與一篇反覆于前光之過佚自任以二人之篤秉爲成業謀者何遐且懇也雖然守成者蓋亦有道焉懋乃德而視烈祖則致治之本也監成憲而罔愆則致治之法也毋侮老成人則致治之資也盡是數者以建于天下則治其幾矣吁周公尚矣三代而下

支華平先生集

卷十九

十

清旦閣

秦漢諸儒無此氣象

以下三論係諸生時試作

嘗觀康節所著漁樵諸書謂其豪邁不羈有睥睨古今之態竊意其爲秦漢間好事行義之一豪雋亦善喻人者也及觀程正叔堯夫說易之譏晦翁自私自利之言則又疑其偏于數學而不足以通

乎儒道之全最後讀無名公傳然後知先生之學
真有同流天地之胸襟運量宇宙之才畧而持之
以樂天居易之情懷其所以班于溫公橫渠而爲
世大儒者信非偶然也及觀鶴山謂其爲秦漢諸
儒無此氣象則又置書而歎曰康節誠儒者也而
所以成此氣象者豈無所本哉夫儒道何爲者也
通天地人曰儒言儒而不通乎三才者非通方之
儒也孔子爲魯國之儒言儒而不聞乎孔子之道
者俗儒之曲學也語子夏以君子儒言儒而未領

支華平先生集

卷十九

士

清旦閣

乎心學之妙者務外之僞儒也故必參天地贊化
育然後爲儒者功用之全而區區於術數之微僅
憧于矜持之習卑卑于事功之末者亦陋矣夫秦
漢之儒何儒也徇物者信口耳以爲富溺志者逞
權謀以爲奇務末者立勲名以爲異子房有儒者
氣象矣而不免于躡足附耳之謀仲舒爲世大儒
矣而不免于縱陽閉陰之說高相以知易名儒而
實爲陰陽災異之原邢壽以疏議名儒而實有雜
取老莊之誚他若董鈞有通儒之號衛賢有大儒

之名楊雄有腐儒之稱雖其意氣崢嶸才力道盛
足以標拂當時傾動流輩而本之則無在當時則
已然矣又何怪其徇情逐物纏縛于世交之中大
堙小塹馳逐於聲利之場抽黃押白沉酣于詞藻
之府而不足以與于廣大之氣象也康節之爲學
也挾摘竊微不惑于佛老之言蓬蓽環堵不挫于
聲利之習有體有用不汨于術數之偏故福不待
求禍不苟免中孚起信無妄履災氣象何安舒也
而諸儒之動心于得喪如美新投閣之流者不足

支華平先生集

卷十九

士

清旦閣

言矣飲至微酣吟哦浩歌布被暖餘羹藜飽後氣
象何坦蕩也而諸儒之恡情于去就如秦闔燕壁
之流者不足言矣不以富貴而將迎不以貧賤而
拘忌聞善如佩蘭聞惡如芒刺氣象何渾厚也而
諸儒之喪心于事功如垂情青紫之流者不足言
矣口道儒言身履儒行不談禪術不諛方士是卓
然有知命不惑之大智而諸儒之汨沒于異端者
無此氣象也手不釋義軒之書口不離堯舜之道
品題風月舖舒王伯是渾然有經綸康濟之巨才

而諸儒之自拘于曲學者無此氣象也。美九閒暇安樂，名簡小車閒往高閣看花，坦然有安命自得之厚養。而諸儒之名場利區爵標勢的日馳驟而不遑者，無此氣象也。且其樹存變理，飲繁經綸，卷舒萬古之興亡，出入千重之雲水，則其行義達道之猷，又自有不可及者。而諸儒之流連光景，嘲吟風月者，又不可同日而語矣。然因是而究其本則其所以根于性情而暢于四支本諸心術而發于事業者，又非可以易窺也。蓋其明易書春秋之學，

支華平先生集 卷十九 清旦閣

窮意言象數之理，觀天地之消長，推日月之盈縮，考陰陽之度數，而有以妙契乎至道之精微，則知時審幾神與天游，而因事功之習以自應其氣象者，所不道也。見定而物不能移，心清而事不能眩，而困于矜名之習以自撓其氣象者，所不與也。心中無物，則百物皆通；一心虛明，則萬理皆實。而紐于術數之粗，以自小其氣象者，所不爲也。此先生之氣象，所以平夷渾大同流于天地之運，居安行之氣，象所以宇宙之大時行物生玩侮一世從容于成運量于宇宙之大時行物生玩侮一世從容于

樂天知命之中，繼羲皇而直上班濂洛以並隆，而爲有宋一名儒也。得非所謂相從二十年胸中豁豁無一物者爲之本耶？雖然伊川有云：堯夫只是易數聖人是理，而明道亦有不可治天下國家之說，則吾儒之尚友者必如伯子之精金良玉而後可。

殷浩有確然之志

愚嘗讀晉史列傳敘殷浩之爲人，觀其累辭徵辟，雅素自高，齊名管葛，至于江左興亡卜于浩之出，

支華平先生集 卷十九 清旦閣

處心竊羨之以爲一世之偉人。及觀王昱遺書刺史楊州而山桑之敗，迄無建明人遂以浩爲虛名無實之流，而浩亦卒無以自解天下嗚呼！浩果虛名無實之人哉？夫君子之論人也，當觀其養重之高致而不可泥夫成敗之陳迹。何者？高致定于我而成迹有所不可拘。養重之操可以預定而成敗則有不可期。人惟以成敗論人而不察其實，此浩之所以不免于天下之議也。嗚呼！自非英傑之士信之以心諒之以時，其何以白英雄之心于千載

之上乎人之言曰東晉名士往往刻情修容依倚
道藝以就聲價若以爲浩之不仕非有養素自重
之心非有益世邁倫之智不過矯情沽名以釣華
競譽耳夫當謝安之未出也人固目之曰安石不
起當如蒼生何浩之未仕也人亦曰深源不起當
如蒼生何夫二子之不仕同負名同人之屬望又
同何謝安得以永終其譽而浩遂一債而不起也
得非安之賄豎圖恭淮泥決勝而浩也有山桑之
敗乎夫浩以一事之失併平生而盡訾之而安以
支華平先生集卷十九
侍成之功遂得爲名實之士甚哉世之以成敗論
人而不察其實也夫當浩之未仕杜門自守靜觀
時變高名素望重于當時是確然負民望之重者
也徵辟不就敝屣浮名高擬管葛庾翼任之以司
馬而不就王昱遺之以書命而不行是確然有高
世之志者也聞夷甫之喻而翻然改悟就楊州之
命而攬轡以行是確然有澄清之志者也焜桓溫
之跋扈而上表出師惡姚襄之強盛而殲以刺客
是確然有鋤強遏惡之志者也夫自金行頽弛橫

六 清旦閣

議蜂起而浩獨確然有管葛之志執籌計度金谷
闔奇而浩獨確然有不仕之志典午中衰中原板
蕩清談日盛武備已弱而浩獨確然有除兇戡亂
之志此其志何卓卓也且桓溫之惡何如也拜表
輒行擁兵自據議移鐘簏則衆莫敢言按兵入朝
則人皆喪膽至有倒執手板流汗沾衣莫敢誰何
者浩以一書生確然以討賊爲已任而莫之恤夫
浩之處世亦有年矣賊之強晉之衰雖下愚且知
之矣而浩豈獨昧于此哉且以刺史之榮日事優
支華平先生集卷十九
遊固可以坐致美功浩豈以專伐爲榮者耶此不
待智者而可知也蓋晉之旣東萬事瓦解斯時也
伐賊亦危鎮靜亦危與其坐而待危不若伐之此
浩之必于伐賊者爲國事也爲名分也而不遑恤
夫一已之身名也不幸師出無功遂成敗衄而姚
襄不道竟覆全師此固東晉積弱之漸有以致之
而勝負特兵家之常恐未可以一青而遂槩其平
生也夫盛名之下其實難副而玄體冥漠生數有
奇世固有幸而成不幸而敗者矣況昌明表裏安

七 清旦閣

聽神言而金行凋落亦由天命浩也冒任時艱勤
劬國是而高自標致聲譽煥然世執朝權秉史筆
者從而媒孽之是豈可以盡信哉或曰浩之虛名
無實已盈眾口而布史冊矣而子獨與之耶愚應
之曰世之所共非正吾之所深與者也夫人之咎
殷浩者果何謂也耶謂其有專權美國之罪乎謂
其有叛君賣國之姦乎謂其有顯貨鬻獄之愆乎
謂其負緣仕徑之迹乎殷浩無一于是也夫浩盡
忠爲國而不遇夫時也兵非君子之得已也靖難
支華平先生集卷十九 大 清旦閣

浩以書生遽欲殪強敵而討累世之通出奇策以
樹無前之績固桓溫之所欲得而甘心者此所以
沒其長而暴其短也獨其是非之實猶有不盡泯
滅者而吾猶得因之以見其微耳觀之史曰浩請
出師許洛詔許之又曰惡姚襄之強盛欲誅之及
其敗也則曰桓溫疏浩之短朝廷不得已免爲庶
人自此內外大權悉歸桓溫矣夫日出師曰誅其
建立何光明也曰不得已免之而大權之歸溫也
又在于免浩之後則浩豈可少哉吾故以浩與謝
支華平先生集卷十九 允 清旦閣

隔千里如面談

人君之御其臣也嘉其陳謨之善而畧其心術之
微君子與其有知人之哲而惜其無先事之明也
夫陳謨之善者才也心術之微者德也才不勝德
則在一時雖無便捷辨給之能而要其終也可以
砥中流奠國脉而不輔君以非義德不勝才則雖
陳訐謨畫奇策代對悉其誠辭旨殫其巧而所以
迺其君卒不免流于機權術數之間故一時雖精

其參佐之能而終以禍國其不以謀人之奸而謀其國以戕人之巧而戕其裔者幾希矣房玄齡名世之臣也唐高祖不世之君也世民以掀天揭地之才睥睨其間玄齡其所委任也高祖其所翊戴也建成元吉其所同謀而切齒焉者也高祖居帷幄世民從征伐應呼者連嚮嬰城者相望此正食不暇給之時也而十八學士私館弘開收名士居之幕下此何爲也玄齡學士之最優者也負笈于河汾素諳弓旌之義見異于孝基久屬偉器之望

支華平先生集 卷十九 干 清旦閣

謁兄軍中同心傾蓋收采人物塵視金帛而善謀之譽見于史者又彬彬焉故其委心于世民也相知以心相濟以道相得以機權相資以辨巧凡所以驅隋鼎於晉陽燼商辛於牧野席捲漁衡而破竹伊吾者齡之談寔有力焉則其代王陳事也將不足以通其父子之情而聯其日隔之疎哉夫自隋宮灰燼四隅瓦裂三精霧塞九縣騰回資兵革于犬羊儲糗糒于李密國是何倉皇也非得聰敏慧給如玄齡者矢心戮力瀝涸摠丹上以速高祖

于無虞下以輔世民所不逮又何以族一統之規而振無兢之烈哉夫優孟搖頭而歌負薪以封優旃臨檻疾呼陛楯半更詞鋒之動人彙如此矧玄齡以謀斷之才而黃聲綏頰陳見憫誠又豈以千里隔耶是以文淵聚米知隗囂之可圖陳湯屈指識烏孫之自解轍亂旗靡而一戰成擒驪山起戎而三計定策古君子知成敗之有會審幾事之相形揣億載如崇朝憶八埏如衽席而毫髮不爽者豈偶然哉其練諳熟其識度高其謀曲而中其見

支華平先生集 卷十九 主 清旦閣

肆而遠而丰采凝峻辭意遒美又足以達其揣摩之哲而聯上下之情耳然玄齡之才可以通父子而不能自盡夫君臣之義玄齡之談可以聯千里而不克自鑑于樽俎之間夫隋鼎未舉齡常載質委心矣含靈龜而觀朵頤君臣之義何緘口而不談也如晦爲王佐之才談之及于論薦者粹哉偉矣而宮人私侍是謂亂倫挾父臣虜是謂辱親華夷之界蕩然手足之形倒置何不一談及也夫勢疑則隙生力侔則亂起冢嗣當陽閭墻召衆世變

之可談莫是若也乃傾耳而聽重足而立拊口而
不談與流洲者談弒兄而不談天顯之序佐建成
者談奪寵而不談鞠子之哀而玄齡雖號善談亦
且禁口卷舌而不能置一喙于其間矣孟堅曰千
里之差與自毫端不其然乎夫利不在身以之謀
事則慧慮不私已以之斷義必厲玄齡以秦王爲
天子而因冀已爲元勳其積慮處心惟恐世民之
不王也則面談之語吾雖不少槩見而自今揣之
得非張大秦王之功而謀爲繼嗣之言乎不然則
支華平先生集卷十九 主 清旦閣

就食洛口固結民心賈閔甫之談可陳也務盡下
情改陋覆轍孫伏伽之談可及也王法無私堅不
奉詔李素立之談可用也胡不一及於此而惟周
旋於世民之幕以遂其陰邪也管子曰堂上遠于
百里堂下遠于千里君門遠于萬里蓋兩情不通
則跬步差夷一心相孚則胡越接軫高祖世民方
其父子之情兩孚而無猜也則遠從征伐勢且千
里而一玄齡之陳說可以通其情及其禍起蕭牆
變生肘腋禁門喋血而上下殊心也則持刃自刎

躍馬操戈家庭慘于夷狄堂陛隔于兩戒雖以王
魏之調和蕭杜之贊議旋定大寶曲全天恩而父
子之情幾至于不通讀史者爲之寒心焉世之君
子惟取其才猷辭辨可以集大事定國紀振兵威
以爲是亦足矣而不知日夕所咨詢機權所浸漬
足以轉移人意汨沒天機故建成之難世民忍心
爲之而玄齡且目爲周公矣俾高祖有先事之明
而知異日有兄弟相戕之禍知玄齡有謀事之才
而心術不正不可以輔君且知學士之館勢必至
支華平先生集卷十九 主 清旦閣

于濟惡而先禁之則玄齡必不助虐于而談世民
必不手刃乎同氣而官掖之禍不至若是酷也惜
其徒知玄齡之可用而不知私館之當禁徒知父
子之情達于千里而不知兄弟之好將至不終卒
之太白經天而談星野者唾面以求伸矣取龜投
地而談卜筮者攘臂以相戕矣橫禦于仆馬之主
伏兵于兩楹之側而談兵革者反面以相噬矣吾
不意父子兄弟之間一至此極也庭除之近遠于
千里立談之頃隔于江湖骨肉之親疎于胡越吁

嗟平安得如玄齡者百千其類分布宮闈而調和兄弟之間也哉古人有言知人則哲惟帝其難世民拔玄齡于閒散之際而高祖知玄齡于面談之頃所謂帝王知人之度蓋庶幾矣詩曰相彼雨雪先集微霰易曰知幾其神乎帝以玄齡爲可用而卒用之以殺其子帝以玄齡爲善談而謀議所稱反以啓煽亂之基則先事之明容有歎焉

支華平先生集卷十九

支華平先生集卷十九

西

清旦閣

支華平先生集卷二十

樵李 支大綸心易父 著

表

擬唐以御製金鏡述頒示侍臣謝表

萬曆甲戌會試

聖

貞觀二年某月某日伏蒙聖恩以御製金鏡述頒示侍臣謹奉表稱謝者伏以睿藻寵頒燭示鼎彝之訓殊恩敷錫光踰琬琰之珍借尚象于妍媸寄法言于鑒戒俾塵心之頓悟且常目而不忘殆陶冶之深仁匪便蕃之常錫歸懷感激披閱奮揚臣等誠惶誠恐稽首頓首上言竊惟學于古訓乃有獲鑒于先王永無愆自堯文不煥于衢尊洎禹謨遐著于石鼓日新有訓成湯自勅于銘盤敬勝有書周武寓情于几杖金人有緘口之喻敬器示滿傾之形此皆託物寓言抑且指陳奧義逮茲叔世無復格言發大風之歌者徒思猛士廣秋風之詞者祇詠橫汾未有假形于水鑑以垂有赫之章纂述于絲綸以示無私之意者也茲蓋伏遇

乘乾握紀恢倚蓋之休光御鼎登極普照臨之
大烈獎忠言以斌媚每審龍顏比疏諫于韋弦屢
回睿鑒革亂論功湯武治平比烈成康乃慮民鑑
之罔稽獨發宸衷之妙簡萬幾稍暇三鑑嬰情則
象玄天謂金錢有止冠之喻宜光紫極發玉音于
制器之問上自軒虞下殫秦漢任賢去佞式張禍
福之源揆文奮武不闢張弛之略喻求賢以早苗
思用比聖學于琢玉成文徵往鑒來式盡陶鎔之
巧準今酌古無非金石之言善惡畢陳典衰在望
支華平先生集 卷二十 清旦閣

而如臨百辟嘖笑不輕居黼幃而坐照萬方妍媸
盡別持頤謔明命之功存監戒于刀劒戶牖之外
純望道未見之志求儀刑于鼓鐘磬鐸之間則聖
德重華不獨昭回于簡素而王心守正且將赫奕
于汗青矣臣無任瞻天仰聖激切屏營之至謹奉
表稱謝以聞

策

鄉試策五道

嘉靖甲子科

聖壽

支華平先生集

卷二十

三

清旦閣

聖王之位天位也而有格天之德者自可以膺福
履之綏人臣之事君猶事天也而有所天之本者
自可以伸平格之慶何也人君者蒞穆清而配上
帝鼓陶鈞以齊六合者也以位則皇天大君分相
對越以幾則父母宗子志相流通則所以運其精
於淵衷密勿之中而純佑自孚于天載顯其道于
廊廟垂裳之上而神道感召于穹蒼者將不有以
延其滋至之休而永保夫雍熙悠久之會也哉知
此則知古之聖帝明王所以共膺夫有道之長而

我皇上所以道配重玄心涵太始而超三軌五
以恢無前之偉觀享無疆之鴻春者愚請得而鋪
張之粵稽史冊邃古皇人歲紀靡極維時混淪之
凝結沕穆之麗固蓄厚引長理有固然者稍涉姚
姒亨嘉漸啓文明肇開其敦龐渾樸之氣雖或少
衰而太和之所鼓鑄凝醇之所綏定猶足以幹旋
元化而轉移天機故永命祈年迭見于臣僚之贊
述而殊麻渥眷重延夫有赫之寵綏者殆不可以
縷述矣即如軒轅當開闢之初而壽踰萬紀堯舜
支華平先生集卷二十 四 清旦閣

際中天之運而壽踰百齡文武承作述之光而俱
享上壽之隆其締構創立以預其基重光累洽以
熙其運使律呂之制和于上下勲華之盛格于兩
間謨烈之光顯于萬世上足以綿休和之運下足
以弘垂裕之謨仰足以當格享之心而俯足以固
基緒之傳者必有道也而當世之臣如臯夔陳謨
于虞廷而申命之休惠迪之吉每爲之致頌周召
矢心于姬室而天保之歌卷阿之叶日爲之所禱
信所謂太和在宇宙間矣若夫漢隆侈儀而矜傳

夫四會唐誇令節而致重于千秋以及諸臣之錄
金鑑獻詩雅頌降誕賦乾元如九齡諸賢者雖其
間得失代有不同而維霸維夷已非昭格之本俳
優劇戲僅成款曲之娛而已又何必屑屑然爲執
事道哉洪惟我皇上以聖神文武之資應河清
甘露之瑞紹二祖七宗之烈明咸三登五之
化而敬一有箴以衍精一之旨五箴有註以明心
學之傳則其本之爲淵穆之精闡之爲弘灝之治
者信足以宣純禧而奮景靈是以神人閭閻夷夏

率俾而白鹿白龜歲登薦剡靈芝瑞穀日旅彤廷
猗歟萬億年敬天之休端在是矣矧茲六甲開天
百祥駢集塞垣霧淨海甸波澄其至治之祥蓋質
之洪武甲子之初若契符驗節者而軒轅堯舜文
武之壽固不必索之于奇花異獸之珍而已躋一
世于仁壽之域者矣豈非萬載之昌辰而爲臣民
之快覩者乎雖然愚又有說焉嘉祥奇瑞彬然迭
見矣而南夷北虜比歲告急民風士習在處頽敗
不知于一德馨香之感何如也頌奇祝壽紛然效

誦矣而補闕繩愆未形黃祿民窮政敝莫見皂囊
不知于祈天永命之說何如也此又 皇上之所
宜振刷而賢公卿百執事之所當自靖者愚又安
敢置一喙于其間哉

道統

道一而已矣究心于理學者必握其要而後可立
進修之準尚論乎心學者必見其全而後可得造
詣之真要者何此心之實體是彼學術之博約特
從入之方耳全者何事心之實功是彼所見之同
支華平先生集 卷二十

六

清旦閣

異特氣質之偏耳此古之大儒所以各任其質以
造乎斯道之極而不害其爲同漸之名士各守其
說以衍夫師道之傳而不病其異也愚請先論心
學之原而後及諸子之授受可乎蓋人之從事于
學也博約異致而不外此心體用殊科而不離斯
道其博也散于萬而未始不一也故嘗寂其約也
原于一而未始遺萬也故嘗應嘗應嘗寂內外皆
有事焉是之謂體用一體用一故心之實體全而
學問之功備矣是故倡道河南而直接濂溪之統

程子之學如所謂涵養須用敬進學在致知者其
事心之要也而正風俗得賢才之疏特其經濟之
設施耳固非偏于經制也崛起江右而倡爲兄弟
之傳陸子之學如所謂以涓流而積滄溟以拳石
而崇太華者其事心之要也而易簡久大支離浮
沉之語不過其一時之吟咏耳固非偏于易簡也
朱子集大成之統振紫陽之脉則如所謂惟精惟
一之傳制事制心之意者皆其事心之要也雖其
居平多究心于著述而鸞湖之講無極之辨又爲
支華平先生集 卷二十

七

清旦閣

之往返而不置排擯而不釋遂使主象山之教者
以朱子爲事功之學而豈知其本原之地所以成
學于有址積水于有源如古今之咏者固可考耶
故得程氏之傳者則游氏之明于中庸楊氏之倡
道東南與夫張繹之朴茂與叔之文行固皆卓然
程門之選也而流于夷狄之嘆則諸子之晚年亦
有可議者矣得朱子之傳者則李通之不屈于學
禁仲默之究心于書傳與夫漢卿之一室蕭然才
卿之閉門自守固皆卓然朱門之最也而踐履真

實之許則諸子之所造亦有可取者矣得陸子之傳者則敬仲之清明純一和叔之聖賢自期元質之信道其篤叔晦之務本趨實固皆遵守師說而傑然于陸門之中者矣是其各守師教爲學固有不同隨才入道所造亦有不一而要其本原之地則淵源紹述均足以揚沫泗之波道脉相承皆足以繼濂洛之統而所謂心一道同者耳又何有于易簡經制事功之殊邪不然則子靜好處不可掩覆朱子既致辨于初而麤心浮說徒致參商之語

支華平先生集 卷二十 八 清旦閣

又見于奠東萊之文則朱陸之學亦何害其爲同而亦何俟于後學之紛紛也耶我朝以道治天下而心學之要燦然復明如宋濂之學問精深而國朝謀畧無雙士翰苑文章第一家則簡在帝心也王禕學貫天人而學問不如濂之博文思不如卿之雄則揚于王廷也陳選以聖賢自期章憇以恬澹自守以至方孝孺王守仁之流又皆繼跡前修而遠繼道真者矣馴至今日則文學墮于括帖經義散于標題視子史爲虛文而以俗套爲傳家

之本目道學爲虛僞而以功名爲經世之要官司之取士惟掇其無根之記誦而不求之心父師之教誨惟示以進取之巧訣而不求之道蓋士習既然而所以導之者又然無怪乎靡靡一風也自非得大人君子如程朱三子者出而振之又何以廻旣倒之瀾而維千鈞之線也哉愚不佞輒以所憤于平日者而敘其究竟如此執事其以爲然否

樂律

樂也者心之精華也而有中和之心者自可以得

支華平先生集 卷二十 九 清旦閣

樂之精器也者大樂之糟粕也而得尚象之義者自可以得樂之理蓋吾心有和播而揚之則爲樂吾心有理因而效之則爲器樂非有外于心也卽中心之和是也故語樂而不本諸心務其末者也器非有外于理也卽理之有形者也故語器而不揆諸理滯于形者也知此則黃鍾長短之數音律損益之宜凡執事之所問者皆可得而條陳之矣請終言之可乎太史公曰細若氣微若形聖人因神而存之雖妙必效言黃鍾始于聲氣之元也樂

記曰流而不息合同而化而樂興焉言樂律本于天地之化也自黃帝斷律呂以歌扶疎虞舜制琴瑟以歌南薰而樂之爲道斯肇矣及周景王將鑄無射乃問律于伶州鳩而有天道中色之對而師曠考中聲以舞玄鶴伯牙鼓鳴琴以動游魚又大樂感通之妙有必然者周禮有云樂六變則天神降八變則地祇出九變則人鬼享蓋蕭韶終于九成大武終于九奏而所謂格亨之殊則亦猶夫堂上之神格堂下之歌舞已黃鍾空圍九分而其支華平先生集卷二十十清旦閣

堂下之異樂者蓋堂上主輕清以象天堂下主廣大以象地也六律六呂之合聲蓋六律以爲法陰六呂以爲助于陽也六律之分于五方則春之姑洗蕤賓夏之太簇秋之夷則冬之黃鍾皆所以宣八風之氣也五音之配于五行則商之配金角之配木徵之配火羽之配水宮之配土皆所以宣二氣之和也至于樂記以宮爲君商爲臣角爲民徵爲事羽爲物而因以察治忽之宜審感通之故則樂之所係蓋信乎可通于治道可格于幽明而支華平先生集卷二十士清旦閣

不徒爲導慾增悲之具矣我太祖卽位之初首命牛諒制禮繼命陶侃制樂九奏之聲洋洋盈耳郊廟之舞彬彬稱善矣迨我皇上會中和之極擅制作之權審聲以和律定律以正音而咸英韶濩之音雍熙太和之氣其將宣揚于今日矣乎愚何幸身親見之

心迹

天下有迹同而心異者君子不當泥其迹有事異而理同者君子必當究其理夫惟理以主之而不

求合于事心以諒之而不取必于迹則天下之權衡可定而萬世之公論可明矣昔者呂東萊讀史每將前世可喜可愕之事蓄之于心而程明道讀史每至事幾初兆之時卽拊卷沉思以觀其異同成敗之驗若孔子之作春秋則又誅人之心赦人之過而嚴褒貶于一字則事之不可徇而迹之不可泥也久矣易之大畜曰君子多識前言往行以畜其德豈非有見于博文爲約禮之地而多聞多見固可以爲知之次耶且自明問之所及者而評之夫子之獵較從俗爲之兆也而明道之青苗猶可放過亦有見于勢之不可激耳孟子之不與驩言遠惡人也而子儀之東都往返力拒思勗亦有見于刑人之不可近耳夷齊讓國夫子許其爲仁而仲雍徉狂遜國丁鴻上書避位殆皆聞夷之風而興起者乎竊負逾海孟子以之擬舜而石奢縱父伏鑽王陽對敵援桴殆皆一念之孝不容泯者乎若夫汲黯發粟河內而自伏矯詔之辜忠臣愛君無所不至也而彼釣名竊邑者果可若是班耶

支華平先生集

卷二十

十一

清旦閣

長孺之所爲庶幾發棠之義而非忘君自擅者比也卜式輸財助邊而因竊好義之名小人逢君無所不至也而彼輸貲焉翊者果可同日語耶卜式之所爲殆非有得于急君之義而好義勤王之所戒也證父攘羊不可言直而密告父謀歸衛天子者乃得免不孝之譏則攘羊之小過人子或可情隱而謀及其君自不得不爲之暴白耳三咽井李不可言廉而避水絕糧郊社却裘者乃得列于貞孤之義則益祿之義在兄弟或可相容而義當堅却自不得不爲之明辨耳數馬以對大臣敬君之節而事當幾宜則雖誤陞文書無損鞠躬之道恐負翟公朋友不欺之誼而事當立斷則雖北軍給入亦無嫌賣友之譏凡此者迹似同而心術之微或判事若異而義理之妙或同惟因時以察之而揆以隨時之道就事以通之而運以制事之衡或本其義之當否而審其行止之宜或就其情以諒之而通其厚薄之等則不屈于拘孿之見不惑于淆亂之口而聖賢中正之道反之吾心而皎如矣

支華平先生集

卷二十

十三

清旦閣

又何必索之古訓考之陳迹而後可以議事也哉

兵餉

司國計者必知足兵之難而後思所以爲儲蓄之
備司兵柄者必知足食之難而後思所以爲修攘
之謀蓋兵者國之扞兵強則可以壯國家之神氣
而不足于兵者是之曰弱食者民之命食足則可
以固國家之元氣而不足于食者是之曰窮故惟
觀化原于朝著之上察幾宜于倉猝之間念民瘼
于閭閻之隱運智勇于部伍之間而天下之政可
支華平先生集 卷二十 清旦閣

十四

清旦閣

今日之兵言之召募有法團練有期按籍以稽畫
地而守又董之以憲臣益之以夷兵宜可以言足
兵矣而強銳未克玩愒日甚烏合于辨貌之吏而
一有倣急則奔潰而不可羈蟻聚于支廩之倉而
一經行陣則奔北而不可制且所募者皆市井之
無賴閭閻之惡少其剛心勇氣不過自逞其劫掠
之習而驕脆懦弱又皆以遨遊于酒食之肆雖使
數踰百萬何益于用乎以今日之食言之田地山
蕩之賦徧于海陬徃徃編扣留之額浮于往歲惟正
之供已有常數而今復益之以科需兩稅之法已
有常期而今復重之以督責宜可以言足食矣而
輸納愆期耗匱日甚輟朴日行于閭閻而通亡益
衆負欠日錮于囹圄而侵刻益多語倉廩則釜庾
不克而費用動以萬計語民庶則十室九空而催
徵日以相煎且所徵者或入上官之囊橐或入胥
吏之隱瞞或入權要之門或逖肥家之計而國
家之所藉以給公上而裕軍儲者日益耗匱雖桑
孔復生亦何補于治耶茲者 天心降監 朝著

支華平先生集 卷二十

五

清旦閣

肅清聞之道路已知非復昔時之冒濫矣但統御
非人則兵無所制不惟有反裘負薪之弊亦將有
不戢自焚之憂執事所謂克敵在將者誠所當慮
也撫綏無賴則民無所藉不惟有蠹財誤國之弊
亦將有民窮盜起之虞執事所謂得一賢令如得
勝兵三千人得一良守如得勝兵三萬人者誠所
當慮也雖然內有宮闈之寇斯外有邊境之寇內
有衣冠之盜斯外有干戈之盜則本原之地亦在
朝廷而已愚何足以知之

支華平先生集

卷二十一

六

清旦閣

支華平先生集卷二十一

稿李 支大綸心易父 著

策

會試策五道

德澤法度

嘗聞善攝生者必和調其神節理其脉使流浹通
貫于一身而後起居動作可以若時而宣敘善理
家者必父子兄弟怡愉輯靡有攜心而後堂構
相成創造一體可以彰軌而植業故四肢癱而不
支華平先生集 卷二十一 一 清旦閣
亡者其神脉完也百務勦勦而家不亂者其恩義
固也今天下猶一身也所以聯屬天下之心者恃
德澤存焉耳德澤之不固而欲羈之以區區之法
是斲神脉而修膚革也蔑不斃矣天下猶一家也
所以固結元元之心而使之不貳者恃德澤固焉
爾德澤薄而以徒法控持之是離恩義而嗃嗃以
威其家也靡弗亂矣不然則自古稱峻法者至秦
政極矣一再傳而匹夫作難九廟爲墟曾不得以
徙木棄灰之法而摯陳胡之手足王莽之井田墮

王之周禮卑卑于法度間以爲庶幾三代之治而亡不旋踵其所建立使然也宋儒謂自古德澤最厚莫如唐虞法度最明莫如成周亦就所見而立言耳以今觀之唐虞信崇德澤矣然欽曆象以授時同律度以範俗嚴岳牧以布政奠山川以彰紀其法度固較然著也成周信崇法度矣然自后稷農殖百穀以蕃民生綿延虞夏殷間上下一千餘祀而公劉大王王季又以醇德培之蓋至文王而甚深其德澤胡可殫述而直以法度當之可乎若支華平先生集卷二十一 清旦閣

官不得預政則有鐵牌以永戒親藩不攝民事至刑駢馬以示懲而黜剝剝之刑無故與兵致傷人命之訓見于聖政記祖訓諸編者洋洋乎莫得而名焉其敷沛爲德澤躬建爲法度直追唐虞成周而上之矣列聖相承茂弘繼述至孝宗文皇帝以寬厚煦育而守法信度猶兢兢焉嘗聞長老云升陟之日深山窮谷咸奔號失怙其德澤深以厚矣而法度稱善守焉世宗肅皇帝以英斷馭臨日以法祖勅度是念而四十餘年長育成就萬邦日躋昌大之治德澤亦深矣第一時議禮議獄動盈篇帙而剛明立斷一千紀律親貴弗撓有若專守法度者然要之皆法祖垂後之懿訓也我皇上冲庠之資紹隆寶運登極一詔遐邇彬彬向風焉仰繹祖宗之休美詢謀羣臣使條故事上之續紹之治視前烈有光矣然以予觀之法度猶昔也而百司庶府苟且簿書上下相蒙習爲故典甚且妄自矜奮創新說以矧舊章矣德澤猶昔也而民疲于橫斂法峻于深文士窮于困躓俗敝

于紛擾甚且啗民膏而股削之矣故欲培養修飾
宣昭令緒永登大平非 皇上以乾剛厲之賢公
卿以精白成之愚未知所稅駕也詩曰無念爾祖
聿修厥德敢以是爲 九重獻

文質

立極者必建中以握紀而後可以彰其軌于不窮
揅弊者必由俗以還淳而後可以維其風于不壞
夫一代之興其建尚自創業者始也文而文質而
質卽千萬世視之矣然其始也曷嘗不崇本實敦
信義以爲後世法程哉顧世之趨也若廻汪瀾而
上之山而自質而文者若建瓴水然故日習之所
染貴育不返俗之所成海岳必傾蓋事理固然無
足怪者粵自鴻荒初判混沌融結榛榛狉狉宇宙
太和之一會也稍涉姚姒而亨嘉肇矣唐虞三代
顓頊耳渾渾噩噩耳卽因時立政森莫可紀皆挽
人情而約之中回澆俗而歸之厚也尚忠尚質尚
文之說蓋自後儒說也公羊氏以文爵三等董生
云損周之文其說斯昉而記亦言夏道近人而忠

支華平先生集

卷二十一

四

清旦閣

焉商道近人而質焉此三尚所以紛紛起也夫尚
忠尚質則信然矣乃文之敝則論治所宜亟圖者
何至尚之以滋敝也夫周之始興也未下車而立
黃帝後既下車而封比于墓式商容問惇明信義
以返商末靡靡之俗者至殷深也其周禮所載品
式制度雖潤色有加罔非端軌約中云耳數傳而
繁文縟禮生焉凌夷至于七雄之世而炫奇競詭
生民糜爛固習俗之流非建尚之敝也若漢高則
溺冠屨罵之主也其綿蕞之儀太常之樂大抵皆
襲秦故而已雖一時雅尚如斬丁公封雍齒若示
人以質忠者而要之特文具耳烏覩所謂審所尚
哉愚嘗妄謂文之盛在古莫過於周漸磨久而孔
孟生焉以至斯文之運然處士橫議所在列幟自
標而世王至擁篲從之至秦而隳坑焚之慘者文
之極也在近世莫盛于宋故有周程張朱植文幟
以翼其運而議論之多聲容之盛在當時則已然
矣至元以腥膻盡剗之而詆儒于優丐間者文禍
之也自昔創業之世草昧天造生民虔劉智殫慧

支華平先生集

卷二十一

五

清旦閣

焉若一小開闢然此又復爲質之機也顧人情易
蕩奢麗易縱文勝之弊在激使然雖聖哲莫可致
詰真若天地之運終始循環云爾非上古聖人預
爲好尚以啓敎也我太祖高皇帝天錫勇智一
掃元陋人民樞紐結紉魯有古昔之遺風焉恬熙旣
久文教漸新至成化弘治盛矣正靖之末起自一
二訾詬之夫而頽風相煽至于浸淫而不可救迄
于今而所謂風教漸澆俗化漸移論議漸煩文章
漸詭誠有如識者之所憂矣易曰窮則變變則通
支華平先生集卷二十一 六 清旦閣

夫苟窮而不變也雖聖人曷克通之哉愚妄意今
卽通之亦煩其令深其禁云耳非能振刷而一新
之也夫民習知尊貴之所尚而相矜慕之以爲高
文之敝而復以文禁之是抱薪而抹火也夫惡其
澆也則母務以澆示之今永冠雲集背而胡越矜
名商利父子稽辱矣正心術以嚴選用之法敦典
禮以祛名利之習者可變也惡其侈也則母務以
侈導之今緋紫之貴濫及娼優水陸之陳倍于珍
鼎矣躬皂綸之服以風民限肉帛之制以追古者

可變也惡其煩也則母務以煩勝之今官司迎送
故牘盈凡一夫質言鈎致滿紙矣凝風範以示尚
行之規獨苛禮以敦簡要之體者可變也惡其詭
也則母務以詭導之今帖括相沿僅成本領浮藝
舊本不啻充棟矣崇實學以羅才追古作以正格
者可變也文正嘗語人曰也須焚書一遭此暴秦
之習也文正不諱言之誠惡其習浮而剽實崇諛
而長蠹也失此不變誠莫知所終矣吁此特就明
問而陳之耳如有用我尚有探本之論當爲 聖
支華平先生集卷二十一 七 清旦閣

爵祿名譽

夫乘風排雲鼓翼九天之衢使臣主俱榮身名交
泰豈非人所深願至欲哉顧士各有志凡爲知己
者死耳世苟知我吾出而圖之流不世之光策非
常之勲則天下蒙其利而吾亦與之俱榮苟不我
知則一泉可以洗耳一石可以漱齒世無求于我
而我亦無所慕于天下夫天下何加于士哉顧誠
韞經綸之畧而欲用其所不足也世固見一二彈

欽鼓篋之徒所在滄集漫無廉隅遂謂士人可以力致云是出出者幸酣華競要流耳即不然亦修飾矜節而好爲名者也吾直以爵縻之以名鈎之足矣嗚呼士若此止乎嘗觀唐虞之時堯舜以欽明恭塞澄其鑒而育才之教盡直寬剛簡而曲成之士生其時孰不滌心淬節以圖自奮故得人之盛古今罕儔焉至周而益詳有六德六行六藝以綱紀之有論官論爵食食以官材之故曰周王壽考遐不作人又曰克知三有宅心灼見三有俊心

支華平先生集 卷二十一 八 清旦閣

于時上之人以心信乎士而士以心効乎上如耳目股肱各效其所長以爲用而無有務名賈勢之意上亦藹然如元首之任衆體而各盡其能故多士以寧吉人勸相至與唐虞之際並馳而爭隆焉乃其論官民材太常太丞之典所以崇德報功者自不可廢固非卑卑以此待天下士而謂其可以籠絡之也周語曰先王之治爲班爵貴賤以列之爲今聞嘉譽以享之亦誠見先王待士之道如是耳不然周士之貴自昔稱之矣設可以祿縻而名

致也亦奚謂之貴哉秦而後士始賤矣然亦所謂彈鋏鼓篋士而衣冠者耳非真士也不然仲連未爲知道而逃之海上爰旌目鮑焦皆超然浮塹之表是果貴耶賤耶龜山之論漢士曰西漢之士喜功名而不務奇節東漢之士尚節義而不通時變高祖故沛中博徒也彼誠知爵祿而已故其詔曰天下賢士有願從吾遊者吾能尊顯之一時屠埋椎狗之徒起家刀筆爲一代宗臣而嗣後騎奴之衛青俳優之東方朔各挾寸長以就爵祿頑鈍之

支華平先生集 卷二十一 九 清旦閣

耻之名聞于天下浸淫至于元成而貢薛韋匡之流益類以靡矣迨莽一呼而名儒如雄者至爲頌功德則士務爵祿之弊也世祖乘其弊尚名節以砥礪之封卓茂禮嚴光斌斌然以名致士當是時士爭馳名節矣故人譏之曰東漢之士往往刻情修容依倚道義以就聲價而樊素之被徵丁鴻之讓封人亟高之至李膺陳蕃爲國任重乃不能紆迴通變以拯國家之急而亦驚于名相激而立顧俊及之號標榜愈多黨錮愈酷矣此非名之不能

致士顧士之悞于名也俾若申屠璠之見幾而作
逢萌之掛冠東門何罹禍若是酷耶豈兩漢之君
本非有純心以主持之而徒隨時遷就以爲尚故
屢變而卒無以益于用耶雖然士亦胡可輕也高
祖自謂以爵祿籠士而魯人絃誦不以城下叔孫
議禮而兩生終不肯行王莽之亂借六藝以文奸
而士終不與東漢之亂職自宦官而士以激揚風
軌與漢共滅而俱亡使蜮操縮頸而不敢動凡以
士爲之維持也則士亦胡可輕也語曰得士者昌
支華平先生集卷二十一 十 清旦閣

班馬異同

作史者必準諸聖經而後體裁正必折諸聖經而
後同異彰夫經出于聖人其心平其識邃其博文
粹積足以徵往而俟來故其體史也而實經也若
史則橫出胸臆以肆譏評雜置疑信而失考據各

執所見以相輕而不究其歸各隨所得以自持而
不要諸正雖互有同異而得失蓋略相當焉蘇洵
曰經以道法勝史以事詞勝豈知春秋一書其深
奧簡古事詞本無不備而道法固兼之乎自仲尼
沒而世無全史矣左丘明親見當時之事撰爲左
氏春秋誠可爲春秋之羽翼後有續采所聞以爲
國語誠亦裨聞見之未逮而昌黎氏乃謂國語謹
嚴左氏浮誇豈非徒見其體之異而謾言之乎司
馬遷席談故業又以身遭廢辱故其一書所紀大
支華平先生集卷二十一 十 清旦閣

抵因事以見志昔人謂之訪書者也今觀八書詳
敘貨殖封禪諸事備殫其委至謂天子諸侯賢人
隱士咸于富厚歸誠含懟懷憤識武帝土木神仙
之紛紛爾讀者不察其意乃譏其退處士而進奸
雄崇勢利而羞貧賤其不足以知遷也審矣班孟
堅嗣之爲前漢書繼懼竇憲之禍遂以曹大家續
成之因遷之十表而爲八表因八書而爲十志其
掇拾裁割昔人譏之矣苟悅之漢紀范曄之後漢
書皆史家之翹楚也然是數子者徒瞻聞博識而

乏反約之功徒深辭麗文而闇正心之學故三長
三難之說自昔患之而見毫昧曉之議迄今更相
笑也執事乃以選固之見議于後世而欲折衷于
著作之場也愚何以及之雖然愚嘗學經而得其
樂矣孔子之作春秋也是編年之史也而又有尚
書以志訓誥有詩以志風謠有三禮以志禮樂有
易以志陰陽皆孔氏之史也今誠取而讀之則河
渠書較之禹貢何如也封禪百官諸篇較之周官
巡狩之語何如也方技日者之傳較之大易之卜
筮何如也禮書樂書出自附會之手固不足道而
皇王五帝上下數千年乃獨畧而不備至所節取
諸書又多蕪雜不文豈遷特史氏之才而不足以
與于經乎至我朝之史藏之金匱石室者不少觀
見而總裁出于元輔纂輯彙以鴻儒洋洋乎殆追
春秋而埒之矣第聞之故老乃謂立傳止于大臣
則閭閻之名義士終泯泯也編纂惟以案牘明
奸邪之甘辭曲行終汶汶也方正學以死義而書
曰叩頭乞哀王守仁以討賊而謂其通于養正至

支華平先生集

卷二十一

主

清旦閣

孫仍祖號弟襲兄年之議識者且斷斷焉則折遷
固而一新其敝者誠不能無望于今日

用人理財

天下之患莫大于炫名不責實而國計之盈縮人
才之多寡不與焉夫才以任事國家于此覘盛衰
焉則多方以網羅之推誠以任簡之誠是矣而不
責其實則賢邪混進卽賢矣而未必展所欲爲也
故常患于乏才財者天下之大命人君所以聚人
而裕國也而不責其實則雖頭會箕歛而貪吏得
以擅漁獵之奸狗鼠得以啓漏卮之竇故常患于
乏財不然則天下未嘗無才與財也周之盛時鬼
置皆爲干城執受可備前驅而及其衰也乃僅僅
一文侯之修扞其始以千里之封養千八百之諸
侯充然而有餘而其後至乞糴于諸侯而莫之給
豈非名實之辨歟知乎此則執事之所問與我國
家之所謂乏才乏財者皆可得而悉其故矣我朝
以科貢取人而雜流薦舉靡不搜羅其取才至博
也然在 太祖時至令郡縣吏巡行阡陌見衰永

支華平先生集

卷二十一

主

清旦閣

雅拜之士亟召用之而不爲君用之禁當時疇
咨召對曲盡情款故有才得以自見而無才者亦
不得以虛名目之一時雲蒸虎變之士莫不灑然
出其所長爲國家用矣以丁田起稅而山澤江海
靡不推稅其取財至悉也然在 太祖時勸農蠲
租之詔無歲不下而北伐隳虜南平交趾經營饋
餉動以萬計而天下之財未嘗告匱蓋籌畫計度
出自宸衷者悉盡情實而法禁之密人莫敢干以
私此國初之人才國計所以常足也馴至于今官
支華平先生集 卷二十一 古 清旦閣
有定員矣而一遇銓注輒有乏才之憂投之盤錯
則退避而莫敢任付之批擿則因循而莫與前夫
品流日衆而士之競進者至踰短垣以求榮而謂
才乏者何也賦有常額矣而一遇調支每有告匱
之嘆夫財計日廣而諸司竟以侈糜相高而謂財
乏者何也夫亦徒徇其名而不責實之故歟愚以
爲科目之設夙稱得人矣而長才大畧有不閑于
經義而實濟時用者宜別爲一科以收之又有負
俗之才而偶註吏議者遂不復齒則管仲王魏將

終泯沒乎此求才之途未廣也而任用之時多采
毀譽以爲殿最積簿書爲勤惰又安能于繩墨之
外得真才也推財之利析及秋毫矣然鬻爵者一
而耗其口業者倍之鬻爵者一而償之小民者倍
之以至冗食冗兵之弊皆耗國脉而竭民之膏者
也而軍費拮据于將領歲額賠耗于秤頭又安能
責實于課計之間耶今 聖天子留神于人才國
計頒訓諭廷臣之勅裁內廷光祿之供又甄敘肆
覲之吏嚴稽存積之通而司銓主計之臣又且奉
支華平先生集 卷二十一 圭 清旦閣
自德意而幹旋之行見豪傑策典而太倉紅朽矣
愚何幸身親見之

廷試策一道

臣對臣惟 陛下膺寶曆之初宅亮陰之禮首進
臣等于廷策以修學立政之要將咸三登五紹神
聖之統建格被之業耶抑安常襲故而姑爲潤色
太平之舉耶將資治安之謀究天人之術進逆耳
之規終日言而無罪乎抑忌投鼠之器惜鼎鑄之
廢駟馬之禁徒取唯諾而靡所匡救乎願伴問

作對謂之僞僞懷詐挾術謂之欺設曲學阿世謂之枉已臣嘗博綜今古而有概于中久矣迺茲遺敷奏之期陳先資之信而敢不以正對乎今語學之宗者則曰堯舜語治之盛者則曰堯舜御策曰三代以還考德論治未可匹埒姬奴矧曰唐虞蓋嗟乎其不敢望也臣則願陛下獨法堯耳堯自唐侯直起爲帝也齡甫十六耳諸侯戴之兆民推之此曷故也得非十六齡之前緒性毓德履道葆仁有素飫于人心而覃浹于下土者乎迺其學非支華平先生集卷二十一 夫 清旦閣

若後世之講讀該洽也曰欽明文思允恭克讓而已迺其政匪若後世之聽覽程會也曰親睦平章昭明協和而已而當其時所爲納誨而輔德者罔非聖神文武之謨所以陳謀而贊治者罔非稽衆克艱之術若舜禹若臯益考諸書可鏡已僑是而商之太甲周之成王皆以冲齡踐祚而桐宮之往幾不克終缺斯之師人心咸貳是二君者非所望于今日也商之高宗宅憂恭默而良弼得于旁求猶今之以築得士耳而傳會者以帝賚之言輒斤

斤于形肖之求斯伏生之謬也迺其政則曰憲天聰明曰鑒于成憲而苦口不嫌于嘔眩和羹務劑于鹽梅商業赫然中興庶幾守成之令主也若聖問所舉漢唐宋諸君則臣又有所獻焉漢高帝提三尺以定天下而三章約法什五稅一其政豈不甚盛而不事詩書人少其學然漢初詔旨雄偉近古而大風一歌調雅氣豪卽文士未之或先豈必呻吟佔俾而後爲學哉若光武之夜分講經宋太宗之歲周太平御覽仁宗之隻日不費講讀之支華平先生集卷二十一 七 清旦閣

三君者皆以絕人之資建創守之業留神典籍親近儒臣可以廣見聞可以陶德性視溺情于聲色喪志于玩好者則星淵矣漢文帝起代邸以有天

下而躬修玄默清靜無爲其學豈不甚簡而治尚柔道人疑其政然斷獄數百斗米三錢而命將勞軍師律政猛卽三代或可庶幾豈必窮黷紛更而後爲政哉若秦始皇之衡石程書隋文帝之衛士傳餐唐憲宗之汗透御服日旰忘倦之三君者皆以震世之略樹光裕之業勞神國務聽斷忘疲可

以樹熙績可以杜漏隙視委政于羣小耽情于麴藥者殆逕庭矣人徒見宋治之弊日就凌遲而併訾其崇儒務學之懿秦隋之世亡不旋踵而并誚其勤政勵精之舉是結繩之跡真可以御叔季之亂而書契可以盡廢干羽之化真可以格七雄之志而兵革可以不試也何其酷于信古而闇于大較也哉蓋帝王之道天道也天德剛故必遜志時敏首出庶物以其學爲天下先而不可宴安恣肆以啓凌遲之漸天道健故必孜孜化理夙夜祗懼

支華平先生集 卷二十一 六 清田剛

以其政植天下準而不可倒委太阿以成鹿馬之好不然則望夷之禍乃自深居高拱者致之而獨鼓催花點籌踟躕之好反賢于經術右文之主耶御策以冲年履祚未燭于理臣則謂 陛下慎母以冲年自委也帝堯之特起其所信于諸侯而式于萬國者不在十六齡之先哉 陛下誠富于春秋視帝堯在潛之日未遠也所爲信諸侯而式萬國者胡可委也矧 陛下承二祖八宗之緒際重熙累洽之運非若帝堯之特起也而學循其本政

握其要斯可以繼先烈而恢後效夫帝王之學誠不同于韋布也而講幄日勤則見聞日廣載籍愈博則義理愈精接賢士大夫之時多則敬心不持而自惕親宦官宮妾之時少則放心不收而自戒故程顥之言特謂帝王之學將以措之于政不效書生尋章摘句云爾非謂盡捐講讀而懸想于玄漠渺茫之境也王誠好要則百事詳矣而一日萬幾孰非吾分羣黎百姓孰非吾與明習國家之務而後庶政和深識忠邪之辯而後官材當故荀卿

支華平先生集 卷二十一 九 清田剛

之言特謂帝王之政將以行其所學不當瑣察細故云爾非謂盡遺世故而妄意于清靜無爲之化也今之言學者則曰純心矣然人主一心天下之所望以爲的也宦寺窺其好尚官寮測其朕兆遠聽之士想伺其端倪商賄賄則桑孔進好武功則衛霍進耽聲色則毛嬙西子進勤禱祀則文成五利進事土木則班輪進萃是數者襍然交攻于其內而以一心入百戲之場卽佳弼奚所措其手而存省安所施其功也誠能于山淨泉清之日多方

以防閑之盡力以開牖之經筵必御日講必嚴或
賡歌以洽其文或同游以習其素雖所訓者章句
之麤而人主之心一有所係則彼數者咸不得乘
其隙而攻之而聰明日擴好尚益端聖學之純端
可必矣仇士良之教其徒曰母令人主讀書蓋讀
書則知義理而匪彛悖洛無所奪其志讀書則鑒
理亂而儉邪便佞無所售其欺讀書則廣智慮而
神奸鬼秘奚所眩其明故學貴勤而純心者其言
若美寔謬悠而不切于事者也今之言政者則曰
支華平先生集 卷二十一 三 清旦閣

用賢矣然知人之哲非可以一端盡也大奸若忠
大詐若直大貪必小廉大鷙必細謹人品襍進各
以機智玩弄左右又何以辨忠邪而精任簡誠于
蒞政臨民之日勵精以圖之降志以近之常朝則
御午朝則親日接公卿以諏大政延見士民以達
民隱雖所務者簿書之末而人主之心知有所務
則宵人者不得蠱其志而罔之而聽斷益廣明哲
日光聖政之純端可望矣趙高之欺其主曰人主
但聞其聲蓋親政則民瘼之疾苦日接于目而奸

邪不能蔽親政則庶務之張弛日熟于耳而向隅
無所壅親政則威福之柄日操于已而假冒無所
容故政貴勤而彼云用賢者其事若重寔滯漫而
莫可甄別者也 陛下又采往代之臣所陳謨以
裨正始者以問臣竊又有所獻焉夫臣子進言如
和扁用藥藥不執方對病則發言無定說合宜則
用仲舒天人三策其學醇其旨正誠漢世對策之
冠冕也而時俗方壞則王吉以變俗進時尚弗端
則劉向以審尚進而治性之六戒勸學之四箴佳
支華平先生集 卷二十一 三 清旦閣

衡之抗疏皆可採也他若貢禹建言于初元而主
于節儉陳寵納誨于建初而蕩滌煩苛姚崇以十
事要說呂公著以十事進規司馬以明斷英勇進
程顥以稽古正學定志進之數臣者或贊襄君德
而匡其所不逮或直陳時務而矯其所太過固升
平之梁肉衰亂之藥石也若今之時則 陛下以
冲齡踐祚百官總已學易流于窳惰治易流于倒
置昔漢昭以十四齡繼統于時有擁立之功焉而
昭帝之英明猶不克霍氏之陰謀其業之不替者

亦幸耳宋之哲宗以十五齡踐祚于時有調停之政焉而小人復入遂不免紹述之紛更宋之基業于此遂衰我朝之嗣統者先見于英宗始而王以太后則治未幾而王振用事則政亂而土木之變幾不可爲近見于武宗始而輔以劉謝則治未幾而劉瑾用事則政亂而眞宸劉葉叛者九起惟世宗以十五齡入承大統而聰明英武遠紹帝堯四歲有註敬一有箴宸範翰藻昭回雲漢帝王之學可謂純矣鎮守則革土木則裁武悍必誅支華平先生集卷二十一 三 清旦閣

權奸不貸帝王之政可謂肅矣而始之用事者有張霍若而臣之廉正辯博則治後之用事者有嚴嵩若而臣之貪污渙忍則亦幾誤由此觀之人主之學之政其純駁得失豈不以人哉今陛下之學蒙養之學也而深宮邃密保傅何所施其功宦寺憊憊法拂無所致其力陛下之政初服之政也而委于貂璫則釀禍歸于臺閣則啓奸陛下之策臣則曰典學何急立政何先而又曰古今異宜創守殊軌大哉王言真知時審勢而善于用言

者也臣則曰學之所急者有三而括之以一曰勤政之所先者亦有三而總之以一亦曰勤典學之所急者一曰正心術夫人主之心天下民物于我乎取正一有所倚弊將何極必存吾太虛之體廓吾太公之用端居于深宮燕閒之中而宦寺不得關其私垂拱于大廷廣衆之上而公卿不得售其術奸尚必正而聲色花鳥之娛勿進也猷謀必正而征伐土木之言勿聽也使渾然天衷如衡之平如鑑之空如止水之不波如太虛之無滓而酬事支華平先生集卷二十一 三 清旦閣

應物盎然出之而無成心是心術正而聖學之本以端二曰正學術淳古之學惟出于一耳自漢而下學者亦多歧矣有以清淨爲學者其說歸于長生而其卒也窮冥而無當有以空寂爲學者其說歸于真覺而其究也偏枯而不情有以刑名術數爲學者其說歸于申韓而慘覈寡恩是以學爲天下擾也有以詞藻辯博爲學者其說出于屈宋而汗漫無歸是以學爲君心障也必研諸心體諸身反觀于炯然獨覺之中而不汨于見聞之末省悟

于真性流通之際而不鑒于情偽之感上而危微
精一之旨中而制心制事之訓下而敬勝義勝之
書凡二帝三王以道授受之真傳皆以心直接其
統而末世多歧之術一無所眩焉是學術正而聖
學之路以端三曰敦實學夫經筵日講御幄日親
其儀肅矣而堂陛森嚴未見格心之益廣厦細旃
宸翰昭回其文煥矣而葩章燦爛奚關皇極之敷
必思內自宮闈外窮埏宇上自王宮下達黎庶皆
以此心樞紐之而綸綍必期于作則厝注必期于
支華平先生集 卷二十一 清旦閣

以好新而殫國用凡帝王經世之學鑒鑒乎見之
行焉而不徒以文藻爲勳績記誦爲猷略則 聖
躬有實學而可以植天下之表儀矣是三者皆典
學之急務也而其所最急者則曰勤益人之心放
恣易檢束之爲難慎始易慎終之爲難朝堯而暮
桀則天命因以予奪昨聖而今狂則人心隨以去
就出理而入欲則真幾因以剝復自草萊韋帶之
士且不得以純學稱况天子紹萬世君師之統而
可以作輟爲哉彼光武諸君不從事于端本澄源
支華平先生集 卷二十一 清旦閣

付之戶兵而司徒司馬不可以不慎天下公論付之臺諫矣而所任臺諫果以公道進與天下幾務參之內閣矣而今之內閣果足以輔德與皆斷自宸衷而時操縱之使天下曉然知乾綱之在上而不復懷迷誤之私則亂幾可弭矣二曰汰弊源

太祖草昧之初最嚴貪倭之罪承藉二百年人心益狡弊益深賂行于富路而寒灰可然賂行于執政而三尺可執賂行于章布而公論可掄舉天下惟賂之貪矣自靖難之師摧挫太甚隆以王振

支華平先生集

卷二十一

茅

清旦閣

之專權汪直劉瑾之橫逆而大臣習中庸之執務爲和同以悅其下小臣懷接引之澤工爲嫖媚以結其上低聲蹶項嫵然婉孌之姿頌德稱功矯然柔曼之嬖霏玉噴金仰荷咳唾之澤摩頂放踵苟希提攜之恩舉天下惟候之工矣此二者百弊之源所當急革者也三曰振積弛宋臣蘇軾嘗論西漢之衰其大臣守尋常而不務大略元成之間公卿將相安于祿位顧其子孫低回畏避以苟歲月而杜欽谷永又相與彌縫其闕而緣飾之故其衰

終以不悟今居官者累資以待遷養交以自固庶務有缺則工爲文移以飾其愆地方有事則巧爲拚蔽以逃其責所誇詡者皆敦大成祿之謨而寔因循委靡棄禮法而不顧所迎合者皆豐亨豫大之談而實蠱蝕滲漏委綱紀而不飭朝廷之上稅政舛今動引舊規而人心益玩邊陲之上庸將弱卒惟營債質而捍衛益疎譬之久敝之屋岌岌乎有覆壓之勢而旁觀者徒袖手而不言僦居者惟遷延以幸徙家大人恬不自恤反多其華采繁其

支華平先生集

卷二十一

茅

清旦閣

帝幄以燕笑于其下而幸一夕之安豈若去幄帝之飾輟燕笑之娛而亟爲整葺纏綿之計哉臣願陛下布昭英武之德盡破拘攣之見肅情而革偷黜浮而抑誕節冗費以豐財選實才以集事獎勞臣以振滯覈名實以防欺去形迹之小嫌捐浮滯之積靈剛以作神采而不爲小故之所搖哲以燭弊隱而不爲舊習之所縛直追太祖創制更化之始政而不溺于後世沿襲之規而羣臣百職亦皆洗心滌慮竭節奉公母觀望以自完母顧忌而

自感母循枉以干進母合汙以媚世母便文以塞責曠然于維新之化而重親精明奮發之休豈非今日之首務哉是三者皆勤政之先務也而其所最先者則亦曰勤蓋政始于勤常卒乎怠始于成常卒乎敗接于耳目者甚微而勞之所乘或極重而不可反見于躬行者甚約而幾之所伏或紛結而不可解彼秦隋諸君不圖維于宏綱大政之施而以簿書期會爲勞則程石所成盡是參夷之典傳餐所底僅課逸游之績而日旰忘倦不過金丹支華平先生集卷二十一 天 清旦閣

寶錄皆方士之所誤者是安得爲聖政也蓋帝王之學以立政也非若韋布之采文藻以取世資也帝王之政以行學也非若霸者之藉術數以塗耳目也政學兼修德業並盛帝堯所以則天而協下者率是道耳夫臣將致身嚴廊之上以申犬馬之私而惴惴之言多觸時諱迂戇之氣取憎流俗是卻行而求前也獨念賈誼以洛陽少年當漢文帝恭儉之實際有漢中天之運猶痛哭流涕長太息于登對之初而不暇顧絳灌之忌嫉劉賁盡言以

與唐室大難之端而以下第顯名使登科者反爲厚顏則臣子事君亦罄吾平生所學者耳倘有所畏忌而不盡言有所欲美而不直言是曲學以阿世也是諱世以取寵也則不忠莫大乎是 陛下又焉用之不肖耿耿之中願竭所聞以對不勝戰慄恐懼之至

支華平先生集卷二十一

支華平先生集

卷二十一

无

清旦閣

支華平先生集卷二十二

樵李 支大綸心易父 著

稊著

贊燐夜談

不羈子自楚反暮薄園門重圍固闔藉茅無所假
寐贊宇之側頃焉燐火熒熒野號啾啾響如蟲吟
影如懸燈或跳躑而如訴或裂驟而欲擊或乘空
而若狂或暗啞而如怒不羈子心動惴伏良久喘
定強顏而喙曰屬者寧藩構叛分室籍產蹂躪我
城邑虔劉我士女燬焚吾室廬伏屍盈野流血成
川名都通門鞠爲荆榛矣贊以育士豈首毒之區
耶而燐何叢叢也羣鬼憑植而言曰若知寇之致
燐也抑知燐之不在寇乎夫宵行晝伏鼠竄兔激
若火之燎于原其猶可撲滅若乃戕冠錦衣崇名
美秩自我毓德以有今日而乃羣不吊之人以姦
宄于茲室汨陳其五行罔有攸底蘊利生孽無禮
召殃怨讎而石言于晉燐死而介行于鄭古實有
之子豈充耳者耶不羈子曰吾聞天下有三戕主

支華平先生集

卷二十二

一

清旦閣

支華平先生集

卷二十二

二

清旦閣

憲之司辟宥不中則民戕納言之司出納不允則
民戕封疆之司玩殊不肅則民戕三者皆鼓妖招
孽之囫也乃若贊宇衿履雍雍絃誦喈喈曾是而
生燐耶羣鬼于是批拔叱咤而前曰昔我先皇肇
造區寓陶鑄庶類薄海內外並建學校以弘教典
亦曰吾以表民則而罔愆于儀且懼迷民之圯族
敗行而溺入于亂則沒振之吾郡自東晉肇基迄
茲人用遵軌信度罔干干政沐泗之風斷斷今反
戈內向奪攘矯虔而握明典者顧獎其亂而厚其
毒俾宮牆蒙穢狂且吐氣顛趾倒植霾沙四塞貪
壘填路城邑不蹂躪而糜突士女不虔劉而號仆
屋廬不燬焚而傾圯一刑失三綱顏五金入四維
缺蛇虺塞途騶虞遐遁忍言乎忍言乎不羈子曰
甚乎哉曰殆有甚焉師之道與君父埒人苟持弒
執諸士師則夷之今人實侵軼奪廢其師而顧右
之蘊利無禮孰甚焉吾日見庠宇之背鬼也干燐
乎奚尤不羈子曰吾聞人死而歸曰鬼鬼者息心
潛形不落塵事矣茲猶有怛世之色何哉鬼曰若

知死之鬼未知生之鬼也心之精爽是曰魂魄彼
回素而爲蒼刺直而爲曲培莠而握禾崇好而益
疾耽酒嗜音數利厚飾皆喪心也心喪則魂魄去
之強曰非鬼其將能乎死矣而用物弘魂魄強則
爲厲精爽完固厥有五通以混太空斯鬼而神者
也須臾鬼逝客亦就寢夢有朝衣朝冠夾道前呵
昇輿而行見庭栢斯拔廟棟咸傾歎曰高岸爲谷
深谷爲陵騰生于稼藍出于青孰是孔方而蠹孔
經覺而曙之東郭以語華平子曰吾以神言徵兆
支華平先生集 卷二十二 三 清旦閣

忍言乎忍言乎不羈子曰旨哉吾始聞教有惜于
寇而人有魅于鬼者今又聞孔方之賊孔經也
說泗
里開有二子以避寇者多枕溺涇河淫隈間乃相
爲謀曰能泗則生可得也遂學泗于河未幾技成
皆溺死東郭子歎曰其學泗也以溺也其溺也以
泗也二子其學溺乎弟子問之曰濫淵之没人與
齋俱入與泊借出其於形也亦疏矣而終老於淵
泉二子學技以益生其於形也亦至矣而卒以死
支華平先生集 卷二十二 四 清旦閣

夫子其必有以振我也東郭子曰壽陵餘子之失
其故步非行之不可能也北馳其駕以覓孟門徒
自力也泗溺相待乎前而人以日徂可不大哀乎
夫人之生有宰之者矣有制之者矣莫得其朕也
其於物也與之委蛇物惡得而害之語曰從水之
道而不爲私則進於技矣故視淵若隄視陸若陸
奚其患曾使尊知而火馳也離朱持故而任察也
喫詬知詐以漸毒也工倕鑿斲以侵德也衆人肆
闕於貪欲而莫之反也沈湎湮沒其誰拯之弟子

獻疑曰然則二千非學溺也中道而天其性殆乘之以躁耶曰非也東海有黃公者佩赤金刀善御虎虎過東海醉往制之遂爲飢虎所食使其不伐習以陵虎虎惡得而傷公是得不死之藥而狎鐵干也弟子曰得之矣吾當守拙以凝道不敢以憑巧殉物而傷生也

修建羅星疏

蓋聞王舍闡化金刹肇開切利修供善果旋應卜地者以嘗水占勝護法者爰舍宅證心豈徒啓覺

支華平先生集

卷二十二

五

清旦閣

路之絨膝寔以壯設險之形勢維茲嘉善夙號名區中界伍塘式開地脉奈衝波直射既訝朱鳥之穿胸激矢奔騰又憾玄龜之陡瀉匪人無傑實地靡靈司寇劉公在昔達觀之初聿建築墩之舉水法乃善賢哲輩生遺愛在民懿名斯永迨章公載葺於頃歲肆科英繼盛於今茲第功甫起而未要其成故舉其一而尚遺其二幸我使君慧月經天慈雲覆地兼愷悌神明之政騰召父杜母之聲軫逝水之一望無涯懼四境之八風未聚祇適劉公

故武宏開大士旃檀曉此北墻復圖覆簣併仍塘名之舊特崇伍相之祠白叟黃童方擬庚桑之祝而景山扶日適符蔽芾之私永護芳洲始將血惻大德不孤藉芳猷而再振至仁無象見寶相以重新淨土中特立乾坤天發其祕火宅外鼎新日月地顯其藏法屬雙峯於浮玉南高北固相輝天龍合部於聯珠東岫西巒競秀翠竹黃花色相總庇崇陰寶函金笥招提永鍾鬱茂會見三台聳列毓忠孝文武之祥從教百里迴瀾萃民社神人之渙

支華平先生集

卷二十二

六

清旦閣

烟雲出沒依依孔邇之懷水月微茫耿耿慈悲之相震旦中添一當生活佛離躔上現兩南極壽星晨鐘暮香舍福澤如阿耨海口碑頂記頌功德似須彌山展矣闔邑之儒觀奚羨叢林之勝事盡十方大衆發無上菩提指困傾囊劈頭將去寶珠璣絡信手拈來父事子趨何俟沿門持鉢法財神運俄看布地黃金檀那力大彈指頃六鯨駕出神山苾芻志誠剎那間一鷲飛來貝闕羣金湯於法界四恩與二岳而長存瞻怙恃于莊嚴佛智偕宰官

而永顯他日披風抹月霜鐘應而兩岸聞有時佩
玉鳴鑾棹歌舉而千人和立見聚沙之報休云有
漏之恩隨心喜捨盡嘉善二十區悉無貪無吝無
癡迷福果員成從萬曆念七年傳一世二世千百
世

分黃道淮議

夫孝武固雄才之主也而又丁漢中平之運竭宇
內以制河詎不能埒美禹功哉乃瓠子之決至長
歌歎戲沈璧馬以徵靈于河且窮數十年之力僅
支華平先生集卷二十二 七 清旦開
乃塞之且築宮以侈其盛河之難治如此其在今
日則資其利而又畏其害利不可棄則害不可獨
也其難且什伯于漢矣河自汴而合淮故決在汴
汴幸無決而東危汶泗北危清濟間又決而危豐
沛矣即幸旦夕無恙而又虞其絕北而厄吾漕幸
漕利矣而合淮會泗激而橫溢淮風泗以侵祖陵
縱之則陵危決之則運道危愈積愈高則徐邳之
生民危顧不甚難哉河之勢合則大分則小而河
之道寬則緩隘則急或塞之以來其流或濬之以

分其勢古今治河之策大都若此矣故謹偵視繕
隄障以待淫潦之水修洪閘時蓄洩以濟淺濫之
患開支河以多其委刷海套以沛其流築遙隄以
遏其衝勤掃捲以盪其淤當事諸臣日議之而日
修之白開新河及今迄二十年稱利矣邇者鳳泗
之間洪水返淮以虞祖陵皇上赫然震怒罪諸當
事之臣而議分黃道淮以安陵寢此格天純孝爲
根本慮至深遠也建議之初有欲亟開高堰者而
議者謂高堰地卑淮水所豬一析則淮水日東黃
支華平先生集卷二十二 八 清旦開
河乘之濁流西入淮且益病蓋黃強淮弱勢必相
陵運道祖陵並受其害矣夫淮流壅遏本于清口
河身之墊高黃河倒灌淤河日積至成關限而吁
泗之水遂侵祖陵淮流正道原在清口與黃交會
故開黃家壩以分黃開清口河以縱淮而高寶諸
河又淮泗旁洩之路故開周橋武墩以洩之而安
鳳泗而湖身平淺容納不廣則又開涇河諸處以
洩河而入海又開金灣芒稻以引河而入江而又
開淮口之沙以通全淮其歸仁石隄鬱爲陵寢屏

捍歲加修築以防河之入泗則河勢益遠而祖陵可長無事矣今分黃導淮業已底績而淮派既分傾瀉既極黃壩決口既深且迅河勢益復南徙徐呂之洪淺溢爲梗河壅成灘扒撈罔績則雖稍鑿乾沙另開小渠以濟新運亦一時權宜之術無補經常之策者況黃水汎濫勢且奔潰而四出則睢宿之間民且魚乎以今計之小浮橋汴河之故道黃水之所經也自黃壩旁決徐呂淺溢則滑小浮橋以濟運道者宜亟講也小河口睢河之故道黃支華平先生集 卷二十二 九 清江關

泗決水之所經也頃因淤塞東潰白洋黃流溢出而諸楊之間歲罹涸涸矣則疏小口以通壩塞者宜速圖也沂河口乃沂武二水入河之道也河水淤隄梗而邵宿剡城滙爲巨浸矣黃壩既分則引沂武以濟河流之淺者宜速舉也蓋護陵濟運並爲急務而分黃導淮當審幾宜事誠得已則不必殫財力于波濤之區勢誠當舉又不可弛經畫于先事之防唐謨獨斷廟議僉協奏平成之功追神禹之績行旦暮遇之耳

放生河約說

支子自丁丑後二尊見棄痛念五斗粟不獲進一匕箸怨艾如不欲生而子姓僕御每遇賤降輒治肴核進履鞭殊益劬勞之感乃假釋氏放生例歲市生魚數十尾舍之以資冥福爰就不腆爇嘗之業頗涯諸所爲放生河凡網罟敗漁鸕鷀諸械絕不得入因爲約以諭諸衆曰太古醇朴人與物友心無舛傷中古火食殺機斯發洪水懷襄奏庶鮮食魚始亂矣而人以昏墊葬魚腹者厥亦相當輓支華平先生集 卷二十二 十 清江關

近世機械日多網罟日促魚鰓鰓莫必其命而齒年機歲暴骨溝壑者蕩舟傾帆漂汨波濤者魚若陰讐之其自相魚肉殆孟軻氏所謂一間耳且雞豚犬馬人苟欲生之飼哺燂搔其于養人一旦殺而食之謂若應耳方其畜也不知其將殺已也及其殺也能不怨其罔已也況魚潛于淵非有秦養之素而百計取之欺其不知乘其不意窮之于無所往迫之以所必至自謂巧詐彌天而物類可盡獨不觀魚之在淵逐隊隨波游泳自如真性其適

一入人手跳梁躍網勢甚皇遽及扼吭絕脰剗腸
剖腹血流漂刃慘目惕心至有身入鼎鑊鱗糜沸
湯而跳躍未已者顧饒口垂涎忍心熾火煎炙鬻
醢恣行酷虐人食一七之味而魚受無量之苦其
不傷天地之性哉冤報相尋輪迴反掌徒啖口腹
永墮惡趣有人心者可不慎之

本家西河名綠漾南至鄒浜北至秋涇匯南半業
傳自父北半乃價買王氏者歲輸稅于華亭縣兩
涯業主不得侵越

支華平先生集 卷二十二 土 清江關

王洪涇橫亘至水堰浜舊皆屬我內水堰浜東五
丈許陸氏意欲有之但鷓鴣潛行水底似難分界
必不可容其諸網罟聽沿北涯半邊釣取仍不得
絕流而漁多傷物命

黃狗涇一路兩涯田上屬我者十之七但顧門吾
母族也其忍較此尺寸倘諸弟姪能捫心廣愛尤
所深願吾家諸僕不得有言

南自閤觀音橋迤北至巷後盡漾併張家浜諸水
田俱屬我不許侵越

東養民涇南自翰林公塋側北至王巷港口田屬
我者十之六水利久已歸我比因六房二姪有塘
灣數丈不便分割故割東以易西耳今稍聞塘灣
時有侵軼恐須意從初議如何如何

施家港東迤斜塘周遭三里許向令僮僕管理放
生近有強梗時復竊取須立石牌以垂永永

寧國公新塋前橫亘里許近日大房諸姪歲亦取
魚第此河窄水淺魚所不聚不若已之凡漁戶最
善盜魚十必取五其所界者仍索半價是十而去

支華平先生集 卷二十二 土 清江關

八也所損者十而所利者二倘有果報主者尸之
哲士當有決擇

右所約者特爲魚乞命耳非若世俗斤斤爭水利
者若撈泥糞田農家本務悉聽租戶自便

既約之後有不惜生命不信良言侵疆詐盜者使
無終歿于家皇天后土四鄉地主正之

奇政紀聞

屠長卿記開化令疵政謂希闊罕聞以余所親
視屠子語奚啻天淵爰爲紀之不書名者不足

名也

癸未夏大旱縣衙飭禱雨禁屠乃命典史鮑某徧索城內外所畜雞鵝羊彘悉沒入官曰此有屠具與犯居同一二日所入者不下三千盡輸內邸舍而苦無食乃料糴里僧道于齋所而罪其不至者每名罰豆餅糠穀若干初縣不至者十之七故所罰多是充食既聞縣有罰則奔而至者十九矣懼應罰者少不能給乃重不至者罪而酷斂之猶不給乃多估梁米以飼之牲益肥腩則售諸屠者而昂其值每觔必索白金二分先是令市肉每觔銀七釐曰吾鄉價固止此至是則曰豕食梁米味同美且官飼豕以啗民豈常價比耶諺云禁屠官賣肉荒年猪食粟以禱雨得贖錢以禁屠而波及養牲市肉則賤從其鄉例售則以官價贖錢入豆餅梁米而禱以糠覈奇哉令將嫁女于朝貴奩具悉風諸富室餽之顧木皮須美材一日木工承命忽持鋸斧突入先師廟庭伐其栢數十章集民夫盡舁入樸斲器具蓋建縣初植物也昔郡中靜安

支華平先生集

卷二十二

三

清日閣

寺有陳朝檜二章朱勛以綱運議伐之震雷忽轟裂其一事遂寢豈屈父之靈不若釋伽耶蓋其繩諸生甚峻箠楚縲索無異下戶而博士則慨于賄謁咸有市心竟無敢置喙者奇哉令資性極暴戾故蒞事務爲苛斂凡訟牒不問曲直兩造及諸證佐悉麗于罰或三兩六錢或一兩三錢無一人得免者比有某甲詞云原負若干兩陸續已償若干兩迨具獄陸續應罰贖錢三兩有奇某甲訴云陸續非人也令怒曰陸姓安得非人汝給我耶某甲慟哭不已乃判曰官無毀筆勒二氏共輸之邑中一銅臭子盡力以奉令令德之亦盡力以報令俄夜行經其廬扉尚未闔詫曰某生家何不閉門不虞盜乎命從者爲之扇既又以科場關節給其貲二千金金入而科竟不徵某甲憂恙病便羊矢以死知縣作門公監生便羊矢奇矣且狼貪驚悍不可方物徵稅勒耗甚重獨任無賴惡少年主之惡少務培植克以適其欲有里長周清據寔控告臬臺令不勝忿重箠三十死既聞周氏子且復告密遣

支華平先生集

卷二十二

十四

清日閣

循胥某誘之歸面與議和贈歛殯資甚具盟于星月之下詞甚卑後知其孤無侶驟執搃殺之官民議和奇和而猝殺更奇縣有大盜十二人行劫殺人既執拘以歸于官矣其渠魁逸出厚聚金寶一囊白金二百錠因循胥入之輒縱之去以無罪報會按君先廉知之勒限解鞫乃命役人充數代對按君鞫悉得其偽妄狀大怒曰吾必劾之既而有史局官以艱歸者乃令姻戚而按君故同年同館人也令厚餽餽薦卒得薦夫納賂縱大盜奇以役人代囚入對奇議劾而以貪緣得薦又奇邑有諸生某甚無賴而工漢篆一日令以刺邀往曰公善篆私印敢丐數枚某陰念令貪鄙遂用金銀造二十四方命其愛僕携之負夜以進令復移情于僕私之于書齋出而長揖以謝曰生平快事死不敢忘一邑遍傳爲笑資吁亦奇矣西塘市有葉買者以收賁質券累鉅萬賈死二子爭財大鬩令聞之密遣所私吏役齎賸絨鋼其門聲言諸家賁無問黃白綺繡米穀盡沒官二子惶懼請各輸白金三

支華平先生集

卷二十二

五

清旦閣

千見錙不足乃悉市諸貨及田宅以益之事僅得免而其家若掃矣蓋此令貪戾昏鄙淫酗諸無賴惡少年以交通進者皆稱可憐以色倖者狡儉善探伺以入京營謀倖者皆得上下其手以罔利于民故葉氏入官者僅六千金而諸奸宄所魚肉不啻倍之而事出不虞長幼惶惑市井但儉一時擾攘雖閭閻朱狗頓之家其與存者能幾何哉斯言貪狀亦甚奇矣

支華平先生集

卷二十二

六

清旦閣

逸史曰昔唐侯處以萬緡市雞卵計口分畜稍久悉斂雞而售之復以萬緡就圖市筍曰且不卽刈俟竹成斂之以市吾郡守有羅珖者市新絲破釜散諸下戶俾輸綱巾鋼鍼如所散之數而鄭鋼直檮諸邑問右幽諸獄計家賁之半勒其金必如約乃釋吾邑有陸姓者以富聞輒檮入械繫困辱之定其值五百金其二子皆太學生且其數以入鄭曰孝子視天下猶草芥而憂不得其親伯子納金如數固善奈仲子獨忍其父乎仲不得已亦具五百金乃欣然延入邸舍茶款目逆而送之視凡賓

有加以方茲令巨細幽顯悉擱載以歸者庶幾集
諸墨吏之大成乎彼開化令者椎魯瑣屑不久以
墨敗安得奇

支華平先生集卷二十二

支華平先生集卷二十二

七

清江

支華平先生集卷二十三

樵李 支大綸心易父 著

禠著

詈錢文

華平支先生曉起憑欄濯纓清沼俄見遺錢周郭
肉好文曰開通字曰元寶水蝕沙鑿色澤晶晶先
生曰太空無滓我心則夷曾是阿堵而乃來斯少
選錢形漸隱化而爲人伸臆鼓唇長揖而呻曰我
上清元君也先生弗察過而辱之敢以意宣我族
支華平先生集卷二十三 一 清旦開
恭貴我胤實蕃軒貨惟百虞品有三夏陞洪水鑄
彼歷山湯雅赤地莊山是剗離開泉府宋易緹環
文德一甲淮南青蟬夢之者侈青衣之號聚之者
擅王老之譚我爲世用與天地參先生弗察而漫
爾譖譖支先生曰汝侈其貴我嗟其穢汝炫其族
我畏其驕凡擲寧飲囊空少陵和嶠昵汝而成癩
癖蕭宏耽汝而獲愚名曾是阿堵而涸先生上清
元君曰先生之言亦已太甚恭母等我於乾坤魯
褒讚我爲通神在昔上古代爲世珍中古多營我

遂役人司馬弗綱兄兮我親逮茲叔季爲父爲君
三槐九棘儼若神明緊我寓情於醕醢條然目炫
而心傾高牙大燾氣饒熏天我托苞苴以將事立
使其願指而周旋試闢局錡崇深巖薛鳥飛不下
鼠嚙無穴我爲關節高科晨揭銓司體裁錚錚烈
烈政典昭回孤稜截鐵暮夜一投美臚如掇爰書
顯附三尺象懸我能別真鋼而繞指何方枘之不
員白簡阜囊筆底風霜揚眉吐氣如虎如狼匪我
制之孰挫其鋒兩富齊聲剖衿世講升沉倏移盟
支華平先生集 卷二十三 清旦閣

袖出携囊笑容可掬王侯貴士放諸四裔惟我低
昂惟我軒輊先生執獨行之小廉輕擅國之大權
泥豎儒之陳言昧涉世之真詮何見之偏何量之
懷支先生曰汝謂通神我謂戎首舉世混淆誰執
其咎風靡景從莫可誨諭吾將手箕泉醜告諸上
帝俾麗水不波黃頰永閑委赤子于劫塵殫飛屑
于翦翠大返飢食飽棄之淳風永無藉于若輩行
見貪夫袖手守虜消魂達人曠視介士還真目分
蒼素鼻剔齷齪薰汝亦安能于帝者之命而民民焚
焚以禍斯民上清元君乃拍掌掀髯而笑曰有是
哉先生之迂也上帝有命畀以國柄六宗效靈山
川助順先生建議及我卽有舌如蘇張慧如汲鄭
且重趺而不前膠口而其騁也先生且休矣我視
先生良用爲惡蹢躅涼涼其何能淑靈魚是侶鳥
跡是復手之所握三寸枯竹口之所咀千古糟粕
以若所爲而企我之較殆沉淪而索鹿也去我方
遠奚我之謫先生驟然曰人有真宰士敦雅蒞汝
聚耶匪予之欣汝散耶奚繇而懷如汝所陳皇皇

而求利者奚啻夸父之逐日剖腹而珍藏俄遽大盜發篋擔囊或祖惡子飲博淫荒或水溺而火燔或執法而飛殃紛五家以共耗亶多藏而厚亡蓋貪取者有掠剩之使踰分者遇剪幅之吏此尼父所爲歎息乎執鞭而炯戒于歆器我性甚拙我術甚劣不滿而撲左挹右泄分定故也我心自慊在昔少年尚不汝須今雖澆鏹鉞銑麟趾裴蹄北斗齊高邵塢均精先生老矣無所用之上清元君乃促卸附耳直吐底裏曰毋謂既老百營都息方有

支華平先生集

卷二十三

四

清旦閣

驚冠裳今質枯骨昔亂朝常今迷草澤力竟微于重泉勢直傾于冥極我神一至于斯而先生敢于擯斥支先生曰詩云我躬不閱皇恤我後今吾之生也尚以形骸爲委寓芬麗爲桔桎甘貧賤以如飴撫煙霞而嚙嚙矧伊身後又焉知天地之盈虛陰陽之消息誰毀誰譽何伸何屈上清元君締聞太息遂巡辟易俛而沉思爽然自失口有是哉先生之迂也而終不我易

太清上清互語

支華平先生集

卷二十三

五

清旦閣

華平支先生棲蓮玄圃葆真抱一放言長嘯聊以永日越維白藏長空一碧瓶酒既罄落英空挹悵紅雲而遐睎挾仙真以爲徒吸沆瀣以滌煩時翫辭而浩歌懷如芝之遺叟吊採薇之餓夫歎河清之難俟知用薄而才疎俄有一叟玄冠章甫執簡而進曰余太清內史也上帝有命鑒任下方綜覈臧否以翕災祥少選一吏縞衣黃裳自稱上清元君告于內史曰曩謁先生先生弗察過而辱之我心忤忤適茲以耳目所逮爲先生質將無徵乎夫

理以貞勝物無定情事緣人異聖有獨醒清者以
貧而見擯穢者以賤而獲名恣窮奇之腹逞鴟鵂
之聲較豐約于筆削塗視聽于溜澠惟賈斯賈匪
利弗成金之妙用誰謂無靈內史儒手而戲曰何
哉是烏足爲先生書哉且而將彼之鼓乎抑激而
悲乎鷲音似鳳人弗之瑞蛻九類珠人唾其穢象
典卒麗于驪粵尼父奚損于距毀自昔有言孟稽
其類貪夫曲筆覆用爲甚且上世之金出爲世濟
今乃辱于讒佞之手猥藉舞文之賄若亦良苦而
支華平先生集卷二十三 六 清旦閣

纏腰而潛道窮鄉揀大錢以規劉藐四知以嗤揚
股贖鏹于肺石括膾羨于輪將脂流柔遠之節血
沁素絲之囊白骨霜凝于草澤冤魂霧滃于堂皇
惟珍奇之可居奚民口之可防黃白共星斗燦爛
玄纁與日月輝煌迨嚴譴中降鍛羽歸東撰妖捏
怪以訛愚蒙鼻冷隕涕齒齧風霜髯設墨禿髮
飄蓬僂躬便跪低項常拱奔舫四出逐影追風搖
屑鼓舌駕虛搏空憑陵版籍以捐公賦關喋紳絢
取事于中撓訟牘以撓曲直詐官箴以亂雌雄或
支華平先生集卷二十三 七 清旦閣

可爲先生齒乎上清元君曰園府昉闢吾職甫振
流風寢澌瑣瑣曷論惟彼冠裳辱我尤甚楚楚青
衿銳首銛錐隱現公署額瞬耳視仰鼻伺息媚肩
窺眉依桃李以借顏色執鉛槧以潤苞苴或納交
于陳牒或固寵于勒碑得塊則爭鬪蓉則馳津津
赤臭逐逐纖微洎鬻科于關節而濫竿甲第倚資
于勢閥而竊庇高飛詭遇旣獲牙距鳴張宣雄威
于豸斧侈謫誕于鯨洋輪欵權門而心披醢醢獻
勤闕寺而志沒筐箱百鎰媚竈而倖追指摘十萬

目哆口顏厚于甲耳若充而唾罵不聞心若痞而
日彼謀聚我厥術孔儵巧發奇中遇我殊艱夫昧
率而充其腋也豈性相曜耶且固術也上清元君
曰彼謀聚我厥術孔儵巧發奇中遇我殊艱夫昧

町畦盡決命曰鮮耻玄鏡其胸黃獲其齒不顧懿
戚皇恤朋侶盡捐恩故室家遺復命曰不仁外名
教下土直損節操于埃垓欺君賣友情涼訖絕命
曰不義足恭曲謹踉蹌跌宕手探爪攫罔知辭讓
命曰無禮滑稽突梯橫行倒施但得則是焉知其
非命曰不智面唯背橋口順心違由盟布諾鳥飛
音遺命曰不信身穿徑實計緩于報私樓白攘甘
冒度劉命曰無忌憚若乃重緘多筭濬發巧心思
風騰迅言泉涌翁網無遠而不滿意無微而不偵
支華平先生集 卷二十三 八 清旦閣

于一瞬捐腕于眉睫之近而駕言于千里強詆其
賤以微惠于貴倖結于富而抑其所忌如狼之狼
如蝮之螫如狐之媚如虎之噬如蠱之瘕入腹而
化如蠅之伏穴人腸疾如蠶之毒蝕人骨髓如瘵
之刃食復傳變如蠱之針目不及噴如鷹之距一
爪而颺如狸之忌遘耦則憚如輪扁運斤而斲聖
公孫越節而投袂取之如掇發罔不利祕械深機
鬼神莫知而吾安所私哉內史曰嘻員願方趾是
之曰人人理弗存乃獸乃禽機深械祕如鬼如魘
支華平先生集 卷二十三 九 清旦閣

練世態之紆回出奇畫以縈紉隨機鋒之條至旋
銳穎而應之或將取而故與或取彼而拒茲或陽
爲人謀而陰擅其貲或厚有所冀而薄示以辭或
揣其所甚欲而投其宵索或要其所急而故迂其
期或竭智殫力令人我睚如鳥纓罽或標高揭幽
令人我求如魚銜鉤傾忱忠告令人可復質子出
妻令人弗疑訣生矢死令人可恃訴危陳寃令人
我憐或言拙而寓巧或襲故而彌新追往則逝者
如存徵來則虛影可捫養交于數載之前而取償

視先生匪抗匪矯淵深綆縮左牽右撓與子錯迕
若有謬巧豈子之狡耶將數之渺上清元君曰吾
于先生匪獨數奇臭味神情亦復乖違予質甚貴
人以爲命先生強項冷顏弗求弗競來若塵凝去
若冰瑩是吾貴而先生賤之也吾體甚重人所甚
齧萬有一拍痛于鑿骨既捐復戀殊死可易先生

慷慨激烈輕投妄擲搜匭則一文靡餘仗義則萬鍾弗惜是吾重而先生輕之也吾質好完數符大衍暨諸百需如鈇如鈇吾見先生入手卽殘僅購一星釐磔毫錢倘饒一斤銖越錙燕是吾完而先生碎之也吾性好靜遂簪扇鋪先生旋入旋出褚不得息所入者一而出者倍溢或未入其一而擬出者十是吾靜而先生擾之也吾性好偶多藏不壞先生之家敝篋無蓋竹素鄰鄰蠹魚蒙蓋求我其朋了無一介是吾合而先生析之也旣違所好支華平先生集卷二十三 十一 清日閣

亦復何賴吾儕相戒弗入其界久矣矧茲詈我誰不自外乎內史曰先生弗狎于子子亦弗比于先生乃彼其之子獨決性命身鬼魅而求若也何爲也哉上清元君曰吾用甚鉅吾用甚美得我者沃壤應田跨都連邑危蹇峻宇總樞靡碍姦容曼睟哀盤颺菁麗服翳衿珠幃瓊珍蔕蔕和醞靈勺膳羹炮羔豚猩騰飛騰鱗夜光照乘璇瑋瑤育獲侍衛宦寺司關趨趨捷捷林植雲屯以燕翼子以裕後昆或獻試闢以授科名或締新貴以買良姻

或媚政府以微要津或援貨例以列纓簪或覲司平以飢重輕歲封世殖憑眸雲仍多多益善久久益訥內史曰惡讎哉言乎瑤臺菲犬總之容膝荆婦嬌娃總之空室哀敝鶉結總之蔽形珍饌藜藿總之養生暴富而侈汰貧窶而飢寒修短歸化過續推遷有珠襦瑄匣而厭螻蟻有衣薪中野而飼烏焉逝者有知亦何憚而何怕惟此方寸炯然太虛方寸旣撥名安所尸五侯駸滅七貴宗夷鄧通碎莽董卓然臍理涸沈而好還惡無積而弗摧誰能預擬百世之規播彌天之氣儼忘卒世之愆尤騁僥慧以蓋人忽蒼昊之降訖吾嗤彼之拙于爲謀頃聞先生擬奏上帝亟返淳樸放犀象投珠玢抵壁于山散金于谷翡翠不裂瑋瑋不蕪追三皇之遐躅狹姬妣之趨越上帝賜僉獨彼脂黷爾能爲世酷乎上清元君曰皇穹鑄物曰富與貴以富易貴其軸弗戾皇王在御曰利與名以利易名其佑斯平先生僕僕斗室之中惻惻草瓢之奉而妄議去金殆未諳經濟之用也夫官府服御禮樂遂

巡官師資贍征伐胥儲以建城闕以固邊陲匪金弗聚匪金易資內史曰天之五星金無餘曜產金之山草木不生天地且不能多金而矧伊人先生之議惠可底行匡時救敝俾然有經官有常秩咸給以田食租衣租弗擾元元軍儲官府咸輸布粟營棚棟宇隨山川木工備像廩既富方穀以力程食奚虞不足夫金之質堅而固故可久貯簡而貴故便遠携布粟材木連山積庾安能越萬里而橐裝百百世而不毀也懲貪之道計無出此上清元支華平先生集卷二十三 三 清旦閣

君曰行先生之道民日貧國日匱而貪且愈熾耳五材並用于母相權繩繩灌輸民用始全五金既捐通易何因外拆中乾利源必堙而謂金可携而藏也布帛不可連車而穀粟不可方舟乎萬斛之艦滇蜀可跋舂艘蔽川海外如寄白碎之紙錢砥之視黑貂紫參利兵堅紆不脛而至動以千萬稠載婦來纍纍若弗奚虞于跋跣奚畏于漫漶且惡食而去金將滅婦以禁淫乎內史曰允若所言金終不可捐而貪終不可悛乎吾聞西方聖人其教

不盜戒律精嚴貪風可掃上清元君曰南瞻勝心金身晦現藉梵刹以漁財耀幡幢以獵羨譚空而臺散雨花弘願而坐糜千擔孰識勝果福田奚畏山刀樹劒殆勸勤之衣鉢豈瞿曇之邊見內史曰然則猶龍翁乎詔以清淨悟以玄同恬虛守中弗染貪風上清元君曰乘緋舞霍托李駟麋取與黑白鬱爲深機鎖銀鑰而募三元者竟歸烏有毀青龍而塞珍珠者各便已私方且矯誣旌陽之技而竊效點鐵之奇瑤編璇詒殆麓斷之筌蹄內史曰支華平先生集卷二十三 三 清旦閣

然則儒者之道乎仁規義模舜步堯趨不伎不求孔訓廓如以是懲貪殆其庶而上清元君曰皇湮帝軼王頌霸蹟回憲云徂求賜接跡風蕩瀾狂莫可致詰竊吹沫泗者談千駟而垂涎濫觴鄒嶧者聞兼金而動色董易書則焚公據以啓倖門參邊陲則招征戍以爲庭實藉口課業而交關木天揚稱理學而侵帑郡邑方且傳六藝以文奸護黃舌以駭實伊洛攢眉關閩屏息皇皇達奉塞于秦秦碩果坐萎于蠹賊內史乃按簡扞衡厲聲而叱曰三

教盡數元慙其棘昭代有憲抽腸囊革洗刷之刑
貪夫辟易以是又之疇敢不迺上清元君曰貪夫
之術既深且黠其有據按之無迹利祈秋毫而
證以皎日瘡徹重泉而謬如金石俾身嬰其毒者
口弗能宣目睹其奸者手莫敢扶而彼方脉脉然
自以爲得且彈盜之法惜于秋荼劍血未磨盜者
如麻矧彼體被五章之服手挾不刃之刀據通閭
而嘯聚喧白晝以包休有事者投淚以獻賕而僅
謂以一言之譽無辜者紙糠以及米而恩籠于三
支華平先生集卷二十三 古 清日閣

尺之條俾皇祖邁之亦必誤中其窾夙而莫測其
誦愧內史曰彼奸遂至斯乎余奉命罰惡其敢有
佚汝第速去母久于彼室以自焚溺上清元君曰
天運如環數窮則復罰惡有貫貫盈則侈彼惡若
斯不我能蓄秀邑狂且擅叨志乘黷貨塗人天勦
厥命妻朕妾執嗣絕家罄彼蚩蚩者天且旋定而
謂皇皇上帝可以術勝乎內史頌然曰以若所陳
較若畫一奈茲最土時有夷志恣恣惟盜跖亦越驩
兜貪淫險詐驚悍寡儔貴饒名茂益驚且適尚稽

斧鉞亂我皇猷養奸誨貪惟爾之尤上清元君曰
吾曷故哉元數昆侖奇偶糾紛惟帝降衷淑淑
濟福善禍淫與數屈伸億惡之篤或厚其毒附奸
以翼或益其疾彌強啓詰或奪其鑑投戈助逆或
僞其魄彼稔惡既久而光景綿延乃肆誕終身而
更益以精良由值數偶羸惡貫僅盈故衍其年以
畢其數畀之貲以盈其生日吾所睹握筭之胥皓
首飄絲培克至死迄無子遺檢夫儼子衣輕策肥
侈辟恣睢而修葬路隅盜跖匪壽驩兜匪倖天綱
支華平先生集卷二十三 古 清日閣

不漏聲紗響應內史曰旨哉天道無心而善惡惟
人天道無爲而禍福惟人彼臥積薪而未然狙豕
肯以爲真忽火熱而巢傾謂天地之不仁借以質
于先生先生不答歌曰白雲霏霏木葉稀朝旭未
升露沾衣三皇世邈吾安與歸遂抗手而別

劇質肆文 丁酉夏作時邑
中正試儒童

江以南奸富以坐賈設肆質諸物而入其息支先
生日此不容於堯舜之世者頃遊江之右通都大
闢百貨走集而質肆屏跡孰是江左而啓斯靈寶

以股民膏也。叟曰：貧富惡乎？齊藉質以時緩急而濟其乏匱，無亦可乎？支先生曰：若叟所云是，租尺寸之利而未睹埏埴之害也。質氏之法，估用半值，限以歲計，利以月程，程足則沒而售之，累月則于浮于母諸凡耗弊，姑置弗論。吾引經而斷之，其弊五日誨盜，曰誨淫，曰導奢，曰擅國，曰罔民，而援律以讞之，厥罪惟六。曰違禁，曰窩贓，曰匿稅，曰詐欺，曰侵糧，曰引誘。夫大盜禦人而奪其貨，非盡白金錢布也。黃金珠璣，黼黻玄黃，固錯落而置諸囊矣。黃金珠璣，非齊民所恒有，而黼黻玄黃，制不得畜于私家，故其勢不得售，售則遷者且物色而陰刺之。惟舉而投諸質氏，若以石投海矣。質氏亦心知其盜也，而以詭稱之，百不酬一貨，既入肆，滅其籍，盜焚其券，茫無可跡，而奇錦珍璫，不煩諧價而俛得矣。窩藏之家，未其有若質氏之神者。質者貪厚利而窩益固，盜者恃三窟而益勸不休，捕者偵伺而無影亡者，偃偃而靡所指。故質者盜者，競相誨以釀大慙也。江右以彭蠡爲大盜淵藪，而尤淵藪。

支華平先生集

卷二十三

六

清江關

于質家臺使者，懸厲禁以勸，誌之盜始戢。稽事初登穀，價方賤，質者罔之，復折以賤價之半入，以違式之量罷民。玩法而嗜財，則盡畝所入而投諸質家，質充于困，農初于囊而業主徵租，則租絀里正徵賦，則賦絀督責煩而逋負積，是擅國以自封而侵其賦也。三誇言罔民，謂居積爲奇貨，于是有旋糴以互市者，有稱貸以厚積者，久之而價踊也，則彼且挾其踊以要我，而利日昂久之而價日賤，則益乘其賤以困我，而折益多折之，而本亦不酬，則遂捐其本而莫之省憂矣。若價值稍平，則鼠竊其贏，量沒其餘，金色有參差，衡準有低昂，計糴所入僅足以當原質之息，卒至徒手勞攘，不沾賸液而質者坐收其全利耳。凡物受質，信口雌黃，以五金質者十得其五，文綺十質其三，什器十質其一，而其衡綦輕，其色綦襍，及其復也，則責其純而重其衡，日夜所息不旋踵，而母不酬子，卽有復者，其與幾何而潛剝其豔，竊剪其零，奇珍異璫，陰易以贗，耗蠹百端，紛莫可理，是詐欺其私而果于違禁也。

支華平先生集

卷二十三

七

清江關

若敗家之子重挾輕投惟恐不授而質氏意其可
罔率意輕估十不得一白金入手其情益縱淫醜
飲博惟其所逞益晨入而夕罄矣倘無是肆卽人
雖甚不肖而重器豐贄倖難卽售市屢質還商允
未寧或格于勢或校于悔未必不返故府也故一
投輒盡引誘良家之子而勸之淫者質也若任俠
尚氣磊落好施亦多苦于不豐間以入質豪興益
劇角觥招搖窮水陸而炫華鮮矣無質則無資無
資而奢可無縱矣故導奢而立盡者質氏也叟曰
支華平先生集 卷二十三 太 清旦閣
冗費驕淫則信可革矣今茲徵科如火敲朴如雷
杼弗及機穀弗及春而安能俟百貨之平價乎匪
質曷濟匪質曷輸支先生曰錢穀力征國有定限
矣惟司牧者用一緩二而以時紉伸通融于十二
月之間而各盡其耕穫經營紡織雞豚之力一月
所入必可輸一月之供宜無不給卽比年鄰邑有
以月計者民不擾而賦畢完此其班班共睹者也
必藉質以輸賦則江右獨無賦乎胡不質而迄無
逋也若無藝而暴征非時而併擾纂嚴于累歲之

積逋而致期于一日卽民且質田宅質妻子脫烈
饑而走胡粵耳奚質肆之足輪故質者乘人之急
而罔其貲誇張其富以恐貧民刮刀錐之末而剝
民之脂佯示人以輕利而積漸以至無筭不追不
索以愚誘人俾忘其質而淪其期以沒其貲白金
便於流通卽良民不免妄用及其規復雖甚克家
者多徯于便苦于難而易以遷延遷延未幾而歲
限告足矣況逐末之罰關市是權而質不入稅所
匪尤夥質者具是罪叢是弊以肥其家致天之罰
支華平先生集 卷二十三 十九 清旦閣
不于其身必于其子孫叟曰先生知天道未知人
事今茲令尹試士質家之最者哀然居首而以次
如列眉以錦綺入者錦綺其標題以金瑤入者金
寶其品目迨其入校亦未有能先之者然則子孫
之罰或者有佚乎支先生曰是天道也質者以非
義倍入而倍出於墨吏之橐捐利以市名括刀錐
而實簠簋造物者且拍掌而笑矣乃借皇家之名
而陰餌利以遺子孫其能終爲子孫利乎叟曰夫
子之言不獨驗人事亦可以信天道

支華平先生集卷二十四

構李 支大綸心易父 著

禠著

九發

支子躬耕玩世隱曜含華樂而忘老文學過從謂
支子能輕勢也支子曰勢固未易輕輕勢亦未易
也天下勢而已矣粵自綦綯騁足于紫陌紅巾橫
發于綠林衿常挾藝而競售寔于操瓢而乞羨車
徒馬圍較織罇于錙銖歧行蟠息角羽股于丘垤
支華平先生集 卷二十四 清旦閣
雕題漆齒賈勇而躍梁魍魎魍魎蹻蹻而示崇巨
穹壤間靡不以勢矣夫巨石之在平地塊然頑礪
耳及絕之高山之嶺而下之則破廬舍而碎牛羊
砮鏃徑寸而發機于千鈞之弩則穿札而洞胸勢
之方來如轟斯雷勢之既去如水斯逝勢之所噬
不翼而飛勢之所吹不寒而慄勢之所乘山岳可
陵勢之所攝江河可竭伏險而叱勇者必絀憑高
而擊智者必怵故陽虎柄魯而宣尼乃遁于桓魋
子輿宿晝而王驪長貴于齊賈生曳長沙之裾而

鄧通乃擅銅山田蚡極田園之饒而仲舒終老江
都韓蘇文絕百代卒困于讒而逢古惇卞以顯李
杜詩追風雅迄羅擯斥而安史鵬張得所憑則鼠
變爲虎失所恃則鳳衰于梟勢利之于人甚矣哉
天澤定分堂構相承姑無眇論乃若鵲鴝聲斷變
故萌生寢生得據而共段出奔瀛館謀深而建成
蹀血陳思其豆之詠春華竟萎晉郎斧聲之醜金
匱徒盟擲火者忌其重名射牛者詫爲異事旣愧
分荆之說祇慙尺布之謠越惟同庖亦稱怨耦妻
支華平先生集 卷二十四 清旦閣
乘夫而赤鳳來歌夫軋妻而黃金賦驚鏡改顏
而珠翠無色屢屢追昔而沆瀣何能五十歲富貴
可埃睠然去之天壤間乃有王郎啜其泣矣洎抹
涕者素薄之崔員還樞者落托之杜倩創履傾筐
絕憐郗氏檳榔消食勿訝劉生風塵乍困物奚藉
于七駝旄節代任幸未填于溝壑何莫山斯勢也
矧彼友人尤同市道匪勢易聚匪勢易資白犬丹
雞空矢盟于車笠紵衣縞帶敢希蹤于僑札策馬
天衢悵相逢之莫識金閨通籍嗟對面之雲泥張

陳終凶蕭朱末際其甚者接席齊驅而意量冷暖
同閭等貴而謬別雌黃事方倚重殆褻膽而抽腸
志既獨伸遂獸奔而鳥舉證會參以殺人而快其
投杼落良朋于胥井而更爲下石由今以譚殆蜴
虺之同穴奚閭閻之足倫甚乎哉勢之移人乎如
之何其能輕之也勢者人爲之也故時重而時輕
道者我爲之也故無輕而無重勢輕則人爭輕之
而我重我能居無重而亦輕其所輕則勢輕勢重
則人爭重之而我亦重我能毋爲輕而益重吾所
支華平先生集卷二十四 三 清旦閣

輕則勢輕輕勢而弗重則彼且挾所重以輕我
而彼益重輕勢而我弗輕則彼亦乘所重以輕我
而我益輕在勢者不厭重而重爲輕根輕勢者不
厭輕而輕爲重君故知重重毋輕輕斯可以輕勢
矣
文學曰先生謂勢弗可輕乎宣尼之浮雲子與之
棖題謂何支子曰知以無涯傷性心以嗜好蕩真
輕勢則神無累輕利則知不昏顧不貴輕哉雲淨
天空萬籟一碧浮雲晻靄白日晦冥宣尼之喻蓋

恩掃清之弗迅而靈局之終蔽也棖題車乘母乃
太豎乎不有敝屣者乎屣猶附體如距斯脫厥足
用傷是尚爲能脫然乎其唯老子乎其言曰及吾
無身吾有何患語無身則輕之至矣

文學曰吾非謂勢可卒去而利可盡捐也惡爲勢
者之競進而欲利無厭也支子曰子不見蜣螂之
弄丸乎獲糞穢而服諸膺精與注而神與凝丸成
而楞然亡身也又不見螭輸之務進乎緣壁而上
濡涎冥升涎枯殼堅質朽而腐其進也弗虞其退
支華平先生集卷二十四 四 清旦閣
也其枯也實兆于升也驚勢者爭前而罔顧後怙
勢者足已而不見人罔利者覬盈而不知敗綠蔓
而升者踰伏之盜也詭營而入者索彪之奸也凝
點而守者李赤之溺也非分而據者愷醒之妖也
役慧多營舐脂充腹峻稜震電賊愚誑懷伎以
蔽賢合懟而射影偶散以巧聚昵應以誨奸礪齒
牙樹肢頰拮脣吻聳尻雕遇祖考而醅醕其狀對
妻孥而乳虎其聲居鄉井而侏僂其語其進彌銳
其枯彌亟其九念實其身愈朽擢筋肋以蓋人人

弗與也憑靈爽以從欲神弗福也丘訴曰明府所以尊寵人者極于功曹所以榮貴人者已于孝廉一極一已皆訴所不屑也然則無扶風之勢無功曹之尊無孝廉之榮而鼓氣餒以加人者亦可以少戢矣君子誠覽氣序之推移鑒榮謝之大較鴻漸之羽遠跡羊豕之間風覽之輝獨翔千仞之上飛螻法之龍蛇進退等之蟬蛻道以持勢則見道不見勢而勢輕勢輕而勢載于道而終無輕斯深于勢者也

支華平先生集

卷二十四

五

清旦閣

文學曰務勢者吾不暇尤已獨尤夫附翼鼓煽之者耳支子曰人聞長安之樂者向西壩而長笑知肉味之美者過屠門而大嚼西壩非長安而肉未染指也意溺于好而神徂焉戔之企明而啞也其音喁喁其翅芄芄竊炎光以爲榮玄駒赴羶青蠅集腐赤蚩吮血魄僵魂越腎弗畏死矧彼宵人柔情恩貌山陰瀾狂祕其跡籠人以術彈其智啖人以嗜縈縈縈于涕洟示惻惻于顰笑綴恩于葭草締義于鴻鴈稱美宅以成居獻良田以逢惡困積

粟薪以俟其需烹鼈鱸鯉以適其口而又多其僨伺巧其將迎醴鮮以厭其左右淫巧以結其細君意之所向則梯霄涉泉旨之所嫉則裂膚抵瘠令鋼腸脩易而繞指令頰頓轉而煥咻崇步闕視者見之而解頤耽榮酣利者遂沈湎而濡首矣蓋勢者重附勢者亦重兩相重而互爲吝嗇以憑陵百物則勢者病勢者輕附勢者亦重彼且飾輕以市重而逞其欲則勢者亦病附勢者重附附者亦重遞相附則遞相重而遞逞其欲則勢者尤病重之

支華平先生集

卷二十四

六

清旦閣

文學曰今之勢者謬自居重視附者不啻螻蟻吾見破產以附勢者矣未見勢者之利人也彼附者亦奚利焉而殫財力以趨之也支子曰長安有執蓋者日適貴人而庇之耳相摩肩相接也俄而貴

人怒鞭而逐之歸而誇于妻孥論于嫗黨其媿媿
貴人由是也貴人死骨且朽而媿媿由是也貴主
宴賓佐饗者歟餘腥而鼻削之有餘醋焉而屬佐
饗之垣者聞其豆登悉其羹蔽而耳食之又充然
飽也而以號于人人道聽者強記其豆登羹蔽之
目而口涎喉嚨若陟降貴主之席而屬厭焉民有
耕于斥澤者夜見青燐光如炬大如車謂其地有
藏金且不貲歸率其婦子而掘之掘且及泉而不
得金且掘且視芒芒然憊且病死甘之矣今之附
支華平先生集 卷二十四 七 清旦閣

勢者其媿媿則執益也其厭飽則貴主之餘馨也
其卒無所利則耕者之惑于燐矣烏乎利烏乎非
利
文學曰勢衰利盡委而棄之若遺跡焉是可忍也
支子曰文學何見事之晚也春芳卉非捷末紛飛
露葉霜藏纖豸靡遺賽社祭墻乞者累累徹餒
歸鳥集猿啼曾是逐臭之兒而可與語歲寒之說
乎卽吾所睹厭有貴士惟官惟貨射利假門借聲
傍戶一朝天絕覆加讒妬亦有富兒倒囊捐助絲

義連姻萬死莫負金盡身榮情如朝露翟雀盈虛
田館聚散從古以然于今爲甚

文學曰勢弗可恒疇其傾之交弗可久疇其渙之
支子曰登屢樓者不決辰而陡滅旣彩雲者不交
驥而倏散今夫火餒餒而炎炎而燎原終于木盡
而消烟今夫水涓涓而漸漸而滔天終一決而涸
其源歟無常偶亦無常奇物無終大亦無終細中
曼屢移盈虧交禮青陽素霰景曜潛易若木崦嵫
曦影對峙故今曩異遘日暮易位有少亨而晚否
支華平先生集 卷二十四 八 清旦閣

有考盛而喬衰有陽回于燕谷有返咎于曾戈勢
以久而後定德必熟而後興呂牙入褒而鼓刀以
升伊摯七十二說而爲商倚平孫刖足而擒麗雖
折脇而侯于羸至若金谷丘墟鄧鳩凌夷蘇章僞
屋轉眼自雅丁冠鯨波接踵追隨低昂互持疇測
其倪

文學曰允若茲則勢亦奚足恃而亦奚足附哉支
子曰昔有宿于逆旅者夢遊鈞天爵以上公棟宇
連雲黃白璫珠二八韶齒翔雲迴風綺繡霞裾迺

進擬躬麟脯鳳凰入口未訖豎子擊鐃一震而覺
旅人大悅設謂真境而謀復之遂豎獨寢蒙被索
夢神動心疲爲魔所憑覆見魔魅困莫與呼遂以
魔殂楚有達人由于雲澤風烈雨注儕侶皆思達
人曰毋畏姑徐徐焉有飄風驟雨而終朝不止者
乎須臾開霽安步而歸時有樵夫倚樹自蔽大風
拔木迄以身斃勢去而更怙之見勢而強附之者
其若人之儔乎夫勢奚足怙也其重也夫孰與輕
彼復炫其重故重極而不得不輕其輕也不期輕
支華平先生集 卷二十四 九 清日閣

而自輕乃強拂輕以徵重而愈輕人方疾其重而
更爲重違世而重其重乃輕人爭快其輕而會于
輕衆所共輕其勢乃輕颺發霧滃獵金石而攘田
宅者宛若蝶夢之紛馳喑啞叱咤軋朋侶而凌先
進者已中達人之朗識倘能割歆席而墨守挺紅
塵而嶽立雖未獲重亦莫我輕
文學曰今之勢者且環四海以爲鑪萃萬彙以爲
冶欲火燭天虐焰灼人卽達人近之其可嚮邇支
子曰今之伶優登場而角觝也有朱衣象簡巽然

而鵠立者有介冑執戈呼號擊賊猛捷賈勇者諸
優肅然聽命順指而駿走靡敢抵牾卽鑪冶灼焰
之勢安不過是洎酒罷曲終屏然故優也嬰之旣
孩也羅珠璧金瑤以爲辟盤而娛之孩者盤辟遠
弄過目而化了無歆羨無係吝者其天全也以赤
子之心視利而觀勢于伶安往而不達哉

文學曰茲欲使勢無我輕無人輕而人卒莫之輕
奚術而可支子曰欲人無輕我毋輕人欲我無輕
毋若輕輕東鄰殺牛鼓鐘鎡鎡西鄰惡之蕩而之
支華平先生集 卷二十四 十 清日閣

洛陽之市簫鼓如雷酒如澠肉如林人莫之惡者
不我以也故虛舟者化福之方深藏者良賈之術
忌生于昵怨深于恩無貴則賤者不妬無富則貧
者不爭無輕勢無輕輕則莫之輕矣吾嘗登清廟
之上門扉之所歷靡弗訶也堂廉之所涉靡弗闕
也肩輿而遊華山之麓其訶訶而訕訕哉而意之
所寓有未適者目之所矚有未周者肩于人也舍
車而縱步以陟其顛肝衡四眦靡所弗愜矣嘗獲
百錢授豎子守而時出之不能無生得失手便而

汲于井愈汲而愈新勢者人爲之也末有不輕者也故不嘶于人我者不可以持勢不詣于虛冲者不可以輕勢恬其性喪其形斂之不縮放之不盈人皆彼趨我以委蛇人皆攘攘我乃熙熙躋榮握要吾安吾故山裂川湍吾率吾素其蹤熏天下而心寒于水其背敵斗而視如遺矢人而我重如龍興而雲從人或我輕若反舌之無聲昔人云不復知有我安知物爲貴

文學曰先生之言勢也綜天道核物情焯焯辨乎其幾可尚矣顧吾身儼然莫之寬也先生盍爲我振之支子曰宋有玄旻氏者駢脇猿臂挈千鈞之

鼎而馳百里猶赫蹏也俄而宋王亡其鼎遂大疑玄旻氏將窮其廬而索之恚且誣曰獲盜且縣諸革囊而射磔之以徇玄旻氏大窘叩無始丈人而問計焉無始丈人曰宋之郛鼎亡矣所盜者贗鼎耳其欺識弗經其質理惡是治人之敗鐵滓也盜者過而攫之吾有鼎書焉軒轅氏之所著也予以縣諸國門宋鼎且出書既縣盜者竊睨而歸以質

諸宋鼎無當也相與謀曰是敗鐵滓也而藏之奚利焉且大獲戾遂昇而棄諸秦厲之壇宋王獲之以質諸書無當也亟銷之文學曰命之矣吾徒讀鼎書而輕挈鼎耳吾無盜鼎

清旦閣壁揭

綠溪之澣脩筠什伯竿倚筠際築層屋一高廣二十尺深半之周遭環以庋貯書萬卷經典子史詞賦釋老九流之書籤誌而類編中設書幌下置筆公金星硯廷珪墨左爲禪榻如室之長榻側樹劍入華平先生集卷二十四 十一 清旦閣

懸琴其端主人不識譜時以意撫之則和風冷然檻間置燈一酒磬一皮際設博山爐薦沉水香牖離闔尺有咫衡一几布席其中右小室方二尺設蒲團屏鑿一竅常透室遊便輒啓書觀之倦則擊石浩歌則倚牖觀雲物則據蒲團屏息收視跌坐觀無竅天日啜蔬食一盂苦茗一瓢不宴賓不輒食肉篋貯布裘葛各一具時至卽衣之率十餘載一易體甚適性倦遊不耐造請不吊慶不喜俗人文俗人至卽奉身據几寐必去乃起間有素心

人卽徹日夜談笑不厭也時時徜徉脩筠中時從筠中觀綠溪悠然若將終身焉其曰清旦一則釣天之景華平子妄自標之耳

山居六戒

不入公門

入公門惹嫌疑進退趨陪有是非卑諂徒然喪廉恥激亢尤懼履危機中世人情苦難測深居簡出乃其宜

不囑公事

人華平先生集卷二十四

十三

清江閣

公事討面皮損陰德喪廉隅求財爲一身飽暖之外奚以爲求財爲妻妾妻妾多財淫且靡求財爲子孫子孫多財驕且癡何如清苦安吾分無求無辱樂有餘

不收人

歲荒艱食人競至歲豐米賤心還變假名生事禍如麻游手好閒居大半何如舊僕愚且善農圃之中堪作伴

不放債

應急奉世情取索恩成怨舉母覓子錢取索生他變餌利官有禁掟放俗有諺人情最無端貧閒殊可羨

不買田

買田取租利什一年荒賦重兼培剋冊籍田多官灼眼隱禍重役尤難測入口所需能幾何奈何役役貪阡陌

不買屋

買屋爲安居容膝之外皆長物買屋爲取租市囂支華平先生集卷二十四
變許多強催盜賣重典事百端夫征傾損兼逃失閉門靜守安樂窩高明之家鬼瞰室

右山居六戒誓心刻骨行無越思矣但市囂習詐猾奴貪癡機械萬端最易迷復有忿而驟激之者有順而漸入之者有曲譽其美而歆之者有微委之利以餌之者有先嘗其好而中之者有偶乘其使而掇之者有爲不得不從之術以危言動之者有爲不可不從之情以甘言款之者有爲無害有利之說以罔之者有爲仗義執言之舉以誘之者

有陰與外奸合謀引入面議從旁睥睨佯若不知者久處館穀靜閱東家素稱歷練往往墮其術中迨事勢周章倉皇拯救如觸藩之羊進退維谷彼宵人者復從中制之坐收蚌鷸之利且洋洋如不預謀者然蓋其進說之時見其術且行主人心熱輒畫可否利害什一相權若曰事勢固然第主人才畧自足辨此無害主人好高尚氣役于利而牽于情遂揖首搏志以身肩之比事之不偶彼且抵掌曰襲固已策其利害矣主人顧自爲之耳故深支華平先生集卷二十四 五 清旦閣
入其網而卒不得歸咎于宵人吁亦可恨哉爲君子者先須淨持此志如金石之不渝如止水之波如太空之不滓則我無欲而欲不能于我無氣而氣不能動而一切匪人更須平心以觀之悉心以察之多其耳目以防之久其時日以俟之蓋偶妄之術久則必破暴戾之氣久則必消嗜欲之興久則必清彼諸術者自無所投矣若淫朋溺友昵戚黠奴假冒爲非尤宜多方防檢正之以法不可依阿兩可致傷大節

題跋

題三公指日圖

同安門生魏朝望貺余以圖題此答之

茲惟三公爵重望崇指日致之何德何功在昔帝資版築之工亦越釣叟叶兆非熊敢云斯世而有斯逢嗟嗟魏生祝我則隆

題觀音大士像

莊嚴相慈悲相無相有相有相無相啖這些子釋迦李聃孔丘與華平子都一樣

支華平先生集

卷二十四

五

清旦閣

自題瓊林醉歸圖

天子爲生靈計甚殷且隆拔我于草莽而登之顯庸宴日瓊林主以上公滌蔡藿之腸而饌以內膳易羅綺之服而畀之章縫厭厭至醉禮周貌崇媿我小臣何以答 明德而追賡颺喜起之風

自題小像三首

華平子拘拘好理學似程伯子執方秉義不善迎就人意旨似汲長孺死耽閱書史工古文詞睥睨當世似蘇老坡憂時憤世慷慨論天下動中要領

毅然欲以身先天下之急似范希文抵掌談孫吳
運機軸闢關中度操弄奸雄于股掌間如諸葛孔
明疎懶迂僻不喜習虛文鐸儀似嵇中散率意徑
情不立畦畛與人語洞示肺腑浩然齊得喪死生
而好爲大言似蒙莊周至清旦閉關凝神內照脩
然無一塵得滯胸中則華平子亦不自知其身之
何似也捫已再思不覺失笑因模其近似者而書
之

其二

支華平先生集 卷二十四

七

清旦關

體也擢然色也蒼然顙也聳然目也炯然髯也戟
然準也隆然而志則屹然心則凝然氣則充然學
亦粹然而遇乃絀然雖則云然且盡吾所當然而
聽乎命之道然我思古人有道然而遇不然亦有
遇然而道不然斯固造物忌完理之自然吾孰知
其所以然而然

其三

心無術一函太乙行無沕孤標山圯率然出惟清
惟佶欻然佚不尤不愜塞馬宋牛龍蟠螭屈伸縮

有時失得勿恤岱岳晴雲海天紅日

自題待漏圖像

貌雖不揚而心則古道雖不行而計非左屹屹乎
讀今人所不讀之書而嘗古人所未嘗之苦時有
遇不遇義有可不可敢因一跌而遂失故我

題批點唐音大成後

唐音大成凡五本不知誰氏所批點予乙丑春試
歸得之書賈絳觀批詩客亦自不俗乃易世後竟
成奇貨俾紙劄稍壞將化爲糞土毀爲麴袋矣予
今尚未子嗣後未知得子何如古人云吾收書多
矣富有讀書者爲吾子或者其可信乎

奇節無名編跋

世有必名者有必不名者有名而晦有不名而顯
者夫臯夔必不譽於共鮌驩距必不利於夷齊以
臯夔非類而夷齊無以爲資也此必不名者而臯
夔名帝臣夷齊名義士曷嘗以穢味晦哉然則吾
友徐志山夫婦皆亡家貧子絕無俟今日而知其
必不名矣俾徐友而富如某勢如某其濡毫以俟

支華平先生集 卷二十四

太

清旦關

之者又奚待詞之畢乎噫墨花鬱于彩霞孤標芳
韻翻隨五雲之表乃折而付諸凡夫之手今之植
于溷廁慨以淤泥于凡手豈不甚幸顧墨花則太
厚矣今諸志事議論日譁俾以無資苦節如徐婦
者列于標題顧不重耶乃徐婦則不名矣節婦不
名而節婦之名卒不可泯志其奈節婦何故無名
者乃所以名也

偈

戒殺偈

支華平先生集

卷二十四

九

清旦閣

奉身無兼味宴客不宰牲知我者菜羹村醪可以
陶情不知我者亦隨宜洗腆以將吾之惻誠近以
靖事而約已遠以惜福而延生吾既身持五戒又
安惜憐愍之名

食用偈

濃烹茶淡煮菜熟炊白粲爛蒸嫩蔬飢來却得一
餐飽後不容一芥莫積粟莫借債一日受用兩日
耐錢財爾愛人亦愛設說勝果福田落得眼前自
在

布衲偈

布衲重布衲暖布衲舊布衲軟寒來用熟來遠休
言錦衣衲衣脫却光身細看

葛衣偈

葛衣輕葛衣涼不怕汗又耐漿葛衣一領十年強
從此再活百年消得葛衣十領饒他有紗羅千疊
熱時恨不得赤身下井

燒香偈

爾燒香我覺香一人燒香滿堂覺香只是一線鼻
支華平先生集

卷二十四

二十

清旦閣

何方

讀書偈

若讀古人書古人不可見不讀古人書古人如對
面莫將青眼覓古人原來黑白人人見

蒲團偈

蒲團只是一蒲團枯坐何緣知定動入來不見蒲
團出後蒲團何用無出無入不定不動腳頭虱子
一蟄兀自猛然覺痛

布袋和尚偈

萬法皆空三界無礙皮囊引迹安知布袋

策問

福建丙子問

問自昔帝王統天立極烝休焯後靡弗盛矣乃昔人謂堯以仁舜以孝禹儉湯寬皆其至者何歟商祚載啓厥稱恭默姬錄重光乃稱宥畚下逮漢之文帝宋之仁宗恭儉寬仁版飯汗冊彼皆所謂中興今主也可指其實歟惟我太祖肇造宸寓

支華平先生集

卷二十四

二

清江閣

成祖再闢鴻基

列聖紹休茂隆繼述若

孝宗

仁儉同天

世宗剛明濟世迨我

皇考以寬儉

承之聖德神功自乾坤莫位以來篋以尚矣可麗

言歟今

上仁孝寬儉同符

列聖治化之盛垂

十禩矣乃忠愛之臣猶惓惓欲效惓惓者何在夫

鋪張昭代之盛以輝嗣今古述嘉猷以入告而贊

成不世之洪庥固臣子素所蓄積也茲專對尚一

摠之以占先賚之信

又

問儒者蒐撫往昔揚權典紀所貴濟當世之務以批蠹而經則也諸士抱策待舉其矻于世務而慨然思一振刷之久矣試悉所疑而籌之計吏之法密于初制矣而官謗屢彰意者民風刁悍而易煽乎即欲寬之乃官邪何由以息也非藝之稅倍于正供矣而逋負日煩意者內盜頻仍而民困乎即欲寬之乃經費何從以給也清戎歲巡而行伍日耗既耗矣而軍儲則猶故也其積羨安在恤刑歲出而獄牘日煩既煩矣而頑梗則未息也其致弊

支華平先生集

卷二十四

三

清江閣

何由市舶以永遠人也今征商貨矣而私通盜出

之弊何以禁之錢法以通泉貨也今議開局矣而

阻隘盜鑄之弊何以釐之額稅鹽糧日聽民食官

鹽也今鹽糧如故而官鹽莫給矣而運司分署于

濱海得無法煩而民擾乎始撥屯軍謂民稀而地

衍也今軍民爭佃而經界糾紛矣而躑勘徧及于

山谷得無長奸而抑良乎夫狂生談玄理而不閑

實濟曲士泥陳迹而不達時宜主司莫愛也願進

于是焉以告

奉新課士問

問君道在擇相考諸古昔版版矣三季以還尤慎
茲選其間如蕭曹丙魏如房杜姚宋如韓范富歐
相業彪炳汗竹然若時熙載之風逸矣將世道隆
污使然耶抑委任權力殊耶 皇祖草昧嘗相胡
惟庸矣未幾以逆誅遂著令不設宰相而以六卿
分職兵民異屬防專恣之漸顧萬幾叢委果一人
所能總括耶將臺閣官閣貂璫不免乘間而遞執
之耶俗儒謂在臺閣則治而宋之史賈唐之張李
支華平先生集 卷二十四 三 清旦閣

課子策問

問自古聖賢建國承家用不以恭儉率人堯舜弗
美土階禹之卑宮非食以暨湯之風愆文之卑服
武之義勝彼皆上聖神君也猶兢兢若是矧編氓
蓬樞子而可自縱逸為哉昔之賢王靡日不訓戒

其民而告以天道之無親民生之不易而賢士大
夫亦靡日不訓戒其子孫以勅守之艱難故有弊
裘見肘而不病者有一狐裘三十年豚肩不掩豆
者有為家不治垣屋者有斷齏畫粥者有布被脫
粟飯者此皆卿相鉅室重自節損與簞瓢忍飢牛
衣諸君習貧善遠者殊埒昔賢所謂非澹泊無以
明志非寧靜無以致遠罔苦學之要訣而福過生
災寵極危集飄風驟雨即天道且不能久況卑卑
一介之士哉朱元晦不自棄文以訓其甥者其言
支華平先生集 卷二十四 丙 清旦閣

剴切痛苦嘗見古老先民熟誦而服訓之所稱房
杜程氏皆以名家墮敗為世所笑亦可哀矣今世
習日下前輩舊德日以迂遠而務為侈縱以相夸
伐故亡國敗家亦復不旋踵而隨之即耳目所親
記者何啻一二將貽之墓者未善耶抑沃土之民
其性易淫而難化耶諸所誦說先王儉德永圖之
訓彼皆未之聞耶卿兄弟目覩世習之愈卑耳熟
先王之懿訓仰思先閥之當承俯念世德之易墜
其尚為我陳之

又

問書記象賢史稱濟美尚矣或謂芝草無根醴泉
無源則邁迹者不係于類或謂員源毓珠方淵產
玉則種德者多復其祖古昔建國分井官以世祿
實以世延勞以世選號號公族攷諸往牘可睹已
姬錄既東流風陡易朱門白屋陵谷遞遷雲杏露
桃徑寶笈啓考世業者深用慨然故詩禮庭趨若
崔駟之三世儒宗崔祐甫之禮法聞家肅弘機之
廚書千卷雖隱顯殊遇而均可謂箕裘之克紹雲
東華李先生集卷二十四 五 清旦閣
霄門闕如鮑子都之三世司隸汲長孺之十世大
夫郭躬之世掌法家雖賢否異德而皆可謂舊播
之相承語曰不知其人視其父言家教之足憑也
史曰天道祐善災惡雖父子百葉猶若一體言世
德之不爽也然動華不世人悲其子禹蔡幹輩人
悲其父則祖考之貽謀子孫之繼序固不易哉柳
玘之戒曰名門右族莫不由祖考忠孝勤儉以成
立之莫不由子孫頑率奢傲以覆墜之則繼世重
光道固有在而祖宗之德澤不可恃亦彰彰矣卿

兄弟試引古質今而揚厲之以爲世人勸戒

東華李先生集卷二十四

東華李先生集卷二十四

六

清旦閣

支華平先生集卷二十五

構李 支大綸心易父 著

書牘

復大司馬吳自湖

不肖誤辱門牆百凡砥礪以期無忝來教云華平振古之豪傑楚侗一時之聞人何意相左致其論効來教所重疑則然間念唐仲友守天台賑饑恤匱百度釐舉台守吏循良者今古罕儔而朱紫陽乃六上章擯之則陳亮之飛言高文虎之傾陷而支華平先生集卷二十五 一 清口閣紫陽偶入其讒也乃程伯淳之學之行如精金美玉安無可指者而趙抃獨不能之以是知士人相遭非特君子小人勢如水炭不相爲謀卽兩君子相遇于仕路或軋于事勢之激或溺于聲利之交或意氣之不相投學術之不相合其因而見擠者亦有矣似不可緣是而疑不肖之才性不妄于推不利于泉亦不可緣是而病楚侗之明不足以知人而辨讒也勢利驅人甚于火牛吳起至于殺妻易牙忍于殺子豎刁甘于割勢汎傷泛然無分之

君子而博一身之富貴其甘心妄矣乃泉中小民此不肖如慈母畏不肖如嚴師去任之日滿城流涕二載之後徧野謳思卽一二翁訛之夫素不能者座大必以廉仁見推則泉之人其天理猶未盡泯滅而不肖之才性亦或宜之矣西狩之麟傷之者此麟而泣之者亦此麟也知與不知耳于麟固無損益也不肖邇年自信愈堅守道愈篤不復以人世浮榮介念矣吾翁但求之聖賢出處之間而不以世情見忤可也承慰念輒布新得幸終成支華平先生集卷二十五 二 清口閣之

復俞見川銓部

不佞幸獲附驥入則接膝出則聯鑣縱以談諧洽以卮酒怡怡切切形神兩忘使不佞忘已之愚且賤而得承下風也蓋更入朔所矣不佞以病乞行則惠之豐儀以空輶附人則重之誨諭凡丈所加于不佞者皆信心特達之知道義骨肉之雅而不佞之爲報則闕如也及丈晉陟銓司不佞轉推泉郡雲升泥沉無復通問之階而不佞痼癖自持不

作京貴書卽知愛如丈亦不欲以此破例遂益寥
闊如素不知名者然丈謂不佞孤立行一意以致
敗事或亦以宦路羊腸非脂膏則不利世情紆曲
非結納則不固而不佞觥觥予予獨忤雄奸自取
罪戾故受之耶不佞旅閩朞月政平訟理士民謬
謂之能丁丑秋奔喪出疆哭聲載道院司獎譽如
出一口至庚辰春二載又五閱月矣中更撫臺復
命者再按臺復命者一歲報季報考語無一瑕疵
亦可已矣乃若風波生于二載之後妻菲成于千
支華平先生集 卷二十五 三 清旦閣

朽耳矣天命在我伊誰陶鑄哉而暇爲俗子所爲
哉承訊及輒布所隱

與友人

文笈得返初服便須命舟一慰而炎魔爲厲氛埃
障道野夫恬臥久益畏之京塵擾擾得無恙乎臚
言都城延譽當途推轂執手可執以爲奇遇不佞
深以爲憂憂吾丈之遂嬰費戾憂劉養正之不自
惜而重謝師門也自昔文人如李白之從王永璘
柳宗元之陷王叔文千古英賢遂爲寒氣此其甚
者乃杜甫號忠義亦栖栖嚴武之幕至牛酒浣腸
一夕暴殞亦豈善愛其身者耶天壤寥廓何處不
可容此七尺之軀願兄擇地而蹈毋爲久縱橫于
虎尾也弟昔薄遊聲利薰人幾喪吾寶旋以泉石
膏肓煙霞痼疾堅不可療往再稍久益見花卉之
榮謝時序之代遷遲速有時往來不忒乃信功名
出處有命有候巧者不能強之于未來詐者不能
挽之于既去惟是時命適來而巧詐偶及兩相委
而倖就焉人遂妄意爲巧詐之能而不知時命之

適合也不佞因此又透一關矣履我坦途守吾故
物達不失已窮不干人不佞之所自分則審矣若
朝乞墦暮登壘俗子詫之爲得計識者懼其一跌
而赤族也慎毋妄出貽我同門之憂

復浙江巡按吳鵬峯

敝邦邇來文體士風稍稍變矣幸名世碩哲作新
而旌別之無論英髦彙進野無留良卽十一郡常
帶士疇不失心速化哉自是敝邦風教彬彬追成
弘之際者皆明公陶冶之貽也不佞年來折肱科
支華平先生集 卷二十五 五 清旦閣

舉請悉其弊科舉之弊在上不在下抹弊之法在
貴不在賤禮聘考官沿途鎖鑰嚴于防盜而監臨
藩臬郡邑之吏豐貴陰窩有如互市儒生懷挾傳
寫之禁密于秋茶而富人賈賢齋題齋文展卷射
名左券不爽巡索譏訶糊名易書色色具備而碧
桃紅杏偃蹇笑傲坐上第寒士槁死于螢窓奇
才浪迹于鮫海而膏粱之子曳白得之等諸拾芥
矣先正謂國朝公卿典刑不逮宋世無論公世近
如世廟五十年自翟鑒正法後有一人敢啓倖門

者乎今聖皇總已百官受成科舉駸駸不逮往昔
明公提衡首藩能一振之乎棘寺匪尊臬使匪卑
奉公持節榮名兩高何必爲權門厮圉取富貴也
嘗念分宜柄國呼吸如意鄙夫奔趨蒲伏競進門
生死黨義子姻婭惟恐身之不售家之不通顏面
之不親國是一定如夢斯覺併其故吾而盡喪之
至有波及以沒者昔人謂禍來無地著羞顏誠然
哉臺諫國是公議之所關監場人才士風之所出
願明公慎之重之爲天下立赤幟也不佞祇役名
支華平先生集 卷二十五 六 清旦閣

復門人鄭子讀

前得書知比來空乏不堪區區嘗傷于虎者聞之
益倍惋悞念吾自垂髫後凡十餘載内外交困貧
患沴臻輒然以屏質牙軀重足而立于強敵之
衝日有三死焉自古聖賢豪傑所未嘗之苦吾畧
嘗之矣而吾性剛僻自任不能俯仰苟容所以重
增怨訕困衡旣久妄自因病立方每日沉思古昔

聖賢簞瓢陋巷敝裘藜羹而不改其樂捐階捨井
園匡過米而不失其素其胸次之寬平而識見之
堅定乃如此因認作師模動心忍性嘗膽嚼蓼雖
遇患難衝突乍時不免拂鬱而排遣漸久煩惱漸
省心地既清而舉業亦漸熟矣近日省悟來又追
悔當初只是因仍牽補僅僅爲免死避害之圖若
此時得親見陽明夫子便當警悟入道不至如今
日之悠悠也念之可爲疚心來書謂吾食用淡薄
人疑矯詐識者亦有不自愛之譏然乎哉吾生長
支華平先生集卷二十五 七 清旦閣

患難一切淡薄疏懶習性已安凡遇華麗之衣珍
美之饌遂生煩惱且追念昔日所遭今幸苟免飢
寒皆爲過分況敢復有他望所以衣食隨緣絕不
營辦世人身羅綺口肥甘自謂善愛其身乎人之
一身以神爲主神清則氣清而精凝于上神濁則
氣濁而精滯于下戒聲色薄滋味則神清精凝勢利
厭肥甘則神濁故一日則平旦清而晡濁一生則
少壯清而衰老濁靜臥則靈者神定而清也辟穀
則仙者神煉而清也醲鮮炮炙腐腸之藥殄衣繡

裳炫心之飾孰謂可以養生哉且人之賦命亦有
厚薄厚者奉養自足薄者卽蔬糲猶苦不任而必
取適意徒以消福而促筭耳昔人萬羊之說可驗
也吾賦命最薄自應節省匪止惜福兼以養生時
俗所疑幸姑舍之賢輩少年萬惟體悉此意勿效
游冶貴兒態可也

答同年嘉興令張誠吾

福星普燭下土爲光敝邦之民罔不喁喁向風矧
不佞義忝年未詎不思爭先快覩以伸款款之思
支華平先生集卷二十五 八 清旦閣

哉願惟薄分厚饗二尊兄肯庵及三禩哀毀柴立
無復人理不敢以不祥之服輒干榮戟重爲人子
之罪鄙生拘泥故常不善通方類如此乃春風至
仁不遺燕谷教言備至責以出處大義若謂不材
之木猶可犧尊而青黃之者此大匠惜材之過而
併及于不材者耳不佞自分既審似不敢復以傷
弓之翮重資弋者之利矣禪次草覆未盡所懷

與季雁山司李

明公宏抱雅望暫借枳棲下土之民句一言以解

紛糾者十城而是如春暉布德甘露潤施者觸
象皆周受者隨量取足奚擇巨細哉乃下走跼伏
東海緬懷夙昔既不敢以寒燠漫談于之典記而
白藏清夜星槎載南往并迄今遂復寥闊數祀積
愴一晤猶艱矧堂陞之交哉惋怛怛追惟丁丑
之秋于役長汀霹靂岩中讀書臺上飛觴慷慨擊
鉢朗吟雅誼曠懷中藏靡設迨明府游陟華階流
光兩省下走幽憂望室彈指六周俛仰今昔卽黃
梁蕉鹿未足方之河清幾時人可俟哉薄分厚譬
支華平先生集卷二十五 九 清江閣

傷弓病翮青蠅在藩白玉蒙黜回首長安如在天
上良辰睇望涕淚無從肅楮臨函唾壺竟缺

與曹雙華侍御

柱下紀言太微秉憲丈夫行志之會也念昔世廟
睿畧獨提乾綱朝崇直節士尚清議晚年分宜柄
政屠戮言官窮極慘酷而言者益熾華亭代之外
示優容往往以遷擢法束之而斥學社以收人望
于是言者之鋒挫矣邇來百官總已威福下移模
火之蛾聚羶之蟻實繁有徒清議屏息直節潛形

學社燬滅相率俛首私門頌功德矣于斯時也能
伸頸一言非象力貌腸而夙喙哉乃今政柄三易
去就靡恒智巧疑誤輕投奇勝幸而得所托則升
青雲不幸而失所憑則墜污淵苟體又下矣彼固
丈夫哉何戚戚若此也知友當塗蒼生攸賴丈夫
意義相期不敢以諛言作俳優態也惟千萬自玉
自勝爲慰

答王都昌

生薑桂之性竿蒿名邦辱與足下周旋大慰平生
支華平先生集卷二十五 十 清江閣
足下敷歷四方生遂奄羅大故既二年有八月乃
爲權黨所中以致竄逐鬱鬱憤憤惟昕夕顧蒼白
訴非辜而蓋高漠漠其能動之乎辛巳孟春服除
故知多強令再出生以巨奸當道堅持不行亦且
爲遷世之計矣春初朝政清明正人登進俛爾謁
選貶居幕所寥落卑冗世所不堪卽舊交宿契所
稱莫逆者皆夷然不一顧甚且鄙嗤之矣思軒高
雅眷存有加疇昔豈將矻炎冷之俗而返之淳哉
不然寒儉疎拙之夫何以堪此眷眷也愧甚愧甚

作還虔心滌手以致報章

出京辭同年

生入都城閱二月耳茲捧檄而南矣罪謫之夫行
藏難卜回首長安如在天上卽欲再望門屏以訴
羈愁冤結之衷其道無繇也念生始教西江寂寞
無侶再推閩郡勤瘁自將連遭二喪幽憂七載畏
途危頓淹抑之苦亦備嘗之矣念以狂妄上觸權
奸係從竄逐如白頭媳婦屢易翁姑無論食性難
調舊嫌易隙而華色既衰卽務爲婉嬖恭媚之容
文華平先生集 卷二十五 十一 清旦閣

與魏兄臬主政

去歲握手都下聆玄指觀眸顏具悉矢心矜節不
憚批鱗別後得披白簡眞孤鳳振翼外補命下志
節凝然居無何遂陟銓陪都矣文潞國之德量唐

忠肅之風節于今兩見之沅慰椒羨旦日彌夜門
下精誠割直千古軼材游陟清華裏潤鴻業乃基
紉所共指擬豈徒獵譽一鳴垂芳尺素哉昔人疑
子方入叅政府舩稜日矧殊非所以側豪傑也長
江悠悠緬焉凝睇何日坐石頭濯燕磯開議曠視
一洗塵壘之酸哉風便輒致靚縷不盡所懷

與山海關主政王吉山

兄所臨鎮祖龍故鞭石所也祖龍貌龍神怒決漂
石海壖累累今其蹟固在否兄問聯矚核其奇須

文華平先生集 卷二五

十一

清旦閣

一颺之頃聞紅螺白雲間東虜時一南牧試計之
控弦幾何畜聚幾何三衛酋長桀驁者幾何中原
人傑解了此者幾何會見長白山巔勒石耳弟不
奉顏色五星霜矣德曜齊眉元方濟美固齊治餘
事獨羨高騫遠舉扼險堅勳爲國家億萬年安攘
之基平生相期意氣兄遽取前茅以進耳弟旅閩
僅周二尊見棄臥病聖室惡緒絲棼北瞻雲端百
倍悵惋人去勒此空城附之素不作京貴書幸在
塞上不違齋例

復陳紫台僉憲

敝郡東瀕大海潮汐滔天鹽官一隄風稱天閘少不治則江南七郡復淪爲龍子之宮漕儲三百萬無繇給矣明公秉節遄臨海若獻款上以紓天子邦本之憂下以活吳越百億之命偉哉功也不在陳宋下矣獨念敝郡兵燹甫定水旱頻仍賦重役繁民無所做茲復徵以治海雖力役常征顧百凡經費孔乏因緣樽節調停畫法通滯俾里甲不得倍科于細氓汗吏不得染指于私橐則惟明公是支華平先生集 卷二十五 三 清旦閣

倚區區桑梓之念亦藉是以紓耳生待罪名邦隕淵是懼乃于明公桑梓之念竊自謂無負來教過爲獎掖實所未安使旋輒附縷縷

復岫嶠山人

曩惠赤一值肺病伏枕久未裁答吾儕講學修行自是立人本領學猶殖也不學將落龍溪緒山及吾師南屏宿學舊德主盟斯文自是陽明夫子見知之徒繼往開來端于諸公是賴所以重吹嗽之口者今世塵心俗眼醉聲夢利既不知安身立命

之本而米鹽醬醋婆子話頭日熟其耳遇寬衣博帶宏議深辨之士乃羣聚而駭之吾嘗謂今世以科第爲大賢以公卿爲神聖以治生爲本領而孔孟之道風所誦法者徒藉以爲富貴之筌蹄而實鄙爲腐生之陳言及見先輩法言懿行乃嘗爲無用道學夫道學果無用則五常百行人羣物類奚所自而敦敘奚所自而生殖也手教謂諸公周歷各都似挾貨干人以爲大疵此尤不達于學者道者人所同具有迷悟無餘欠非貴比也尼父周流支華平先生集 卷二十五 十四 清旦閣

四方栖栖皇皇席不暇煖豈特爲行道計哉亦以隨方設教引掖羣迷登之大道耳彼其之子斥以爲倭諷以德衰者固種種矣蓋儒學與天地同體天地生成無一物不徧吾學作用無一物不體無爾我無遠近無間隔所以古昔聖賢咸以濟世安民爲務者道則然也若深居簡出不取不與硜硜予予與物無忤此山林枯槁流耳何足與議吾友袁也爲難能也功名一念潛伏流注或技癢而不能需時或好高而幾于炫俗則誠不免若辱身敗

德如來議云云則萬萬無之心苟無瑕何恤乎無
家自稱了凡蓋厭俗歸真耳不得爲病將所謂舉
國之人皆狂而反笑其非狂者耶

復大司寇陳我渡

承札慰諄諄獎掖切至敢不努力第念不肖孤樗
材桂性冗食仙鄉朞月耳已明公養重家居奉教
朝夕無論其著者即措足瞬目悉入聰聽深山窮
谷錄淩輒獨之人咸心亮之矣離任二載又五月
竟以風旨陰遭論劾不肖孤奚足恤亦奚敢辨獨

支華平先生集

卷二十五

五

清旦閣

奈天地神明何士民公道何不肖孤區區之心直
欲抗迹舉夔垂芳旂鳴今既已矣平生訓迪望長
畢矣惟蒐研汗竹發揮性靈異日倘有所窺握三
寸管書古今人情物態或發爲聲詩協諸康衢擊
壤宣揚聖德令千秋萬歲後知有鄙人足矣更何
言哉

與同年陳海樓

人聞長安樂出門向西笑彼徒聞耳猶然笑之矧
吾儕夙昔方軌曲江聯珩瑣閣仰觀聖容穆穆廟

弄洋洋卽披肝膽展生平非其際哉乃今歷落塵
囂僂僂磬折覲顏市媚蒞語觀容冰炭裝胸毀譽
聒耳回首長安如在天上偉哉壯夫安能如三日
新婦邑邑氣盡哉章江如溜放纜北來瞬息可須
三月不詹思如之何附使一訊

復建寧二守楊魯南

士流入閩入苦海也丈頃登筏矣而誨言觀縷言
言皆淚乃泉南士風物態視建州奚啻百倍而使
弟以迂拙粗慥之性當之是昧于入漩渦中而梓
後在千頃外其不濟也審矣中夜怵惕自念十年
燈窓非不勤一生名節非不重而一旦罹此巖郡
奈之何非丈折肱之素誰知孤孽此苦也行也清
風兩袖紅雲千里與時翔翔孰有毒龍沙蜮足瘴
之耶而奚溺于之虞顧瞻祖道心旌如搖永言懣
惋不能奮飛

支華平先生集

卷二十五

六

清旦閣

支華平先生集卷二十六

樵李 支大綸心易父 著

書牘

上曾見台大司空

昨印證動靜一原之旨諸老似未灑然至以中和
戒愚謹獨分動靜此宋傳誤也心無動靜無體用
即動即靜即體即用未發非先中節非後不觀不
聞若靜矣而戒懼非動耶獨知若動矣而隱微非
靜耶中和一理中即和也不和不可言中安有動
支華平先生集 卷二十六 清江閣

靜先後耶如木之敷榮花葉迎風動矣而其根必
不可撼當其剝落靜矣而生意必不可滅故酢酢
紛紜而中如定盤鍼者凝然至一窈冥昏默而真
覺炯然如鑑之常照此聖學祕密藏不肖所欲沉
著體驗勿落俗學窠臼者惟翁終惠教之

與張大司成

仰惟門下巨蠡炳祥中興碩輔宣猷密勿寰宇具
瞻不佞昔從基綱末竊聞丰采何勝嚮往顧以陸
沉簿領無由振叩增墀邇復跼伏海壖則從九地

之下而仰窺層霄矣其悵望愀慕可云喻哉犬子
如玉乳臭駸駸未識之無茲將圖聽橋門執酒掃
應對之役無論削黃披鉛獲聆真詮即溫良矩矱
一望而夙習頓消矣昔孟僖子以仲尼聖人訓子
從遊迄今以為知言矧門下躬仲尼之學居周召
之位儼然且為帝者師而犬子乃獲瞻拜塵下為
之父者誠歎歎躍不言可知矣而況十年之所欣
鑒嚮往而不得見者乃得見之于子其鏤心刻骨
奚啻什伯恒情而已哉春和景明謹令負笈復班
支華平先生集 卷二十六 清江閣

惟門下察不佞十年之積悵而與之進流慰何可
言春杪當躬叩以謝瞻望皋比黯然凝注

與韓約菴兵憲

別來數月兄丈國事助勦席不暇煖而弟宴坐小
軒竹柳雲霞交呈道趣池荷鳥語互發幽襟幾與
衲僧占坐矣蓋兄丈以功業垂萬世弟以喘息了
一身出處殊途各拈本相但塵寰多故奔局大壞
即區區杖屨未知得終老否惟雄才偉望速為匡
濟以幸寰宇何如清秋氣爽明月滿庭弗獲浮白

一醉得無爲青桂所笑端力馳候伏惟麾頓外拙
菜五種併致齋頭以當兄丈昌歆羊棗

與貢洪山運長

爍火浮焰真金不耗狂瀾四溢砥柱不撼物固有
至者矣年丈昔蒞溫陵士人當有醉心飲德者猶
不免嚙口乃粹養如真金清操如砥柱其誰能爍
之撼之茲非其至者乎弟往倅溫陵亦有少許建
豎彼中傭夫販婦今猶見思乃履虎尾坐致陸沉
其被誣梗槩備在楚史口碑想丈亦嘗聞者榮蒞

支華平先生集

卷二十六

三

清旦閣

再其風猷愈赫海壖士民向沐渥澤者稔矣麤鹵
如弟乃遂寥闊渺如千里罪歎可言兒子祇謁門
堵求領至教藝林祕訣不吝指示尤不世之感也
貴寅孫及泉攝篆敝邑大稱循良邑士民托弟致
謝便中幸轉致之

與羅康洲少宰

乙酉春得拜函書牋幣繾綣絢爛令人感泣丙戌
春大計幸爲楊太宰所全而未雲崢嶸復囑言者糾
拾以去比有愛弟者頗欲以言白之弟念雲崢嶸

業方興而弟所遭坎壈展轉相尤似非年諍遂飲
啗以歸今雲崢紆金拖紫而弟槁臥菑萑命實爲
之謂之何哉惟我丈中興名世學爲帝師爰立在
卽當有振世之績爲弟光者弟亦更何藉頭上進
賢也第不知密勿造膝之暇瀛洲笑談之間亦念
海濱有淪落如弟否乎時平道泰天開日明惟丈
是願是祝茲因夫子復監輒草赫蹏景升豚犬麤
習句讀謹令樞侍函丈以附于懷桃繁李之後微
福非淺辰入朱夏願慎寢饋

支華平先生集

卷二十六

四

清旦閣

拉錢孝廉夜坐

獻歲風物融朗依稀京陌輒念昔躍馬玉街少年
意氣咄咄逼人乃顛毛倏復種種矣河清難俟可
無中山千石澆硯磊也午刻述丈于印月亭

又

楊州夢一覺十年更作青樓薄倖耶春早郊外寒
澀了無會心處小亭山蔬村醪卽乏五侯鯖腥而
門無襍賓坐有雄談請思大江以南近亦有此大
雅不

答馮濟之茂才

大明集禮載父妾有子者杖期而不言無子者無服乃義服條內則曰妾爲主之衆子亦服齊衰不杖期此蓋通無子之妾而言矣況爲子者推父之愛獨不可以義服服之乎所謂禮雖先王未之有可以義起者也祖妾齊衰第云父所生庶母與祖母同卽有子祖妾衆子且不持服矣此所謂自義率祖也新典所列未有出于集禮之外者幸裁之

復夏璞齋進士

東華平先生集

卷二十六

五

清旦閣

亡者柩首向外以西爲上乃殷禮也座隨柩設共座亦可蓋同牢之義乎瀝青家禮用之以防水也煖亦不融禁澀多湖古未見用酌之

與萬襟宇大參

弟跼伏海濱日與蠹魚爭故楮蓋不知有人間世奚論除目獻歲初登山遐眺見斗牛間瑞氣炯然俛從南來者諭會省近日風景則嘖嘖稱新神君萬牧伯云爲一劃然長嘯大慰所思竟不能築陂蹙一叩階仗則山林枯槁之夫固不欲重爲當道

溷也秋來試事孔殷十一郡士人雲蒸霧滃品流襍揉而艱食之民米如珠薪如桂肉味如麟脯百物騰踊奪攘矯虔皆有隱虞謠傳春有兵變夏有民變秋有科場之變竊謂七月十三颶風之變已占其一科場或可無虞耳肉食者亦有定畫乎爰不恤緯緹及之亦啓予一念不能已已一笑

代與友人

東華平先生集

卷二十六

六

清旦閣

聞嘗念虞師之植材者無問梧梓蒼桀靡弗封植而培植之冀其壽且蕃矣不數歲而材有中栝栳者有任梁棟者亦有不離拱把而委溝中者矣昔微天幸得事丈于豫章丈猥忘樸樛之下材而封植之培植之自甲拆而勾萌地通然日鼓其能植卽不材之心亦詎謂遂無所植而終負虞師之指顧也乃百運屯夷崎嶇長左旣履虎尾終刺蠶心槎蘖盡髡溝中長斷豈惟不材者慚負知已卽虞師之心未嘗不悅然自失也雖然彼材而遇者且參天且合抱亦奚煩于指顧而陰厓寒谷硯磊擁腫而不獲遂者曷嘗不望榮于天日而虞師追昔

手植之勞儻有意終披拂之否耶秦關毀堞海島
餘皇明主拊髀英雄彈鋏老驥伏櫪時一長嘶倘
任鞭馳奚難千里否且揚扈風雅續子長既絕之
箋勒昭代未成之典藏諸名山以俟來哲耳夫所
遭若彼所志若此是出溝中而青黃之揮魯陽之
戈而卻只畧也丈不領之且大笑耳曩永拍颯附
致尺蹠殊覺纍繯謹當力代候以申私悃感今追
昔如隕泉谷且媿且頌涕泗漣漣

與曾少宰

支華平先生集

卷二十六

七

清旦閣

門下孤標岳峙義問川流忠直望爲赤幟廟謨奉
爲典刑儉夫王人縮頸而解綬破膽而寢謀者積
有年矣青蠅無端點茲尺璧人頭畜鳴良可恨恨
夫天下有道公論在朝廷天下無道清議在草莽
世之所以賸賸蒙蒙不辨黑白者以公論之在下
而在下之公論亦足以見被誣者之賢而誣者終
不得以盡逞其私而塗天下之耳目我國家以公
論付臺諫俾得以風聞建言而被言者不得置辨
今之言者亦多岐矣使言者而果以正也亦奚不

可乃今身負貧劣而厚賄以行媚多援以結黨卑
汙頃尾乞哀于昏夜而得之一居要地傲然自恣
不復畏清議顧天道其所舉劾益有百端或市交
于有力者而陰爲下石于所惡或潛納重賂而代
爲掎擊或身有仇怨嗾人以排之而復爲代排其
所忌或人雖可言而垣壁堅不可動則更爲游揚
以結之或遇美缺已有人矣而更有垂涎者其交
可借則代擊前薪以爲之地或其行穢惡在人口
吻偶倚強援以入一旦知援敗不免則強作正論

支華平先生集

卷二十六

八

清旦閣

賈建言之名使既去而復起有端或原任賊跡敗
露則矯首以効當道而箝其口至凡有建白切切
然仰人鼻息以高下其喙而博強直聲且陰計權
之輕重而更爲向背以固位而躡寵坐使正直忠
厚琦行偉才之士一旦被不韙之名而且左撐右
翊交喙衆排必行其私而後已其胸中似無知覺
其目中若無瞻神其面孔似全無赧汗嗚呼亦可
怪矣昔人謂刑官無後言官亦無後史官多奇禍
如左肅遷腐班族者愚謂史氏誣鬼其禍信然而

妄言者使偉人端士身負不潔以汶汶于世其冤憤愴恨奚啻疾者之令怨刑官濫及無辜飛霜沖血信宜絕後而言者妄詆偉人端士以無影之詞而使不得自白其怨奚啻被刑之酷而其報豈止于無後而已哉天道既定冤報相仍必盡償其所誣于人者以泄被誣之忿故君子處世忠正廉慎已爲之人不能阻之富貴名位人爲之已亦不能必之至天定而理見善惡定而禍福隨則已與人皆不得與焉而形影相因毫髮不爽卽僕自省事支華平先生集卷二十六 九 清旦閣

迄茲所親記已鑿鑿矣矧要之數十年後其孰逃此恢恢之網乎門下暫返初服賜環在邇而中外縉紳士庶莫不冤憤愴恨則清議何嘗不行而多言亦奚病哉僕益嘗傷于虎者故僭及之以稽天道百惟益願天和徐迂帝眷

復大名令鄭心緝

足下台紫毓秀柱石宏材英年高第製錦名邑駿譽迅發上孚下格計日晉天垣秉端揆爲吾道光而閭閻齊德百復僭順頗勤祝願僕無似猥與足

下稱一日之長今且十有四年矣卽惠信浮沉萍踪離合而道義骨肉冥契神交無論夢寐間時見芝眉卽晴窗披校恍若叅承旣復自領翻然有兩地之感矣過辱厚雅不我遐遺豐貺雲箋千里飛隆貧里兒乍得明月大珠側身天地枕不敢高惟有剖腹耳謀諸內子擬以吳縑附附而從旋從陸行李稍艱仲春份人北來當圖奉候兒子尚浮湛世網中然時侍庭前肯能伸楮就數千言山林中所藉以揆掌一快者此耳承訊及附聞勿謂老牛支華平先生集卷二十六 十 清旦閣

祇憤也相去千里無能化青鳥入足下羅浮夢臨楮邑邑春風多厲強飯自愛

與華亭令項東泉

門下中興名世製錦雲間偉績英標寰宇瞻企卽我潮江山藉光增寵矧僕夙仰風猷兼荷穀字其欣躍且什伯恒情矣顧踰伏林泉日涓沒蠹魚中以故望門下旌旄地尺五而不得前時時搔首東望見綠雲亭亭如蓋起則知神君花封清謐簿領多暇登九峯三泖間一二賓佐如王胡之輩持床

燕語耳鳴來秋杪懷我神君謹遣蒼頭馳候兼伸
積悃惟鑒涵是祝

又

僕僣蹇塵寰一出遂躑歸守衡門更不復知有人
問世詎是瑣瑣者顧有概于使君而過辱獎掖也
豈啻茅啻秦偶有所投耶瑤札騰脫冉冉下墜幽
病心開如對顏色感媿交集莫知報稱所矣春色
爛熳且乘間東來一叩榮戟以罄生平倘不我遺
請綢一四賜以佐麴生令僕腹果然而旋何如何
支華平先生集卷二十六
十一
清旦閣
如使去附謝不盡

復薛介屏大行

足下天挺名世暫擁皋比鳳翥高騫人羣快觀而
下邑爭先遺之二兒弱植猥辱陶冶聞捷慶忭什
伯恒情乃以衡門棲僣百凡疎慵久稽馳候而明
海燦爛曉焉先之感媿移晷仰瞻雲端曷勝馳戀
漫附仙侶不盡區區

與蔡信菴邑侯

邸中快被寵光殊慙孔邇之懷第固禁戒嚴弗克

躬執靈灑落羽南馳病纏舟滯奄夏季乃抵閩
門假宿虎山時登胥丘之臺望要離之墓思古節
俠借軀感慨之士輒慙然泚頰已簌簌淚下不禁
卒而撫然自失則亦痛讒佞之害良而浮華之不
常也久羈山房未獲展候使君以罄竹馬之私乃
衮衣繡裳乍違復觀黃童白叟紛馳欣戴于香塵
之側者奚啻嬰孩之入志志懷也犬子如玉蠹習
章句日瞻化雨願廁負牆之末道謁函丈願公授
之心訣以偕大通幸甚幸甚未卽谷違何勝瞻企

支華平先生集卷二十六

十一
清旦閣

與蕭觀復同年

弟無似忝附驥尾不克奮飛無端蜩屈林莽間仰
視當道達人如隔天上不欲裁尺一以問寒燠此
病窶沉痾之習非固爲疎伉也兄丈軒翥霄霄勲
伐震耀中朝推轂而年伯母奄棄色養兄且暫淹
總帷令虛席者久延候澤者病頸凡在有心實共
分痛矧弟竊被餘光荷雅眷其孺慕哀感百倍恒
情分且多雞絮酒九頓几筵而病冗交轅迄用憤
憤謹奉明水專力馳上惟兄叱名恭致仙靈今年

家子少伸鄙忱不任瞻企若爲國自王順時節宣
以慰朝野倚賴之情則尤于兄丈是祝辰且入暑
勉矣加餐

與秀水令李少春

惟門下岱嶽鍾祥中典碩詰素節鴻裁威照並運
祇今構李間棠陰杏雨千霄而拂雲者孰不歌明
德以自慶大綸卽跼伏草澤未獲仰覲光采而含
哺鼓腹以共效庚桑之祝則與塵市士庶等耳首
夏入郡擬得一奉聲款乃觀回甫蒞公允紛沓次
支華平先生集卷二十六 十三 清旦閣

上少司徒毛小山座師

大綸自丙寅歲違曠函丈至甲戌始叨春舉比夏
卽以口語忤江陵東榮待命秋李呂豫所老師爲
綸周旋署教南昌少避疊署丙子春轉推泉州又
不幸而江陵將甘心于洪芳洲二臺誤以見委大
綸堅執不可芳洲以全時當事恩而賈禍于大綸
謂事所由寢者職綸尼之以考功令論劾綸遁迹

海陬杜門不接人事者七載壬午夏勢更事變公

議斯明大綸始量移奉新乙酉冬入覲會臺中掌

察周希旦以姻戚命仲章爲令叨憤恨大綸司理

時繩之以法而舊令朱南英趙院長周親也又恨

大綸更其弊政三人成虎遂遭糾拾以罷大綸雖

潦倒未敘而存歷閒冗汨沒風波憂讒畏譏驚心

動魄無一息安亦無一息得廁迹兩丈者此如迷

亡之子顛蹶通衢隨東曳西了若遂忘其怙恃者

乃其心曷能一息不懷怙恃而願依且瞻哉老師

支華平先生集卷二十六 十四 清旦閣

曠襟闊度素不以綈飾罪人必當諒綸于遭遇之
外也茲聞歸山謹端价走候不盡血誠

與馮文學濟之

黃雀紫蟹臚矣敢邀足下共拍入酒船中一洗目

前磊塊何如

復徐述齋尚寶

風藉寅陽令姪年誼故辱世盟迄茲三十祀矣盈
盈二水片葦可跋而泉石膏肓負離世網遂令雅
契如門下亦復疎闊罪可言哉秋雨梧桐空齋聞

身而遽使翩跹墜自雲端溫言殷殷不減時昔感
作踰咎罔知負荷所矣惶遽擗管聊爾申謝嗣容
顓候來脫過隆且山居有戒久不敢叨諸犒賚矣
惟卒全之

支華平先生集卷二十六

支華平先生集

卷二十六

五

清日閣

支華平先生集卷二十七

樵李 支大綸心易父 著

書牘

與蔡見麓學憲

緬惟門下三朝碩哲昭代斗山綦綯之士句聲款
以徵譽問者榮于華袞重于琬琰久矣不佞走礪
柯之材葦柱之性不善姸姸訛敝以事權貴逢時
好笙仕浹巷憂居七襪兼以顛躓坐致陸沉爾來
十有一載畏途之嶽嶽物情之幻巧既身歷而心
支華平先生集 卷二十七 一 清日閣
籌之矣春仲代匱仙鄉實當塗者憐不佞而故優
之耳竊獨妄念官有顯晦道無汗隆寧官負人官
以人重載在汗竹固飯飯矣且白頭寡婦礪節十
年一旦更以鉛華強以巧笑卽無論平生乃朝晞
亦復幾何哉售則人嗤之不售則心悔之誠不知
其解也用是不顧前後孤立一意以期無負而二
三豪右狃習故常敢于撓法不得已稍稍裁之一
時諸豪亦知朝廷有不可觸之法網官寮有不可
淫之丈夫乃其處心積慮固昕夕跂望不佞之解

卑而復逞其私也詎謂是瑣瑣者固有概于明公而錫之瑤編以永去後之思也是海內之微句而不可幾者而不佞居然致之何不佞之不諧于流俗而獲伸于有道如此哉善者好之不善者惡之不佞其可以自解矣熟復數過感泣潸然揣分盟心誓以終始惟門下卒振策之拜命之辱聊以爲謝并效木桃統希台照不悉

又

今譚治道則必孔氏矣其自敘也曰昔月日三年支華平先生集卷二十七 清旦閣 乃攝政于魯甫三月耳而治化燁然若兵革夷誅正卯尤大駭觀聽者抑何施設懸殊也夫子少賤魯人固目攝而易之如所謂東家丘鄉人子者俾見效稍遲而所施未究人且謂吾道終無可行而吾或不得自見于天下故少露精神以爲之兆而微示緩來動和之畧使果委之以國則必綢繆其禮樂節宣其文章而舒徐闊大之規模非昔月三年莫可奏緒此王道固然不可驟也以某之不肖當竄逐之後人且見謂無能而幕寮素稱冗濫易

與乃以單騎入嚚悍習詐之鄉曾不足當奸究之一瞬而可以尋常煦嫗之法投之哉首春之政匪特積弛之後利用嚴明所謂道以正行事由通濟固居攝之微權匪經世之恒軌也邇蒙諸老過與兩臺繆舉雖未審廟堂之議若何倘得請事似當稍新其調以俟三年而今未敢幾也惟門下終惠顧之承札節不任欣荷却附縷縷以復亦恃惠子之知己也容嗣布

與鄒南阜

支華平先生集卷二十七 三 清旦閣 念昔羅文介公身任綱常力排流俗朝陽一鳴埏宇震竦迄今劒吉間猶藉耿光鼻者門下首批逆領載扶頽綱貴竹孤踪坎壈百于文介矣凡在士籍疇不羨流風歆雅尚哉不佞夙抱慨慷緬懷擊節顧門下方握蘭青瑣琅琅赫赫媿以未同不敢輒于榮戟遂復落落如不相知者乃今門下益厲觚稜如薑桂愈烈在本朝惟楊椒山將伯仲之汲長孺唐子方弗齒矣不佞待罪仙鄉矜瞻風節愀我寤歎能不依依憑風附音祇候興居以卜世運

惟爲國珍重是冀

與吳司理

在昔足下持衡南服獲披丰神由山翼翼藹如春
融黃鶴焚蘭青螺飛羽悵娥英之結思吊屈宋之
幽期慷慨晤言形神都洽矣萍飄蓬轉霜降星流
往迹可尋來期方遠頃以計治趨朝風期倍昔塵
裝未滌珍饌已羞雪介初凝瓊漿載洽殷情雅致
中藏靡諉竭來西江百紛蜩集青陽分袂奄及嘉
平拒候無階俛焉徒想愛而不見我勞何如茲因
支華平先生集卷二十七 四 清江閣
便翼輒附尺牘悃悃素心不任馳戀

答程司理

京邸周旋極荷款曲南來遷轉逢迎人事紛沓從
此並曲江勝賞梓里錦遊風問杳然空有懸心矣
採榮朝著佐政黃堂丈夫得志之會也賢弟英標
粹養新刃發劖卽陸剌犀兕水斷蛟鯢隨試輒效
耳乃猶飲然遠訊深自抑損以此持志遠大可量
哉欣慰欣慰仕以行志不在內外寧人浮食母人
負官爰書傳麗微驛萬狀哀矜得情自昔志之矣

賢弟惟畢慮宣猷行吾所學久之當自有知我者
幸勿以世途浮華介意也承訊及輒復縷縷

與太倉守馮原泉

去冬得奉遐訊拜牘儀感刺心脾莫能爲報逮使
節南歸又辱盼昧益之豐儀計須叩首虔賀而抱
疴糾冗日就遐延無何而道旆已翩舉矣媿疎至
今若社叢棘念弟悃忿褊姿與世寡儷而賴我二
三知己投分追歡飛聲聲嗣節牘湛清酒繼剪膏蘭
抵掌笑談形骸若一樂哉斯晤于禰無爽也爾來
支華平先生集卷二十七 五 清江閣

參商殊麗雲泥異迹望風馳思恍如風夢而弟積
閑成懶習簡爲狂林莽索居木石爲伍頽然爲宇
內迂儒卽世或我用而已知非荷重馳悠之器矣
吾丈奮身雲表膏沃海甸行且爲國家奠不拔之
基流燿燿之光俾我浙江山藉以增重奚啻榮我
同籍第聞縉紳流相徵逐率偃形低語環轉指隨
飾違心之言施不情之禮啞而聚蹶而散罔有信
心率意忘形一笑觀言動而權古今者審如是則
吾丈邇來丰範又別成一格矣而弟猶故吾也吾

丈其何以振我哉言無敘聊布鬱悰時因翔鴻佇聽仁風

與李編修

頃兄甫辭寒窓登冀闕而聲稱耀燁宸眷優渥者豈有宿交密契爲之先容哉大阿出匣光芒熠人迅雷一震潛底奮動理則然耳今且陟詞垣專筆削翊管登壇馬班却步矣浣慰浣慰弟以韞材翫解直任而高自盼昧前無哲人其屢遭頓抑才質固然奚敢咎司命耶爾來塊然獨處澄心內照會支華平先生集卷二十七 六 清旦閣

兄靈明而日本自圓成無得喪無生歿士流得此實際自與天地同流不爾即眼底繁華胸中聞見皆爲業障理障而本來種種天機活潑潑地者了不可得以故世間讀書士人雖其才華之豪邁名位之烜赫而非有登筏到岸快然一噓者及所遭一蹶壯圖盡灰回視榮途恍如宿夢矣此出世豪傑所爲藐然于浮雲敝屣之外也兄既抗身巖廊肥輕適意下視弟言如嚼枯木耳而弟以燕石自珍至以夸號于人人斯亦固矣吾邑素稱有講學

風兄與弟尤舊學友也因漫及之幸勿以爲固哉與舊尹史瑞巖

僕沾溉覆露之德稔矣雲泥迥絕承訊末由迹類簡伉顧不遂穢棄遠陞天風猥賜嘘拂感枉魏集稱塞奚繇僕迂拙疎鹵積謬招尤羣口吠聲不影而射爾來返自金陵者彙假公怒言以危僕千里傳訛飄山堙谷孽萌一肇幾成市虎矣言念昔庇棠陰越二年所靡有差池洎新科諸公綠簡迎餞噴有煩言而僕之承餞賚也乃獨有加去春免役支華平先生集卷二十七 七 清旦閣

一書偶觸雷霆震而實出衆手然則僕何憾于公而公亦何薄于僕也惟是接席抗談骯髒多鯁過蒙容茹時一解頤此亦豪傑磊落之常態耳不虞善譏者輒偵嫌抵瑕附致浮言謂公且大弗快于僕而甘心焉業已羅織而陰中之矣比僕自念人生修短數如幅帛造物者實機杼之即裁絮自人亦大數歸然祇願無邪恥而合大雅耳以是危疑闐聽恬不爲動今公陟崇階司獻納計且柄化陶鈞之上坐英八遠之外于僕慕絕矣而譏者騰若揚

泝然怨公者既恐僕以莫測之禍而激之忿其忌
僕者必日媒孽之而假手于公世情紆險山川莫
如背面之間縉罔立變孰知怨公者即所以忌僕
而巧于譖僕者乃巧于誤公者耶僕此竄無似嘗
側聞長者之餘論平生無私怨惟公監閫步之跡
解彌天之罟罾此奇情謝彼咳口則賈生之疎或
見容于絳灌而瑰奇之宋玉其不以不譽遺矣懸
知畫不假炬明無漏隙復剖玄膺敷茲惻縷者殆
又迂拙踈鹵之痼癖也惟爲國珍重勸宣令德是
祝

支華平先生集

卷二十七

八

清日閣

賀陳廣文遘盜書

客從城市來臚言貴衙遘盜始爲惶謂衙宇居
閭閻關隘鱗次巡警紛沓而盜得圖之亦奇事也
旣而念之得其故爲足下大喜更從爾心入賀是
天所以相足下而成其名也足下振鐸敝邑俯兼
政教寬肅宣惠美中播外而越于民民實戴之若
大夫若士若庶人罔弗飲仁服義深信不疑蓋越
基所矣其或貳中者特小人耳盜以小人之心揣

足下乃踰短垣擔空囊中宵北遁以微滯積而竟
挾朝祭諸服非盜之賴也爰棄而奔足下方綰邑
符少有恡色飭城內外毋敢出客閭市巷邏覺之
卽諸役人疇不震懾足下之威德思攘臂以視賊
魄而生磔之哉而足下顧緩其事弗峻治是吾所
以見足下之大也吾聞古大盜能望人之容貌顏
色覘門庭候地脉而知藏貲之盈虛是以動而有
獲蓋善藏者必厚術而足下短垣不飾窬竇不室
非好藏者也務積者必多虞而足下無怛心無吝
支華平先生集

卷二十七

九

清日閣

容非務得者也盜弗克信足下之心又弗克望容
色覘門庭而冒入焉徒凡盜耳然緣是而足下之
盛德卽盜賊信之矣居常見世俗子覬盈而益厚
計億而極姦姪枯其形骸芻狗其歲月窮機械固
肩鎗多轡韃罔不殫心極力而大盜條至傾貫而
去畧無齟齬是億委形以德盜也而卒至洵涕瘠
色招膺頓踣勤司寇連比閭以逮之足下不備不
虞不吝不迫其不爲大盜勞生也審矣叔向賀貧
宗元賀火彼其于得失之際亦稔矣故不以吊而

以賀且以襄令德而延駿譽也生本此區區素恬于貧比來往返青徐間三遇警而心不動卒無盜虞者所謂得全于貧者也足下已遭盜矣而猶不動是吾所以見足下之大也故不以俗言相慰藉而以至言賀非足下仁且義其弗以吾言爲嘲哂乎

答同年丁敬宇

弟素性直遂不能委曲以諧世情積習沉痾與年俱長爾來困心衡慮痛自磨礱卒無改于其舊而吾師乃誘之曰剛者近道其勿改也弟子是遂不

支華平先生集

卷二十七

十

清旦閣

改矣竊觀講學諸公及新登講肆者往往往裁冠闊步微笑低言如脂如韋以苟俗好誠如莊渠先生所謂言高于秋天行卑于涔池私心甚不喜以爲如是講道反不如學農學圃之得全其天也遂益自信以爲庶幾而不入羣公之社矣且鄉愿所爲儘似廉潔忠信至非之無舉刺之無刺其制行周密堯舜奚殊只一似字便遠人生而直之本體不可入堯舜之道曾點之志以肉眼視之幾于浮蕩不根而先達以堯舜許之蓋三子尚有經營計較

之心而點則信步信心獨往獨來不染世俗煙火不落裝點伎倆便是人生而直之本體堯舜爲萬世法只一點直心徹頭徹尾不必似忠信似廉潔而無遮瞞無假借無滲漏所以能格上下被四表今學堯舜之道而依形借影傍取殘盃冷炙以資口頰不過自瞞自誤耳辟之二處女一村女也朴容稚髻任真春作而混沌未破一仕女也冶容嬌色輕裾長袖色色可人而天則斲矣足下奚取焉吾恐村女少自矜飾尚不失爲佳婦彼天一斲則

支華平先生集

卷二十七

十

清旦閣

無一可爲矣奈何堯舜之道而以綺言麗服爲之所諭自省仰見近來進道之力浣慰浣慰然責人太過緣自治太疎若切已用功則自療不暇何暇責人如弟敗闕甚多誠難舉似然只是退藏未密本領未純展轉因仍變成他症何如何如所委譜敘瘡疾初愈尚未脫稿興來當一揮酒霖雨爲屬吳中沃壤幾成葦場拘儒過慮恨不能鍊一拳石補天漏也

與陳寧州雲浦

居常念長卿曼倩遇知茂陵弗克崇令德以樹茂
庸乃以翰札自見史氏詆之俳優千古詞人摘膺
扼腕夫偉夫得志何事不立豈卑卑翰札間耶顧
陽春寡和倪習已謠露豹深晦僅見一班道固委
蛇良非得已云耳明公雅藻翩翩作者之堂乃韜
芒鏖耀而展驥足于千里之衢惠問川流上下決
和固偉夫事也莫之尚矣僕無似養病冷秋漸狎
世故庶幾得一當以報知遇而罄折逢迎積勞翰
札風塵汨汨壯志摧頽僕何人哉乃覲然作俳優
支華平先生集卷二十七 主 清旦閣

又

僕展誦刻牘信足下非塵俗人雖未面承顧神晤
投分久矣因劉生歸輒吐鬱鬱乃足下撫陳思自
試語下示意若以廣狷狹之量而借之大通者惠
我愛我厚矣厚矣敢不佩服第壯夫慕義志士抗

身謁帝七章紆回悽惋至欲睨四海于此隣期王
體于黃髮亦豈徒咄咄憂思者顧誠歎知己難遭
而盛年之不再也僕束髮學書五舉一遇羈棲偃
蹇人所不堪際此明時乃復留滯情與事會感從
遇生何能已已陳生憲德晚成應貢彼何人獨能
無心哉幸玉成之

復大司馬吳自湖

大綸跼伏東海久矣束髮以來顧獨好蒐羅墳索
追踪述作出入玄釋之詮馳騁孫吳之畧謬謂今
支華平先生集卷二十七 主 清旦閣

昔英雄若斯焉止矣暨後聞東越之學簡要直截
洞啓真詮然後一蠲宿好盡氣奔逝乃因循往舊
進寸退尺邇者潛心卑力以期有成而師模日遠
舊學浸湮及見吾翁誠不啻觀景星瞻喬岳寐寤
向往而因以爲宗也乃未決歲而振耀王謨秉鉞
淮甸固知出處一道離合一心而某索居寡接用
所標模安得不沿固陋之習而貽有道之羞也頃
聆國計方殷聖衷眷渥經綸恢展想見先憂之容
而俯念末學過賜曲成教言豐貺具敷肝膈道義

骨肉之愛一至于此綸也力綿材屏方懼墮落提
撕再及若或振之敢不努力以副厚望季夏涉閩
額容申候茲因使旋率爾附謝願言未周

與朱雲崢

朱舊為奉新令

春初承攝新邑兄駕未行告計紛如弟酌虛哀盈
頗憊心力間亦剔蠹振蠱抑奸懲玩要以調停所
宜彌縫所關匪固襲短以暴已長賣友以逢時好
也夫程李並將煩簡異施李郭代鎮寬嚴懸殊倘
泥彼蕭規同斯膠柱豈惟誤政亦且誤兄道固委

支華平先生集

卷二十七

十四

清旦閣

蛇良非得已豪右廖富九等頑梗暴橫稍為挫抑
遽爾譁張托令親周上舍達之令兄令兄不勝天
至之愛徧揭南都頂接原書罪人斯得兄自計之
平生亦嘗有所憾乎即有之不能自理白乃謂弟
朽株易拉而口實之鬼神森列安可誣也倘弟不
自樹立乃暴兄過以博名高達衆好亦惟鬼神者
鑒之若胥吏之易置豪右之受法何預前令而引
以為辜耶道遠傳訛殊駭賄聽謹勒尺素矢諸天
日惟兄俯原

再與雲崢

昔歐文忠耳白于面名滿天下唇不益齒無事遭
謗弟之耳白于面而名不聞屠則葢齒矣而謗屢
及豈姑布子卿之術亦有未驗耶呵兄之行也
告計紛紛非弟攝縣舉邑胥吏無得免者中間或
有更張皆為兄善後計也兄不核赫赫之功而聽
冥冥之說輒肆為排詆亦可笑矣兄之揭帖譏謔
于院司者不一而足乃院司省之則茫無所聞也
其不以兄為輕發耶久之事定兄終完壁無害而

支華平先生集

卷二十七

十五

清旦閣

使弟蒙不避之名斥逐以去兄得無小悔乎弟久
處風波宦路榮名已若枯蠟故聞此詆毀都不介
意又自念三黜之後前途有限而兄向進之始方
奮扶搖故寧引咎忍垢以成兄之名耳若使少年
好進者當之不勝猶介之忿遂因而搜羅撫拾角
勝于尊達之前其不兩敗而俱傷乎死生旦暮富
貴浮雲寧為玉碎毋為瓦全弟之自分則既審矣
一丘一壑行且圖之毋煩喋喋而咕咕為也止因
令親周上舍到縣而豪民廖富九被訪賄托令親

互爲請張而周人亦務爲奉伐以邀功于兄耳且馬戶之告撫臺也其詞皆汗兄者弟訊之叅語云朱知縣在任六年清白一節每事檢防甚密諸役染指尤難此院司文案具在也豈可僞而襲爲之哉兄何信冥冥之譏而輕夫赫赫者也前寄送各司道稟揭隨時送入矣顧以回役之便例無答書耳今云束之高閣似亦小誤試質之諸司何如

支華平先生集

卷二十七

夫

清旦閣

支華平先生集卷二十八

構李 支大綸心易父 著

書牘

復張繹菴主政

承論甚悉奇抱不佞潦倒末殺自銜無媒拂袖林泉益悟习化蓋世人遭榮適惟苦不真罹憂戚惟恐不夢然夢中幽憤榮適神識所注何異真境而浮生咸遇禍福遞遷好醜倏代不啻欠伸一息卽七尺之軀人所深愛其惜據爲真境而萬不可捐支華平先生集 卷二十八 一 清旦閣者俄而何焉烏噉螻蟻俄而爲浮土爲飄壚矣矧諸榮名尤涉习境軒車文繡不入皮毛鐫金勒石不潤枯骨卽彼方得志背面已殊時而俛首低眉如有所負時而高趾奮膺自視無前三更傀儡未足方之此其實賤不獨操之趙孟矣然則何夢非真何真非夢而何所欣豔何所厭棄耶故千古一瞬萬鍾一塵長陵一坏阿房一燼至人達觀所觸皆化彼瑣瑣者何足置之蝶夢耶來諭廟廊家政之慨似猶在紛紜中囁語耳頃君故不貧近有新

郎君挾以宦遊所獲將不貴區區林叟愛莫助之
忍急以繼富是鄰醴之誼也未敢聞命晴窓朝旭
息緣靜坐老眼炯然如新覺也呵呵

與友人議鄉飲

側聞邑庠有議行鄉飲禮者姑無論年齒未及行
誼無聞不稱令甲乃其舉厝殊令人感額攢眉寒
耳而卻走也不佞爲諸生時習見郡邑長吏將舉
是禮則販夫菜傭引頭跂足營之萬方諸措大無
賴者輒昂其值而懸格曰如是者與不如是則否
支華平先生集 卷二十八 二 清旦閣

既諾價矣以上之郡邑長吏郡邑長吏漫而領之
曰芻狗耳且成事而已至時崦嵫蔽日矣始紆徐
悲軾高領揚眉施施而來曰甫畢斯而之薦祀耳
彼販傭者僂僂而前匍匐伏而隨屏息凝眸脅肩栗
股如狙如癡如繄如桎口不沾液臂不接席而郡
邑之車且引而之薦所矣夫墻間乞兒非世所稱
大無恥者耶乃其昂頭掉臂大呼長號草盈瓢溢
信口大嚼俄而醉飽翠茵銀沙僂仰酣臥故自軒
豁獨其矯詞于富貴售誑于妻妾遂狼籍敗露覆

爲笑踣耳亦豈遽若斯人之踣踣無狀也且足下
謂丈夫須此而榮耶七尺顙然眉如石稜髯如戟
張生不五鼎食死且與義黃姬孔割席而談心抵
足而角步安得與諸屬續食也且仲尼周末腐儒
耳英賢命世何代無之卽王伯安豪傑聖賢自足
瞽宗昭代乃卑卑爭一豆于冉求林放之後諸白
丁又從而雌黃之齎之者有難色授之者有市心
千古壯夫殊爲氣塞奈何以餽釘餘汁令伯安復
爲我氣塞也長林豐草天空日煦掀髯一笑山岳
爲摧矯首四望寰海猶隘方且薄鍾鼎珍饈于蟻
丸等登降周折于野馬乃至與販傭爲伍耶亟去
毋落吾事

與趙宗伯

大綸畸世之陳人也東髮來雅好奇節璋行之士
竊謂丈夫必有氣節乃有建豎有志操乃有經綸
庸夫甘寵飾佞姁姁自暎平居殊輒熟易使一旦
有故不賣城乞生卽挾妻孥遁耳世道奚賴社稷
奚賴在昔羅文介公綱常一疏震耀近古寥寥百

二十年而門下首擢江陵之鋒峻節昌言氣雄義
確讀之令人眉軒髮豎顧文介時威福惟辟清議
凜如故外補未幾旋已得環江陵獨擅國秉假竊
天怒寔震橫發掠以重楚鋼以編藉風旨陰授逆
黨甘心者且數年其震撼懾固古人所未嘗而
孤稜山屹又蓋臣所不敢者大綸誠寤寐嚮往而
願爲執鞭者積有間矣乃既弗克撫衣門屏以從
鞭弭之末又弗克通藉中涓以申款款之恩抑何
與初心刺繆也念先曾大父蓮菴公以試事忤汪
文華平先生集 卷二十八 四 清旦閣
直與文介吳蘭同好尺素傳家迄爲世珍郡邑誌
咸侈爲美談大綸往吏閩服勤志信度力抗權奸
雖家貧無曹丘輩游揚以致落莫而常帶間亦塵
有聞者幸與門下生同時居同地而不獲奉下風
雅慕既乖先軌亦替大綸何人能自消沮用是謹
勒尺一仰候清塵倘不遂鄙夷如文介之視先君
子然使天下後世知有抗節之名輔亦有遜世之
丈夫庶達者不沉酣于華轍窮者不斬弔于青蠅
耳不然大綸身既隱矣浮雲易散引影如蛻奚藉

干人間世而爲是娓娓也若乃純忠碩望熙時惠
亮俾蛟螭咸若四裔救寧以愜中外喁喁之望者
直門下餘事而大綸手握丹鉛揚扆今古尚能勒
成希世之節流貴名山以俟來哲所謂敗棟朽株
蒸爲芝菌或庶幾乎遐睎層霄如馳如企蓄育千
緒不盡什一

與馮開之少司成

頃足下起東山握造士之柄一時青衿振綴談士
擊節甚善然此特秉弼者執簿述遷耳今茲政府
支華平先生集 卷二十八 五 清旦閣
政局寤寐良弼大雅宏度如足下者簡在金甌稔
矣安能鬱鬱久南服哉念昔追隨京陌接卮酒奉
殷勤分道故不淺乃不佞疑步憊顏衆口誦詠視
爲大澤之虞弋人耽耽以飽嗜者放棄草萊無可
比數而足下日益顯重十年餘不敢躡進其屨于
門庭時時從戚友得聞雅尚竊推伏愾歎庶幾前
輩風流則願叩玄亭受真詮一了無生木體而宿
障牽纏重爲世網所苦惟難肋種種照影自憐請
劬請纓任奴故態特復爾耳足下其謂此落羽捨

偷何哉榮發有期會晤未涯端力代候迺寒惟爲
道自玉

謝常心吾大中丞

兄歸具悉顧復勤倦昔人云溫不增華寒不改葉
每愀歎跋扈意今者違此奇闊感愧與捧札節
獎借踰等似重憐不佞之過者循省今昔怡然內
沮卽不佞初心亦妄希古人之業思得一當以見
于世乃竟陸沉莽蒼之野而日抱牢騷離飢之思
至與蠹魚爭食抑何鄙也緬惟趙宋西夏弗靖有
支華平先生集卷二十八 六 清旦閣

狂士大吟曰踏破賀蘭石掃清西海塵布衣能辦
此可惜作窮人今寧夏首禍朱衣載道白簡盈庭
相顧錯愕如庸醫視已潰之癰駭汗卻走韓鷹檻
驥能不懔然既復自念缺陷世界物無必全有涯
之生役役營營徒爲窮鬼所笑藉令不佞弟靡升
斗走塵埃而終無建樹又曷若放心莽蒼之埜以
窮幽明而傲千古也恃丈知已輒吐狂臆不盡

與余幼峯學士

客歲詣都城謂須擊筑飛觴傾倒渴腹耳俄中飛

語掉鞅而南望萊陽之屢榮吳門之馬恍然知司
影難恒迭觀易眩俛仰人間世大都若斯耳已爲
之戰然兄丈矢心帝右積勞惠亮坐見升堂臯益
卻舍姚宋俾陴挺聳聽汗竹凝睇弟卽蒿目塵寰
且臚聞而號且夸曰同榜有人矣頃吳楚懷裏黎
元替替日微珠桂以幸旦夕而持籌者則惟國計
是虞反裘之喻可無息乎兄丈碩猷經體必有概
于衷者其謂之何茲因弱息復監草勒以佈此子
能讀父書稍異景升豚犬語云兄弟之子猶子也
支華平先生集卷二十八 七 清旦閣

復曹位字

不肖自投簪後屏慮黜芬陶然遜世非敢爲固也
居常念宇內有鑑韜四而文居一焉玄造炳靈品
生劫壞皇王在御風偃日烜銓軸持衡升雲沉泥
彼三者咸能範形鑄質陶冶羣命而文士捫三寸
管肝衡抽緒鎔意匠心驅萬彙于毫鐙鏡千秋于
眉睫呼噏則黃虞生氣點綴則穹壤增輝與奪則
紳綯改色大塊不能局其英聖哲靡所絀其祕權

奸罔所厝其巧故機泄而福謝奇炫而妬來卽具
幸且難之矧合血戴齒之侍哉三季迄茲摘文之
士遭屯罹忌大致歸然矣懷此悄悄爽然自咎會
將塞兌以還混沌曳白以詣羣侶守拙以避累且
蒼墨莊荒于象罔兔穎壓于蠹魚積有間矣繆承
委諭其習知故吾而未知今吾耶豐貺謹輸故府
佳瑞須咨作者未敢聞命

與李師弦太守

頃聞丈蒞雲間飾象淳化五純之操屏絕鱗腥俾
支華平先生集 卷二十八 八 清旦閣

游談芬舌夸昆滌腑弟雖伏在漁釣未嘗不神飛
夢馳爭先睹之爲快也既復念寓內方多故以丈
偉望正樞府酌斗杓若時惠亮卽推結休備交臂
受事不則獨晉中臺專制闢服亦且淨氛蠲穢莫
之大通乃遂逡引外服令雨露偏溉一郡間持衡
者或亦失籌乎第中外喧騰春汛島夷分道入寇
而東海之濱獲藉長策而保障之廟堂且高拱而
付大江之南若覆孟矣其倚賴誠殷匪徒以股肱
郡借丈之重臥治焉也弟投杆而歸陸沉蠹魚中

于世味一切抹撥視出戶庭候貴人如使絕域故
去仁封百里而竟不能攢眉捉鼻磨折于榮戟前
乃企慕踴躍之棕則不能不嫚嫚者敢諏牘具申
一摠惘然若以事謁以私懇則自斷此生不敢破
例惟鑒其愚癖而涵宥之特方沍寒加絮自珍

入閩與同年梁元沙劉筆山徐東磐

弟以迂僻之性量移劇郡非其振故所賴二三年
丈共事同心左提右挈俾無隕越足馳羊腸而假
之安輿也第同籍玉昆幸得聚首天緣骨肉貴在
支華平先生集 卷二十八 九 清旦閣

忘形世情俗套面目可憎倘蒙垂顧必脫畧瀟灑
乃見其愛蓋同年乃世講之訖而官寓僅若萍踪
襲不情之文掩天敘之實彼此嫌猜積成隱懟中
世通蔽丈且爲弟甘之乎願俯徇鄙忱相成以道
是冀

與蕭允嶠少司寇

頃接旌麾得聆玄旨以開充贖雖未克頓悟真詮
時有會心處便通化城耳倘不棄鈍根北上時維
舟江許再濟般若之航尤三生宿緣也不盡皈依

與邑令金餘山

蚤起彷彿聞李見亭奄化誠然乎花心凝露海面
呈漚過眼銷滅自古爲然乃達者委化而順命淺
夫觀景而易形炎涼背面譬昵反掌薄俗可憎丈
素敦雅尚必不爲此見亭素際于丈而遽適其變
于此可以觀量可以養德勉旃自力毋令人得窺
淺深也

與友人

鄉聞丈募修文昌祠明示大張要人必捐重費行

支華平先生集

卷二十八

十

清日一開

且計口勒輸有之乎弟在江右見靖安縣募修儒
學爲撫臺楊震厓所叅在閩南見永春縣募修東
岳廟爲按臺所訪竟以賦坐丈素達政令奈何爲
此豈么麼子食餌微擅從吏以成此過耶忠告在
弟不可則止

與邑令王華源

家隸不力致干雷霆齏粉是甘而龔設所公祖以
雨露濡之無非至教乃別後博采風臚頗不以僕
爲非而工讒者謂僕猶有他腸而公亦銜之不置

此甚可笑也僕與公並當明聖之朝適有相臨之

遇奇情未諒諷議屢激虛疑刺耳謗篋薰心僕既
遠離遂涉瑕霧迨僕南歸塵埃滿目而酒食延呼
歌笑間發玄黃稠疊禮節勤渠僕自謂豪傑襟期
洞無留滯公亦信僕磊落足稱丈夫豈背而之間
輒生黷胥杯酒殷勤厓以董醜乎卽公之雅量或
未易窺乃僕洞懷曠視率意信步如砥如矢皎日
可鑒若謂僕吏泉時別有觸怒以致脩怨不休則
僕之吏事泉人德之頗深不知何以開罪于公以
支華平先生集

卷二十八

十一

清日一開

致茲毒也南較且膏瞻依漸遠諸言易入輒布區

復新建令余十竹

惟足下玉鉉碩彥製錦新吳湛盧初試日無全牛
矣生以載材誤辱先驅糠粃在前曷勝簞揚之思
哉繆承雅度春融包荒匿瑕以幸無督過而獎辭
繆禮瞻焉及之此情此德卽銜結奚足爲報矣對
使拜嘉惘然自失謹附復以致謝悃

答陶憲長

荆南周旋荷門下布誠祛鄙過推潛掖決五禩所
矣達跡修飄斗杓載易潯陽風旆目練徒搖瞻企
光儀曷殊疇昔惟門下華名景勳飛照嶺微抗身
巖廊手對元氣且跂足而須耳詎是瑣瑣有概于
心枉使遠馳教誨禮渥捧誦什襲與心俱藏矣某
匏繫西江碌碌無侶同聲千里日仰標模門下其
何以振我使旋肅布伏冀台涵中土漸寒閩南稍
燠尤希珍攝

與余憲長

支華平先生集

卷二十八

十二

清江閣

念自附驥聯珩邇來二十有二年矣雖聚散靡期
而景行慕履較若一日迨使輶兩按敝鄉經綸恢
展風節凝峻迄茲海岱間棠陰杏雨干霄而拂雲
者疇非翁丈之庇蔭耶今上銳志治功剔幽揚側
旁求寅亮亮端衡之士甚亟若丈固素所注擬也乃
天假奇邁暫膺江臬之命俾二三基紲得仰石畫
而被風猷微惠非淺極知衮衣東方不踰信宿而
遽傳甫臨江山草木咸戴黹以俟照臨矣生忝夙
昔其愉快又不知幾什伯也茲因候人肅代先驅

伏希台融

答姚侍御

惟兄丈鼎鉉重望綬綬趣庭凡在故知疇不依戀
門屏甥生素荷覆露獎掖踰等乃祇役茲土已幾
半稔而咫尺不得見顏色以伸款款之愚即尺素
相遺時承風問而青禽伏翅踰月不詹疎尚之罪
何勝首服兄丈不卽督過已厚幸矣乃華牋騰睨
枉使遙臨厚德殷情宛如夙昔捧前兢慙感刺心
焉安得維丹江潯握臂高談罄此縷曲也使還肅
此申謝願容嗣布

支華平先生集

卷二十八

十三

清江閣

復余襲溪太守

兒子尚乳臭過辱公祖優養踰等价人來述縷縷
悚息不寧者移晷豈公祖軫念桑梓及此苑吏耶
乃不佞則循分增慙莫知報稱所矣不佞以菲劣
濫竽仙里值積蠱之後如草昧然而軍需徵發急
于星火雖悉力調停與蒼黔休息而督併有程叅
提有譴不免痛心疾首以應時格公祖習知吏事
當能俯原若士民且不知謂不佞何狀也令侄河

九少孤孱力侮之者衆不佞稍一振之縉紳之子
猶吾子也敢拜命謝之辱諸侯入覲得微一面傾
倒不一

又

不佞糜祿仙壤朝夕鯁鯁惟催科負逋是急下若
有不任其疲者而上嘗有後時之譴鄙心實皇皇
困之又安所注厝于簿領之外乎明公軫恤桑梓
而併加惠于護桑梓之夫珍瓏瑞函聯翩載下謗
以溫語示以周行直欲士化民安庶幾絃歌之聲
東華平先生集 卷二十八 十四 清旦閣

復南昌令楊蒼嶼

不佞以慙質蹇足而厠于諸大夫之後也是白頭
棄樽與靚粧麗姝爭妍而取憐也其不見東施而
疾走者幾何矣乃足下高誼曠度猶惓惓若有柴
于衷者豈嗜菱嗜棗偶有所投耶抑亦欲引狷鄙
之夫而偕之大通也顧不佞樗朽支離丘壑之外

更無所須寒蟬抱葉蚯蚓食壤行且托名山澤坐
觀公等佐陛下致大平竊以餘年沐浴至治當樂
而忘悶耳如來論過爲獎譽豈所及哉顙仵布謝
不盡所私

上大司徒畢松坡

大論自甲戌孟冬奉違師席至丙子夏轉任泉推
丁丑秋以外艱歸戊寅復丁內艱庚辰春忽致人
言幽憂林莽者七載不復與人間世接癸未夏重
爲太宰嚴寅老所強貶暮江藩及寅老去而孤踪
支華平先生集 卷二十八 十五 清旦閣

留滯又一年所矣冬仲二臺疏移奉新土風民習
刁險特甚日兢兢以苟旦夕惟是老師台座久缺
音問幾成悞思負德之徒中夜思惟臥不貼席茲
特專价叩閣奉候台履緣在轂宇之下不敢以文
伏願早晉宸階變調元鼎以幸門牆苟勝祈祝願
望之至

送鈔關冬至禮

履長之慶昔人重之蓋繕性者尚其中復保泰者
利其大來聖諦扶陽抑陰之義即時序間固斷斷

矣祇今陽德方長衆身棄升際此嘉辰能無愉快
乎懸知推務雖殷良不以阿堵妨雅致也不腆幸
戒隔者納之

與李元羅中丞

大綸不佞昔侍罪洪都得瞻令儀承大學知本之
訓迄今耿耿翼依門墻服膺至教乃以仕路崎嶇
陸沉簿領不能馳侍于金馬碧雞之間以受成事
而卒執經之志則日夜望使旌遥祝願翁早陟端
揆俾後覺得所宗依乎親兄大烈爲邑諸生二十
支華平先生集 卷二十八 六 清日閣

年不售就試南宮得郡幕非其據也第在我翁覆
露之下倘進之門墻覺迷提領使得終有所見以
不負生年之志且使大綸得繼家兄而自行束修
以上焉誠不勝大願肅介兩溪諸同志之雅溺于
聰睹昂首滇南山川間之振微植弱是在有道君
子

與鍾蘭石太守

門下主鉉碩望昭代斗山綏輯之猷匡攘之暑靜
如岳屹動若雷厲借寇滇南而金馬碧雞之間發

發乎直追淳龐之舊矣大綸吳下樗材畏途偃蹇
未遑通候每見敝徒李鼎刺道風猷輒噴噴瞻企
若恐日暮不得依事大君子以受成事而慰生平

慕蘭之思茲親兄大烈徵天庇得屬末荷覆露大
綸亦有同屬之說敢介李生通家之雅敬瀾記室
家兄俯仰庠序間閱二十年晚就此職非其據也
倘得藉翁之靈以幸無顛越則玉成之恩埒蓋高
靡諼矣漳江言別便自潏潏然恃鍾先生在不失
金湯寧復唱公無渡乎昂首南矚神與俱馳

支華平先生集

卷二十八

七

清日閣

答郝州守

時江陵家方多故

荆中故多事難以胸臆計也鎮靜定變不激不隨
非高賢孰望哉日中而昃月滿載魄高明之家鬼
瞰其室物情固然此孔融二孺所爲了達于擲戲
之頃也承下問此復

與張掌科

太阿出匣光銍燭天荆玉在璞神彩燦日其本之
者異也足下湘衡間氣鍾穎含英蓄之粹然發之
歸然一旦出而振聲巖廊勒勳區宇樹平章之烈

流不世之光固主上所披肝而眷注僚庶所望風而景嚮者也台鼎重荷行且專之其爲世道國脉寄其鉅生重以天幸得夙睹光彩乃僕僕下邑丁無寸長倘足下不遐遺惠我好音俾得終奮下風以無忝夙昔之雅感哉何如

與蔡見麓學憲

惟翁召世偉儒朝野推轂不佞謫吏西江日圖一候顏色以慰生平慕藹之私別茲于役仙鄉式閭通室景行慕履尤所傾心乃以簿領紛拏坐羈走友華平先生集卷二十八 大 清日一開
謁即翁不督過幸甚顧辱華函珍貺屬焉墜之若將以砭膏肓而借之大通者盛德作人固至此哉感忤移晷莫知所謝謹領佳饌矣豐幣璧之左右仵旋肅謝諸容副布

又

春來日候行旌以撫鬱抱而高蹤遠道徒勤企思乃盛德雅謚曲陽獎成雄文腆賦優渥勤懇有踰骨肉感此恩私何當銜戢今孫英資偉器濟美之才發軔膠庠芝榮階前良足慰羨不佞敢仰尸天

功乎嘉賜拜時果以歆明德性醴璧之館人專容副謝

與王與竹憲副

惟兄丈王鉉重器昭代斗山綏輯之猷匡攘之畧靜如岳屹動若雷厲屬自信寇以來而金馬碧雞之間共仰經文緯武之績矣日夕秉節鉞以淨炎氛宅端揆以調元化固中外所共傾注也欣躍何似弟樛材桂性淪落畏途深窺附尾之蠅無足爲知已道者親兄大烈爲諸生二十年不遇謁選得友華平先生集卷二十八 九 清日一開
郡幕且在萬里外非仗台慈存念世講特推愛屋之恩弟不肖能不心神俱馳故不揣顛惡百惟慈炤

與陳豫吾主事

編惟玉節辱駐敝郡六禩覆露之德軼古凌今而弟以意氣偶同獨荷轂字尤篤乃別來二載矣尚不獲一伸惻款之私卽兄丈曠度雅謚不以是瑣瑣者督過之乃弟亦何能自解說也弟數奇材謫潦倒塵途言之酸鼻舊冬量移一邑刁險疲衝勞

不可理且爲舊尹所排不知此行竟作何狀丈亦終念之乎茲專介馳候楚江一派時惠德音尤徵不我遐遺臨楮無任戀戀

與沈侍御

大綸自丁丑秋得接台範兼領瓊筵不一日遂罹大故歸守服舍兼以人言已遂竄伏林莽首尾八載癸未夏故知強出潦倒江幕者又踰一年舊冬重辱吹噓量移下邑俗刁土瘠通積訟煩焚莫能解仰藉翁丈秉節在天照臨所及枯朽生華或得友華平先生集 卷二十八 壬 清旦閣
終微洪造以苟旦夕耳惟丈樞謨聘望上孚下推珥節朝端風馳岳峙旦夕入握端揆以幸海寓曾是區區謫陋乃復微風夕之雅哉謹勒片楮仰塵台座伏惟鑒涵

復高安令盧德玉

不佞才謏數奇自奉侍大君子來十有一年矣教者一幕者一憂居者七其號稱未敘者僅泉推二歲耳流落不偶魯禍無端塊礪歛釜之態備嘗之矣茲承噓拂量移下邑而民風險巇四野不毛積

通累萬即使批擣之才當之亦有不堪者而況鷲劣如不佞者哉仰仗石畫作我標模而左提右挈以借之大通耳向承雅眷特枉惠施茲敢顛仆馳候少効木桃惟俯賜鑒涵是禱

與宗弟簡亭學憲

得邸報知簡亭當發制中甚喜顧亦甚悔且思夫宗運久衰而行復振之安得不喜顧獨追悔登科錄中我二人誤標一日以滋掣肘而封疆繡錯衷言透漏人心紆險徑實易通名節至重豈惟簡亭友華平先生集 卷二十八 二 清旦閣
思有所點卽不佞豈容被俗子描畫不佞瓜葛無出試者而營私納賄干請假冒卽郡邑大夫生平誓無失足況在學校尤多口易汗之地乎倘新命必不能免願重申禁諭以宣令德上報國恩下慰士望中以振宗風而繩祖烈若不佞株守衡門不伎不取獨立物表吟自在詩飲隨量酒看得意書時而挑燈教子時而含飴哺孫時而倚戶看雲時而汲水灌花振羽長歌矯首遐眺卽古今等之電爍宇宙僅如朽稗況區區糞壤土直而得入吾眉

曉耶使節將臨候問且絕故敢以彼此分說畫地
墨守俟內轉出疆當攜檣杉青一談闊緒耳六月
荷花三秋桂子是吾雅好歲一飽嘗亦當暫割俟
簡亭行後續之耳勉旃自愛

與如玉兒 時在南昌

自兒出公門吾心亦馳而出也至省吾心馳而省
也過玉過常歷嚴杭而家吾心亦隨而玉而常而
嚴杭而家也與人歸得常山信知江以西一路安
也季奴來知潮以西一路安也抵家讀書作何用

芝華平先生集 卷二十八

三 清旦開

功旦暮寢起飲食須自愛攝交遊親戚相見禮意
要周洽自守要剛介勿以言語相投而起狎心勿
以勢利偶合而生縱心吾兄年力方富將來事業
未涯一或冥行他日徒爲話本吾身雖在官邸時
時與吾兄周旋耳父母之心不責汝以難必之功
名強汝以難成之事業但得謹身積學儉德持家
卽是人間天性至樂榮途青紫各有命運雖聖賢
不能必之于天者秋仲遺才人多路狹殊不必行
但藏器待時爲當耳婚姻大禮宜以時行我入覲

自有定期抵家不過數日但得如前期成婚吾回
家得受佳兒佳婦拜亦天倫一快事也聞兒遇僕
頗嚴水清無魚至察無徒穉年獨居人情難測遠
之則怨聖人法言也五伯宦況清平寄來家信立
刻送去萬金一紙誠然哉

仲兒久滯外家促歸

首重耳婚于齊有馬五十乘百官牛羊倉廩無弗
備者心安之而欲終焉其從者謀醉而縛之歸卒
至于霸夫馬以五十乘富矣倩于大國貴矣奉養

芝華平先生集 卷二十八

三 清旦開

具備適矣卽依以終老亦奚弗可而狐偃諸賢顧
皇皇如弗朝夕卽齊女亦惴惴然思其謀之未果
而殺其泄者以卒成之而重耳亦卒悟而棄齊如
遺誠不忍以社席之愛墮鍾鼎之業也誠丈夫哉
青春易擲紅顏多累宜早自裁

與碧山兄

如玉歸述兄體幸康健不任欣慰但徙居未速爲
慮耳安土重遷恒情固然奈王帶非人所止東鄰
豺虎西通蛇蠍比屋魍魎駢首寇攘念父一生受

毒不少卽無寇患猶然遠避况兄親罹此灾乃更
遷延將再誤耶似聞兄厭城居人事者城中各家
其家各業其業我不彼干彼不我如倘遇小侮官
近易達其諸交遊適亦絕簡卽有往來一彼一此
禮讓恂恂孰與彼中狼吞豕噬浪酒谿茶潤彼無
情之吻填入不義之腸口怡心暢朝社暮戈者哉
若云家計尤空速遷經營微息孰若內耗之多節
膏積餘孰若蠶食之衆兄自不察人誰敢言況平
日鞠躬盡瘁決辰不能錙銖遇盜叩頭乞哀一瞬
支華平先生集 卷二十八 二四 清旦閣

動捐千百命如婦雞魂如撞鹿佳兒佳婦不能分
其楚痛南庄北舍不能庇其肌膚廣廈高門祇爲
召戎之罔珠幾黃白半作媚賊之資脫有不諱怨
悔何及幸而獲全可復迷戀且年逼桑榆來日苦
少一匙一箸所需幾何日夜安樂猶恐不及奈何
以身寄豺虎蛇蠍之區魍魎之與游而寇懷之與
居耶弟昔鄉居通宵徹備雞鳴晨曙甫得假寐幸
一夕無事舉室相勞大喜過望撫犒邏卒茸治垣
宇日不暇給竭來城市酣寢達旦日高下榻鹽櫛

自由不費犒賚不煩微戒倘微天倖假我以年眼
看兒孫之長大手携妻孥以偕老沉醉千秋典籍
消磨百甕壺鹽藐聲利于秋雲玩世情如傀儡滔
滔塵世逝水狂瀾孰爲有餘孰爲不足而忍以身
試不測之淵哉賊悞無厭行且生心速理裝資勿
疑勿滯細人見短勿信其言

與姚龍山

昨所賁稱貸事已不諳矣人固各惜其私耳吾不
能自料理安敢尤人第生所云出息什一故自款

支華平先生集

卷二十八

三五

清旦閣

語奈何行義未立爲世嫌所加耳然家常衣食不
妨隨宜節縮薄費少營今所需乃當大事不敢不
盡昔居先君之喪哀括橐中裝計自金郡邑大夫
同年見賻者亦有十金勉強襄事時所貸者不過
二十金而足今囊已懸罄敝承質易已盡不貸百
金則事必不可襄幸委曲多方必求俯濟卽爲董
永所甘心焉夫宦遊勉自苦節而居憂不免囚人
亦士君子之恥也願爲老親屈耳丈頗領之乎

與同年王吉山

先慈見棄百需無一焉妻孥交謫謂汝居官稍能
諸世便自乘肥衣輕妻榮家富今爾才孺踴躍與
人寡儂見黃白目爲穢厭遇羅綺貌如蒿萊而一
官寥落冷如秋蟬家貲屢空入口爲累至欲貸百
金指天畫日申券矢言卒無應者尚守經行不
爲徑實之捷今郡倅諸縣皆同年稔知汝貧而皆
欲助葬者一爲通融數百金可致奈何向鄉里小
兒刺刺求升斗之贏耶語大已有以呈礙居間者
數人伺于屋西隅矣則嘉興之張誠吾桐鄉之高
文華平先生集卷二十八 示 清旦閣
傳嚴嘉善之金餘山與郡伯陳豫吾遣罪人于札
者也余恐諸親遂染指不及爲計乃呼天而誓曰
某不肖不能自豐今日乃爲諸同年累乎如手寫
私帖手即折口出私語口即裂足入公門足即削
家入私財家遭劫于是諸居間者暨兩從史者相
顧錯愕愕然而散先慈大事雖未得貸計至冬收
租稱家取足昨所資倘必不可得幸姑已之并以
告諸親友幸勿復踵吾門語非義之獲庶幾愛人
以德乎

復蔡信菴邑侯

君侯之怙恃敝邦也市六祀耳然值百年未有之
災沴而庠養生息起枯瘠而噢咻之亦百年未有
之政也顧安靜類于廢弛寬仁近于闡茸汎愛疑
于徇私而好異者遂舉而目之耳且戊子己丑二
三年間民無粒食尸無遺穗行者不摧而仆居者
不病而歿僵尸枕疊白骨櫛比乃責君侯以催科
之急筆朴之不嚴何其敢于誣人而昧于時變
也昭昭在上林林在下必有不可終泯者茲行未
支華平先生集卷二十八 示 清旦閣
踰月而何武之思藉藉矣史數載後公道大明必
有尉薦而特簡者慎勿令泉石要盟也使便附復
以抒輿人之言不任軫結

支華平先生集卷二十九

構李 支大綸心易父 著

書牘

與南家宰蔡見麓

繙自明公離吳越而殿岩廊也日益顯重矣大綸
因伏草萊餐沆離耳安得躡芒蹻而覲清光又安
得奉尺牘以候中消哉顧時時從都人士竊詢邸
中事則知明公佐銓持軸力排中壻五紘之操蹊
徑盡夷三握之度岩穴增彩與五臺立峯二三君
支華平先生集 卷二十九 一 清旦開

子者以去就爭可否而伸直道卽載籍所稱長孺
稚主社稷殊烈庶幾遇之宸眷游隆中銓倚重行
令崔黎敏修訓注匿影而遐陬絕微一洗苞苴之
陋習耳大綸夙荷知己卽不能少效尺寸之用乃
山居珥筆時大書萬曆中偉人高行以附子長所
爲甘心執轡者無亦可乎茲有監生于某者大綸
姻戚也資滿謁選詣臺起文鄉邑郡司既勘結文
無害矣第因昔年銳情科舉例不給引今當起文
恐該司又仍舊套行查則往返之間不惟曷日又

且費財兒女咕囁愁懣無聊大綸謬恃薄分輒爲
干涸正免覆查暮日窮途得省不經之費與不世
之遇也然大綸緣此且謂明公卽柄國請以霹靂
手盡去末世積弊而斬新日月乎夫生儒之行查
以查別累也既有鄉邑郡司查明保送其無別累
皎然矣而復行查其有出于鄉邑郡司而更爲搜
索乎部仍舊套而行之省亦循舊套而覆之猾胥
舞弄再咬齏腸案牘糾紛竟糊窓隙政體奚賴紀
法奚賴此明公養重百丈時所深慨者倘亦垂神
支華平先生集 卷二十九 二 清旦開

于當軸之日乎大綸索居且久精已銷亡獨犬馬
之誠雞肋之好猶復縷縷敢以獻諸明公惟亮其
狂而貴其誕焉幸甚春和日永東閣麻光曷勝瞻
跂

與沈繼山司馬

門下立朝端爭天下大計節如岳峙辨如河涌環
海內外綦綯常帶之耳目日凝而佇于朝廊間洎
奉身移疾脫鞅南歸杜門却掃儵然有廉頑立懦
之逸軌環海內外綦綯常帶之耳目又日凝而佇

于長江之南太湖之左覩出處以卜世道今吾里之聲光重矣國是未定閭左弗靖安石不起當如蒼生何不佞習見嘉靖中分宜輔政官方黷濁極矣顧清議固在也自樹黨者籠以理學褻衣博帶以談性命而清議晦矣迨江陵執政則貪佞者全涌驟奮競據要津爭以智故媚其垢氣而廉直立墜諸淵一時人心風靡波頽鼻淵薰蕕日撓蒼素而清議倒置矣上方富于春秋紀曆萬萬無極再數十載後詩張惶惑承訛襲舛而佞人在局搖其支華平先生集卷二十九 三 清江閣

筆端將使亂賊飾詭貪佞滅迹如正史詆方孝孺之叩頭乞生者豈盡無哉惜不自揆將輯爲大政紀以昭來哲私計門下敗屢中外遊覽宏博當有出于聽視之外者倘不吝珠玉以資叅訂不勝至望不佞又因科舉法壞擬且少更敝轍以杜倖門撰一疏草而不果上今錄呈政門下日暮且柄用能採芻蕘酌而行之乎偉猷大節簡在聖衷恭已以憶履聲且久願加七慎櫛順和潛蓄以慰側席之思林莽凋瘵不克躬候台履輒訴一介代致區

區未盡

與劉筆山大恭

弟自荷惠顧不素顏色二十一秋矣陸沉海濱鳥獸與羣榮途利路夏絕聲息卽丈暫見弟名閱弟手札不詫爲世外人且謂是幡然衰叟臃腫杖履間耳乃天生俠骨不仙不凡挺秀嚴冬鬱穆滴翠秋水之瞳逐犢之足猶昨也慷慨悲歌擊唾壺而追荆璠猶昨也叔夜琴酒之願尚平五岳之踪欣然庶幾遇之卽當途貴人朱幡丹輦或未繫于中支華平先生集卷二十九 四 清江閣

乎碩望蔚起露冕在望烟霞沉痾不獲走候敢以臆賀

與少宗伯孫栢潭

囊丈抗議秉禮浩然南軫風烈凝峻輕九鼎而凌五岳矣薄海內外仰爰立以幸社稷者奚啻農夫之望歲而不佞風微惠好又安能一日而忘蒲輪之起錫山哉顧以踽涼拙守舉足趑趄久不獲厝足門牆而小叩大鳴言言骨肉書紳鐫腑雅義炯如所謂寒不改葉溫不增華者殆一覲耳閱歲以

來台望日崇皇衷回注變調倚平計在旦夕不使
稿項丘壑朱顏綠鬢顧影自憐撫景懷人安能鬱
鬱莽爾遣候不盡瞻思

與廣西陳臬憲

大綸高王父支茂以永樂中貢士爲山東樂安丞
從少保兵部尚書李公慶征安南叅贊戎務繼奉
命徵廣西黑鉛生銅歿於慶遠府宜山縣宜陽驛
宣德四年戊申冬十月五日也時曾王父方十
三歲家貧孑身日事舉子業尋中鄉試仕爲翰林
東華平先生集卷二十九 五 清旦閣

院孔目而高王母且老不可遠離以是旅櫬迄弗
克返葬大綸蓋日夜疚心焉今歲之相去遠矣倘
假天幸藉輶力訪求得葬所將爲封表計外嘉靖
甲子科鄉試第四十二名支國柱係桂林府古田
縣人今宦達何職原自何宗幸并爲訪之緣高王
父在西粵且久或有遺育耳萬里崇慈統希垂神
與同年范太守

北海丈家先文正公故牧所也而丈以碩望宏抱
載臨之徽猷繩武芳問迢迢無論五袴典謠東夷

破膽卽在昔醴泉之瑞地其無愛寶矣弟不奉顏
誨閱二十五星燧矣顙顏闊步動與世左陸沉林
壑龜龜與子墨客卿從事塵網中負焉聞絕惟生
平契分時勤注想蓋將縮千里於促膝回曠歲於
交睫有出於造請寒燠之外者諒丈高情雅度順
時翺翔夙昔故知汪汪千頃中亦或眷眷耳不識
矯翮邛邛行海岱而東海濱淪落釣緡撫時清
嘯如弟者抑曾謂念否乎弟雖倦遊居恒繫心東
魯逝且披扶桑于日觀挹屨市于空明叩督府尹
支華平先生集卷二十九 六 清旦閣

與劉筆山大叅

岳牧宜猷雨陽時若丘壑中綰組哺鵲蜩涎自濡
一枕清風卽羲黃似猶勞攘獨嫌有此身故三患
未除耳丙夜納涼星暉月皎披襟一笑爽氣沁人
而蚊喙鑽膚時勤驅拂患一紙帳高張爲周爲蝶

而狗蚤潛嚙捫撲良艱患二友人某蠹孽流失中人憑虛射影不可方物患三然亦患有此身耳及吾無身更有何患追念混沌初鑿知故日紛盤古無懷已大勞攘矣奈何奈何幸有以振我

與兵憲湯見弦

不佞辱旣蒙露渥矣榮載載臨間開忻戴如孺子乍離襁褓而復窺諸懷其望風奔蹶而喙息車塵之末者豈後騶與哉顧以直指兩巡中使香至礦務遙作春汛其嚴私計星軺風駕靡有寧晷而不支華平先生集卷二十九 七 清旦閣
使以開僻無似之跡猥干動定不亦嘽瑣無當哉坐是逸巡阻滯匿影逾時自絕于吐握之外乃風披雨濡春回燕谷蓋高載厚仁決寒厓而不佞固身被之心術之矣敬譚于墨式展積悰區區蔽帝借呈鄂斷若俗儀私謁則脫紅塵而跳俗畧爲日久矣百唯燎宣不一

與嘉興令陳鑑常

製錦方新台鉉發軔士民快覩奚啻爭先僕辱在一日之雅乃遁迹丘園如素不相識者卽知交有

問直閉口而不言及華軒貴止腆覬載及過存雅道而僕復以他詞遠遁匪標異也敝鄉習假風靡伺嫌偵影輒生假冒輒生浮議聚蚊成雷謗讒孔炎遂不可撲滅僕敢好爲人師而以身爲壑哉自後萬勿以僕爲意各率其分以全其天俟榮取發舟携槳杉青一歌一笑以敘生平則厚幸矣

與龍大章二尹

夙昔得瞻丰采抗手遂隔河山已而拜嘉什之辱攀節按歌浮雲不流記誦迄今致形夢寐足下試支華平先生集卷二十九 八 清旦閣
割鹽官東溟巨濤中諸峯獻秀光景如畫雅稱哦松之興想爾來陽春之調與來暮之歌交溢細素矣蒞政之初卽圖修賀顧以山林慵癖日就因循忝在知愛或相諒于形骸之外也謹裁尺一遣平頭少致鄙忱統希台炤

與陳同守

天惠海邦錫我良牧軺車昉御而山川草木咸蕙藉以佇恩庶矧不佞辱在世茲欣瞻瞻注豈在凡庶奔馳之後哉顧以泉石膏肱自矻坐稽晉

賀咎愧無任謹誨一介少罄後忱贅幣俗禮恐漏
清嚴不敢妄干敬以拙刻上呈鄧斷百惟炤涵

與張程川別駕

郡中自冬杪迄茲直指兩臨中使咨至門下酬應
簿領亦大勞止不佞寂寂空齋日長如歲癩病日
益沉痾不能復出戶外視出戶外如使異域視攝
冠帶如綿柱格即退化如門下亦安能約之中行
哉史稿初成敬入案頭倘以屬說口九荷

與馮開之太史

支華平先生集

卷二十九

九

清旦閣

僕鑒踏木石日與靈魚爭伎倆每一念知已輒口
吻伊吾不休頃得台轉信喻翕如狂者累日即執
鞭弭以備畫繡前驅之役且爭先焉第自入山後
不復能攝冠服候貴人即當攝冠服候貴人如上
百尺梯作蠻獅舞毋論醜態可憎亦大非衰齡所
便矣荏苒經旬私心如負謹端小力稱賀不識門
下亦有涵茹焉否也僕生平無寡言即有言皆血
誠中吐露百一耳幸勿以俗態見損可乎情緒如
織尚容面罄

告郡中諸同年

吉山王年兄奄逝遺孤顯謨爲役訟所累家已罄
懸嫂氏寒餒乃今顯謨既以負糧繫京而平湖縣
三倉尚逋一百三十石明例且永戍矣吾輩昔稱
莫逆今遂置之罔聞得無爲孝標所笑弟不揣敢
要諸兄弟共倡通財之舉量力加助了此前件倘
有所餘并爲嫂氏朝夕計毋使吾同年之後淪落
無依也

復項觀察

支華平先生集

卷二十九

十

清旦閣

閒居戲翰僭微鄧斷毋亦憤世嫉邪有同志者乎
野史撰成匪藉名筆不足傳信幸卒成之何如

與友人

已酉迄茲落落五十祀故交晨星矣倏奉手教恍
疑聚廣福利捉臂作蠻獅舞快哉足下杖履無恙
得毋謂支先生且老耶支先生視履勝髫時數倍
而酷好弄柔翰與左遷爭雄足下頗領之乎俟搜
輯編後入梓若先大夫潛德敬當與與人共揚之

與邑侯謝鳳高

食土之毛趁時供賦分固應耳迺辱華袞願此竭
廬迄爲世寶感哉何似蚤起齊心九頓而靈雨爲
虐泥滓載途奈何謹誦楮申瀆并效木桃昔司馬
公駿節自厲一園丁以餘蔬積公數錢歸之不納
園丁曰奈何端明獨爲廉者因委而去之今頒錫
拜嘉而不佞獨不獲受命于大君子恐園丁笑人
耳觀縷絮陳顓俟天晴

復章水部

福澤七周岳崇因濬勁關遠霽南北敷歷而庚桑
支華平先生集卷二十九 十一 清日閣
尸祝之私曷維其已不佞沃聆玄教拙掌論心夙
荷知己卽音問久疎而節旆所駐吳波滴翠間時
若捧奚囊而驂介者僂仰瞻依忽承札節墜自雲
端殆矇瞽之睹日奚啻空谷之足音乎恭諭萱景
彌茂坤止益長桂胤吐芳蘭芽漸茁百福駢萃足
慰邦人士之遙祝而宸眷方隆駿譽適起若時惠
亮之績旦莫可跋矣浣慰奚似不佞踴躍丘壑以
拙自完而儼俗險巇風波轉惡不識門下何以振
之交情水醴成壤迥判而嘶背黜一瞬千里惟曠

懷朗識以傀儡畜之斯不投市虎之杓矣過辱睨
教附伴申謝松枝之報載在別楮

與友人

屏居林莽四顧無侶坐視正教日湮邪說轉熾承
前啓後孰與擔當良用疚心乃有佛婆依傍象力
鳩材庀工翺翬惑衆惜哉吾子而有斯舉也私勸
律有明禁白蓮法有大刑蠢茲老潑奉何例給何
牒乃于宮墻之側萃此奸宄之藪方諸鳩妓則彼
自敗其家而此流乃敗人之家繩諸強盜則彼止
支華平先生集卷二十九 十二 清日閣
于劫財而此流且劫人之心青天白日突生魍魎
通關大達忽聚蛇虺凡有鬚眉者咸嚙齒咋舌思
挺而逐之耳此厥不聽吾且以二八法裁之

答人

不佞老矣外生利害付之浮雲足下所論得毋謂
百口計能愚孫盛耶前事出自諸疏及弇州諸錄
匪敢傳疑匪敢溢惡足下卽能禍不佞天下萬世
亦安能盡禍之顧念足下厚誼久已刊落矣然非
畏禍而遽刪也此復

復袁坤儀

前接手教乘快裁復忽至滿紙既而思之兒女咕
囁丈夫不爲交絕惡聲君子恥之輒付祝融大都
足下過疑金令之施猛作王令之報然弟心無他
也請矢諸神日金令以徵逋寔足下弟若知之則
負不義之大戮弟不知則負不白之大冤足下試
捫諸心所爲巧漏于史首禍於王力嗾于沈天啓
而徵諸于同邑王葉諸君者有之乎亦能泰然若
誓乎陸仕居業五十年餘仕死而足下圖之爲門
吏華平先生集卷二十九 主 清旦閣

恐傷盛德也小咏奉覽

與馮原泉丁敬宇二同年

昔以王年姪海鹽積逋上塵道昧幸吾丈雅念世

設特賜贈郵既告成事矣繼以京糧重逋至數百
金禍且叵測而筆山劉年丈督儲吾省垂念年喬
曲爲主裁弟雖竭効勞亦安能少裨萬一乃海
邑李侯乾修特捐俸七十金終之此恩此義晚近
世所未有也今世人嗜利甚于愛身無論厚營業
裝遺子孫潤宮室者不足與議卽市交延譽者亦
必酌炎涼較銖兩而慎施之顧此七十金投諸要
津可結七人之歡溥及冷曹卽三十五人且解願
矣而乃浪施于瑣尾不報之宦裔此非宏度雅懷
支華平先生集卷二十九 古 清旦閣

倘會時同爲致謝

與袁坤儀

徐友志山節婦縣有成案矣乃復中寢何耶吾意
節婦之苦行貞操遇惻隱者必哀是非者必別恭
敬者必悚然避席而少知羞惡者且跋焉如不及
矣縱無是心而夜氣一竅未塞者必有泚其頤而
執筆以待日一平卽不然稍有知覺如毛羽然且躡

獨悲鳴踟躕四顧而不忍棄矣丈于徐猶弟于丈也分證不淺弟更何容言但欲與丈分美耳幸卒圖之

再與坤儀

徐友以已未冬卒蓋三十二歲徐嫂年不能詳但以吳俗婚姻例之當不及三十歲耳猶記當時老嫗云凡生肖虎者多刑尅徐婦生庚寅孤露固當且甲子冬葬志山徐嫂撫膺慟哭時不能記憶其貌平審果三十三而孀居至甲子且近四旬何其支華平先生集卷二十九 五 清旦開貌猶未老徐一鳴之父與徐友異母忤害百方構訟仇陷非一日縣有成案皆足下所共事者一鳴逐其愛繼獨吞貴產區區虛名又復阻撓是誠何心哉昔楊廉夫一代偉人徒以詩詆烈婦迄至絕嗣廉夫親遭鬼責懊恨無地一鳴身充府吏簾弄威福昧昧狼籍家致數千猶欲舞文播虐誣抑節義不遭天譴且以賊戍耳吾能翹足而待之倘錮蔽已深終無撰傳吾當先訴諸城隍之神然後別爲一傳刊成篇籍布告縉紳令天下知有奇節而

困于無名者足下其勿罪之斷不令淳德偉行泯泯而死也生死交情足下其謂之何

與邑侯議糧米

承諭欲裁士人扣存之米以恤起運之煩于士人無損而各役少甦赤衷石盡敢不欣應乃煩下問哉生自幼有事里中賦其徵發委宛知之頗真敢爲台臺陳之邑賦十二萬石而兌漕八萬石其四萬石則北白南白糙三舍也永陵時通邑以七分兌漕而三分派于各運後以白糧存厥自春則以支華平先生集卷二十九 六 清旦開八分兌漕矣而南糙三倉零派零徵通累至欲多至破家近乃一體存厥誠爲良法糧長之銀運空役與官戶之自運盡數兌漕雖有小費何容復有他詞但北運贈耗加入船車夫價又一兩有奇南運三倉地近費省各有內耗自足轉輸自辛巳年郡丞方公署篆更加貼役則獲利益厚而棍徒保歇視爲利藪競鑽岐路以求之矣北運每名營囑約五十金常例胥吏約扣卅七十金而獲利尚百金南運營囑扣卅四十金而獲利猶五十金三

倉費二十金而利猶三十金則皆以貼役也而銀運每錠費四兩有奇故民之畏銀運也如水火而謀米運也如趨市前縣習見其利而以貼役之米均派士人俾沾小惠原非正運之數若起運耽延逋負則棍徒保歇私家侵費非以一二存留遂致虧悞也庚子年司理攝篆不侵細務權屬總書任情販鬻今神君在上此流自應縮手但宿奸積蠹巧弄深機非密察不可而貼役太浮糧額愈重尤望少裁其甚者生信台臺有必爲聖賢之心故敢

支華平先生集

卷二十九

七

清旦閣

悉其凡惟台臺加之意焉境內幸甚

復邑侯

承下問及示號票良工苦心利賴匪渺但小民之望均甲殷于望歲有不容不爲加意者緣貧富懸殊丁產迥別而編役了無差等富者藉羨而日贏貧者忸積而日縮勢且到骨不可復振海鹽自蔡令行此例垂二十十年上下帖然吾邑往歲亦嘗議均而以免數太拘士夫不免有言今第做鹽官例而行當必有欣然響應者半月之勞十年之利惟

台卜留意焉

代合邑與潘臬公啓

敝邑謝侯新刃發劄動中竅解而編里石畫特出心裁誠百年所希遘可爲後世法程者生等僉謀勒石而誣諸生偕父老以聞于上時學諭王君已力禁之矣生等謬謂樹嘉績以惠桑梓與建言利病殊科似非庠師所宜禁而窮簷嚮應空國遘征亦豈庠師所能禁哉睇陽公祖乃以約束咎之生等有餘愧矣諸生郭某等積學惇行戈某淳志雋材羣然旅進猥被摘微夫扶杖往聽奚嫌于老兒童竹馬奚擇于幼而年齒偶殊遽成瑕類誠屬青災顧某以年深正貢業在起文驟罹降罰河清難俟魯戈弗迴嵎峨一跌稅駕何日此有生之大惜而台臺所深隱也懇乞特賜鼎言力爲申雪俾庠師無恙而諸生瓦全顧生仍不礙貢期則白骨再肉豈惟邑師生賴之卽舉邑紳常永永銜結矣同室之難不惜纓冠惟台慈款惻而轉致之

支華平先生集卷二十九

支華平先生集

卷二十九

六

清旦閣

支華平先生集卷三十

書牘

稿李 支大綸心易父 著

出疆上麗惺菴撫臺簡燕陽按臺揭

職涼德謝材誤廁使令之末福過災生驟罹大故
哀毀摧裂心腸墮地今出疆矣念職性不適時事
多忤俗區區血誠惟知見善若驚聞惡若浼法不
撓近惠不遺遠上不負天子下不負生民而已若
毀人以自成許人以沽直則有所不爲司法以取

支華平先生集

卷三十

清旦閣

容閣媚以求合則有所不能備位決其堅持靡武
不獨院司俯諒卽閩南執獨無告之民亦信服之
矣中間蒙委問安溪知縣俞仲章永春知縣許兼
善罪狀昭灼奉法究革暨人命強盜之冤結者府
縣弊孔之盤紆者一經訊查輒以法裁之不復計
利害顧前後自謂推察之官分固應爾乃諸奸承
望風旨互相講張加職以陰險中傷之名吹聲之
口愈傳而愈遠竊鐵之似愈疑而愈真使聞之者
互懷猜忌當之者無以自白比左轄以私委不從

方懷怨忮諸姦黨因而入之此左轄之所以重恨
而不可解也夫謔言中人毒于蠅虺一入其毒卽
剗腹剖肝誰復亮者但密揭密語之有無在兩臺
既有定據則人品心術之邪正在兩臺必有定衡
曾參不殺人第五倫不撓翁乂之當亦自明在君
子立心行己自有法度安能搖唇鼓吻與賈豎交
喙而爭辨也伏惟查平日之所建明以雪孤孽之
枉偵怨謫之所自起以成法吏之名毋使域工妄
射孤風革音法紀幸甚公道幸甚

支華平先生集

卷三十

清旦閣

答撫臺麗惺菴揭

時任臬郡推

蒙檄發洪某不道款目命職廉之比者詎諸故老
質諸開閩悉無影響而怨家姓氏皆烏有子虛尤
無足據過承重委展轉思惟彌日旦夜謬謂茲舉
必不可爲亦必不能成請借前箸籌之彼獻計者
類云分宜之貴也竟以反坐迄無後詞奚有於卿
貳蓋分宜柄國亂政中外側目僕御充都貨產猥
藉故暗成無詞今洪家不過中人門可設雀羅性
不近聲色左右圖史口談性命亦濁世之矯矯著

聲者也。比淫以色，附盜以賕，爰書則然。乃倚政府結臺司，講張變刃，鑪錘所鍊，權方爲廐，抵金爲礫，坐反脣以大逆目，莞笑爲誦，誦人命至重，鬼神難欺。明法幽罰，善福惡禍如火就燥，如水流濕，氣類相投而理數有必相值者，特善惡之分數有大小，故禍福之參會有久近，俗士徂旦夕而不究終始，觀有曉諭，不恭要領，若謂茫茫而微倖于不必然耳。愚聞在昔武安侯以酒過殺，灌夫詞連魏其，俄而武安病呼服謝罪以死，車呂希時宰旨誣其帥，支華平先生集卷三十 三 清旦閣

胡舜陟死，不數日胡乃白晝執呂殺之，羅汝楫附秦檜誣武穆未幾，楫以造死而其子願亦擊死于岳祠。王士驪希蔡京旨殺一無辜婦士驪陡死而京及攸脩皆伏誅，載在汗竹，讀之凜凜，胡可罔也。卽邇來路楷趙文華阿黨分宜以白蓮教殺沈鍊以失律殺張經以誚訕殺李默，時遷事改身伏殺人之法而分宜亦以叛誅，此耳目之所睹記亦不足信乎。彼蚩蚩者又妄謂分宜事敗乃耳，今茲且有無涯之望不次之榮，奚沾沾于陳迹爲也。夫王

如之陳于王敦也，敦欲殺之而無名，乃以意陰授王稜稜卽酒中舞劍擊如反命，王敦其希榮何遇謂交手可得而敦乃陽驚曰如吾懿戚也而稜殺之因殺稜以謝奸雄，欺人背面矛盾彼二心者出死力爲奸雄資徒召禍而敗名耳，何榮之可冀哉。故守貞蹈義志遂命立即有不偶，天日可明若前數千者當其得志含穢資陳奄奄苟全論定禍叢百醜羣湊，嗟妻孥而拙詞對僮役而赦汗矣，彼其之子面承風旨力爲從吏，蓋其心不附仁義目不支華平先生集卷三十 四 清旦閣

知古今逐金帛而魂迷競朱紫而神炫如蠅逐臭如蜣弄丸終身憤憤然聲利是憑且不識禍福安問名義，此宣尼所爲歎鄙夫不可與事君也。浮雲易散駒隙易馳膏粱文繡終壓螻蟻肌骨毛爪卒歸糞壤獨三寸簡冊飯飯耳目千古不磨奈何污之又聞諸司忿職偏強議且移牒外郡以竟斯獄則又舛矣，祖宗設推官非若近日之隨巡承委爾也。念黎庶非法用又故設法司以平天下之刑設臬司以平一省之刑設推官以平一郡之刑，今之

推官溺其職矣臺司既視推官爲私役而奔走之以快一己之喜怒推官亦奔走唯諾以身爲臺司之私人而罔敢低悟然非設官意也身對大廷銜皇命持平一郡辟辟宥宥惟三尺是繩卽主上有令義且以死爭之豈臺司所能他委豈外郡所敢擅行哉天下方廣萬世方遠天命民彝終當顯露安能盡塗其耳目也事係紀綱不敢依違附和以傷雅化唯卒全之勿致紛紛

報撫臺

支華平先生集

卷三十

五

清日關

臬本縣自二月二十日得雨以來每二三日輒得大雨田疇俱已沾足皆賴臺下精誠上格下邑獲沾雨露惟南北二鄉土瘠民貧兼以丈後加稅頗不堪命而舊逋之數尤爲難處就中北鄉尤稱凋瘵以致竊盜時發本職自到任以來捕獲竊盜黃科五廖以立等一十餘起賊證明確者皆已成獄毫不敢假惟各處巡檢司官兵拿獲盜賊多被酷刑拷打枉死非命前月高安縣解遞賊犯余明六情罪未確橫羅筆楚在途殞絕似亦可憫本職屢

禁巡兵不許私下考訊及見烏山巡檢司私擒賊犯朱恭八等飽索財物尋自私放妄稱中路打奪大非法紀面行戒諭巡兵無非仰體臺下欽恤之德意夫名之爲賊人所共惡況忝爲民牧豈敢輕縱伏承明命實切悚惶

此具稟須至稟者

回按院

照得徵收羨餘其名似美而其弊實多本職原籍浙西每見官吏藉稱羨餘明行科派先任閩南則見院司條編每兩加耗三分以備火耗扛解之費

支華平先生集

卷三十

木

清日關

今江右原無加耗故傾解大費處分原無羨餘故徵收務從抑損今奉明例森嚴似行酌議詳查奉新縣額編糧折一萬一千兩向來每歲拖欠二千兩有奇四差銀一萬兩每歲拖欠二千五百兩有奇近編力差四千餘兩實徵銀六千兩有奇本縣民乃土瘠自封投糧多報虛數類總積餘每百兩不能一二錢而成色間有參差傾消亦多耗減除京庫例派火耗外一應軍需顏料每錠至用七八錢其無耗者惟本縣俸廩柴馬二百兩耳故羨餘

之進似不可以施之江右而尤不可施之奉新也
本縣在事日淺微解未全俟後積有餘剩另行申
報須至稟者

答按臺

本職枯櫟朽材誤沾餘潤株守一隅土瘠民刁訟
禁通積日夕兢兢揀過不暇安敢厝意于四境之
外忽接明命下詢合省官屬賢否數日來忘宿廢
食思竭芻蕘以副德意而聽睹室塞罔可爲獻者
既自思之有所知而不以告者欺也無所知而強

支華平先生集

卷三十

七

清旦閣

以爲知亦欺也若依影傳聲功過未確稍有疑誤
不惟損他人百年之功名且壞本職一生之心術
矣坐是遂巡囁嚅又稽報命倘蒙恩慈俯鑒血忱
特賜寬貸容職廣詢博採或有一得徐圖敬陳使
職得免欺罔疑誤之罪而浩然于覆露生成之中
誠不勝大願緣奉札節慮恐遲違謹具揭稟以聞
須至稟者

覆帥糧道

查得南北二鄉委同曉瘠但就中北鄉之七都八

都南鄉之十都困苦尤劇若將六都等四都槩行
減免則減者太多增者亦重上鄉之民恐有不堪
若將七八等三都槩行薄減則三都疲民終難甦
息先該本縣博綜輿情參酌土俗患鄉得沾實惠
上鄉不至重困委曲調停良非得已罔不敢預以
已意又豈敢輕聽人言先蒙布政司批發翟章張
等狀詞已經覆議申詳蒙批准照行繳今奉前因
合將二鄉之中逐一分別北鄉七都八都南鄉十
都山岡沙崗爲極患都京淮免減四差折半盡如
支華平先生集

卷三十

八

清旦閣

原議其南鄉十一十二十六等都北鄉六都九都
爲大患都止將京淮免派而四差免折庶哀益適
中而無偏重之弊等差有制而無冒濫之嫌雖一
鄉二則事若煩瑣然比之分別五則通縣紛擾者
似爲簡易可行准復別有定奪

上郡伯

奉新縣風稱刁頑梗化台臺鑒臨稔矣新安鄉原
係上鄉糧額輕減逋負獨多緣有陰尹一等父子
濟惡而又有陰富十等爲之爪牙益復多事若不

以法繩之則縣事將不可爲而糧差終不可追矣
前以誑詞赴告台臺洞燭其奸責治不准深快人
心司道見其刁詞張皇行縣查審本縣備將前後
冊籍計算明悉又斟酌土俗博綜輿情始爲成招
非敢輕率非敢偏執也伏乞台臺俯念弩材刁邑
駕馭爲難特賜曲成不特民風賴之而政體亦少
肅矣爲此具稟施行須至稟者

回李節推

本縣土瘠民刁官方廢弛自來糧差止完八分其

支奉平先生集

卷三十

九

清旦閣

拖欠二分卽存留柴馬鹽鈔革兵與派剩米銀舊
例之類也向已置之度外自八年起至十一十二
年總計拖欠糧差一萬七千有餘矣今一旦盡行
督催豈惟民力不堪雖鬼神亦難輸運蒙示委官
專理極知臺下憫恤下情特爲分解但本縣佐貳
一解胖襖一解南糧啓行在邇似難委用而遣票
拘催舉邑煩擾徒傷民力無益國計本縣擬將米
銀等糧查得排年的名逐項添注本年糧數之下
依限帶徵約在歲終通融措解其十二年分四差

柴馬等項先已申詳撫院聽將舊欠糧派本年力
差銀抵補事雖已有成說而小民猶苦于併取諸
役猶苦于難徵本職委曲調停愧無良法況益之
以數年之積逋乎除將本年柴馬盡數起解以應
目前之急其累年所欠須從容酌處完日另解若
經承役人與收頭侵欺委無此弊不敢妄行買禍
也爲此具稟

再覆李節推

本縣拖欠柴馬致煩臺下示諭何勝悚息先自奉

支奉平先生集

卷三十

十

清旦閣

命以來夙夜祇懼以期無負而事有大謬不然者
以是遷延數月未有善策重負恩眷罪戾奚辭查
得胖襖入九十年柴馬原係小民拖欠萬曆十年
以前已奉恩例蠲免矣卽今明旨切責天下有司
將蠲免錢糧混徵而本職以竄逐之臣滿眼風波
兢兢固守猶苦不免乃首違明旨槩行徵擾雖得
違罪于一時其不開釐于衆口乎且三年所欠數
至八百餘兩其勢非盡拘通邑之逋戶嚴加經歲
之筭楚必不可得徒以資弋者之口而事體終不

能濟此所以展轉思惟而付之太息也伏乞賜借
鼎言轉進本司特行依例豁免以後各當年分赴
時追解亦足濟用若寬惠于五年以前見徵之人
而併責于五年以後之官吏使如負債之夫束手
無措似非所以集事而正法也過蒙台諭謹據惻
直陳上稟伏乞照裁施行

與李節推

本縣北鄉盜賊淵藪熊十二實其渠魁外則糾四
縣之夥盜內則結積年之捕快出沒巨淵選捕無
支華平先生集卷三十 十一 清旦閣
踪而舉邑騷然歲無寧夕皆由于此本職舊冬抵
任自冬徂春地方多警博綜密訪始得其詳又以
位卑望輕未敢定擬先蒙兵道面諭借重臺端秉
憲嫉邪位尊望重一承訊伏巨奸褫魄矣且蒙備
行下邑弔查案卷使獄案無可乘之隙老賊無展
辨之端此天所以幸地方而厝之安也昔靖安縣
大盜胡雪二爲知縣張伯祥所捕俄而脫獄伯祥
大恚曰此賊出靖安多事矣雪二一出獄聚眾碼碯
山作叛官兵撫勦至七八載而後平語具靖安誌

中可爲殷鑒今北鄉熊十二宋洪十等不殄奉新
之變其不旋踵矣本職才劣數奇日夜兢兢且懼
不測故敢披肝上懇惟俯念地方早賜正法以安
人心

上部院揭

江西南昌府奉新縣知縣支大綸揭稟大綸自萬
曆甲戌陳乞教職至丙子年三月陞授泉州府推
官僅一年零二月卽丁父憂繼以被論聽降幽居
八載至癸未年十月謫赴江西藩幕甲申年正月
支華平先生集卷三十 十二 清旦閣
間誤蒙院司委署奉新縣印務比見政務廢弛通
負積沓丈量則富豪納賄而欺隱者不下十萬案
城則乾沒官銀而妄派者殆踰五千種種積弊盤
據把持焚莫可理大綸不幸冒任時艱遂將數年
積弊盡行洗刷并積年徐嘉選王學義余麟一余
繼十等擬徒申革一時法正事舉弊絕民安上下
謬以爲能致蒙兩院薦舉本部覆允就陞本縣知
縣而舊令謂綸反其舊政改其舊人不勝忿恚捏
造揭帖徧送院司又托親貴掌院趙麟陽致書兩

院囑以傾陷幸院親見事不無他猥全至今此
通省上下諸司所共知見而趙公卒以親黨百計
中傷陰詆陽排謫成市虎區區孤孽豈能自全但
念大綸自甲戌至今十有三年中間叨任有司者
惟推官一年零三月及今任九閱月耳不意矢勞
任事竟中讒毒而大臣稔惡傾人恣睢無忌聖世
清明豈宜有此伏乞詳查受謫之由以彰公道以
雪孤冤不任主臣以聞

覆守道王白岳巡道史裕菴

支華平先生集

卷三十

十三

清旦閣

伏蒙下採南瑞官員行實念職僻處山椒僅同墻
面不敢妄以臆見致傷大公謹將本縣合屬官員
逐一開列以聞再稟本縣舊令朱職鄉同年也舊
歲承委署印百凡調護爲朱身後計亦可謂不遺
餘力此在兩院司皆熟知之不意縣有豪民廖富
九及其子生員廖邦貴邦資邦英等恨職署縣時
嘗裁以法遂因周上舍遺書朱謂職嘗中傷之朱
遂大肆排擠如待寇讐致煩院司面諭往往爲職
不平職自念之朱之輕信人言重惜功名遂不恤

年訟私揭害人使職亦因而相角則如穴中鬪鼠
孰辨其是非也遂一意堅忍引咎自訟又寄書京
邸以慰其懸心今幸臺下辱在覆露輒敢披肝上
控若職宦味僅如枯蠟雖因此黜逐亦且安之矣
斗膽陳賡伏乞台照

與羅康洲宗伯阮順所掌科

舊春攝奉新事前尹朱某乃鄉同年也此因邑民
刁悍異常凡舊令得代往往挾讐計告舉邑譁然
卽朱丈未行時馬戶徐洪義等四十八人已具告
支華平先生集

卷三十

十四

清旦閣

院司矣綸極力解救稍稍得息後因朱丈素有隙
于守巡二道及曾揭尹三府之短爲當道所暴以
是不能無言而綸左右調停陽推陰翼卒無大戾
此于同年之訟不亦厚甚哉乃邑有豪民廖邦貴
兄弟三人暴橫梗法綸不揣稍一裁之遂肆譁張
激怨朱丈冀一假手報復耳朱丈不察見謂中傷
遂有傾險之目臺下卽過愛大綸能無三至之疑
哉伏乞台照一爲昭白公道幸甚

與沈晴峯

爲諸生時稿

生有新收藏獲倪某昨携家口西歸以逋負故渠妻爲盛使所執蓋欲錮之以求其償也第本僕新歸勢難卽處望先復其人漸取其債生從中處之當使輸納無負何如然聞盛使云欲拘此婦供內庭役使審出鈞命卽當檢奉原契稍取身值生亦無他腸也以上瑣言皆據本僕單詞而矢陳之者然人心紆險山川莫如背面蒼素渺不可辨如有別故毋吝開諭

再與晴峯

支華平先生集

卷三十

十五

清日閣

向自奉啓不蒙賜報生知其事有難處者已遣本僕歸宗稍取原值矣不意日者俊价枉駕以要倪僕倪族合而執之以索妻生懼傷體面晨發命姪迎歸優禮以俟命下蓋昔日奉書之意本欲兩全今旣發遣似可無預但忝親末雖貴賤懸隔勢難仰板而此心惓惓不忍自外且其人在敝地恐遠者不知下而訛傳之曰支生執之也呵呵支生何樂而執人以求僕邪謹此附達望速爲處分如果聽生言返其婦氏則倪僕亦且以禮相辭宿道可保

無負倘必欲得其人而甘心焉亦望以原價見惠耳此皆非生之所敢預也然勢有必至理無皆非若以公心律之則俊价執人妻以索債而倪僕執俊价以索妻其情罪畧相當也然執俊价者固有蹊田奪牛之喻而執人妻者實有破巢毀卵之嫌則俊价罪或有浮焉公將倡道東南幸以平等心處之勿以軀殼起念則氣平而事亦息矣生發簡時諸价阻我曰此書往必不允彼將謂我陰執其人而陽掩之也將謂我爲倪僕作說客也將謂我支華平先生集

卷三十

十六

清日閣

與平湖王令

父母孔邇晨夕注思而迂叟痼癖未獲叩覲徒自
謂坐臥空齋可以寡營矣乃老不戒得如馬君者
造不根之詞奪非分之產而波及小价張恩蓋戴
髮合齒者宜不至是也請直敘其事惟台臺詳之
下應科二十六年賣田十六畝五分于生蓋收籍
管業五年矣比固不知其爲匠產也今年春應科
以班銀八分告繫族叔卞坤盆死于獄于是合族
共忿具呈到縣追理前田議以匠田歸匠而以應
科民田十二畝償生應科遂逃投馬老代爲舉詞
支華平先生集 卷三十 七 清旦閣

此實情也台臺聽之當有定議生弗敢與獨念天
道國法名義清議安維銘所未識姑論利害彼以
豺狼之性無嗣之骨而聽惡少扛扶越百里而受
投獻之田爭不明之產累無辜之衆卽今幸俛得
之而卞氏二三十家環田而居者蓄憤翹足以須
餘燼也倒影倏沉飛湍陡減攘臂制挺其可抵牾
曹寧國百萬雄資立有三子俄頃而盡蜂窠蠶絲
爲誰辛苦可無息乎且彼所爭者十畝耳價不能
二十金而郡邑交訐信使紛沓其資斧猶賸畧已

相當必以鄉愚易虐謀逞狂圖耗之抱九仞之逐
塊未足以喻其愚也生素不事事但無端波及故
不得不一控耳溷漬台慈曷勝惶悚

支華平先生集卷三十

支華平先生集 卷三十

八

清旦閣

支華平先生集卷三十一

構李 支大綸心易父 著

軼簡

計入十首宦江閩時代院司爲之者秋日
暮書偶從故帙中得之不勝雞肋之感遂

附梓
于後

謝三閣下

某樗材桂質自分瓠落無當于世用微辱投分有
概台衷猥荷栽培游承簡迪得非大師相掄材以
器而忘其尺朽耶乃某則循分兢慙罔知報德所
矣矧力綿肩鉅稱塞無繇匪藉廟算還格示以周
支華平先生集 卷三十一 一 清旦閣

與劉錦衣

肅瞻太微勤拱宸極何勝欣跂門下勲庸宿望柱
石重臣掌勾陳以護建章固 主上心膺之寄也
旦夕輔導 聖躬摧伏姦隱著助輦轂垂芳旂
中外徯望又矣生等竊食江表日切耿馳茲當進
磁之役顧素上賓百惟垂青一警肅之是祈

答各省軍門

首夏猥荷不鄙責箋豐贐枉使遐馳附復忝謝殊
益疎鹵已遂矻矻塵鞅久稽報章曷勝耿切欣惟
門下鴻猷駿烈岳屹川渟首陟端揆豐勛曩景計
在旦夕挺宇拭目以瞻鳳儀久矣生素抱咫尺靡
所短長祇代以來日惟負明命忝敷雅是懼幸藉
標模在望千里同聲門下其何以振我

答各省巡按

緬惟門下偉謨淵識矯矯鳳儀當宁傾誠縉紳推
支華平先生集 卷三十一 二 清旦閣

與周都水

歆慕德猷有如皎日兼忝世講夙好懷跂何似門
下峻節長才中外推轂增輝名閭仰簡 宸眷旦
夕秉鈞軸宅端揆實年家莫大之光豈惟不佞一

人有私幸哉不佞久玷江藩靡所短長倘蒙盛德
存舊時枉德音以圖政養尤不勝大願茲以運磁
之役謹附致區區

答高大參

足下陳臬荆南化覃江漢既哀然效矣惟時百粵
頑穢易煽遺南顧憂計非足下莫可與坐畫者薇
垣新命行且與節鉞游至矣瞻矜僕指別來斗杓
無慮三易寤寐玉顏依依如昨謂須共事一方以
承石畫而慰江人士之思西土之命即廟算為象
支華平先生集 卷三十一 三 清旦閣

答王學士

門下玉鉉峻望 重瞳凝矚久矣乃庭除色養五
越星霜服舍永慕條焉易歲無計台席久虛樞謨
屢鬱即蒼生黎獻瞻不願願以僕丰采乎纔一聞
問私心若馳俄接雙載益復耿耿獨了函致復抒此
素私惟為道自玉以辛寔字是荷

答李巡撫

欣惟明臺天挺名世社稷倚平調元贊化聖衷垂
注久矣頃以楚氛未靖暫藉保釐而節鉞甫臨麻
光震曜康輯之猷匡攘之畧靜如岳屹動若雷奮
卽近古所稱出入將相者可方一二哉不任豔羨
不佞蹇驚下乘素抱咫尺媿無一當以報驅策而
明臺披肝示懷曲賜獎成申之以使命重之以多
儀露潤風嘘淪涯過分捧誦什襲感極涕零自盟
此生何階上答真切真切對使焚滌敬據款款百
支華平先生集 卷三十一 四 清旦閣

與張中貴

曷因進磁役附致薄修過承慈炤歸役備道委宛
無任感戰門下貂華重豈素節丹心翊戴聖躬仁
孝明儉之德格天法祖之猷內外陪貳咸精白以
承麻德矣瞻注瞻注生以非才濫竿江鎮夙夜兢
兢以圖報稱匡廬彭蠡之區波恬氛淨頗稱又安
惟時僥郡疲民御磁燒製甚艱門下為民隱計萬
冀始終玉成之茲因再運額幅上陳 皇上孝養

兩宮備物盡志臣子敢不將順但磁器一物製之
由人成之由天蓋淀漿入型其質甚弱一經烈燄
最易苦窳就中揀其周正無類者點采鋪金復以
入火既經三火不惟采色易變而本質亦多剝缺
矣故初火中選者十之三再火中選者十之二至
三火而中式者百之一耳至甚有通窰無一可者
卽所司億殫心力院道日夕戒嚴而事有天巧難
以力致敢因再運吐露惻誠伏惟善爲調護以幸
蒼生不勝大願

東華平先生集

卷三十一

五

清旦閣

與中貴

歲首進磁額牘塵瀝猥辱慈眷特枉瑤函雅意玉
成教勤情篤此不獨生有私感江饒士民實嘉賴
之門下參綴黼屨贊襄清禁 主上所委心眷注
者也旦夕承齋翊成寬仁恭儉之德以幸社稷卽
近古所稱巷伯勛庸奚足方之生謬叨重鎮日夕
拊循其人民而惠懷之以圖贊上理惟是 御磁
之製艱苦萬狀敢因二運載陳惻款併伸候私伏
惟炤鑒不盡惓惓

與司禮

敬惟門下聯職內宰倚毘 聖躬從容謙私任親
望重兼以忠勤體國上下傾注 聖德藉以躬成
內治由之惇肅矣健羨羨生叨鎮江服日勤企
慕向因運磁之役曾附候私竟爲役人所誤坐致
疏節茲當二運併致區區伏惟鑒在不旣

與賀水部

夙望偉猷獨步一時榮轉劇曹益符清立之選矣
頃江右坐以 御磁不稱官民感感靡所控籲幸
門下董正之內塞浮巧外程工材其在斯乎生祇
役茲土竊爲民隱恤敢以恩陳惟垂青覆護是禱

與楊司空

客歲運磁奏記誤塵電囑幸賴覆露以濟其澤及
江右疲吐者甚渥而生以封疆未役尤荷玉成卽
川澤匿瑕洪鈞包穢未足方之感此恩私何勝銘
戰門下宿望耆德 主上傾誠便殿造膝幹回天
軸是在指顧外服介臣曷勝懸注茲以三運顯楮
上賁惟洪造玉成之具目申敘未盡私惓

與賀水部

生濫芋江右惟御磁一役日兢兢以稱上旨而飾
化甚艱日懷毀畫之思頃微明惠力爲周旋其爲
感佩豈惟守土之私惟合省人士實嘉賴之茲以
三運又屬秉均諏佯顯漬以庶幾無害惟不靳覆
露終玉成之而勿鄙祝蹄之奢則厚幸矣

與何水部

客歲進磁幸屬秉均以微洪庇俾瘠土疲氓得免
苦窳之戾卽門下許猷忠鑒焉 國家根本計乃

支華平先生集

卷三十一

七

清旦閣

吏茲土者竟藉以無害則感荷恩私亦何能昕夕
忘也門下榮問麻暢 欽囑久疑調元密勿以永
慎儉之圖實維邦人士之思茲以 三運顯楮肅候
幸鑒私誠一終始之臨書不任耿切

與王司空

曩以夙昔之私誤塵記室重辱涵茹雅眷溫諭如
沃以醇醪邇來丰采嶮峻樞猷靖密 中朝相業
震曜區宇入陪大政跽足可須矣生于役江右例
應進磁茲三運矣尚賴鼎力調護之俾無他虞則

合省人士皆荷生成其奚有于不佞走佩服之私
也

與溫撫院

恭惟門下鼎猷樞畧九有倚衡拊填首藩澤覃威
震燁如春陽赫如電爍青紳襍祿傾誠以慶昇平
審矣旦夕擢正辰階調元密勿以奏迓衡亮采之
烈耳吳山越水寧能久駐轍也生得接隣光曷勝
瞻企謹顯尺素少效私衷伏惟炤存

答趙操江

支華平先生集

卷三十一

八

清旦閣

頃藉帷下微潯陽不獲扳轅晤言率瀾中消殊愧
壺漿之敬乃雅度涵茹特枉榮施益以慰諭感此
眷存何當銘佩門下顯謨宏畧揚詔今古 主上
篤念豐邑暫假輶鈴一坐鎮之耳北斗在天虛席
以需斟酌久矣肅瞻寵賁曷任欣豔謹誣一介上
候台履炤存是冀

與孫總兵

曩承乏荆南備辱雅眷別來企慕怒焉如飢頃乃
復假玉節坐填之豈惟邦人有重觀之歎卽故知

亦復彈冠耳屬者百兄莽糾久稽晉賀顧先辱隆
施何勝愧慙茲具不腆顯介肅馳百惟炤存

與劉錦衣

門下鼎旂碩望坐理太微 當寧凝眷心膺斯屬
風猷所播匪獨輦轂清氛卽延宇亦荷餘庇昨以
二運御磁涵記門屏竟藉調護獲妥感荷恩眷有
踰肉骨茲值三運尤勾清暉跡之以微惠終始臨
楮不任祈懇

與司禮

支奉平先生集

卷三十一

九

清旦閣

天壽平格翊戴 聖躬旦夕承弼以奏祇若咸庥
之績海內瞻注久矣客歲進磁備辱推眷俯賜玉
成合省士民均沾渥澤生等祇役外服其荷屋烏
之愛寧札節可既耶茲當三運諏役顯候併具私
誠伏惟台炤

答周憲長

不奉教言幾星霜矣時時從薦剡間得悉風猷輒
沾沾喜如接芝眉而山川間之瞻望弗及乃茲忽
接札諭諄切錫我百朋喜可言哉翁丈華問碩猷

系休軼古入司喉舌以裏潤鴻業儲嚴廷謨固上
下所共傾企也若弟駑劣無似何勝一顧之榮哉
承訊及輒一吐白素以爲謝臨楮不任馳注

與任道長

門下淵謨朗照風儀龍驤正色 中朝風猷玉立
乃者提衡荆服震撼方殷秉軸幹樞上孚下格蒼
所謂風抗其高雲垂其澤者矣旦夕入調鼎實流
光疑宇者固僉謀所共推 宸衷所簡注也瞻趾
瞻趾生濫吹隣服仰企台光之日久矣顧以楚氛
未淨部使紛馳輒藉承訊今茲少閒敢取儉價獨展
下布區區統希炤宥

與詹道長

門下峻簡靖謨憑時揚朗華星卿月畫繡翩翩匪
獨彰徽粉榆行且恣然負弩矣生無似密邇風猷
顧不願披龍光覽鳳儀自愉快哉乃以匏繫會鎮
不獲躡履面承仰挹冰暉心還室遐曷勝懷慕謹
頌尺一少罄企思伏惟鑒在

與孫按院

緬惟門下風標玉立樞畧淵淳頃按吳越會潢池
再警幸賴門下籌策鎮懾莫囂折亂萌而登春臺
蓋至于今而吳越謚如也竊從指紳矜常聞其槩
則沾沾喜謂國家有人謂吾鄉有人恨不獲接塵
而遊一聆聲咳以罄生平耳乃者何幸重枉王節
共事江服哉郵遠俄聞匪獨私心慰藉卽山川草
木晶光以需星照矣昨承役便既附尺牘以致嚮
往計今且微 電囑茲以攬轡有期詎倖候迂復
致縷縷

支華平先生集

卷三十一

十一

清旦閣

送南贛軍門北上

惟門下駿猷顯問宸衷懋簡佇聽履聲以需爰立
久矣茲者簡書敦趣旌旆榮征彩鷁丹楓圭璋交
映固丈夫得志之會也適黃童白叟臥轍攀轅追
送傾城倘與廣坐六樂間發乎不佞幸接風猷殊
深欣戀謹願一介代將舍較之忱跂伺玉節駐臨
尚攜手河梁陳祖帳出苦語爲虔毗紀衮繡之思
也薄言塵瀝伏冀公融

與徐給諫

生陞伏江嶠蕭瞻台斗日切景嚮久矣門下偉謨
峻望朝野倚重旦夕且宅揆持衡以慰喁喁之望
矢心矜節卽齒頰亦且生香生何幸得藉敝鄉如
岡公餘愛微惠于大君子哉念生非劣下案猥以
報政循例冒竊恩典本屬非望顧荷門下推愛不
惜鼎言特賜王成而復齊公素重季諾慨爲揮灑
琬琰盈軸光賁泉壤卽死且不朽矣感戰殊庶豈
拍塵所可上報耶

與田掌科

支華平先生集

卷三十一

十二

清旦閣

緬惟東陵周旋備荷眷愛綢繆潛推陰掖道義骨
肉之雅鑠心刻膺未足方之北客歲生以觀事入
都城門下居瑣閣侍垂永至尊重矣乃雅眷惓惓
有加疇昔行庖有饌綺筵有譙臨岐有贈稠疊隆
施重踰涯分門下之不遺疎迷一至是哉佩德而
南斯夕繫念圖所爲報稱者屬以門下奉冊南封
遂稽候謝計今應輪旋軫履聲且徹肅聽矣不佞
仰叨素雅其欣豔當何如出倖走候不盡區區

賀南贛軍門內轉

恭惟門下風望峻整樞猷雅裕頃鎮虔中露濡霜
厲文輯武綬三省毗黎熙熙如登春臺宸衷倚
眷心膺斯屬中朝握憲之命匪獨僉謨實維帝簡
也宅揆調元行且濟涉矣遽聞竊爲廟堂稱慶亦
慶門下得遇知明主而悉展夙抱也敢具副楮以
申賀悰統惟台涵是荷

答座主

不肖夙庇鴻私時切瞻戀邇得竊食名邦謂函丈
光儀斯日承之耳客歲僅一叅侍未盡款私而既
支華平先生集卷三十一 十三 清旦閣
見遽違奄忽更歲悲離慕合何日忘之佇來示以
藤箋錫以明貺若將以策不敏之質而借之大通
者門下省念單人至矣厚矣敢不拜命春風漸和
尚圖掃除膝間以遲杖屨對使手復不任依依

與姚掌科

客冬役便率致赫蹏仰賁清眸已遂兩捧札節誨
諭諄復謁謁肝鬲之愛妄念秋月華星密勿造膝
削草方劇亦暇爲里閭者概于中耶銘刻銘刻頃
以初代積弛百紛未遑虔報愧而迄今謹詠一介

奉候台社伏惟鑒涵

與王掌科

門下邁德軼材猷謀靖密囊封獻替欽矚凝峻
生希鄉曲惟日顒顒俟望丰采顧以塵仝叢委初
代綜緝尤繁坐稽候問乃辱粉榆雅念不遂遐遺
忽分箋藤下垂惠顧慰諭恂恂固盛德之雅致非
京貴之常格也感愧何似茲願承役上申候私秋
杪漸寒惟爲國自王

與王掌科

支華平先生集卷三十一 十四 清旦閣
確山不佞故遊所也乃門下發軔皇達亦辱臨填
之計積瑕宿垢日呈聽睹糠粃在前曷勝簞揚之
懼哉去歲入覲假道獲接粹顏則雅懷傾蓋歡如
平生竊妄自意門下懷柔逆旅盛德固然匪獨爲
地方舊吏惜也既入京華重勤館人益復推解乃
知道義思勤有踰骨肉完壁之後日切銘饒顧以
山川阻脩訊候寥闊罪可言哉門下王鉉雅望簡
注丹宸日夕且履台斗以謂元化不佞踰伏外藩
不竊榮寵而承下風哉鴻便附致區區

與劉掌科

緬惟門下八柱鴻裁台斗駿望鳳儀青瑣和鳴朝陽固惠亮之芳助垂衣之良弼也旦夕對揚密勿啓沃宸衷延佇可須耳生廁在鄉曲俟望丰采欣鑒豈渺小哉越在江壩塵鞅積羈候問缺如可勝馳戀謹勒短牘上瀆輿居伏惟炤原

答汪侍郎

曩在楚服得從綦綯末仰接聲教親晤容風儀龍驤固匡翊之柱石白雪之宗匠也邇來抗身塵壘支華平先生集卷三十一 十五 清旦閣

之表撐拄頽波之末寄情烟霞優游丘壑無慮八易歲矣生竊愴歎邦有老成典刑攸藉高臥不起如蒼生何仰達士先民亦咸謂伊傳勛猷匪門下莫可倚重者主上亦推心而聽顧久矣計今卽吉有期北轅且脂亦能爲宗祏強起乎

與少司空

春首進磁誤辱調護以迨大戾其江右工寮士庶咸庇賴殊造矧生有毀畫之思者銘佩不尤什伯耶虔捧札節慰諭綢繆至抗章入告尤感嘉惠願

以疎逸未信批鱗匪宜門下 欽囑久注造膝一言轉圜尤速幸終顧之今茲再運顧侯玉成顯伸悽愴以句青照臨書不勝耿切

答李巡撫

春正泝辱札節慰諭縷曲受代後復枉榮施乃今踰秋望冬矣江黃旄頭可屬也而糾冗禁焚報命缺如卽曠度不遂督過乃不佞瞻高怙厚戀膠答疎莫之解也門下顯謨宏界揚揚震區入司喉舌握政本斤斤乎迂衡亮惠之績旦夕且快觀之不支華平先生集卷三十一 十六 清旦閣

伎何幸藉以里閭未得分東壁餘光哉肅跼寵責怒焉如飢訴介孤馳祗將惻欵惟台慈鑒其忱而貸其後時尤不勝大願秋杪楚氛未淨百惟若時惠敘遠念不盡依依

與胡銓部

不佞以迂謏叨役名鎮日競競奔走牛馬以苟旦暮而于通家世講之好則甚稱疎帥焉客夏猥微恩綸裁素伏候溷突塵莽殊莫申曝私之百一卽門下不督過幸甚乃辱眷顧力爲周旋翰局符司

百凡綜悉不佞荷此恩私銘篆頂踵方踴躍周知
所謝詎堪游承垂省載責華函益以蕃錫殷情溫
旨爛焉盈竹將大君子軫念桑梓謬加汲引抑逐
臭嗜聚偶有投分固無論人之可否而曲庇之耶
乃不佞則循分增慙莫知報德所矣門下台衡雅
望當宁簡知旋握政府以資調燮海內顒印久矣
獨念江表雄都冠裳會數而走以不敏之軀托之
其何克濟門下惠念里閭幸吐緒咳示之周行令
循繩尺以效補塞則大有造于鄉人其何有于不
佞

文華先生集

卷三十一

七

清旦閣

佞佩且感也銜戢鴻私顒役馳謝

與陳給諫

欣惟門下柱石峻猷亮惠熙載忠慕謬謬白簡生
風旦莫且晉司端揆以副宸眷此今日所共指
擬者生不敏猥辱鄉曲得荷眷愛最渥且稔頃仗
庇報政微竊恩綸不揣疎逖謬爾陳賁乃門下遂
亦不棄疎逖而曲成之至爲借譽理翁策以必獲
門下惠顧不肖至無量卽咤咤願指以示攸嚮謂
且感涕無從矣詎意至德勒小曠度懷遠報章瑣

致忽墜雲端揣分增慙竊惕惕靡所圖報矣

與陳吏部

鳳翔千仞矯矯德輝令人景慕慨歎且久一旦儀
紫庭鳴高圖登主上于黃虞九成之隆其愉快
可掬矣生以孤影接翅文苑久闊聞問方有晨星
之感脩然覩此盛會詎不爲分誼皇圖交慶耶顯
介肅候少忤悵悵百惟鑒在不備

文華先生集

卷三十一

七

清旦閣

支華平先生集卷三十二

軼簡

樵李 支大綸心易父 著

與李大參

前緣歸吏便曾裁尺一祇候想納記室矣山川阻
脩久不問問神馳想積夢寐爲勞惟時匡廬彭蠡
間旬宜舊績去思駿譽日低聽覩恍如面承計今
遠猷峻節數餐來同蜚聲闕下甚藉旦夕日授節
鉞暨台鼎之勲矣瞻佇瞻佇不佞祇役西江忽忽
支華平先生集卷三十二 清旦閣

答李少參

不佞楚遊日惟良二千石是崇是信計今最績其
隆上下傾注報政明光峻陟伊邇矣別來半祀賢
聲雅誼日勤夢思忽接華牘殊益欣慰多儀遠致
幸不煩此良劑序錄受如來數金幣完璧以歸併
希炤原不盡

與趙巡撫

曩者得侍足下千百尊重辱解願推赤啓昧振聵
借之大通迨萍踪脩飄載離寒暑而眷存提掖依
依如昔顧省謁既曠音訊亦疏則陸沉塵鞅之常
態而戴高履厚怒焉于中莫之解也足下宿德重
望四海倚平祇今拊填閩南威震澤洽旦夕入司
喉舌握銓軸以幸區宇耳三山海濫其能久駐節
耶生素稱無似乃微天倖得上慨于台衷頃補闕
臬深幸得所依宗俄有江藩之命不遂所願徒眊
睇旌旄搖搖而無所終薄儻足下不卽棄絕俾得
支華平先生集卷三十二 清旦閣

與徐大參

曩足下秉銓軸生謁選公車備厚陶成感荷恩勤
銘篆心膈已遂萍梗各天末由參侍光範以傾企
戀之私徒飲仁飲義與心俱醉而已足下瓊材偉
望朝野推轂嗣且拊綏雄鎮寅亮庶庭門屏故知
倘得隨驂轡以受成事寔不勝大願願躡下乘
詎能終附驥尾追風哉惟足下神御而督策之俾

不遽至顛蹶則厚幸矣鴻便肅致縷縷不任瞻切

與王翰林

生結髮遊四方得從某絢末仰接譽欵親光範鳳儀矯矯文質炳然固匡翊之碩彥振代之鉅宗也此來抗身塵壒之表撐柱頽波之末寄情萊綵優游色養無慮五閱歲矣弟時竊喟歎邦有老成世風國是終將賴之必高卧不起如蒼生何而海內逢掖士亦咸謂伊傅助猷匪足下莫可倚重者主上亦推心而眷注久矣今太夫人以天年終足下

支華平先生集

卷三十二

三

清日閣

固持服永慕乃終制後忍不為蒼生出耶忠孝之謂何矧人情又若此也計安厝有期道遠不得聞又不得效執紼之役瞻望雲山涕泗如雨肅函具幣代申弔私且以為慰百惟抑情強飯為宗社計至禱

與吳編修

在昔江陵孔士竊弄國秉冠裳掃地威儀熏天埏宇士庶屏息重足以苟朝夕雖有蘅蘭化為蕭艾矣足下抗節秉諒不沮不撓孤標雅尚栗玉寒冰

三數年間比陵風集屹屹乎首陽芝之範焉今上銳情飭疊顯遂忠良而足下首膺宣室之召風采一新朝端生色矣自是而晉台斗勒鼎彝固足下公事而君子道長苟如榮升以共詡平章之治者九邦人士所禱祀而祈也生株守遐陬不獲颺言稱賀而緬懷夙昔之誼感慨遭際之隆未嘗不竊歎私慶彌夕而達旦也顧瞻高致久缺訊私肅候典居以卜世運觀縷之衷十不摭一

答劉宮詹

支華平先生集

卷三十二

四

清日閣

生祇役外藩不獲望見當世之作者時時從汗竹間竊窺一斑輒呻誦彌日不啻珙璧之入懷也乃今何幸得援令甲徵惠于各世鉅工哉虔捧瑤篇且誦且泣光賁泉壤九京如生繡溢縹緗千秋若覩洋洋乎自解繩以來代不數見也且蘭室雅望當寧垂神行且豎勛石室贊化庥庭彤管新編當與伊訓說命並垂不朽區區末系亦藉以永有聞于弈世矣不亦厚被榮施哉感極雪涕莫知所云惘惘陳謝殊慙塵恩

與王司寇

曩者得侍南服備辱獎成屬以萍跡屢移塵紛蜩
集睽隔既久禮節遂疎乃感荷恩私鐫在五內則
靡昕夕忘也門下三朝舊德昭代斗山主上飭蠱
揚側首先注簡蒲輪一出九鼎增重矣生素乏寸
長猥以夙庇竊茲非據日用兢兢庶幾無負惟門
下終惠顧之顓价代候兼致謝私

賀沈大宗伯

恭惟門下宿德峻望贊元密勿納誨沃心聖學緝
支華平先生集卷三十二 五 清日閣
熙維垣維巖之命旦夕且倚重耳乃以秩宗清秩
上應文昌台斗攸司宸眷斯篤聖衷爲宗祏計匪
尠淺矣生濫竽外鎮肅瞻盛際顧不爲泰道彙升
慶哉謹顓役馳賀少抒忻忭之悰伏惟崇炤

與吳按院

敝省右帶漕渠左瀕海澨內囂外訐壤瘠民億鎮
城解紆寔維名世邇遘門下樞畧風馳標模岳屹
攬轡未幾度貞寮肅宿蠶汎掃股殷乎起瘡痍而
社席之矣旦夕入籌溫省柄政台衡匪特東人之

願卽宸衷倚注久矣瞻矜瞻矜生幸甚覆露兼辱
眷存何勝欣戴邇聞寵以異數榮以綽楔尤出非
望其世世子姓實藉耀之豈銜結所能報稱也

答張道長

惟門下弭節江南風稜峻密憲輪所御草木晶光
吳楚之交句餘波以甦涸轍者豈啻願激西江之
水耶匪佞匪佞妄念繇芥所指復山帶湖荏苒出
沒與敝治實相表裏芟薙爲艱而留都重地歲久
恬熙雅裕振刷其道固兩難之矣門下芳猷峻節
支華平先生集卷三十二 六 清日閣
嶽峙王立其所爲輩豐鎬而淨潢池者不旣恢恢
哉頃辱命使未盡惻惻謹奉咫尺以申候私

與王道長

昨歲祇役都城門下垂組鄉壤泊使節還朝則生
復旋軫江藩矣言念睟容奚啻旦日門下風稜孤
峻飄雲矯鳳中臺推重久矣胥司端揆綵緝台階
不踰信宿乃辱惠顧遐踪特陞瑤函露襟披期洞
啓城府豈特冷比之情實道義骨肉之雅也感念
何似顓役馳候不盡惓惓

與王掌科

羣微天惠得侍光範于荆南過辱門下解願推赤
揚詡扶掖種種銘刻僕指平生交游固無兩也泊
門下風儀青瑣丰采一新海內縉紳靡不喁喁思
挹鳴陽之彩矧生夙荷雅教百倍恒情者哉乃雲
山脩阻萍梗倏遷豈惟瞻對之艱卽風問亦遂寥
寂感今懷昔何勝企仰何勝悵快門下格心弼亮
潛猷峻望 主上所推誠眷注者也時衡重命特
自掖垣崇階一旋趾耳生祇役江藩日兢兢奉成
支華平先生集卷三十二 七 清旦閣
算以圖報稱而積蠱之後振飭良難百爾曠愆惟
門下終曲成之翹首雲端不任皇薦

與姚掌科

客歲入覲取道故鄉時仙旆翩翩畫繡也生以塵
鞅馳驅未遑樞謁乃令使儼然臨之矣殊禮異數
謬及疎迷卽披瀝圖報且思不稱而助勦中益復
疎鹵亦妄意邸中或得周旋僕僣以罄款悃也及
生竣事南馳門下乃爾旋軫遂不獲望見顏色徒
佩服雅愛搖搖于中比來吏事糾紛山川迂阻脩

離寒暑尚稽修候茲罪也則在所弗原矣門下偉
謨碩望正色中朝旦夕且司鼎軸以幸區宇生忝
鄉曲不薰餘馥而愉快哉仰懷台斗輒勒短楮祇
奉輿居統希台炤

與于道長

曩在維揚幸接緒教春融之度玉瑩之操屹如岳
峙迅若川馳固吾鄉珪璋之望也乃者攬轡留都
風猷玉節彪炳江淮 主上延攬方殷眷注斯篤
端揆鉅任不且旦暮至哉生忝里閭之雅企羨尤
支華平先生集卷三十二 八 清旦閣
倍恒情也肅介馳候不任耿切惟台慈矚之

答楊道長

相月得把清暉聆玄緒心神依依別來瞻望閩南
鐔光隱隱炳如寒芒將昔所云神物者旣去而復
合蔚爲玉節風猷耶翹首祥光纔隔一嶺瞻注孔
邇昕夕若馳矧承教札曷勝浣慰願役肅候以寫
私忱惟台炤原之

答蔡鹽院

維揚古江淮之交一都會也而東瀕斥鹵西尾陪

都漕艘繹騷士商走集于國家爲咽吮 主上念
社稷計良重時藉峻節鴻裁一振刷之少選且入
正辰階握政本矣念昔薄遊靡所建豎計今漏逗
種種日呈聰暗奈何不長見笑于大方獨幸珥節
所臨共茲疆土盈盈一水風猷蔚然倘有意覆護
之乎恭承嘉惠銘哉如馳祇役晨趨少將悃悃

與曲掌科

門下日侍紫垣對揚穆穆秘言駿議當寧霽威固
廟廊之慶亦閭里之光也生留滯江服俗務絲棼
支華平先生集 卷三十二 九 清旦開
候問闕如顧辱良訊遠頒煥蒙發贖厚誼殷情啓
函如覲捧誦三過能無几杖之歎哉真切真切肅
倅綢幣上瀝記室少謝拜命之辱伏惟台昭

答賈方伯

鄉徵天惠辱與門下聯鑣漢南王型蘭暉昕夕在
望俾蓬艾得遂其直者匪門下訊掖扶之也乃今
祇役西江典刑日遠鄙吝復萌曷勝瞻仰門下天
挺名世中外倚衡金鉉玉署日暮且入矣紫微清
暇倘不遺鄙朴而終教之乎弟固殷殷望矣承訊

輒附以謝不盡悚惶

答張臬副

京邸得接清暉聆玄旨竊幸荆南人士得所瞻依
計今玉節星臨百廢具舉糠粃在前不勝簸揚之
恥矣向來乘冗裁候疎鹵無狀乃門下不遂鄙絕
惠之好音教誨意篤匪獨示我周行卽荆人士永
有所蔭庇矣感此懷服曷旣馳戀肅函上瀝伏希
昭存

答沈憲長

支華平先生集 卷三十二 十 清旦開
頃聞總憲之報卽沾沾喜日圖所爲賀者旣復私
念門下風猷暮畧當寧虛懷而倚眷之稔矣擁旄
秉鉞之命行且繼之湖臬信宿固乘傳一階耳須
之將俟新命并賀也乃雅念惇篤不我遐遺雲牘
下頒纒纒盈竹咸道義骨肉之雅度滌三復心神
若馳生惻惻誠不知所爲賀又安知所爲謝也

答伍二守

高賢雅望枳棲固久乃鄙心獨喜喜荆之人得所
怙又喜上官之得賢有司也生視事仙鄉務繁任

重百凡利弊曷不一一開示俾生得奉行以幸桑梓乎真切真切若睽隔之想企戀之情彼此同之不復贅

與王少司空

在昔門下榮蒞 朝長生重趺未行渥承雅眷爾來結綬千里嘉會難數百感之宇晏晏如昨門下榮問脉暢 皇衷特簡佇膺爰立變正辰階同聲夙好曷勝欣躍茲承役便勒狀肅賀伏惟台鑒

上鳳磐張相公

支華平先生集

卷三十一

十一

清旦閣

往歲追隨珂珩得數未教于師相既補外益復開疎簿領陸沈訊候寥落即師相不督過幸甚乃荷栽培亟承推詡似太有意于不肖者感鑄五内何日忘之惟昔師相柄政中朝雅裕鎮俗飾疊繁渙潛折亂萌道以正行事由通濟迨服舍秉禮謝柄遶西經綸覽卷眷注逾篤矣側聞天壽平格台履日綏社稷蒼生時時優指以須卽吉匪佞匪佞某謬叨任使移鎮江表師相實玉成之顙份肅馳恭伸候慰伏惟鑒在臨啓悚惶

與吳內翰

計違函丈二十稔矣日稟簿領不復越疆以效杖履之役徒戴高履厚神戀心馳感悵今昔如承唯諾而已師翁養素歲整碩望攸歸出則國重處則道重人固自有適耳東山讌居蒲輪北上孰爲軒輊哉某獲就陶範奔走畏途奉命承教矢心無負頃微餘庇轉鎮西江敢不夙夜惟翁師終惠顧之肅仵副候少伸積悃瞻企光容曷勝取切

與王內翰

支華平先生集

卷三十二

十二

清旦閣

緬惟兄丈篤情榮綵脫屣屢座無慮五閱歲矣計今大事旣襄宸眷久屬社稷蒼生門下倘有意乎主上英旂元老和衷魚水一堂都俞競烈大君子行志之會也其忍負之弟以戰材代置江右久不獲躬承執紼之役曠愆實多顙份祗候不盡私衷

與孫道長

欣惟門下清猷偉望秋月華星朝野倚重金陵珥節霜肅風馳海寓綰紳靡不喁喁思挹鳴陽之響矧生辱在鄉曲顧不爭先觀之爲快哉越在封疆

久稽裁候佇瞻風問能不依依謹勒尺素肅將私
悃惟鑒原

送南贛軍門冬至禮

欣惟珠星叶瑞霞管陽回固大來小往之會也門
下握斗杓調玉燭泰道浸亨與繡文共添矣豈特
闔蛋之交得瞻祥雲而履長祚哉生以道遠不獲
躬致獻履之儀輒具不腆少申賀臆遐睎德星局
勝欣躍

賀舒大司寇

支華平先生集

卷三十二

主

清旦開

嘗念漢制三公承天象極而其歸乃以明糾非法
宣振國維中臺八座皋呂清查益其重也 聖神

御極亭育推仁欽恤之命歲一再下而門下弗猷

駿望素簡宸衷擢晉天階握調斗杓豈獨仰副

聖心長我王國卽入埏常帶士庶顙顙以遵石畫

而翊上理者端有賴矣嗣而調元政府燮正辰符

不在旦暮耶生濫竽仙壤愧無寸長肅瞻斗杓何

勝欣顙顙介迅馳上抒賀臆伏惟昭鑒

答王道長

仙里樞謁大慰渴悵別來又歷三時矣仰瞻旌旄
乃在南服握手何期徒益改慕耳翁丈瑋材鉅望
區寰具瞻握鈞銓變玉鼎且翹足而須耳軍路藍
縷之區安得久留滯也弟濫竽江右脩爾半稔百
紛叢積瑣瑣薄修殊慙輕恩乃瓊瑤之報遂復隨
之翁丈之眷存則至矣乃不佞弟何以堪此也對
使登拜兢慙移晷僥附復

與孫右轄

支華平先生集

卷三十二

古

清旦開

洪都聚首形忘神洽洛下載陟風問杳然乃江之
士庶猶日望使節南國信宿再覩既聞太夫人奄
違色養門下乘禮服舍孝思益堅去思轉篤矣弟
念門下命世碩輔出處自關世運太夫人以天年
終乃大致歸然卽神聖莫可究詰讀禮暇幸節哀
葆和以迂鴻眷尤今日所共願望也千里辨香少
申弔私并以爲慰伏惟口炤

與湯憲副

門下肅憲武昌威名所運下孚魚鳥而生以數載
積愆竟不得一奉顏色以慰快覩之私其爲景慕

何可言今門下榮轉復得借冠楚中而生乃株守
江藩又不獲提承入賀徒瞻戀旌旆怒焉如饑雖
嘗附致區區祇益羞澀顧辱雅念不遺翰惠遠陞
感謝之衷識荆之願不更切哉謹肅械虔賀少效
木桃百惟台炤

與李撫院

獻歲方新北斗在天何勝祝戀台臺握樞返御導
務開化鴻猷駿烈龍驤風儀蓋自秉蒞以來而漢
陰衡陽之域吏無曠工民有懿則彬彬乎非復曩
矣

支華年先生集

卷三十二

十五

清日閣

時之舊矣嗣是晉位台衡賁勛彛鼎朝 主上之

休德拯挺宇干衡波俾鄉里甫掖得薰餘馥以拜
下風者固今日所共傾祝也某素無似濫從里閭
末獲被清照乃至忘分下交溫言明覲稠疊遠馳
感忤彌日既附使申謝矣茲以城工事須懇辭謹
顯价馳白伏希鑒原

與余侍御

自台臺攬轡南服迄茲兩佩誨言拜明德之賜矣
生自念樸樸菲材無所比數而台臺以萬石里門

之蒞隆施而優眷之即台臺省念桑梓至厚幸乃
生則神馳心注搖搖其西莫之寬也台臺風節凝
峻上孚下推匪獨楚南齊風而立不諱之朝建無
前之策洋洋乎都兪比烈矣他日正色台司生調
元氣以翊中興而追成弘之盛者舍台臺誰屬哉
拭矜拭矜茲聞城工告成將有非望之舉輒具副
封懇辭仰祈鑒納尤荷體悉

又

荊州修城之議不佞初不與聞續蒙前院行佑徒
支華年先生集

卷三十二

十六

清日閣

庸不佞過為節縮止議百金隨奉前院改行楊邈
川別議而城工未興時不佞遂叨遷轉是不佞于
此役匪獨無程督之勞即建議亦未嘗效謀也近
聞雄堞落成臺下詮次功賞過念單人擬廟諸太
夫之列此萬萬不敢當者懇祈俯查始末特賜矜
允以免謬冒之咎則感荷知己之恩當與此生俱
矣

答錢道長

往者門下持節荆楚歲甫及暮而百工震懼萬姓

繫思植西臺之赤幟柱南土之頽波蓋後先卒儼
矣某素無似猥荷品目曲爲陶成俾慙木之資不
遂頭越以微尺寸者秋毫皆露力也卽以山川
阻脩尚稽候謝而頌恩懷德寧忘昕夕耶西江竊
食酬應糾紛教範久疎鄙吝山積惟門下軫念手
植無倦栽培得少承下風不孤冰鑑感戴又何
量也謹題吏代布謝私併將賻莫惟比致几筵不
勝虔禱

與周給事

支華亭先生集

卷三十二

十七

清旦閣

天挺名世正色 中朝生不敏固且景行而嚮往
久矣屬者代匱名邦敬瞻桑梓及諸先後所建明
竊服足下馮翊清時格心明竝顯猷風議斤斤乎
皇王之佐也主上軫念宗祏久借碩輔以重青瑣
耳爰立之命旦旦夕下矣生署銜坐嘯卑卑無所
建豎恐終貽覆餗爲知己羞惟足下不靳策督時
惠好音俾知所遵行則感繫肺腑本當與此生俱矣
北望瞻依焚盟緘素統希昭原

與楊司空

春首記混中消重荷涵茹御磁飭化甚艱雅不稱
旨卒賴覆護以幸無督過匪獨有司藉庇其江表
氓隸實嘉賴之乃復重以華函過推踰獎匿瑕示
驗陶成之德山巍水洪矣銜戰何似茲當二運幸
屬秉均尚乞洪造終沒振之

與孫吏部

前門下乘銓軸謬荷眷存推掖備至旣微尺寸卽
圖所爲謝者無何太夫人卽世而生以封疆之役
不獲躬致奠賻惟懷仁飲德與心俱藏而已門下

支華亭先生集

卷三十二

太

清旦閣

清忠大節昂昂磊磊矢心爲國再振家聲固人間
世所共瞻仰讀禮之暇幸茹茶忍痛自玉自攝以
綿似續以膺寵庸則區區感恩之願也生無似
永推委綿力鉅肩夙夜兢惕以圖報稱萬一
下時督賜策尤感尤荷

支華平先生集卷三十三

樞李 支大綸心易父 著

啓

賀淮王壽 代藩司

伏以慕貽燕翼傳青社于組翰之邦慶衍龍圖介
繁祉于神明之胄靈符炳煥皇序延長瑞協天樞
欲騰帝里恭惟淮王殿下瑤牒奇英僊宗領袖夙
藉剪桐之緒允承訓梓之規自訟名齋遠追宣簡
之德聞義有室近同宗惠之賢惟日踞于大梁迺
支華平先生集卷三十三 一 清旦閣
律回于姑洗桐華始發莫葉三飛值初度之靈均
協嘉名之正則陋謝掾擁旄之貴常宣尼不惑之
年佳氣旋陽炯炯叶西庚之吉璇光貫月耿耿燭
南極之芒行見花萼樓前茂本支于百世粉榆社
內展寶玉于長春某謬綰金章阻陪珠履欣棠棣
之韓韓爰祝松年見麟趾之誥誥永祈鶴算惟冀
凝神樂善雅意親賢念一人水木之宗惟忠惟孝
鞏萬年磐石之固如岡如陵

賀淮王壽 代藩司

伏以天開玉曆羅萬邦磐石之宗地清璇源衍千

載朝宗之派慶鍾傳胄喜溢王門恭惟淮王殿下

瓊枝毓穎瑞木敷華大雅注眷于甘泉博學凝神

于天祚妹邦明命遠符康叔之賢魏關懸心近邁

中山之德惟茲春杪宜叶辰躔值歲德之離輝而

弘流青社當太清之降瑞而鼎應黃符振芳推仁

厚之宗卓爾當強仕之日播芳藁于甲令式耀丕

彙介純嘏于靈符彌昌寶算某身居柏杲莫效鳬

趨心介椿齡祇深雀躍誦淮南之著述企兔苑之

支華平先生集卷三十三 二 清旦閣

賓朋惟冀式典不享懷德惟寧永思寶王之恩而

展親于罔極世藉萬壽之庇而屏扞于無疆則若

木之枝以本深而益茂天潢之脉由源遠而愈長

矣

賀淮王壽 代本府

伏以仙宗星列登萬年磐石之基壽域天開衍百

世本支之慶寵頒北闕懽動西江恭惟淮王殿下

璇源清派瓊樹敷華文藻捷于陳思大雅符于河

獻范昌江而美龜齡之濯研眺藏山而慕汝愚之

攻書允稱麟趾之仁風宜享萬壽之福履肆志學
甫臻于不惑遐齡已兆於無疆值五陽開霽之期
荷千載靈長之福某謬綰符符莫罄免趨之願仰
遵令甲幸修燕賀之儀惟冀益懋衛功申綏魯殿
永衍天潢之派福同錦水以悠長恒增玉牒之光
詩並芝山子孔固

賀淮王誕辰

伏以懿典弘開慶賀周于藩邸昌齡誕啓祥光溢
于朱門瑞映西庚恩頒北極恭惟淮王殿下凝神
支華年先生集卷三十三 王 清旦閣

樂善篤孝展親邁子建之藻思符河間之大雅仁
同麟趾夙承懷夾之恩福履萬壽分寶之錫
時惟三月節屆千秋當四表之麻期值五陽之開
泰某等職叨分一莫陪梁苑之賓朋身近專封允
慕淮南之著作爰遵令甲肅致微忱伏冀慎服命
以律民式典籍而享上永荷天潢之脉衍萬派于
朝宗式彰玉牒之光固本支于磐石

上益王

恭惟益府賢王殿下仙宗標的瑞牒奇英雅意親

賢設醴敬賓之日凝神樂善樂官待士之年寶玉
情深既展親而篤孝萬福遠猶逮下以推仁謂
藩司位列旬宣本繫生靈之寄且西江地隣畿輔
益深根本之思恩屢致于命寧力敢勝于異數敬
緘蕪詞仰聽免苑肅將菲享用代免趨尚祈益懋
衛功弗替珪桐之典申綏魯殿永膺輅帛之麻俾
甘渚與錦水偕長密巖共芝山孔固

謝益王禮

恭惟益府賢王殿下瑞木分枝璇源列派博學凝
支華年先生集卷三十三 四 清旦閣

神于天祿大雅注眷于甘泉魏闕懸心近邁中山
之德妹邦明命遠符康叔之賢不獨 淶拔雲鳳
擅入甄雄賦亦且親賢樂善足稱千里名駒某荆
南弱質叨從薇省之介臣江右膺符預仰僊宗之
領袖顧守蟻封之分未伸雁見之忱敢厚隆施遽
頒寵翰拜嘉願甲銘載衷藏謹對使以抒忱容詞
音以申謝

謝益王

恭惟賢王殿下和神養素首膺獻歲之禧樂善親

賢下逮薦春之貺荷推解之備至媿辭受之俱非
念職薄守薇垣遙瞻兔苑雖尺素屢承于往復而
瑤光未接于叅承敢厘館人重中嘉惠自惟豐登
有象願調玉燭之光藻績成文喜睹揆天之巧暨
珍饌之品物咸拜手以登嘉若羣屬爲織皮之精
至文綺尤筐篚之貴錫之逾分服之不衷敢完璧
以旋歸幸襲藏而爲好薄言申謝厚望丙融

謝益王禮

恭惟益王殿下典學熙明夙稱大雅宅心忠孝尤
支華平先生集卷三十三 五 清江閣
仰不羣本以肺附之近親兼爲昭代之宗老某謬
膺江幹媿未效于折麻游承分帑獨不靳于蕃錫
瑤華屢至報稱奚繇謹正席以登嘉永什襲而爲
好願言懷德毋忘訓梓之規接武宏王長保珪桐
之緒銘跋無任報謝未周

賀淮益二王年啓

伏以玉曆春回瑤圖日麗泰道應三陽之會履端
迎百福之祥瞻兔苑以馳神心深燕賀奉椒盤以
獻歲恨阻鳬趨肅將二簋之儀少効六符之祝

謝益王中秋節禮兼卻羅紗補扇

仰惟風翮九霄趁金鷗于虛碧霜蹄千里追玉兔
于太清銀闕冰輪光照青藜之杖瓊樓玉宇寒生
水調之歌對佳景而獻雅樂于甘泉永絕霓裳羽
衣之典守權封而懸素衷于魏闕時懷大路少帛
之恩乃觀濤廣陵不移情于枚乘而延賢東閣實
媲美于河間特損官庖遠貽江署規金餅以爲餌
桂影嬋娟泥玉露以爲漿清光澈灑禮既隆于醉
飽敬敢拜于登嘉乃若玄黃稠疊繪繡輝煌兼以
支華平先生集卷三十三 六 清江閣
齊統成出異數既效受餐之義幸無返錦之嫌蓋
和鈞石平權衡方皇皇于拙守而駕玉城登天柱
敢泄泄于良宵過辱隆施實切投桃之感薄言申
謝未領報李之悰

送益王冬至節禮兼返紗羅扇補

伏以璿臺望氣知福履之頻添葭管回陽羨泰階
之浸長德道百祿祥叶五雲恭惟賢王殿下僊宗
大雅天統延禧允懷德以維寧信爲善而最樂當
此書雲之佳序願修獻履之常儀況在中秋嘗叨

審錫比對使緘詞既薄言而完璧乃委官誤入幾
以暗而投珠珍賂久虛塵悰頓隔謹因亞歲之獻
并歸西舍之封倘貫不恭實銘汪度遙瞻免苑鹵
托魚巖

賀張元輔正旦

伏以聖祚中興快睹三陽之會台垣翊運欣承一
德之猷雨露春回華夷景仰恭惟師相德維天紀
應明良喜起之期學爲帝師盡翹藥鹽梅之訓王
燭調而歲穀屢登泰符集而寰烽永息誠萃衡疑
支華平先生集卷三十三 七 清旦閣

之間氣殆吞雲夢于胸中允矣明光勤施升主德
于義軒之上焯哉和恒篤棐奠國籙于泰山之安
某材同樸楸器若蹄涔幸薰里閨之高風獲潤漢
江之餘浸思源飲德鏤骨銘心茲遠曠以周星實
馳神于積日恩深陶鑄曷勝銜結之情勢隔雲泥
未遂消塵之願輒因鴻翼敬貢蟻忱惟願爲國葆
光若時崇獲使弗祿純嘏聿賡卷阿之歌而聖主
賢臣再上雍容之頌不勝欣躍感戴之至謹具啓
專人捧詣台階祇候塵獻伏惟電鑒

賀張相公元旦

伏以重華協帝萬年新鳳曆之期同德享天一氣
轉鴻鈞之運縉紳泰彙壤甸升平恭惟門下南岳
鍾靈東垣秉軸丰采繁華夷之重精神貫箕翼之
芒聖鑒既飯盡翹藥鹽梅之訓迂衡穆穆垂紅蓮
白燕之祥緒懋明光生見庭來象譯謨隆燮理會
逢序起龍躔是宜聖主賢臣均壽考雍容之福乾
清坤順應大來小往之期某披拂春風幸混裁于
蒼葉甄陶化日思虔祝于松椿僭裁蕪句代致椒
支華平先生集卷三十三 八 清旦閣
觴妄漬槐庭曷迨塵瀾

賀呂豫所元旦

伏以宸極中天快覩三陽之會台垣翊統欣承一
德之猷宇甸春回工僚喜溢恭惟門下中興名世
平格偉儒依日月以據丹久著保安之績坐薇垣
而訓德共推輪翼之忠聚精神于一堂陋彼蕭曹
畫一變陰陽于三府居然周召同心際此履端適
逢泰始惟願慈顧天祉孚九重倚畀之隆宣節太
和慰四海瞻依之重鎮瑤圖而永固衍玉曆以萬

年某夙叨春育載見歲華身在西江末效椒觴之
祝神馳北極聊傳梅信之春禱頌實深兢惶交集
自慙瑣瀆伏冀台融

賀張鳳磐元旦

伏以斗柄杓寅瑞應彤雲扶旭日台英現丙光聯
南極貫薇垣歡溢八埏福崇九鼎恭惟門下昂宿
儲靈喬崧炳粹乘時據素幹元化以撫五辰矢志
存丹墀至仁而噓萬類袖中五石補天輸寅亮之
猷階上六符燮鼎幹回陽之軸當一氣協乾元之
支華平先生集卷三十三 九 清旦閣

始會三陽同泰道之亨元首股肱載廣明良之韻
菲祿絕歲永矢卷阿之歌某幸際垂衣才非補袞
仰黃扉而瞻依靡極竊慙義取之更新望素雲而
風勵聿殷願祝其疇之敷錫輒因竹簡代致椒銘
未由報稱于陽噓惕爾馳神于日積

賀部院元旦

伏以北斗帝車轉靈輝于蒼陸東郊鸞輅布盛德
于青陽慶集慶龍恩先日與恭惟師翁閣下乾坤
間氣社稷元勳燮理功高近陽春而有傲寵綏恩

厚應泰運以無疆百順從心三靈孚佑親舒長之
化日永綿鳳曆於萬年仰燦爛之卿雲鼓鑄鴻鈞
於四海某職司輪轡心戀門牆敢輸葵藿之誠遙
上梅羹之祝伏冀調和元鼎同三壽以作朋翼贊
新圖弼一人於無數

賀張鳳磐入閣

伏聞股邦啓祚伊祉並佐阿衡姬運重熙周召同
調鼎鼎凡保太平之業必典名世之臣恭惟閣下
鼎宿儲英喬崧炳粹袖中五石補天之畧久韜階
支華平先生集卷三十三 十 清旦閣

上六符瑞日之祥始發果信紗籠之兆預占金甌
之名一代言章已昭經緯百年禮樂需掌絲綸三
台聯入座齊騰紫氣貫微垣黃扉總黑頭並駕彤
雲扶旭日聞命而懽聲動地何如夢卜求賢臚陳
而烽警潛消咸畏中朝得相華夷仰驚代之麒麟
宇宙慶回春之雨露某自分襍線非補袞之具深
幸章綬際垂裳之休敬撰蕪詞聊伸芹悃自慙塵
涵伏冀台融

賀張鳳磐入閣 代都院

伏以三台列象于微垣聿稱天柱三府協心于鼎
軸爰登泰階是以虞簡皋夔翊蜺禹而宅揆周崇
呂召協姬旦以調元匪徒參決乎萬幾實以凝承
于一德恭惟大師相閣下青宮翊戴芳名久佇于
金甌黃閣經綸眷命特隆于紫綬峻陟六符之上
聯班入座之榮恩禮殊絕于百寮舉望夏符于九
鼎行見長于謀長于斷左右同心善應變善守文
寅恭協贊于以躋主德于義軒之上亦且升國祚
于磐石之安某株守西江媿使令之莫稱情懸北
支華平先生集卷三十三 十一 清旦閣

上余相公

伏惟相公中興間氣平格偉猷九鼎陽回六符瑞
協魚水一堂居然周召之共濟明良令德陋茲姚
宋之相資光玉軸于越水吳山之上躋江左于泰
阿高岡之間某風叨任使心少奮于一鳴逮遠師
模迹遂同于萬里雖身居桑梓暫依依僊穴之光

而目注楓宸實耿耿台垣之上敢馮風而抒素輒
就日而吐丹瑣瀆實深兢惶交集惟願恭願天祐
乎一人倚畀之隆宜節大和慰百辟具瞻之雅鎮
瑤圖而永固懋玉祉以同休

上余相公

竊念某質本狃蓬偶承覆露猥經督御遂效馳驅
力未展于一籌遇迺叨于三顧薄言報代惟春月
之載陽久缺候音追秋風之始肅瞻茲企戀怒焉
如饑恭惟大師相燮正辰階對調鼎實輝敘揆乘
支華平先生集卷三十三 十二 清旦閣

候余相公

恭惟大師相喬崧炳粹玉鼎宜和學爲帝師風若
保安之續道膺天壽永延固命之期頃緣翊戴邁
勞暫爾眠食少損喜台祉已願于勿藥適鄙衷尚
切于跼思蓋風附同門竊標模既爲獨厚而屢叨
陶鑄荷栽植尤爲獨隆不勝犬馬依戀之私媿無

藥石親嘗之敬用顯一介代致寸忱惟願爲國葆
光若時崇護雍容壽考登階符于萬年日恒月升
備箕疇之五福臨啓拍塞不盡歌馳

候余相公

恭惟大師相天壽平格燮正階符依日月以輪丹
坐薇垣而傳德匪特翊一人有道之長實以衍四
海無疆之福頃聞貺食少損祇祿輔理過勞暫爾
違和已知勿藥顧以身羈外服未繇中涓夙夜跼
思齋沐陳候惟願步願天祉宣節太和俾弗祿純
支華平先生集卷三十三 十三 清旦閣

上申相公 代同年

恭惟相公門下道維天紀闢經緯于三朝學爲帝
師協明良于一德當天眷人歸之會應大來小往
之期宇甸春回縉紳泰彙某夙願陶冶之末猥承
特達之知嘗謬從輿望而輒效芻蕘乃觸冒時忌
而分甘壘粉幸至仁不遺于燕谷俾散材再植于
吳山身遠闕庭更冀茲者已踰七朔心馳政府瞻

龍光者奚啻九升誓將策蹇而追先實媿承顏之
既後敢因鴈翼少貢蟻忱惟願績懋明光均壽考
雍容之福謨隆變理溥乾清坤順之庥俾百寮協
志于下風而非劣適符乎素望不勝祈祝之至

上許相公

伏以宸極中天快覩三台之瑞薇垣翊統欣承一
德之歡社稷升平華夷倚重恭惟相公閣下青宮
毓戴芳聲久佇于金甌黃閣經綸眷命特隆于玉
陛德業聖神之佐學術帝王之師親依日月之光
起應風雲之會若時亮惠幹元化以撫五辰矢志
變調邕至仁以成庶類某林守吳山媿使令之莫
稱神馳魏闕慶倚畀之有人身阻鳬趨心顯燕賀
惟願三府辨心躋主德于義軒之上六符協瑞升
國祚于海岳之安謂將廣虞氏而薦元首股肱之
歌某且繼王褒而獻壽考雍容之頌

賀呂豫所相公壽

伏以聖祚中興快覩生申之瑞婁躋啓曜載臨紀
甲之初衍寶曆以萬年績推平格燦瑤瑤以三葉

節邁真元喜動鳴珂頌喧降岳恭惟師相德繇天
挺應明良五百之期學爲帝師極魚水一堂之盛
泰符集而宸區息警玉燭調而歲穀屢登作醴作
羹獨推雅量壽民壽國共荷餘仁俯茲令節之長
春復值弧奎之初度冕黼懋嘉駿烈緝紳成花鴻
休是宜坤岳比崇鎮黃扉而永固會見陰陽祇變
拱宸極以常尊某披拂春風幸託根于桃李栽培
化日思虔祝于椿松憶材館稱觴之時祇深雀躍
阻薇垣佐某之守莫遂鳬趨敬持南豐一瓣之香
支華平先生集 卷三十三 五 清旦閣

仰呈闕宮三壽之頌惟願日恒月升建社稷靈長
之業賢臣聖主獲雍容壽考之徵

賀張鳳磐壽

伏以帝佑王家篤生五百年之名世天開壽域快
覩億萬曆之嘉禎喜崧嶽生申之期當歲星建卯
之夏歡騰朝禁慶協明良恭惟老師閣下蒲坂鍾
祥名德蚤符昌運鼎鉉展采壯猷獨轉洪鈞天有
景星慶雲伊誰變理風行南夷北虜實荷運籌式
是國人不獨百僚師表保茲天子永綏四海黎元

時際懸弧化弘秉軸建姬勲於悠久永遊禁苑芳
春扶堯日之雍熙長占蓬瀛清晝卽汾陽之專五
福得以尚之乃召公之躋百齡宛其匹矣某自惟
鷲銑有玷鴻都雖苟利蒼赤之事靡所不思然謬
辱青黃之加若爲圖報伏願由知命以立命歷三
千與大千蓋國有老成其鍊形恒於丹沙之外而
天祚宗社則真仙不出黃扉之中芝房夜燦壽星
金身與金甌鞏固冀階日新輪甲玉堂增玉燭光
輝某瞻北極而望松筠阻於匏繫效南山以歌柯
支華平先生集 卷三十三 六 清旦閣

杞敬布片誠

賀申相公壽

伏以聖祚中興瑞應壽躋之會啓元朔運光聯南
極之芒躔明良五百之期協魚水一堂之盛祥敷
挺宇喜徧珩珂恭惟大師相老先生門下道膺天
壽學爲帝師正事格心兼輔弼凝承而訓德紆紛
鎮懾集規隨明斷以宣猷玉燭調而百穀屢登泰
符集而九垓息警時維八月序屬中秋壽域弘開
正寶曆萬年之象相門清宴又瑤闕一德之期扶

堯德之雍容長占蓬瀛清晝建姬勳于悠久饒弘
禁苑芳春蓋不特坤岳比崇鎮黃扉而永固行見
陰陽祇變拱宸極以常尊某南海樛材西江俗吏
名慙蠅附徒懷獻履之忱述阻鳧趨其效放生之
祝念茲晨灼灼麟服絢鶴算以增輝願自今翩翩
鳳儀翊虹祥而永慶山高川至弘庇民福國之猷
聖主賢臣均壽考雍容之慶薄言申賀厚冀內融

賀張相公服闋

伏以金鉉調元千載頌明良之盛墨衰卽吉三年
支華平先生集卷三十三 七 清江閣
嘉忠孝之全遺四制以從宜闔萬方而稱慶恭惟
師翁門下望重夔龍功高周召咸有一德格于皇
天永言孝思式于下土熒熒在疚尤恪職以副九
重特達之知穆穆迂衡乃殫心而致四海雍熙之
化茲者台端從吉喜泰運之維新綬室初陽見天
心之來復阿衡倚重咸知孝移爲忠瞻岵思深庶
乎情止于義一人有慶百辟交驩某忻逢燕喜夙
荷鴻陶羈役西江莫遂趨庭上壽齋心北闕聊申
仰斗下情伏冀鑒存不勝兢惕

賀張太宰加宮保

伏以八柱擎天懋鴻猷于八座三台拱日申駿寶
于三階社稷賴以靈長縉紳翕其慶忭恭惟門下
天目凝祥德業聖神之佐臨安擁秀學術帝王之
師世德紹于箕裘芳譽聯于棠棣起應風雲之會
親依日月之光言非堯舜之道不陳心以社稷之
安爲悅品藻羣吏兼清通簡要之名領袖五曹備
識會公方之德自持平于銓鏡益注簡于楓宸坐
調北斗之杓特昇東宮之選冠諸卿而絕席鄰宰
支華平先生集卷三十三 太 清江閣
鉉以平躋灼灼英台快羽儀于物望峨峨德傳橫
玉帶于朝端榮邁彤弓重賚金著統百官均四海
既極俊章又明之選贊一人總萬機佇觀憲天法
祖之勲某夙依寵光晚蒙陶冶神馳東閣祗懷雀
躍之私身遠長安未遂龍光之願敬因鴻便將此
蟻忱惟冀元首股肱歌喜起明良于一德賢臣聖
主頌雍容壽考于萬年

上吏部王疎菴

伏以卜曆萬年七觀青陽之出震亮天三葉再沾

紫氣之回寅開泰初辰履端肇慶恭惟老先生台
座幹旋玄化鼓鑄泰和依玉座之春雨深桃李揭
金莖之日輝及茹茹運際龍飛繫望中樞之鼎人
當虎變具瞻北斗之衡龍眷自天祥符獻歲新年
新朔荷真宰之宅工勝日勝時諗上台之戢穀某
自惟疎拙夙荷栽培頃銜命於西江不忘回首遙
瞻輝於北斗尤切傾心敢輸葵藿之誠敬上梅羹
之祝伏冀壽茲平格永副眷懷

賀吏部王疎卷

支華平先生集

卷三十三

九

清旦閣

伏以位首三銓百辟仰廉平之治功高四選九重
加翼贊之謨秩進青宮眷隆丹扆恭惟老先生台
座華嶽鍾靈雲龍際運三朝碩德適符名世之期
百揆令儀懋著題才之績位已高乎北斗考遂歷
乎中書寵陟孤卿蚤曳星辰之履秋崇元老快瞻
日月之光玉珮生輝金甌增固某心懸山斗跡阻
匡廬望繡幄以馳情睹綸音而祇躍遙陳燕札肅
布微忱

賀兩廣殷制府陞大司農

伏以南維開府欣傳洗甲之詩北斗司農峻陟持

囊之選蓋兵食咸資石畫肆中外共切嚴瞻欽惟
門下應期佐聖同德享天惟此粵藩夙稱荒服攢
峯疊嶂風腥蠻市皆紅嵐桂嶺蔽日午瘴雲猶黑
乃獨奮身杖鉞櫛風沐雨者五年決勝迴籌折馘
執俘者萬計狐兔潛而漢儀重視雞犬靜而范袴
興謠裴晉公爲百辟師遂平淮蔡謝太傅爲蒼生
起爰捷淮泥久注楓宸佇登槐位暫借鹽梅之輔
入居喉舌之司蓋念鄧都侯之久于兵務而俾司
支華平先生集

卷三十三

十

清旦閣

邦計亦知鄭武公之善于其職而入掌中臺也某
材如蹇騫莫著祖鞭志欲磨鉛未酬庖割身尚淹
于燕賀結轉激于蓬心敬布縑緘溷塵記室薄申
惓惓游陟台鉉謹啓

賀王龍洲陞少司徒兼謝

伏以貴陽開府既承褒袞之章虔鎮專臺復冒旂
幟之慶維留都爲皇家豐芑而度支係會府事機
幸簡國華允乎人望恭惟大師相龍洲老先生王
佐之才武庫之學潛謀能掩著蔡雄斷可奪鬼神

守戎曹不啻持盈六署之儀刑允肅榮房情有如
燭照三邊之烽燧潛消迨專制于南徽益定謀于
先伐嚴壙整以通軌道廓氛祲以靖皇達遂俾水
西銅鼓之夷傾誠風偃以逮苗坪者亞之屬敘社
景從名徹嚴廊功高軼代某職屬韜鈴雖幸仰成
于石畫材同標楸豈能協贊乎風猷猷承國士之
知繆厠山公之啓儲材代置偶入藥籠齋函貢身
懼浣冰鑑乃節鉞幸移于南鎮適瞻依獲近于西
江佇觀樞要之榮遷雅稱機衡之鉅任嗣且面槐

支華平先生集

卷三十三

二

清旦閣

賀李漸菴升南少司馬

竊惟留都爲國家豐芑本兵係會府樞機必藉國
華乃孚人望恭惟大師相文武爲憲經濟計猷乃
聖皇倚毗之獨專且廷謨推轂之有素暫假韜鈴
之重進叅政本之司謂將徇綰中臺統六師以平
邦國行且游登台鼎孚一德以變陰陽某謬瞻榮

戟之光耀乏驅馳之力喜深雀躍身愧鳬趨註撰
蕪函仰祈電囑有懷銜最無任悚惶

賀王少司寇

伏以烏臺握憲久聯法從之班鳳闕承恩特荷祥
刑之寄風猷彌著眷注方殷恭惟臺下道與時隆
才不世出品隲士類風推冰鑑之稱獨秉風裁素
負斗山之望緬惟明刑重任宜屬邁種名賢楓陛
宣麻丹鳳銜來征五色栢堦承制白雲飛處並三
台綜六條而劑量物情法崇懸象持三尺以權衡

支華平先生集

卷三十三

主

清旦閣

國是職貳爽鳩束矢制刑坐令人各得所持橐聽
政于今民自不冤寵光獨溢于臣僚簡畀實由于
聖鑒某辱在綱紀幸與陶鑄風雨遙傳共瞻人倫
師表儀刑有賴竊謂吾黨宗依欲效燕私徒勤雀
躍

賀楊司空午節

伏以臨風送遠方折柳之情對景懷人又值泛
蒲之月仰羨台階峻陟華同顯昂心切傾葵競龍
舟而北上歡同貢綬懸虎艾而夷猶知臬篆之寵

渥方新念蜚帛之令名孔灼永懷舊好薄將解纓
之儀仰贊新程聊比彈冠之慶願祈台鑒曷既追
隨

上少司空何來山

伏惟大師相補天奇器運計謨風猷風覆千金
甌石畫暫陪于槐席飭材綜事漫誇張忠簡之偉
謨率屬程工人擬李棲筠之相望生以樸樸之材
久玷藩宣之任匏淹江右身遠長安仰止徒勤莫
罄龍光之願進磁役便少將犬馬之忱倘荷陶成
支華平先生集卷三十三 三 清旦閣
局勝感哉薄言申瀆伏冀兩融

上少司空諸愛所

伏以道微襜帷德久章于南服階榮替筆名特簡
于中朝身庇棠陰心懸槐席恭惟門下鼎鉉碩望
柱石洪猷峻陟台階重膺帝簡暫借邦土之寄佇
看爰立之榮生西江俗吏東海治氓久沾雨露之
恩幸荷燮調之化茲以進磁役便敢申赫蹏微忱
統冀台光俯垂清炤

上楊司空

恭惟大師相德維天紀忠簡帝心中外策勛文武
爲憲名藉中台之重坐調北斗之杓均四民時地
利既極率屬程功之選贊一人典機事佇觀憲天
法祖之勲某株守西江莫罄龍光之願懸心東閣
實瞻鳳矯之儀茲因任上之徵例有進磁之役俯
申尺素仰瀆三階伏冀昭融曷勝欣跂

通督撫兩淮周三泉

門下鍾祥江右紹統傳先英聲早墜于三朝峻烈
基隆于一德鳴琴下邑兩覃召父杜母之謠秉軸
支華平先生集卷三十三 三 清旦閣
銓司兼備簡要清通之舉迨焚魚之既久乃推轂
之益勤歷銀臺而秉鉞閩南妖蛋氣鯨盡掃晉獨
坐而持平棘寺城狐社鼠潛消雄界綿武而經文
駿望下孚而上格念清政係國家命脉而淮揚尤
南北咽喉聿資元老之壯猷特給中都之節鎮要
樞則元戎帷幄美秩乃八座聯班六藩受成外攘
內安之永建四方禔福兵精食足之無虞自茲而
晉台輔宅上公見吾道大行之會過此而燮陰陽
調鼎彙成眞傳用世之功某蹇駑凡材荷甄收之

首及鈴刀末品媿陶鑄之獨先更五舉而登名心
日依于怙恃俄一跌而視職勢遂隔于雲泥十七
年苦海沈淪雖捫已無慚于屋漏廿五秋宮牆契
闊奈思私久負于消埃幸逢君子道長之時獲遂
小人快觀之願在黎庶尚切含哺之慶矧吾黨可
稽束脯之儀謹瀝丹誠上干清睟但吳門之焦尾
匪中郎則孰振清音豐獄之龍泉舍茂先則誰占
紫氣升讓明于堂下唯叔向之哲乎載石父于道
傍繁平仲之惠耳矧茲叔世尤鮮奇遭倘浩蕩洪
支華平先生集 卷三十三 五 清旦閣

請吳自湖起總淮漕

欣惟門下爽邦碩輔命世真儒風猷風擬于三階
謨弼允孚于一德暫假韜鈴之寄幹旋兵食之謀
榮發有期瞻依靡及章門行色賁騰桑梓之中營
酒慙懃誠竭江淮之水願言俯就無任顙後

賀總漕傅後川

恭惟大師相傳老先生金鉉舊德玉署偉儒勲壘
夙懋于三朝謨弼允諧于一德鎮樞庭以翊元化
節鉞星懸握機軸以運經綸禧帷晝啓轉吳楚萬
艘之貢賦東南庇保障之仁疏江淮千里之瀧濤
天地底平成之績用是文昌政本共推武庫之才
喉舌中司進陟斗杓之重此時海甸行旌四國齊
歌袞繡他日巖廊簪筆百僚快觀風儀某策蹇追
先愧馳驅之莫效鎔金就範幸陶鑄之得宗榮問
遙聞蓬心遙結俯忭燕賀永懷隆鑒之私仰贊鵬
程聊比彈冠之慶臨啓皇駕伏冀台涵
支華平先生集 卷三十三 六 清旦閣

賀王雲澤總漕

恭惟師相經綸兼文武之猷敷歷奏中外之勩翊
機會府既參版部之尊開鎮淮南復借中臺之望
韜鈴重寄盡江淮河漢之委輸保障深仁溥徐豫
荆揚之財力行且坐調斗杓而獨綰政原會須特
進台衡而共調元化某材同樗櫟夙荷栽培力愧
驅馳久承督振遂誤恩于國士乃混啓于山公感
結蓬心報深知已謹消素尺上控丹誠伏冀星臨

實慙塵涸

謝王雲澤

伏以樞臺間鎮偶依節鉞之光會府翊機謬膺華
袞之錫恩深覆育功類栽培況宸眷久符于武庫
且宸區共屬于巖瞻進參版部之煩雅稱國華之
選謂宜獨司喉舌佐九重以變化原行且游陟台
鉉手一德以和鼎實某策蹇追先辱廁使令之末
磨鉛試割敢當風厲之仁乃師相遴士以相馬之
法不擇驪黃掄材以作梓之方頓忘尺朽誤加品
支華平先生集 卷三十三 毛 清旦閣
目俾玷光靈感徒激于蓬心思莫酬于碎首聊憑
風以抒悃擬就日以流丹仰清台慈實慙塵涸尚
其在宥無任悚惶

支華平先生集卷三十四

樞李 支大綸心易父 著

啓

賀趙學院榮滿

恭惟大師相風猷嶽立器度淵涵勞動懋著于三
朝恩禮允孚于一德值茲歲會之期快覩咸熙之
績鳴玉施戟思數本出舊章變鼎持衡爰立佇看
新命某幸依臺率素切仰成聿觀恩榮曷勝慶忭
謹抒咫尺上涸中涓伏匈台融不盡耿耿切

支華平先生集

卷三十四

清旦閣

賀南贛軍門轉坐院 代拙壺

伏以節鉞凝霜千里嵐氛汛掃班聯珮玉百寮憲
度重新惟安攘殫專席之雄斯中外綰辟車之柄
念自王文成削平橫水而世建上公暨彼韓襄毅
芟薶大藤而晉陟圻父蓋國瑞疊鍾于江左肆雄
圖屢振于虔南歷載遐矣遺蹟踴然恭惟大師相
樞謨靖密風望顯昂符國是較若權衡瞭機宜響
如著蔡碩德經文而緯武洪猷幹乾而維坤軼前
脩獨萃吳水越山之秀兼衆美重建文成誠意之

勲雅鎮決莽麻光不赫摧剛直枉謬謬清風虎視
鷹揚煌煌環宿玉節崇而闔蛋肅烟霞宵開金章
擁而章貢清波清晝靜坐理泰階楚楚青衿絃誦
折衝尊俎赴赴紫霄干城芳猷藉藉廟廊推轂無
雙駿譽恢恢宸旒簡知惟一遂從南服旋晉中司
匪徒白簡朱威倚督察糾繩之寄實且台英銓軸
豎齋肅燮正之謨霖雨八埏亶自軌齊稷契洪鈞
一氣佇看績紀旂常某等夙瞻石畫祇事嚴趨遽
奉綸音益深怵躍知宥密濟膺欽矚幸寰宇盡庇
友學平先生集 卷三十四 二 清旦閣

賀南贛軍門轉坐院 代按臺

恭惟大師相樞謨靖密風望顯昂植儀表于中臺
運經綸于尊俎開鎮決莽雄圖不赫金函闢而章
貢波濤晝靜玉節崇而闔蛋嵐霞宵開威名藉甚
八埏謨弼允乎一德亟厘憶履之眷晉握臺率之
榮雅知霧徹霜飛共荷朱威重望竊計調羹均軸

行看黃扉清文嗣茲燮正辰階軌齊稷契殆且諧
和台德績勳鼎常某夙瞻石畫祇事嚴趨敬奉綸
言齋心跼怵既以慶專席得人之盛因以占宸展
眷德之隆敬貢魚緘薄申燕賀

賀掌院陳

恭惟大師相風猷嶽立器度淵涵勞勩懋著於三
朝恩禮允乎於一德亟厘憶履之眷晉握臺率之
榮雅知鳴玉旒戟滿朝之師錫威孚佇看燮鼎持
衡當宁之疇咨允愜某幸依陶冶仰觀型模祇事
友學平先生集 卷三十四 三 清旦閣

賀邵僉院

伏以節重凝霜萬里湖氛盡掃班聯佩玉百寮憲
度重新惟安懷輝專席之雄斯中外綰辟車之柄
恭惟大師相樞謨靖密風望顯昂持國是幹乾而
維坤運洪猷經文而緯武麻光藉藉廟廊推轂無
雙駿譽恢恢宸旒簡知惟一遂從楚服旋晉中臺
匪徒白簡朱威倚督察糾繩之寄實且台英銓軸

豎奮庸變正之謨某夙切瞻依幸叨陶冶神馳東
閣祇懷雀躍之私身遠長安莫遂鳬趨之願謹抒
悃悃仰効賀私

送陞任張僉院

恭惟法星遠駕玉節遙征重瞳凝矚方殷四境攀
轅益切丹楓夾岸尊俎生輝彩鷁恬波圭璋交映
章江行色依然折柳之忱曾酒殷勤薄言舍輶之
薦勾淹霜柿少覲風猷

賀廣西撫院郭加少司馬

支韋平先生集

卷三十四

四

清江閣

道撤襜帷德久章于百粵階榮替筆名特簡于九
重節鉞光生衣冠喜溢恭惟門下補天奇器翊運
訂謨金函清九驛之塵巋巋跼伏玉節平五羊之
險隨魁潛消內而屏翰湖襄樹中邦之雄鎮外以
藩籬交趾築南徼之長城蓋允懷喬卿忠正之操
是以成汾陽戡定之績鼎鉉重望占祥卽驗于三
階黼屨凝神掌命暫陪于八座坐令桃葉江船歡
騰欸乃之曲梅花嶺路遠賡松嶽之詩某謬塵山
啓莫效祖鞭仰依寵光獲叨任使謹裁尺素虔布

賀私統荷台光俯垂餘照

上易軍院

伏以芳標玉立栢臺仰紀法之新雅度春融臬案
席併懷之澤乍違仙旆實拽心旌恭惟先生大人
靈毓九貞望隆三楚凜青萍于兔穴騰驤耳于羊
腸政貴足兵惟務振揚神氣直多忤物不妨沮抑
仙舟某忝屬僚素親風度悉慮宣猷猷鞠每資石
畫秉誠迪則擬評恒藉淵涵緬惟彩鷁之西飛莫
遂趨鳬之素悃伏惟益葆真元迭奏山濤之啓重
支韋平先生集

卷三十四

五

清江閣

線而聯錦

上撫臺

伏以偉謨天挺膺簡日臨賁節鉞以生光撤襜帷
而庸德恭惟大師相南嶽祥鍾中臺望峻矢心斥
土櫛風沐雨者三年杖鉞登壇折馘執俘者萬計
金函闢而山龍跼伏玉節振而海怪淵潛坐令桃
葉江船歡騰欸乃之曲梅花嶺路欣傳沈甲之詩
惟我后垂神渴倚鹽梅之望而中朝僉議佇升喉

古之司顧保釐東郊惟畢公克善其職且底平淮
蔡繼令公實難其人爰資彤弓清加簡命久注金
甌之選佇調玉鼎之羹某謬塵山啓莫效祖鞭猥
以鴻毛遇風偶借一時之捷蒼蠅附驥忽翔千里
之程頓顙銜恩盟心集覬邇者株守狼信匏繫蟻
封未由祇候旌麾俯中惻款輒用緘陳縑素仰瀆
仁慈伏匄包容曷勝惶悚

賀南贛軍門平寇

伏以天啓昌期德播七旬千羽神資良弼功收六
支華平先生集卷三十四 六 清旦閣

月車徒寰甸一清洪圖永建惟彼虔中夙稱嚴邑
自韓襄毅奏大藤之績暨王文成植橫水之勲元
憇甫除惡本未殄綿延日久贊孽歲滋蠡爾葉首
偃然肆暴恃狐丘以踰伏暫見羈縻憑兔窟以通
誅終成跋扈撫之則若飢鷹每勞籌臂勦之則如
窟鼠頗費經營使中原有腹心之患致廟堂興南
顧之嗟惟門下胸羅卻轂之詩書道兼吉甫之文
武矢心爲國杖鉞登壇不出樽俎而威振虎貔一
啓元戎而神摧梟獍草薶獸難崩騰莽蒼之間簞

食壺漿傾倒旌麾之末風雷助氣草木皆兵是固
天休申命于我明聖祚中興于今日而運籌決勝
令若折筭執馘獻俘事同破竹殄累世之逋寇廓
四省之妖氛卽韓王莫之或先豈時流所敢仰測
某等封疆忝寄志每切于怒蛙石畫仰成懽漫隨
于賀雀謂將廢抑雅以紀非常之烈亦且樹京觀
而銘不世之勲謹託魚緘薄言燕喜慶賀之至倍
萬恒情

賀南贛軍門平寇加俸受賞

支華平先生集卷三十四 七 清旦閣

欣惟聖祚中興文德誕敷于兔窟訐謾天挺榮階
游遍于鰲端粵閩騰凱捷之歌國家溥懋功之典
蠡茲小醜素玩天成撫之則時復跳梁勦之則動
多掣肘因仍日久延蔓歲滋致廟堂南顧而興嗟
帷幄輟謀而投箸乃今薶難于旌麾之餘而子噍
靡遁折衝于樽俎之內而一矢不亡是固天庥助
順于我明抑亦良弼宣猷于閭外化覃寰宇佇調
玉鼎之羹望重朝端風擬金甌之覆命寢躋于簪
筆賞益懋于彤弓某共事有緣贊謀未效仰承石

畫徒切嚴瞻既以慶四境清寧之福因以占一人
命賞之公敬托魚緘薄言燕喜鄙忱未罄雅度春
涵謹啓

賀南贛軍門平寇 代戎院

伏以天啓昌期一清寰甸神資良弼再建洪勛
茲小醜風倚孤丘玩我天威敢行兇暴使內服有
左言之俗致廟堂與南顧之憂乃今折衝于樽俎
之間蒲葦于旌麾之下風雷汛掃株本一空是固
天休申命于中興抑亦雄畧宣威于蓋世表鯨鯢
支華平先生集 卷三十四 八 清旦閣

請新任南贛軍門

欣惟門下契邦碩哲命世真儒風猷風振于三階
樞畧允孚于一德暫借韜鈴之重遙臨楚粵之交
玉節一新霜稜百倍謹候禱帷駐節冀瞻水鏡清
暉倘荷班荆實銘傾蓋

賀胡玉吾

伏以節鉞南臨江海觀澄清之化法星北照官僚

仰貞肅之儀霜凜中臺風生內省恭惟老先生台
座紫電標奇白虹挺秀光寒玉斧快瞻帷幄之謨
平奏銀臺鳳著省垣之績威澤覃敷於南國綸音
晉錫於中天憲總鐵冠應落百邪之膽望高石室
允膺一德之求名注金甌功隆玉鉉某江省祇役
幸佐下風堂庠隨班謬叨末屬豈惟感知遇之厚
抑亦慶遭逢之奇聞命歡忻馳情眷戀謹修片曝
而申賀爰戒材官以代將伏冀照臨俯垂涵育

謝撫臺薦

支華平先生集 卷三十四

九

清旦閣

伏惟大師相門下風猷風振于三階宸極久孚于
一德肅韜鈴于桂嶺薇風之瞻而百蠻款化秉節
鉞于青徐淮海之交而萬艘來同功冠古今望傾
夷夏府承注簡超進崇資叟履槐席之尊接武台
鉉之上某謬塵山啓莫效祖鞭乃雅度春融每切
獎成之念嘉言展告過施與進之仁遂使謏材混
膺品目方愧馳驅之莫效敢云特達而相知真感
涕以無從諒拍糜其未稱謹數尺素抒此惓惓雖
衮衣繡裳尚彷彿于居東之日知和羹作醴且雍

容于當軸之時統冀台涵曷勝惶悚

賀贛州軍門

芳標玉立風猷夙著于西臺節鉞霜飛德曜乍臨
于南土鄉邦仰重遐邁騰歡恭惟門下道兼文武
學貫天人持國是較若權衡瞭機宏捷于著蔡正
繩而度南增峻耀德而章貢永清在昔雖畢公保
釐之助居然並駕于今惟陽明戡定之績輝若重
光宸區共屬于巖瞻宸極久凝于天眷暫借樞庭
之望佇陪槐席之尊夷夏聳觀兵民震忭某夙聞
支華平先生集卷三十四 十 清旦閣

謝撫臺薦啓 代屯道

伏以洪都開府夙依節鉞之光建業翊樞謬膺華
衮之賜盟心集魏頓顙銜恩久稽班謁之儀曷罄
承風之慕如某策蹇追先序願使令之末磨鉛試
割敢當特達之知願明臺選士以相馬之法不擇

驪黃掄材以作梓之方頓忘尺朽誤加品目俾玷
光靈寒荻忽被于陽春涸轍頓沾乎海潤恩深覆
育功類栽培第桃李成陰徒切公門之想匏瓜久
繫莫窺東閣之踪夢寐思勤消塵念切聊憑風以
伸惻望化日而凝神惟願主聖臣賢允愜王褒之
頌珠囊玉燭聿調傳說之羹俾百寮協奮于下風
暨菲質載承平餘韻不勝受恩祝頌之至

復贛州軍門 代屯院

瞻帷暫駐尚稽晉謁之儀節府遙瞻遂枉貴章之
惠盟心集魏對使摠誠念某策蹇追先方效驅馳
之力磨鉛欲試敢云新發之硯幸觀儀得近于老
成庶舉動不愆于舊典瞻依在望夢寐方勤乃蒙
門下雅度春融遠猷辰播遣雙鯉于樟江之上允
焉示以周行遺珍貺于栢府之中殆將洽以百禮
拜嘉逾分感忤移時虔謝未由願言曷罄

謝大中丞常心吾公祖揭薦兼惠扁額

緬惟老公祖衡湘間氣密勿具瞻秉正直忠厚之
猷成敦大明作之政立朝端而億萬年廟謨國是

奉爲著龜撫制服而三千里士庶兵民倚焉衽席
西北天隅再補遺將而寧夏救安東南地關重修
振武而倭奴喘息乃屬膚功之既服念茲朽稗之
餘生山啓繆推燕谷忽瞻旭日嚴顏游揭蠖廬頓
發綠霞矧兼稠疊之多儀實侈林泉之異數念大
綸崎世單人窮閭伺質閩南佐憲妄抗權奸江右
分符力更敝轍自謂勉傾血惻不虞竟啖狼涎筮
仕纔及再葺投杼遂成三黜出門而學持手版衣
褶猶新歸田而重理殘編丹鉛未老竭來作蝨魚
支華平先生集卷三十四 主 清江閣

者倏經八載追憶誤鴻造者陡覺半生自憐不虛
之寒灰殆類生光之腐草天高地厚曷足罄其恩
私沒結生銜罔克摠其報稱未卜涓埃之日敢忘
頂禮之勤登拜神迷願言心鬱

賀馬定宇升撫臺

丹心扶日耀圖象于麒麟玉節揮雲總韜鈴于龍
豹望隆三獨慶集百祥門下器業清貞文武光備
德星分野鍾靈秀于岱宗學海淵源衍真傳于洙
泗阜囊諫草聲動朝端聽馬苴芴風行海表聖主

方隆分虎大江再卜涓熊博採輿情榮膺特簡三
楚先瞻周衣入紘均踰商霖細柳令嚴江上鯨鯢
浪靜庚桑歲稔村中鴻鴈聲稀展也百禩之功宗
何啻一時之碩望媿某雨露微生夙抱登龍之幸
風塵驚骨深慚市駿之知垂韉有年掃門無地方
擯炎荒之外偶驚綸綍之傳瞻法曜之分光情同
率舞慶衮衣之垂庇思並丘山昔楚客絕纓先履
軍士而報德軼人辭既感知己而歸心彼也細人尚
效捐軀之泣某雖下乘敢忘置勝之恩顧大匠之
支華平先生集卷三十四 主 清江閣

送年節

門縱不遺乎蟠屈而溝中之斷竟無分于削繩用
是激衷徒勤刻骨肅馳尺牘用展寸忱

時當宿歲運轉迎年惟公庶績報成散層厓之滯
積三陽錫極回幽谷之春熙是宜栢竿祭詩壯韶
華千夜永椒花撫燭侈物色于宵分誕辰滋至之
禧肇啓更新之祚某適飲羔飲莫助辛盤敢瀝寸
衷少抒尺素

都院中秋禮

西江秋微金風爽而景物平內署宵澄玉露零而
天階淨凡僻壤清寧之慶皆明臺肅乂之猷賞洽
秋中樂後天下筵開玳瑁玉盤聯金液以交輝筆
瀉珠璣銀管耀瑤天而生色適瞻皓魄如對光儀
聊陳謝渚之供少助庾樓之玩伏干道照無任神
傾

賀南贛軍門元旦一

伏以聖祚中興泰道肇三陽之會日垣翊運履端
迎百祿之祥和協寅恭春回壤甸欣惟門下風猷

支華平先生集

卷三十四

十四

清口閣

夙著天寵方新撫五辰而調元翼三統而耀德生
籌帷幄延駿譽于韓范之間正色中臺轉鴻鈞于
楚越之表是用永扶宸極亶宜誕受春祺某彙進
茆茹偶同臭味情欲傳于梅信結轉激于蓬心道
泰年豐聊賡晦翁之句陰消陽進願傾清獻之忱
茂對昌辰曷勝瞻企

賀戎院元旦一

璿曆更華播陽和于四字蘭臺正始新風采于三
元際茲泰嘉之時展矣道長之會恭誌先生霜發

夙著于朝端正氣載新于江服氛沴潛消似振爆
公于匡廬武夷之曲陰鍾淨掃如灑桃湯于蠡湖
閭海之濱撫五辰以調元快視八埏化日翊三陽
而耀德佇看萬竈屯雲某德魏若特職司陳臬慚
分猷之莫稱喜祇事之得朋敢因獻歲之初少效
春祺之祝不取有願曷罄傾誠

賀南贛軍門午節

伏以龍舟叩軋楚方競渡之時虎畧深沉巖表洗
兵之日竹膺渙濯茂對良辰艾葉桃枝翠色映垂

支華平先生集

卷三十四

五

清口閣

門之曉包金切玉朱明迎午漏之祥五色絲行沾
天賜九千糴生致洪庥籌帷幄而奪標淨炎氛于
重險之窟協虞絃而解慍轉離明于一陰之時某
泛歌無緣沐蘭有願緘詞寄遠聊申貢縷之忱撫
景臨風若共標竿之賞

候陳中丞致仕

門下總憲中朝階崇望峻持衡禁藥勲懋心夷迺
宦成名立之時適海晏河清之候念四時之序讓
神功而不居因三至之言解重肩而如脫輶車鳩

杖游承北關之流丹袞衣繡裳暨向東山下而養素
耀朱軒臨祖帳知賢哉之歎已溢于都城追賓從
拊杉松諒畫錦之光必騰于閭里桑榆景裏參差
三槐九棘之間煙霞夢中恍惚紅日黃雲之上某
夙瞻令儀疊承光寵賚之珍睨既以綺筵仰維綠
野之芳華竊喜清光之在望第梓江株守徒勤佩
德之忱梓里風流未遂摳衣之願謹函尺鯉藉代
登龍惟冀永願蔗境弗忘虛席之懷益固柏心仰
副賜環之命瞻言虔祝尚荷鑒涵

支華年先生集

卷三十四

六

清山閣

送撫院中秋禮

欽惟玉律司中三五析逢佳節銀蟾正滿千里共
睹清輝雅稱賞心瞻言懷德仰芳標之瑩璧鑑道
與秋高羨清政之湛水壺恩同露渥與民偕樂遙
知興溢南樓懷人一方未效樽陳北海敬將芹意
薄侑桂筵福澤大同慶躋民鈞天之上華輪峻陟
佇乘槎日月之邊惟慙塵涸統冀台融

送南贛軍門中秋禮

緬惟風清兌宇一天玉鏡揚輝露肅商辰萬里永

壺如洗乃銀魄甫躔于丙極屬霜鉞雅鎮于庚中
粵嶠澄清光徹梓潭之底楚氛汎掃瑞凝松關之
巔遙知嘯詠庾樓獨酌素節竊願乘槎謝渚共睹
清輝敬將文酒之尊少助纖阿之轡

賀南贛軍門中秋

伏以玉宇風高耀丙光于南極金莖露瀼肅甲令
于太微兌治正中壯猷方峻商辰諧律新渥駢臻
恭惟門下直筆正繩光耀一天玉鏡登壇杖鉞風
清萬里水壺回秋色以作春陰無異呂中公楊州
支華年先生集 卷三十四 七 清山閣
之惠愛泛江槎而板逸駕宛如謝仁祖牛渚之襟
期素景方中穴側金鷄載舞澄颺代序湖中石鴈
飛翔楚雲開而彩虹斜挂瑞凝松關之巔粵嶠平
而金餅高懸光照梓潭之底陰霾淨掃若挽銀河
而洗甲兵爽籟澄清眞播仁義而爲干櫓逢茲燕
喜宜廣吉甫受祉之詩觀此蟾光奚啻蘇公撤燭
之樂某仰資石畫佇看照海旌幢俯竭螢芒擬附
層霄圓璧羨風猷之適駿欣華問以願早瞻企孔
殷未遂龍光之願惟欣莫既聊申燕賀之忱

答贛州軍門代都院

緬惟呂申公在楊州而頓回秋色謝仁祖鎮牛渚
而獨泛江槎矧霜鉞雅重千度中適銀魄甫臨于
秋半塵清允宇一天玉鏡揚輝烽偃金鷄萬里水
壺如洗槐風晝爽似催陪槐席之尊壽極宵中若
永獻壽祺之瑞擬乘賓鴻南度共追撤燭之歡適
辱雙鯉北來實愧投桃之惠拜嘉汗浹裁答神馳

賀南贛軍門重陽

玉律諧于閭闔而序屬三秋義爰協于天風而日

支華平先生集

卷三十四

六

清江閣

逢重九正國老扶陽之會名賢賞心之時仰羨弭
節橫霜千里瘴雲淨掃正繩肅兌九天惠露一新
睠懷泛菊之清風況值賜吏之佳序人兼四美遙
知興溢龍山天各一方空見霞飛騰閣酬節未從
千阜帽獻芹竊效于白永北殿傳柑膺天寵于韓
圃秋容之上南陬納稼躋民生于胥天萬寶之中
統冀台融俯垂麾頓

賀南贛軍門重九

仰惟素節清商霜飛風厲況值賜吏之佳序瞻懷

泛菊之高標人兼四美遙知興溢龍山天各一方
空見霞飛騰閣酬節未從于阜帽送酒竊比于白
永北殿傳柑膺天寵于韓圃秋容之上南陬納稼
躋江民于華胥萬寶之中遠致微忱雅祈麾頓

答賀南贛軍門冬至

伏以玉節凝祥肇應一陽之候珠星紀瑞豫占百
祿之適綰繡線以舒文知隆福隨剛而浸長倚璿
臺以望氣羨吾道與日而俱南凜霜威于章貢之
交宿臨正昴回陽和于楚粵之表權應黃鍾行且
支華平先生集
卷三十四
九
清江閣
列百炬火城而調斗杓于天統茲諒對四分鳳曆
而啓元運于大來緩帶輕裘正傾仰折衝之畧獻
饒貢襪方擬修亞歲之儀遠莫捧于兕觥惠敢膺
平魚素開函感臆展覲裝懷恍然日炫五雲裁答
漫噓平凍筆率爾神馳千里瞻依實切于星躔銘
載有懷敷宣莫既

送南贛軍門年節

璿杓改建會心方感于物華玉律更新懷德願綏
千福履仰羨鴻鈞布物萬宇偕春遙知蟻臘浮香

北民同樂綵幡花勝應耀芳辰白玉青絲罔陪綺
席敬備辛盤之末用伸椒頌之忱玉燭調元共慶
泰交五始春酒介壽佇看晉峻三階率爾申儀句
祈丙照

謝按臺薦 代分巡道

守株五載功未展于一籌賜袞半言榮遽叨于三
命在明臺操駕御之法猥欲策駑蹇而追先乃廟
堂重伯樂之言遂不擇驪黃而增價福過其分賞

浮于功聞命惕心銜恩鏤骨蓋由台臺風猷甫振

東華年先生集 卷三十四 干 清旦閣

而嶺表孤潛霜芥一麾而海濱經通仁勇折衝于
不戰威名聳服于先聲乃雅度春融每切獎成之
念嘉言辰告過爲讓善之詞遂使謗材混膺殊渥
自分馳驅之莫效敢云特達而相知雖感涕無從
達心欲結顧蟻封遠隔狼汎方嚴仰承籌國之盛
心確守分疆之約束敬將素牘聿吐赤衷銘刻有
懷願言未罄

賀按院

伏以節鉞南臨八閩觀澄清之化法星北照百僚

仰貞肅之儀霜凜中臺風生內省恭惟老先生紫
電標奇白虹挺秀光寒玉斧早傳栢寺之芳明徹
冰壺久著蘭臺之績威澤覃敷於南國綸音晉錫
於中天憲總鐵冠應落百邪之膽望高石室允孚
一德之求名著金甌功隆玉鉉某叨役豫章幸踵
芳躅許謀在簡牘慶逢逢復奉以周旋分設屬堂
階勤仰止尚稽於蒲伏謹勒蕪詞聊申賀敬

送韓按院復命

伏以繡斧南巡朱威霧徹太微北拱白簡霜飛楓

宸瞻法從之光草堊慕德星之庇況素承于教誥

忍遽遠于分岐夾道傾城見千里扳留之願芳尊

祖帳表一時共事之情倘携手于河梁庶談心于

道左

謝韓按臺薦

謝韓按臺薦

伏以惟天無私德每隆于覆露惟親罔極恩尤切
于提携詎以蒿材富孤孽之踪忽荷座主兼天親
之眷頌銘莫效永矢弗諼恭惟台下鼎鉉碩輔宸
展阿衡秉節江壖露濡霜肅握鈞朝著上乎下推

曾是樸樸之材猥廁桃李之列伏念某質綿分薄
志駕數奇接鳳翅已踰十年幽燕谷中更八載迨
棲遲于藩幕偶微惠于鴻鈞奄奄若已仆之木而
再荷栽培煢煢如垂盡之生而獨勤顧復隆施者
浪投于不報飲德者感激于非常豈徒孺戀而神
靡誓且生銜而冥結瞻依漸遠固莫跼于塵彝高
厚無疆倘終惠于臨照謹摠血悃奏瀾中涓

請新任孫按院

伏以芳標玉立風采夙著于西臺峻節霜飛德宿
支華年先生集卷三十四 清旦閣

甫臨于南服輒譟穀旦謬致芹私肅牙儀以宣六
察既遂登龍之願攀驚車以陳二鹵敢祈傾蓋之
知拜曰明禋懇惟風駕

迎孫按臺

恭惟門下秉軸太微風推朝長持衡繡斧益注宸
衷冰心肅于火旻風力凝于霜署昔清海微消吳
山越水之氛茲鎮江埽增匡岳蠡湖之重玉節臨
而工僚震懾金函闢而草木晶光生濫竿猥及于
踐更懸豹偶同于接翅規隨自昔愧非畫一之猷

糠粃在前不任簸揚之恩幸契分之稠疊荷風采
之具瞻謹戒絳騶肅迂蒼佩薄言申噴伏句丙融

賀按院元宵

伏以玉律回陽三五欣逢佳節金蓮燦錦千里共
際豐登雅稱賞心瞻言懷德恭惟門下風裁凝霜
久藉水晶之望冰姿瑩壁竹調玉燭之元遙知午
夜鰲山普躋鈞天之樂自愧半星螢燄莫陪燈月
之光輒陳麤繭微儀聊備傳柑故事尚願華輪峻
陟庶其酌北斗于中臺驚軾燭微不獨照九華于
支華年先生集卷三十四 清旦閣

賀張按院午節

伏以炎景方中五月初傳永漏朱明炳豔千里共
挹薰風仰瞻六轡之馳茂對一陰之候賜蜀扇于
披香應念霜稜之繡斧分臬篆于太液能忘骨鯁
之法冠榴火垂丹燭陰霾于微眇槐風晝靜轉正
氣于中天際茲貢縷良辰未附泛蒲綺席敬將蕪
句聊效霞觴伏冀台涵自慙塵賁

請軍門入簾宴

伏以中臺重望鳳單風屬之仁聖曆昌明共應雲
龍之會惟海甸永清之日適閭鄉榆秀之期恭惟
門下南嶽鍾靈太微秉軸凝丰采于臺率而文運
一新運經綸于棹俎而上風載正坐見海隅之蒼
生雅稱清朝之黎獻某等式遵功令聲舉鄉書鳩
役遴才既幸仰承于石畫諏期展采尚祈勗茲于
風猷薇省晨清乍擁蘭臺貴色槐簾畫爽佇看桂
子成陰拜日明禋爰祈辰止

請總裁入簾宴

支華平先生集

卷三十四

三

清日閣

欣維海嶠風淨喧騰洗甲之詩藝苑秋高肇舉榆
材之典惟熙朝重獻賢之選乃閩省當文盛之時
咸垂虹霓之光而熠燿清朝盡振鸞鷟之翼而騰
翔要路多士既濟濟矣嚮風益彬彬焉門下建牙
藩翰幸專分閫之勞推轂英賢均此拔茅之志茲
稽令甲已逼良辰謹修一豆之儀仰賁元戎之重
鎖鑰風簾我且研精于品藻銜枚鳴柝尚其協奮
于韜鈴無任攀援勿虛延佇

請察院入簾宴啓

伏以西臺簪筆風猷夙著于朝端南服持衡懋簡
特隆于唐命法星遠駕文運一新恭惟門下道隆
述作學貫天人相度淵泓遠馳元獻之業風裁鏗
峭近紹景初之勲時惟丙子仲秋值鄉書之獻士
騰此東南巨麗欣糾薦之得師郵遽聞而譽髦作
氣約法下而百職矢心爰屆良辰肅將懿典板鷟
車而陳二內式沾湛露之恩入藝苑以校羣材願
借霜稜之重用俾二三執事盡一時共事之情會
見九十英賢副千載太平之業仰祈夙駕俯慰塵
襟

支華平先生集

卷三十四

三

清日閣

賀周左轄

門下秀擅湘江望雄楚服數猷嶺右風騰保障之
勲弘庇江東益碑旬宣之烈特躋左轄簡在帝心
栢府肅察百辟聳具瞻之望微垣布澤四方成阜
厚之風某志阻匏瓜心懸斗杓薄致喬醫之賀曷
勝燕喜之私

吳文臺郡伯中秋禮

緬惟兌宇風清千里冰壺如洗商展露湛九天玉

鑑揚輝懸照海之旌幢永夜花村無吠犬麗層霄
之員壁長空桂窟絕精慕瞻茲政和氛淨之期雅
稱樂事賞心之會不佞猥以隱淪泥瞻朗曜龍光
鄙悃幸躬承弭節之初蠶竹殘齡乃久闕樞衣之
益忽遊華輪之峻陟更欣熙績之顯昂翹首欲飛
蓬心似結勒短狀以抒素妄涸中消選長賴以將
誠願麾外漏亦知山肴野蔌詎堪充北海之尊獨
羨槐席桂筵當不減南樓之興薄言申賁顯冀丙
融倘藉容光曷勝欣躍

支華平先生集

卷三十四

宋

清旦閣

賀洞山尹先生七十壽

伏聞文潞公結社于耆英而中外瞻其丰采司馬
公願神于真率而夷夏仰其令名展惟平格之臣
宥厚永年之慶恭惟座主老師學爲帝師夙著格
心之績道膺天壽永延固命之期踵嘉會于洛都
接晚香于韓圃欣引年其杖國綽芳譽以盈朝匡
社怡情雖自比薛萃之高致永明占對實共擬趙
昌之精明惟綠野之方華迨青陽之既暮辰躋啓
曜爛齊南極之芒申岳歌崧直叶左弧之志咸喜

灼灼麟服絢鶴髮以增輝行見翩翩鳳儀躡鰲階
而再上某謬慙孔鑄獲瞻晚德于從心俯綰蘇章
莫效微忱于進履祝崇階而馳阜襖竊比李宸娛
福社而詠南飛僅同蘇軾惟冀永懋畢公之德彌
四世而克勤載宣衛武之箴邁九齡而益慎使庇
民福國共承滋至之天庥而聖主賢臣再頌雍容
之壽考

賀朱鎮山壽

支華平先生集

卷三十四

七

清旦閣

伏以天挺耆哲道佐中興當壽星躔丙之初正匡
岳生申之日身暫依于綠野望轉切于蒼生恭惟
師相門下心涵聖緒開經緯于四朝學爲帝師協
明良于一德轉吳楚萬艘之貢賦遠追鄧國之勲
淪青徐千里之瀧濤近踵平江之績寵方永于庸
眷身遂遜乎神功惟茲蔗境之遐齡復值花朝之
五日成蹊桃李喜陪槐席春風滿室蓬弧恰遘錦
衣晝日蓋忠愛不忘于猷祖長培固命之期肆天
心純佑乎朝廷永延平格之佐此日祥開玉燕絢
麟服以相輝行看名履金甌陟鰲階而直上某材

如樸橄過辱提攜栽培雖出于無私鞠育實同于
罔極情深愛日常懷獻履之忱方各一天莫遂稱
觴之願謹緘魚素式貢蟻忱祝讚是殷敷陳未既
送鈔關主政中秋節

謝陳寧州惠炭

稍念久灰漫有復然之望寒毳坐擁竟無挾熱之
支華平先生集卷三十四 示 清旦閣
方忽聞雪裏噓陽頓覺星繁白日稱而後爨應知
價比烏銀鍊以爲炊共詫形如赤獸即使校書徹
夜奚煩太乙之吹藁雖云僵卧空齋絕勝袁安之
卻米薄言申謝惟句丙融

請邑令

仰惟海波晏謐夜深大卧花封歲計豐登雨後人
耕綠野喜渥澤正冀于下土會熙展適扇于中天
恭誌多暇之自公俯罄躋攀之積悃艾綠影浮瓦
缶和挹薰風葵丹光暎朱幃笑延永日宓琴衍衍

欣聽四境之絃歌喬舄翩翩閒咏半池之鼓吹三
薰薰日拜曰明禋九頓陳堦局勝瞻致

請邑令

天柱發祥毓變暴乘樞之畧皖山製錦騰慈君信
父之聲迺茲更雅化于武塘奚啻騁輕車于熟路
政條初下而老羸扶聽仁風乍動而草木向榮恢
乎遊刃無全牛展也垂簾有餘日欣遘素絲之多
暇可稽醪蟻以承歡矧初沐清光幸瞻依之孔邇
且特頒華衮恩報稱之靡繇二美并臻三惠愈切
支華平先生集卷三十四 元 清旦閣
取惟首夏贊恢台式藉和羹令屆天祺介景福惟
此春酒雖子弟進先生之饌未罄孝思乃居邦事
大夫之賢實以範德繁花釀蘆菰鮮僅同魏野齊
厨之味比新陰泥新漲雅叶宓琴解阜之音花鳥
翕其離迎溪山拱若佇候獨斯悃欵拜曰明禋巧
噴台嚴驅高軒于委巷願言鳳駕擁敝篲于衡門
無任駿馳有懷雀躍

請邑令

欣惟報成牘及三年懷邑幸恩波之首被試可甫

垂暮月我邦幸福澤之方新瞻茲奏最之期政值
栽花之候金章玉璽繽紛出自明光李白桃紅的
歷術榮江國謹抒燕賀上藉鴻麻伏丐貴臨共承
鼎豫

請邑侯代新奉康

伏以甘棠三襮吹噓久藉春風芳桂五枝京浙共
沾時雨瞻此聚奎之會曷勝瞻斗之忱惟明公口
談傳心邁陳古靈之勸學齒餘拔士若楊得意之
憐才某某等質謝南金得孔鑠而始粹足非冀北承

支華平先生集

卷三十四

三十

清日閣

樂頤而稱良酬知莫罄涓塵祇願服勤坡谷策蹇
仰傳衣鉢盟心竊比見秦肅詠初八之辰式展在
三之敬小春風色借杏霞桃浪于瓊林好景晴光
賞綠橘黃橙于菊釀雖烹葵及菽養未就於無方
而飲水思源情實同于有造懇祈貢止現茲優鉢
曇花詢我蒙求示以正法眼藏叩關九頓肅楮三
薰佇俟鸞翔儼焉鵠立

長兒納采啓

緬惟十稷望孫風紀楊僭之愛七齡賜匹久誇宋

武之英惟樂天常苦其遲而靡詰不厭于早念小

兒拙守一經志學未窺于孔壁欣令女秀鍾四德

閨英遠紹于大家且兩小之無嫌適三星之合宿

既舉問名之禮載申納采之儀捲爾弄梅覆額喜

成嘉耦居然種玉齋心祝觀元孫卽未冠未笄已

預符鳴鳳之兆而采蘋采藻尚永叶鸞鸞之麻

仲兒納采啓

緬惟齊德著代禮正河汾緩約遄昏訓嚴涑水念

仲兒志學之齒賣丈夫卜室之辰惟素棕竊比袁

支華平先生集

卷三十四

三十一

清日閣

筠近依青桂肆礪志雅符高越未就平原恭諗門
下珥貂世德夙瞻卑甲人龍今愛肇悅令姿其屬
蘭閨秀玉天作之合幸逢芳訊于寒修神助其麻
獲叶鸞鳴于媽仲既荷相攸之允率爾問名聿諧
文定之祥猥然納采瞻嘉禮成于鴈摯物以及儀
而納徵代以裏蹄義惟沿俗絳紗封繫炯心宿之
在隅御輪授綏迨河冰之始泮結雙石以朱葦快
聆桂樹鳴鸞羅百子于青廬誇映藍田得玉庶采
蘋其有屬矣卽玉照何以將之諫吉肅柯杼雲授

幣薄言中懇願冀鑒存

回于濟川繫定啓

欣惟十年道義之交夙諧鴈序百世宗祏之寄初
叶鳳鳴理塞修以結言相惟允矣諒幾吉以將禮
何以報之門下輝聯棟宇並家學于二蘇令器榮
茁芝蘭埒聲華于少阮顧惟其裘之重念係震男
乃下採衡草之微爰及允女偶同舞華之十歲誠
無嫌于弄梅時當堯英之四新用矢盟于繫臂雖
德樹高門固知非吾偶也而引躋清列乃幸勝吾
友華平先生集卷三十四 三 清江閣
家焉辱同臬于金蘭式混形于葭玉茲惟量德豈
曰論財行且刈我荇荊永肄采蘋之訓尚冀琢茲
美璞聿成潤玉之才俾聯僕射之座者確有徵焉
而序昌黎之文者端可見也恭承玉鏡下頒荷松
施之逾分輒擬竹筇將事惠李報之匪宜酬答多
愆恃包容或無訶斥裁言罔敘在知愛倘特淵涵
生辰辭賀
一事無成大負桑蓬之教二尊見棄常軫岬帖之
思方念劬勞敢懷宴樂且浮壽原非真壽達者等

之海漚慶生必用宰生法王目爲罪罟是用先期
遁跡矢口告辭萬句涵容倍深感激

友華平先生集卷三十四

友華平先生集卷三十四

三

支華平先生集卷三十五

構李 支大綸心易父 著

譜牒

例義

大綸曰余嘗徑循葵歷寧紹再莅江閩其族姓多至百千人悉依祖籍更百世不輕徙卽貧窶赤骨終不以世業售人乃大江以南六七大邦號天下文獻之區而民俗離析雖同父之人而家別戶分藩籬迥隔矣尚古崇宗法設中正官

支華平先生集

卷三十五

清江關

以公選舉定昏媾而近世則朱門白屋轉眼變遷世家巨族橫罹權極世無百年之家家無百年之計何暇合目前之急務而肆力于迂闊難行之舉哉此宗法所爲日湮而譜牒不復講也有宋中葉歐蘇譜法爲世所宗而遠胄牽附如指諸掌識者頗爲致疑遙引華胄易姓冒宗其如先人何吾爲此思謹就近世肇基所自紀年月列履歷成一家言俾後之人知吾族自明興以來至隆萬之時凡九閱世產不踰中人官不

登上士而游膺科目世積翰墨卓爲一郡聞人爲子若孫者惟世勤耕讀守清白毋貽先人羞卽隆古所稱文獻故家奚忝焉不則虧行辱身敗名隕業卽祖軒轅宗姬妣祇益醜耳奚益哉一聞國有史家有譜凡以紀分合昭勸戒也子孫有作奸犯科自干國典者逞奸誣訟圯敗族親者男而盜女而奸實有顯跡者死不入墓名不登譜有毀墳伐樹忘祖自封者死不入墓已入者歲時墓祭勿以耐食

支華平先生集

卷三十五

清江關

一紀世系做年表也總世系圖以敘大宗分世系圖以列小宗而生卒字號附焉做志以志宅第志丘墓志吾祖父所棲藏也有大傳以述顯行有小傳以述細行傳吾祖父之行實也有科貢考以敘顯晦有文獻考以紀翰墨令後世有所考以世守也無後者有豎壙傳素行純白而不得顯者有顯幽傳素行多疵而不範于訓者有黜幽傳女而嫁婦而娶者有外傳匪止正宗秩大而視化流勸亦係焉

一定祭法家廟

一定服制

一處祭田

一議賑族

一酌家訓

一立景賢祠議

世系圖說

吾家自仲碩公而下其僅可紀者九葉爾然皆從
殘編蠹簡彷彿求之先曾大父蓮菴公之言曰立

支華平先生集

卷三十五

三

清旦閣

生一二歲時先府君嘗謂立曰吾自十二歲而孤
先世事不知其詳似聞爾祖母言先世家楊之泰
州自元季避兵徙居嘉興南門真如寺東母自十
八歸支氏弗逮事姑汝祖考諱某字某有足疾讀
書爲里社師不二年亦歿家益落汝父挈我徙居
東門外宣公橋之東僅十年而汝父歿立欲建祠
堂祀四世但不知高祖之詳云至先大父又止祀
樂安府君而先世益不可考矣至嘉靖甲子科大
綸倖舉于鄉而江右進賢支應瑞亦以是科中因

謂支族始遷江右祖葬西山利于子卯而甲上尖

峯九秀至丁卯年崑山縣支可大舉于應天而甲

戌同舉進士因驗分合所由若指掌昔曾稽黃渥

與黃庭堅皆出婺州七世以上皆失其譜後以年

相望與渥近復以兄弟合譜今崑邑支改齋爲大

綸歷敘世系皆鑿鑿可據而必欲棄之可乎改齋

譜云支氏原自山西聞喜縣陝西茂州宋南渡時

以侍從扈蹕至江西隆興府卽今之南昌府也始

遷祖葬西山族聚進賢及饒州府者甚繁元世三

支華平先生集

卷三十五

四

清旦閣

一公爲宣州丞因家焉爲州興族國初起富民實
京師長房至京達限三日謫戍雲南大房奔居蘇
之崑山三房居無錫四房居蕭山崑山有支巷族
姓亦蕃歲苦滇戍之擾我祖遂遷嘉興而滇戍以
居間例調鎮江蕭山後以他事亦隸尺籍而無錫
一支今居京師與改齋不復通譜改齋名秉中太
醫院吏目子如坤如升皆爲御醫如璋丙子科中
順天鄉試崑山一支今戍于貴州普定衛辛卯中
支持禮庚子支邦幹聞喜縣一支成化二十二年

總圖

一世 二世 三世 四世 五世 六世

仲碩—叔芳—慶生—子傑—榮

六世 七世 八世 九世 十世

章	高	京	梗	楠	兀	言
爵	祿	俸	廩			
大綸	大烈	大緒	大經			
如璫	如玉	養訥	如璫			

東華先生集

分圖

一世祖仲頌

二世祖叔芳

妣樂空碩人

三世祖慶生

妣淑三陸氏

四世祖子傑子茂

妣明玉陳孺人

五世祖廸功郎茂字宗衍幼孤力學什至出東樂

安縣丞曾王父平筆云奉命督黑鉛生銅于廣西而郡志乃云永樂五年貢任江南軍需庫大使國初官制資格未定卽賓貢管庫亦時有之而曾王父亦幼孤未悉遷除殆未也然督黑鉛生銅于軍需職業附近而邑承之命或在徵遷之後乎近世官制亦無江南軍需之銜而郡志必有所據惜乎家乘之不詳也公生干

戊申十月五目所傳有孝友堂卷一 闕來崔軒卷一 闕秋江送別圖一卷墓碑一首

妣張氏唐氏孺人 卽遠菴公立

六世翰林公立
字中夫初字可幽別號蓬菴正統

甲子月以春秋中浙江鄉試第四名仕至翰林院孔目薦李五才于曰張姚文伍俞曾王父嘗云吾聚居姚後而學者皆稱江南文五經云著述甚富今故家巨族墨蹟靡有遺者

支華平先生集

泉諸名公見歸者有枚蓰南還一冊三鱣圖
一冊歸去來一冊墓志銘一首公生于永樂
丙申二月廿八日歿于成化丙午八月初廿四
日子七梗摘京
亢高言章文二

妣潘氏陸氏李氏孺人清二子
李五子二女

七世興濟公高字景瞻號菊巖有聲庠序三十年

以正德丙子貢化至興濟縣學博羅文篤行
嘉興首推致政歸爲鄉飲大賓郡邑大夫歲
嘗候問不絕而卒未嘗以私干之著作存叔
氏所者甚富今所存者手筆一二耳及墓志
銘二首墓碑一首公生于成化壬辰十一月
十三日歿于嘉靖己酉十月廿九日巳時子
四休祿廩爵
休廩絕女一

妣張氏孺人生于咸化癸巳月 月 日 歿于嘉靖壬戌十月廿九日巳時

八世寧國公祿

即大綸父

為寧國郡博古文詞舉優兩京詩追開元大曆博學爾說卓然于大江之南一時名公如中丞汪尚寧尚書鄭曉學憲梅守德共稱為有學有守大雅君子隱顯應宸閣著作甚多今止傳什一冠裳一脈圖卷墓碑一首誌銘

二首諸名公贈文若干首公生于弘治己未二月十六日辰時歿于萬曆丁丑八月廿九日申時子四大緒大烈大經大綸女一

妣顧氏孺人生于弘治辛酉三月初八日辰時歿于萬曆戊寅十月十五日辰時

第宅志

支華平先生集

卷三十五

七 清世閣

大綸曰古者閭里族黨相保恤至灰徙不出鄉

井田壞宗法湮子姓品類賢否貿絕迺興條廢

僅若置碁俄而華軒魏宇跨陌連雲俄而參贊

陸沉卓錫無所即吾僅歷下壽而耳目睹記已

不可勝紀矣吾族數世來廢興亦屢矣祖宗勤

儉積累僅立門戶子孫侈情放恣遂如燎毛陳

思王角吟云起家難難難難保家難難難難誠

念其難何廢弗興

廷秀公始遷居南門真如寺東

樂安公遷居宜公橋東建來青樓來鶴軒東距天

馬橋南瞰官河傳翰林公

翰林公贊奉賢里王帶鎮因占籍所建堂宇甚麗

首樹綽楔楠曰經魁東建家廟以貽嫡子梗楠蕩

盡無寸土只壯丹亭轉鬻數姓今為戚勲正廳晚

年知二子不慧遂携李夫人所生三子復返郡城

廓其居亦建經魁坊在崇寧道院東偏有市屋十

餘間分授叔濮庄今售陸石涇家下塘一所以授

吾父寧國公

支華平先生集

卷三十五

人 清世閣

父槐谷寧國府君創王帶領者二東自創今授碧

西翰林公故址昔敗于長房轉售數

姓父槐谷恢復朱橋者今授少谷

綠溪創二東新制今授鳳臺

吾父其屋僅二十間耳今授華手歲

久損且燬盡今所有者皆手自為之

嘉興衙前橋祖房一所父槐谷分授于兄弟四人

谷碧山暨姪學夔各立契售于然而

破損不可居矣今所有皆手自創者

丘墓志

大綸曰丘墓以藏遺魄孝子慈孫所日夜繫心

者孔丘聞防崩泣然泣曰丘聞之古不修墓蓋

慎終大事孝子必厝之安不俟更修耳而陳師道之志墓曰子孫不才望其木思以爲村視其榛棘思以爲薪登其丘墓思發其所藏今世人悖逆放僻視丘墓爲外物每有變易必先于丘隴而後及室家甚有室家充盈而毀墳塋以自甘伐松柏以爲器用者不仁不孝罪通于天生則遭刑歟則絕嗣

廷秀公翩翩遺世之隱君子也乃其墓竟不可攷矣嗚呼痛哉過庭時聞吾父云少時有白苧鄉人

支華平先生集

卷三十五

九

清江關

來報曰汝家祖墓有某者侵占之伯祖寧都承隨彼至塋所後竟不知作何狀又有云潛以售于人者今世久益遠長老凋謝安能復之乎嗟嗟樂安公歿于廣西必權厝宜陽驛侯續訪之

翰林公作墓道于養民涇右西甯圩以奉樂安公永冠而嫡母張生母唐合葬正穴翰林公葬左昭位周遭甍垣而有拜亭旁有守舖松柏梓杞翁翁鬱鬱望之若山里中遂名其地爲支家墳寧都丞毀垣伐樹蕩殺殆盡泊吾父弱冠時而寧都承復

甯其亭父攘袂而逐之得免今吾父率吾兄弟四人各出財力繕亭築墻稍復其舊墳地計一畝六分各歸戶

興濟公墓在白苧鄉烏橋之浜內嘉靖丁未歲以價買之者時僅有柏數百株耳葬後至壬戌冬吾父宦歸始建堂五楹廂三楹中有亭一周遭磚垣首植華表前道稱美觀矣斯墳也惟吾父與叔濮庄二分子孫得葬之墳地連西偏共三畝二分各歸戶

支華平先生集

卷三十五

十

清江關

吾父寧國公自建新塋于王帶西白水塘濱北中有亭二首華表四次儀門三楹內石羅城四十丈周遭石蓋磚垣東門道五楹大宗會堂五楹側屋二楹後有亭一松和桐梓數百株墳地四畝八分各歸戶

大傳

大綸曰予祖自樂安公以迄于不肖綸凡五閱世叨升斗之祿矣雖階秩平瑣無能樹駿偉之業然如樂安公之死于王事翰林公之不附權

瑞興濟公之矢志逆藩寧國公之力抗勢豪方

之古昔世臣微有合焉爰作大傳

慶生公以上不可得而聞矣廷秀公績學隱士也
工詩善行草書語具胡尚書漢傳中蓋避世之碩
人哉

樂安公宗衍少歷百繇卒成其學仕爲樂安丞府
志云爲江南軍需庫大使必始仕爲大使而擢哦
松也會差取廣西黑鉛生銅歿于王事時翰林公
遂菴止十三歲

支華平先生集

卷三十五

十一

清江閣

翰林公遂菴少孤賴二母鞠育督訓迄成大儒爲
諸生試居首當廩于縣官輒讓于人不一載遂中
高科始仕爲池州郡博丁嫡母艱復除常郡博聘
爲順天考試官時汪豎直掌西廠權倖人主欲私
其姪唆以重利誘以美秩公獨持其卷抹之會直
敗聲稱赫然一時遷爲翰林院孔目與時流又不
合拂衣歸有醉月逢每風清月白放艇浩歌以自
發其骯髒之氣而世莫之測也時江南五才子公
居其二郡邑誌惟稱爲支五經云翰林公有七子

其五爲興濟公

興濟公翁嚴經學甚粹太保屠康僖公延訓諸子
一時科第聞人如大叅九峯方齊漸山諭德及范
菁山輩俱出門牆正德丙子貢于春官任江西南
豐縣博值寧藩反公挺身乘城守倡義不屈事平
所司擬荐于朝公曰賊未入境城守胡可爲功即
不受僞檄遂敢叨荐耶居七歲遷興濟縣博以衝
煩乞休歸田時方五十七優游林下者又二十年
郡邑鄉飲賓多以得公爲榮云興濟公有四子而
仲爲寧國公

支華平先生集

卷三十五

十二

清江閣

寧國公槐谷剛毅多大畧年十七爲嘉興庠生十
八試高等廩于縣官以贊顧門卽自理家人生產
而學亦日進嘉靖己酉貢上春官丁外艱至乙卯
冬始授寧國郡博至日惟作士氣勸教誨而人以
學官爲冷秩有勢豪易視之遂徧中所司置諸法
勢豪銜之壬戌夏以母老告歸日以修葺先塋爲
事凡世俗聲色奢麗之好一不以介于中云

小傳

大綸曰吾讀先世所貽誌傳出處大節表表在簡冊惟是家庭恒訓故老遺言余所知者不可泯泯無傳爰作小傳

樂安公年踰四十弗子會有唐姓者夙稱善良爲盜所誣繫獄具辟樂安公知其冤入白之郡伯郡伯信而釋之其人令少妻叩謝峻拒弗納是夜夢有朝衣冠者謂曰汝不乘急汗人陰德甚大上帝特養文人爲汝子是歲生翰林公

翰林公初贅潘氏潘故賈人也命公守列肆公一

支華平先生集

卷三十五

主

清江閣

意讀書往往亡其貨或咸目之曰金漆穢器耳蓋諺以文人無實用也後宦達其人以訟獄求囑公曰吾何能爲金漆穢器耳其人慙謝初潘令公適村舍索貨值其人有嬰兒新絕在炕中故誘公坐炕上少頃佯驚曰兒臥炕中乃爲若所斃哉訐之官官逮繫在獄公從獄中上書郡伯寄其文立出之補郡庠生次年登科

國初鄉閭考官各省坐名禮聘翰林公學術有聲縉紳間籍其諸省檄聘者五藩不約而同卒赴順

天會內豎汪直掌西廠威傾中外欲私其姪遣人以兼金百鎰暗投舟中公立覺之所司時內百寮畏直甚無弗顧私其姪者公校春秋卷獨批抹之衆噉噉曰是卷一落吾屬無幸矣公厲聲曰此非汪豎姪耶途次嘗發其賂今更私之奈國法何諸君不畏國法畏一權豎耶與愕眙不敢言放榜既衆咸造汪所謝不職且以罪罪公汪銜甚令人偵刺公倪司勳者雅善公匿之內庭踰月一夕漏下四鼓矣聞叩門聲甚急倪曰此必事泄汪有僞旨

支華平先生集

卷三十五

古

清江閣

來索也奈何公曰毋怖外生命耳卽有事吾自當之無相累也啓扇視之則呂學士原僕也是夕汪已就逮矣故來報且致賀云

翰林公歸田日揭榜于門曰五經不晦者至此聽講人稱支五經每歲出游蘇常諸世家爭延致家塾質經問難旦月苦不得歸蓋公有書畫船扁曰醉月蓬故江南望其舟而爭識之自是每出遊必畏跡避影不敢乘此舟矣時有執友姚公綬最敬公姚豪侈富盛食用豐贍而公儉素清約不妄費

絲毫公善畜雞常不下數十羣一日姚至宰一雞食之姚伴病瘡忌食雞公乃更市肉一斤肉具姚乃食雞公曰適云忌雞何乃食姚曰不如是又安得公市肉蓋平日待人止一味而雞故家畜不若市肉之費也公足跡不入公府楊太守繼宗治郡素重公願一見終不可得一日傾公入城市木楊公故令人爭河道答斷木後復令人嗾公訟之郡公曰入郡而後議筏不更勞耶竟自綴筏而返楊公愈重之及議鄉飲大賓時共屬項尚書忠楊公

支華年先生集

卷三十五

五

清江關

魚公尤精于醫歲乘醉月蓬遊江南諸村落見病者輒治之不受謝一日有貴室閨中女患奇疾遍體肌膚潰盡如削名醫環坐莫知所出揭榜于衢曰能治者予千金公入視出而笑曰諸醫謂此疾何皆莫敢對公令謹閉門用大桶盛藥水蒸出微汗乃以藥末摻之兼服補脾肺藥三日皮復生瑩然如雪竟去不受金曰此傷寒不汗證也今攷之竟不知出何典云

支華年先生集

卷三十五

六

清江關

地有粒穀必拾而補之居常倚門屏小窺窺市以爲樂或手執筴舒卷之雖溽暑不令人揮扇隆冬不近火夜亦獨寢樓中行年八十而視聽步履不衰

王母張夫人性嚴毅而好施外戚如黃氏何氏皆數世姨姒歲時相周旋不少間手一棊卽遇數人輒剖分之無遺者少時與濟公將詣學宮夫人盪起篝燈忽見一鬼長竟屋梁黑如漆夫人大呼而逐之鬼漸短夫人按其頂至地而沒後無他

支華平先生集

卷三十五

七

清旦閣

吾父寧國府君色嚴貌恭議論侃侃而折不能容人之過遭強鄰張氏屢爲齟齬而張氏狡猾變引外爲好言以相罔吾父則又信其無他未幾復遭其毒矣無端爲媒氏所誤娶其女爲鳳臺兄婦禍中腹心吾兄旣困姤婢以卒而孤輩皆受其毒然終不以厝念待之無異諸姻婭也坦中不疑天植固然而卒能脫禍不隕身名或者天實鑒之乎吾父慷慨徇義而尤勤小物見寸楮隻字必謹收藏不肖五六歲時嘗從田間偶向他人田洩溺輒扶

且嘗曰敗家子不知惜糞如金耶又弱冠後贅居顧門而叔濮庄從王大父在南豐宦與僕輩日共短父于王父母以是屢遭庭責而終無怨尤顧外王父性佚遊不事家業嘗負公稅逮繫父傾家代輸之雖受顧門田廬不能什之一而覆用爲慰曰吾以醇賢居德也

吾母顧夫人性慈順多遠慮口無莽言吾父性峻直御僮僕佃戶不如意輒大詢或扶之吾母必潛使人視且諭或給以酒食間邀鄰姬勸解故佃戶

支華平先生集

卷三十五

太

清旦閣

往往感恩自咎終吾父一生不至有非意之變洎鳳臺兄配出張族以火濟火卽小有言多成大禍矣婦德之係家道如此吾母嘗云男性如火婦人以水濟之乃可宜家二火相扇焚燎何及吾父教諸孤甚嚴杖至百十母不敢言第目中淚漬如珠少解輒具飲食潛慰諭之一日不肖綸偶生瘡獨體痛不可忍母備藥草湯洗沐之因休息半日許父入館不見綸因大怒歸索甚急母不敢言第引綸出手足瘡鞠躬立父不顧杖之膿血濺裙袂母

徐拭遣就館雙目淚淋淋交頤也嗚呼痛哉吾母
苦心至此哉乃不肖孤迄無所成立以報劬勞媿
死恨死

支華平先生集卷三十五

支華平先生集

卷三十五

十九

清旦閣

支華平先生集卷三十六

樵李 支大綸心易父 著

譜牒

科貢志

大綸曰吾族以文學禮其家而性氣多訥辭磊
落不狎于俗故仕途多躓然而世多文人亦多
慷慨丈夫絕無附權倖黷賊賕獲戾于清議者
樂安公茂以海鹽縣學籍永樂五年貢士歷官山
東樂安縣丞

支華平先生集

卷三十六

一

清旦閣

翰林公立中正統甲子科浙江鄉試第四名歷官
翰林院孔目

與濟公高正德丙子以嘉興縣籍貢歷官興濟縣
教諭

寧國公祿嘉靖己酉以嘉興縣籍貢歷官寧國府
訓導

大綸嘉靖甲子科以嘉善縣籍中浙江鄉試第二
十四名萬曆二年中會試五十一名

如玉萬曆庚子科舉順天鄉試第三十九名

文獻志

大綸曰今里俗子收寶先世故券有若珙壁而詩史手澤視為長物彼徒見故券者土田室廬所憑藉也而詩史手澤緩急奚賴云予先世有慈闈十詠圖冊伯祖嘗寶諸子錢家得四十金先大父仕歸捐橐中裝贖之正德以前人尚詩史若此嘉靖丙辰年先兄鳳臺携入邑都以里役徵求議質之則不能得一金一友人乃云先世有此餘力胡不以白金為楮黃金為字今可備緩急而帖帖名筆詩畫為也俗子貪鄙若斯士風安得不壞爰為文獻志

支華平先生集

卷三十六

二

清江關

樂安公幼孤事母孝奉遺教撫幼弟宗顯自三歲育之迨長為之娶有子有女復為之嫁娶同居四十年無間言時秋官亞卿劉公部憲副胡公槩顏其堂曰孝友薦紳先生咏歌之故有孝友堂卷又嘗上追先朝來鶴事排來鶴樓有卷曰來雁及宦遊南北則修撰張信諸公有秋江送別卷

翰林公始仕于池御史姚公綬有三鱣圖卷同考

順天忤內豎汪直不私其姪有較藝南還卷官翰林與羅一峯公倫友善相約告歸有歸去來卷追感二母砥節勤家鞠育劬勞有慈闈十詠卷十處士傳一冊

菊巖公博雅古君子也名公所贈詩文甚多今皆散逸公所自為詩可追盛元名家文窺歐蘇之室今有遺稿一卷

槐谷公敷歷四方所交皆一時名人其所作詩直逼開元大曆古文詞摹擬兩京襍著若干僅全豹之一斑云

支華平先生集

卷三十六

三

清江關

監錫傳

大綸曰古人宗法明無後者皆有繼殤者皆有祭今世無後者饒貲財則舉族爭之如逐鹿身歿未殮而攘奪爭鬪盡室如掃比入殮已有齊桓之泚矣而立繼者謹存饌羊若貧者則舉而委之于壑耳風俗薄惡一至是哉余族諸無後者嘗欲為之擇嗣而分吾產以授之奈世大遼邈似無父子之道何今各為立主使耐祭于祖

程子曰下殤之祭終父母之身中殤終兄弟之身長殤終兄弟之子之身成人無後者終兄弟之孫之身

伯祖亢蚤世

叔祖言字景宣號一葵以都掾任邑幕

伯父俸字子貴

府原生

叔父廩字子容

伯兄應科字

娶會通判女合葬于墓

顯幽傳

支華平先生集

卷三十六

四

清旦閣

大綸曰夫人致身嚴廊則聞譽在天下若夫位不列下士齒不埒中壽而苦學砥行冷聞強記嚼然有足重者不爲之表彰亦何以闡懿烈樹芳幾乎遂傳顯幽曰幽者志遇也顯則不遇而遇也

伯父子貴諱俸者繩趨尺步不妄言笑沉潛經史爲諸生有俊才廩于學官入場屋風雨被體因病歲餘而終

伯兄應科篤志學業沉潛果毅父繩之急勤苦成

疾年二十歿

附弟逸仲行畧

兄如玉述

如玉曰家大人作顯幽傳凡先世之才而無聞者幸不至泯滅然以譜例止兄弟行不服詳及子弟逸仲績學砥行二十年竟齋志早逝而不爲之述不佞竊有思焉爰附數言于後

仲子名養訥字去藻泊更逸仲別號啓宸將生時家大人夢有朱衣象笏者揖而言曰吾持鄭端簡公爲而子遂小字曉玄昉岐嶷日吻間隱隱吟哦

支華平先生集

卷三十六

五

清旦閣

余之皆漢唐有韻文氣宇凝然不妄言笑或終日枯坐一室若袖手禪定者乙亥巳四歲從家大人宦豫章每從游講肆中丙子又從家大人宦閩中時爲對偶之句隨響而應卽家大人亦爲之色喜丁丑家大人憂歸遂設函丈課作舉子業操槩止就無不辟易癸未再從家大人宦豫章則又從豫章友人交時家大人門下士如李生鼎喻生言與李生復陽長跪而進曰如公父子安羨眉山乎丙戌家大人歸山肄業綠溪里戊子家大人卜築城

隅仲子待舉郡邑則蔡令尹彭錄爲第一人時王
郡伯仲齊蘇督學紫溪咸咋舌奇之令補博士弟
子員仍應鄉試云時髮甫髻髻被額聲稱籍甚藝
林會試卷以太奇落吳公自新以左轄提調大爲
扼腕已丑春始授室凡三日而出宿于館曰丈夫
有四方志安可以室家故情吾氣耶辛卯應試郡
邑章令公特置首列謂是生固汗血才旦莫且于
里矣而寧虞其亡也仲子自宴爾後甫二月遂得
疾伏枕奄奄或嘔血數升乃猶下帷讀書不止故
支華平先生集卷三十六 六 清旦閣

黜幽傳

大綸曰國家有罰惡之典故懿美貶邪史則並
陳凡所以警後世也吾宗中圯族敗常者烏敢
以親故匿之遂作黜幽傳乃世道愈惡今姪子
中聞有伐及典濟公墓本者有恃強筏分凌慢
尊長者祖宗在天之靈能無陰殛乎當嗣紀之

叔祖景宣拆嘉興東門經魁坊絕嗣

伯祖景周任寧都丞歸賦賄狼籍不勝滿假日置
酒高會其配亦豪縱無度每日以千錢置几上必
盡乃已不三載囊橐如洗遂賣及墳垣栢梓卒至
乞食以死其子隆尤狠僻有孫女吾父憐而育之
一日突來拘縛下舟云且賣以償官其女哭甚哀
吾輩咸墮淚而彼洋洋自若也後吾兄弟各出貲
爲贖之

外傳嫁女

支華平先生集卷三十六 七 清旦閣
大綸曰太公曰養女太多一費也陳蕃曰盜不
過五女之門女之耗蠹家道亦稔矣而生理有
必不可絕者惟近世江南賣昏之俗計較多寡
無異市井有志之士良用慨然

婚姻素對顏氏明訓近世專論財帛賣女買婦殊
爲可恥先曾王父長女及笄一日駕扁舟入魏塘
訪劉侃郡守曰吾有女及笄須嫁劉公曰曷求名
閨乎曾王父曰否否因携手偕訪王教讀謂之曰
聞爾子朴實且冠矣吾欲妻以女王瞿然避席曰

大人得無悞乎何以至此曾王父曰吾自有處非汝所知坐良久其子蓬跣負薪自外至乃命總髮濯足以見遂定婚議先人簡朴殊為可訓

翰林公女二一嫁王興 一嫁曹端

興濟公女一嫁浦南絕

寧國公女一嫁朱紫佐絕

外傳娶婦

大綸曰史遷云禮之用惟婚姻為兢兢牝雞晨而家索猶共乳而祚興悍妬淫盜厥稱傾國可

支華平先生集卷三十六 八 清旦閣

不慎歟世人不識義理貪慕富貴以冀繁援主傾貲以相結納而甘受訕侮其女習見夫家之卑汚驕傲舅姑放僻邪侈即有熏天之勢敵國之富終于敗家亂族而已管子曰滿盛之家不可為婚信哉春秋以降列國紛爭至以婚媾和敵而西子滅吳貂蟬敗董卓為厲階今世亦往往以和親解紛而紛卒不解昔人謂仇讐之國不可與通婚此尤室家之大誠也

樂安公娶張氏唐氏

翰林公娶潘氏陸氏李氏

興濟公娶張氏

寧國公娶顧氏

議立廟祭法

大綸曰古者天子七廟諸侯五大夫三十二官師一庶人祭于寢余家世為上士禮宜立廟而上自先祖以至祖考凡七世咸秩祀廟中益儒先嘗議之矣古者天子大封同姓則始祖太祖皆祭于天子諸侯自始封之祖大夫自起家之

支華平先生集卷三十六 九 清旦閣

祖為宗不敢上僭天子脩祭七世今士大夫于天子遼絕矣而猶泥古禮則繼禰繼別之宗皆為僭鬼豈不痛哉吾家庭秀為始遷之祖樂安公為繼禰之宗翰林公創業起家皆百世不遷而翰林公諸長子多不世其家吾祖興濟公其繼別之宗乎

祭期

時祭用二分二至不卜日

每祭自仲碩而下皆祭不敢廢者又推高祖之心

以及于所知也

冬至祭先祖

立春祭始祖

廷秀公遷于嘉興真如寺東

耐祭 殤 無後

祭品

羊一豕一俱牲牲酒東西各一尊總設各龕每

卓雞魚豕各一盤 蔬三盤 果三盤 糕饅

飯各一碗 湯三盞 茶三盞 鹽醬醯各一

牒 燭一對 帛以楮代

支華平先生集

卷三十六

十

清旦闕

祭器

床一椅椅卓依龕數 盥盆一 帨一 湯瓶

一 酒注二 酌酒盞一 盤一 茶壺一

火鑪一 火箸一 祝版一 香鑪茶瓶燭臺

祭禮

降神 參神

讀祝 初獻

亞獻 終獻

侑食 闔門

焚楮 受胙

送神 徹 饌

墓祭每歲清明十月初一日詣祭所循行塋域內

外剪草加土祭如常儀

忌祭出主于廳事祭如常儀是日素服不飲酒茹

暈作樂預一切外事所謂終身之喪也

居室有五祀之祭以報神賜

一曰竈 二曰門戶

三曰中雷 四曰道路

支華平先生集

卷三十六

十一

清旦闕

五曰井 又曰土地

以上惟歲終一祭
不得非時禱祀

議服制

大綸曰軻氏謂生物一本故五服皆由一本而

生也父母至親服以三年而五服緣是以起矣

父母于子其情其哀同故長子亦以三年乃庶

子則降而期者以尊加之也祖者由父母之心

而上之故自三年而期父歿則適孫承重三年

者代父服也故祖于適孫加隆為期而庶孫則

以大功者亦以尊加之也曾祖高祖自祖而上

之其尊猶祖也故不敢以大功小功服而爲齊
衰然恩則殺矣故裁以三月者所謂自義率祖
也而報服則皆止于總者不可加也此上殺下
殺之正也伯叔諸父吾父一體也昆弟吾一體
也皆以齊衰期者從父服也而報服以期者從
父所以報庶子也從父昆弟祖之支也服大功
者從祖所以服孫也從祖父母小功五月而從
祖昆弟與從祖昆弟之子皆以小功者情同服
同旁尊不可加也皆所以重一本也由曾祖而
上則服以齊衰而止于三月故報服以總者以
尊加之而亦以三月其情同也五世祖免爲同
姓六世而親屬始竭故五倫之道一本而已子
于先府君之讐生不慶死不弔者痛念先府君
之受禍于族孽也不敢忘一本之義也

處祭田

大綸曰古者士大夫皆有田以祭吾家貧隨力
自置田二百畝以供春秋祭儀其餘以賑貧者
初意欲做希文之法但諸族有素仇吾父者義

支華平先生集

卷三十六

主

清江閣

議賑族

不共天倘矯情而行非親親之敘而近來不肖
子孫放縱不道無端侵伐柏樹若以田爲公物
彼且盜而賣之耳今祭田仍歸我戶我之子孫
世守之贍祭之外量情資給然止及于守分親
睦之人耳其圯族辱祖刁詞險行者勿得妄施
大綸曰賑族之法范文正有成則焉晏子仁妻
之族無飢寒者況本支乎予家貧無能厚施至
于事勢委蛇酌爲之處量推多寡以濟之視其
緩急大小而因時以給之先親而後疎急仁而
棄暴亦以子姓有守法而阨于運或遭水火之
變或事出無聊所謂不以其道而得貧賤者不
可不議耳如有侈用無度逞性非爲怠惰生理
圯敗家風卽家道消乏有下項急事亦不准給
以長不肖之風

支華平先生集

卷三十六

主

清江閣

一貧不能上養父祖下養妻子者量給之
一貧不能備衣衾棺槨送死者量給之
一寡婦孤子上下無賴者量給之

一貧不能娶不能嫁者量給之

一貧不能葬祭者量給之

一貧病不能延醫養子而欲棄者量給之

一子弟有美質而無力從師者量給之

酌家訓

大綸曰吾家先世風操素稱清白昔在髫鬢祖
父訓諭甚爲嚴肅比父宦遊析箸以居忽丁荼
蓼家計蕭條職由婦人長知自好僅立門戶追
惟往事良用痛心爰以平日所遭酌爲家訓示

支華平先生集

卷三十六

十四

清旦閣

我後人

戒分析一

別籍異財律有禁矣而世俗競尚分析使子弟之
不肖者得以恣行頗僻而無所檢而才者亦不得
施政于家兄弟姪姪幾爲路人而男女戚獲互相
攻擊其不胥而爲禽獸者鮮矣同居之益有三一
曰睦親同堂聚首朝夕無間情義自密二曰保業
家門雲集氣魄雄壯每事參酌動無悔尤戶役公
訟統于一人百務簡省三曰防奸單夫隻妻分門

立戶良人遠遊家無主持外人易生窺伺婦女亦
易放恣若一門共聚男子持家彼此顧盼奸宄自
息

立統紀二

一家產業貲財總造一冊以次相傳田若干無大
故不得輕售米穀若干器具若干長子曰家督無
所不統其餘賦役者一人衣食者一人賓嘉諸禮
者一人皆酌爲定制歲考其成稍有積羨卽進公
庠

支華平先生集

卷三十六

十五

清旦閣

擇學術三

古人云學猶殖也不殖將落子弟六歲以上卽使
就學隨其資稟務加磨礪以就素業學成應試守
義安命勿效世人假手援文納賄掇第名雖偶獲
心似穿窬若學通古今仕弗達時只務循理勤學
亦能自樹其諸伎倆勿得關涉孟軻嘗言術不可
不慎而諄諄于矢函巫匠之心術今之術莫不善
于胥吏矣胥吏之術舞文挾詐動于憲典重則譴
戾輕則鬼薪喪身辱先莫此爲甚火則包攬稅糧

詭寄田畝皆干刑憲所當深戒若中人以下只爲學究山人猶可廁迹儒流不失故家風味顏氏家訓命子孫不得學醫以其操術事人隨時俯仰無異市井至於商賈皆非雅道況其下者乎齊朝士夫有教子學琵琶伏事公卿者大爲時所訕笑凡音樂星命皆可戒絕弗令習之

嚴家範四

婦人不得預家政并一切出納財幣與男子接語不特內外窺窬易生淫僻而化雞司晨多至敗亡支華平先生集卷三十六 七 清旦閣
如娼異姓相聚一門計短校長量財評勢益以長舌婢婦交關其間最多嫌怨丈夫入其浸潤久而不察骨肉爲讐蓋婦人奸佞善譏往往借公義以行私忿乘小隙以構深禍恃枕席以肆甘詞雖智者亦難猝悟鄭義門家法每至夜分令老僕于各巷大呼云丈夫勿聽婦人言婦人不許說家事五更復如之此可爲訓

諸室各以內閫爲限男不入女不出

諸婦父母在或有歸寧防閑必慎女子年十歲卽

不得隨母往外家卽親兄弟不得笑語

尼姑道姑賣婆師婆卦婆並不得入內其穩婆非產育不得輒至內庭

僧道持齋誦經非徒外道兼亦壞俗必嚴絕之其募緣誑財尤所當絕

娼妓淫褻悖義傷化禽獸之行也頑童比昵多汚人家室愚者迷于情慾而不能覺尤可痛懲

訟師利口誘人酣鬪籠取人財家道立敗但當事事認理守法脫有青青天亦見原何至倚刁筆以

取捷也支華平先生集卷三十六 七 清旦閣

收奴僕必朴實蠢鈍各習手藝日有所事其游手好閒賭博土妓尤必重懲甚則逐之

惡少棍徒專以聲色賭博燒丹局騙人財血氣未定最易迷悞必遠絕之

優伶雜伎不惟蠱惑心志亦多玷污家風吾所常見惟郡邑大夫宴款不敢不用亦須問宅張筵以

防淫媒其餘親友不得輒用

江東風俗婦女每遇節序入寺焚香盪粧游行或

造請平慶車乘填街與倚市門者何異

崇儉素五

吾自入仕以來囊無中人之資而五禮三事以時舉行若有餘者惟其儉耳食不兼味衣不重帛器無奇巧日以聖賢法言懿行潤飾吾身而世俗之浮豔一無所染焉吾之所以見大心泰無不足也人不讀書則識陋量小紛華靡麗舉得以亂其中而終日營營馳逐以求悅世俗之耳目不惟志氣日卑而家道亦索矣吾子孫但多讀書廣識見而

支華平先生集

卷三十六

六

清旦閣

崇儉素以視身斯保家之主也

一不可殺生以供口腹

一不可逐時尚製段絹新衣

一不可貪好玩器骨董爲市井所欺

一不可好勝健訟傾家行賄

一不可借債交結貴豪及重帛結婚娶路

一不可輕信巫術淫祀非鬼以求却病

一不可惑于僧道施捨求福符書章醮尤屬無稽

絕地天通經典皎然

端仕進六

子孫能自奮勵致身青雲宗祊所藉匪輕必宜豐其資給使無內顧以遂其廉仍不得貪冒賍賂負國辱親有犯此者衆共排之爲諸生時燈窓辛勤飲食稍益以肉歲衣量加綃葛

安貧賤七

夫情欲無涯而分有涯聲利難必而德可必天道惡盈鬼神害盈況橫目之民哉吾家世書生無百金之蓄衣僅禦寒食僅充飢屋廬僅蔽風雨仕官僅免繇隸婚娶勿貪富貴奴婢才足使令常守清白家風自有意趣眼見近世大家旦誇門市夕已張羅昨侈輕肥今成餓殍者何啻一二由其嗜貴而不知賤倚富而闇于貧也

習禮儀八

江南風俗男女始生日爲晬盤以試智慧親友聚飲慶生之禮所由起也人子生日父母在堂舞班爲樂自是佳事近來無學之徒既遭孤露猶聚賓酣暢畧無哀感梁武元少年誕辰帝設齋講自阮

支華平先生集

卷三十六

九

清旦閣

脩容歿后此事遂絕良可爲訓

禮云忌目不樂又曰君子有終身之喪忌日之謂也魏王仕脩母以社日亡自後鄉里爲之罷社人子遇此須感愴哀思祭奠茹素衣白不預宴不聞樂不出游

古者名以正體字以表德名終則諱字以爲孫氏王元之兄弟其父名雲字羅漢遂併諱之及諱嫌名者似爲太過但高曾王父及父母之名必不可不諱禮云見似目瞿聞名心瞿矧敢口犯

支華平先生集

卷三十六

三

清江關

父母有疾迎醫雖少且賤必再拜而求之梁孝元不豫世子方躬拜參軍李猷此足爲法

敦友說九

賓客至門茶款必須周洽匪惟盡禮亦以弭怨毋容闢人譏拒有犯此者對賓朴戒其交結朋友呼爲兄弟必志孚義確終始如一方可定交自後命子拜伏侍側呼爲伯叔今人邂逅卽定昆季反眼遂同陌路浮薄殊可惋恨然吾人自處務敦厚雅若人情反覆但可自咎勿以相尤庶免險薄下石

吾所身履故以爲訓

習百忍十

張公藝九世同居唐高宗問其所由乃書忍字百餘以進與涉世之名言哉文士不務修省妄爲掙擊胡其誇也夫一家之中長幼異等習性不齊能無間言若一一校量反脣相稽是不可磯也必常持忍字方可相容如甚不仁之人跳跟吼啍我平心下氣安詞曲論或有惡言付之罔聞彼雖猛厲能無少戢忍至百餘則無不可處之人矣故家訓支華平先生集

卷三十六

三

清江關

以百忍爲先

景賢祠議

大綸曰自帝嚳歷日月制于支世掌天官家遂以官爲氏支氏之錫土姓自世官也唐虞世支伯以道高德盛舜以天下讓支伯曰吾有幽憂之疾方且治之未暇治天下也遂去不知所之周末魏安釐王將入秦支期與樓緩力爭以止事在戰國策中自後各賢曼見史策乃妄男子目不知書撰氏族志以支氏始于月氏夫以月

氏肇姓何舍月而先支且不曰氏而曰支而通

月氏在建武歲何乃先見于虞周之世耶然賢

宗既遠世次多缺必倣俗例妄為援附撰造殊

非傳信之道而冥冥中或有乏祀之賢則又于

孫之罪也余故以義起為景賢祠云

虞世高士支伯

戰國高士支期 支離疏

唐旌孝子支漸 字叔才定州人以孝感
白鶴止于廬高宗旌之

天下博知支識支亮支謙

支華平先生集 卷三十六

三 清旦閣

嶺南節度支詳

晉君子營大將支雄

隋鄭王代隋稱帝支世充 史載王世充
實支氏出

晉支道林本關姓也

傳云孫權制汪右佛教未行桓靈之世支識悔出

衆經支亮字絕明亮學于識謙又受學于亮博覽

經籍綜習伎藝編學異書通六國語 語曰支那眼
中黃形軀雖

細是智囊吳王孫權聞其才慧拜為博士輔導東

宮與常曜諸人共盡匡益云來自月氏翻譯維摩

等經出

高僧傳

支法存生長廣州 善醫家富在八九尺籠貌百種
形像先彩耀目又有沉香八尺

飯床王譚大兒鄧之求之不得因誣以法殺而沒

人之後王與兒皆為法存所殺出還竟錄

支戢 江左人好學為文選其仙預計官至司空
後為金陵觀察判官檢校司空出稽神錄

支伯仁支化仁 禮中伯化仁鎮晉山

支邦榮 宋人以中奉大夫直
秘閣任鄂州刺史

支允文 登進士第

支詠 華州人實佐進士

支謂典 長寧人至顯初進士官至中奉大夫四川
行省參政別號龍溪元之文人也其詩集

支華平先生集 卷三十六

三 清旦閣

支華平先生集卷三十七

樞李 支大綸心易父 著

臆劄 四十七則

按授時曆法雖起至元辛巳而不以辛巳爲曆元其法以七千二百五十七萬六千爲一元之中平分天地人三元每元計二千四百二十九萬二千自太乙甲子至嘉靖四十三年甲子已五千二百九十五萬八千四百四十矣是天地二元也今當一千九百六十一萬七千六百已在人元後推將來每支華平先生集卷三十七 一 清旦閣

年增一前考已往每歲減一是以太乙甲子爲曆元而不從辛巳也今辛巳爲曆元者曆家以世遠難竟故截去始元而以辛巳耳歲差之法起于子半虛六度約下十六年而退一度自堯至洪武甲子退四十九度五十七分故冬至日躔箕七度七十七分正統甲子退五十度四十一分故冬至日躔箕六度九十六分弘治甲子退五十一度二十四分故冬至日躔箕六度十三分嘉靖甲子退五十二度七分故冬至日躔箕五度三十分以後每

度約退一分三十八秒四十九微自嘉靖初至萬曆壬午六十一年又退九十三分非復至元之舊也日食多寡則里差之法所當講者日輪大月魄小故自下望之相掩南北不同每千里約差一分東西不同每千里約差數刻正德甲戌日食推步八分六十七秒而閩廣食既萬曆乙亥日食京師未甚而蘇松晝晦則南北地勢使然也

鎮兵跋扈撫之則益玩勦之則太慘內置外訐勦之實難苟安目前藉口崑岡之火者莫不由撫矣然撫者比肩而叛者接踵指大于臂尾陵其首將遂聽其痿癢跳躍而莫之及耶萬曆壬午吾浙兵變縛中丞于營以蓋柄擊之中丞抱頭跌足俟命後張肖甫至經二載始戮渠魁七人耳夫殺人者死卽無論謀殺部使乃所殺杭人亦數十命竟以七人蔽之奈何其不玩耶子師管南屏問于大綸曰聚兵亂散兵亂增餉難減餉難子素好奇計亦嘗念此乎大綸曰以愚計之操縱增減惟我而莫敢抵牾耳奚亂之作也師曰如何曰今督府深居

高拱尊嚴若神突未黔而跂足以望遷卽將士邈如逆旅安得不亂爲督府者必總計合省兵若而隊隊若而人爲大將者裨將者千百總者若而人鱗選而櫛閱之擇其精銳之尤者數百人羅之幕下倍其旣廩同飲食均勞逸而時馴擾之人人能舉其名悉其家之老弱盈絀也而大將者又能習知裨將千百總卽身堂皇而山陬海澨之戍卒可目睹而耳授如是則四方有敗不旋踵而應卽有弗承而幕下精銳固足以待之矣如是而散兵則

支華平先生集

卷三十七

三

清江閣

散其老羸者減餉則減其不率者而果殺之士吾豐犒而時賚之奚亂之作也哉曰倘亂者四起而幕下卒能悉應乎曰世固無悉變者宋杭城兵變時有福中鎗杖手數百人遂脅服弗敢動況我選精銳之尤素爲鎮卒所讐服者聚之幕下有不望風而股栗者乎師曰然故御兵非難得其道多多益善矣

按國初京軍有左哨右哨左腋右腋中軍曰五軍營其大營圍于手幼官舍人及千二四營附之額

三十餘萬永樂中以三千隨侍神機譚家馬諸營附之景泰中因大營兵弱乃選十二萬從征曰十二團營精兵弘治中營兵亦弱乃選三萬從征曰東西官廳精兵其餘謂之老家僅備土木奔走之役嘉靖庚戌復改爲三大營猶舊額也而各有班軍止供工役近雖入營而手無寸挺虛備名耳故今之精兵止東西官廳而數不及額總計三大營中缺額已十之三而掛名買差替役老弱者尤多隆慶初元數以九萬一年遂耗其一至三年止入

支華平先生集

卷三十七

四

清江閣

萬人矣餉日費而兵日耗名雖具而實則亡稍議清查則譁而無忌督令戰守則泣而不前竭天下之膏脂養無用之蟲蠹誠未見其可也

巡撫始于洪武辛未勅遣皇太子巡撫陝西建文中遣侍郎夏忠靖等二十四人充採訪使巡行天下永樂辛丑遣尚書蹇忠定等二十八人巡行天下宣德庚戌遣侍郎于忠肅周文襄等出巡建文永樂時巡行竝以給事中佐之

趙搗謙精字學爲瓊山教諭進六書文字通易學

提綱不報歸宋濂于仲珩受其業趙公淡于聲利
道義所在目無王公以故終厄

丘文莊言國朝文臣有謚始于姚廣孝及胡文穆
然姚但可言武臣耳文臣賜謚始于王文節在建
文元年四月贈翰林學士賜謚永樂中改忠文
國初設官皆領部檄故不曰欽差因事臨設則領
專勅稱欽差

正統己巳大統曆畫六十一刻岳文肅公大駭之
而八月北狩矣蓋用事之人逞私智紊成法則災
支華平先生集卷三十七 五 清旦閣

異立見曆法且然況其他乎

楊文貞不知王文端李文達不知葉文莊而文莊
又不知于忠肅彭文憲不知李襄敏丘文莊不知
王端毅倪文毅不知莊定山馬端肅不知劉忠宣
崔文敏不知王虎谷張文忠不知王文成

梁文康儲居內閣踰十載家無負郭之產宸濂沒
籍舉朝惟公無私僇而務自毀晦不伐其功大理
丞缺敘宜御史李鐸銓司以鐸嘗詆公故難之公
曰舉不避仇是何足校立命摧之其雅量類此而

威武大將軍勅死不具草秦藩請地片言尼之尤
非人所及

諸司印皆九疊文御史八疊文文淵閣印玉者將
軍印柳葉篆

蔡天佑身處危城應機戡亂橫遭口語黜以靡財
謀臣于是乎扼拳矣

林見素倭立朝正直不妄詭隨尤好引掖後進庶
幾君子儒乎

劉文靖健初事孝宗輔成聖政晚受顧命抗言致
支華平先生集卷三十七 六 清旦閣

主完名全節天下仰之

大禮之議肇于永嘉而席桂諸君子和之倫敘昭
然名義甚正自無可疑廷和上畏昭聖下畏人言
力主濮議諸卿佐復畏廷和之排擊附和雷同莫
敢抵牾其伏闕諸少季尚氣好名以附廷和爲守
正附永嘉爲干進互相標榜毒痛縉紳皆當國者
不善通融耳然以幼冲之主而舉朝元老卿輔至
二百餘臣喧呼慟哭卒不少動聖孝天植神武獨
斷萬古一君而已

嚴世蕃竊弄國柄私鬻官爵屠戮正士罪不容死據此蔽法已當斬比乃咒咀怨望練兵積粟通倭誘虜茫無影響何以服天下之心哉內閣願旨法官唯諾刑罰不中伊誰之咎善乎張懋恭之論延齡曰財虜耳安能作逆世蕃蠢蠢如蜚螭之戀糞丸方自雄其財何叛之暇圖

肅皇嘗以上柱國加夏言言受之及以加嵩嵩辭曰人臣無上臣不敢當帝悅而從之蓋陰以攻言之借也華亭小廉曲謹宜不敢受而萬曆中張居之華亭先生集卷三十七 七 清旦閣

正傲誕無上亦詭辭之後言者至以爲無將之戒不知上柱國在唐初非重官而二品勳亦云正治上卿何足爲傲上嫌乎
袁元峯煇軒密磊落爽剴不羈而帝愛其赤心體國不殖貨利及世蕃敗帝甚惡輔臣縱于亂政乃元峯以無子爲帝所眷每有御制輒先之及卒議謚而止以文榮何耶或云元峯獨居張邸不飾邊幅潛有鳩之者此言無稽而當軸者拊擊其附生故識無一人得免卒之日幾不能成禮時國子生

王穉登嘗以紫牡丹詩見知元峯于時曲爲經紀以幸襄事卒効國士之報云

顧公應祥好學書無所不窺談理學所最好者九章勾股法謂能以人法窮天巧時唐順之亦長於勾股

海剛峯瑞以直言忤旨刑部以大辟獄上不報蓋肅皇英明果毅好善如仇瑞言太激耳然法司希旨重擬而疏竟留中聖度淵遠豈小人所能揣摩哉

支華亭先生集卷三十七 八 清旦閣
龐公尚鵬有錚錚聲然喜於有爲而不計其成銳於立名而不協於正吾嘗與共事知之稔矣若條鞭法吾浙至今賴之

自市道交興而下奔石溺死灰者徧天下矣穆君文熙于石星杖謫時身自掖蔽與中官交相詈以出買騎從行亦至免官其古烈士乎是時如王世貞徐中行之于楊繼盛王穉登于袁煇沈明臣于胡宗憲朱察卿于趙文華雖得失互異要皆誠心爲質不欺死友者

王文成守仁鞠躬盡瘁病劇而歸歿于道路爲臣死忠其可已矣而言者猶以遊離重鎮咎之世之忌功如此

楊文襄一清天閭也終焉僑居丹徒不爲子孫田宅計貪黷將焉用之特其應機玩世持祿苟安晚年再出遂罹新貴之毒劉健出將之誚庶幾先見其微云

張文忠孚敬其徇國之純臣振古之人豪哉當議禮時舉朝元老公卿百執事三百餘人羣然一詞

支華平先生集

卷三十七

九

清旦閣

而上援孝廟近庇昭聖口執程朱之成就至撼門伏闕哭聲動地其景象何似而以一新進郎佐屹立于其中不懾不悚詞嚴義壯卒破千古之謬成聖主之孝張寅大獄盡剖法吏之成案活一家數十無辜之命以摧蔽主植黨之奸豈世俗僥倖心者埒哉旣荷知眷驟列台鼎慷慨任事署都察院而申明憲綱糾正下吏風紀肅然在內閣持議正直雖屢蒙嚴責而剴切益堅密謨論同列多不與聞清勲戚莊田革矣伯世襲罷鎮守內臣在

閣三十年不進一貂璫不容一私謁不濫廢一子侄吏兵文武二選所指爲內閣質庫者未嘗有纖芥之私道有不合卽奉身而退永懷一篋已渡潞河既有溫旨旋踵復入以行李鮮而內顧輕也霍文敏素伉直不輕與人而獨重文忠子故祖其說而論之如此

世宗命祠官奉太祖南向而羣廟遞遷就室各南向退德祖於祧殿不預特享大綸按太祖以德祖居中而懿熙仁同宮異室孟春特享於羣廟三時

支華平先生集

卷三十七

十

清旦閣

合祭於德祖後改建太廟同堂異室四孟歲除俱合祭罷特享禮英宗升祔九室已備憲宗祔祧懿祖孝宗祔祧熙祖武宗祔祧仁祖而以德祖爲百世不遷之主特享太祖太宗皆昭穆相向奕世久遠揆之親盡而祧功德最大之說太祖南向德祖居祧誠萬世不易之制也

楊公繼宗守嘉興時治行冠海內先曾大父遠庵公作去思碑述之甚詳且核已嘉靖中有何社者來守郡見之曰果爾後之守者曠能繼之命仆碑

而何之清操美政直逼承芳乃稍厲威嚴爲忌者
所中以去逮嘉靖辛亥劉公慤亦廉謹雅飭斤斤
自守不做上不虐下待冠裳以禮庶幾哉楊何之
流亞也

陸質齋邇慈惠清謹淳德篤行持身如處女愛民
如已子服食之儉待人之周庶幾循良吏云

吾嘉興郡自國初至今推清士五人焉曰吳昂曰
林相口錢同文曰陸埤洎我先曾王父支立吳公
科甲中雋材也尹宜城課民耕織更新建值寧藩
支華平先生集卷三十七 十一 清旦閣

亂其全活甚衆歷官右轄布衣蔬食出無軒輿似
邨中長老耳林公以鄉科爲校官廉靜絕俗不輕
然諾士民亂官兵征之不克監司撫之不從曰但
得林師傅一言于戈立解後遷靖江令務以道化
民居家儉素談理學至老不輟錢公少年科甲蒞
績溪斤斤如書生稍遷至萊郡收尋請告瀕行其
父謀于堯庫知羨金四百錢囑其挾爲行資伴諾
竟申白監司歸則從羽士修長生術未四奏卒無
子陸公故富家子與里中兒故爲煦嫗得其歡心

爲岳州守一介不取救荒有善政遷至中丞卒于
宦我蓮庵公某廉儉性成爲諸生皆卽以名節自
勵憐貧士而讓之廩同考順天巨瑞汪直投千金
欲私其任不可且發之幾及于禍不恤也篤孝二
母生事盡力死事盡思詩文非關世教不作不若
世之能文者貪潤筆而輕授也旁通醫卜堪輿貧
不能延者輒赴之却其謝莊公某所稱明月一溪
清風萬古非虛譽也而先祖興濟諭菊岩公及先
子寧國訓槐谷公皆守其家法取與言動悉揆諸
支華平先生集卷三十七 十二 清旦閣

義實公之貽善善耳支大綸曰我先曾祖遠菴及
吳公昂有能有守吾無間然矣林失之愚錢失之
誕而陸近于矯然皆濁世之清吏也而林故門生
劉公慤爲吾郡守念林無家卜善地于吾邑以授
之而會有亡賴生詭以理學從林遊日見信遂私
以其地售于人得重價已林病無子其姪謀鬻地
以治後事及之城則新居已煥然矣林姪大驚告
于邑侯王歷田歷田故強察吏亡賴生大窘乃匍
伏林先生榻下請死林曰吾素無地忽有地輒病

奈何以後事重傷吾徒耶卽爲書詣縣解之噫林先生真長者也洎先生卒亡賴生竟不吊云

山陰周天兆太史天成秋官天保黃門天吉侍御皆同母兄弟

潞城之役常中丞主之思川之征姚侍郎主之土魯番之戰陳中丞主之雲中之師劉侍郎主之遼東之請討林寺丞主之

浙布政黃公旂山奏罷無徵米六十萬石七冶貢銀九萬

史華平先生集

卷三十七

十三

清江閣

荆書屠勲平漳寇有功巡撫順天裁京縣夫役昌平牧馬約束中使之取銀魚于寶坻者河間戚晚與民訟田勲請盡歸于民陰子謚康倍

桂文襄夢遭際聖主當日月之際一言遇合驟致通顯偉材雄畧誠有足自樹者既與張羅峯以意氣相激交道不卒其豪杰之故態哉

太常卿彭澤謀遷吏侍時上意嚮夏言澤思陷言會薛侃擬疏國儲事澤携其稿示永嘉曰此桂洲意永嘉愕然密以上聞而澤旋詣薛詭曰相君稱

善乃趣之上上怒逮薛誥主使澤以微詞挑之俾引言侃執不從及五毒備至奮筆書曰聖上之明且爲太傅所誤薛侃之愚宜爲彭澤所賣上悟釋言斥學敬悛罔著致仕澤戍侃爲民支大綸曰彭澤計獵美膺奸狡百出卒以自陷可謂愚矣永嘉遂以上聞何耶聖諭洋洋悉中情款卽古法吏猶當退舍云

極言直諫爲臣死忠誠善矣然或激于意氣或迫于利害或有所倚藉罕有久而不敗者當馮南江

史華平先生集

卷三十七

古

清江閣

思上百官圖及朝審唾罵汪太宰豈不毅然丈夫哉倘微一死其與龍逢等烈矣貸死而歸溺志田宅妻妾子與死生嚙蹤之喻元晦浮海黎渦之詠豈謂是歟或者謂南江上疏時張寵漸衰而夏春方殷汪鏌素不厭人望故爲雖貴以自固則責人亦苛矣邇者雲間之董海虞之趙皆以暮年貪戾爲士林所鄙惟吾鄉錢海石機直諫挂冠談道績學至老一節而鄒南阜元標沈繼山思孝抗論編戍以迄今日皎皎自樹不改素尚倘能持之靡忒

俟蓋棺後當爲大書以示的乎

君臣之際豈不以勢哉當昭聖之握金符而之興國也予奪惟后阿柄一握而授阿之命且縣之我矣昭聖固曰皇帝我所立耳而日以疇昔之勢繩章聖章聖弗堪而帝心如芒刺矣張宦齡延齡當議大禮時盡不肯伸永嘉之議以自固哉而以既陳之芻狗沾沾于貨利聲色之間真茂恭所謂財虜耳微茂恭昭聖金甌之後軌而帝其有考叔之悔乎

支華平先生集

卷三十七

五

清世閣

岑猛之亂胎于盛應期之索賂而誣反終于陶諧之獲賂而廢法上下相蒙以墨爲政遠夷安所瞻仰今之流官率以遷謫庸流處之惟務私橐西南其多事乎

游居敬疏劾王守仁湛若水之學皆祖陸九淵而私躬書院附和標榜以號召噉名之士夫王湛之學卽出于九淵亦何詭于聖人生徒聚講卽有虛談豈不愈于商財射利之黨書院卽非勅建亦猶勝于淫祠梵宇之輝煌居敬不彼之攻而操戈以

戕誦法孔子之徒是亦不可以已乎

世宗欲除禁中佛殿建慈慶慈寧二宮併大善殿金範佛千百皆燬之懸度佛骨佛牙屏去殆盡誠千古快事哉

按郭勛疏復鎮守內臣革監收錢穀毫省夫勛怙寵稔惡衆醜畢備而此疏乃敢于深結內侍杜塞言路大臣恇怯而諛佞言官首鼠而模稜聖主亦曲徇而暫行何勢燄之懾人一至此哉

嚴寅所清猶介一節過于趙忬而厚德憐才有休

支華平先生集

卷三十七

六

清世閣

休大臣之度焉得人如此真子孫黎民之利哉惜天不憖遺在冢宰不數月而病病之日爲萬曆癸未三月二十五日是日地震有聲天亦似爲公惜者噫惜之而不留之何耶

陸文佩珮以鄉科令清河掾荒盡心力教以紡織歷官郡守有惠政恂恂雅飾不涉公庭以廉恥自厲者

嚴嵩內結貴璫外布黨與旣滅邦憲復逆天道公殺諫臣自楊繼盛死而沈鍊郭希顏繼殞矣卽閹

門寸斬不足以洩義士之憤也

李默博雅有才負氣好以愛憎軒輊人在銓司亦通賄賂及文華以策問構獄則近於反唇腹誅之法矣故人遂惜默而罪文華

吳鵬平生醇篤清謹斤斤自守典試山東三督學政皆有賢聲爲大司空家無厚貲及嵩以李默繫獄而令鵬代之進畏重禍退戀美官遂大喪生平凡內外要職皆奉嵩指授及陸炳與內璫用事者取次賄鬻鵬奉劄記遷授廉敗抵牾間有所私皆

文華先生集

卷三十七

七

清旦閣

散秩下地耳而竟以穢聲終斯時也剛則爲默柔則爲鵬士君子將安所樹立乎

嘉靖乙丑徐必進爲嘉興守講學有吏才平湖丞汪某以事宜按治其子諸生汪在前哀懇不得釋洎丁卯在前同計偕戊辰成進士得授嘉興司理乃大脩怨于徐徐每事容之會穆宗登極赦將至徐括諸贖緩逮嚴督之蓋皆閭左無賴所侵負也汪故以永帶爲之代償于是郡中人人德汪而怨徐矣已徐遷去汪乃挾諸同事者以賄聞于部使

會逮備諸楚辱而罷不五年間而報復竟如反掌云

汪侍御文輝疏言秉政者勿用希旨之人其採時之讜謨邪佞之鍼砭也然彼儉夫壬人假風聞言事之權肆殺人媚人之毒縱能行私于一時其能終道于天網乎

文華先生集

卷三十七

七

清旦閣

支華平先生集卷三十八

稿李 支大綸心易文 著

應劭 四十二則

我明詩文自羅玘始脫陋習李夢陽遂逼漢魏何景明並擅聲華于時薛蕙楊慎高叔嗣陳束徐禎卿陸粲袁宏鄭善夫屠應段何良俊黃省曾各就所近成一家言而王廷臣王維禎暨先曾祖支立尤春容爾雅卓然名世矣至嘉隆間李攀龍立幟濟南王世貞嗣聲江左與吳國倫徐中行梁有譽宗臣號六才子而汪道昆劉鳳張佳胤皆挾所長以主夏盟卽才識不同體裁迥別要之不離古則也若皇甫三子余曰德張九一魏棠李先芳豐坊莫如忠黎民表袁福徵王世懋孝廉王文祿國學盧構文學徐渭布衣沈明臣俞允文謝榛雋材藻思詎在六朝之下哉邇來老成凋謝士罕標模而李維禎屠隆穆文熙湯顯祖馮時可方沆余寅王穉登陳文燭馮夢禎鄒迪光郭正域奔軼絕塵未見其止倘遇右文之世何減洛下至如孫文恪陞

夫人楊氏李都憲昂立人陳氏香奩秀句綽有雅音昭代文運于斯爲盛

稿李屠漸山應峻文娟秀典雅綽有先民之範居鄉務崇雅操范言詩晚唐之佳者而頗事生產王文祿文詞贈博時有逼漢語而尚未成家呂憲詩元格也鄭淡泉曉閑于典故場策雅負博聞之譽居官有清望而世所稱稿李五才子爲張芳洲寧姚穀菴綬吾先曾祖遠菴公某洎伍方俞諸芳洲立朝侃侃有汲黯風文亦腴雋可方宋元名家姚支華平先生集 卷三十八 二 清旦閣

綬詩文斐然尤長于書畫而尚豪侈伍無所見俞亦能詩惟吾遠菴公理遠學博詩逼盛唐文矯矯有左氏風間作諧史則類昌黎而孝友忠愛出處取舍爲羅公倫楊公繼宗輩所宗其吾郡人文之冠冕乎

嘉靖辛丑御史楊爵條列五事謂失人心而致危亂 上命逮繫越六年爲丁未宮中火傳詔速赦楊爵洎歸富平俄有大鳥集其舍爵曰吾死矣自爲墓誌果卒支子曰楊公稍介清苦忠直性秉絕

無干名競進之念居家時有旨逮繫官校以屬按臣乃故以好過從適公方飯几有麥飯一盂蔬一盤見按臣卽與同食食畢官校入繫之公卽與偕行諸官校曰盍亦一內別乎公曰去矣不復顧官校吐舌云楊公慷慨乃爾其磊落慨慷之氣可輕擬哉此予聆之原按臣者

河套之役夏桂洲言豪邁辯博果于有爲曾石塘銃慷慨任事不避艱險將相調和力主奎議以復百年之故疆建匡攘之全策偉哉振古之畧也獨支韋平先生集卷三十八 三 清旦閣不念權奸內固鷹犬外列側目伸喙而思遲者方日夜甘心焉而乃坦懷張膽自以無前謂帝知已了無顧忌息壤固在其奈屬垣之語何嗚呼成宣以後大將無推轂之權英雄無借筋之籌久矣奚惑于二公之不終也

按朶顏泰寧福餘三衛夷其俗喜偷剽時入漠北盜馬三四人驅千百匹虜覺輒降事爲之向導至昏子女詛誓相媾而貪中國賜予歲來朝撫之厚則以夷情我告少迫則驅入虜矣信則墮其計善

處之可以爲間卽藩離失而耳目猶在也

商大節當虜入犯時奏募異等材力士倍廩精練以備非常仇鸞以秋防徵之使隸已麾下復徵太節守都城商自以卿貳非鸞所得轄兵部邏卒不隸京營祖宗良法逆鸞安得專領因奏其包藏禍心妄稱抑之以除禍本鸞力排之逮大節繫獄尋斃獄底鸞之怙寵肆虐如此

仇鸞以鹵莽之資負梟雄之志南北奔馳累建勛伐庚戌勤王奮勇無前慨然有封狼居胥意亦良支韋平先生集卷三十八 四 清旦閣

將才也世廟以雄畧神武威福莫測鸞獨荷隆眷朝紳側目政府甘心乃揚揚自逞驥貨專恣嚴嵩陸炳一梟一狐日肆媒孽身沒未幾誣以反逆似爲未協是時俺虜方強而我兵積弱內有權奸外多債帥乃以師出無功爲鸞罪則庚戌之大舉非耶馬市不終羣議咆哮而隆慶中王崇古力倡市貢世無異同則內閣有主之者耳噫帷幄無援英雄失魄蓋從古以然矣

宣大總督楊順與張鶴路楷朋比爲奸而中丞朱

及不與焉松債歸笈復詆順不置順諧之嵩乃以右衛園罷之洎順措被逮科臣往勘詞連笈以順罪坐之順顧得輕比識者議其不平云

劉公訥值武廟南幸時視篆蕪湖中貴索饋弗與繫獄罷官帝卽位起廢歷官大司寇會王聰告許獄與株連薦紳訥爲覈實聰竟伏法而訥以遣歸蓋毅然守正之士也

程司空文德篤學醇行以理學自任好談世務足稱儒者然俛譏玄文狠狽罷歸孰若見幾而作之

支華平先生集 卷三十八 五 清旦閣

高哉公自恨不究所蘊而人以迂闊疑之吾方惜其迂闊之未真也

余大父菊岩公宦江右見郭希顏入試方十三齡而七篇立就不加點竄蓋天才也晚年一疏理確詞贍有賈長沙風乃不得保首領矧望前席哉王公忤恂恂長者悉心體國通州之役不避死亡畫策守城以全國儲帝眷日篤游登樞佐薊州邊備久弛整頓艱屢至失律遂干極典蓋帝固重軍政雖勲戚不少貸庚戌之警尤惕於衷故二子

如世貞世懋皆竭慮殫力陳乞生全終不可得華亭乃干罪嚴嵩至方秦檜之殺武穆是以君子惡居下流

趙王厚煜有賢行嘗屏妃妾獨處一夕以二蒼頭侍寢早起見王縊于床下其子以狀聞而歸罪于彰德守傅汝礪別駕田時雨傳戍極邊田以威逼諭死支大綸曰潞州王與民爭田時雨治其奴王皆爲營解弗聽湯陰府將軍與汝礪索糧不與又因其奴王令厚燭詣府丐免辭不見乃見時雨復以語侵之此亦謬悠無足死者深宮祕密波及重典宗盟厚矣如三尺何

支華平先生集 卷三十八 六 清旦閣

陶仲文以刃術事上二十年恩寵爵賞勲貴莫敢望而又得以善終亦好佚也陸炳事帝南巡負帝出火府膺春法尊寵于廷臣無二身任金吾致奸宄法紀甚肅而豪倖自奉資產巨萬爲君子所譏然每遇大獄曲爲調護保全縉紳亦武弁之豪也當路忌之者皆俟易世乃敢拾朽骨而搏之昔人譏懦夫不敢攫生虎徒搏死虎耳嗟乎希寵畏

勢貪生負死將焉用彼相哉

海瑞霍與瑕廉直有守可方古人而袁氏一白簡去二廉吏不畏人亦不畏天耶通爾時柄國者曾不爲一主持直道難容金多交深惜哉

胡宗憲開府浙中滅倭靖寇江南安堵卒死請室坐償軍中無名費破其家於虜漢高用陳平捐數十萬金不問其出入假令銖銖而較之曲逆僅敝席曷償也羽檄星馳干戈接腕死生眉睫不有重賞時爲勇夫卽偵探間諜必入虎穴得一語輒捐

支華年先生集

卷三十八

七

清旦閣

百金事平而較其盈縮此百金者孰爲聽之而孰爲覈之也少年刀筆沽直報仇動以文法繩人吾見軍政之不復振矣

胡宗憲古良將才也其裨闔縱擒玩弄點賊於肘腋間東南數十郡賴以無虞厥功懋哉時幸惡嵩而因惡其所與用者嗾黨攻擊死於非命令宗憲無死北攘俺酋奚至屢迫京畿焚掠無忌也虜寇日政府諸臣束手無策靡財殺人幾旬爲墟胡不以罪宗憲者畫一策哉

浙江自麗尚鵬行條編民始得帖席矣行之未幾奸利漸生坊甲旣徵公費而坊甲之費如故錢穀旣徵腳價而銷解之役益繁催科則勒贈耗發解則扣羨餘至有執空券而不給分文授虛牒而強令賠解一切冗役槩徵銀以入帑而民苦布粟之不售及其闕給又尅以充貪廉矣古稱有治人無治法詎不信夫

近來條陳多謬悠漫濫市名避禍具君時來上保泰九劄皆切時政鑿鑿有據而不及于禍者以不

支華年先生集

卷三十八

八

清旦閣

涉庵寺也讀其疏時事可知矣陳公以勤入閣未幾拂永言旋是時內豎竊柄旣不可爲而新鄭繼至事多忤戾見幾而作文端之謂乎

嘉靖戊辰漕河塞朱鎮山衡董治河議開新河一百四十里嘉靖盛應期故道也用金二十萬募役夫十萬人皆携妻襁子而至臺諫忽交章攻之俄報罷時金之散者不可復數役夫聚者又不可散鎮山計無所出幾不欲生後有主之者乃復興役

河卒通迄今且三十載安流矣少年之喜于攻擊而不知要領如此近如石星在樞密西夏叛則劾之朝鮮潰則劾之至冊封日本羈縻之術耳及正使中路潛回而攻之者益力迄逮繫瘵死獄中子才七齡耳與妻同戍於戲時事之不易任此其前車矣

通貢互市始議甚譁王公崇古毅然肩之而卒成其謀以免戰爭之慘蓋二十六載矣和則財費戰則人費利害相當然中原膏血歲糜虜腹邊兵枵腸役于虜以延殘喘而胡漢雜居無復畦畛當如近憂何

山東海運王公宗沐嘗力任之而卒不濟然王公卓然名世之賢也中世徂近利而暗遠猷標門戶而忘國計立論者逞攻擊之私主畫者多退避之巧而高賢不究其用矣語漂溺則河安而海危語牽輓則海省而河費若一夫作難而瓜儀決隄徐淮潰河臨濟敗關則合海漕其奚賴焉但太倉起帆元跡可做而乃云淮安出海以避險不虞瓜儀

之梗乎閩南商賈泛大洋徑東海如馳道奚獨于漕運而難之

高公拱與趙公貞吉相引重意氣款密然拱將快意于所郡而貞吉喜因事致功不能無生得失而張居正鉤致其隱交關其中以微漁人之利會祭日二人至振矜大詢云

趙貞吉雄才直節志在國家使與高拱同心一德以究所施天下不足平也奈拱既激昂任氣自以無前而貞吉復以氣亢之遂致忿爭固豪傑之常態而小人伺瑕投隙妄肆攻擊使君子不安其位尼父所爲惡利口之覆邦家者

高拱當鼎革之時居保衡之位開誠布公周防曲慮不阿私黨不顧私家卽古社稷臣何以加焉不幸比之匪人反面旋噬狼狽出走資斧盡喪亦足悲矣而張居正以擅政夷宗視高禍什倍其慘禍福之幾亦安有爽哉然拱天資剛愎持論多偏足已而不稽于衆任氣而不折于理抱朴忠而專政恃偏才以益人易所謂亢龍有悔殆謂是乎

楊公博自本兵入掌銓柄五年所持公論植桃李毅然不屈于權貴且事多調停賄賂少息故人多歸之

按部臣議宗藩國初親郡王將軍四十九人女九人永樂中增封四十一人女二十八人而祿入已損于初矣迨隆慶中玉牒四萬五千一百一十五人而見存者二萬八千四百五十二人歲費米八百六十餘萬倍于漕糧四百萬矣宗室既困于衣食而民力不可以加徵欲令親王分祿以恤宗則

支華平先生集

卷三十八

十一

清旦閣

刻削已盡不可復裁欲令各宗自育其子姓則子姓日蕃後必不賸欲將分封數多之城分散各城使不妨民生計則所分之城何獨無民欲弛出城之禁士農工商俾各自營生業而強暴之禁格于祖訓謀臣盈庭而莫決計部踟躕而興嗟也久矣安得君相同心造膝熟議破拘攣之格而盡復周宋之法乎

待詔劉奮庸疏列五事言中窾而承望風旨迎合權要尤切中近世言官之病

羅一峯倫廷對策中傷庵寺宮壺執政欲裁之不可是日將莫猶未終卷內璫曰秀才何事熬煎狀頭豈若耶羅曰忠愛之心不能已耳何必狀頭直聲大振遂擢甲首張芳洲寧策長卷不能終執政特為添一卷而讀者忌之竟抑置三甲予廷對前一日先市一卷自試所蘊未半而卷盡復市一卷乃得成篇試日因用二卷併粘以入而策中敷陳多觸時諱對畢見羅康洲于會極門語以故羅訝之至午門復以語張堯年張亦訝之竟置三甲不知所由或有傳當湖一人故抑之聞廷試卷內無稽核可隨意軒輊耳大都直道日衰而忌直者日甚云

支華平先生集

卷三十八

十一

清旦閣

南陽豐坊歲舉一醺一詛諸希紳伎已者一詛諸鄉人諷已者一詛蠅蚊虱鼠夫蠅蚊虱鼠雖朱恩知其不可去也則諸怨家又安可去乎聊以自適而已此豐生之達而世顧曰癡則世之操戈以刺仇者顧不癡哉

朱虞峯廷益自丁丑通籍至庚子仲秋歿于留都

貧不能具棺諸同人醵金市杉木爲之既殯歸葬
議易以杉板支子曰官至通叅宦遊中外二十餘
稔而不能殮棺以杉顧不美與白玉爲棺黃金爲
槨吾不與易也

晉江黃司寇晚年居鄉有不干請名乃安溪令俞
仲章以叨愜被問司寇特爲營解予怪而問之則
曰適以造屋乏用悅受其酬耳嗟嗟屋造人耶人
造屋耶以人造屋乃損人以利屋屋完而人壞矣
穴垣補牆隙墻成垣已隙斷屢補穿屢成屢已
支華平先生集 卷三十八 三 清世閣

蘇州人伍袁萃以險刻之心忿戾之性而自托于
迂腐其穢行不可勝舉醜聲徧士林卽如督學吾
浙凡當路富豪子弟靡弗以私進聞取一二寒士
則試卷之最腐爛者時論大譁至以蘇州人慣收
古董譏之予在西江時嘗有一而竊效忠告之誼
弗聽則咏丁酉學政紀事一律以諷之而袁萃之
怨到骨矣輒欲中予以法而清苦山癯莫之可乘
予亦以義命自信而已

魏公學曾經經自守風概凝然多大畧嘗以邊才
自任人望久屬故寧夏之變廷議首推較之魏亦
慨然身任欲以信義招降保全士民久之未下而
言者踵至夫招撫脅從穢厭渠魁詎非行師之正
法哉乃英主御遠臣不若曾母之信曾參審矣而
彈章且數十上奈之何其不投杆也但用兵固有
機宜安可以意見勝者不察情形不究本末動以
執倖獻賦計功旦夕言之非艱行之惟艱事莫不
然況勅敵當前瞬息萬變而欲以一人之意見強
支華平先生集 卷三十八 四 清世閣

事以從己私乎故士生斯世以羈旅之身而思建
無前之畧徒足以僇其身而已
蔣時馨頗有清望與鄒吉安以氣節相砥礪在南
部爲時所推改入北銓曹尤卓然自豎癸巳司考
功力去壬夫深懷輿情

丁某者險刻放恣人也嘗推漳郡有穢聲以與援
入臺而廉其後者不置乃以建言謫補外尋營遷
憲副穢聲益彰蔣考功以大計黜之其黨人遂齟
齬考功孫太宰直陳于帝曰某賍賕狼藉數且十

萬有奇部從輕典以不謹黜而言者私比必陷待
某其何以行法上命逮訊黨人益相翼護僅坐八
千金帝命罪以永戍而蔣亦削籍蓋丁嗜啞叱訖
性如乳虎而挾建言名黨與在朝者者什伍成羣
互相標榜翁翁訛訛陰挾閣部而振其權所在酷
烈驕淫不可向邇非孫太宰之剛正蔣考功之清
直丁其終漏網矣

黃大賁守潁州爲按臣所劾竟自經死死之日先
以衣服二篋授家丁携歸而入覲費用還之庫胥
支華平先生集卷三十八 五 清田園
益其清介不私志在立名橫遭非意之謗以死亦
可憫矣

言官直諫詎非美事顧人品不可不辨惟真見義
理事勢不得不言而言者方爲正人乃其機會亦
有難易焉如世宗朝前二十年攻張桂後二十年
攻夏嚴而又當其寵盛時及言聖德聖政者是曰
難穆宗朝攻內宦爲難今上即位初年攻張居正
自後攻奄寺爲難如楊繼盛沈鍊王宗茂海瑞石
星吳中行沈思孝李植鄒元標王德完諸人是已

其一時激于意氣者或素有疵議畏人指摘而沽
建言之名以去者或初附其執力策其將敗而劾之
以自脫者如胡守中之論郭勛耿御史之論吳鵬
丁此呂之論高啓愚惡在其能直諫也守中爲侍
御發楊氏餽金又發承天府墨吏餽金亦自皎皎
及論勛助盡出其私書交通苞苴狀遂典極刑亦
可歎矣

王司李養俊狷介恬靖動準古人予嘗戲擬薦語
云節愛足培國本清貧殆破天荒遊神物外飄然
支華平先生集卷三十八 六 清田園
鳳翔千仞之襟期坐鎮寰中隱然虎豹在山之風
力

我郡習俗猥薄競進好貨于理學之途邈矣惟吾
曾王父遠菴公及鹽官錢海石薇斤斤守其師說
視躬正家不爽尺寸耳昔余嘗從龍溪先生遊有
友人相詫曰講學者吾常肆諸市朝嘻常紳且然
何怪乎習俗之千古也

洪武中雲奇守西華門胡惟庸以醴泉出井請上
往視鑒輿出奇衝蹕言狀氣勃峭駛舌不能達上

怒撾之垂斃循作指授狀上悟登城望胡第則披
甲壯士且伏屏帷間數匝亟返胡就禽乃召奇氣
絕矣沐敬隨成祖北征四旬兵困餉殫六卿諫者
悉鎖項敬苦諫上叱曰反蠻敬曰不知誰是反蠻
上怒且縛而殺之言益烈上曰內臣皆能如敬何
患遠人不服乃釋之爾時陳無亦得上心蒙賜忠
肝義胆印景泰時與安廉介不汚多所裨正阮安
脩京城南宮諸所勤敏不遺餘力平生所得賜資
盡供費用成化中懷恩以懇直黜居鳳陽及召入
支華平先生集卷三十八 七 清江閣

司禮去萬安薦王恕弘治末何文鼎力詆成晚張
氏司禮李榮被杖瀕死置聲不絕劉瑾亂政王岳
居東廠維持士節武宗欲杖言官岳長跪乞宥誦
成孝陵行至臨清爲瑾所殺蕭敬老成諄練正德
中承嗣實多孫裕孝皇舊瑞嘉靖初泣諫不孝孝
皇及罪戚晚世宗捷之自經于孝廟萬曆時孫隆
以督造鎮蘇杭後開礦推稅諸瑞皆其卑儕約束
之弗獲逞江南數郡以安此皆內瑞之翹楚也
浙中倭亂張經治兵而趙文華以祀海視師至不

相能一日會飲優人演琵琶記值趙氏臨鏡經詭
曰趙女可愛張少鞠于蔡氏初宰嘉興時猶名蔡
經趙觀至掃雪笑曰老張無耻何故拜蔡家墓也
夫人有如此機變而不聞豎尺寸功故知利口之
無裨于邝家也

支華平先生集卷三十八

支華平先生集卷三十八

大

清江閣

支華平先生集卷三十九

稿李 支大綸心易父 著
雜割 一百二十五則

余生平無知已嘗自評之早起夜眠冷水櫛盥惟
木梳知之中夜怵惕瞻前顧後惟石枕知之攻苦
食淡蔬糲自甘惟木筯知之千步萬回周棟繞舍
惟破皮鞋知之囊中屢空東那西補惟巾盒知之
若乃覩時事而畫補弊之方念國是而謀匡攘之
術遠思紹堯舜周孔之緒近思振 太祖 成祖
支華平先生集 卷三十九 一 清江閣
之烈惟毫楮知我耳管人欲以青蠅爲弔客于于
此七生亦頗稱知已云

管人云五十不造房六十不製衣予今七十矣彼
求田問舍出本人息固于在得之戒而攝衣冠低
眉向貴人叩伺鼻息以爲容悅便是阿耨地獄人
吾齋者惟息機忘言澄神默悟不得已而談玄證
諦性命雙脩不得已而注策勛名證脩道德至商
榷古今較裁文藝亦已下矣客有豔談勢利侈競
莊宅舉借錢債卽奉身塞耳而道弗復敢見

却衣凍歿后山以趙挺小人故宜却之倘同事諸
臣有綈袍假以禦寒陳其不灰矣羅一峯倫在南
都掌翰嘗乏米輒以赤一書數字向先曾祖蓮菴
公索數升不復償而時亦不言及乏則更索真相
知也

劉卞功云母以嗜欲殺身以貨財殺子孫以政事
殺百姓以學術殺天下後世

契教人倫湯闡降衷高宗言道言德箕子陳洪範

孔子教萬世子思作中庸一脉相傳只是道學羽

支華平先生集 卷三十九 二 清江閣

翼名教其功莫過于孔氏矣

宋潛溪曰積丘山之善尚未爲君子貪絲毫之利

便陷于小人又稱人之善或過其實不失爲君子

揚人之惡或損其真寧免爲小人

晏子曰古者飲酒周觴五獻過之則誅漢法三人

以外無故會飲者罰金四兩宋法夜聚飲酒曉散

者坐死罪

曹月川里中二叟一劇談勢利口吻津津一沈默

寡語惟以尋幽吊古爲言月川曰一是黑風暗雨

一是青山白雲

凡奸人皆以惡行善故外柔而內狠口蜜腹劍婢
御奴顏若小人則無忌憚敢干爲惡

東坡不好史記而表忠觀碑王荆公謂其似諸侯

王年表

每年正月上旬十日支內無子則大臣多不安其
位

每月初五十四廿三月忌此三日卽河圖數之中

宮故不可用此龜甲空亡之理也劉和父却云是

支華平先生集

卷三十九

三

清江閣

君象故不敢用

俗以月三旬爲上浣中浣下浣唐制十日一休沐

也故書應物曰九日馳驅一日閒白云公假月二

旬

七歲曰悼十年曰幼二十曰弱冠三十曰壯有室

四十曰強仕五十曰艾六十曰耆男子耆而閉房

七十曰老家可傳矣八十曰耄九十曰耄百年曰

期

少昊十二而冠文王十四而生伯邑考禹益治水

皆未二十

山東無虎沂無狼廣東無兔蜀無鴿

猪婆體似龜能穿河岸

王氏曰水潦蜂蛇蟲皆化爲魚鼈故不獻

郎仁寶曰春風自下而上故放紙鳶夏風橫行故

樹杪多聲秋風自上而下故葉落而冬則着土而

行是以吼地生寒

北方蕭山有涼火

腹不飽詩書甚于餒目不接前輩甚于瞽身不遠

支華平先生集

卷三十九

四

清江閣

聲色甚于穿骨不脫俗氣甚于痼

劉貢甫學顏帖文公學曹操反謂劉劉云我所學

者唐之忠臣公所學者漢之篡賊

姑婦女也息小兒也亦姑且也息休也故云姑息

宋有章氏二兄弟各主一窰兄爲哥窰弟爲龍泉

窰今處州龍泉縣

漢文晉字唐詩宋理學元詞皆足千古

細腰蜂螫有雄無雌龜鼉有雌無雄

狼行必駕兩狼失狼則不能行

張弘範張世傑兄弟也一爲元抗宋一爲宋伐元
李白謁相君稱海上釣鰲客相君曰先生臨滄海
釣巨鰲以何物爲釣何物爲餌何物爲絲白曰虹
霓以爲絲明月以爲釣天下無義氣丈夫以爲餌
相君竦然李賀謁退之投以詩退之展讀至黑雲
壓城城欲摧甲光向日金鱗開韓退迎入與語驩
相得也白居易以詩謁顧況況曰長安米貴居大
不易及閱野草詩野火燒不盡春風吹又生況曰
有詩如此居亦不難予性懶謁貴客而來謁者亦

支華平先生集

卷三十九

五

清江閣

懶接見夫人有前數子之才而自托于枉尺以求
直然且不可況無其才而匍匐朱門者乎

蜀文滄五齡悟前生失香囊于杏林晉羊祜五齡
悟前生金環取之桑下張方平官滁州遊瑯琊山
寺悟前生寫楞嚴經未完和仲有詩前生我已到
杭州

石經大學與古本不同宋儒分經傳戴鄭賈三家
無此

學庸皆子思筆賈逵曰孔伋居宋思先聖之學不

明故作大學以經之中庸以緯之

尼父論明期于浸潤之諧膚受之愬不行蓋止能
不行諧愬明猶不遠必諧愬自然不行如青天白
日之下自無魑魅魍魎乃爲明之遠彼察察爲明
者且未可稱明又何論遠乃若并察察之明而無
之隱中卜諧愬而不覺者亦大可哀矣

季氏富于周公孔子書法也周公魯之始祖言其
僭也

文王美里時年八十八演易彖詞是也

支華平先生集

卷三十九

六

清江閣

伏羲八卦文王重之爲六十四卦非也觀龜筮協
從則舜時有之觀取諸渙取諸益取諸噬嗑取諸

豫取諸大壯諸語則黃帝時已有之
先天乾南坤北後天却以南離北坎而不以長男
長女代之老易同處也

讀乾彖見文王造周之德讀坤彖見文王事殷之
心

虞戲作易非取河圖也繫辭云仰則觀象于天俯
則觀法于地觀鳥獸之文與地之宜近取諸身遠

取諸物于是始作八卦以通神明之德以類萬物之情

乾坤大父母也復姤小父母也乾一變生復得一陽坤一變生姤得一陰乾再變生臨得二陽坤再變生遯得二陰乾三變生泰得三陽坤三變生否得三陰乾四變生大壯得八陽坤四變生觀得八陰乾五變生夬得十六陽坤五變生剝得十六陰乾六變生歸妹本得三十二陽坤六變生歸妹本得三十二陰乾坤錯綜陰陽各三十二生六十四

文華平先生集

卷三十九

七

清江閣

卦康節知大畧遂知古今

詩無燕風有召南無宋風魯風有商頌魯頌文王未有天下故不稱頌而稱周南

木瓜詩序美齊桓公也衛有狄難息居于漕桓攄而封之遺以車服衛人思報之故作是詩朱子乃云相贈答吾以爲介甫非春秋永叔非繫辭傳君實詆孟子程氏改古本大學晦翁不用詩敘其失等也

堯典以親九族九族既睦九族父族四母族三妻

族二註高祖至玄孫則有既死者有未生者果何以親而何以睦耶

四岳卽許由故曰許太岳之後史記所載遜位事與書遜四岳相同南華經亦有之

進不賢蒙顯僂于堯時見之驩兜薦共工共工流而驩兜亦放

書紀鯀治水九載績用弗成後禹又治八年是十七年而始平成也乃相傳堯有九年之水豈只指鯀治水時九載耶鯀亦止治太原一處何須九載

文華平先生集

卷三十九

八

清江閣

大抵鯀不以用合禹八載而成九載也史臣從事後追論之耳

劉漢唐堯之後

天左旋日月星辰皆右轉曆家之言也蔡傳皆以爲左旋太祖非之太祖又于行兵觀察必與

古語畫衣冠而民不犯史記取衣冠而赭之又易衣服受辱則五刑有嚴殆亦有罪人之衣服非上服下服之謂

尚書筆法極好如禹曰后克艱厥后帝卽曰惟帝

時克禹曰朕德罔克舜便曰克勤克儉看他何等
照應

古人發語大有斟酌如四凶乃一起人禹論知人
安民曰能哲而惠何憂乎驩兜何遷乎有苗若更
舉共工則鯀卽不言而亦見矣禹却併諱共工止
曰何畏乎巧言令色孔壬

舜五臣皆得天下禹不必言矣股契之後周稷後
秦益後皋陶不可攷人遂傳會刑官無後且舉左
氏臯陶庭堅不祀以實之不知此乃設監戒之言

支華平先生集

卷三十九

九

清江閣

如云若敖氏之鬼不其餒而之比也楊用脩辯之
詳矣張平子思玄賦曰咎繇邁而種德兮樹德懋
于英六注英六國名楚末乃滅然以益爲臯陶之
子則似無據唐李古之理官乃陶後也此說較是
李獻吉亦曰咎繇爲理官因姓理咎繇裔孫理利
貞逃難伊侯之墟食水子于是更入姓李

昭王使觀射父侍太子辭曰堯有丹朱舜有商均
夏有觀扈周有管蔡則夏啓所征有扈氏亦同姓
盤庚不肩好貨永肩一心蓋好貨者不肩矣惟敷

民德者不二其心于貨故永肩

高宗曰爾惟訓于朕志傳說曰學于古訓乃有獲
古訓乃古大臣之訓君者二訓字甚關切

高宗彤日越有雉雉言高宗之廟有雉雉耳訓詁
者乃謂高宗黜祭而小乙之廟有雉雉則高宗固
賢君也豈宜有是而爾時傳說尚在也何以不諫
況高宗乃廟號生前亦不宜逆書傳會者至云黜
于祭祀說之先見其微也益舛矣

湯伐桀曰予有慙德武伐紂曰于湯有光卽此二
支華平先生集

卷三十九

十

清江閣

語可別二聖

朕夢協朕卜語甚可疑夢者想也以臣伐君之事
可預想之而預夢之也耶

天下無事不吉無時不吉箕子論稽疑神與人從
者多罔吉矣卽逆者多而作內仍吉至于無弗逆
則凶矣而更自有吉處曰用靜吉可見人常有吉
處在自得之耳

周公居東太公召公在內不爲一言諸史百執事
明知自以爲功代武王之說曰公命我勿敢言君

臣危疑之際如此

逸祝冊是告神作冊逸誥是命公留洛誥命也皆史逸作時成王卽位之七年十有二月戊辰日上節紀日中節紀月末節紀年

周公作無逸敘中宗諸君而不及武王以武王享國不久也和仲謂公有不滿武王意則無逸二字恐武王亦不愧

周公留召公援商六臣以況之而不及傳說重舊臣也傳說故高宗新得耳

支華平先生集

卷三十九

十一

清旦閣

爾有嘉謀嘉猷入告爾后于內爾乃順之于外曰斯謀斯猷惟我后之德此化民之善法也蓋不以君臨之則人不信從指其爲君之德更足以鼓舞天下

葛氏譏其好名失之遠矣

君陳王伯厚以爲周公之子伯禽之弟見坊記注繼周者秦孔子先知故存秦氏于書末

仲尼將修春秋使子夏等十四人求周史記得百二十國實書又與左丘明乘如周觀周史乃作之既成令游夏叅正對曰不能贊一辭乃稽之卜得

陽豫之卦

杜氏謂獲麟而作春秋范氏謂文成而麟至古書用藥染紙以辟蠹故曰黃卷字誤以離黃滅之

兩小兒辯曰廣雅云天去地二十一萬六千七百八十一里半度地之厚與天高等南北相去二十三萬三千五十七里二十五步東西減四步而人在地中未至極東極西則視天日午空爲遠出入處爲近其卓午暄炎由寅至午積陽之氣如春而

支華平先生集

卷三十九

上

清旦閣

夏酉則漸涼如秋冬耳或曰天地相去八萬四千里自天以下三萬六千里應三十六陽候自地以上三萬六千里應三十六陰候中一萬二千里乃陰陽都會處天地之正中也猶人身心腎相去八寸四分自心以下三寸六分屬陽自腎以上三寸六分屬陰中一寸二分乃水火交購處人身之規中也夏禹所治海內地東西二萬二千里南北二萬六千里我朝地南北一萬九百里東西一萬一千七百五十里

伏生書傳曰禮致仕之臣教于州里大夫爲父師士爲少師朝夕坐于門塾而教出入之子弟

堯甲辰卽位一百三年舜丙戌卽位四十八年禹十年湯十三年武七年自堯甲辰至元順帝至正丁未共三千七百二十四年

漳州界有烏脚溪涉者足皆黑數十里間水皆不可飲飲則病瘡

以手扣胸欲心清淨以身上下欲氣升降

利人之事可周旋處雖獨力亦當自爲害人之事

宋華平先生集卷三十九

三 清江閣

于戲謔中雖一言不可妄發

唐王起歟歷寺省三任節鎮而不善理家俸入盡

爲妾婢所有晚年寒餒至與伶人分月俸故祿仕

之士不能樽節稍豐則波及狗彘歉則困及妻孥

龍脊首八十一節九九陽之極極則變鯉之鱗三

十六點六六陰之極極則化

鶴守任任陰脉之會鹿守督督陽脉之會故壽龜

以踵息亦壽

十二屬鼠無牙牛無齒虎無項兔無脣龍無耳蛇

無足馬無膽羊無睛猴無髻雞無腎狗無肝猪無筋其子丑等還以星言

道家以雞犬等物皆辰屬且有亡魂不食惟獐鹿非辰屬無魂爲可食

桀以乙卯日亥紂以甲子日亥謂二疾日國有卹忌不樂禮也古人愛君卽獨夫授首猶哀而忌之所謂無所逃于天地之間者乎

龍首有物如博山形名曰尺木龍無尺木不能升天

宋華平先生集卷三十九

古 清江閣

林艾軒曰予年五十只僻處袖手自稱老夫如何

更對人稱得門生從來懶見人懶作書有此二懶

便應出人前不得

古公欲立季名曰歷歷者適也亦歷數之義也泰

伯于是乎逃矣詩云居岐之陽實始翦商書云太

王肇基王迹是夏父時已志在天下矣故宣尼曰

三以天下讓不然則周亦諸侯耳安得天下而讓

之文則名昌武則名發文九十七而卒十五而生

發發卽位時已八十二又十三年而紂亡計百年

之間商德日衰周德日隆天實爲之然其所爲德者亦似矯暴以寬矯奢以儉云耳武王卽位十三年父未葬而尋干戈伯夷數言嚴于鈇鉞

虞夏以降得天下者皆以諸侯陰行善乘主之敝而攘之者也若秦則取之六國六國皆周之畔臣也吳楚越不必言矣三晉皆逐其故主而得國者齊身爲帝田已易呂魯雖存與亡等矣故秦之代周非取之君也取之畔其君者也非若後世之手刃其君也

支華平先生集

卷三十九

五

清江閣

世之議秦者輒譏其革井田建郡邑而焚書坑儒爲禍尤慘不知諸生之坑諸生自取之也妖言誹謗固非保身之道而七國紛峙處士橫議堅白捫闔流其書奚翅充棟不火何以一學術也若封建不革苟得賢者固有所庇矣脫殘墨在御動以數十年民何以生今郡邑長貳一不得人輒挂彈章猶罹其毒稍緩旬時民且不能朝夕而況以世及之主御易世之政乎而井田在今日亦非良法我江南漕粟三百萬石實京師而金錢倍之井田所

入稱是乎又何所得金錢也彼入家者合作能無異同均分能無爭鬪乎且承平數世生齒日繁能每人而給以百畝乎故祖龍與李斯亦因其窮而通之者也

姜子牙以老朱買臣以貧皆爲妻所棄是妻之無良也秋胡志淫而忘親其妻以死絕之晏子之御氣盈志陋爲妻所絕夫固有以取之乎

東坡夢李鷹之文山谷愛高荷之詩二子後行不檢殊爲惜才之累

支華平先生集

卷三十九

六

清江閣

公冶長陰子春能辨鳥音介葛盧能辨牛鳴人之靈通于異類也尸鄉祝雞翁養雞百羣皆有名呼之則應異類之靈通于人也

管寧過海遇風幾覆語人曰吾生平有何過乃遭此蓋嘗三晨晏起一日科頭是吾過乎郭林宗問仇季智曰子嘗有過乎曰吾嘗飯牛牛不食搏一下先大父菊岩公嘗叱一匠人曰若何以爽信既而悔之曰彼方取信于人吾乃直指其不信過矣屠奎爲憲副宦辰州攜辰砂一匣至洞庭時風雨

陡作雷聲大震所盛砂匣忽裂一孔如線啓視辰砂空矣故砂爲精寶良然

夏貴七十九降元不如早死

一當路歸省道經駕湖時嚴寒大風震地舟楫傾摧往候者奔軼而交會惟恐不前支子曰往既而見邑大夫問曰先生何獨不往支子曰恨我止有一副命耳若有二副故當以一奉之令有慙色

宋藝祖臨崩而燭影斧聲爲千古不決之疑夫侍疾何事于斧也而有聲大言曰好爲之怒其賊也

支華平先生集

卷三十九

七

清旦閣

母后曰母子之命皆托官家恐其併賊也而姑寬之曰共保富貴無愛此語出而安能無疑趙普實與其謀而托爲金櫃之盟以欺世致一弟一姪俱不得其死後高宗弗嗣而立藝祖七世孫是爲孝宗歷光寧理度諸君一百三十年畧與太宗曆數相當天道乎若金太宗隨太祖百戰定鼎其功倍蓰于宋太宗及受位而太宗之子如蒲盧帝輩皆人杰弗立也而立太祖之孫蓋金太宗不負其兄天故委之柄以蔽宋太宗之獄乎或云金粘沒喝

背頂有瘰癧宋藝祖殂時狀實藝祖再世以報仇者云

石鼓文周宣王時史籀所書

春水滿四澤夏雲多奇峰秋月揚清暉冬嶺秀孤松顧長康詩也誤編入陶集

秦穆公時陳舍人掘地得物狀如猪羊穆公問二童子曰此名蠃在地中食死人腦若以朽木捶其首卽死故墓空種朽

墓前二石人四石獸人稱翁仲昔魏文帝鑄銅于

支華平先生集

卷三十九

太

清旦閣

司馬門置墓前者非也獸外二稱神羊內駃騠

自古帝王陵寢無不發者漢諸陵爲唐時土番所發唐諸陵五代時朱溫發宋諸陵金人發光武陵砂盛不能發唐武后陵中多箭動則傷人不可發雪航膚見云黃巢發之后被汚非也

烏號弓世傳黃帝昇仙弓墜于地百姓抱弓而號故名或云齊景公使人造弓弓人之妻以太山之南烏號之柘所造之弓進蓋烏集枝頭將蜚枝長彈之而號故以烏號名

東野詩食膾腸亦苦強歌聲不歡出門卽有礙誰
謂天地寬語極悲切人從逆境咏之尤覺有味宋
人竟以長戚戚病之

長者稱先生父兄亦曰先生或止稱先梅福傳曰
叔孫先非不忠也顏師古云先猶先生也或止稱
生如賈生董生伏生宋人稱先生加老

張東海詩東坡昔日此閒行此地今留蘇步名何
事章惇瘞毛骨子孫羞認作先塋柴桑夏正夫詩
縣樓寂寂枕江聲五里荒山二里城彭澤到今更

支華平先生集 卷三十九 清旦閣
幾令縣人開口說淵明

宋南渡後直道不在臺諫公道不在政府明斷不
在朝廷雖欲不亡何可得也

朱買臣養去婦于官舍陸放翁會去婦于沈園而
皆及其後夫

予生平不勉強謁客不勉強作事不勉強摹帖不
勉強讀書不作勉強詩文

顏魯公爭坐位帖唐室亂時禮尤僭紊故書此以
扶世道豈區區坐次間哉

赤賦田單勝燕之日武王伐紂之年景殊不佳予
作一聯云朝旭浮金萬里波光搖若木晚霞散錦
千山紫氣浴虞淵

服內生子經傳皆無明訓自桐門九師譏然明始
也漢唐宋元皆有禁我太祖云禁服內生子必至
絕人生理特寬之近聞一朝士服內生子卽誣其
妻與外人通妻卒自經死一老儒服內生子沉之
江遂絕嗣何其不近人情一至此也

梁朱雀門宋梁主謂羣臣曰此門制卑隘正欲更
支華平先生集 卷三十九 清旦閣

之何敬容曰此先天而天弗違梁武帝時有猛獸
入城梁王瑩曰后夔擊石拊石百獸率舞陛下膺
錄御圖虎象來格

詩有次韻有用韻有依韻先後無易曰次用其韻
而不必次日用同在一韻而不盡用其所拈曰依
斗日互行斗南而物生斗北而死日南而死日北
而生

中外之宮常明者百二十四可名者三百二十爲
星者二千五百微星一萬一千五百二十

晉史中台拆張華應禍我朝中台星常拆乃上下
不交不立宰相之應也北斗七星若有所主分野
第四星常不明白樂天詩昔聞西漢元成間北辰
微暗少光色而今常暗不知何故

昔人有名字偶同者如曾參殺人而子輿之母投
杼毛遂墜井而平原君爲之悲悼又杜欽字子夏
而同時有杜鄴亦字子夏世稱小冠杜子夏大冠
杜子夏以別之陳遵字孟公列侯中亦有陳孟公
每至人門曰孟公舉坐震動及見則非也因號其
支華平先生集卷三十九 三 清旦閣

人爲陳驚坐唐德宗時制誥缺人上批與韓翃時
又有江淮刺史韓翃上復批曰春城無處不飛花
寒食東風御柳斜與此韓翃
漢呂后諱雉令臣下呼雉爲野雞武帝諱徹改徹
侯爲通侯光武諱秀改秀才爲茂才明帝諱莊改
莊助爲嚴助唐高祖諱淵改劉淵爲劉元海戴淵
爲戴若思唐高祖之祖諱虎李延壽易石虎以季
龍韓擒虎止書韓擒宋光宗諱惇朱子四書註惇
典作厚典王羲之先名正故法帖中正月書初月

一月太史公父名談史改趙談爲趙同范曄父名
泰後漢書泰字皆作太乃文王諱昌而箕子陳洪
範曰使羞其行而邦其昌厲王諱胡而宣王詩曰
胡不相畏詩書不諱也周詩克昌厥後駿發爾私
廟中不諱也僖公名申春秋書戊申莊公名同春
秋書同盟定公名宋而書宋仲幾臨文不諱也孔
子之母名徵在而曰宋不足徵曰某在斯二名不
偏諱也康王釗之子實爲昭王曾參之父名皙而
曾參曰昔者吾友不諱嫌名也蓋避諱始于周人
支華平先生集卷三十九 三 清旦閣

而莫嚴于唐其說雜出于禮記諸書而莫明于昌
黎之諱辯至若高錯典貢舉而裴臯之子不宜就
試崔龜從之子典貢舉至不欲列姓歸人于榜韋
翼爲家諱樂終其身不飲酒不務歡尤迂而不諱
于禮矣
漢孔安國字安國晉安帝名德宗字德宗恭帝名
德文字德文會稽王名道子字道子北史慕容紹
宗馮子琮魏蘭根南史蔡興宗唐郭子儀辛京果
載休顏張孝忠尚可孤孟浩然顏見遠田承嗣田

承緒張嘉真宇文審李嗣業皆以名爲字

王羲之子徽之徽之子禎之王允之子晞之晞之子肇之王晏之子崑之崑之子陋之皆三世同用之字胡補母之子謙之吳隱之子瞻之顏悅之子愷之皆二世同用之字

古人名字一族之中有相同者魯文公有孫曰公孫嬰齊而莊公之孫仲嬰齊實其從祖且同時鄭公孫段字子石而印段亦字子石其從父子也士文伯乃范宣子之族而與同名皆不可解

支華平先生集

卷三十九

三

清田閣

王逸少名羲之子名獻之禮合文嘉曰羲者獻也後漢書王莽傳立斗獻獻音義禮器義尊卽周禮獻尊是獻羲字異而義同父子命名亦不可解

夫以氏族相高自魏而盛亦未專在門地惟四夷則然如天竺以利婆羅門二姓爲貴種餘如毗舍首陀皆庶姓而工巧能隴爲貧四姓國王大臣非貴種則人不歸庶姓雖勞能甘居大姓之下魏據中原故中國效之有八氏十姓三十六族九十二姓三世公者曰膏梁有丁僕者曰華腴尚書領

護而上者曰甲姓九卿方伯曰乙姓散騎常侍太中大夫曰丙姓吏部員外郎曰丁姓總曰四姓其後遷易紛爭莫定遂取前世仕籍以博陵崔范陽盧隴西李榮陽鄭爲中族唐高宗又增太原王清河崔趙郡李曰七姓地望相傾各著書編卽朝廷置官議定亦不能定大率通爲百家皆曰士族今百家姓也而隴西李族亦在第三其重族里如此至唐末其俗漸輕

凡長者于晚年得子多賢蓋其祖考德澤未盡則

支華平先生集

卷三十九

四

清田閣

發之子發之子而其人又身自種德不少懈數十年後惠澤既深而前所生子猶未盡其報則更于晚年生子以振其宗風卽如叔梁紇亦老年要微在而生仲尼雖大聖人係天地精靈氣運不可概論然亦晚年得子之一徵也

狄梁公奏事畢與張昌宗樛滿于殿上張以集翠裘對公朝服張敗公褫裘以出授家丁服之亦大快事然此必好事者爲之也昌宗何人樛滿何事殷陞何地奏事何時梁公乃沒然爲此公亦幸勝

而得屈辱之耳脫不幸而公敗昌宗亦得而褫其服矣以視批懷義之類者何如

宋包公拯居官時素不容吏胥侵權一民法當脊杖求吏解吏曰若見尹惟曄號而辯吾當使若決杖及見公果力辯吏訶之曰辯亦奚益盍受脊杖去公訝其侵權止決杖甚哉吏胥之巧譎也以包公之明察而墮其術中矧贖贖者乎

羽族孰爲靈支子曰鳳德衰鵬大而不運鷲不仁鵩鴟不祥其黃雀乎曰何謂也曰郡中一貪夫方

支華平先生集

卷三十九

三

清旦閣

懷邑乘鬻貞節名賢以自封竟啖黃雀四十飽而死昔也銜環而報德今也委身以誅貪靈孰有甚焉者耶

一朝貴有子之喪會葬士庶畢集心易子鼓柩而前石尤撫道諭諸豎曰往則畏風不往則示異也且將謂我簡也若之何其豎曰主人素無所畏茲言若畏然心易子曰而不見監司郡邑以至閭閻士庶倪者耄者擁踵者奔赴惟恐不前耶吾奈何以風阻也豎曰風阻主人乎主人阻風乎彼監司

郡邑閭閻士庶耄倪擁踵數百里而集者獨不風乎而主人試度風可被否心易子曰風可被乎被風而櫛傾楫摧且葬奠腹否且濡水而冰則病寒豎曰如是主人幸毋往往而溺且疾卽金易以需帛易以衣而名易以傳心易子曰豎子知言哉

支華平先生集卷三十九

支華平先生集

卷三十九

三

清旦閣

支華平先生集卷四十

稿李 支大綸心易父 著

雜創 一百二十五則

千郡同庚者有五人焉左方伯張春宇督學副憲包瑞溪富且貴矣張主政繹巷位差顯而儉于財王令尹養恬財稍裕而嗇于位故流俗猶有合焉不佞家不能中人位不登上士蓋富貴兩無賴矣獨沉酣典籍雄篇偉撰皇王帝霸信手卷舒雪月風花隨心變幻藜藁布衲而萬鍾等之糞溷枯坐支華平先生集卷四十 清江閣

獨行而台鼎不介胄中推倒一世之智勇辟倪千秋之雋俠則不佞庶有寸長乎

或問于支子曰君子亦有貪乎曰有庸夫貪一時之名君子貪千載之名庸夫貪目前之利君子貪百世之利故君子去庸夫之貪易并忘君子之貪為難

大丈夫遇權門須脚硬在諫垣須口硬入史局須手硬值膚受之愬須心硬浸潤之譖須耳硬仲夏之月毋燒灰為畜馬計也仲夏王頌馬政游

牝別羣而馬性畏灰尤畏新出之灰秦禁棄灰蓋亦為此而棄市則苛矣

巾幗女子未笄之冠孔明以貽仲達笑其堅壁不出類閨女之匿藏也

草之精秀者為英獸之特羣者為雄英雄二字本此

舟有溺騎有陸寢有魔飲有醉食有噎行有蹙其甚皆可以致弊

杜鵑又名子規又子鴛又杜宇周鸞催歸秣規

支華平先生集卷四十 清江閣

天一地二人三三三為九九九八十一一主日日數十故人十月而生八九七十二偶以承奇主辰辰為月月主馬故馬十二月而生七九六十三三主斗斗主狗故狗三月而生六九五十四四主時時主豕故豕四月而生五九四十五五為音音主猿故猿五月而生四九三十六六主津津主鹿故鹿六月而生三九二十七七主星星主虎故虎七月而生二九一十八八主風風主蟲故蟲八月而化鳥魚生于陰而屬陽故皆卵生醜吞者入窾而

卵生龍嚼者九竅而胎生日生類父夜生類母

人一月而膏二月而肤三月而胎四月而肌五月而筋六月而骨七月而成八月而動九月而燥十月而生三月微的而後能見七月生齒而後能食暮年觸就而後能行三歲腦合而後能言十六精通而後能施化男八月生齒八歲而齠齒女七月生齒七歲而齠齒人生四十九日七魄全死四十九日七魄散故人死有七七之說

天下形勢西北高而東南下帝出乎震齊乎巽東

支華平先生集

卷四十一

三

清口關

南長子位也故勑業之君長子皆不得位湯之太

丁文王之伯邑考秦扶蘇漢惠晉元唐建成宋德

昭皆是而元世祖傳位第四子我大明亦成祖

入嗣大統云

王子衡曰迂儒強執不識古今之宜鄙儒依阿不

顧國家之計俗儒淺陋不達治忽之幾

伊川晦菴祀祖考以主東萊以影主者神之棲影

者神之像也至劉文安用一大軸書三代考妣之

靈亦是一法

孟母姓仇齊後也仇即掌字反爪爲掌

予五六歲便日記萬言今七十矣未嘗一日廢卷以方古人如劉瓛五歲而勤學梁元帝十二歲每日讀史二十卷而馬界及任末宗懷丘仲孚劉綺祖瑩輩皆自少年發憤者庶幾不愧但士人真能勤學亦不論少壯苟卿五十始遊學公孫弘四十餘方讀春秋朱雲亦四十始學易論語皇甫謐二十授孝經及其成名則一也

天下有四珍崑崙之桃扶桑之蘭丹山之雞瀚海

支華平先生集

卷四十一

四

清口關

之黿是也

正月解凍水二月白蘋水三月桃花水四月瓜蔓

水五月麥黃水六月山礬水七月豆花水八月荻

苗水九月霜降水十月復槽水十一月走凌水十

二月感凌水水八功德一清二冷三香四柔五甘

六淨七不噎八除病

成都記正月燈市二月花市三月蠶市四月綿市

五月扇市六月香市七月七寶市八月桂市九月

藥市十月酒市十一月梅市十二月桃符市

登科分甲第始于興國八年王世則榜御殿唱名
始于雍熙三年梁顥榜賜宴始于太平二年呂蒙
正榜給金吾衛士送歸第始于蔡齊榜刻登第錄
始于霍端友榜

王者冬以其行盛日爲祖衰日爲臘漢火德火衰
于戌故以戌日爲臘魏土德土衰于辰故以辰日
爲臘晉金德金衰于丑故以丑日爲臘
天有風雨寒暑人有取與喜怒膽爲雲肺爲氣脾
爲風腎爲雨肝爲雷人與天地相類而心爲主

支華平先生集

卷四十

五

清旦閣

肝東方青其人姓婁字君明永青永心南方赤其
人姓張字巨鬲永赤肺西方白其人姓文字元明
永白腎北方黑其人姓玄字子真永黑脾爲中央
戊子土黃其人姓巳字元巳永黃知其名者晨莫
常呼之與言語有痛處則令其神自治卽差也出
黃書西方兵法又肺神名爲青龍字慈龍子方心
神名爲豪丘字陵陽子明肝神名爲方長字子
元腎神名雙以字林子脾神名黃庭字飛黃子又
腦神名覺元子字道都髮神名玄文華字道衡皮

膚神名通衆仲字道連目神名虛監生字道童項
隨神名靈謨蓋字道周膂神名益歷輔字道柱鼻
神名冲龍王字道微舌神名始梁時字道岐喉神
名百流放字道通肺神名素靈生字道平心神名
煥陽昌字道明肝神名開君童字道青膽神名龍
德拘字道放左腎神名春元真字道卿右腎神名
象地無字道生脾神名寶元全字道齋胃神名同
來育字道還腸中神名兆膝康嗣中神名受厚勃
字道虛胸膈神名廣瑛宅字道仲兩脇神名辟假
支華平先生集

卷四十

六

清旦閣

馬字道成又髮神名壽長耳神名嬌女目神名朱
映鼻神名通虛字虛堅齒神名丹朱影神名右皇
又颰颰又洩節樞又尺鬼又索關又魄奴又竈因
又亥靈胎他書所載尚多大同小異亦不出此
筆神曰佩阿硯神泮妃墨神回氏紙神尚卿
粟神名許給姓庸天麥神名福習黍神名倂倭蘭
和豆神名靈殖姓樂
昔仙人鳳子欲有所度隱農夫中一日大雨降人
來借草履鳳子曰他人草履可借我之草履不借

故草履名不借本此楊用脩云價賤不須借也豈未攷此耶

虞戲始列入節置元目神農立四時別五木以改火置臘節軒轅置二社造刻漏書雲物成湯始作土龍巫咸始制驅儼置除夕節周公分更點制上巳流觴立春土牛泰德公置伏日晉平公置中秋齊景公始爲登高及競渡越巫制端午綵符健線艾人楚懷王置七夕秦始皇置寒食漢武始張上巳燈置三元東方朔置人日

支華平先生集

卷四十

七

清日閣

伏羲作土城神農制石城史記言黃帝爲五城夏絲作三仞之城

池沼始于黃帝傳云黃帝破蚩尤而爲池沼又黃帝始穿井

夏禹始制明器芻靈商湯設合造明旌伊尹造墓宮巫咸造開路神周武王置窆碑隧通備機衣襪周公置華表周穆王始以瑤琨周宣置石鼓石人猊虎羊馬秦武公始以人殉始皇作墻屋晉武帝置神道碑

伏羲始作媒以交男女作介以交朋友女媧作巫祝以交神人神農作儉以通術售軒轅作保以通假貸少昊作謁以通君臣夏禹作譯以通夷夏

凡諸官稱師自伏羲龍師始稱史自伏羲置史官始稱監自軒轅置左右太監始稱正自顓頊置南北正始稱司亦自軒轅置司徒始稱大夫自堯設司徒屬大夫始稱典自舜命夔典樂始稱太稱少自湯設太傅少傅始稱令自楚若敖置令尹始稱尉自晉武公置軍尉始稱丞自秦獻公置丞相始稱郎自秦武王置常侍郎始稱事自始皇置給事始稱使自漢武稱都水使始稱知自後魏參知政事始

支華平先生集

卷四十

八

清日閣

隋文帝以沙門彥崇爲學士命僧以官始此婦人有謚自周景王穆后始

神農始究息脉辯藥性制針灸作璧方軒轅臣巫彭制藥九伊尹創煎藥秦和始爲鑿書或云巫咸以鴻術爲帝堯之醫

醫家二扁鵲一黃帝時人一戰國時人

庖犧始造龜卜神農始以著筮張良始造基卜京

房始以錢卜楊升菴曰擲卦以錢自嚴君平始

軒轅始制厭禳法漢武始用南越禁咒

伯益始相獸周史佚始相人

蔡倫始製蘭牀二紙張華作洛紙王羲之製穀藤

二皮之紙

墨硯始于黃帝物原云伏羲初以木刻字軒轅易

以刀書舜造筆以漆書于方簡刑夷作墨史籀以

墨書于帛仲由作硯又田真造墨

支華平先生集卷四十一

九 清旦閣

史皇作圖

書始于伏羲畫者鳥書之流也

少昊作浮磬舜作崇牙禹作鼗桀作爛漫之樂紂

作北里之舞

舜有子八人始歌舞

伏羲作簫作琴神農造瑟女媧制簧暴辛爲埙

炎帝伯陵作鐘無句作磬

書籍板行始于後唐明宗長興二年宰相馮道李

愚請令刊國子監田敏校正九經

軒轅臣伯陵始造錢刀禹始用龜貝銀玉之貨

軒轅時錢未有文錢之有文自周景始事始云錢

文以實周景大錢始也以年後魏孝文太和始也

以錢爲錢公孫述據蜀始也太吳氏高陽氏謂之

金有熊高辛謂之貨陶器謂之泉商周謂之布齊

莒謂之刀一云魏武帝始以年號鑄錢周太公立

九府圖法始名錢秦始皇始禁私錢

有巢始衣皮軒轅妃嫫祖始育蠶緝麻以興機杼

而成布帛堯加以絺苧木綿草布毛縹舜加以錦

支華平先生集卷四十一

十 清旦閣

繡秦始皇作夾纈伏犧作裘軒轅臣胡曹作衣伯

余作裳因染采以表貴賤舜制袞及黻深衣禹作

褊袴伊尹作夾襖傳說作袍唐高祖作半臂馬周

作襴衫秦始皇制霞帔二世作背子

越人始以繩束髮爲髻虞犧作皮冠軒轅加以冕

旒充纁堯加纁纓周公作幅巾魯昭公始以絹素

爲弁趙氏武靈王作貂蟬秦孝公作武幘漢高作

竹皮冠新莽制頭巾後漢始效北番作氍帽周武

帝作幘頭

軒轅作帶顓頊制條堯爲玉珮湯作笏及鑿囊周
公作繼

燧人始爲笄女媧之女以荆杖及竹爲笄以貫髮
至堯以銅爲之且橫貫焉舜雜以象牙玳瑁有象
牙簪玳瑁釵桀作金玉釧紉作翠翹金鈿步搖寶
幹指環呂后制五采通草花晉郭隗始剪綵爲花
軒轅臣于則作履制襪周公造偏屨屨爲晉文帝
造屐趙武靈王效北番造靴

番禺始爲舟或云化狐作舟又虞姁作舟又共鼓
支華平先生集

卷四十

士

清江閣

貨秋作舟又棄作舟物原云遂人以匏濟水伏羲
始乘桴軒轅作舟楫顓頊作篙桀帝嘗作施櫓堯
作維牽禹作舵加以蓬破帆檣伍員作樓船

伏羲始乘牛馬而制羈縻鞭杖軒轅作輓轡少昊

制牛車奚仲制馬車而造鞍的勒鞫駕六馬建旒

旌旂旒以別尊卑等級禹制輦周公制進賢四望

一車始皇作輜漢高作竹兜漢武作羊車芝車

箕帚夏少康作

床席薦蓐枕被連山氏作簣少昊作毳堯作承塵

伊尹作簞周公作帷帳有熊氏作屏禹作亮榻亦
伊尹作簾亦周公作

斧神農作鋸鑿軒轅作或云鋸孟莊子作鉋鑽鑿
括魯般作

燧人作火神農因置陶冶或云昆吾作陶貴尤作
冶赤翼作杵曰釜甌黃帝作磨磨礪子魯般作

木梳太昊作篋楚伊耆氏作鏡鐸剌刀有熊氏作
或云鏡尹壽作掠子少康作油刷伊尹作梳匣呂
望作鏡臺始皇作

支華平先生集

卷四十

十二

清江閣

軒轅作帨巾帝嘗作布袂湯作手巾脚巾祖甲作
帛周旦作紗罩

軒轅作針剪少昊制灰汁米糊顓頊作衣桁后稷
制砧杵夔作衣架紉作熨斗

軒轅作几禹作案周旦制筵站呂望作榻召公作
椅漢武效北蕃作交椅曹操作懶架

爲教作酒酢老聃作酒筭

五明扇起于舜雉尾扇起于殷梁冀始作擁身扇
武王作翼

烈山氏作甌甕黃帝作鼎尊盤王孟槐標匙筋祝融

作鐵舜作俎豆敦勺禹作邊豆盞湯作杯周公作

臺盞田恒作唾壺秦始皇制湯確

記里鼓指南車黃帝作欹器周公旦作

禹作盞魏神元帝作傘柱作簾笠

軒轅作浴盆

桔槔伊尹作

軒轅置溺器高辛氏造偏廁

遂人作燕祝融作炭堯作火爐伊尹作踏腳史佚

支華平先生集卷四十

十三 清田閣

作火桴秦始皇作烘節晉羊琇作獸炭

神農作油軒轅作燈堯作燈檠湯作蠟燭

用膠軒轅始漆舜始黃蠟公劉始脂粉紂始

祭臣昆吾作石灰周公作礪火秦穆公作輕粉劉

安作焰硝白蠟

古者貴賤通稱其妻曰妃周公始稱天子妻曰后

妾曰夫人諸侯妻夫人卿妻內子大夫妻命婦庶

人曰妻秦昭王稱母曰太后漢高稱母太上皇后

諸侯母曰太夫人武帝稱祖母曰太皇后魏明帝

始稱天子妾諸侯妻並曰妃晉哀帝稱生母曰太

妃今上自皇后妃嬪下逮夫人淑人恭人宜人安

人孺人諸稱禮愈備而名愈詳矣

造書凡有三人一名梵其書右行一佉盧其書左

行一蒼頡其書下行頡頏寅日死辛未葬故學書

者諱丙日

楊用脩云荷芙蕖又名芙蓉其莖茄其葉蓮其本

菰其花爲菡萏其實蓮其根藕其中蒴蒴中薏郭

璞曰北方人以藕爲荷江東呼荷葉爲夫容蜀人

支華平先生集卷四十

十四 清田閣

以藕爲茄或用其母爲子花名或用其子爲母葉

號此皆名字相亂習俗傳誤

尸子曰春華秋英曰桂王維詩人間桂花落夜靜

春山空秋花者乃木犀巖桂耳

今人稱瓦器皆曰磁器不知河南彰德府磁州窑

器乃稱磁耳若他窑瓦器豈宜混稱

袈裟內典作袈裟蓋西域以毛爲之又名逍遙服

又無塵衣又水田衣又稻畦帔

天河名銀河又銀漢又銀潢銀灣繩河華漢

尸子云上下四傍曰宇往古來今日宙楊子云闔天之謂宇闔宇之謂宙

天之爲言鎮也居高理下爲人鎮也地者易也言養萬物懷任交易變化也日者寸也紀刻而成晷也月者尺也紀度而成數也日者實也形體光實人君之象星之爲言精也陽精之榮也陽精爲日日分爲星故其字曰下從生風汜也其氣博汜而動物也又放也氣放散也雲猶云云衆盛意又運也運行也觸石而起謂之雲合陽而起以精運也

支華平先生集

卷四十

十五

清旦閣

春蠢也動而生也又春僭僭動也夏假也寬假萬物使生長也又夏大也秋緒緒迫品物使時成也又秋之爲言愁亡也冬終也物終成也

山產也產生物也陵隆也體高隆也阜厚也言高厚也冢腫也腫起也岡亢也在上之言也岑嶄也嶄然也林森也森森然也麓陸也石格也堅捍格也漬者通也所以通中國垢濁民陵居殖五穀也江者貢也珍物可貢獻也河者荷也荷精分布懷陰引度也淮者均均其務也濟者齊齊其度量也水之爲言演也陰化淖濡流施行也故其立字兩人交一以中出者爲水一者數之始兩人譬男女之陰陽交物以一起也故曰所以立天地者水也水也者本也吐元氣發日月經星辰而興凡州郡命名都有深義如青州在東取物生而青也徐舒也土氣舒緩也揚州多水水揚波也荆取名于荆山而必取荆爲名者荆警也南蠻數寇志警備也豫在九州之中京師所在常安豫也雍在四山之內雍翳也充取諸充水幽州在北幽昧之

支華平先生集

卷四十

十六

清旦閣

地也

冀州亦取地以爲名也其地有險有易帝王所都
亂則冀治弱則冀強荒則冀豐也州注也群國所
注仰也縣懸也懸係于郡也郡群也人所群聚也
都美也亦人所都會也

船循也循水而行也亦曰舟周流也櫂櫂也高貌
柁柁也後見拖曳櫓櫓也用臂力以行舟也交相
交錯也帆泛也使舟疾汎汎然也

車古者曰車聲如居言行所以居人也今日車車

支華平先生集

卷四十

十七

清旦關

舍也行者所處若車舍也天子所乘曰輅行于道
路也

易易也言變易也詩之也志之所之也或興或賦
或比隨作者之志而別名之也尚書尚上也攷上
古之事而書之也一云以堯爲上始而書其時事
也禮體也得其事體也記紀也禮有所統紀也春
秋卽四時之春秋舉其二以志編年也皆曰經經
徑也如徑路無所不通可常用也乃若緯圍也反
覆圍繞以成經也圖度盡其品度也識識其義識

微也傳傳以傳示後人也爾雅爾近雅正近于正
也或云爾雅猶云麗則非近正也

伏羲世傳伏牛乘馬因號伏犧以犧牲以充庖因
號庖犧殊鄙妄可笑伏者別也變也義者獻也法
也始別八卦以變化天下天下法則咸服貢獻也
出含文嘉又顯專項信也言其承易文之以質使
天下蒙化皆貴貞懋也譽考也成也考明法度醇
美譬如若酒之芬香也堯高也饒也言其隆興煥
炳最高明也舜推也循也推行道德循堯緒也

支華平先生集

卷四十

十八

清旦關

父桀也以法度教子也甫也始生已也母攸也亦
冒也含生已也祖祚祚物先也又稱王父王祖家
人所歸睢也王母亦如之曾祖從下推上祖位轉
增益也高皇最在上皇祖諸下也兄況也況父法
也青徐人謂兄爲荒荒大也弟第也相次第而上
也又梯也心順行篤也子敬也亦孳也相生蕃孳
也孫遜也遜遁在後生也會孫亦增益意玄孫玄
懸也上懸于高祖最在下也來孫在無服之列其
意疎遠呼之乃來也昆孫昆賈也以禮貫連之耳

仍孫以禮仍有之耳雲孫相去已遠如浮雲也

男任也女和也親視也相隱視也屬續也恩相連續也舅舊姑故故舊老成人也

筆述也述事而書之也硯研也研墨者也墨瘳也似物瘳墨也紙砥也平滑如砥石也

金禁也氣剛毅能禁制物也

韓雲如布趙雲如牛楚雲如日宋雲如車周雲如輪魯雲如馬衛雲如犬秦雲如行人魏雲如鼠鄭雲如絳承越雲如龍蜀雲如困輦

支華平先生集

卷四十

九

清江閣

天及龍皆能降雨天而細霧下者是龍雨麤雷下者是又阿脩羅共天關時亦能降雨而有二種若和調者歡喜雨若與雷電霹靂者瞋恚雨

虹當雙見鮮盛者雄其暗者雌

東方之氣雷南方之氣電西方之氣虹霓北方之

氣雲雨電霰雪

河圖謂雷曰王虎鳴

東方有電名曰無厚南方有電曰順流西方有電曰墮光明北方有電曰百生樹

九真郡居風有風門常出風

抱朴子云風高者道遠下者道近凡大風非常三日三夜者天下盡風也二日二夜者天下半風一日一夜千里風也

天官之書以正月朔占四方之風風從南方來者旱從北方來湛東方來為疫西方來為兵

九天謂中天羨天從天更天辟天廓天咸天沈天成天又春為蒼天夏為昊天秋為旻天冬為上天又中央曰鈞天東方曰蒼天東北曰變天北方曰

支華平先生集

卷四十

三

清江閣

玄天西北方曰幽天西方曰旻天西南方曰朱天南方曰炎天東南方曰陽天又丹天之氣經于牛女戊分齡天之氣經于心尾巳分蒼天之氣經于危室柳鬼素天之氣經于亢氐昂畢玄天之氣經于張翼婁

胃所謂戊巳分者奎壁角軫則天地之門戶也

日猶火月猶水火則施光水則合影月光生于日

所照魄生于日所蔽當日則光盈近日則明盡

日光曰景日影曰晷出氣曰暉日初出曰旭日昕日晞日溫日煦在午曰亭午未日昃日斜日暉日

晚日盱日西落光返照于東日反景景在下日倒景

凡五星盈縮失位其精降于地爲人歲星降爲貴臣熒惑降爲童兒歌謠嬉戲填星爲老人婦女太白降爲壯夫處于林麓辰星降爲婦人吉凶之應隨其象告

日光之白曰皜月光之白曰皎男子之白曰皙女子之白曰皤老人之白曰皤草華之白曰葩雪霜之白曰皚鳥羽之白曰霍

支華平先生集

卷四十

三

清旦閣

八風東北曰炎風又融風東方曰條風又明庶風東南曰景風又清明風南方曰巨風又凱風西南曰涼風西方曰颼風西北曰麗風又閭闔風北方曰寒風又廣莫風

凡天下名山五千二百七十出銅之山四百六十九有七出鐵之山三千六百有九

男子無鬚者曰天宦而麻曰天黥無子曰天閹

齊歌曰歐吳歌曰飲楚歌曰此巴歌曰耀

猛風曰飈涼風曰颼微風曰颼小風曰颼

赤色者鳳鸞青鸞黃鸞紫鸞白

韓退之詩我有雙飲盞其銀得朱提蓋蜀敘州朱提山出銀也今人稱銀爲朱提未穩

漢武帝作柏梁殿恐有火災飾以蚩尾蓋蚩爲海獸之名水之精也可以厭火今作鴈誤

春山淡冶而如笑夏山蒼翠而如滴秋山明淨而如妝冬山慘淡而如睡海山微茫而隱見江山嚴厲而峭卓溪山窈窕而幽深塞山童顛而堆阜

婦人無名以父姓爲名如吳孟姬之類是也姬本

支華平先生集

卷四十

三

清旦閣

吳姓猶宋之子齊之姜後世謬以姬字當女字或又以姬字當妾字殊足掩口衛夫人常稱李衛得之矣

漢制丞相太尉金印紫綬御史大夫銀印青綬皆官階之極崇者今人青紫二字本此

太歲在甲曰闕逢在乙曰旃蒙在丙曰柔兆丁曰彊圉戊曰著雍己曰屠維庚日上章辛曰重光壬曰玄默癸曰昭陽在子曰困敦在丑曰赤奮在寅日攝提格在卯曰單閼在辰曰執徐在巳曰大荒

落在午日敦泮在未日協洽在中日涪灘在酉日
作噩在戌日闕辰在亥日大淵獻

月在甲日畢在乙日桶丙日脩丁日圉戊日厲已
日則庚日室辛日塞壬日終癸日極正月爲陬二
月爲如三月爲窮四月爲余五月爲皐六月爲且七月爲相八
月爲壯九月爲玄十月爲陽十一月爲辜十二月爲淵又正月
名端月元日爲雞日二日爲狗三日爲猪四日爲羊五日
爲牛六日爲馬七日爲人十六日爲耗磨月二月曰仲陽又
今月四月曰陰月又乏月又麥秋五月十三竹醉
文華平先生集 卷四十 三 清江閣

月七月曰上秋蘭秋肇秋首秋七月七日曰良日
八月曰仲商蓋秋爲素商也亦曰桂月九月曰菊
月又暮商天竺以十月二十六爲冬至冬至則麥
秀十二月曰杪冬又嘉平

十月陰雖用事而陰不孤立故名陽月四月陽雖
用事而陽不獨存故名陰月或云純陰純陽之月
故反言之
酉城一歲分三時以寅卯辰巳爲雨時午未申酉
爲熱時戌亥子丑爲寒時

素問六節或卽金光明經初二花時三四熱際五
六雨際七八秋時九十寒時後二名水雪

世譏秦檜之以和議誤國也然乎曰否高宗時倉
皇敗亡國脉如綫脫金人盡銳南下捲甲而攻之
臨安非宋有也顧習楮上之陳言動詆和議乃韓
侂冑泥之而函首求和矣賈似道泥之而沿江不
守矣況高宗時視韓賈更危也區區僅存之殘喘
得保此以延血祀顧不愈于啓櫜而速亡耶曰議
者又謂楮之主和非力不足也高宗乘禍而有天
文華平先生集 卷四十 二 清江閣
下恐二帝歸而攘之也此近監景泰之失而以況
宋耳于時遣使迎帝諄諄懇切金人議割河以北
主二帝以南主高宗自後不敢議迎而金乃以張
邦昌帝倘高宗有陰據天位之心何不遂成中分
之說也然則武穆不死宋不亡也然乎曰武穆在
宋能不南耶能殲金而復故物耶武穆與兀朮戰
嘗三勝而二敗勝不可常也亡固不可必也故以
藝祖太宗之神武御張韓劉岳之良將親統六師
躬擐甲冑與士卒同甘苦而不拘以文法不惑于

流言握火抱冰如越何踐即繫契丹而醢之可也
不然而養高于深宮參貳于貂璫策無制之兵轉
難繼之餉而刀筆吏動以文法繩之損兵則計名
而罰費餉則稱銖而覈夫兵之不能無損餉之不
可以數計也兵家之常奈何繩之者之踵至也爲
將者上媚其制閫下比其裨帥內賄近習外結筦
樞而又陰餌夫言官餉餽罄于苞苴精力疲于節
札日虞沙蜮之陰中惴惴焉以苟旦夕尚能遠駕
沙磧之表乎息壤固在謗書一篋自古歎之然則
支華平先生集卷四十
三五 清旦閣

支華平先生集卷四十

終

支華平先生集附錄

男如璫輯

明進士文林郎華平支公墓志銘

京山李維楨撰

支氏或曰周諸姬派或曰帝啓時掌天官制于支
錫姓遠不可考矣周有期漢有光世謙亮纖唐有
漸與祥宋有國徽勝國有仲頤叔芳皆知名叔芳
授徒嘉興嘉興之支自此始也三傳爲樂安丞茂
茂子翰林孔目立立子興濟論高高子寧國博祿
支華平先生集附錄
一 清旦閣
樂安居郡城東牙前橋孔目贊嘉善已還郡至寧
國復贊奉賢里顧氏嘉善之支自此始也寧國季
子爲華平公名大綸字心易三歲端靜不妄語五
歲能屬對八歲通舉子業十二歲詣平山社社中
三試其文應手而成人有神童之目邑令于公拔
第一攝督學事李公聘爲師凡歷七學使及直指
郡邑數十試冠首以爲常袁公坤儀才與季相甲
乙而邑人稱支袁故令少宰周公建書院招致兩
公爲長所師事一卷唐公龍溪王公南屏管公計

論文成之學三公呼爲畏友甲子舉于鄉出少司徒毛公之門戊辰周文恪公奇其文僉上第而失之甲戌成進士出大司徒陳公之門卿政比部日與諸同志講學讀律閱故其獄僦龍翔僧舍攜一奴供糲食苦茗出則老奚控款段人與馬成三也輔臣進紅蓮白燕公言稱祥瑞啓侈心且開禽荒色荒之寶五月蓮固宜花不足奇燕玄鳥也白者金象兆爲兵何瑞之有疏艸具同人竊告座主呂公呂公歎曰若不念父母乎疾走料虎頭編虎鬚艾華平先生集附錄 二 清旦開

知刑官之難爲也寧自薄乎行至界有永春令貪而暴邑人劫之以兵將爲亂或留公無行公不可問之晏子疾不必生徐不必死鹿生於山命懸於厨吾命有所懸矣并道至郡告變者頃時四至公謁監司盡亟圖之監司曰須兵集公曰不然民因虐政無告至此撫之自定安事兵衆曰無以逾公公單騎從先馳檄諭之有患苦悉赴愬道得懇詞五千有奇聞半解獨諸生不下而學使記到考遺才邑亦當季試爲期試諸生諸生入使人束令詣艾華平先生集附錄 三 清旦開

省中聽訊諸生出追令不及皆罷而理所懇詞詞無情者遁去中丞劉公嘉獎公智膽過人不煩一兵不絕一弦不折一矢而大患謀然已解如土委地每諸郡有大疑難事咸屬之其秋入棘闈所舉八人咸名士直指晏公以錄文付筆削士林競傳誦焉運司管鹽筴利獎山債長吏以不賢黜屬公攝篆九月而所費金財七分以夜秉燭故已攝晉江同安兩邑刑名錢穀簿書期會一無叢脞筆楚不施而事集延見父老察民疾苦進諸生譚道論

文尚有餘暇凡平反大辟百人墨者胥靡以下倍
徒之核永寧福全諸倉米更爲改折憫卒更役苦
以坊內富民共之分安海堡稅於馴僧以時給機
兵餉與晉安驛供張而除舖戶襍派若海樵無名
藝者水陸新募兵物故流徙不復問汰其老弱食
以飽壯士郡人洪侍郎于江陵不相能閩當事者
傳致其罪公訟言洪公所居一室左圖右史庇正
醜邪范孟博之儔也又爲書具陳天道人情不宜
枉殺大臣事不塞天下心聞者吐舌居期年豪右
支華平先生集附錄 四 清江閣

全之前永春令獄不可反公待之和安溪疑公頗
矍矍而公廉直聲冠列郡同儕嫉之稅政旣釐其
前人又嫉之共爲蜚語中於閩兩臺所當大計時
吏刺公劉司徒公會都察院事駮曰余嘗撫閩閩
人誦支君如一且解官久何例而黜考功曰如兩
臺何姑以降閒散衆怪其故或云公與耿中丞論
學不合或云輔臣嫌彈文復不悅其爭洪侍郎獄
故阿邑之或云侵南昌學基者修葺卒莫能明也
公亦不自明而司馬吳公書相唁公荅之曰程明
道先生精金美玉趙抃噴有煩言人不易知知人
固不易也閨戶讀書知厚有宦於郡邑者五人終
不一面凡七季冢宰嚴恭肅公趣公出補江西布
政司副理問遷客率不事事公夙夜匪懈方伯馬
公重之晝日三接前席淡談公時從司馬太常兩
萬公中丞李公冢宰蔡公若故門人講學如教授
時江右積逋尚方之供多有肯切責曹中丞停祿
而奉新縣爲最以公攝令首繩其尤無良者廖富
九前令公鄉人也富九以前令私人譖公挾摘其

短前令恐介當路者爲地語侵公而馬公已爲中
丞與直指孫公悉其誣奉新人詣兩臺願得公眞
爲令兩臺以聞報可至則務崇寬大旌禮賢士爲
民望裁諸冠蓋餼牽之太多者烏山巡檢捕盜不
及格將妄入人公禁不許能某盜魁也根株窟穴
難卒拔或以爲言公曰熊十二富有子讀書此非
所爲熊信之攜二子詣公公盡出諸盜案示之語
塞錮諸獄其黨烏獸散矣邑上下鄉有南北二區
履政法行失其故爲以三折一以二折一之法而

支華平先生集

附錄

六

清旦閣

兩鄉安所上爰書以良史才行老吏法邑人錄爲
挈令有事棘闥見兩生文佳而字違格爲易之皆
第祕不言其人未之知也入覲御史大夫入前令
謗議黜楊太宰公知狀畱公而安溪令姻爲臺臣
以拾遺疏寬公名落職矣買騎南歸義故釀金三
百治裝公笑曰諸君以僕居官廉乎雖無官廉固
在也拾遺疏下所司廉問奉新人人百口保公直
指孫公以白臺客諷公可乘此出問執讒邪之口
公謝曰吾登第十二季爲博士一年郡李十六月

藩幕一年邑令十五月而宅憂強半當壯時不巧
宦今何爲者若所云自取病耳遷居邑城西北隅
江南大饑死者彌望葺室居之作糜食之自鬻者
薄于金却其券楚中丞常公擬薦公以調行不果
蜀少保蹇公以島夷亂啓冢宰言公有戡亂才可
令督遼左餉不答益溪居而簡出平慶事不可已
以諸子代兩臺藩臬踵門辭不見亦不報元旦詣
縣置一名謁而返十九年中僅一人郡城人或約
公出遊公曰吾臥遊之樂不在山水恥居間與錢

支華平先生集

附錄

七

清旦閣

通恥居貨與時逐子女各五人婚嫁事畢囊垂矣
一裘一葛不敵不易竹牀綠帷風雨飄搖食小具
鹽酪間市肉客至無加豆而每以肉食食其子曰
讀書苦不可無滋味然絕不許飲酒子勝冠未嘗
永帛數詔之曰高祖宗衍公五十無子有良民爲
盜所陷憐而白之以其妻薦枕宗衍公却走夜夢
神告之汝有隱德天以文人爲爾子期而生蓮菴
公如其言菊岩槐谷兩公復有厚德宗衍公恒膝
遠菴公而祝之願兒爲校官人問故曰校官才可

以及人不才不大害人自遠菴而菊岩而槐谷及予四世爲校官矣吾自幼及壯免死者三卽官不達家不饒何患彊爲善而已同學陸生死卹其子收穀之同榜王某子通官粟六百當坐戍奔告諸同人不盡應自捐產償之猶子某少孤公玉於成而有誣公匿其私蓄者公憤而白之城隍神七日其人自搏頸奈何誣正人嘔血而死事伯兄恭生養死葬無遺憾復其產之轉鬻者士未成名不惜齒牙餘論獎成而不任德雖操戈無悔也甲辰伯文華平先生集附錄

八

清日閣

三

似青蓮不得其平則鳴在永昭二陵編年史大指重節樂崇實德獎文學非然者譏刺不諱或風聞容有訛誤而褊心索瘢爲罪幾成怨府里富貴人謀入祀鄉賢公鄙之是以泮宮爲播間也語諸子我死必李本寧志我余不文公過聽謬許逐臭嗜癖其憎多口不亦宜乎越七年而伯子如玉以遺命請爲狀萬言擬古聞人汲長孺王休徵郭林宗諸葛孔明嵇中散陶士行范希文程伯淳邵堯夫蘇子瞻事皆詳覈而深惜公生不遇時沒尚以危言爲貝錦資也余恨不識公辱公知不敢負節狀之半識其大者如右而繫其生卒若子姓婚姻如左公生嘉靖甲午四月一日卒萬曆甲辰四月二十有一日年七十有一配嚴孺人嘉興太學從節女助筵者爲李爲顧爲張爲金丈夫子五人一曰如玉庚子舉順天鄉試第三十九人娶漳州守曹銑子太學沆女二曰養訥邑諸生要建昌檢校趙體國女三曰如金邑諸生貢入成均娶文學陳光初女李出也四曰如龍國子生娶郡廩生於行順

附錄

九

清日閣

三

女顧出也五日如增娶太學蔣懋勛女張出也女
子六人適曹以庸廩生戈靖邦于時保嚴出也適
太學張夢龍李出也適諸生卞玄極金出也字廩
生沈紹曾子悍張出也孫十二元素邑庠生娶華
亭尚寶卿徐瑛女中約娶侍御顧爾行子太學堯
京女允堅聘憲長陳于王子文學山毓女如玉出
也朝弼國子生娶都事薛瑞熊女養訥出也元哲
聘給事中葉繼美子太學培忠女中繪允灝如金
出也鴻祖鴻基如寵出也如增出者三尚幼孫女
支華平先生集 附錄 十一 清旦閣

二人適進士馮盛典子太學季鵬文學余允功子
秉正如玉出也曾孫一朝弼出也丁巳年九月
十一日葬于西律圩之新阡銘曰
帝咎亮陰聽于執政威靈疑主無或衡命公獨格
之詞嚴義正能虜屈軼觸邪指侯夫何以故自其
天性鷙不匿影口幾與戎辭尊居卑保此微躬驂
乘芒刺卒以凶終曲突徙薪誰與論功直道三黜
造事而竊拊膺自省方寸靡慙訓士士興字民民
服御史吏畏所在尸祝一段有餘百譽不足懸世

無閭儉德無祿尚友千古怡情一編著爲史記如
司馬遷片言隻字操袞鉞權知我罪我恒在斯焉
呼牛呼馬鼻頰且穿舌腕可割難奪吾志藏諸名
山以俟後世政事文學孔科有二而貌大人卓犖
高義升沉榮辱浮雲等視艱難險阻不失厥貞名
用毀高身用名榮人孰免死死孰如生嗟一杯土
其中有精產爲宰本是日華平

支華平先生行狀

鹽官劉世教撰

支華平先生集 附錄 十一 清旦閣

不穀垂髫時則聞郡中有支先生者雅負異材於
學亡所不窺意不可一世甫第春官輒艸疏欲糾
故江陵相祥瑞事心竊奇慕之已聞先生旣儻仕
路竊疑先生材若彼業已鵲起而胡弗竟遇數起
毀厥旣錄京兆獲從先生伯子游乃始悉先生生
平以爲先生者不難乎遇而難乎其不遇者也浮
沉幾十禩伯子從逆旅中授簡以先生狀見屬不
穀其敢以不文辭按伯子所自述支系自有周或
云帝嘗始制支于以官命氏遠弗可攷世多聞人

於國曰期於漢曰光世曰譙曰亮曰繼於唐曰
漸曰祚於宋曰國徽於元曰仲碩曰叔芳叔芳授
徒嘉興始繫籍焉所謂幽齋先生者也叔芳生慶
生慶生生子傑子傑生茂永樂初以貢丞樂安寔
有隱德茂生立正統甲子舉浙江鄉試第四人仕
至翰林孔目遂於經術時稱支五經蓋自是文獻
之緒啓矣立生高亦以貢諭興濟高生祿貢於

廷爲第一授寧國博始樂安居郡城翰林贊嘉善

已復還郡至寧國復贊嘉善嘉善之有支氏寔自

支華平先生集

附錄

十二

清旦閣

茲始先生爲寧國季子名大綸字心易學者尊之

爲華平先生生而奇穎三歲端靖不妄言五歲能

儷語八歲能屬文十二歲往平山遇文社探目輒

就一時詫爲神童比出試則邑令于公業首鑒識

之攝督學使者李公文進因延之家塾嗣是試必

冠軍若郡若邑若直指使者若學使者無慮數十

人咸以得先生爲快了凡袁公黃名噪一時每兄

事先生邑令周公案閣書院羅名儒先生與袁狎

主其盟周公禮致者顧如龍溪王公南屏管公輩

先生北面嚴事採訪文成之學意不欲以帖括見

矣甲子舉浙江鄉試爲毛公綱所舉戊辰試春官

周文恪公擬首薦弗果甲戌成進士爲陳公巢第

三人僦舍蕭寺僅從一椎奴讀書繙律益潛心用

世之學徵逐燕會悉謝不與會江陵有紅蓮白燕

之獻卓疏且糾之同年有覺者以白座主呂文簡

公厲語抑止不果上內不自安乞改南昌授地故

都會而時方藐睨杼爲冗員先生獄獄自允學舍

圯則請新之宮牆或有蠶食諸生或有黷厄則必

支華平先生集

附錄

十三

清旦閣

引繩力爭至爲文告廟以風當道諸子衿講業明

德正學諸書院者踰千人先生一一程課之惟謹

學使者受成焉開府楊中丞成特薦於朝故事

當超拜京秩終以前疏嫌僅移臬司李甫入境而

永春許令暴於邑邑民至操挺刃以爲難或有尼

先生行者先生毅然請前諸監司乃曰無易公矣

解是紛者先生至則散遣諸構者五千餘人而猶

有未解者則博士弟子陰主之乃借試事以令諸

士立解而令始得去邑用以寧嗣是閩有大役咸

以屬先生矣丙子共事棘闈得士八人竝知名當
世於時嶸司多稅政簡擇以往九閱月而夙蠹頓
清已攝晉江攝同安直指使者稽察之檄旁午而
至先生應之裕如也丁丑開府龐公尚鵬發故安
溪俞令罪狀先生當讞先是永春獄先生既嚴于
法乃陽寬之以示體安溪破甕亡恙遂鴈色以鎮
訐者而令反悲甚丙戌之讒有自來矣先是江陵
修夙怨於遼藩圖覆其社而蒞訊者少司寇洪公
朝選議相左洪以是罷里居或將物色以獻媚先
支華平先生集附錄
生執不可終先生李泉洪獲免於難去未幾而甌
及矣它若足兵食稽郵政覈積貯或更改折或均
力役以至革海艘之橫椎去市廛之苛賦酌戊卒
之勾調釋重辟之冤獄諸懿政不可更僕數賢聲
藉甚八閩矣其秋而寧國捐館之問至聞報過發
賻贈盡卻去之曰攀號柩道又未幾而遷太君戚
哀毀如喪寧國當是時先生雖宅憂家食而閩中
使者報命薦剡無虛歲歲庚辰中丞耿公直指敖
公忽交章糾先生中丞劉公思問故嘗填閩時方

佐計事雅知先生力持之乃從左遷先生居官故
嚴慎竟不知讒所自起一切不問而屏迹綠溪之
野若不知宦途之有起躋者居七年爲癸未太宰
嚴公清強之出乃補豫章藩幕不以遷謫故鄙夷
吏事左使馬公文煒遇以國士不復用幕下儀於
時豫章多名賢若見羅李公輩先生時過從精晰
性命之學聲稱聒李泉時益著開府曹公以奉新
多逋賦遂借先生攝令事至邑政一新有廖富九
者暴橫於里先生收而置諸法廖遂爲蜚語譖於
前令朱時當道有左袒前令者將媒孽先生而馬
公適晉開府讒用終屈奉新士民請以先生爲眞
令馬公疏得請先生益務爲寬大廣厲功令崇獎
風軌邑故苦盜司干振者徃徃羅織爲功禁不得
逞調停清敵之法或以倍入或以參入而沃瘠並
安盜魁熊十二擁貲自完先生以計致之獄成而
宵柝寢矣邑雖僻而地界虔楚冠蓋相屬先生裁
之以法遽人不擾乙酉秋復入棘闈有二士文藻
豔發而字格小戾先生陰爲竄正遂獲竝薦然終

不以語人明年春當計吏而前奉新令之疊發主計者以陰佐之太宰楊公巍持之堅若曰此賢者我故知之業已定議而西臺有爲故安溪令姪者竟甘心焉乃以拾遺論罷一時議者無不爲先生不平而先生怡然不屑也門人故知縣三百金以治裝先生笑卻之已而有命行勘奉新士民群起稱枉當道咸直先生身雖隱而事終白矣時有諷之出者先生堅謝不應曰予自甲戌牽絛迄今十有三年一司教一司李一幕藩一宰邑久不能

支華平先生集

附錄

七

清江閣

及再歲而薨者不及歲乃幽居踰七歲所製種種矣安能折腰少年前爭腐鼠爲蓋先生材足用世而不肯利其操以偕俗志亟匡時而不屑挫其守以說遇以故寧爲玉折不爲瓦全寧爲直道之三黜不爲善宦之九遷以視脂韋姁阿隱忍以就功名者孰得失哉歲丁亥卜居邑郭時江南大祲先生殫力而拯卹之所全活頗多中丞常公居敬司馬蹇公達先後薦公竟以無援阻杜門塞兌若不與人問世者卽于旄在浚多不出應或以簡貴見

管先生亦終弗應也雅性儉樸不事修飾一遇權貴若將免焉有匿影避耳棲遲衡泌十有九年而一入郡城其高潔概可見矣乃若篤厚交誼受人陸生効而子弱力擁樹之同年王君子負官粟數百法甚厲先生與今大司空丁公竭力營助卒脫其辜族子某幼孤先生保護之甚力有誣先生私寄其囊憤而矢諸神不數日誣者嘔血死性好著述爲文矯矯有古風詩歌步趨三唐其最所注意者尤在編年一史是非予奪壹以獨見衷之知我

支華平先生集

附錄

七

清江閣

罪我所弗惜也嗟乎夫士患非材耳材矣患弗遇時乃以先生之材際會風雲而阨塞以老使國家弗竟豪傑之用誰寔爲之將遇者不必材而材者亦不必盡遇邪蓋不穀所謂先生之不可及不難乎遇而難乎其不過者矣乃其政績畱兩地餘慶食來茲文章風誼流映不朽寧藉九命三錫爲重哉先生生嘉靖甲午四月朔卒萬曆甲辰四月二十有一日得年七十有一元孀嚴夫人太學從節女子五長如玉舉人娶於曹大養訥諸生娶於

趙次如金國子生娶於陳竝李出次如瓏國子生娶於於顧出次如增娶於蔣張出女六一遼曹以庸一遼廩生戈靖那一遼于時保竝嚴出一遼太學張夢龍孝廉同出一遼庠生卞玄極金出一字沈楫張出孫十二如玉出者三元素諸生娶徐中約娶顧允堅聘陳養訥出者一朝弼國子生娶薛如金出者三元哲聘葉中繪允灝如瓏出者二鴻祖鴻基如增出者三尚幼孫女二一遼太學馮季鵬一遼余秉正如玉出曾孫一朝弼出婚嫁皆名

支華平先生集

附錄

十八

清江閣

族卜丁巳秋九月十有一日葬公于邑西律圩之新圩

明故文介先生華平支公墓表

西陵黃彥士撰

余辱支伯子交以文章道義相切劘凡十餘年矣癸丑伯子上春官持其父華平公狀及李本寧先生所撰公墓志銘委余表公墓余未奉教公然有若翁誼矣何敢辭支氏出帝學時掌天官制于支錫姓歷周漢唐宋勝國俱多顯者公高王父宗衍

公五十無子常為良民白奇冤民念無以報攜妻侍寢公卻走夢神人相告汝有隱德當庸文人為汝子遂生蘧菴公三傳至槐谷公皆為官司校至公登甲戌進士復首除南昌教授云世傳文人筆師士席皆灼爍于公故公著述充棟遍海內膾炙之而為諸生嘗師事唐一卷王龍溪管南屏三先生討論文成學故教南昌諸明德正學書院生徒千餘人皆師公其教人大抵依名教尚氣節自善詩古文而皆題曰技餘其學有本可知也再任臬

支華平先生集

附錄

十九

清江閣

州府司李行至界永春令貪而暴邑人劫以兵將為亂或謂公無行公不可至郡謁監司盡亟圖之監司欲須兵集公曰不然民困虐政無告至此撫之自定遂以屬公公單騎馳檄諭之有患苦悉赴道憩園遂解一時常路服其智膽仰渤海治亂弗過也而治獄多平反改折永寧福全諸倉米均卒更役苦除舖戶襍派泉至今賴之攝運司鹽策將期乃止以夜秉燭故費金錢七分行法介介無敢問遺者聞父喪徒蹤走出慟欲絕士民扶老掖幼

泣別公而僅攜一敝篋無長物也尋內艱柴毀治
葬如禮初公登第時值輔臣獻紅蓮白燕公具疏
論其稱祥瑞啓侈心雖座主呂公力止之疏未上
而輔臣已聞嫌之因乞博士及爲泉理又力救侍
郎洪公具書兩臺陳天道人情洪庇正醜邪不宜
聽權奸傳致其罪枉殺大臣事得已而蜚語私中
之竟以李降開散矣家宰嚴恭肅公趣公出補江
西布政司理問遷客傳舍其官公獨不然而與故
門人講學如教授時尋補奉新令務敦大旌禮賢

支華平先生集

附錄

二十

清旦閣

士烏山巡司捕盜不及格將妾入人公禁不許而
計致盜魁熊某根株難拔者竟自詣公履敝法行
公爲南北鄉制法兩安之他約束一切以惠利爲
本而飭豪勢以法迫入 覲而臺臣又中姻姪流
謫拾遺落公職矣義故陳金治裝峻却之奉新人
百口保公竟不自明居家簡出兩臺藩臬知故宦
浙者踵門辭不見亦不報一切愧問咸謝絕惟元
旦詣縣置一名謁而返十九年中郡城僅一入也
寄捐產補同榜王某子通官粟幾百撫猶子某孤

王之成事伯兄最恭生養死葬無遺憾好獎掖後
進令之成名臨卒訓諸子惟廉立身惟儉成廉益
公生平寔履也而官跡所至輒見思以不能浮沉
故前後服官僅四三年耳正直者自應爾矣余少
時讀通紀以爲筆弱紀事不明瞻議與識不練確
及讀公永昭編年史良史才也功業文藻皆不究
其用公喜昌黎文豈亦子瞻所謂磨蝎星俱在命
宮者耶以方古名德大儒若汲長孺之亢直郭林
宗之造士范希文之擔當邵堯夫之恬逸范史雲
支華平先生集

附錄

二

清旦閣

之廉潔詎有愧也余忝簪筆柱下敢與公門人私
謚爲文介而復撮其大者標于石曰明進士文介
先生華平支公之墓仍系之以詞云空其腹緋而
金惟博與中公淡指斯繞無不利彼負乘公宜棄
師孔顏學杜遷公兼之天子全操與名忌詎掩勒
之珉表垂遠

華平支先生墓碑記

華亭曹 蕃撰

支氏在吳越間瓜族不甚蔓衍然錫姓從天官家

來則數千年矣語云豪傑之士雖無文王猶興余故不暇遠引華胄爲支氏譜牒添蛇足止紀其占籍于嘉興者始焉勝國時有叔芳者繇宣州徙家開絳帳授徒居郡城之東牙前橋三傳而爲茂永樂間貢授樂安丞茂子立正統甲子魁荆省終翰林孔目世稱爲支五經立子高高子祿竝以貢授郡邑博士祿贅于嘉善之奉賢里遂籍嘉善祿之季子是爲華平公公名大綸字心易由制科起家官僅七品寓內共尊仰之不啻泰岱北辰云而嘉支華平先生集附錄 三 清江閣

才可及人不才不大害人今余家校官三世矣其慰吾祖父于夜臺乃 奏乞改南昌府學教授乍領青袍卽復學宮侵地在廣文儕輩稍露鋒穎當路謂是教授也才蓋過盤錯而可久用之苜蓿欄干邪遂擢福建泉州府節推甫及界會永春許令貪而穢邑萬衆操戈逐之諸青衿爲盟首勢洶洶巨測公謁監司一餉間報邑亂踵至監司議須集兵乃定公獨單騎入郡先馳檄徃諭當救民于水火急趣訟人來沿途收五千餘牒因陡集諸生就試而急繁許令入會城聽鞠乃審恩詞無情者遁去許令卒就理驪聲載道中丞劉公重公排難解紛如承蜩然屢膺獎薦會泉郡所轄晉江同安邑時時乏令遂檄公攝篆公撫篆若將浼焉不得已受事兩邑稅政引繩批根而力難之公又嘗攝鰲司篆鰲司利藪也攝篆九月祇以暮夜燒燭費帑金僅七分毫無染指退食暇嘗焚香祝天曰曩令臣得當 高皇帝綜覈吏治時安枕矣忽父訃至戴星而奔一聘不以着身久之復遭母喪合葬父

母俱成禮葬畢居倚廬如諸葛之寄隆中望望日
重暨庚辰離任幾年矣名不當入計吏籍奈公
居李時以強項起聲緒時革故鼎新又似太甚
僚屬滋不悅也遂傳致貝錦于閩西臺兩臺白簡
從事僉院劉紫山公舊嘗撫閩知公名爭之考功
不能得竟以降開散處公公屏居綠溪里凡七年
至癸未春家宰寅所嚴公重公才而又憐公之久
淹也補公江西副理問理問散吏即英雄乎亦安
所展長技惟日從李見羅諸先生倡道東南江右
支華平先生集 附錄 二四 清江閣

奉新通令終望公造蜚語入趙麟陽總憲總憲議
黜楊冢宰爭之彊已註置會河南道周公某掌察
事受私囑竄公名拾遺疏中竟削公宦籍歸泊遵
旨行勘莫能緝公客諷公可乘時再出公笑曰余
從甲戌第後初乞司教擢司理左藩幕遷縣令四
任甫及五載而宅憂強半附園自適吾口不耐嘔
嚅安往而不三黜乎遂築室于邑城西北隅爲政
于家歲大侵廉其孥者全活可數百人同社陸生
有遺孤不勝匱乏時時解推無倦色年家子王某
支華平先生集 附錄 二五 清江閣

士風翕然丕變會奉新之積逋盈萬撫臺曹荔溪
亦奉嚴譴遂檄公攝奉新令冀公急徵科如額寬
前令責邑豪廖富九者橫甚廖前令狐鼠也公按
如律廖遂糾胥吏譖公于前令前令百計孽公時
上下悉公調護前令微指謂奉新不可一日闕公
具疏薦公公遂爲真令矣至縣裁郵餉禁妄捕劑
上下兩鄉稅計給盜魁熊十二熊輒擒二子跪階
下訴公盡出盜案向熊讀熊俛首遂錮諸獄熊獄
成路犬無夜吠治邑聲遠出于治泉州李時乃前

負公廩千斛官繩之亟公聞而奔告同籍不能盡
應公乃轉貸償之得免戍公撫孤姪甚篤族梟
猶有誣公匿寄藏者公憤而爲文訴之神七日而
族梟忽向神廟稽顙額破血流涕死伯兄敵展祖
產公勉力爲兄復灌鄆于一姓今兄子不以爲德
反以爲讐士未知名公不惜齒牙爲後生獎掖竟
爾操戈公亦絕不介意嘗歎曰世界茫茫誰與寤
語其竊比我老彭乎惟安心游述作之林矣詩不
屑拾三唐人頌殘自成一派文亦恥效輩漢魏大

闢堂與開今人所不敢開之口挺然欲執牛耳指揮東南半壁卽進嘉隆間弇州歷下諸君子與公稱雁行公弗憚也所著十餘有關綱常則書涉經濟則書裨民瘼士風則書瑣瑣雕虫懶累三管至永昭編年史出知我罪我者半矣是書也惟關節俠戮奸宄輕軒冕獎隱逸睥睨一世譏彈罔貸真士讀之則喜聞士獵之則疑每摘公所瑜瑕人者而反瑜瑕公余游長安時有詞臣評騰憲章意不能爲公左袒也向余曰君家隣于武唐二陵史謂支華平先生集附錄
二六 清田開
何余對曰史失之朝得之野必抄謄累代腐爛朝報乃成信史邪必冠絢盡被華家方可秉如椽之筆邪詞臣默然公聞之勿顧也將大竟殺青業藏于名山石室之下以俟後世亡何病作年七十一矣甲辰孟夏病已劇適伯子如玉謝公車還乃集諸子啓手足而誡之曰吾其免夫家世儒門性喜簡樸敝居數椽無樓題案稅之華風雨作橫軋軋有聲虞圯食亦具肉膾不覆簋賓客沓來簋數如故腰間傲骨避公門若仇歸田十九年僅一入郡

元旦亦挾利投縣庭而返汝齒未嘗受訟人金錢鼓扇舌于郡邑學縱橫態須吾儉乃成吾廉小子識之吾今且曳杖矣儉于生忍奢于死乎平時嘗聞楊王孫贏葬怪其迂誕追思物理良亦曠達彼王侯延隧中藏可欲幾罄南山銅矣而竟成野燒鬼燐之場弔古尋幽徒增感慨尼父氏曰古不修墓非死欲速朽邪吾志如此幸善體之諸子今覓地酌于豐儉之間築成馬鬣樹石墓道爲公題曰泉州阡伯子貽余書謂忝列葭莩無煩曲筆先君支華平先生集附錄
二七 清田開
其引領于九京矣余曰諛墓吾所恥也遂直書公行誼政蹟及大著作可垂三不朽者報伯子鐫于石爲支氏墓碑記

華平先生傳

同邑馮威世撰

壬子夏余方避炎圖中手陳編而太息曰古之人古之人美矣懿矣難企矣何今人之不逮古人一二也世降然歟抑自棄歟而亡何聞者以支伯子書至且以先公華平先生志狀相遺也捧讀甫

訖乃作而颺言曰此真今之古人也余昔親聆聲
歎而得其心神今何幸得之簡冊而益可揚摧以
範俗也又伯子書欲得爲先生傳發志狀所未盡
余嘗以近事爲監而辭伯子復以書來且婉言子
爲文家司南宜作一先子行誼惟子知之詳宜作
二不肖又辱臭味未宜作三而余復念昔者先生
謬重余延余淑仲子而余實淑于先生爲多是一
宜作也余憤世爲作輕勢篇千言而先生善之至
作九辯泄余未竟之懷是二宜作也余有兄弟而
支華平先生集附錄
不挾且不借以漁獵于鄉若世俗然而先生至同
葉給諫十餘紳紳之彥以拔俗清標扁贈我而又
嘗以清貞先生稱我知管莫如鮑是三宜作也伯
子所言三或過而余三言豈以自誣故不敢再辭
而以管蠡爲傳先生傳曰文先生諱大綸字心易
學者尊之爲華平先生嘉善奉賢里人也高祖茂
居嘉興郡城東生子立爲翰林孔目世稱文五經
立生高高生祿皆爲校官祿徙嘉善生先生先生
于諸子季也幼卽岐嶷不凡人以神童目之嘉靖

甲子舉于鄉萬曆甲戌登進士第觀政比部輔臣
江陵以五月紅蓮及白燕獻于朝先生聞而晉
之曰是侈言艸木之祥開禽荒之漸以蕩上心
者也烏可弗杜擬疏欲入呂座師知之大恩尼不
行已除南昌教授復學宮侵地士風一變無何轉
推泉州議處泉屬事宜小大中窾畧具先生集中
永春許令暴而黷邑人叛思起刃令檄下先生先
生單車行縣解士民之憤而事以寧又郡人洪侍
郎朝選與江陵忤江陵密以意授撫臺龐公欲置
洪于法先生念洪寬力救之以牘上撫臺其畧曰
夫洪家不過中人居恒左右圖史口談性命是今
世之矯矯者也今坐以反唇大逆如天道人心何
昔莽操以彌天智焰一叱而雷霆奮一領而雨露
滋真宰不能撓其權二曜不能違其算洎理窮勢
極莽坐宣室死于漢兵成濟一戈曹無咍類何向
威福之崇而今敗亡之酷也彼其之子面承風旨
憤于聲利謂洪可殺是不識禍福安問名義惟卒
全之事得解泊先生以王父憂去去而承奉者以

此故文章勅先生修夙昔之隙後嚴冢宰清悉其枉出補江西副理問理問散吏也僉謂先生才宜不事委瑣而先生遇事輒辦上官重之已攝奉新令篆不問紛拏皆得其理奉新人欲得先生爲真令遂以臺疏薦令奉新而含沙以射者俟其後矣及拾遺之疏入而先生落職去奉新借寇不遂先生歸奉賢里再徙邑治西日扁戶謝客著書課子而已素性不習時態不務干謁不畏強禦不近匪人不事生產橫逆之來順以受之陶然自得無懷葛天以上人物也而尤重節義憤世憂時酬知紆禍時邑宰設局修乘所載諸節烈非一而獨遺死友徐節婦先生聞袁公黃在事徐亦袁死友也哀故以婦年不合格不書而先生以年合格爭尺一徃返幾如聚訟而婦得書寧夏告變封疆之臣皆膽裂避事而先生不勝憂懣嘗吟狂士詩云踏破賀蘭石掃清西海塵布衣能辦此可惜作窮人一日請余吾欲構四恩堂余曰何謂四恩先生曰君親師知己也余曰師惟授業者乎曰否座師亦

預焉師過我座師拔我一也余曰若何爲知己先生曰如昔管子所稱知也卽有相觀相規而以意氣合者亦知也其欲酬衆恩而不負如此又忽謂余子見今士人皆欲冠軟翅巾及永軟熟紗綺也不似三十年以前人人角巾方幅衣也則習俗喜柔軟惡剛正類然吾輩何以免於世性不務干謁然喜薦士遇有司試士有可薦亟薦之不令士知也曰士才而有志者嘗恥于人以此益信先生真古人云生平素無疾一疾輒不治年七十一所著有永昭編年二史及文集六餘行世有四餘尚藏於家子五人如玉卽伯子善詩文能世其德中庚子順天鄉試清貞居士曰支先生質直好義篤信善道在孔門不翅顏閔行而政事文學有兼擅者洵乎于鄉爲耆碩于國爲名世也稽之祀法有能宗經翼聖開示來茲者得列文廟左右庶否亦得與鄉之先賢並諸名宦故吾鄉以一節稱者皆得祀而先生與一二偉人尚未有議夫以先生之才德淳儔遐邇

攸宗卽繼顏閔諸人從祀兩廡與素王同血食亦復奚忝乃未得與一節稱者同祀鄉賢凡在私淑者靡不頓足恨雖祀與不祀無足爲名賢軒輊取偏遺全輿論謂何故特爲闢其幽俾收采者得有攷焉

先考華平府君行述

不肖孤如玉述

痛哉府君之棄不肖孤也棄不肖孤甫百日而不肖孤卽遽厲疾御懷茹歎宛轉牀褥者凡十有四支華平先生集附錄

附錄

三

清旦閣

月已自分從府君地下遊乃不意復起爲人定中思痛欲詮述府君行畧乞言于名世而人事流遷驚心慘骨因循歲月又恐一旦填溝壑竟湮先德於是杖淚濡毫惟鴻願大人垂采焉按自帝嚳歷日月制干支世掌天官家以官爲氏支氏之錫土姓自茲始周衰溺其守而戰國時支期與樓緩止魏安釐王母入秦漢元光中光世公偕博望侯臣月氏功進爵西涼郡王及謙生亮亮生纖世稱天下博知不出三支唐高宗朝祖漸以孝行旌故宇

有來鶴軒事在孝順事實中時有嶺南節度使名祥者五代子姓益蕃爲瑯琊最著淮北今有支家河宋南尼踰隆興家西山而國徽公舉進士第洎諸弟先後登第者二十五人至三一公承于宣城有子仲頤徙吳下仲頤生叔芳授徒嘉興世所稱陶齋先生文藻高潔善繪事支氏始繫籍嘉興叔芳生慶生慶生子傑子傑生茂字宗衍永樂五年以貢爲山東樂安丞宏才偉畧有隱德茂生立爲蘧菴公先是宗衍公奉 敕督生銅黑鉛於廣

支華平先生集附錄

附錄

三

清旦閣

西卒於慶遠道中立甫十歲二母守節教養資給極辛苦績學累行舉正統甲子浙江鄉試第四人仕爲翰林孔目郡邑志所稱事母以孝著與羅文介相友善務敦本爲己之學尤淡于經學人稱爲支五經自蘧菴公以文行冠冕一時而嘉興支氏蔚爲文獻矣立生菊岩公高亦晚亦少孤後更自奮策文行爲世軌式亦以貢爲典濟縣學諭高生祿號槐谷是爲不肖王父性卓犖多大畧於學無所不窺歲戊寅督學注公文賦試冠諸生廩於縣

官場屋聲藉甚數入穀不偶已酉貢之春官名在
第一再對大廷皆冠天下士仕爲寧國郡博東贊
不行狙豆禮滌學憲吳公逆薦諸朝方之楊伯
起云先是宗衍公居郡城東牙前橋蓮菴贊於武
唐因家焉以故邑乘稱僑居菊岩公仍歸郡矣王
父復贊奉賢里顧時軒家而長宗一脈因爲嘉善
人乃奉賢里有豪隣鷲而鵬數齟齬王父而王父
坦中直遂陰墮其機獲幾與豪以鬬訟相終始而
諸父有壻於豪王父所恃和親以紓難者徒以延

文華平先生集

附錄

三

清旦閣

家庭之冠而莫之振卽至府君而禍終不解也府
君爲槐谷公季子名大綸字心易別號華平先是
諸父皆以文行名王父大望之而久需不售至府
君意頗懈乃府君性奇穎甫三齡卽有異凡兒終
日兀坐五歲而屬對英敏無偶八歲能文十歲而
學成十二歲徃平山遇文社輒就諸友索題一揮
成三義皆以古文行時調合郡相傳爲神童云出
試則邑令肖玄于公業拔爲第一人而署督學事
同野李公文進因延置西席以公輔相期嗣後有

試必首非首卽令邑人意弗愜府君亦弗愜所歷
學使無慮數人直指郡邑試無慮數十人咸以得
府君爲慶若方山薛公中方范公虹川秦公松坡
畢公尤隆國士之遇者奉賢里乏習制舉義者尤
乏有古文詞者自府君以髫年兼擅作者之場一
時聲鵲起儕偶不敢以雁行進卽了凡袁公兄事
府君里中稱之亦曰文袁乃曩所爲隣豪者日耽
耽思府君大成以酬王父夙憤歲丙辰王父待次
公車乘島夷亂操戈以撼府君而甘心焉會有天

文華平先生集

附錄

三

清旦閣

幸以免然府君卽歷諸坎壈而淬志精進御曲之
譽日益起時邑令三泉周公案建書院延府君及
了凡爲長而禮致四方名儒如一菴唐公龍溪王
公南屏管公府君先後皆北面事之潛心姚江之
學諸公咸曰子吾畏友也甲子應鄉試則御史黃
公廷聘本房小山毛公綱舉爲二十四人時府君
年甫壯思得一當以有聞於世繕性潔修足不入
城市戊辰上春官傲菴周公子義擬冠本房屬府
君一鄉同籍分考闈中修睦毗怨故於總裁處諧

落之周公向人輒扼腕太息至甲戌則應江陳公
渠舉爲本房第三人府君既成進士益以致身自
命日從諸名公會講於京邸寤聖學真詮觀政比
部 朝參外講明律例究心疑獄假館龍翔菴一
朴僕啜疏食出止一欸投澹如也諸凡宴會徵逐
一切不與時輔臣有進紅蓮白燕者府君謂非輔
臣所宜具疏將劾之疏畧云元輔當以道德匡君
不宜啓禽荒色荒之實五月盛陽連固時卉耳燕
玄鳥也而反白白者金象於光爲兵奚瑞焉會同
支華平先生集 附錄 三六 清旦閣

其勤情而品其優劣廩餼弗給者分俸畀之不足
質簪鉅繼之卽督學使考校所取舍每質成府君
府君亦厲操平衡弗妄軒輊部使者待府君如大
賓凡有大文字必藉府君願府君自視甚峻文以
檄來者不應秉節嚴範士風大振江左人咸方之
北地李獻吉云時巡撫震厓楊公成特薦於 朝
故事博士師得薦者例遷京秩府君起制科尤稱
是而以前疏故不得入轉推泉州府君怡然曰臣
子爲縣官用寧論內外資且使吾釋文學而操刑
支華平先生集 附錄 三七 清旦閣

年有知之者密告座師呂太傅太傅趣往厲語曰
相君方有時名子敢議之目不辨倉素矣且子亦
無居此以溷乃公爲也府君迫於太傅不敢上亡
何 奏乞南昌府教授南昌故會省而世故藐庠
序爲冗員可悔府君至獨持丰裁有犯必裁以法
學舍圯請於臺使者一新之宮基在閭閻大爲勢
宦所侵軼諸生亦數數見侮于豪者府君咸申院
司一刷復之間有告廟文以惕所司之便選者生
徒肄業豫章明德正學諸書院者千餘人府君程

名舍諸生而對伍伯笑非盤錯之會也丙子六月
行至福建會城而泉郡永春縣墨令許某者暴於
永春邑民願與偕亡至挺戈刃爲劫庫殺官擄資
據城計興化同年有愛府君者阻宜少緩行以觀
變府君弗是也徹夜行至郡未履任入見監司不
一畧而報亂者七至咸錯愕無措府君曰郵報若
斯不出一策何也監司曰俟集兵從定之府君曰
小民困于水火遂作此狀誠得寬仁長者扶義而
西宜自定耳毋事張皇毋煩兵革諸司曰無以逾

公矣。府君慨然任之，乃單騎戒行，急遣二十牌諭，以除暴安民意，約於二十舖中收訟，楮人咸爭先赴愬。沿途計得五千餘，一一核示審期，時城圍半解矣。比至邑，而猶有未解者，則有諸生陰主之，遂示考遺才。李試科舉者，諸生既入試，而檄束許令赴省候訊。及諸生出而令去，無可爲兵端，卽前諸訟虛心平鞠。一日，凡二千餘誣者咸相率遁去。邑用以寧是役也，非府君單騎宵征而曰徵兵徵兵，則不數月不殺數百人，不定矣。時撫臺劉公震菴

支華平先生集

附錄

三

清江閣

亟獎爲智膽過人。嗣是八閩有大難任之事，咸屬府君。一時八閩府貳無出府君右。秋試分考本省，鄉闈得士八人，咸以名進士起家。且有豎立者，試錄咸出府君手。裁則按君晏公士翹所專任云。時運司樊孔百出運長，杜吏議以行兩臺委藩臬會推廉敏府貳往視篆，則以屬府君。府君與利除弊，矢節矢力。凡九閱月而所支用司中銀七分以夜行市燭故也。時司晉江篆又司同安篆，又司運司篆，而按臺查盤之委生儒考校之煩，府君以一身

任之，有餘地焉。丁丑撫臺惺菴龐公以所廉安溪令俞某委勘時物議，狼狽而府君猶委曲全之。先是所勘永春令府君以令敗極，不可全故，嚴干法而寬于貌。至安溪令府君業已令破甑，無恙遂不敢假聲色以服訂者之心，而令反惠甚卒。以此爲府君丙戌被讒，張本云郡有侍郎洪公朝選貳于江陵，江陵授首閩撫按置諸法，密下府君廉其事。府君躬謁洪公共談徹夜，歸報云洪公勁節清風，左圖右史，剛方絕俗，庇正醜邪，古范孟博其儔也。

支華平先生集

附錄

三

清江閣

諸不法事無可廉者，又爲書具陳天道人事甚悉。洪公得緩死者數年，當是時府君既淬志豎立而當道又相信之，淡知無不爲爲無不就，如發機兵之餉錢給晉安驛之站銀，核永寧福全等倉之蓄儲，則更改折寬更夫之役，則欲坊內富家出力共守甦安海之稅，令各牙計派齋納以至革無名之海權，去舖戶之襍差，處水陸新募之兵死者勿補逃者勿勾調之南北汰其老弱而令泉中無脫巾之虞，委問重辟平反肆出者不下百人。其軍徒笞

杖由重卽輕者無慮三倍以至鞭朴不敢妄施錮
鉢不入私橐府君嘗仰天歎曰吾持此治行卽
見 高皇帝無愧色也故議者謂府君法不遺強
仁必逮賤豪右頗知畏忌版備甚荷撫循革百年
倍尅之窠曰擅一時廉敏之駿名官邪非萬不可
庇者必緩爲保全之策過行得諸風聞者不形于
揭報之微一時編氓以至士子如慈母如嚴師卽
縉紳先生無不翕然推服獨以食用淡薄有不自
愛之譏而府君動心忍性之學其得之平居素也
支華年先生集 附錄 四十一 清江閣

棺附身是圖與王父合葬一循古禮人謂府君至
性天放生事死事皆粹然真儒作川云庚辰離任
二年五閏月矣中更撫臺復命者再按臺復命者
一歲報季報獎譽如一口而耿中丞敷按君文章
劾府君任性肆才應議處過堂日僉都劉紫山公
思問曰本院嘗撫閩閩中宦者稔知之支司理才
守卓卓且去任三載矣何例而黜之考功語塞遂
以降閒重處之衆咸吁駭莫測所由說者曰府君
嘗與耿中丞會于講肆中辯動靜之旨中丞偶爲
支華年先生集 附錄 四十二 清江閣

至丁丑閏八月甫一年三月而王父之訃至矣府
君哀痛不欲生泣下皆血諸司道賻儀一切謝却
卽日蓬跣就道止一敝簾圖書數帙而已去任日
滿城流涕其以青天稱而長號以杙其輪者幾五
十里至二載後而過野謳思府君歸而魂處里中
日肆力于古文詞及經世之學嘗設臯比口授不
肖兄弟章句至戊寅十月復值王母之變王父亡
後七閏月而王母病府君進藥餌必親必嘗病亟
時不解衣者月餘不交睫者旬餘屬續之日惟附

所困遂不相能又有疑府君觀政所擬疏事輔臣
微聞之而承奉者以此進又有疑府君過爭洪侍
郎事觸當道之所忌者又有疑司教南昌時嘗以
學基爲一孝廉所侵卒力爲恢復後孝廉已舉制
科司理淳南遂從中相傾者府君皆不問而且耕
且讀于綠溪之野怡如也泉南縉紳憤起力爭問
復遺書相慰府君笑而不答惟嘗答大司馬吳自
湖書謂唐仲友守天台賑饑恤匱百度釐舉爲天
台守第一而朱紫陽乃六上章擯之程伯淳如精

金美玉宜無可指而趙忤獨不相能則不特君子
小人勢如冰炭卽兩君子而軋于事勢狃于學術
因而相傾者多矣府君自是益淡居簡出凡七年
餘至癸未春冢宰寅所嚴公清知府君枉托所忠
強府君出府君俛就補江西布政司副理問故事
遷吏類不大大事事而府君飭躬秉憲不敢怠左轄
定宇馬公文煒大相重不欲以幕下禮延見促膝
商榷幾務至丙夜不徹也服輒偕兩溪萬公見羅
李公思默萬公見麓蔡公究性命之奧一時故知
支華平先生集 附錄 四三 清旦閣

門人以千秋賢政以聖學印可又翕然傾江右會
撫臺曹荔溪以京庫停俸而奉新縣逋獨多邑令
朱雲崢其年家子遷去不忍論列以府君與朱亦
同籍遂屬府君示篆相要徵舊逋必如期完府君
至縣見諸獎叢查胥吏猾桀不可理遂一切法諸
不法者然爲朱雲崢調護則不遺餘力邑有豪民
廖富九者橫于里府君收而置諸法廖遂糾前胥
史詣案所譖府君朱因徧揭諸司而內從故掌院
趙麟陽求援趙以內戚故亦移書江右部使者欲

害府君時撫臺卽馬公定宇以左轄遷而按君孫
公許西咸知府君事委曲且府君署縣時所爲朱
調護者又熟耳而目之一時上下咸不直朱令而
稱府君爲長者然奉新士若民又時時泣請兩臺
卽見麓蔡公襲溪余公泊諸鄉紳亦書請願以府
君宰奉新兩臺乃以 疏薦府君宰奉新府君力
辭之不得至縣則務爲寬大崇學校獎士行敲朴
不事而訖于威富邑故多盜烏山巡檢司捕影邀
功一切禁止不得肆自丈量後上下鄉均賦而南

支華平先生集 附錄 四三 清旦閣
北二區遂鞠爲茂艸矣府君酌四差徠編庾稅以
三折一以二折一之法而兩鄉安大盜熊十二已
經二世積有饒資四方奔湊如歸丞尉以下蔑非
心腹也者府君悉其故時有以盜訟熊者府君責
之而繆爲好語曰熊十二鄉之素封卽二子聞亦
讀書奈何訟之熊自以府君無他心詰旦且偕二
子詣縣訴渠污巖府君曰吾聞汝名熟矣且羈此
無還也遂盡出諸盜案熊竟輸服自熊獄成而地
方無大吠矣奉新雖僻然與湖廣南贛隣大賓乘

傳驍杏勢如雷火府君裁以法不得肆而又以其間供諸司文札之役遞至遞應卽庭鞠幽隱日凡數十事對衆立揮千餘言邑士人錄以爲式不啻左史也乙酉秋入棘闈見兩士子卷文甚佳而以字違格應貼府君遂立爲改竄皆中式不以語人惟同事黃遂初嘗見而言之時府君賢聲又出江右上而朱雲崢以前譜故日夜望之卽趙麟陽亦爲朱以圖府君者不置冬入 覲兩臺知趙朱合謀必陷府君預以揭白楊太宰述所由怒狀會察文華平先生集 附錄 三五四 閱 清旦閣

日趙執筆有言楊太宰曰此官我素知其入賢者也幸貴之趙不能強亦註畱而會掌察事周御史希旦者則故安溪俞令姪戚且鄉同年也令復一載以敗墨而終疑府君中之周稔聞其言而甘心焉拾遺一疏竟入府君名議落職時咸以有才而不用有言而不校有恨而假手于人與居人位而代人報復無不爲府君憤者卽趙朱亦陰令所知造陷舍道故徐觀府君意而府君怡然無一言買騎南歸時有門人故知釀金三百金爲府君治裝

府君笑而却之曰諸君以僕居官而廉乎罷官而廉固在也洎遵 旨行勘而奉新士民群起稱枉自郡而司而院查覈無毫髮瑕政侍御孫公許西爲回春甚具而府君之心迹白矣時有諷府君乘勘明可再出府君曰我自甲戌筮仕迄丙戌十二年教者一載司理十六月藩幕一載邑令十五年而幽居者乃七載有奇彼時尚不能委蛇以求榮今已半百矣安能碌碌爭此腐鼠乎丁亥冬遷于邑城西北隅時江南大饑死者如林府君設空所以待枵腹者欲驚身輒以數銖與之不責其券歲熟輒遁去不問也所全活幾三百人曰吾力止于斯聊盡吾心而已寧如世俗有所施輒欲聞之縣官以市美名哉癸巳寧夏變常中丞心吾撫浙擬特薦府君會中丞以調行遂下牒郡邑詳其事塞督撫理齊以島夷亂特揭冢宰司馬薦府君轄糧廣寧竟以寡援不爲復府君亦浮雲視之弗是也杜門塞兌故交非極厚者不得面平慶事間有不

可已者命不肖輩代爲之邑令處惟元旦一投刺

文華平先生集 附錄 四 閱 清旦閣

外不復顧或聞事有極枉不平及關一邑利害者
卽奮身出援高坐縱譚引古質今動合典刑合邑
歎息傳誦旬月不衰也時兩臺及藩臬多府君同
年及故人卽有餽遺亦不令入于旋式廬之禮時
時不絕卒不一報謝自軒冕以至編氓咸以府君
簡貴所最慕文章節義之士千里猶神交也儉朴
絕俗不事修飾敝衣舊與一二短褐蒼頭相隨見
權貴奉身而避若將浼焉優游林下者十九年而
僅一入郡城其諸游道絕不厝足人或以山水之
支華平先生集附錄
四末 清旦閣

僅免飢寒自五子五女婚嫁之後而生計蕭條不
可言矣乃憲友陸某者故而子弱府君力扶之嘗
賑其匱乏同年王某子遭鹽官倉儲幾三百京儲
二百有奇不償例且戍府君聞而奔告諸同年惟
丁公改亭力助之餘有應有不應者府君自稱貸
爲之經紀得不敗姪子某幼孤數遭齟齬府君嘗
任保孤遂委曲存濟之而族孽有誣府君嘗爲此
子寄私蓄者府君憤而直之城隍神不七日族孽
嘔血口稱奈何誣正人而死事伯兄最恭寒暑永
支華平先生集附錄
四七 清旦閣

說進府君曰吾有簡編可當臥遊彼碌碌道途者
自謂領畧山水乎失之遠矣庭設講席日以文行
課不肖兄弟家素窶一裘一葛不數年不鷄結不
易也所居臥榻不蔽風雨風雨至拉攤聲不絕自
奉無兼味亦不盈簋卽遇客加一蔬聊以陶情而
已課不肖輩最嚴文稍進喜而餉以肉半簋曰讀
書不可乏滋味也至于麤生不令入口不肖輩至
弱冠未嘗衣絲縑先產故薄宦橐篋如又最恥借
交富家翁至于居間之事無敢啓齒故守株節用

人乃府君卒不任德甚且有背詆反噬迄今而下
斥不肖兄弟者矣朝夕愛獨立輒呼不肖兄弟訓
以古人法言懿行及可爲懲戒者娓娓千言嘗曰
吾生長患難自幼及壯日有三死焉幸不死而復

以文學起家卽產不及編戶名不出閭左然吾無不釋然于茲也昔宗衍公五十弗子有良民誣于盜掠服幾瘐死公憐而直之官得白已而攜艾妻以謝宗衍公却走避之夜夢一神曰汝有隱德天錫爾以文人爲子期而生蘧菴公以文章顯世而菊岩槐谷兩公復以厚德培之子幸而仕卽仕不顯要皆宗衍公一念基之也宗衍晚攜蘧菴于膝曰吾願兒爲校官人異而詰之曰校官而才可以及人不才不大害人今自蘧菴而槐谷以

支華年先生集

附錄

四

清旦閣

及予四世爲校官矣于宗衍公心不旣酬乎甲辰三月不肖下第府君日夜望不肖南旋二十二日不肖抵舍府君已有微恙然承冠而出詢朝政及海內人物詞家臧否終不及一家事嗣後卽疾漸瘳而容愈肅至四月十八日莫呼不肖等徵論以後事謂吾產薄甚析箸後恐餽粥不給然惟廉可以立身惟儉可以成廉小子其以儉始繼語忠孝大節立身法度不肖輩流涕跪受嗣後漸不欲多語惟晨起及將莫必嚴坐俟不肖等候起居啜茗

而出始臥至廿日丙辰端坐將逝忽躍然曰俗忌夜亡姑需之至已晷始瞑無私語無怛容嗚呼痛哉府君自幼迄莫年未嘗一日去書不讀未嘗一日親聲色玉帛之事在仕途未嘗以一文潤私家未嘗以赤蹠通京貴及歸山未嘗一問治生之術未嘗一與聞非義之習卽古之達人正士方且退舍而以寡交游剛腸惡惡不與世推移以故仕不顯卽名稱亦不能責之不知者惟逝後邑之人咸追念先達慕義好修謝絕干請不爲勢禦不爲利

支華年先生集

附錄

四

清旦閣

動有疾苦枉抑必慷慨暴白咸曰文先生先生逝而此道不可問矣則人心固自有公也議者謂府君天性孝友至老猶孺慕祭祀必誠必敬似王休徵屹屹好理學不妄交游一介不輕取與似程伯子嫉邪秉義不善迎逢人意人有過輒面詰不能容臨大節凜不可奪似汲長孺好學不倦工古文詞睥睨當世似蘇長公憂世憤時慷慨論天下事動中要領毅然欲以身先天下之急似范希文檢厲勤慎問饋必謹不事玩戲任奔仗義似陶士行

抵掌談丘閭閻操縱視奸雄于股掌間似諸葛武侯全真守幅率意徑情不喜習虛縻似嵇中散人倫鑒識品題中繁處約味道不澄不擾似郭林宗不立城府與人語洞示肺腑浮雲富貴芥視生死曾無一塵入胸中似邵堯夫無過情焉所爲古文詞少年喜做韓昌黎孝廉時從事性命之學議論慷慨暢達至豫章遂一意步趨左氏歸山則鎔古範今直逼漢魏而上詩五七言近體得老杜真髓歌行絕句出入青蓮今將合刻以行惟編年一史

支華平先生集 附錄 五子 清旦閣

則私有所左袒者咸排之顧府君此書重節操而薄浮名獎文學而輕軒冕伸意氣而羞委蛇崇寔德而貶粉飾雖多風聞非敢臆斷具曠覽者自有公評溢惡之言恐未足據也先是間居時議鄉飲鄉賢事每感額曰有是哉俎豆之不如播間也丈夫生不五鼎食死卽詣義黃姬孔割席談心奈何與販傭爭鉅釘乎及與不肖兄弟詮次當代文章名家輒謂當得一言以誌我府君意在世味之外固如此敢摭述一二以請惟衆左氏品藻之法焉

遷板寔之文俾隱耀潛光附青雲以有施焉獨恨哀痾如絞裁言不文願德懿行百不及一則不肖何所逃罪惟怍怍隱隱俟華衮以自贖耳府君生于嘉靖甲午年四月初一日子時卒于萬曆甲辰年四月廿一日巳時享年七十有一配嚴氏嘉興太學嚴公從節女子五長卽不肖如玉娶漳州府守曹景坡子太學位宇女次養訥邑庠生要建昌府檢趙經野女先卒三如金邑庠生三試棘闈不偶以例貢入成均娶文學陳挺宇女皆我母李氏

支華平先生集 附錄 五子 清旦閣

出四如瓏國子生要府廩生於瑞雲女顧氏出五如增娶太學蔣建區女張氏出女六一嫁曹以庸先卒一嫁廩生戈靖邦一嫁于時保皆嚴氏出一嫁監生張夢龍母李氏出一嫁庠生卞玄極金氏出一字廩生沈紹曾子枏張氏出孫男十二元素邑庠生娶華亭尚寶司卿徐述齋女中約娶侍御顧微韋長君太學見陶女允堅聘憲長陳頴亭長君文學貴聞女皆如玉出朝弼國子生娶藩司都事薛毅軒女養訥出元哲聘給諫葉鹿吳長君太

學孟盡女中繪允灝如金出鴻祖鴻基如瓏出如
璚出者三尚幼孫女二一嫁辛丑進士馮桂海子
國子生季鵬一嫁文學余省章子秉正皆如玉出
曾孫一朝弼出卜丁巳年九月十一日寅時葬于
邑西律圩之新阡

三虞泣詠

不孝孤如金附贅

嗟乎嗟乎不孝孤自甲辰罹大故以來不覺偷視
息于天壤間亦歘然十有四禩所矣緣先府君尚
友華平先生集 附錄 五三 清旦閣

倚淺土宅兆有待故雖援琴後而隱隱瘋憂則常
若在復出者然歲峙行根率季弟尾家督從青烏
子于坎北盤屋之區幾面驚足跣而今始獲一抔
土哉駟鬣雖封蓼莪已蔚析薪而弗克荷象賢式
穀之謂何何以對在天之靈副重泉之望而申罔
極之報于萬一哉肆茲青箱具在手澤徒存而不
孝孤材庸品杓卽充賦濫竽數數逐愧黃之市而
迄未達一售也暨病且廢計齒而踰立矣歲月如
駛明發不寐忍忘有懷幸名太史撫實錄以錫華

哀令岱宗有生氣而先府君不至奄奄同地下人
者皆其如椽力也貌諸不忘府君其敢忘如椽乎
爰從三虞之暇對揚識銘紫歟不能已已而踞爲
之詠

於維世澤代有間人位不必顯道無不信五經而
後奕奕矜紳夙推望族洵修鄉評篤生府君天挺
其英蓼集于躬用玉其成孝友天至不畜憂焚倚
馬才雄電飛墨卿品純玉尺學富金簾髻而聶譽
旋聽鹿鳴數躋公車壯而蛟騰人倫泰嶽天衢福
友華平先生集 附錄 五三 清旦閣

星正色抵袂朝右畢傾黃矢丹鑣新以霜硯聯跂
相勗曰佐夷庚願言請劒脫彼羶腥楮挾風霜氣
愆江陵云不可使借鐸西征捧檄色喜鴻飛于冥
化雨仁風中訢菁菁量移泉李平反其刑弗畏疆
禦僕區得情雪節梧丘徹覆鵠亭醜爾墨吏奔駢
震驚司寇何辜羅以采苓誰操淑問而爲飢鷹一
官如蹤三尺是馮翊齟齬要樞裂背斷斷奉諱而還
含涕我乘漠不書空聽彼青蠅豫章悲慕叱馭而
行剝圭爲斧游刃有贏閉門却掃嚼菑飲冰鵬息

槍榆臺章交旌 帝命曰俞爾宰新城拔薤櫛垢

起壁礪盲陡釐束濕而格紋繩民歌來暮士仰淵

淳洞酌汪茲適駿有聲直道陵遲狼噬頻仍三黜

五窮天軸誰擎民各有心截鉉攀鉦緊遺甘棠勿

剪勿零直嗟展獲豈愧孫登歸賦十畝桑者駢盟

四壁圖史課兒簪燈虛白重玄刀圭一器吟芬陶

謝文郁二京富矣十餘購之千珩坡雪寒松雅嗜

幽貞白眉獲雋方幅傳經洛下東山望重蒼生滄

海蚌翯與世亡爭石藍可餌瓊芝可鉤胡不愁遺

未耄而昇鳴庠痛哉榮名非馨亮節是馨卓哉府

君軼駕古今野有遺徽山高水清朝有遺摹信史

旂銘碣風玄耀炳如日升人亦有言雖死猶生烈

烈桓桓于萬斯齡瞻懷風木結骨槌膺鳴庠痛哉

支華平先生集 附錄 五四 清江閣

支華平先生集附錄

支子餘集五十二卷

浙江汪汝霖家藏本

明支大綸撰大綸有世穆兩朝編年史已著錄是

編乃大綸自萬厯丙子至壬寅所撰詩賦雜文凡

藝餘十四卷政餘八卷屯餘八卷耕餘八卷敦餘

二卷述餘六卷又永陵編年史四卷明陵編年史

二卷卽所謂世穆兩朝編年史也集內酬應之作

居多語亦間涉荒誕觀其自題像贊及題觀音像

贊竟以孔子自居是何言歟

御龍子集七十七卷(一)

〔明〕范守己撰

重慶市圖書館藏明萬曆十八年侯廷珮刻

本

此書清四庫全書總目入別集類存目六惟提要漏畧瓊四卷與所著總錄不符又稱曲清新
聞已著實則無之何其疎也存目又有守己撰御聖集十二卷傳是錄書目著錄此書為二
十四卷殆皆先此所列自是編出其本遂微矣為此本作序之侯廷珮王道行俱嘗官而清
嘉慶提為縣志卷六官師志政績篇稱廷珮刻算臺而民心悅服重斯文而士風丕振去氏
咸頌曰安得侯公再來入祀名宦撰有平夷曲啓一首時在萬曆十六年別見龍文志道行字
明南與石里黎氏表未多煙趙用賢輯續五子附見明史王世貞傳著有桂子園稿為魏校
編有英世增光錄又撰有宣撫降詞記入明詩歸編定變錄然清嘉慶四川通志職官失載其名
此為一第文斷於殘藏文長春繪運四書本之一二第近於三日本第王撰自中四室省現
以藏事缺字即於今平航空東下此時當正擬電報平安也氏紀廿七年三月十日夜李承祥
雙觀

御龍子集序

珮幼即聞洧上有范先生先生之文珮多從至自洧者求有之泚泚嘗讀其文想見其人而不可得丙戌珮登進士尋除健為令之任西蜀而先生亦入官閩中珮自燕晉過西夏道出

御龍子集序

葫蘆峽口運好水川由隴汧度褒斜登棧道劍閣以達岷峨之麓窺江沱之涯造邛崃之境而攝衣于健為秦蜀相距不下六千里而先生所在竟未納履一謁比至健陽會西南用兵征獫狁乃而珮遂受符督輓土漢兵餉日走江

御龍子集序

天夜枕蠻洞搗臙乃巢穴嘗自清水溪舶五九淋墓順黑田諸灘之嶮梯涼山黑宅梅子菁青崗坪之危風濤嶮惡瘴雨凄其以至毛禿神恐慙然魂銷劬瘁至不可解及取先生所為詩文讀之困則醒然欲覺飢則飲然欲飽病則圯然欲起倦則冷然如汲有起舞之態有擊楫之壯有毅然任天下事之心而不知勞即裹馬革而亦不辭因仰首浩嘆曰先生之文使我如此幸生與先生同時不與之同地也而見先生之心切矣及珮奉銓部命改繁晉陽已

丑三月出蜀還秦而入晉是時
生駐旆渭城而珮復由沂隴
達韋盪過朔方郡還唐呂溫
三受隆城之南由綏宥而過鄜
延截西河以渡東入太原乃渭城
之陽又無由一至竟又未與先生
見矣及視事會邑雖無土漢兵

柳龍子集

序

三

數十萬之待飽無蜀道承運三十
幅之艱難而奔走車塵日撲浮
埃濡首薄領爾是期會折腰逢
迎免耳喧囂世容俗狀亦既盡
矣至于淚沙澣之寒鴈翔太行
之赭霞撫摩詰之遺墟對岷嶓
之山月憇霍山之孤松覽唐虞之

柳龍子集

序

四

芳躅攀壺口之仙跡挹首陽之清
風雖興因景觸而情隨境遷殆
無復昔日濡墨吮毫之思矣况
劇紛懷至于此極及挾先生所
為詩又讀之則又困歎覺飢欲
飽病欲起而劬倦之極則羅然
有起而辦天下事之心而不可遏
而見先生之心愈殷殷矣未幾而
先生奉天子命督學三晉之
晉之士皆翕然望之粵九月先
生自秦至于晉珮還伏道左望
見顏色而昔日願見之心以憚先生
八據公署珮修賤吏禮琅然聽
金玉于階下則見其像峨然如

山其顏溫然如玉而聆其音則粲
然如萬斛之珠涵于天衢見者無
不人人愛越翼日珮項禮復入
謁先生延而與之語悅珮乃
盡求先生所為詩文讀之欲
付之梓人先生辭謝者三逾年
載珮求弗已先生乃盡出所為
詩文示之則見騷賦樂府古詩近
體儼然漢魏盛唐置之古篇章
十幾不可辨其譚語叙論傳
記自天象地里人事星曆以至
鴻鉅暖微無不備具而皆出之
鈞見獨識其叙事則直言謹
語初不吐茹讀之皆可以垂戒

興感悚人心骨珮遂授之剗
氏俾壽梓以傳四方維時藩臬
諸大夫咸捐貲以助匠氏未閱月
而工告成珮實司校魚魯之役
事竣不可無言以紀歲月又不
可無言以明先生之文夫先生
之文海內知名之士品之詳矣大
較皆謂先生體備而用弘遠興
四大家並驅近與李獻吉何大復
王元美齊軼其知先生非不至
也而珮則謂先生之才與四大家李
獻吉何大復王元美同而先生之
又闡性靈抉理窟羽世教言言
王道其有功于人類則又過之全

觀其化育諸篇諸先生有之乎
此皆他賢所不及謂之發前慙
之所未發亦宜矣是書一成則不
必藏之名山以俟後世即今之四
方且流播不已而讀是書之困欲
醒飢欲飽病欲瘳勞倦欲躍而
起以任天下之事者不獨一珮而

獨龍子集

序

七

鐫之壽梓以使人之口誅其言心
憚其味而手不忍釋者又不獨一
晉陽之利也

皆

萬曆十八年歲在庚寅季夏廿
二日朔方侯廷珮撰書

遊藏草序

萬曆甲申余司農南中見
南中諸曹少事而尚詞翰
矜名行而嚴品藻每論文
則率稱數范以部云時余
弔思困衡未及與相從論
議弔善河而比部以金事

遊藏草

序

一

未巡我閩內余私為一踟蹰
幸謂詩腸騷臆襟期自軼
而圖迴必踣絕也久之范公
與余守原公遊華山窮日
三峰旋畢屬其意興如此
遂有作原公刻之曰遊藏
草記一街為五賦一詩十

有二余將自覽之曰是安
可弗傳也自昔滁山車
于歐記三都錯陳于左賦
廬山以文通吟呈秀鍾山
以休文五帝騁靈其所從
來之遠矣蓋繪形圖貌
資于記匪核弗肯標美潰

連橫草

本

二

微而諸賦匪惡弗蘭矯韻
字而發澤思得于詩匪超
弗悟三善誠具斯典勝跡
並傳矣今該草于記若得
其體勢焉于賦若得其光
景焉于詩則不覺神爽典
山靈飛揚也斯謂之核之

惡之超非耶余竊觀張華
見太冲賦咨嗟其美江沈
皆以才俊蜚聲江左而永
時又為趙宋一代名筆則
其諸作傳也非直善物推
亦以其風格勝而藻繪芳
潤耳張栢渠曰美則愛之

連橫草

本

三

則傳翰隸飾之厥外遠
也信失矣華嶽自韓退
之登涉懼莫能入以素辭
益卓詭而方內耽奇嗜勝
之士孰不思陟其峰嶂縱
其駭瞻雄以遠莫致之
為憾苟得是草可以不出

石庭而慨登眺之想有不
把玩不忍釋者余而况其
文詞高古翰轅亦既飾矣
范公聞余言曰我安敢當
此願刻石可以為序是印
我序也遂刻諸石

萬曆戊子年八月朔涇陽

連嶽草

序

田

病叟魏學曾序

御龍子集叙

御龍子集消上范介儒先生所
著也有庸語四卷天官舉正六
卷參兩通極六卷陳謨四卷曲
洧新聞四卷詩文五十三卷仰
稽玄象俯察地理中列人事遠
自神化性命之微旁及物性人妖
御龍子集
叙
之變無不備舉而錯陳之凡得七
十有九卷書成以授王子叙焉叙
曰學者載籍極博白首未易
究舉其大凡不過經史子集四
者經以載道其體大史以記事
其法嚴子以抒意其境專集
以考言其文傳故學欲博必內

鍵而遺智慮思歆精必外鍵而
廢耳目此兩者分域而馳久矣
若夫窮高極遠測深探厚兼
提而條貫之雖千古一人猶曰接
踵可不謂難乎昔楊子雲好學
多深湛之思著太玄準易參
摹渾天四分之爲方部州家以
御龍子集
二
闡人事之休咎其言冥津漫漶
不可解剝學者未嘗涉其途
庭輒當以吳楚僭王之罪君子
不謂是也先生崛起千載之後
于箕疇義畫圖書理數之原
積散有年盡得其說自謂邵蔡
諸儒所未能窺一旦識之爰著通

極一書直馳雲壁而拔之幟改
署馬太之甚勇之甚劉向傳五
行災異名以類附推測未敢往
券合今丁丑星變冊免大吏若
干人
朝章六郡國曹不能名其體應
云以非士大夫所肆及故也先
御龍子集
三
生曲暢旁通犁然可睹手製璇
璣經緯纖密粲如指掌其言雲
物稂祥多前人所未發詩自三
百篇後屈宋汎其瀾曹劉振其
響六代三唐遙相委蛇宋儒以
理學掩之斯道幾廢我明弘正
以來獻者龍躍于此地景明因

翫于汝南海內士人雲從景附駸
駸黃初天寶間達及嘉隆之際
歷下卿瑯益放厥詞國朝以雅
于斯為盛先生稍後起慨然歆
與之齊自蘇博士業起家為雲
間司理隨六察使去歎掌吏事
未嘗一日廢書凡所著騷賦詩

御龍集

叙

四

歌古近體以下落筆數千言皆
不加點綴而工蓋儲材若鄧林
而意匠高古善不滿志也叙記
奏稿諸文憲章史漢委致側
密古色蒼然如鍾鼎錯陳料斗
追剝至于批根道窾指切事情
若曉星初燠若春冰解不為

難讀之詞而體自雅正彬
君子哉竊謂先生之精在通極
一書而盡其緒餘于政事抽其
業于文章卑聰明于千古之上
揭微眇于寸管之中雖名為集
而實備經史子三者豈非繼將
體貳之材曠世一遇者乎年古

御龍集

叙

五

鼎盛書已滿家極其志富有日
新何所願諸他日名山之藏種
種未艾也君侯嘗問之夫子博大
多君聖人哉然知天而言人書
易而稱詩書執禮其自命曰不
多不強而已蓋天之生材各有
分劑宜通其節度而心如馳求

過甚則神勞力乏非所以速
育也故其學雖多所不知而其
教人則有所不言下學而上達衛
道之心焉如是而存過重之人博
學多方自我佐古宜非夫子所
禁先生潭思至理才足以發以
為讀書不入其奧突則門戶易
窺持論不據其膏肓則砭艾易
及著書不得其上腴則喉吻易戢
雖經營風議靡事不為而疏
窮年終不以彼易此上下數千
載歟歟攻古人之所偏至而苞其
全體有以也茲秉晉鐸正身範
士諄々然以脩經術尚躬行為教

宛然孔子家法意所謂不多不
作者自在乃高識兼材實其
餘勇與古人角尤足超上駟而凌
如此讀是書者宜知先生傳誨
之致其來深遠矣
萬曆庚寅秋孟吉日
賜進士出身中奉大夫四川
布政使司右布政使致仕晉陽
治生王道行頓首拜撰



御龍子集目錄一

消上范守已介儒著

事要侯氏狀清李時

膚語

卷之一

御龍子一

化育

性命

聖神

性道

心學

御龍子集目錄一

卷之二

御龍子二

酬物

應務

政事

禮樂

訂經

訂傳

卷之三

御龍子三

稽古上

稽古下

諸子

文章

詩賦

游藝

卷之四

御龍子四

天象

造化

輿地

御龍子集目錄一

時令

象數

天官舉正

卷之一

御龍子五

三垣篇

卷之二

御龍子六

四象篇

卷之三

御龍子七

五緯篇

卷之四	御龍子八
二曜篇	
卷之五	御龍子九
雜星篇	
卷之六	御龍子十
雲物篇	
參兩通極	
卷之首	
數原	
御龍子集 目錄一	三
乘原	
位原	
七十二乘總目	
著法	
圓圖	
卷之一	御龍子十一
上篇前	
卷之二	御龍子十二
上篇後	

卷之三	御龍子十三
下篇前	
卷之四	御龍子十四
下篇後	
卷之五	御龍子十五
索辭上	
源索第一	
撰索第二	
元索第三	
御龍子集 目錄一	四
曜索第四	
卷之六	御龍子十六
索辭下	
韞索第五	
用索第六	
贖索第七	
筮索第八	
環譚	
卷之一	御龍子十七

豫譚第一

卷之二

御龍子十八

吳譚第二

燕譚第三

卷之三

御龍子十九

雍譚第四

楊譚第五

卷之四

御龍子二十

晉譚第六

御龍子集

目錄二

五

曲洧新聞

卷之一

御龍子二十一

共一十八條

卷之二

御龍子二十二

共三十三條

卷之三

御龍子二十三

共二十四條

卷之四

御龍子二十四

共三十一條

御龍子集目錄二

洧上范守已介儒著

寧夏侯廷珩校

次劒草

卷之一

御龍子二十五

騷類

恫騷

沈索

卷之二

御龍子二十六

賦類

登太華賦

讀書臺賦

御龍子集

目錄二

十一

卷之三

御龍子二十七

泰山賦

三泖賦

洧上賦

卷之四

御龍子二十八

古樂府

飲馬長城窟行

君子行

長歌行

燕歌行

白雲謠

瑤池歌

越人歌

采葛婦歌

蹄林歌

鉅鹿公主歌

捉搦歌

烏棲曲

折楊柳

團扇歌

白石郎曲

青溪小姑曲

湖就姑曲

石城曲

子夜歌

東門行

西門行

朱鷺

上之回

巫山高

將進酒

芳樹

御龍子集

目錄二

有所思

雉子斑

聖人出

臨高臺

猛虎行

江南弄

卷之五

御龍子二十九

五言古詩三十三首

和古詩十九首 和王仲宣雜詩三首

和曹子建雜詩六首

和陶淵明雜詩二首

和謝靈運齋中讀書詩

和謝玄暉直中書省詩

和謝玄暉怨情詩

卷之六

御龍子三十

五言古詩

洛陽阻雨八韻 寓隆德中秋夜望

月不見 戊寅立春日常熱

暑中 古意

追賦張公洞凡三十韻飲昌黎體

紀夢 北固山下觀大中

御龍子集

目錄上

丞閱兵

望甘露寺

江頭閱水兵

惠泉

桂園二首

詒張幼于

題芝林

憶張文忠一首宿提欽廳作

詠劉母鄭太孺人節榮

送衛比部出守溫州

初冬同陸梁彥張幼于夜集吳汝則

池亭分韻得歲字

挽蕭母

渾天行有序

送吳汝則守潤州 閱孝陵有感

宛陵行吊陳宗伯迪

題潛德冊貽陳贈君

終未除夕夜坐 同歐楨伯方子及

李惟寅陶懋中李道夫遊幕府山

懷七子詩 以下入計草

趙夢白 屠長卿

周元孚 李于田

方子及 陶懋中

御龍子集 目錄二

李道夫

卷之七 御龍子三十一

七言古詩

四懷詩 送劉長欽監兵渠

南因簡王鄭二臬使

大隄歌 易水歌

帝京篇 題沈封君墨竹

題小祇園 古椿行贈王漆溪

翁媼惜壽

潤州城西月下卽事

虎丘行 拂水巖歌

昭關嘆 唁張氏子

題張幼于石湖別墅

霧豹行送焦比部治兵肅州

羅浮歸去篇送歐楨伯還南海

乾陵行

卷之八 御龍子三十二

五言律詩 金陵草

御龍子集 目錄二

秋夜同歐楨伯虞部集大鴻臚方公

允治齋中分韻得為字

遊靈谷寺四首 至後積雨

齋居遇雨夜坐四首

第七女生志愒 夕惕齋夜坐有感

二首 夕惕齋早起

題周儀部育德承休冊為封君壽

莫春三日方子及陶懋中諸曹長集

余池亭有作

送姜可叔唐仁卿北上

送顧道行觀察山東

螢

靈壁道中兩行二

首以下入計草

過太丘驛

姜里

車騎關

入張掖門

懷鄒爾瞻

懷汪蔚翔

懷唐仁卿

懷陸梁彥

懷倪潤仲

辭朝有感

御龍子集

目錄上

六

兒為鏞年十有二則名諸生後聞之

志喜

送廣上人遊姑蘇

重遊牛首借宿山房一首

遊祖堂山幽栖寺 花巖寺新剎小集

莫愁湖別省中諸友以下入賀草

龍江渡阻風

渡黃蘗嶺

過滁西清流關

蒙城道中遇雨

阻雨宿白龍王廟

十月十日亳州道中

亳州署中遙拜

老母

晨行亳西

過太清宮

過太康林明府招飲別館即席口占

一首

扶溝道中書行懷詩友李伯實

扶溝張明府招飲劉氏園賦謝

過鄆陵錢宰郊迎因集陳氏園至夜

方散別後有述

夜入洧城

發洧上夜次尉氏縣

渡黃河

次衛源連王功曹

御龍子集

目錄上

七

題湯陰岳王廟

銅雀臺

疑塚

邯鄲懷古

過黃梁夢有感 順德北逢王藩甫

計部還自都門道語述懷

栢鄉懷古

慶都懷古

涇陽驛用壁間楊司空韻述懷

安肅南逢清苑劉觀察善而有作觀

寨初為侍御按部河南左遷累官

至今歎及

定興憶高明府 涿州

宿良鄉金剛寺作 過盧溝望京作

抵京寓承恩寺閒居

馮咸甫孝廉待對公車辟居山寺中

詩以訊之

夜過鄒爾瞻司勳小酌話舊

王諫議黃銓部王侍御馬職方四年

丈招予及王比部飲於別墅有述

雪夜過孫以德翰林小飲

御龍子集

目錄二

八

卷之九

御龍子三十三

五言律詩 還南草

涇陽驛公署次壁間周元孚韵述懷

又次壁間無名氏韻

無極縣夜坐有感

趙州道中喜聞李于田司封北上極

欲一見遲之而作二首

次栢鄉聞于田西走高邑訪趙夢白

司功為之悵然因而有作

內丘縣過里中人北上訊家音不得

因而有作

梁原鋪次壁間徐侍御韻

豫讓橋

磁州遇南曹楊武選喜而有作

見邸報以賤名陪楊武選同點山西

僉事志喜

次彰德督學趙觀察校士其地招飲

話舊退而有作觀察父西垣先生

御龍子集

目錄二

九

予學校師也故及

過衛輝王諫議年丈惠以酒穀賦謝

渡黃河

過瓦子坡設食馬生莊

晚次中牟

尉氏界喜見杏花

抵家

春旱

長夏苦旱

復往南都別家有感

次雍丘侍御何丈訪予署中話舊有述

次寧陵懷呂黃二省丈

次歸德謝太守聞司理留飲不駐賦

此奉謝

夜抵石榴固

商丘道中

登濟陽鋪樓有感

鄴陽鋪感舊

永城道中

入宿州界

宿宿州

過靈壁喜見賈學博君集二首

虹縣道中

虞姬墓

晨行虹東二首

泗州道中

雙溝鎮設食民舍不終而去

御龍子集

目錄

十一

夜宿包家集

泗州城西渡湖水作

次泗州拜李侍御舉主

盱眙署中

中秋寓泗上有感

蓮塘次壁間韻

張公舖用壁間韻

天長縣拜聖壽

重過江都有感

觀屏上美人圖走筆戲書二首

易計部省丈招飲鈔關

買珠篇

夜宿瓜步港

港行紀是

江汴阻風望燕子磯有感

泊江外遙望都邑作

暮泊龍江關

抵京僦居不得門而有作

僦居慶衢州小閣閒居偶成

九日對菊

送史稽叔省犬入計

贈王茂才

卷之十

御龍子三十四

五言律詩關中草

御龍子集

目錄

十一

初春寓乾州夜坐書懷一首

乾州有感

立春日醴泉道中

咸陽春望

咸陽署中月下有感

夜坐

元日同姚李二方

伯文憲長余督學原察藩飲沈陳

二閭帥官署觀燈及煙火口占二首

同州道中

過沙苑

登岳十吟

懋青柯坪

又詠青柯一首

登白雲峯

憇細辛坪

登東峯

登蓮化峯絕頂

宿玉女祠

小憇鎮岳宮

觀玉井

望仙人掌

御龍子集

目錄二

五

御龍子集目錄三

浦上范守已介儒著

寧夏侯廷珩校
扶溝李時芳校

吹劒草

卷之十一

御龍子三十五

七言律詩

送陳比部還朝

十月一日舟泊濟寧州西望夷門不

能假羽賦以志感

望嶧山

過南陽鎮入新河

御龍子集

目錄三

十

有感

泗亭驛

東皇甫司勳

江中望北固山甘

露寺

夜直都官獄

壬午元日

壽蔣母七十

送衛君大比部守溫州

壽湯靈璧母夫人七十

登冶城山

遊弘濟寺

遊雨花臺

登大報恩寺浮屠

壬午除夕

贈崇府王良

元夜同京兆李公鴻臚方公王方二
計部集景金吾邸舍

遊牛首山

郭哲卿侍御 召還原官賦以訊之

送董中丞鎮撫甘州道洛歸觀

劉參軍以護作昭陵蒙賞為題其卷

中秋十四夜同大鴻臚方公比部方

子及集歐楨伯青溪館分韻得星字

送楊選部子安入賀長至

御龍子集

目錄上

上

發南京夜宿江浦縣懷部中諸友

固鎮驛阻雨

睢陽懷張許二公

入河南界

過歸德謝守招飲

賦贈守名裘予同門年丈也

抵家有感

謁考叔祠

過夷門大中丞臧公招飲因問 曇

陽事時正月十有三日也歸而有述

十四日藩臬諸公招飲大梁驛座有

華燈戲劇賦謝

西亭王孫顧予署中因索予書目視

之堅欲招飲以程迫辭免賦贈

過鄴城驛

過順德懷于鱗先生

過真定痛大中丞李公

總保定城南署中王守出顧語次驢

如故交賦贈

過定興喜見縣令高年丈

過涿州新石橋敬賦橋

過琉璃河行宮故基有感

御龍子集

目錄三

三

望見都城喜而有賦

寓城南觀音堂 京邸閒居

入朝有感

春夜吳比部明輔攜酒過予邸舍話

舊有感

月夜同羊王二丈集黃司功宅話舊

劉中含載酒過予敘舊有作

喜見孫以德翰林

卷之十二

御龍子三十六

七言律詩 白下草

秋興八首

九月齋中對菊

林大理宅賞菊

送任子薦比部予

告告還蜀

送劉長欽大理監兵滇南二首

李于田司封見貽一律賦以奉答

次許太常八十述懷詩韻因以為壽

四首

甲申元日

送汪俊先還婺源

御龍子集

目錄

四

題鄭武選三壽冊壽其父柳州公及

其兩母

壽李祠部乃翁封君六十有五

早春同陸史二比部及俞公臨周文

美集方子及青蓮閣有作

題青蓮閣

春興

宮中詞

秣陵早曙做李義

山體

壽西寧侯宋忠甫

曾太母八十

詠楊孝子

寄題楊太宰桃花嶺

壽黃封君及其夫人

上陵

送錢工部克賢監

權蕪湖

後湖隄上作

送鄭二歸海鹽

送郭曹長入計

送陳世勉入計

送韓克一計部北上

壽黃母王太安人七十

次歐楨伯述歸詩韻因以贈行

卷之十三

御龍子三十七

御龍子集

目錄

五

七言律詩

送郭爾瞻曹長北上

送賈君集博士應試南都還靈璧學舍

送范原易郎中出守南昌

壽沈封君

送王藩甫計部入

賀長至

送魏司勳入為光

祿丞

送林廷尉守石阡

送勞曹長入計

題游贈君隆中半榻圖

題蕭司理寶繪樓

送陶懋中駕部入計二首

訓廖明河先生

丙戌長至齋宿偶成

與諸省丈夜酌話舊有感

寄送方子及省丈入計北上有序

壽劉司封翁媼八十

送桑省丈入計 丙戌除夕

丁亥元日 元日庚寅大雨雷

御龍子集

目錄三

六

電癸巳甲午大雪志異有感

人日 送少司空方公還

南陽二首

贈胡太學太慎寧陵人亦知詩者

之官關中別部中諸友

曹長方子及出察滇南予亦叨役關

中臨岐悵然賦此為別

別同年諸丈 做唐人失粘體

次揚州同鄉沈侍御招飲臺中夜酌

牡丹賦謝

過盱眙望拜 祖陵有感

次新鄭慟高少師肅卿

虎牢關有感 過鞏洛弔宋諸陵

義昌懷古 宿硤石驛

函谷關憶尹喜 潼關覽勝

華陰道中望岳二首

驪山溫泉二首 重遊少林

天仙宮白松

御龍子集

目錄五

七

卷之十四

御龍子三丈

七言律詩

皇極殿拜 聖壽敬賦

出京次良鄉簡都下諸友

途中與黃丈偕行時近重九賦以訊之

九日淇門道中次黃丈韻

九日次衛北志感一首

鄆陵錢明府禱雨有應賦贈

泗池署中書懷

贈姚方伯報最承恩一首

過藍田南山作 藍橋懷古

過秦嶺謁韓公祠 題四皓祠

出關戲簡余君房學憲

次靈寶夜逢長至起拜 聖壽

陝州道中 沔池懷古

悼內 抵滄上

滄上吟八首 良鄉苦寒

盧溝橋 寓報國寺二首

御龍子集

目錄三

八

寺中偶成 靈石道中卽事

過韓侯塚瞻拜遺祠有感

仁義驛懷古 過霍州懷曹正夫

先生 望霍太山因旱有

祈雨意 曲沃道中

渡澮水觀孟姜女掌痕

聞喜道中喜雨 泓芝驛書懷

三月二十是兒鏞亡日蒲州道中感

而有作 蒲州署中撥悶

場中觀士子作文 學琴

驚悟 寓蒲州簡潼關蕭

使君 普救寺

運城同趙朱二使君登海光樓

絳州署中卽事 五日絳州述懷

卷之十五 御龍子三十九

五言排律詩

抵蘭州 七夕廻文十韵

春日署中卽事 送秦寧侯陳公辭

御龍子集

目錄三

九

任留機舉母北還

送葉可鳴比部出守南安

壽湯母七十 白下書懷六十韵

挽朱封君 寄題楊牽桃花嶺

壽陳明府五十 名文燧代作

方伯襄城姚公三年報最 誥封其

祖父賦贈

卷之十六 御龍子四十

七言排律

送鄭比部之官滇中治兵臨沅諸郡

壽何封君

卷之十七

御龍子四十一

五言絕句

暮春郊望四絕

春日北軒小述四首

北軒九詠有引

其一書

其二渾天儀

其三畫

其四碁

其五桂

其六金經

其七荷

御龍子集

目錄三

其八竹

其九雜花

文房雜詠十三首

象管筆

銅鹿鎮紙

嵌銀銅筆架

象隱臂

玉印池

瑪瑙研紙

玉釦唾盂

玉虬墨函

玉柄刀

玉柄錐

紫檀呼童

香鼎

象柄麈尾

卷之十八

御龍子四十二

六言絕句

夜酌對菊

驚悟

閒居四首

卷之十九

御龍子四十三

七言絕句

鼎湖驛

長安有感

監軍莊

邠州

中秋日來未刈

鄉思

御龍子集

目錄五

春日迴文一絕 重九後一日發

京師通州道中三首

月下抵張家灣一首

河西務晨起大霧迷川二首

夜泊東光城外 高唐州西澣遇雨

廿六晡後經清平西野心忽煩憤忡

忡然有感志之二首

子房山

彭城驛二首

下邳驛

宿遷縣項羽生處

泛黃河八首

桃源縣

桃園驛

秋日同宋孝甫曹

長觀分牡丹

金陵雜詠二十三首

臺城

石頭城

樂遊苑

華林園

新亭

勞勞亭

清溪柵

景陽樓

商飈館

昭明讀書臺

御龍子集

目錄三

主

沈約郊園

驃騎營

受禪臺

臨脂井

龍天王井

覆舟山

花木雜詠

木蘭

杜鵑花

玉簪花

鳳仙花

達磨洞

梅水花

湧泉菴

嘉善寺

觀音巖

旣雲石

發京師東走通州

夜抵三河王明府就飲署中話舊有感

關中雜詠十首

沉香亭

興慶池

曲江

雁塔

說經臺

漢陂

馬嵬

阿房

銅狄春

承露盤

卷之二十

御龍子四十四

御龍子集

目錄三

主

詩餘

大江東去

用蘇東坡詞

憶秦娥

次朱淑真

虞美人

次何仲默

眼兒媚

次朱淑真



有上范守已介儒著

寧夏侯廷珮校
扶溝李時芳

吹劒草

卷之二十一

御龍子四十五

序類

送黃翰伯出守廣南序

消學 先師殿落成圖序

壽范貞一先生五十序

壽陳世安先生七十序

御龍子集

目錄四

壽焦母杜太宜人七十序

送焦君出僉秦泉治兵肅州序

賀鄭母李太宜人八十序

卷之二十二

御龍子四十六

序類

壽封大鴻臚方翁七十序

代作

又壽方翁七十序

代作

壽顧母周太宜人六十序

代作

壽陳母韓太孺人七十序

息機堂稿序

送吳汝則比部出守潤州序

送葉可鳴先生出守南安序

卷之二十三

御龍子四十七

序類

壽石城許公八十序

代作

送顧汝翼先生入計序

林世典賞蔭集詠序

贈浦令邯鄲李公臺獎序

御龍子集

目錄四

又贈李公臺獎序

賀顧濱張先生榮於章服序

卷之二十四

御龍子四十八

序類

贈靈壁令劉君應麟婁膺臺薦序

送范原易出守南昌序

送蒲坂樊君之官承天司理序

送別樊君圖序

壽司儀張翁及王孺人八表序

壽車母韓太孺人八十有二序

壽楊史八十序

贈消學許先生臺獎序

卷之二十五

御龍子四十九

序類

贈邑侯劉公兩臺交獎序

又贈劉公兩臺交獎序

贈張國儒榮授侯門教習序

方塘釣叟集序

御龍子集

目錄四

三一

贈都關高君榮晉叅戎序

贈南陽司理張君之官計部序

送丁先生解南篆還禹州序

贈仝伯子仲子同入偶選序

贈靈璧令尹君臺獎序

卷之二十六

御龍子五十

序類

奉贈大中丞瀋陽李公以方岳奏績

榮膺 恩命序

壽師公七十有六序

四禮要略序 輯肅皇外史序

消乘御龍子自序

卷之二十七

御龍子五十一

記類

遊張公洞記

遊玉女潭記

遊三山記

遊拂水巖記

卷之二十八

御龍子五十二

記類

御龍子集

目錄四

四

遊攝山棲霞寺記 遊牛首山記

遊燕子磯及泓濟寺記

遊幕府山記

卷之二十九

御龍子五十三

記類

同登太華山記 記一 自雲臺觀之

記二 自青柯坪之 記三 自雲臺峯之

記四 自細辛坪上 記五 自岳頂還青

遊終南山仰天池記

卷之三十一

御龍子五十四

記類

量移私記

倉變記

平反記

九二軒記

南京錦衣衛重修中堂記

山東司新建西軒記并銘

尉氏縣儒學新建魁星樓記

山西藩司新建督糧道記

涑川縣儒學重新櫺星門碑記

御龍子集

目錄四

五

涑川縣重修城隍廟碑記

卷之三十一

御龍子五十五

紀行類

北上紀行

雪夜走陽羨紀行

走姑孰紀行

卷之三十二

御龍子五十六

傳類

曇陽僊師傳

卷之三十三

御龍子五十七

傳類

宋君傳

吳處士傳

儀封狂盜傳

戶部尚書李公傳

卷之三十四

御龍子五十八

傳類

涑川縣循吏傳

涑川縣名賢傳

涑川縣恩錫傳

卷之三十五

御龍子五十九

墓表行狀類

御龍子集

目錄四

六

明贈南京刑部山西清吏司主事陸公墓表

公墓表

明文林郎南京大理寺評事申公墓表

亡妻安人張氏行略

明故弟子員范元聲墓記

卷之三十六

御龍子六十

誌銘類

明故孝廉師君墓誌銘

明故慶府典儀正袁公墓誌銘

明故曹州吏目王君墓誌銘

明故典儀張公墓誌銘

明儒林郎湖廣布政司理問劉君墓誌銘

誌銘

明故贈中奉大夫山西布政使司左

布政使侯公暨配贈夫人王氏封

太夫人楊氏墓誌銘

卷之三十七

御龍子六十一

家乘略一

家乘略二

御龍子集

目錄四

七

家乘略三

家乘略四

家乘略五

家乘略六

卷之三十八

御龍子六十二

祭文

祭王封君文

祭徐少師文

又祭徐少師文

祭王封君文

又祭王封君文

祭朱封君文

代作

祭舒比部夫婦文

祭李封君文

祭鄭京兆文

祭袁安人文

祭姚恭人文

祭望江潘尚書夫人文

祭內閣嚴公夫人文

祭魏國童太夫人文

卷之三十元

御龍子六十三

祭文

祭何母太夫人文

祭何檢討文

祭楊母段太夫人文

祭宗室母杜夫人文

祭王太孺人文

祭李太學文

祭車母太孺人文

祭秦太妃文

卷之四十

御龍子六十四

御龍子集

目錄四

八

雜著

綸音碑後語

報最驪歌冊引

雷天泉像贊

萬峯惜別冊引

燕丹論

策問二道

策二篇

卷之四十一

御龍子六十五

談類

揮麈雅談

二十三條

卷之四十二

御龍子六十六

疏類

險邪大臣陰結姦黨潰亂 朝政賊

害忠直乞 加追戮以正法紀疏

恭陳治平十二疏

卷之四十三

御龍子六十七

疏類

昭雪抑枉疏代作 乞補卹典疏代作

卷之四十四

御龍子六十八

表啓類

御龍子集 目錄四

九

賀 皇子表 賀大司空潘公榮

晉 宮保啓代作

賀張相公壽啓代作 賀蒲州相公壽啓

賀冢宰王公晉 宮保啓

賀大中丞壽啓代作 賀相公晉少傅啓代作

元旦上相公啓代作 賀少宰啓代作

賀申相公啓 賀許相公 宮保啓

謝慶王啓 壽姚直指啓

賀梅中丞考滿啓 饒姚直指啓

賀曹中丞啓 端陽與軍門啓

與各院新正啓 賀中丞梅公生子啓

賀撫臺王公等啓 與軍門防秋致餼啓

與張先生啓 司張觀察啓

與潘府啓 回申觀察啓

回潘府啓 賀潘王壽啓

回關中諸僚啓

卷之四十五

御龍子六十九

最注

御龍子集 目錄四

十

吳善言時為蘇州同知 居守時為蘇州同知

史調時為蘇州同知 劉介齡時為蘇州同知

周商登時為蘇州同知 赫瀛時為蘇州同知

陳大統太倉知州 郝國章吳縣知縣

李堯民張州知縣 申思科崑山知縣

留震臣常熟知縣 趙舉廉嘉興知縣

陳文崇明知縣

卷之四十六

御龍子七十

書類

與王元美先生 又與元美

又與元美 與王愛荆封君

又與愛荆 與王元馭學士

附元馭回札 又與元馭

附元馭回札 與皇甫子循

又與子循 與劉子威

與莫雲卿 與張幼于

與屠長卿 與方允治太常

又與允治 與李于田

御龍子集 卷之四十七 御龍子七十一

與鍾給事

卷之四十七 御龍子七十一

書類

與王敬美太常 與曹中諸僚

與姜鳳阿先生 與黃大叅

與沈龍江先生 與余君房督學

與王竹溪中丞 與李侍御堯民

與吳郎中謙 與李主政時芳

與余君房 與袁西寧

與王中丞 與馬主政

與劉主政夾 與魏中丞

與朱觀察正色 與王觀察

與石觀察 與何侍御

與魏中丞 與李本寧

與余君房 與艾方伯

與沁水王 回李觀察

回褚中丞 與朱觀察

與王侍郎 回李少叅

御龍子集 卷之四十八 御龍子七十二

與李觀察 回張觀察

與呂觀察 回李本寧

回韓觀察

卷之四十八 御龍子七十二

造夏略

高皇帝前紀

卷之四十九 御龍子七十三

高皇帝紀上

卷之五十 御龍子七十四

高皇帝紀下

卷之五十一

御龍子七十五

嘉隆臣略

羅欽順

李廷相

陸深

唐龍

張璣

潘鑑

宋景

王道

陶諧

趙載

秦金

費家

御龍子集

十一

陳經

俞萬達

溫仁和

張子麟

高友璣

潘珍

吳瀚

周用

周金

毛紀

賈詠

顧鼎臣

翟鑾

張璧

許讚

張璉

翟景淳

喻時

劉天和

顧應祥

卷之五十二

御龍子七十六

譜類

曹正夫先生年譜

卷之五十三

御龍子七十七

教規

矢多士第一 共十條

矢官師第二 共五條

御龍子集

十二

膚語引

夫理數幽深談何容易。余雅好名理旁攷說家或曼衍而涉于荒唐或眇眇而失之溟濛通其致者童習白紛大都滯一曲者專臆見而乏周通炫多識者沿詮末而鮮實證昔人喻之算沙數寶故知存而不論之言有以也郡理涪川范公覃思理學極意冥搜簿領之餘鉛槧不釋類萃成表名知新膚語者鉤索既精罔羅咸備自陰陽造化象緯度數以及性命道德事。倫

御龍

一

類之故肝分條解連若貫珠明猶指掌要。厚發前聞該悟獨得綜其理解有隱必通如拙局鑰以窺閭奧履橫杖而濟滄溟極幽深矣膚云乎哉昔關尹子九篇葛稚川見之且拜且誦讀是編者能無修容玄覽博識之士體究其指當以余爲知言

萬曆己卯冬長至日自適園無諍居士陸樹

膚語自序

夫道貫微顯而一之故象極無象形至無形有匪粗迹無非虛窈罔不摠于一實昭察流貫天地得之爲形象先造化得之爲出入根萬有得之爲性命原吾人得之爲心身神化機而非有二焉者也上古聖神與道爲一存之不論中古聖明因心化道語焉弗詳匪不論也無事于論亦匪弗詳賢知引伸于不言百姓由焉不可與知詳焉用之是故孔子刪定六籍要歸發明當

御龍

一

務而已不極深遠其繁易才一二及之所弗論者固多也。仍闡性教孟氏子申復仁義爲說頗詳而性情存養理欲毫髮之辨軻氏爲明天地造化之精濛象形氣之大固有弗及。仍則鉅細併括而天地鬼神爲魚山水莫不搜見實際殫彰道化而兩儀依附五氣雜糅以及知行分合之指猶多未備以故漢晉隋唐異說紛起凌虛騖遠詭亂聖真可長既已有宋諸儒潛心古始論著辨釋微見本原吾道爲之一快惜其

膚語卷之一

御龍子一

有土范守已介儒著

寧夏侯廷襄撰
扶溝李時珍校

化育

人物之始其與天地竝生乎當其渾沌而人物
天地固渾涵于一氣中矣及天地既剖萬有萬
形莫不畢具辟則瓜瓞初生衆子畢萌非瓜瓞
既成徐生衆子也若天開萬餘歲而生地則天
開之始其空洞乎地開萬餘歲而生人則地開
之始其靜盤乎天地既空靜矣何所蘊著而成

御龍子集

膚語卷之一

一

人物耶醞釀之理推之不然

有生之類均一生機也稟氣于天是之謂男稟
氣于地是之謂女形質精神莫不異宜而本之
氣機則互根而不可離也陽非陰不化陰非陽
不凝陽化陰凝參和無間二氣之渾沌也渾沌
成而形質具渾沌剖而男女生

天數五地數五總之為十人得天地之全數也
故十月而生他物得天地之二三故其生也有
差

夫人之生血氣為之始天一生水故一月生血
生腎地二生火故二月生氣生心天三生木故
三月生筋生肝地四生金故四月生骨生肺天
五生土故五月生肌生胃地六成水則六月而
血脉通腎成而蠕動天七成火則七月而氣息
通心成而靈應地八成木則筋節固肝成而知
喜天九成金則骨髓堅肺成而知怒地十成土
則肌膚完胃成而知食知食則求故急于出而
口實是求

御龍子集

膚語卷之一

二

天地之氣至靈通也故父母之氣亦至靈通也
父母之氣訢合而凝則所謂靈通者固存其中
矣氣育而形生則靈育而神發是故鬼附營鬼
附鬼不相離也鬼豈外至者耶鬼而外至與鬼
二矣二之不生

腐草之為螢也敗麥之為蛾也朽木之為蠹也
皆無知變而有知也其待鬼鬼于外耶夫人之
精氣豈腐草敗麥朽木比哉而孕育所化乃待
鬼鬼之外至乎待鬼鬼之外至而後生則螢蛾

蠢蟲之不若矣

以血養血則形生而運動具以氣養氣則神發而知覺存運動爲鬼知覺爲鬼鬼宅乎心鬼宅乎腎心腎交而靈應無窮矣

世固有未散之鬼遇新骸而托附者矣然而賊其天元終爲外假之妖其有存焉者寡矣

性命

天心至虛而善應至順而善成至虛陽之靈也至順陰之靈也所以至虛至順者天心之至純御龍子集

唐語卷之一

三

爲之耶純以立其體虛順以裕其用天命之所以不已乎陰陽互運而五氣布五氣回合而萬物生

夫人得天地之氣以爲形則得天地之心以爲心是故夫人之心無不純也無不虛也無不順也純則無不體虛則無不通順則無不當

心其性之神明乎性其心之真機乎有此心則有此性其有此形則有此心乎

虛無不通良知也順無不當良能也二者其心

之妙用耶其性之固有耶

良知陽之虛也達之爲智爲義良能陰之順也達之爲仁爲禮仁爲少陽禮爲老陽其陽根于陰耶智爲老陰義爲少陰其陰根于陽耶

得木曰仁火曰禮金曰義水曰智土曰信木生于陽而成于陰金生于陰而成于陽火外陽而內陰水外陰而內陽故仁義相反而相成禮知異用而同體土也者包陰陽而貫四氣者也故信亦流通于四德

御龍子集

唐語卷之一

四

天地之心其純有常天地之氣或錯雜無常錯雜則虛者有時而窒也順者有時而戾也故夫人之性本體皆真而知能或異乾以易知虛也坤以簡能順也易簡乾坤之至德耶乾坤陰陽之統體耶陰陽太極之妙用耶純故極極故易簡

民受天地之中以生天地之中天地之純耶純則中雜則偏

喜怒哀樂之未發人心之中人心之純也陰陽

五氣之未形天心之純天心之中也未發而發之理無不存未形而形之理無不具

繼之者善天地之純爲之也成之者性吾人之同德于天地如是也天地曰德吾人口性

良知無所不知耶良能無所不能耶有所不能者五氣之拘有所不知者五氣之蔽上智之氣無拘蔽也不思而無不通不習而無不利

聖神

陰陽互變參錯不一五氣互布雜糅不齊得其

御龍子集

卷之一

五

亂者爲庶民得其正者爲聖神正則二氣各得其靈五常各得其性純一之心足以合天心不慮之知足以合天知不習之能足以合天能渾淪無間者天之心耶純一不雜者天之心耶於穆不亡者天之心耶無間而後無微之不入不雜而後無物之不有不已而後無時之不然聖人者神天之德而化天之道耶

思無不通一天之至虛也行無不利一天之至順也天道不慮而善應無爲而善成聖人聲入

而心通物來而順應

有我之心不足以合天心推測之知不足以合天知矯揉之能不足以合天能聖人無我故不以有我之知能爲知能

內外兩忘之謂聖物我兩忘之謂神內外忘矣已忘而人未忘非至也天道無心而成化蕩蕩乎民無能名焉至矣哉

存天之神者化天之化神無爲化無迹天人二乎哉

御龍子集

卷之一

六

聖人之心湛然爾已神人之心洞然爾已湛然若水清明而無所溷洞然若虛空廓而無所有無溷則內外兩忘無有則物我兩忘

聖人之化若膏雨神人之化若陽春膏雨之化物無心矣而人猶見其膏雨也陽春所至見乎哉

聖人無仁恩無智名神人無仁心無智慮非無仁智渾然在中不知其仁智也

性道

心之生理曰性性之從來曰命命也者天地之心而付之人人者也至粹至純至虛至神天地之心耶如粹如純含虛含神吾人之性耶

性之通乎人不問以我之謂仁天道普物而無心聖人同人而無我仁之至耶

太公之謂仁公以裁物之謂義公以節事之謂禮公以析義之謂智不仁則不智則無禮則無義

仁其性之統體耶智其性之運用耶禮其仁之

御龍子集

卷之一

七

科條耶義其智之斷案耶有科條則可守有斷案則可決是故仁以禮為用義以智為體

惺惺不死之謂仁生生不窮之謂道得于心不假于外之謂德和順于道德足乎性無待于為之謂聖聖也者道德之府而仁之歸宿耶

合心與性有仁智之名合仁與智有明德之名純白不雜虛靈不昧明德之體耶萬理俱足隨感而應明德之用耶雜且昧五氣之濶七情之掩也體宰而用不流

明德之知無不知也其良知耶明德之能無不能也其良能耶匪知無以導是能匪能無以運是知知能合而心之大用顯矣良知其鬼之為耶良能其鬼之為耶合鬼與鬼有心之名合心與知能有性之名合性與良知良能有明德之名

天之無妄之謂誠道之實體之謂誠心之真純之謂誠心純則道可體道體則天可通

誠其道之實理耶道其誠之發用耶是故天地

御龍子集

卷之一

八

之道天地之誠為之誠不立則道不行天地且然而況聖人乎

仁與誠也其異名而同體乎純一無偽仁也而非誠耶真一不雜誠也而非仁耶

義不可以配仁對愛則配仁智不可以配仁對守則配仁禮也者仁之節文也存之未發則為理達之推行則為文文理有條而不亂禮也而不謂之仁耶

心學

學莫先于治心也者萬理之府一物不容於耶容一物則萬理燼矣辟之淵水凡水之族莫不生其其中也一有汙穢雜乎其間而萬類俱斃矣除盪之澄清之則水性可復而生意如初聖人之心如金鑑出型而無所蔽君子之心如銅鑑二氣鑄範其出型也能無蔽耶加以刮剝之力斯與金鑑同明矣下愚之心如鉛鑑刮之剝之其明亦微況不知刮剝耶

鑑之映物其毛髮之畢見也明之澈也其形似

御龍子集

卷之一

九

之不爽也體之貞也體不貞則物之大小方圓皆失其真矣何以明爲明之澈其吾心之知乎體之貞其吾心之能乎是故良知良能具而心之大用斯神

桃李之核有仁焉根幹花實無不畢具其中也然不得水土則枯而不化心其核耶性其仁耶涵養其水土耶

核之仁得水土而生矣而茂草翳之蟲虺噬之其萌之存者或寡矣是故省察克治之力比之

涵養爲尤要

吾心之知原無所蔽則以吾心之知別吾意之善惡而涵養克治之吾人之心苟有蔽也則聖賢之訓言古今之成跡皆吾知之所寄也而可以不講耶講之則德性之知因聞見而日啓矣以別善惡何有哉

舜之問察禹之拜昌言周公之仰思孔子之好古皆所以格物也皆所以致吾心之知也聖人之心豈有不知哉懼一己之知或非天下之公

御龍子集

卷之一

十

知也叅之古今而吾心之知其或不偏乎

知之明則見之真見之真則吾心之所是必天下之公是也一念之是而培之可以不固耶吾心之所非必天下之公非也一念之非而去之可以不力耶此之謂誠其意

心純則至虛而至順至虛則無不通至順則無不當神天之德而化天之道耶

心者常動而不靜者耶有感則應物無感則運于方寸之內應物人所共知也運于方寸之內

已所獨知也。獨知不謹，則應物之機無或謹矣。心其嬰兒耶？方寸之內，其家庭耶？應物之際，其廣堂耶？調嬰兒者，不調之家庭之內而縱之挑達，謔浪無不為焉。至于泚廣堂而對大衆，乃欲其莊敬溫文也，豈可得耶？能保故態之不見耶？君子之教嬰兒也，不示以不正，懼其汨兒之性，不示以可欲，懼其蕩兒之性也。一言之失，必論止之一動之妄，必訓戒之薰蒸漸染，駸駸焉日就彙觀輝之中，其惟家庭之內為之地乎？由是御龍子集 卷之一 上

而出對大衆也，其有不善者寡矣哉。井泉之在井也，人不知其美惡也，或為惡草之所浸毒，虺之所穴，則泉之為用已惡矣。雖未及汲用而殺人之理已具，人知其惡于就飲之時也，豈其就飲而後惡哉？顏子之不遷，怒克其易遷之私，也不貳，過克其易貳之私也。怒與過，非心之病也；遷與貳，非心之止也。克其不正以歸于正，此之謂心學。克已復禮，非止克于視聽言動之際也，心所獨

見，即謂之視心所獨聞，即謂之聽心所獨念，即謂之言心所獨發，即謂之動察其有我，即克之固，他人所不及知耶？

養心莫善于敬，窒慾莫善于禮，禮也者，敬之法程也。以禮制心，則心有所束而不得肆，雖有慾惡得而恣諸。

知與行也，其目之與足乎？目以辨險夷，則足從之避險而就夷，知以別善惡，則行從之就善而去惡行而匪知，矇瞽之冥行也，有不以險為夷。

御龍子集 卷之一 上

耶？知而匪行，跛楚之坐視也。極目之外，未有能見者矣。

知親之當愛，牽于邪溺而不能愛，知長之當敬，狃于私隙而不能敬，與之言愛敬之理，則無不悉也。若是而謂之不知耶？不能克其有我之私，爾克則能愛能敬，而所行如其所知矣。

回之不違，知無不通也。亦足以發行無不力也。得之授受者，無不見之于躬行，其發明斯道神矣哉。故曰語之而不惰。

博學于文其格物致知耶約之以禮其克已復禮耶博則無不格格則無不擇故曰擇乎中庸已私未去則天理不復而中庸之擇非吾有矣約之以禮則已克禮復而所擇之善不待服膺而自存矣

出門如賓使民如祭已所欲勿施于人日新之盛德也恭寬信敏惠利用安身以崇德也日新者養其中以裕其外利用者制其外以養其中

御龍子集

中庸卷之一

五

老氏之無私欲以成其私豈克已之學耶釋氏之絕慾併以絕其倫堂復禮之學耶此之謂知不致此之謂意不誠

西銘言事天之仁當如子之事父也其知誠意之學乎意無不誠則無往而不孝無往而不仁夫人孰不知善之可好惡之可惡既知矣安得不謂之知耶然而不爲夫善者未習進善之方也不去夫惡者未加領惡之力也乃不歸咎于不行而歸咎于不知可乎哉

行矣不著習矣不察學而不思也好仁而愚好智而蕩思而不學也不思則不知而所能皆粗跡不學則不能而所知皆空談聲色臭味安佚人之大欲也大欲之心不可有而吾性存焉又可無耶君子之于欲也制之而已矣得之則忘而不留不得則順而不求則人心退聽而道心爲主矣

好利之心有意爲惡也好名之心有意爲善也惡不可爲矣善亦不可爲耶有意則不誠不誠無物何善之有好名亦所以好利耳苟誠于好名而去自利之私則希賢而賢希聖而聖矣又何名之爲累哉

御龍子集

中庸卷之一

五

庸語卷之一

膚語卷之二

御龍子二

消上范守已介儒著

寧夏侯廷珩校
扶溝李時芳

酬物

酬物之道先仁禮而後義智溫乎其顏異乎其氣仁之流也斂乎其容勑乎其動禮之節也仁流知愛禮達知敬寡怨之道耶親愛畏敬哀矜賤惡不可無教情不可有教情殺于賤惡矣而可無耶教凶德也情愾志也既教且情慢易之私乘之矣脩已以敬之道乎是故哀矜乎其哀

御龍子集

膚語卷之二

一

矜賤惡乎其賤惡而處衆之道無餘矣

以杖叩脛非教情乎曰哀矜之而已矣睢睢盱盱其誰與居

家門之內不言智其仁而已乎恐其或流于溺也禮以節之而後可

內言不出于梱內事也外言不入于梱外事也言內于外則瀆言外于內則亂家國之大計謀及婦人可乎哉

待僕隸之道其必以義乎其必濟之以仁乎義

以制其命仁以恤其私

兄弟之閒無有我也有我則異視異視而嫌隙之私乘之矣詩曰兄弟既翕無我而情自洽也又曰相怨一方知有我而已

無友不如已友其定志合交之謂耶賢乎已則事之齊乎已則友之下乎已則與之君子之處宗族也其以孝弟之餘乎推其孝以老老而老者寡怨矣推其弟以長長而長者寡怨矣長老寡怨則卑幼歸仁

御龍子集

膚語卷之二

二

居鄉之道莫先于誠言焉而無欺行焉而無偽有不孚之人人耶

里仁爲美非徒以恤患之仁也以通財之義也通于人者忘其人通乎人者德其人其寡怨之道乎

以直報怨以德報德居鄉之要行耶父母之讎不共天兄弟之讎不反兵豈必殺身以成仁哉亦思其所以報之而已矣

犯而不校忘乎在人也恕也自反而忠盡乎在

我也忠也忠盡而怨無不行是故委之妾心已也

不報無道與不校何擇焉曰無道不止于犯而已非禮之加或越紀而敗常焉是可甘媚而隱忍耶

一鄉之善士斯友一鄉之善士友其如已者乎使一鄉而國士在焉吾之所事不得而友矣其友一國天下之士也亦然天下之善士得友百世之士哉誦其詩讀其書論其世事之云乎豈御龍子集 廣語卷之二 三

曰友之云乎

應務

心猶井泉也事猶汲甕也甕大應之以大甕小應之以小甕方甕圓應之以方以圓非先兩大小方圓以待甕也若先為大小方圓以待之其于甕也能有合耶

理在吾心渾然至一而已及其應務也條分縷析而不窮非其體用有二也理之分量固隨物而各足耶

理具于心而超于心故無心而順理則行無不得有心以裁物則理無不滯

意必之病心也小國我之病心也大先為多寡以待汲一甕之不合耳守之不易有不戾于千

甕哉

意必之心即我心也固而不化則有我之私成矣故心貴無我無我則虛虛則大公而順應先有忿懣之心存于中必忿所不當忿先有好樂之心存于中必好所不當好意必之累亦豈御龍子集 廣語卷之二 四

小哉

卒然臨之應之以常然然臨之應之以定紛然臨之應之以靜靜定有常理無不得其事有兩可疑而難決也則即其勢而參酌之勢有重輕理之從違係焉匪勢匪理任情裁之也可乎哉

政事

心其政之大本乎有蔽則政乖有慾則政亂乖之病民也不自知也知則改亂之病民也自知之也改乎哉亦終必敗而已矣心清則政自簡

政簡則功自集功集則業自崇政紛如絲終日理之不整一縷也崇乎哉

法律聖教之所寄也其義之目仁之寓耶哉强暴所以救元元也苟失其平而倖免者長惡矣況罪及于無辜耶惡乎義惡乎仁

催科無善政非以損下而益上乎然冉子之攻以賦倍他日也國家中正之制可容小民抗之耶是故用一緩二而仁無不存矣

民力裕則重于急君民力困則重于恤民急君

御龍子集

唐詩卷之二

五

義也恤民仁也當仁而義則敦大之體亡當義而仁則明作之功隳陽子政拙其知仁而不知義乎

理錢穀者必察錢穀之顛末理兵戎者必察兵戎之利病執其柄而伸縮之人可得而售其欺哉

無眾寡無小大無敢慢爲政之要機耶慢則忽忽則弊實百出矣

毋謂我貴而人賤毋謂我明而人暗毋謂我

逸而人當勞爲政之道過半矣

敬信節愛一者闕不可以爲治能是四者而使民不時未之有也

政急于官成居之倦也事專于粉飾行不忠也粉飾而盜名者有之矣急成而保名者未之有也名而曰盜亦終必亡而已矣

禮樂

禮者人事之法程先王所設以節民行者也世之趨于文也日滋欲挽之忠實能乎哉所貴乎

御龍子集

唐詩卷之二

六

君子者亦裁其太浮而已矣

儀文足以將吾敬吾止焉不必其盡物也動容足以昭吾敬吾止焉不必其盡文也辭命足以達吾敬吾止焉不必其盡華也苟必其盡吾恐忠信之漸漓矣如禮何

冠禮久廢成人不知自重矣當做其意而行之不必其冠飾之備三加之煩也父命之賓贊之友字之而訓戒申焉夫固脩身之一助耶

婚有六禮行其四焉可也問名納采請期親迎

四者備而婚姻之道重矣

合巹示異而同也易以卮杯古意不復貯矣饌于東西而從者互餞其餘豈同牢之義耶又豈別嫌明微之道耶

奩飾之盛治容之端也婚姻之道續續焉先焉有君子而誨子弟以淫哉

喪以哀為主一哀盡而禮之備否非所計也然

雖骨支牀則雖哀毀骨立亦非禮之善物矣

厚葬非所以愛親也死者有知耶堂寢之內服

御龍子集 卷之二 十一

御之常執非固有也死者無知耶含金衣玉何

有哉

殉葬之說君子所不忍聞乎有不死親之心者

不得已而用備焉亦可矣

用隧天子之禮也餘皆空今皆隧矣非禮也衣

隔行而隧道止

浮屠之用以經惡待其親也有敬親之心者所

不忍焉

宗法不行祭典之素久矣小宗別子之說世祿

之家或可講耳餘則各奉祖禰不聞降殺亦順人子必至之情可也

古無墓所之祭今也皆然其就鬼鬼之所依耶然屋而祠之是不于家而于野矣不亦外其親乎

士庶之祭春秋用獻冬夏用薦可也獻則裸薦則奠墓所則陳而已

請乘不立士之不知遠祖也久矣知之者不越五世其必以所知為始祖耶士庶之主不能祧

御龍子集 卷之二 八

存其世次而已乎

東向而昭穆古之經也今也何必然南向以尊

祖左右以序世其可哉

主賓之禮主升自阼階賓自西階拜則東西向

古也其地道尚右之義乎詩曰宛然左辟居已

于卑也

進則讓右坐則虛左進北向故尚右坐南向故

尚左其義一也今之拜不北向哉而居已于右

何耶

樂也者和氣之形見也其節奏之妙蓋有莫知其然而然者德之渾化者如之故熟于樂者可

以熟于德忘之而已
十二管調音之具耳取則陰陽之數而損益之以合天地自然之聲乃以定絲竹之音使清濁各比于則焉伶倫所以教天下之聾瞶也有倫之耳者不假于管矣唐宋以來併其管而亡之無惑乎古樂之不復也

黃鍾聲氣之元以其爲他律之主耳黃鍾之管
御龍子集
唐書卷之二
九

爲長之極其聲爲濁之極也他律不得而過之然以黃鍾爲宮則夾鍾之爲羽仲呂之爲徵夷則之爲角無射之爲商各得其正聲矣若以南呂爲宮是至清者爲主也他律皆將損其本聲以從之無復有其元聲矣若謂黃鍾爲中聲則南呂以上皆可謂之中聲也由是而觀五音之妙在相比而和耳六律之度在相次而裁耳非必繁泰制尺而求之形跡之末也

古之正五音也有律呂則古之制樂章也亦必

有五音之譜焉字句之間孰常用宮也孰常用徵也蓋必有一定之則而不可易焉者亦必有比和之妙而不相戾焉者夫然後被之管絃從律而不姦今之音譜忘矣聲詩雖存無復辨其爲黃鍾他律之均矣古律雖不忘也如樂何今之調曲者有一四反工之音蓋宮羽徵角商之遺意乎今之管絃有清濁高下相比之音蓋亦六律所正之遺響乎製樂章者倣調曲之意而比其音去其淫哇焦殺而歸之正焉以被管

御龍子集
唐書卷之二
十

絃而侑神人亦庶幾乎心宣化而格于神明矣又奚必古樂之復也而後善其治哉

鄒子吹律而幽谷回春師曠奏清商而風雨驟至說者之誕耶若爾堯水湯旱變之典樂不鄒曠若矣

訂經

文言說詩之例耶引經而繹其理非經義之正也附之經文戾矣哉或曰將若之何曰繪事後素雜之碩人之章哉

大系小象孔子疏經之文也約而暢微而達萬世註疏之大程乎

廣八卦漢世射覆之術乎取卦象以擬物類將以按卦而射之漢儒之小智耳何以經為

序卦非孔子之言也鑿而俚淺而不則漢儒之陋說哉

詩小序商之所為乎億而不達撥實而無當篤信者不為也其衛宏之偽撰耶

南華南陔之篇果有聲而無辭乎無則刪詩者柳龍子集

不之存矣音節之譜豈取之以垂訓乎匪樂記也而存樂章之目耶

吳楚之無風何也夷之也皆封國也而夷之何也平王之後諸侯而僭王焉自二國始天子夷之不采其風也

國風之不夷秦何也襄公國之蓋臣也繼世而後有秦而無僭猶守列國之爵焉天子惡

將而夷之

魯無風而有頌其以天子之禮樂與之乎魯頌

不自伯禽始其傳之侈心耶不獻風于王而僭帝于國不知對孔子之意深矣父母之國不容刪存之而意自見

書序之辭近乎正所不足者約而明耳逸書多存其出秦火之前耶

秦誓後人之偽為乎倨而教獨夫之稱其附會乎孟軻耶

武成之文非錯簡史之紀武事也事各為文不相蒙也文各為策不相貫也故孟子曰吾于武

成取二三策而已矣輯史者聚而雜書耳如曰原屬而後錯安得事各成文哉

書之有秦誓何也周室已頽列國無可為之君也夫子已窺其微矣履霜之憂其深乎

王正月遵時之制也建子而春可乎王者履端于始未有月正而時冬者也

管子伯郭公夏五之類傳經者之脫文耳謂馬

夫子之闕疑吾不信已
吳札來朝豈以遜國之故乎讓美德也而何貶

焉然則名之者何夷之也遜國如札而夷之乎
吳夷國也其王不王故其子不予

獲麟春秋之終也或以爲筆削之始夫子不有
意如是其筆削將終而適值西狩之事耶

曲禮玉藻等篇其古禮之本經乎曾子問等篇
其孔門說禮之旨乎各自爲編可也儀禮非全
書乎聖人作則不必其備觸類而廣之禮之全
經在矣

周禮之闕冬官也周公重民力之微意乎五官
御龍子集 卷之二 幸

之中其務已備復撮而重之不啓後王土木之
侈耶土木侈而民命殘矣

周官有公孤周禮無之何也有之所以備其制
無之所以重其官非常職也而列之衆官耶

周禮周官不置相位何也三公坐而論道非相
業乎相虛位也三公實職也不惟其官惟其人

詩曰尹氏太師維周之氏官則是而人則非矣

訂傳

左傳魯史之舊文乎丘明據之以實聖經爾聖

筆之微左固有所未窺也星隕木冰之義蒙然
矣餘也知乎哉

公穀何胡主探聖心何氏不及見矣公穀之得
也什之四五康侯之得也什之七八韓詩外傳
說詩者之支言耶靡而雜博而無當疏義云乎
哉

二毛守其章句爾訓其名物爾固哉高叟之見
也

漢之訓詁病經也小唐之疏義病經也大訓詁
御龍子集 卷之三 幸

詳于名物而略于義意疏義徇于私說而亂其
本真

紫陽掃諸儒之陋獨探聖真其卓爾不羣者乎
而訓意無當者亦不終無其千慮之一失耶

獨處不足以盡私獨處無以發道也退之後皆
私言動皆道回之不清如是夫

惡惡如臭無不去好善如色無不得此心之所
以爲快也皆務以自之辭其于傳文不少倍乎

小人之閒居喻心之在方寸乎爲不善意之不

誠乎見君子而拚惡著善其矯飾于外乎內外一原也能保真情之不露耶故曰誠中形外說者不察而以喻爲實語無惑乎慎獨之以地言也獨以地言淺之乎其爲慎矣

詩曰有物有則傳曰明于庶物易曰類族辨物然則物其理之敬著者耶經曰格于皇天精意以求通而致其通貫之謂耶格物者求通物理之謂乎心與理通而本體之明無不復矣紫陽之傳其辭但新建之說其旨偏

御龍子集

肅語卷之二

五

修道修爲此道也其戒懼獨慎之謂乎其所謂教自明誠之教乎若曰禮樂刑政以設教不啻益于章意而已

未發已發之中和戒懼慎獨之明驗耶而曰卽性情之德明道之不可離也豈其然哉

尊德性養其良知良能也道問學充其所知充其所能也知能合一不容相離高明其良知之體而廣大其良能之量耶中庸其行之的而精微其知之極耶故與厚其知能之固有而新與

禮其知能之散見耶極高明而道中庸知因行而益啓致廣大而盡精微能因知而益裕溫故而知新所以盡精微也亦所以極高明也敦厚以崇禮所以道中庸也亦所以致廣大也知新之學在乎溫故崇禮之功存乎敦厚其內外本末之辨乎朱傳失之

無而爲有虛而爲盈約而爲泰是有恒又不得而見之矣而曰反言無恒之失其謂之何

知天智也事天仁也立命勇也紫陽之傳晦新

御龍子集

肅語卷之二

六

建之說左

百工之成事也存乎居肆君子之致道也存乎學傳文反覆其旨亂矣

肅語卷之二

膚語卷之三

御龍子三

滄上范守已介儒著

畢其使廷珮校
秋溝李時芳

稽古上

盤固渾沌之別名耳兩儀未剖何有人物而謂
爲人君之首其義何居

天地人皇之名昧古者之億言耶地未闢而天
皇握其紀人未生而地皇御其圖似矣彼二皇
者其有形質否耶有則馮虛服氣之流耶萬有
千歲何所爲耶人皇與人俱生是亦人之類矣

御龍子集

膚語卷之三

一

兄弟九頭分治九方是有君之責矣而亦萬有
千歲焉何其壽命之長耶

有巢燧人紀其居食之所自乎不知其人也

庖犧氏始教民以庖廩火化之事當自庖犧始
燧人之燧果何用耶五穀未播焉無所謂粒食
矣

神農嘗百草草木之性無不辨也獨不知五穀
之甘足以養民生何耶借曰知之乃不示民以
種植而猶待于后稷焉抑又何也豈其粒食之

利帝已啓之至稷而精樹藝之法乎不然號以
神農吾不知其所謂矣

黃帝阪泉之戰其以下伐上之始乎涿鹿之役
其以正伐叛之始乎有苗之征鳴條之舉防之
也共工之觸不周吾不信矣

堯舜同出于軒轅乎同出尚未爲袒免也而若
何其不相聞也釐降二女無曰祖孫之素匪同
宗之亂乎聖人不亂

高辛氏元妃生契次妃生棄非堯與舜之宗親

御龍子集

膚語卷之三

二

耶臣之可矣而不聞名謂之間少存親親之意
何也何古之人疎而薄也

焚廩以兩笠免實并以旁空免史之文何所據
乎其因軻書而實之耶象雖傲非人類乎而敢
于奪天子之賜收天子之女也獨不忌天子之
誅哉父母雖至愛象亦不敢殺帝甥而干大僇
矣

舜陟方岳野死二妃不及從也乃沉湘以從之
信乎當是時舜百有十歲矣蓋二妃之年亦明

願也獨不知殉死之非正耶商均雖不肖其年不趨強立耳所與居守者寧無老成人在耶計而至也獨不止母后之往從也可謂義乎所與扈從者寧無老成人在耶望而沉也獨不止母后之蹈淵也可謂仁乎誕則非其誕焉禹也莫辭其責矣

舜死蒼梧之野然耶書言陟方而不言其方孟軻以爲鳴條焉鳴條蒼梧不相及也其來自東巡未及南岳耶曰若爾何葬乎九疑無乃志有

御龍子集

虞語卷之三

三

所在而群臣奉其治命與二妃之沉也其亦會葬而往或遭淪胥之厄耶

史傳云大禹生于西羌注水經者以爲蜀之廣柔石紐也然禹爲崇伯之子崇伯西羌之君乎文王伐崇不聞其逾劍閣焉豈其名同而古今之地或異乎酈子之謬爲難信矣

禹娶塗山氏其未承治水之命之先耶歷辛壬癸甲四載而生啓生啓之歲鯀殛而禹用乎如以爲承命之日始娶也則鯀殛未久而就婚焉

不亦忘其親乎四日去家而生啓焉豈居喪之道乎禹之孝不若是之肆也爲世紀者鑒書之文而昧禹之心耶

稽古下

卜日竝出有之乎漢書有如日夜出晉紀日夜出宋初兩日相盪于東南例而觀之十日其有也何也陽精之亂不相攝也占書有數日相掩數日亂闕之占而可謂之無乎羿射九日則吾不信矣

御龍子集

虞語卷之三

四

舜禹有避位之行乎有成命也避之則違無成命也則要天下其謂之何吾不知喪之未畢也天位其久虛耶喪畢而去大政其誰總耶使朱均抗治命而據之位不將啓人心之亂萌負二帝之明哲乎在舜禹所必不爲矣軻之言象舜憂喜之旨與

禹之薦益也有諸曰薦以相而已非以帝也堯之命舜曰天之曆數在爾躬允執厥中舜亦以命禹是携帝位而授之矣舜禹何所逃之禹之

終也其亦以是命益乎五鼎問之矣若之何其薦之也然則禹果德哀乎曰益之賢未必啓若也與子亦所以與賢爾

羿篡夏相而奪之位浞復僇羿而奪之未聞逢蒙之殺羿也蒙豈浞之黨乎學羿而黨浞何哉賊君者又咸得而賊之也

浞而殺羿不可爲社稷臣乎浞浞之子也少康誅之荷耶浞自封爾非有樹于其國浞亂女岐而隕厥首于少康也何尤

御龍子集

廣語卷之三

五

五就湯桀經史無所據惟軻書言之然二聘後出尹之自重何如耶雖奉湯命而肯置身惡人之朝乎不知其不可爲焉得智往復屢矣然且不知其不可爲不情甚耶知其不可爲然且往來數數焉又欲焉爲屢立人之朝不聞一有讎言拂抑其邪心又將焉爲關龍逢以諫僇尹豈充耳乎坐觀其隕越而不欲爲之地乎桀雖至暗塞爲之臣者從其往來而不知乎知其去而不禁知其來而不拒乎遣之去而招之來乎

必不然矣然則莘之媵也信與曰其出處之實不可考矣軻也取其意焉可也

桐宮非所以放其諒陰之禮乎諒陰何以于桐宮也其借墓所以艾君心乎曰放者何百官總已以聽于阿衡三年孰知諒陰宜爾也斯禮也其尹創之以格君而終商之世莫之或變乎但不于其墓于其宮爾良弼之資夢乎恭默之思極矣鬼神有以通之也厥形惟肖厥心亦惟肖神矣哉朝版築而暮端揆又何棘乎風后力牧

御龍子集

廣語卷之三

六

固已登之于前矣

古公有翦商之志乎不則大伯何爲其逃之也當是時狄人侵莫能禦焉舍邠而卜岐岌岌乎圖存不遑矣而謂匪其志也有其勢焉可乎夫當其胥宇而得岐契龜而告吉也其必有統天之繇乎而人莫得而知之也故古公之創岐也臯門應門無不備其制焉不啻有國之規模已耳蓋大伯有以窺其微矣此蠻荆之所由逃與非甚盛德何以有此然則古公之德未盛與

曰期望于天而非有睥睨于人也曷弗盛孟子曰非擇而取之又曰創業垂統爲可繼也若夫成功則天也由是而觀代商之兆先見于卜岐之日矣

姜里之囚也閔天輩入有莘之女以脫之臣子之心無所不至乎而非文王之意哉闕天輩何以不告告則不得入曷脫焉旣脫矣終不告邪告則胡不格之紂邪格之則難愈作豈文明柔順之道哉

御龍子集

唐語卷之三

七

白魚入舟近矣流火之化烏也不亦異乎曰非也祥烏有光飛若流火也而人見之眩爾丹書之授吾不之信矣然則亦非習睹者帝王之興天之先見固然也

流言之行也爽之不悅何也豈未免管蔡之見耶主少國疑君相相猜邦之旣亂隨矣胡其悅然則盡暴之王也貴戚柄國惠柔遐邇其誰信之暴則不有于宗之疑乎使爽之見不爾則東都之避三年遠亦久矣能保僂辱之弗逮也難

矣哉

共和之無君不亦渙乎彘之流也二公胡不歸之歸則民不與也胡不更置之更則廢其君也外不廢君內不廢政奚其渙然則可爲世法與曰有二公之忠信則可矣不則甚

褒姒之祥發于夏世也有諸曰褒之神何化而龍也龍之豫何得而請也啓之而流譟之而化感之而育何異乎弧服之謠何會其適乎復鞠于褒何符其始乎其因入之自褒而附會其事

御龍子集

唐語卷之三

八

耶

申侯之召犬戎也后與宜臼不之知乎忿在廢黜若之何其弗知也知之則弑君與父之賊耳若之何其君天下也噫周之不西也宜矣

三晉之請侯其猶知有周耶有周則不敢請無則不請請之有周而無周也有之以利已無之以盜國周亦何爲而與之乎曰曲沃之封陵夷久矣而惡乎禁之陽人聚之遷其又誰尤六卿闔而晉亡田和封而齊亡呂姬進而秦亡

季女入而楚亡先王之封國惟燕獨存而已偃然而據國土者盡天下之大盜也秦之夷六國也所以報三國而濫及之燕乎項之夷秦也所以報燕秦乎

太子之易也知有呂氏之禍乎曰得妬慧帝稔知其母仁柔溫順亦稔知其子悍母臨柔子而據大器焉諸姬庶子能相保乎未有內相屠而外相安者也帝之憂其亦深矣良之不思惜乎哉然則如意可以殿邦乎曰童蒙未啓難矣

御龍子集

廣語卷之三

九

哉則與大子何擇焉亦曰姬之惠不后之悍爾薄氏蒼龍之祥帝之所知也易儲之議胡不以代而以趙耶曰薄忌呂之悍而自晦代亦殺其賢而莫之知也祥于夢也識音之乎

宋昌以夜拜不亦棘乎是時北軍之主太尉勃也而惡乎疑之曰平勃之誅諸呂固矣而王諸呂者非平勃耶反覆之心固不足以取信于人矣况請問之辭又有可疑者乎昌之拜也昌諷焉雖然平勃可疑而帝則不必疑也疑之適

滋疑耳君臣相疑其何久之此平之終買吏牘而勃亦衷甲出入也

几杖賜吳懷諸侯之道乎曰吳之不朝也豈其老哉提殺其子之忿耳忿以抗典不臣莫大焉不讓是議而予之陵替何如吳之叛豈可削地之日哉

巫蠱之萌也其堯母之命門耶鈞弋曰堯母戾之母其何置之此祝詛之邪謀所由起與然則戾之死也非辜與曰子而詛父辜莫大焉死也

御龍子集

廣語卷之三

十

宜矣然則爲戾者若之何曰君人制命其焉違之意在季歷太伯仲雍之逃非矯也不然宜白能奪伯服矣而誰其與之

西漢以經術士東漢以氣節士宜尚而不知尚也晉以任達士宋齊梁以空寂士隋陳以淫奢士不宜尚而尚也尚之係也大矣哉

王魏之臣文皇也義乎王魏高祖之臣非臣建成也閼牆之變非外侮比自高祖視之無彼我也我敗而彼就矣而不可曰受命而事之非主

而何成主而奪之位非讐而何聞高祖之命職于儲貳不聞其命之改也國儲天下之共主而弑而奪之之非讐又將焉讐

斧聲之疑其不可決乎光美元佐之死其何辜耶慮其盟之不可違而先去其質不慮其盟之或違而先滅其口耶太宗之心斷可識矣臣爲君隱而削之無惑乎諸傳之無據也

諸子

展子之道猶之春伊子之道猶之夏孤竹子之

御龍子集

唐書卷之三

土

道猶之秋老子之道猶之冬冬也者歛萬有以歸之無非無也將以爲有也老子何有曰非以其無私也故能成其私

老子聖之藏者也莊子賢之故者也列子士之遊者也藏則歛之固放則見之曠遊則言之浮韓子見法而不見道荀子見政而不見理晏子格事而不格心呂子輯度而不輯學先王之道法耶政耶事耶度耶

淮南子維而不經其爲辭也纚纚不絕始末不

相貫矣何以富爲

法言中說魯論之緒餘乎曰揚子舖其糟王子毀其醜謂非得醇醪之餘也可乎而謂之知醪則未也得聖門而醞釀之二子之得未可量矣太玄出而易道亂參同出而易道賊洞極出而易道喪

續書作而帝王之道爲之卑續詩作而雅頌之音爲之陋元經作而筆刪之義爲之淺

五千言作而唐虞之傳荒尹文庚桑作而道德

御龍子集

唐書卷之三

主

之旨亂莊列作而尹庚之意隱無能天隨玄真子之類作而莊列之真散意老子之傳且絕矣何有于唐虞之純懿

董子識道之大原又識三聖之授守學問行道之語其孔門博約之遺旨耶而正誼明道尤有卓識似孟之後舍斯人其誰與

韓子之見道也其以晚年乎賦鳥上書之日猶有蓬之心耶然而遺格物味性道亦終身由之而不知者與

周元公契之深程伯子養之裕程叔子守之力
張子厚索之精朱元晦見之卓陸子靜悟之徹

文章

唐虞之文潔以顯夏后氏之文潔以峻商之文
簡以諒殷之文曲以艱及其卒也復簡以諒西
周之文峻以則東周之文峻以婉七國之文淺
以放故以濟淺而文之道墮矣

文王周孔之爲易也其辭法其旨遠其文紉以
變於穆哉天之道耶

御龍子集

唐語卷之三

五

易繫之文孔子之至文乎其色淡然而不可厭
也其中穆然而可探也其脉絡紛然而未嘗亂
也老氏出關之文蓋倣之而特不得其緒爾
左氏之文嚴潔而整國語之文典麗而閎國策
之文溜亮而鏗以言乎誣妄則均也

先秦之文健以放漢初之文平以索司馬氏之
文密以贍班氏之文潔以達以之紀序無不可
者聞發理道能乎哉

勃如其氣蒼如其色幻如其變者韓子之文也

沛不能禦矻不能搖躍不能倚者蘇子之文也
而方之遷固猶將避舍矣先秦以上能之乎
序事之文欲其簡不漏詳不複闡理之文欲其
深不晦辨不支東寄之文欲其真不率婉不諛
章疏之文欲其直不激明不俚訓誥之文欲其
典不僻莊不峻

今之爲文者高自標許嚶嚶然舉一世而擊枰
之自以爲百世之英也然而梧之者隨之矣及
其梧也不已之罪而命之罪曰文之崇人也如

御龍子集

唐語卷之三

五

是何異惡聲以來射而歸罪于六翮哉
文王之幽囚非以其演易周公之流言非以其
制作孔子之削迹非以其刪述以罪乎文也可
乎哉

宋玉曼倩李白蘇洵始相襲而自譽自譽者人
其譽之乎玉朔滑稽僅自免耳李蘇其何得于
人耶後之人曰文士之體當如是噫感也甚矣

詩賦

詩肇于太古擢牛尾而歌其始也喜起之歌五

子之歌其流也商之頌其盛也周之二南其雅也雅頌其極也列國之風其商也變而爲騷抽而爲賦反而爲房中之樂和而爲栢梁衍而爲蘇李敦而爲十九首其備矣建安義熙開元之間其昌矣

詩主性情故議論不可有也詩主美刺故議論不可無也歸鍊云乃汝之人也懷婚姻也大無信也不知命也燕民云德輶如毛民鮮克舉之我儀圖之維仲山甫舉之非議論乎故黜議論

御龍子集

卷之三

五

之說而詩之用其偏矣然則近體可有之乎曰古體之中可間有也絕句可常有也用而不知其用斯善矣近體則吾不知也

十九首國風之流裔乎思而不淫其猶古之遺

風耶

建安之盛其樸之斲而未雕也其節疏以直其思曠以靖其色黯以愉曹劉云乎哉曹劉之德不符其詩元亮之詩不違其德志恬而思冲心曠而神怡惟其有之是必似之矣

昭明之選什得其六七徐庾之集什失其八九陳隋之際大雅之漸燼盡矣唐之沈宋振其藻矣不知根之培也李杜培其根以達其枝而詩道其復興乎

今之爲詩者取材于六代采華于兩京固也獨不思杜陵之不遺唐耶事有明微不隱不僻意會而適其用也奚而不可不然大曆而後豈其

人不足稱與

近體定而詩道病矣操木以爲輪豈木之性哉

御龍子集

卷之三

六

然則近體可廢乎曰依永和聲古道之所不免也倣其意而不泥焉斯善矣

賦始于荀子而濫觴于宋玉班固左思其極矣修辭之士反其本焉可也

游藝

倉頡之制文字也本太一以立端倣八卦以盡變總六書以明則則明而義理自彰矣象形會意什之五六指事諧聲什之三四假借轉注什之一二

籀文作而古書亡篆隸起而籀文亂八分興而篆隸微章草行而八分疾楷書成而章草絕行草尚而楷書雜噫形象點畫愈變而愈失其真矣字義之明也得乎

以魚代真以暴代恭以畫代画以夜代侖以金爲陰以易爲陽以氣爲氣以死爲天今之文不易數也欲古義之能識也胡可得耶

日臨古帖去帖則無所似何也求之形跡之末也徐察其用筆之幾而結構自我焉得手應心

御龍子集

卷之三

七

之妙將以久而自熟矣

理性之具琴瑟不可缺也今之瑟非古之瑟矣今之琴猶有古之遺音哉古譜不可見矣今之所譜非世人之曲智乎按譜而求聲沾滯之所不免也

古之鼓琴也有以黃鍾爲宮者有以十一律爲宮者而他音隨之不得過焉是聲之高下蓋有十二調矣今也此音而調之僅成章句果孰爲黃鍾之宮孰爲十一律之宮哉

顏回哀慟之音也無故而鼓之非所以平心而理性或曰孔門之操獨此存耳若之何其弗鼓也曰哭則不歌聖之情也豈以哭回而寫之琴哉然則學琴自奚始曰關雎麟趾之意莫之先矣琴操後人之僞爲也比之律呂協乎哉奕有五德無所用心者誠不可缺一曰貪則亡已其德廉二曰忽則喪成其德敬三曰躁則暗幾其德靜四曰淺則露形其德沉五曰忿則敗志其德和

御龍子集

卷之三

八

未可攻而攻則守益固可去而不去則禍將萌未亡而慮其亡則存未固而恃其固則破若是者奕也止乎哉

卜筮聖人之大教耶決疑而定志成天下之務莫先焉墨食之絲不可考矣今之龜者果有古之遺法與著之揲儀固存也而占之不符何也其亦存之未誠而察之未精耶

爻占之義啓蒙言之詳矣而不及卦體之占古傳貞風悔山落實取材之意爲未明矣凡內卦

爲貞應在我也外卦爲悔應在人也貞悔之卦各有所象象變而善則吉象變而不善則凶斷以象變察以文詞無不符矣

象變之善否不可以定執也隨其事而酌之如天變爲澤占兩則吉占晴則否地變爲山占守則吉占成則否復察其貞悔而擬議之其于益也過半矣

又曰本卦爲貞之卦爲悔貞悔之應猶夫內外也取六爻之象變而占之本卦制之卦則吉在

御龍子集

膚語卷之三

九

已之卦制本卦則吉在人

焦氏之易林六十四卦之之卦也經文備矣而復益之贅矣乎

蔡氏之洪範模先天圖而爲之一一爲原五五爲中九九爲終胡其淺耶五五五六序次以對胡其拘耶橫一爲五綴四爲九胡其俚耶削木以占胡其陋耶欲以抗大易而並用焉僭矣察天兩地之數古今未明天以三而九地以二而八八八而地道備九九而天道周矣然天用

用而不用體故去其體九之地用體而又用故加其用之八九與八合而七十二具矣察以五氣而三百六十全矣以之布義而吉凶消長無不存

射以觀德而非養德之急也強弓而勁矢振羽于百步之外也豈觀德之意哉然禮樂之節奏存焉弱子微矢不期于遠而期于中務以比禮而比樂又非養德之資乎古之投壺也禮以行之鼓以節之以多爲雋而校純奇焉夫固射之

御龍子集

膚語卷之三

十

餘意也今也競巧而闢奇吾不知之矣醫有仁孝之道存焉事親保身利物之一助也學者其可忽乎哉

膚語卷之三

膚語卷之四

御龍子四

消上范守已介儒著

寧夏侯廷驥校
扶溝李時芳校

天象

天之道其運轂乎三十幅比進而行不積也日月之道其循輪乎遠邇交錯而不越也北之辰彰彰見矣南之辰信乎哉

日東月西根離坎也離虛坎實抱坤乾也日其坤精之宅耶有乎陽而流光月其乾精之宅耶成乎陰而不同受其光

御龍子集

膚語卷之四

日之稱焉其畢之來乎月之稱焉其房之往乎房離而畢坎其氣化有象耶

焉其性夫慈耶母之道免其性夫健耶父之道其取類深乎造化之自然耶觀世之強名耶

日月其不麗乎天也麗則不離離則實月之掩日月離天矣胡不實

陽健而陰緩日疾而月遲也日月右行乎右則陽緩而陰健矣性耶

三垣其以形乎四維其象乎形存而神以寓乎

象存而氣以貫乎占天者何亦時中耶

十二象二十八禽之說其起一人乎其識緯之鑿天乎鄭之僑未之聞鄒衍亦未之聞

四維以龍鳳龜虎象古矣龍則爲虎爲兔爲龍鳳則爲蛇爲馬爲羊虎則爲猴爲雞爲狗龜則爲猪爲鼠爲牛類耶若虎與豹鄰兔與狐貉鄰龍與蛟鄰蛇與蚓鄰馬與犂鹿鄰羊與犴鄰猴與猿鄰雞與雉鳥鄰狗與狼鄰猪與猢猻鼠與蝠鷄鄰牛與獬鄰類矣從其方耶

御龍子集

膚語卷之四

二

七曜舊矣四餘其何昉乎羅計黃白道之交路也日月集之故相掩世謂羅計爲黑煞是食二曜誣天耶

玄枵姬訾之名其起中古乎堯之授時無有也後之雙女磨竭愈下矣

析木天津之起乎由箕尾而井鬼橫亘紫微之傍有川流之象焉實沈豈其尾間耶天漢天之微瑕哉純陽之夾滯陰耶一縷之雜爲章于天不雜不章陰陽之自然乎傳說王良造父因人

以命星耶因星以命人耶蒙莊甘石互襲而爲之耶

宿度廣狹其誰疆之耶井斗何德而甯鬼何拙耶後世何惡而更奪乎甯耶

經星分野無四夷九州之外復有九州乎有則地廣而天狹

旄頭列畢胃之閭天其不外胡夷耶而胃主捕殺畢主兵刑婁主兵卒甯主三軍奎爲武庫邊兵參爲邊域兵戈天之防胡也備矣七宿一夷

御龍子集

廣語卷之四

三

而六防

日月群星之下耶日月二星何爲乎其甘石之

強名耶

北斗之側有大理紫微之垣又有大理天其慎

重刑獄耶

一司空也奎軫兩見一將軍也婁氏兩見一天

田也角牛兩見民力民命民食固天所重乎

紫微之有天樞也太微之有卽將也天市之有

車肆也一也天之備不虞也周哉

紫微之二樞角宿之一衡其得斗之一體乎氣分而用小

癸感歲入于太微其受命于大君乎主道感則出入時固無奸其天祿耶

太白之避午火位固其所忌耶然終不能超絕乎午也藉太陽而微行君子微服之義乎

歲星所在是曰福星好生之德固鍾于木乎歲歷一合天之仁亦有所靳耶

日者以五星之行右曰順左曰逆而別進退遲

御龍子集

廣語卷之四

四

速焉是蟾子逆沿磨石也天之體確如堅石耶不則何帶右行者俱左耶

月行九道太陰之性其多岐乎而總之不遠于黃道陰避陽而不能離乎陽也與

日無掩犯陽道尊耶月有掩犯陰行定耶尊則臨定則常臨則不言休咎反常則有妖祥

凌犯去守五緯之失行也五氣之感觸固有類

耶辨類而妖祥可察

飛流孛彗陽德之不固耶于占有咎而無休

星不常見太和不常凝耶太和無形氣之小體故有之不爲多無之不爲少

恒星之外爲星二千五百微星萬一千五百二十星盡萬物之數乎星隕如雨星落如雪衆矣未聞後之或闕也豈其隕落非星耶其有出于

之外也耶

心生而休星結木姦生而咎星結及其亡也皆隕滅焉人其星之根星其人之華耶

天體清通其懸鏡以照下土乎有一物則著一

御龍子集

卷之四

五

物之象有一事則著一事之象觀天者可得而指焉因象求形無或差爽天道其果遠乎哉

星其氣之精鬼乎氣以育精精以充鬼故活而受光氣盡則精枯而鬼死故隕而成石永死爲

屑非耶

客星其人之精耶有斯人則有斯星其有凌犯皆其人爲之防之可不周乎

造化

雲至陰也乘陽而行烈陽蒸之氾而爲雨陽

烈也爲陰所困逆而爲電破而爲雷陽勝則陰化而雨急陽不勝則陰滯而雨微是故雷隨電雨隨雷

龍其純陽之物耶而不能離乎陰故居于淵雲其純陰之氣耶而不能離乎陽故從于龍龍資雲之陰以上下雲資龍之陽以飛浮以龍之陽蒸雲之陰故所至無不雨也無不雷雷也而非龍之有心于雨也有心于雷雷也

龍極陽之物也極陽則毒毒則不可近雷電極

御龍子集

卷之四

六

易之氣也故從龍而起起則有所擊人物遭之無不立靡者龍豈有心于殲物耶慎者其知所避焉可矣

風之行于宇內也一氣之動盪而無所鼓發耶八方之來各以其候而非各爲隧道也一氣耳止則無動則有無爲陰有爲陽陽之西流曰谷風北流曰凱風周旋流曰飄風猛瀧曰暴風急流曰烈風而有異耶淫雨其陰陽兩溢乎陰凝而不散陽蒸而不舍曠旱戾氣之所爲哉陰

陽其不相能耶亢烈之氣多而參和之無自耶
電其霰之類乎夫霰陰欲凝而微陽搏之也其
形丸電之象也夏有伏陰陽不能制而戾于空
乃爲盛陽之所搏有不結之爲電乎電其霰之
大者爾晰錫含水能吐水而不能多能乘雲而
致之九州耶

雪其雨之所凝乎氣潤而不殺

霜露水氣之所爲耶有雲則否氣收于雲也無
則氣着于草木

御龍子集

廣雅卷之四

七

霜重則天宇必清氣有所着不浮于上也蠲鍊
日氣之射雲雨也雲薄而雨微故日氣射之而
形見陽性善暘故所着處翕水而翕酒

日射陽燧而火生太陽之精氣至烈也以射雲
際而何陰雨之不涸語曰虹能止雨信矣

輿地

崑崙吾不知其有無也有則其地之首而非其
地之中耶乾高巽下地形宜爾崑崙崑崙西北
有宇土等諸夏耶有則北辰其偏矣

地之西北其無廣海也耶其猶之東南無重山
也自吳越東南皆海也愈遠而海愈深自雍梁
西北皆山也愈遠而山愈峻海之中有島嶼山
之間有陂澤互爲根矣而豈復有廣海重山相
雜糅耶世言四海其亦以地涯天際水之連天
而藉地者言之爾

海水不溢歸墟尾閭之爲耶數畝之陂而以灌
畦之溝十數注之積歲不見加多也大海止數
畝之陂乎而水之入者鴨綠直沽淮陽海門浙

御龍子集

廣雅卷之四

八

江等口十數處爾自大海視之何異灌畦之溝
耶此而加溢則亦何以爲海耶况風日所銷懼
其入之不給也而又何以尾閭爲

海水之潮汐也其必以月乎月出地則潮生月
沒地則汐至月之出沒日移四刻而潮汐如之
朔後則月出而潮月沒而汐望後則月沒而潮
月出而汐

南海之潮汐不隨月之出沒去月遠也半月東
流半月西流隨月之向背太陽耳朔後月背太

陽而去望後月迎太陽而來

崧高非止諸夏之中其殆大地之中耶西北多山而多寒東南多水而多暑山水所會寒暑所均舍崧高其何之且其上直北極之南也非若崑崙之在一隅也周公之營表而豈徒哉

河流過積石而經車蘭也爲群山所阻不得東乃循北麓而出塞外焉至筭頭乃折而南復阨于山不能逾也于是汎而爲渚水不有龍門之鑿其能放之東海耶禹之役衆非得已矣世謂

御龍子集

九

禹行無事必不多事以鑿龍門固也哉

河水流渚匪獨源之濁也其所經行多沙鹵耶江水流澄匪獨源之清也其所經行多沉壚也河性急而江性平急復僊突平不撼搖

河流之入海也其四五百歲一徙乎始由逆河今由淮海其間可指而言也則何以故河有淤沙海有潮汐以潮汐拒淤沙未久而不疑者疑則淺淺則塞夫惡得而不徙

江之有三峽猶河之有龍門與江之有金焦

河之有砥柱與水石之性固易地皆然耶

荆水之南其山有峒焉其石乳下垂以千萬計也有長及尺有長及丈有長及數尋下將及地者有自地突起上將及巖者有上下如齒斷而不合者參差萬狀不可方物誰之爲哉其造化之自然乎開闢之初氣機播弄石質未堅輒如凝脂地火然灼融液自流無惑乎乳石之結如是異也

洞天福地志僊者之誇誕耶且僊也吾不知其

御龍子集

十

人不也僊而人其處山之深窟耶

海外十洲之說其神異經之類耶其欺人之所不見乎

蓬萊方丈其海島之誇名耶島其所有而僊其所無耶島而有僊則日本新羅等夷當有登其堂與者矣

山海經大禹之所紀與夷堅之所志與其言怪異吾不知其有無也而山川道理蒙然未出門戶者豈古今山川隨時遷易耶

禹鎖支祈于龜山之脚當時胡不殛滅之豈神物有數聖人不能以違天耶

海內神山其名山洞天之類耶入名山者不見洞天探海洋者不見神山豈其神秘之難見耶說者之誕耶

地有四遊測天者之妄也地而遊也四方易位矣日月北辰其恒正乎天其與地偕遊耶磁石之引子午耶

時令

御龍子集

廣語卷之四

上

春秋其一氣之虛翕乎噓則陽生翕則陰至若對待然而非有二也陽漸多則陰漸少陽漸少則陰漸多其勢之不得不然哉以卦象觀四時可以見微著疾徐之理矣冬至爲復爲子中積十六卦而爲臨爲丑中又積八卦而爲泰爲寅中積四卦而爲大壯爲卯中積二卦而爲夬爲辰中積一卦而爲乾爲巳中夏至爲姤午中也其未中之爲遯也亦積十六卦也申中之爲否也亦積八卦也酉中之爲觀也積四卦也戌中

之爲剝也積二卦也亥中之坤也積一卦也蓋陰陽之初生其氣甚微微故難長積之愈壯而逾速理勢之自然耶養心者例而觀之當知扶陽抑陰之要力

復 順 屯 益 震 噬 隨 豐

翼 賁 漸 家人 豐 離 革 同人

臨 損 節 中 歸 妹 兌 履

泰 畜 需 需 大 壯 夬 乾

姤 遯 鼎 恒 巽 井 蠱 升

御龍子集

廣語卷之四

上

訟 困 濟 解 渙 坎 蒙 師

遯 咸 旅 過 漸 蹇 艮 謙

否 萃 晉 豫 觀 比 剝 坤

後世之法度越前古其以中氣定閏餘耶氣盈晦縮歲餘十有一日歸餘于終則三年者寒四日二年者純八日四時正乎哉純陰之月不寒二陽之月寒純陽之月不暑二陰之月暑純則不亂不亂則平客壯則爭爭則亂以二陽爭四陰陰將盛其氣以禦之故凜冽而寒以二陰爭

四陽陽將盛其氣以禦之故炎赫而暑然而終不能禦也則與之平且從而退伏矣自古國家之興替其機亦若是耶

象數

龍馬陽之精也其圖數九天之道故陽數統陰數而各居其所神龜陰之精也其書數十地之道故生數統成數而同守其方諸儒皆以十為河圖九為洛書稽之龜龍陰陽類有不合惟劉牧以九為洛書為書謂出于希夷以為得之予因而深思其理微妙無窮故從焉

御龍子集

卷之四

三

陽居四正陰居四隅圖也天道貴陽而賤陰東與北內陽西與南內陰書也地道左陽而右陰圖之陽始乎北左行而東陰始乎西南右行而東南相與會歸于中受其成也陽成則之西之南以隨陰之右陰成則之西北之東北以隨陽之左東北為陽陽生于子盛于卯西南為陰陰生于午盛于酉天道常也陽在陽中則順陰中則逆陰在陰中則順陽中則逆

書之陽始乎北左周三方終乎西陰始乎南亦

左周三方終乎東兩者生成總會于中地道尚順不尚逆故陽至西南亦惟左旋陰至東北亦惟左旋

圖之少陰居東北取老陰居西北取少陽居西老陽居南天陸之體以行日月布四時也書之老陰居北以抱一陽少陰居東以抱三陽少陽居南以抱二陰老陽居西以抱四陰地陸之體以序四氣宅神鬼也圖之數奇而一與九對三與七對二與八對四與六對無不偶書之數偶

御龍子集

卷之四

四

而一與六守二與七守三與八守四與九守無不奇天地之道互為體用者與圖之數九庖羲氏之畫卦也則之而用其八書之數十禹之衍壽也則之而用其九何哉圖體圖而用方虛一以存其體書體方而用圓虛一以達其用

太極者渾然至一之名未有陰陽而陰陽之實無不具兩儀者陰陽之太較乘動靜以達其幾而非有離乎太極也四象者陰陽之錯成分老

少以通其變而非有外于兩儀也八卦者四象各兩以備陰陽之變者也故兩儀應乎二至四象兼乎二分八卦兼乎四立冬夏至春秋分立春立夏立秋

震離兌乾陽以數往巽坎艮坤陰以知來數往者順知來者逆陰陽之生也老少各相匹而其氣不相周旋者也易相匹以周旋而對待之義始立對待立而順逆彰矣順順逆逆天地之所以貞觀也逆順順逆日月之所以貞明也天地御龍子集廣義卷之四 五

貞而五氣布日月貞而四時行

震一巽二離三坎四艮六兌七坤八乾九一三七九陽儀之變也二四六八陰儀之化也陽中有陰故一與三也屬之少陰陰中有陽故二與四也屬之少陽少陽陰之始少陰陽之始始不敵盛于是乎從其盛六十四八卦之重也卦各有八而其氣不越乎內卦內卦主之外卦錯之而消長之機于是益顯矣準諸晷月內八卦各得四十五日有奇外八卦各得五日有奇

五行之生成非竟此而及彼天地之氣數非先五而後六天數五地數五果孰先而孰後耶故生不獨生五行各涵其氣矣成不獨成五行各凝其質矣水火氣多而質少故生成居先金木質多而氣少故生成居後土氣質均當後水火而先金木因水以凝因火以堅專之為木結之為金不其然乎

水木陽之生也火金陰之生也水陽雜故司冬木陽盛故司春火陰雜故司夏金陰盛故司秋御龍子集廣義卷之四 六

水氣陽而質陰陰之性滋故水生木火氣陰而質陽陽之性烈故火不生金土也者氣陽而質陰者也故接火之陽而生金之陰

五行之初各一其生成二氣之互化也五行之布旋相為生成一機之流通也人之初生也乾男坤女各形其形乎男女成而形氣合男則生乎女女則生乎男

火上合而生金匪土則金不生故庚之間有坤土水土合而生木匪土則木不育故癸甲之

間有艮土若木之生火金之生水不假于土也
取之木金而自足故異木間乎乙丙乾金間乎
辛壬後天之卦基于五行深耶

坎水離火南北之正氣在焉震雷兌澤于東西
何居乎木盛于春而雷則鳴金盛于秋而雨則
多故兌澤者金氣之流而震雷者木氣之發也
其于義也不亦深乎

一陽稚故居北三陽盛故居東二陰稚故居南
四陰盛故居西五陰陽會故居中此二氣由生

御龍子集

去

之序也六老陰故爲水八少陰故爲木七少陽
故爲火九老陽故爲金十者陰之終陽之始也
故爲土陰因陽盛而漸退故自老而之少陽得
中土以節宣故由少以之老此五氣之成所以
異于生與圖之一北三東陽氣之進由北而東
也九南七西陽氣之退由南而西也陽始于北
盛于東極于南伏于西九而變七則表其四隅
之陰各隨其偶而不離耳

書之一三五七九由北而東而中而南而西一

三五水木上之所以生七九火金之所以成天
之道也東北主生西南主成三四六八十由南
而西而北而東而中二四火金之所以生六八
十水木土之所以成地之道也西南主生東北
主成中也者陰陽之會也故陽五繼三而起七
陰十繼八而起二五者陽之盛也十者陰之極
也觀其三七八二之間而天地生成之幾可從
識矣

御龍子集

膚語卷之四

去

膚語卷之四終

膚語後序

余始謂古先聖賢之言載在簡策者意其無不然之事信而讀之又重尋繹之以求其所謂同者異者則自六經孔孟而下若九流諸家子語豈其文不豐茂其思不玄且奧也然各自標門戶務奇勝以爲大道曠曠如日月中天行而得其光明者見穴隙則見見戶牖堂室則見登泰山履封石見天都八極則見所處彌高則所見彌遠無論其事之有然不然而各自其所得者

御龍子集

膚語後序

言之皆六經孔孟之反戈也言雖富矣益涓川范侯少負奇氣博洽能文章成甲戌進士筮仕吾松司理用法寬平務清簡公庭晏然每出俸錢收今古書暇則展讀不釋手有三泐賦郢堊集傳國中國中人重價爭購之而苦其不富也旣從督撫行吳江以病請休沐之暇復日書所知得三百三十五條命曰知新膚語余披讀再三過凡天地造化性命學術經史象數之文無不出自胸臆盡精微之致有不在形聲文字

御龍子集

膚語後序

得之故其書多短篇不滂爲枝葉語即古人所致疑而不得其可者侯折之如臨大猷獄輒一二言定矣至其所論政事則以心爲政之大本曰心有蔽則政乖有慾則政亂乖之病民也不知也知則政亂之病民也自知之也改乎哉夫以病民之政而求其故於知不知之間此非有見於吾道之實際而實反諸已者不能有其說也夫心猶日月也持日月以遊天都覽八極則以此調化元以此齊神聖功業道德之隆其幾不可障矣豈直如董仲舒劉子政能識之常貳負極山海之造哉夫能識重常貳負不可謂董劉之聞見非博洽也而天下後世稱董劉者乃不專在是然後知知新之語皆實見而非膚則又安知董劉之能識者非董劉不然之事也乃吾於知新之語爲益信余無文每讀知新語一過未嘗不歆歆乎有得則又不自知不文輒援筆書此附其後亦猶曰托日月之光也謹序賜進士第奉政大夫南京工部郎中致仕前刑

科左給事中治生龔情頓首謝

御龍

有夢

天官舉正自序

蓋不佞既爲渾天儀觀者脫屣錯戶外咸謂得平子遺智云第儀間所布恒星兩曜外不具也恒星第驗其出沒而芒角動搖諸占不能悉其態兩曜第窮其寒暑弦朔交合虧食而朧朧羸縮掩犯諸徵不能殫其數其它五緯之錯行字彗氣祲之紛拏凌雜米鹽莫可究詰更僕未易殫其類者豈彈丸尺寸中可盡彰灼也故觀者逞逞按圖而索玄黃未嘗

御龍子集

天官舉正自序

一

假韞蓋有與不佞擲麈尾脫落餐飯中至落忘食者不佞卽不爲連柱其口然而喉習亦孔焊矣乃以間日采星經史記晉天文志洎索隱正義考要元史與夫輓近世所傳觀象玩占更餘籌略諸書宋均孟康劉歆陳卓諸說纂錄而刪定之以視觀者庶一繙閱而乾道之變化可默契于言意之表矣況休咎諸占灼然具存苟存心于觀察大而贊化臨成小而行邁力穡未必不補益萬一云云

國家有私習明禁在位諸君子不得而輕扞文罔也守已曰是爲負販么麼子云然爾

昭皇帝親灑宸翰頒天元正曆于羣臣豈與三尺灋故自鑿柄邪且子長晉元諸史列在學官言星野者章章在人耳目間也博士于是焉教弟子員于是焉學二百年于茲矣灋吏惡得而禁之不佞之爲是書固取足于子長諸人簡中耳識緯雜說無取者如輕扞文罔焉是慮則有竝諸史而械之庫中爾萬曆甲

御龍子集

天官集

二

申夏六月甲子識

目錄

卷之一

渾天儀圖

北極紫微垣圖

蒼龍七宿圖

玄武七宿圖

白虎七宿圖

朱雀七宿圖

南極入地圖

三垣篇

卷之二

卷之三

卷之四

四象篇

五緯篇



二曜篇

卷之五


卷之六

雜星篇


雲物篇




蒼龍七宿之圖天市垣附




玄武七宿之圖




白虎七宿之圖



朱雀七宿之圖太微垣附



南極入地之圖



御龍集

天官奉正圖

八

目錄

- | | |
|-----|-----|
| 卷之一 | 三垣篇 |
| 卷之二 | 四象篇 |
| 卷之三 | 五緯篇 |
| 卷之四 | 二曜篇 |
| 卷之五 | 雜星篇 |
| 卷之六 | 雲物篇 |

御龍集

天官奉正圖

一

天官舉正卷之一

御龍子五

有上范守已介儒著

事夏侯廷珮校
扶溝李時芳

三垣篇

天有三垣奠樞運紀幹旋元化中外官之綱維也紫微位其中太微天市殿其旁有目者所共睹記南王義和所掌漸燼莫之見矣子長志天官雜三垣于五宮之內混淆未辨晉志正其垣名復以外垣列于文昌攝提衆星之間尤亡統紀舛駁爲甚謹釐其謬盤爲正三垣

御龍子集

天官舉正卷之一

一

紫微垣居天中北倚若蓋廣袤七十有二度亦曰紫宮垣星一十有五環布二列左八右七前後二門當大火大梁之次大火爲卯爲天根故前門向之古尋東面義取諸此左垣首一曰左樞次上宰少宰次上輔少輔次上衛少衛次上丞右垣首一曰右樞次太尉次上輔少輔次上衛少衛次少丞亦名長垣又名天營又名旗星紫微大帝之座天子之常居也旗星直天子出自將宮中兵垣之最中曰天極亦名北極凡五

御龍子集

天官舉正卷之一

二

星珠連而微曲未攜天牀當前門也首一最微者曰極星亦曰紐星亦曰天樞其左一度許曰北辰天運無窮三光迭耀而此處不移所謂居其所而衆星拱之者也極星旋繞其外不離咫尺間若轂口之繞軸轉然或以極星爲北辰安也辰左小星曰后宮次曰庶子主五星次曰帝主日最明赤次曰太子主月帝亦太一之座不明主不用事太子不明太子憂極右四星承極曰四輔所以佐極出度授政也極旁六星如斗狀曰鉤陳大帝之常居也鉤陳中一星曰天皇大帝諸書所謂耀魄寶含元流晶于茲焉在西北五星如聚花曰五帝內座設序順帝所居也客星犯之大臣犯主座後十有六星曲杠聚頂曰華蓋所以覆蔽帝座肅儀望也座右六星曰六甲可以分陰陽配節候故在帝旁予以布政教而授農時座前五星曰天柱建政教懸圖法柱前傍鉤陳四星匡立曰女御宮八十一御妻之象也女御左一星曰女史婦人之微者主傳

漏女史左一星近垣曰柱下史主記過女前五
星曰尚書主納言夙夜諮謀尚書前二星曰大
理主平刑獄大理右二星曰陰德陽德主周急
振撫陰德前六星適當前門曰天牀主寢舍燕
息天牀右右樞內二星曰內廚主宮飲食后
妃夫人太子之宴飲天子有德則帝星鉤陳天
皇俱明潤吉昌則天牀端正光明太子仁賢則
太子明潤庶子安和則庶子明小國有賢臣則
四輔尚書俱明潤史臣稱職則二史明小新君
御龍子集 天官舉正卷之一 三

卽位二樞明潤不則反是

北斗七星在右垣外魁枕參觜衡殷南斗杓攜
龍角七政之樞機陰陽之原本也亦名帝車故
運乎天中以建四時而均五行其一曰正星主
陽德二曰法星主陰刑三曰令星主中禍四曰
伐星主天理伐無道五曰殺星主殺有罪六曰
危星主天倉五穀七曰部星又曰應星主兵又
云第一曰天樞二曰璇三曰璣四曰權五曰玉
衡六曰開陽也曰搖光樞爲天璇爲地璣爲人

權爲時衡爲音開陽爲律搖光爲星又云一主
天二主地三主火四主水五主土六主木七主
金又云一主秦二主楚三主燕四主吳五主燕
六主趙七主齊開陽傍一星曰輔星所以佐斗
成功承相之象斗明其國昌輔明其臣彊近其
臣親魁內四星曰天理貴人必牢也魁外近璇
六星曰天牢亦貴人之牢牢左四星曰勢腐刑
也勢左一星曰太陽守大將大臣之象主設武
備戒不虞其左一星當權衡之南曰相其星明
御龍子集 天官舉正卷之一 四

吉相之左曰三公主佐機務金火守之爲咎天
一一星在右樞開陽間天地神也主戰鬪知人
吉凶太一一星在天一右主知風雨兵革饑饉
災害所在之國又云二星主王者卽位令諸方
赤子而傳國位者明而有光爲吉微則廢立不
當其次宗廟不享食天槍三星在天牀右天槍
五星在天牀左主備非常不具國兵起玄戈一
星在搖光左遙連招搖爲北斗九星故考要又
云一主徐州二主益州三主冀州四主荊州五

主兗州六主揚州七主豫州八主幽州九主并
州又云一主祭祀二司土木三為徭役四有權
令五司禮樂文章六主刑罰七主山川

文昌六星在北斗魁上形如半月天之六府也
主集計天道一曰上將大將軍建武二曰次
將尚書正左右三曰貴相太常理文緒四曰司
祿司中司隸賞功進五曰司命司怪太史主臧
咎六曰司寇太理佐理實一內六外數之明潤
大小齊天瑞臻其右六星曰內階天皇之階也

御龍子集

太官奉正卷之一

五

魁及文昌間三星曰三師亦曰三公主宣德化
調七政其南一星曰太尊貴戚也階右八星曰
八穀穀右九星若連珠當華蓋後瀕漢曰傳舍
賓客之館主胡人入中國客星守之備軒使又
云胡兵起舍右近上丞二星曰贊府府右九星
岐卷曰天鉤斜入漢湄也直則地動鉤右六星
曰天廚主盛饌

太微垣在鵝尾之次以初夏昏見天中在北斗
之南為天庭理法平辭監升授德列宿受符諸

神考節故曰太微為衡言平也垣星左右各五
南夾端門曰左右執法執法之東西為左右掖
門掖門之北左四輔南相北將右四輔南將北
相各有上次四輔間各三門南曰東西太陽中
曰東西華北曰東西太陰兩垣芒及搖動諸侯
有謀執法移刑罰急月五星入垣循軌道吉所
守天子所誅也其逆入不軌道以所犯命之中
座成形羣下從謀也金火尤甚端門內四星近
右執法曰內屏屏北五星為五帝座中曰黃帝

御龍子集

太官奉正卷之一

六

含樞紐之神也蒼赤白黑四帝各居其方天子
動得天度止得地意從容中道則五帝座光明
座北一星曰太子太子右一星曰從官左一星
曰幸臣左執法東北一星曰謁者主贊賓客謁
者東北三星曰三公內座朝會之所居也三公
北三星曰九卿內座九卿西五星曰內五諸侯
內侍天子不之國也辟雍之禮得則太微諸侯
明侯北十有五星蔚然曰郎位主守衛也太小
均光潤吉其星不具幸臣誅明大及客星守之

大臣無亂傍一大星曰郎將主閱具武備明大角恣不可當也從官右一星曰虎賁旄頭之騎官也郎位北七星曰常陳天季之宿衛備彊禦也動搖天子自出明兵用微兵弱常陳右六星兩兩相北曰三能亦曰三台主關德宣符西近文昌者曰上台司命主壽次曰中台司中主宗室東近太微曰下台司祿主兵色齊君臣和否反是東方朔願陳泰階六符孟康曰三台也應劭曰泰階者天子之三階上階上星為天子下

御龍子集

天官舉正卷之一

七

星為女主中階上星為諸侯三公下星為卿大夫下階上星為士下星為庶人三階平則陰陽和風雨時不平則稼穡不成冬雷夏霜人主好興甲兵修臺榭廣苑囿則上階圻其南四星曰內平近職執法平罪之官也又南四星鴈行近上相曰少微處士星也又云第一星處士第二議士第三博士第四大夫明潤賢士舉不明友是月五星守犯處士憂宰相易其南四星曰長垣主疆域垣西南三星曰明堂天子布政之宮

其西三星曰靈臺觀臺也

天市垣在析木之次以季夏後昏見天中垣星左右各十有一南門左一星主宋次南海次燕次東海次徐次吳越次齊次中山次九河次趙次魏右一星主韓次楚次梁次巴蜀秦周次鄭次晉次河間河中主權衡主聚眾亦云天旗庭主斬戮之事市中星聚潤澤者歲實虛則耗火守戮不忠彗見徙市易都客星入兵大起出有貴喪帝座一星在天市中光潤天子吉威令行

御龍子集

天官舉正卷之一

八

座南五星曰斗又南四星曰斛又南六星當韓宋間曰市樓樓左二星曰車肆肆北二星曰宗正在帝座東南宗大夫也彗守若失色宗正有事客星守之號令更其左四星曰宗人主錄親疏享祀動則族人有變客星守之貴人死其左二星曰宗星帝輔血脉之臣也客星守之宗支不睦其北二星為帛度帛度右二星為帛肆肆右近帝座一星曰候主伺陰陽明大輔臣彊四夷開微則國安亡則人主失位移則殆候右四

星斜布座前曰宦者星微吉非其常寺人有憂其西南二星曰列肆列肆之旁天庭也又云天旗明則市吏急商人無利不明反是垣北九星曰天紀九卿也主萬事之紀理怨訟明則天下多訟亡則政理壞散絕則地震山崩紀西九星曰貫索賤人之牢也主法律禁彊暴索口一星爲門欲其開也九星俱明獄煩七星見小赦六星五星見大赦動則缺鎖用中空則更元索北七星曰七公矣之相也主七政紀北三星曰女

御龍子集

天官舉正卷之二

九

牀後宮御也主女事

天官舉正卷之一

天官舉正卷之二

御龍子六

消上范守已介儒著

寧夏侯廷芳校

四象篇

天有四象分布周天成變化行四時敷泰歲功左蒼龍右白虎前朱雀後玄龜南北諸星附麗分屬亦昭昭乎所共睹記子長雜以二垣晉志分爲三簡俱屬乖謬爲正四象

蒼龍七宿居壽星大火析木之次橫亘七十有九度二十分以建巳午未月昏見南方起太微

御龍子集

天官舉正卷之三

一

左垣終天市左垣有角有心有尾偃然一龍體也謂之東陸角一星南北相直夾黃道躋赤道西北距太微垣不四三度是爲天關其間天門也故黃道經其中七曜之所行也廣十有二度一十分起壽星也辰宮之九度盡二十一度巳月後昏中兩星之間少右橫二星曰平道平道右一星近上相曰進賢角北二星曰天田亦曰李主刑其北三星近郎將曰周鼎主流亡又主皇運角南二星曰天門亦曰將主兵天門南二星

曰平星主天下法獄平南十星六大爲庫四小爲樓亦曰天庫兵甲之府也內外十五星三三而聚曰柱中四小星曰衡主陳兵東北二星曰陽門主守隘塞南二大星曰南門天之外門也主守明則氏羌貢暗諸夷叛客星守之外兵且至亢四星狀若張弓在角東黃赤道間天子之內朝也總攝天下奏事理獄錄功亦曰疏廟主疾疫明大輔納忠天下寧廣九度二十分午月初昏中亢北左右攝提各三星鼎足句中適直

御龍子集

天官學正卷之三

二

斗杓所指以建時節故曰攝提格主九卿大臣明大三公恣客星天之聖人受制中夾拱一大星曰大角大角者天王帝廷亦云帝座明盛天下大同又爲天棟正經紀也亢南七星連亘而屈曰折威主斬殺折威東南二星曰頓頓主考囚情察詐僞氐四星狀若側斗躔黃道出其南王者之宿宮后妃之府也前嫡後庶又云爲路寢聽朝所居明大則臣下奉度又云爲天根主疫廣十有六度三十分起壽星末度盡大火中

御龍子集

天官學正卷之三

三

度大火卯也天運起度太陽流晶俱託始焉故云天根氐北三星曰帝席主宴會席北三星曰梗河亦曰天鋒主胡兵又強喪敵其變動以兵喪應其北一星曰招搖主接遠方招搖與玄戈相直遙連斗杓其星與杓應則胡來受命帝席右近攝提六星曰亢池主關津帝席左一星曰天乳主歲豐歉氐南左二星曰天輻主御道氐南二十七星三三而比曰騎官主宿衛中一星曰騎陣將軍其西南三星曰車騎其北三星曰

鍵閉亦曰牽主筦鑰不居其所則宮門不禁鉤
鈐間有星及疎圻則地動河清東咸西咸各四
星在房左右狀如房爲房之門戶所以防淫佚
也星明則咎月五星犯守之有陰謀房南一星
曰日星太陽托始之所也主君事日南二星曰
從官主巫醫內侍心三星在黃道南天王正位
也中星爲明堂天子位主天下賞罰明大天下
同前星爲太子後星爲庶不欲直直則天王失
計廣六度五十分起大火二十一度未月昏中

御龍子集

天官學正卷之三

四

其南十有二星曰積卒主兵衛他星守之近臣
誅尾九星在黃道南狀如鉤後宮之場后妃之
府也第一星后次三星夫人次五星嬪御第三
星傍一星曰神宮解衣之室也尾亦名九子星
色欲均明小大相丞則後宮有序多子孫廣一
十有九度一十分起大火二十七度盡析木十
六度未月後昏中尾北近市樓四星曰天江主
太陰江星不具天下津關不通明若動搖大水
兵起參差馬貴火守之有立主者客星入之河

津絕尾左一星曰傳說主章祝咸云司子息其
南一星曰天魚在尾後天漢內主陰事知雲雨
之期又南五星曰天龜主水旱災四星在黃道
南天漢內亦後宮后妃之府亦曰天津主八風
日月離之風起又爲教客主口舌主客蠻貊故
蠻貊將動先表箕焉又司五穀豐歉廣十度四
十分起析木津寅宮十六度盡二十六度未月
後昏中舌外一星爲糠糠左三星爲木杵主米
糧收缺給庖春客星入之天下有急玄龜七宿

御龍子集

天官學正卷之三

五

居星紀玄枵娵訾之次橫亘九十有三度八十
分以建申酉戌亥月昏見南方起天漢左終羽
林左謂之北陸斗六星倚漢在黃道南天廟也
丞相太宰之位主褒賢進士稟授爵祿亦爲壽
期又主兵是曰天機南二星魁天梁也中二星
天相也北二星天府庭明盛王道和平廣二十
有五度二十分起析木二十七度盡星紀丑宮
二十二度以申月昏中斗柄西八星曰天籥主
關閉斗北六星曰建南臨黃道天之都閭也

建之間七曜所由行亦名天旗南二星庫中二
星市鈇鑽上二星旗跗主差絲動則衆勞月暈
之蛟龍見牛馬疫月五星犯之大臣相譖有謀
關梁不通大水建旁九星曰天弁司冠服或曰
天辯市官之長也知市珍明吉彗星守之糴貴
囚徒起魁東二星南北相直曰天雞主候雞南
二東西相直曰狗主守狗南四星曰狗國主鮮
卑烏九沃且火守之外夷爲變斗南一星曰農
丈人主穡事其南十四星曰鼈有星守之白衣
御龍子集

會覽東十星曰天淵亦云天地主灌漑田疇牛

六星二角觜然下四星句立在黃道北天之關
梁主犧牲事明大關梁通微暗不通牛疫死移
入漢中天下亂廣七度二十分起星紀二十三
度盡二十九度申月後昏中牛北三星拒漢涓
曰河鼓世謂之牽牛主軍鼓中大星爲大將南
星爲左將北星爲右將所以備關梁而距難也
明潤吉星怒馬貴動兵起曲將失計鼓西南四
星曰天桴前近鼓若相直爲桴鼓動不明漏刻

與左右旗各九星夾河鼓偃卷漢內右旗入斗
度在建星上旗星差戾則亂相陵漢北近天紀
三星一大二微曰織女天女孫也主果蘇絲帛
王者至孝神祇悅則三星俱明大星怒角布帛
貴織女東足四星曰漸臺主畧漏律呂西足五
星曰輦道王者嬉遊道也牛後三星曰羅偃牛
南九星曰天田田南九星曰九坎俱主水旱女
四星如箕在黃道北謂之須女亦名婺女婦職
之卑者主布帛裁製嫁娶天少府也水守萬物
不成火守布帛貴人多死土守有女喪金守兵
起廣十有一度三十有五分起星紀二十九度
盡玄枵也子宮十度酉月初昏中女北五星曰離
珠須女之藏府也珠左五星曰敗瓜其上五星
曰瓠瓜主歲蔬豐歉有青黑星守之魚鹽貴其
北九星若張弓橫亘河內曰天津主津梁一星
不具津道不通津北四星曰奚仲主兵其北近
紫垣七星曰扶箱亦云扶筐主女紅女南十六
星或比或散爲十二國星北列七左一爲代次

二爲秦次二爲周次二爲趙南列左一爲魏次
韓次晉次燕及楚次齊次二星鄭次越虛二星
夾赤道冢宰之官也主祭祀祝禱又主喪廣八
度九十有五分起玄枵十度盡十八度其第六
度子中也酉月後昏中虛北二星曰司命主人
壽短長及喪送其北二星曰司祿主官其北少
西二星曰司危主君之淫慾其北二星曰司非
主憊過受直言虛南二星曰哭哭東二星曰泣
泣南十三星狀如貫索曰天壘城主北夷壘西

御龍子集

天官舉正卷之三

八

三星曰離瑜占與離珠同俱主宮中侈儉壘南
四星曰敗曰主歲傷稔危三星不直在赤道北
天府也主架屋興土木又主水嘗廣十有五度
四十分起玄枵十九度盡娵訾三度戌月後昏
中危北五星曰人星主人年壽人左三星曰杵
杵南四星曰曰主五穀杵北七星連卷而大首
曰車府主兵戎府北河中五星如敗瓜曰造父
御官也亦曰伯樂主馬星亡馬大貴河畔九星
岐卷曰天鉤見紫垣下危南二星曰蓋屋主

建屋左四星曰墳墓主陵寢其南四星曰虛梁
主火災其南十星正園曰天錢主庫積室二星
北近天漢天子之宮也亦曰玄宮亦曰清廟又
爲軍儲之府及土功事星明國昌小暗鬼神不
寧離宮六星兩兩而比附室旁天子之別宮也
廣十有七度一十分起娵訾四度盡二十一度
戌亥月昏中室北二十二星蜿蜒而翔曰騰蛇
主水旱室南六星曰雷電主年歲其右二星曰
土公吏主興作雷電南十二星形若重擔曰壘

御龍子集

天官舉正卷之三

九

壁陣陣南四十五星三三而聚曰羽林軍俱主
翼衛五星入其中兵起火金水尤甚其西南一
星曰天綱主武帳天綱左一星曰北落師門主
非常星微亡軍動角及五星犯守若入軍軍起
火金水尤甚木土吉其左三星曰鈇鉞所以威
也其東南九星如天田狀曰八魁主張禽獸壁
二星如虛在室東謂之東壁主文章天下圖書
之祕府也星明王者昌道術明國多君子失色
及大小不均經士不用圖書隱動有土功廣八

度六十分起姬訾二十一度盡二十九度亥月
昏中壁北十星曰天廐主馬之官占其生死壁
南二星曰土公主土事其南五星曰霹靂又西
南四星曰雲雨主年歲羽林左五星曰鈇鎖主
兵器白虎七宿居降婁大梁實沈之次橫亘八
十有三度八十五分以建于丑寅月昏見南方
起羽林左終天廁謂之西陸奎十六星在天漢
南天之武庫也主兵禁暴亦曰封豕又名天豕
西南大星為天豕目又主溝瀆廣十六度六十
御龍子集

星不勻在奎東南為天獄主苑牧犧牲供郊祀
又主聚眾搖動則兵聚金火守兵起廣十一度
八十分起降婁十六度盡二十九度子月後昏
中婁北天漢內十一星左右列各五中一大星
曰天大將軍其西南一星曰軍南門主誰何出
入婁東西各五星曰左咸右咸左主山林澤藪
右主牧牛馬婁南六星曰天倉又南三星曰天
庾主歲豐歉胃三星鼎足立在婁東北近漢天
之倉藏也五穀之府明則和平動則有輸運之
御龍子集

星俱黃兵大起又為旄頭主胡搖動有大臣下獄及有白衣會大而踊躍胡兵大起一星不具皆兵憂廣十有一度三十分起大梁十三度盡二十四度丑月後昏中昴北六星卷如曰卷舌曲吉直而動天下有佞讒之害舌中一星曰天讒主口舌舌後四星曰礪石主兵革芒角兵忌昴左一星曰月星太陰所託始也主后宮事右一星曰天河主山林妖變河南五星曰天陰主宮中門禁其南六星曰芻蕘亦曰膺積不見牛

御龍子集

天官學正卷之二

十三

羊暴死火守災起畢八星欹倚黃道謂之罕車主邊兵又主弋獵其上大星曰天高四夷之尉也明大遠夷入貢失色邊兵亂畢動兵起其旁小星為附耳主聽得失伺僊邪附耳搖動讒慝行明盛盜起邊有警入畢中兵起廣十有七度四十分起大梁二十四度盡寔沉十度寅月昏中其右二星曰天街三光之道也主伺關梁畢北六星珠連曰諸王主藩佐存亡諸王北漢中五大星曰五車旁有九小星三三而聚曰柱五

車者五帝車舍也主天子五兵又主五穀豐歉西北曰天庫主太白秦東北曰獄主辰燕趙東曰天倉主歲星魯衛東南曰司空主墳星楚西南曰卿星主熒惑魏均明見則倉廩實有變各以主占三柱又曰三泉出一月米貴三倍期二年出三月貴十倍一年不近天倉軍出轉粟千里火入旱金兵水水其中五星曰天潢司津路月五星入潢兵大起潢畔三星曰咸池魚圉也車南一星曰天關主邊事芒角有兵五星守之

御龍子集

天官學正卷之三

十三

貴人多死畢畔四小星亦曰天高天之臺榭也主望遠畢南八星大首而曲柄曰天節主使臣其南九星天矯而下垂曰九旂天子之旗也所以道軍進退搖動則九州分散金火守之亂起旂旁九星如圍而長曰九州殊口主通重譯天苑南十三星曰天園主植果蔬(蒲)三星隅置在參北曰觜觶為虎首主葆旅事行軍之府藏也明則軍儲盈將得勢金木守國易正災起廣百分度之五觜北河中九星曰坐旗主序尊卑旗

西南四星曰司怪主災異參十星有負赤道為白虎中橫三星為衡石下三星銳為伐其外四星左右肩股也為天獄主殺伐又主邊城七大星為七將伐天之都尉也主胡戎七將皆明大天下兵精王道缺則芒角張伐星明與參等大臣有謀兵起參失色軍散敗芒角動搖邊有急兵起有斬艾事星移客伐主左足入玉井中兵大起泰大水有喪山石為恠星差矣主臣貳廣十一度一十分起寔沉十度盡二十一度寅月

御龍子集

八官舉正卷之二

古

中昏中其西九星連蜷曰參旗指揮遠近以從命也王者斬伐當則曲直順理不則兵動于外若明而稀邊寇起也參右足下四星曰玉井主水漿其南四星曰軍井軍所需也其南二星曰屏主君寢暗小若彗星守犯君憂屏左四星曰廁廁下一星曰天矢主溺矢黃則吉青白黑凶不見則人寢疾又主五穀

朱鳥七宿居鶉首鶉火鶉尾之次橫亘一百有九度八分以建寅卯辰月昏見南方謂之南星

升八星橫列居漢湄謂之東井黃道之所經也天之亭候主水衡事法令所取平王者法平則星明列端廣三十有一度三分起寔沉二十一度盡鶉首二十四度寅卯月昏中井西一星曰鉞主司淫奢而斬之故不欲其明明與井齊則用鉞于大臣井北三星居漢北澣曰北河亦曰陰門胡門又曰北戌井南三星居漢南澣曰南河亦曰陽門越門又曰南戌兩河間七曜之常道也動搖中國兵起北河南五星橫井上曰五

御龍子集

八官舉正卷之二

五

諸侯一曰帝師二曰帝友三曰三公四曰博士五曰太史為定疑議察得失明潤天下治芒角禍作侯南三星曰天樽主饘粥給貧餒積水一星在北河西主供酒漿積薪一星在北河東主供庖廚其南四星居漢中曰水位主水衡水火及客星守犯百川溢井南四星曰四瀆鉞南四星曰水府水官也軍市十三星在南河南形若天鉞司物貴賤中一星曰野雞精司變恠市東二星曰闕丘天子之象魏懸書之府也金火守

之有兵戰闕下其南一大星曰狼為野將主倭掠色有常不欲動狼角變色多盜賊狼東南九星狀若張弓曰狝夫天之弓也以伐叛懷遠又主備盜賊向狼動移多盜明大變色亦多盜矢不直狼又多盜引滿則天下盡兵孤南一星曰老人亦曰南極主人主壽命常以春分夕見丁秋分晨見丙候于南郊見治安不見兵起人主憂軍市西南二星曰丈人亦主壽命其東二星曰子又東近老人二星曰孫主子姓鬼四星在

御龍子集

天官舉正卷之二

夫

天漢東黃道北方置若匱謂之興鬼天目也主視明察姦謀其中白者為質東北星主積馬東南星主積兵西南星主積布帛西北星主積金玉中一星為積尸主死喪祠祀鬼星明大穀成不明百姓散質欲其沒明則兵起大臣誅故曰德成衡謂人主有德則兆成于太微也觀成潢謂人主有德則兆成于太微也并誅成質謂人主有德則兆成于太微也鬼廣二度一十分起鶉首二十四度盡二十六度鬼北四星曰權主烽燧

鬼南七星曰天狗主兵狗東六星曰外廚主膳其南一星曰天紀主禽獸之齒孤東六星曰天社主土宇柳八星在鬼東南黃赤道間天之廚宰也主尚食和滋味又主雷雨以順明為吉金火守之國兵大起又為鳥注主水草廣十有三度起鶉首二十六度盡鶉火十度卯月昏中柳北三星曰酒旂主宴享酒食五星守之天下大酺星七星如鉤跨赤道為頸亦名天都主衣裳文繡又主急事明吉暗則賢良不處天下空金

御龍子集

天官舉正卷之二

七

火守之國兵大起廣六度三十有一分起鶉火十一度盡十七度卯月後昏中星北十七星卷曲而翼飛形如騰龍曰軒轅黃龍之體雷雨之神后宮之象也其大星女主次北一星夫人也又次北一星妃也其餘後宮屬屬一小星女御也左一星少民后宗也右一星大民太后宗也小而黃明吉明大后宮爭移徙國人流徙東西角大張而振敗水火金守之女主惡又曰軒轅為權太微為衡月五星守犯者如衡占軒轅北

近中台四星曰內平平罪之官也明刑罰星南三星曰天相宰臣之象也相南七星曰天稷主五穀張六星在赤道南為嚆主天廚飲食賞賚之事又主宗廟珍寶衣服明則王者行五禮得天之中微暗為凶金火守之兵大起廣十有七度七十有九分起鶉火十七度盡鶉尾三度卯辰月昏中張南十四星曰天廟天子之祖廟也客星守之祠官有憂翼二十二星在赤道南北連太微垣若承捧然天之樂府也又主夷狄遠

御龍子集

天官舉正卷之二

大

客明大禮樂興四夷來賓動則蠻夷使當至離徙則天子舉兵廣二十度九分起鶉尾三度盡二十三度辰月中昏中翼南五星曰東甌主南蠻軫四星二轄在赤道南主車騎任載故有軍出入皆占于軫又主風明則車駕備動則車駕用又主冢宰輔臣左轄為同姓王侯右轄為異姓王侯轄明兵大起轄遠軫凶轄舉南蠻侵不見有憂其中一星曰長沙主人主壽命明則壽長子孫昌廣十有八度七十五分起鶉尾二十

三度盡壽星八度巳月昏中軫南二星曰軍門主管候虓尾威旗其南四星曰土司空主界域其左七星曰青丘主南蠻其南三十二星曰器府樂器之府也主宣八氣

御龍子集

天官舉正卷之二

七

天官舉正卷之二

天官正卷之三

御龍子七

消上范守己介儒著

寧夏侯廷琳校
扶溝李時芳

五緯篇

五緯之行于天也伏見逆順各有法程晉志言
占應不及軌度闊略殊甚子長紀軌度泥甘石
舊文不合時驗如謂歲星以攝提格歲居丑單
閏歲居子何大不經也此類不可更僕數有誤
後人謹釐其訛為正五緯

木曰歲星為農官主五穀廟于營室其行十有

御龍子集

天官正卷之三

一

二歲一周天法夕伏合伏三十二日又一百七
十二分行七度七十二分晨出東方百有十二
日行十有七度八十四分留二十四日退行晨
夕各四十六日五十八分共行九度七十六分
二十四秒復留二十四日夕行百有十一日行
十有七度八十四分所在國不可伐可以罰人
促舍而前曰贏退舍曰縮贏縮以其舍命國贏
其國有兵不復縮其國有憂將亡領敗其所在
五星從而聚于一舍可以義致天下其行以卯

歲居卯宮建卯月與氐房夜半見東方辰年居
寅宮建辰月與尾箕夜半見東方巳年居丑宮
建巳月與牛斗夜半見東方午年居子宮未年
居亥宮申年居戌宮酉年居酉宮戌年居申宮
亥年居未宮子年居午宮丑年居巳宮寅年居
辰宮各以其歲之月與各宮宿夜半見東方其
當居不居居之左右搖未當去去之與他星會
其國凶所居之國有德厚其角動乍小乍大若
色數變人主有憂其失次進而東北生天棓長

御龍子集

天官正卷之三

二

四丈末銳東南生彗星長一丈西北生天棓長
四丈末銳西南生天槍長數丈兩頭銳所見之
國不可舉事用兵其出如浮如沈其國有土功
如沈如浮其野亡色赤而有角其國昌迎角而
戰不勝色赤黃而沈其野大穰青白而赤灰其
野有憂入月其野有逐相與太白鬪其野有破
軍

火曰熒惑為方伯執法司察妖孽廟于心其行
二歲一周天法夕合伏百有二十八日行百度

晨出東方二百八十有四日行百有六十一度
四十三分留八日晨夕退各二十八日共行十
有七度三十一分復留八日夕行二百八十有
四日行百有六十一度四十三分出則有兵入
則兵散以其舍命國為勃亂殘賊疾喪饑兵反
道二舍以上居之三月有殃五月受兵七月半
亡地九月大半亡地出入其舍國祀絕還至殃
小久而至殃大其南為丈夫北為女子喪若角
動繞環乍前後左右殃益大與他星關光相逮
御龍子集 天官舉正卷之三 三

為害不逮則否五星從而聚于一舍可以禮致
天下急行日一度有半其行東西南北疾也兵
各聚其下用戰順之勝逆之敗熒惑從太白軍
憂出太白陰有分軍其陽有偏將戰當其行太
白逮之破軍殺將其入守犯太微軒轅營室主
命惡之

土曰填星主德女主之象廟于南斗二十八歲
一周天法夕合伏四十日八十分行四度八十
分晨出東方八十六日行七度六十五分留三

十日晨夕退各五十二日六十四分五十八微
共行六度復留三十日夕行八十六日行七度
六十五分其所居國吉未當居而居若已去而
復還居之其國得土不乃得女居而不居既已
居之又東西去其國失土不乃失女不可舉事
用兵其居久其國福厚易福薄亦曰地候主歲
其所居五星皆從而聚于一舍可重致天下禮
德義殺刑盡失而填星乃為之動搖贏其主不
寧縮有軍不復贏二三宿以上有主命不成縮
御龍子集 天官舉正卷之三 四

二三宿以下有后威其歲不復不乃天裂若地
動

金曰太白司兵主殺廟于亢其行先後太陽歲
一周天法合伏三十有九日行四十九度五十
分夕出西方行二百三十二日而止行三百五
十度三十五分留五日夕退合伏晨退共三十
三日九十分二十四秒行十六度九分七十四
秒復留五日晨行二百三十二日而伏行二百
五十度三十五分當出不出當入不入是謂失

舍不有破軍必有國君之篡當出不出未當入而入天下偃兵兵在外入未當出而出當入而不入下起兵有破軍其當期出也其國昌其出東為東入東為北方出西為西入西為南方所居久其鄉利疾其鄉凶出西至東西國吉出東至西東國吉其出不經天經天天下章政小以角動兵起始出大後小兵弱出小後大兵強出高用兵深入吉淺凶卑淺吉深凶用兵舉太白太白行疾疾行行遲遲行角動戰動搖躁躁國御龍子集 卷之三 五

水白辰星主廷尉亦為殺伐之氣戰鬪之象又主刑事廟于七星其行亦先後太陽歲一周天法合伏晨伏各一十七日七十五分各行三十四度二十五分夕出西方行二十七度行三十一度五十分留二日夕伏合伏各十有一日一十八分八十秒各行七度八十一分二十秒一時不出其時不和四時不出天下大饑其出也色白為旱黃為熟赤為兵黑為水出東方大而白有兵于外解常在東方其赤中國勝其西而御龍子集 卷之三 六

萬人戰主人吏死出太白右三入軍急約戰青角兵憂黑角水赤行窮兵之所終其色黃而小出而易處天下之艾變而不善矣免五色青園憂白園喪赤園中不平黑園吉赤角犯我城黃角地之爭白角號泣之聲春青黃夏赤白秋青白而歲熟冬黃而不明即變其色其時不昌春不見大風秋則不實夏不見有六十日旱月蝕秋不見有兵春則不生冬不見陰雨六十日有流邑夏則不長

御龍子集

天官舉正卷之三

七

凡五星盈縮失度其精降于地為人歲星降為貴臣熒惑降為童兒歌謠嬉戲填星降為老人婦女太白降為壯夫辰星降為婦人吉凶之徵隨其告衆

凡五星比合木與木合為內亂饑主勿用戰敗水則變謀而更事火為旱金為白衣會若水金在南曰牝牡年穀熟金在北歲偏無火與水合為燂與金合為鑠皆不可舉事用兵大敗土為憂主孽卿大饑戰敗軍困舉事大敗土與水

合穰而擁闕有覆軍其國不可舉事出亡地入得地金為疾為內兵亡地三星若合其宿地國內外有兵與喪改立公王四星合兵喪竝起君子憂小人流五星合是謂易行有德受慶改立大夫奄有四方子孫蕃昌無德受殃若亡五星皆大其事亦大皆小事亦小蚤出者為贏贏為客晚出者為縮縮為主人必有天應見于杓星同舍為合相凌為闕七寸以內必之矣五星色白園為喪旱赤園則中不平為兵青園為憂水黑園為疾多死黃園則吉赤角犯我城黃角之爭白角哭泣之聲青角有兵憂黑角則水意行窮兵之所終五星同色天下偃兵百姓寧昌春風秋雨冬寒夏暑動搖常以此凡月蝕五星其國皆亡歲以饑熒惑以亂填以殺太白以強國戰辰以女亂政緩則歲星不行熒惑太白辰星不出填星不還急則歲星過分填星過舍熒惑太白辰星不入各不失行則年穀豐昌

御龍子集

天官舉正卷之三

八

凡五星分天之中積于東方中國利積于西方
外國用兵者利辰星不出太白為客其出太白
為主出而與太白不相從野雖有軍不戰出東
方太白出西方若出西方太白出東方為格野
雖有軍不戰

御龍子集

天官舉正卷之三

九

天官舉正卷之三

天官舉正卷之四

御龍子八

消上范守已介儒著

寧夏侯廷芳校
扶溝李時芳校

二曜篇

日月為陰陽之宗君后之象也故君后失德謫
見于日月其災譴之大亦必于日月乎示之敬
天之瘡者尤不容忽子長天官書不及日月晉
志志事應不言軌則均失之為舉二曜

日者太陽之精右行循黃道黃道起箕斗間北
距赤道二十三度九十分迤邐東北至壁一度

御龍子集

天官舉正卷之四

一

入赤道北又東北至參十度則南距赤道二十
度九十分遂折而東南至軫初度出赤道南
又東南旋于尾箕周而復始長三百六十五度
二十五分六十四秒其與赤道交也自南入北
曰內道口自北入南曰外道口二交之口隨歲
差左移六十六歲八月而移一度日冬至居析
木津行箕四度後八日入星紀之次大寒行牛
二度後六日入玄枵之次雨水行危七度後五
日入娵訾之次春分行壁三度後七日入降

之次穀雨行婁七度後九日入大梁之次小滿
行昂八度後十日入實沈之次夏至行參十度
後八日入鶉首之次大暑行井二十八度後八
日入鶉火之次處暑行張六度後九日入鶉尾
之次秋分行翼十八度後十一日入壽星之次
霜降行角九度後十三日入大火之次小雪行
房二度後十一日入析木之次冬至前若後日
行一度百分度之五曰贏段其前其後各十有
八日損一分春分若秋分行各一度亡餘不足

御龍子集

天宮舉正卷之四

二

夏至前若後日行百分度之九十五曰縮段其
前其後各十有八日益一分約一歲之贏縮先
後乘補日各得一度歲行黃道三百六十五度
二十四分二十五秒不及周天一分五十秒是
曰歲差約六十六歲八月而縮一度其象主中
國主君日華五色主德昌海內和年晨夕無光
有謀逆者人主映黑厭面黑子黑暈若變成王
字及人頭鳥獸形有陰謀犯上或奸慝中傷忠
良蠻夷猾夏黑無光天子絕世黑杠分白土

分昏蒙國有刑喪或大水亡人影政昏信讒兵
盜起亂四月黑姦謀生變十月謀逆起夜露光
陰謀殺奪卒無成功日光相盪奸臣謀叛胡入
塞數日相掩兵大起天下亂數日擊闔土宇分
白虹貫日妃后若暴客謀變紅黑霞貫日兵火
起君有憂疑白霞掩日生殺柄移青赤氣繞日
寇兵圍城下青赤光耀日旁曰日珥三日有風
兩國家外事有喜五色光耀日旁曰日孺國有
大慶得賢嗣不則得賢臣青赤氣在日上曰日

御龍子集

天宮舉正卷之四

三

冠君有喜事得天福赤氣起日上曰日負國昌
君吉有得地喜青氣三角在日上曰日提國君
制于奸邪無能有為赤雲挾日以飛曰日象奸
臣挾君亂國政赤氣懸繞日下曰日纓國有納
貢受降之喜若四夷款譯赤青氣垂日下曰日
紐君有祺吉施恩于下霞垂日下曰日足國亂
兵大起人君出亡白氣雙垂日下曰日履國有
兵若喪近迫其君黃赤半暈日下曰日承國有
賢臣輔承君政黃赤氣如月托日下曰日背奸

邪謀逆逼其君白虹貫日旁曰日漏國有兵
若喪凌逼其君諸氣如川字立日旁曰日直兵
亂自立有立君者指暈若曰殺將青雲如劍戟
倚日旁曰日戟近侍謀逆殺其君黑氣如矢射
日中曰日箭奸邪謀逆篡奪君位青黃氣重圍
抱日曰日抱國有福慶將受敵降青赤氣橫日
上下曰日格主得賢臣日暈青色饑疫赤口舌
亂政兵火災白憂喪兵革起黑憂疑變夷兵動
黃有慶兵在外捷音至中赤征伐有功暈有珥

御龍子集

天官學正卷之四

四

有王侯謀自立暈五色國生賢嗣不則得賢臣
交暈兵起有謀立君者暈五重有德昌無德亡
暈七日不解陰謀欲成國君殃暈不常天子失
御民心離兩軍相當日暈暈等力鈞厚長大有
勝薄短小無勝重抱大破無抱為和背不和分
離相去圍在中中勝在外外勝青外赤中以和
相去赤外青中以惡相去氣暈先至而后去居
軍勝先至先去前利后病后至后去前病后利
后至先去前後皆病居軍不勝見而去其發疾

雖勝無功見半日以上功大白虹屈短上下銳
其下大流血日暈制勝近期三十日遠六十日
其食食所不利復生生所利日食既陰謀叛君
蠻夷猾夏不當晦朔交道而食陰謀殺君寇盜
兵勝正月朔食君德昏暗奸邪有謀逆者四月
朔食有陰謀立見殺奪食角中刑政濫兵革起
亂食亢變起于內朝食氏內政不平后妃怨食
房地震國亡食心早火殃人君災晦食尾后妃
殃貴人被刑食箕天下兵荒食斗帝后災大臣

御龍子集

天官學正卷之四

五

有難食牛牛疫津梁不通食女賤人暴貴食危
土木興食室天子自將兵饑食壁賢人棄輕侮
文士食奎兵起國家不安食婁郊祀不享小臣
不忠食胃倉廩空食昴畢胡兵大起食觜參亂
奸臣伏誅食參大臣相讒邊兵起食井畢火人
流亡食鬼貴人殃天下不安食柳虛寧無節夫
臣憂食星天子不安其國食張王者不敬宗廟
食翼非優寵盛諸級大臣食昴貴人多死言兵
革動亂

月者太陰之精右行循白道白道者古謂九道實惟一道也白道半入黃道北半出黃道南相距遠處六度二分其相交處自北入南曰陽曆口世謂羅埃自南入北曰陰曆口世謂計都羅計逆行黃道上每十有八日六十一分三十秒而移一度月行一交而移一度四十六分三十一秒二微五十七絲羅居午計居子則月道出黃道東是為青道羅居子計居午則月道出黃道西是為白道羅居酉計居卯則月道出黃道

御龍子集

天官學正卷之四

六

南是為朱道羅居卯計居酉則月道出黃道北是為黑道四道各分內外是曰八道八道出入黃道間是曰九道其實非二道也月行十有八年有奇而遍九道所謂春行青道夏行朱道秋行白道東行黑道矣月行二十有七日五十五刻五十五分而一周天二十有九日五十三刻五分九十三秒而與日會周天為一轉終折半為轉中轉終前後月行疾日十有四度七十一分五十四秒轉中前後月行遲日十有二度

一分八十六秒終中之間月行平日十有三度二十三分五十三秒其轉中度分曰季月行最遲處也轉終月行三百六十八度三十三分五秒五十八微七十五絲折半為轉中月行之數月二十七日二十一刻二十二分二十四秒行三百六十三度七十九分三十四秒一十九微五絲為一交終折半為交中交終前六度一十五分三十三秒曰中交正交近羅埃中交近計都月

御龍子集

天官學正卷之四

上

離其度而與日遇則日食月離其度而與日對則月食也月以配日女后之象輔日大臣之象衛日將帥之象對日外夷之象月行房宿中道安寧和平行陰間多水陰事其北三尺曰陰星又北三尺曰太陰大水兵行陽間驕恣其南三尺曰陽星又南三尺曰太陽大旱喪行角及天門十月為四月十一月為五月十二月為六月未發近三尺犯四輔輔臣誅行南北河以陰陽言旱水兵喪月掩蝕歲星其宿地饑若亡災惑

也亂填星也下犯上太白也強國以戰敗辰星也女亂食大角主命者惡之心爲內賊亂也列星其宿地憂其出乍南乍北人君失禮天下兵起乍進乍退女后擅政兩月關女后欺君將軍謀叛始生復沒天下兵起將帥微弱畫明奸邪僭妄當出入不出入當圓缺不圓缺女后擅權將帥僭亂曆官有咎白虹貫月女后崩大臣將帥凶青氣臨月國破君人凶兵叛將死白雲如杵抵月女后大臣殃蒼雲抱月下有拔城失地

御龍子集

天官舉正卷之四

八

者黑白氣射月譏譖行貴人憂星在月中天下兵起將軍災月生珥黃赤兵火白憂喪黑水生璫臣下縱互相殘賊生爪所指兵起赤黑如人頭抵月兵大戰將凶君有殃垂芒若德不問失土芒角四出兵大起亂月暈有珥六十日兵起月暈有光我兵勝賊衆來降月暈五色國生賢嗣或得賢臣月暈不合外有陰謀叛逆無成暈赤色旱火爲殃兵殘死月暈連環白虹出外后妃陰謀立見弑逆暈重白王侯謀立有兵

久戰終歲不暈天下偃兵暈三重兵起四重國危五重女后殃六重君殃七重易主八重國大亂九重血戰亡地月食后妃凶青穀貴赤旱白兵夜黑水黃侯王謀立月食既后殃將帥凶月食有彗射入若有氣衝射兵亂將相殃犯歲星而食歲饑殺傷犯熒惑而食國失地將帥災犯太白而食將有二心敵難克犯辰星而食水兵將起犯填星而食疆土憂月食于列星以所在命其國兵水憂食于角刑濫兵將起食于房兵

御龍子集

天官舉正卷之四

九

大起國亡食于尾后妃凶貴人刑戮食于斗君后不協大臣災食于女賊妾凌貴女子多死食于墳墓陵寢崩毀臣謀君人殃食于室君自出將兵百姓乏食食于壁文臣災武夫強暴食于婁郊祀不享兵起食于胃倉廩竭兵戰不利食于昂胡兵犯塞歲饑人多死食于參饑人相食食于井后妃災大臣憂五穀敗食于鬼貴人有憂民多死食于星女后凶食于張魚行人道宗廟破盜食于翼女后寵衰俳優盛食于軫夷狄

交侵兵戈起凶月犯紫微垣天子淫昏廢后立
寵犯太微垣女后擅權大臣僭亂犯天市有陰
謀掩犯歲星大臣凶熒惑貴人作亂野有兵災
太白兵大起人死填星王者失禮歲凶下謀變
辰星兵水大臣廢掩犯角宿兵起將帥凶刑罰
濫及亢宿民疫禍起內朝兵起氐前星后妃殃
後星將凶民死掩折威內外兵亂掩犯房宿上
二星相災水下二星將災旱入房中雨掩犯心
宿前星太子災中星君災後星庶子災入心中

御龍子集

天官舉正卷之四

十

宮內亂掩犯尾宿后宮災燕分大難箕宿大風
胡兵起斗宿君臣同災有赦吳分兵建星大臣
相譖關津不通牛宿水牛多死越分兵女宿賤
妾暴貴楊州災虛宿齊分兵凶壁宿文臣災憂
衛地兵掩犯羽林軍兵革大興奎宿兵亂武將
災婁宿訟獄煩多徐魯兵胃宿倉庫耗散箕分
兵昂宿胡兵犯塞畢宿邊兵作亂井宿君災臣
誅死秦分火東南大水觜宿魏分兵災參宿魏
益兵災北河大水北方兵亂南河旱南方兵亂

月近井北北狄井南南蠻亂掩犯鬼宿秦蜀兵
尸積馬貴柳宿周分兵凶星宿兵火張宿荆楚
兵水翼宿三河荆楚兵軫宿王者災侯伯難人
多死亡風雨傷物

御龍子集

天官舉正卷之四

十一

天官舉正卷之四

天官舉正卷之五

御龍子九

消上范守已介儒著

寧夏侯廷現校
扶溝李時芳

雜星篇

雜星者休咎客流諸星也在天不常有其出無常期其行無常度吉凶之應每每如響乎長舉其大不窮其類劉歆詳其占不著其狀均之未盡爲舉雜星

休星者景星如半月生晦朔間助月而明或大

御龍子集

天官舉正卷之五

一

而聚或黃赤色在赤氣中見則賢人聚其下其國昌含譽星光焰煌煌如彗四射見則其國有喜慶蠻夷入獻周伯星黃而燁燁然所見之國大昌格澤星黃白如炎火之狀起地而上下大上銳其見也不種而獲不有土功必有大客天保星有音如炬火下地野雉皆鳴所墜國安有喜

咎星者彗星光芒偏指長數寸或長竟天見則所及兵起大水除舊布新寧星光芒四出見則

下大亂天棊如彗而末銳長三四丈出東北方出則奮爭破軍拔城天槍類星而兩頭銳長數丈出西南方出則旱饑軍敗國破天撓類星而未銳出西北方長三四丈爲兵赤地千里枯骨籍籍蚩尤旗類彗而末曲赤色如旂或黃上白下或如植藿而長或如赤雲閃爍照地或赤光如炬或如白雲竟天若帚俱主伐枉逆主藏亂所見之方兵大起不則有喪天衝類人而蒼衣赤頭見則臣下謀主武夫發天子亡國皇星

御龍子集

天官舉正卷之五

二

大而赤光如炬狀類南極去地二三丈見則內外兵亂其下起兵兵強其衝不利昭明星大而白無角乍上乍下所出國起兵多變或曰大人凶司危星大而白類太白而有目出西方去地可六丈或大而有毛兩角或數動而赤見則主失法豪傑起天子以不義失國有聲之臣行主德五殘星出東方狀類辰星而大去地可六丈或有青氣暈有毛主乖亡爲五分毀敗之徵大臣誅亡又主急兵有喪不利衝六賊星大而赤

數動有光出正南去地可六丈或如彗九出各
射出則禍合天下逆侵關樞其下有兵衝不利
或曰國有凶喪獄漢星亦名咸漢大而赤數動
察之中青出正北方去地可六丈或其下有二
彗長拖見則國有凶喪兵起其下天譴星白小
數動或如彗而末鉤出則臣下相讒內外饑自
始星出北斗旁如雄雉或如伏鼈形怒而青黑
見則臣亂兵大起諸侯雄鳴期十年聖人起伐
滅群雄天鋒星類彗而行若矛盾有光數動見
御龍子集 卷之五 三

則天下兵亂燭星狀如太白其出也不行見則
滅如星非星如雲非雲命曰歸邪所燭者城邑
亂必有歸國者蓬星大如二斗器色青白狀如
夜火多至四五或長數丈左右銳出而易處見
則有亂臣戮死五穀不登人相食長庚收如延
練見則兵起枉矢星如流星而色蒼左右行如
蛇有毛長數丈見則有謀叛者兵起天狗星如
大奔星有聲毛團四圍下有短彗其下止地如
狗墮及炎火望之如火光衝天其下圜如數項

田處上銳者有黃色見則千里破軍殺將賊臣
謀逆四填星赤光出四隅去地可四五丈以夜
半時見警君修省不則十月兵起地維咸光星
亦出四隅大而赤去地可二丈若月始出所見
下有亂亂者亡有德者昌披頭星大而黃氣上
出如帚見則六十日兵起血戰帶劍星大而中
赤白氣邪倚之如帶劍然見則百日兵起尋滅
帶槍星白氣貫大星如槍神義星赤氣咬出大
星上如义見則俱六十日兵起將軍災張子星

御龍子集

卷之五

四

大星中赤黑氣張滿如子見則兵起後獲偉功
拖練星赤氣拖大星上見則九十日內火人驚
荷旗星大星外有赤白氣如旗見則塞卒作難
殺人盈野老子四星色純白所見國為饑為凶
蓬絮星色青而熒熒然見則其野旱蝗天保星
流行有聲分散處野雉皆驚所歷之方火東南
有三大星出曰大盤亦曰盜星天下盜起西南
有三大星出曰種陵穀貴十倍西北有三大星
出亦曰天狗歲饑人相食東北有三大星出曰

女布亦曰促布有大喪其餘五緯變化有名無狀及占驗者不具錄

客星者不常有之星偶見于天乃上天譴告之使也故曰客星其星芒角而大陰謀兵起純白國有凶喪人民饑饉赤色旱荒兵起守犯北斗國有大憂天下廢弛守犯帝星奸邪謀逆近逼其君守犯玄戈胡兵犯塞守犯天市兵起大亂守犯宗星宗族謀變守犯人星貴人多死入角門外國行人至犯南門外夷兵至守犯庫樓兵

御龍子集

天官舉正卷之五

五

戈興天下大亂守犯角宿旱人饑守犯攝提大風不時明君出御世守犯陽門邊兵作難守犯氐宿米帛貴招搖胡兵犯塞梗河兵散兆凶平道天輻輳道有變守犯房宿歲凶糴貴將相憂守犯心宿旱君憂積卒兵革起守犯箕宿內亂糴貴杵星歲饑守犯尾宿大饑后妃凶犯天江津梁不通犯魚鼈大水爲災守犯斗宿國君絕嗣逆臣弄兵天狗賊臣作亂狗國夷狄兵亂守犯女宿方國貢篚篚守犯二瓜果蔬不成

躔貴守犯虛宿兵起敗曰饑守犯離宮土木興糴貴人多死亡守犯羽林軍兵亂缺鉞大臣誅戮守犯奎宿兵亂國憂土司空土木大興人大疫王良津梁不通守宿婁宿天下分崩胃宿五穀不登倉廩耗竭昴宿臣稱君命擾亂中國胡兵欲動礪石兵亂屏星君凶大疫守犯觜宿臣下謀上黑色糴貴參宿邊兵作難天厠歲凶守犯井宿三軍動人相食君王出走玉井大水軍井軍民絕食守犯鬼宿人多病死柳宿周分兵

御龍子集

天官舉正卷之五

六

布帛魚鹽俱貴星宿大水久守同姓謀立守犯酒旂賜大酺張宿民散翼宿大水權臣亡軫宿民饑兵起守犯天廟祠官有憂

流星者天使也自上而下曰流自下而上曰飛大者曰奔星大者使大星小者使小聲隆隆者怒之象也行疾者期速行遲者期遲乍明乍滅者賊敗成也前大後小者恐憂也前小後大者喜事也蛇行者姦事也長者其事久短者事疾也奔星所墜其下有兵無風而流星良久乃入

爲大風發屋小星百數四流黎庶流亡若小星青赤而流曰地鴈所墜兵起星流有青赤光長二三丈曰天鴈軍之精華也其國起兵出伐人當從星之所之星流曜然有光而白長竟天者人主星也將相在軍當從星之所之星大如缶甕而飛其後皎然而白前卑而後高曰頓頑從之多死亡星如缶盎而飛其後皎白滅後白者環如車輪曰解衝其國人相斬殺爲爵祿流星如甕先紅後白滅後白者化爲雲流下其下有

御龍子集

天官舉正卷之五

七

流血積骨星大而無光貴人憂小而光盛若赤而無光小人作難赤色而犯日臣下叛滅而復光詐使至八月有光兵亂國亡流出月暈陰謀起流而共聚其下有寇盜共謀爲亂流而有聲急兵至流而光焰燭地歲饑流而三投五往將死軍破流星墜營兵敗將死大星流小星從之民亡兵散將死君災流星犯歲星失地君辱犯熒惑外國謀擾中國犯太白兵起大亂犯辰星大水有國喪犯填星姦使入國犯三垣國君憂

犯三台勲貴憂流入角門外國使至入參中外兵疫死蛇曲入房諫官災

彗孛二星芒長禍大而期遠芒短禍小而期近色蒼天子苦兵王侯叛赤旱火嬖妾奪后妃權白兵喪將帥謀逆黑大水憂喪陰謀起黃土木大興兵災失地屈曲如旗兵凶得柄者勝鋒芒指處兵凶隨所指擊之勝犯月入月姦臣謀叛歲凶兵起行月上蠻夷猾夏射犯北斗先兵者亡次者殃後兵者昌射犯輔星諸侯爭權凌逼

御龍子集

天官舉正卷之五

八

天子射犯文昌文臣災衡星天下易政天市垣遷都改市帝星王者災宗星宗族謀叛左角刑獄煩右角兵起射犯亢宿權奸謀逆氏宿宮中謀叛房宿將相災心宿君王太子災尾宿后妃嬪御憂箕宿后宮相譖天弁囚徒起兵牛宿吳越兵亡仙女人作難虛宿人饑兵起蓋屋土木興室改作宮室射犯離宮天下兵起射犯壁宿兵起文臣災奎宿兵革亂動婁宿天子絕世日宿歲饑兵起天船津路不通昴宿臣叛

宵宿逆賊起天苑牲畜多死畢宿胡兵犯塞參
宿兵災國亂井宿秦地災鬼宿人饑兵起柳宿
君災大臣屢黜星宿亂臣起兵軒轅兵亂有赦
張宿火災人死翼宿兵亂納降軫宿天下兵興
王公廢死

御龍子集

天官舉正卷之五

九

天官舉正卷之五

天官舉正卷之六

御龍子十

有上范守已介儒著

寧夏侯廷弼校
扶海李時芳

雲物篇

古有靈臺察氛祲周禮眡祲氏掌十輝之法以
視妖祥是雲物古人所重者于長志天官舉舉
其端不詳厥應晉志雜出而無統均爲未得爲
舉正雲物

十輝一曰祲陰陽五色之氣浸淫相侵珥璣之
類是也二曰象雲氣成形如赤烏夾日之類是

御龍子集

天官舉正卷之六

一

也三曰鑄日傍雲氣刺日也四曰監雲氣臨日
上也五曰闇薄食脫光是也六曰背日月不光
明也七曰彌白虹彌天貫日也八曰序雲氣重
疊序見日旁也九曰隤虹也十曰愁雲氣五色
有形想也青饑赤兵白喪黑憂黃熱

卿雲若煙非煙若霧郁紛紛蕭索輪囷
亦曰慶雲見之有喜事太平之徵昌光赤如龍
狀見則聖人受命景雲黃潤成龍象山石花木
諸象見則國則賢嗣外夷款塞軍行遇之戰勝

或功天子氣內赤外黃或如城門隱隱在霧氣中恒帶殺氣森然或如華蓋在霧氣中或象青衣人無手在日西或如龍馬或雜色鱗鱗衝天所發之處當有王者起或天子遊行其地猛將氣如龍如虎或如煙火之狀夜照人或白如沸粉或白而赤氣統之或如山林竹木或紫黑如門上樓或上黑下赤如黑旌或如張弩或如埃塵頭銳而平本大而高或氣發漸漸如雲變作山形則將有深謀軍勝之氣如堤如坂前後磨御龍一集

天官學正卷之六

二

地或如火光將軍勇士猛卒或如山上林木或如埃塵粉沸其色黃白或如人持斧向敵或如蛇舉首向人或如覆舟或有雲如牽牛或如關雞赤白相隨在氣中或發黃氣皆主戰勝若有氣上黃下白主敵欲求和降人之氣如人义手相向或如人俛首什伍相聚或氣如黑山以黃為緣見則敵欲納款若堅城之上有黑雲如壁名曰軍精或白氣如旌旗或青雲黃雲臨城皆有大慶或氣青色如牛頭觸人或城上氣如蛇

火如雙蛇如杵形向外或有雲分為二彗狀者皆不可攻若四方有大雲五色具者其下有賢人隱若西北方有青雲潤澤蔽日為舉賢良祥雲如狗赤色長尾見則國亂有兵喪暴兵之氣如爪蔓連結部隊相逐須臾罷而復出或白氣如仙人如仙人衣千百連逐當有千里兵至或氣如人持刀楯雲如人而色赤所臨城邑有卒兵至或赤氣如人持節或雲如方虹皆為暴兵之象敗軍之氣如馬肝色如死灰色或類偃御龍子集

天官學正卷之六

三

蓋或類偃魚或黑氣如壞山墮軍上者名曰營頭或如群羊豕在氣中皆為衰氣或如懸衣如人相隨或紛紛如轉蓬如揚灰或雲如卷席如足布亂攘皆為敗徵或氣如繫牛如人臥如雙蛇如飛鳥如決堤垣如壞屋如驚鹿相逐如兩雞相向其軍必敗屠城之氣亦如飛鳥或赤氣如敗車或赤黑氣如狸皮斑或城中氣聚如樓出見于外或有雲如衆人頭赤色其城可屠其于營也亦然若有氣如雄雉臨城其下必有降

者伏軍之氣黑氣渾圓長赤氣在其中或白氣粉沸起如樓臺狀或如幢節如赤旂在烏雲中或如烏人在赤雲中其下必有伏兵戰氣青白如膏如人無首如死人臥如丹蛇赤氣隨之必大戰殺將若四望無雲見赤氣如犬入其營者下有流血徒氣白土功氣黃車氣乍高乍下往往而聚騎氣卑而布卒氣搏前卑而後高者疾前方而高後銳而卑者却其氣平者其行徐前高而後卑者不上而返氣相遇者卑勝高銳

御龍子集

天官舉止卷之六

四

勝方氣來卑而循車轍者不過三四日去之五六里見氣來高七八尺者不過五六日去之十餘二十餘里見氣來高丈餘二二丈者不過三四十日去之五六十里見稍雲精白者其將悍其士怯其大根而前絕遠者當戰青白其前低者戰勝其前赤而仰者戰不勝若霧非霧衣冠不濡見則其地被甲而趨日出入時有雲霧橫截者白喪烏驚三日內雨者各解有雲如蛟龍見處將軍失鬼有雲如鵠尾垂於城上三日國

亡屠其城有雲赤黃色終日四塞竟夜照地者大臣縱恣兵火將起有雲慘黃不散者小人當權不去有雲如氣味而濁賢人去小人在位連陰十日夜不見日月亂風四起欲雨而不雨曰蒙臣下有謀霧氣若晝若夜其色青黃更相掩冒乍合乍散者占亦如之霧氣晝昏夜明者奸臣志伸夜霧白虹見臣有憂晝霧白虹見君有憂虹首尾至地者下有流血若昏霾積月或十日四五日者君臣乖凡望雲氣仰而望之三四

御龍子集

天官舉止卷之六

五

百里平望在桑榆上餘二千里登高而望之下屬地者三千里自華以南氣下黑上赤嵩高三河之郊氣正赤恒山之北氣下黑上青渤海岱之間氣皆黑江淮之間氣皆白北夷之氣如羣畜窮閭南夷之氣類舟船幡旗大水處敗軍塲破國之虛下有積錢金寶之上皆有氣不可不察海旁振氣象樓臺廣野氣成宮闕雲氣各象其山川人民所積韓雲如布趙雲如牛楚雲如日宋雲如車魯雲如馬衛雲如犬周雲如

車輪秦雲如行人魏雲如鼠鄭雲如縫衣越雲如龍蜀雲如罔氣如圓簾附漢河水氣如引布江漢氣勁如杵濟水氣如黑牝渭水氣如狼白尾淮南氣如白羊少室氣如白兔青尾恒山氣如黑牛青尾東夷氣如樹西夷氣如室屋南夷氣如閭臺皆其常也不具占

龍子集

卷之六終

天官舉正卷之六終

參兩通極卷之首

數原

天數一參一得三三生九地數二兩二得四四生八以一而九天之所以周流而不已以二而八地之所以對待而不移天之道盡于九九視地為有餘地之道盡于八八視天為不足然天用用而不用體故減其體之九以從地地用體而又用用故加其用之八以應九八合而歲

功參

參兩通極卷之首

參兩通極卷之首

一爻

三序

九疇

圖九三

少壯

元隆

息中

進殺

退徂

二儀

四象

八卦

圖八四二

老陽

乾

兌

震

巽

坎

艮

坤

乘原

九疇八卦順布相乘爲乘七十有二乘有五位
合二百有六十以應一期之數疇外象天爲位
二委其成于地也卦內象地爲位三代其終于
天也少之少曰元少之壯曰息少之老曰進壯
之少曰隆壯之壯曰中壯之老曰殺老之少曰
退老之壯曰消老之老曰徂一陽消長而陰之
進退乘之天之所以一而神也少陰之初曰震
終曰離老陽之初曰兌終曰乾少陽之初曰巽
終曰坎老陰之初曰艮終曰坤二氣變遷而四
時之錯行因之地之所以兩而化也神化流通
歲功以成

位原

初下終上初二三曰奇曰偶卦之儀也四上曰
少曰壯曰老疇之序也二儀三序比而吉凶悔
吝判其中矣○一爲水二爲上三爲木四爲金
五爲火各乘其所勝不僭差也水成于地之六
土成于地之十木成于地之八而俱居下金成

于天之九火成于天之七而俱居上本乎地者
親下本乎天者親上也○一爲地二爲人物三
爲臣四爲君五爲天以言乎天地之間則備矣

七十二乘總目

危	伏	戰	梁	飈	奔	既	燧	蓄	御龍子集	春	縮	佇	闕	桓	拓	養	萌
䷵	䷫	䷮	䷄	䷇	䷶	䷧	䷔	䷌	御龍子集	䷁	䷮	䷶	䷮	䷄	䷫	䷮	䷌
消	退	殺	中	隆	進	息	元	祖	御龍子集	消	退	殺	中	隆	進	息	元
疇二之八卦三之一	疇二之七卦二之八驚蟄卯初	疇二之六卦二之七	疇二之五卦二之六	疇二之四卦二之五雨水寅中	疇二之三卦二之四	疇二之二卦二之三	疇二之一卦二之二立春寅初	疇一之九卦二之一	御龍子集	疇一之八卦一之八	疇一之七卦一之七大寒丑中	疇一之六卦一之六	疇一之五卦一之五	疇一之四卦一之四小寒丑初	疇一之三卦一之三	疇一之二卦一之二	疇一之一卦一之一冬至子中

乖	昃	妄	包	阜	拯	虛	霽	潛	御龍子集	暮	霖	稼	居	盈	飄	毓	滋	晦
䷮	䷫	䷘	䷇	䷇	䷶	䷮	䷮	䷮	御龍子集	䷮	䷮	䷮	䷮	䷮	䷮	䷮	䷮	䷮
消	退	殺	中	隆	進	息	元	祖	御龍子集	消	退	殺	中	隆	進	息	元	祖
疇四之八卦五之三	疇四之七卦五之二芒種午初	疇四之六卦五之一	疇四之五卦四之八	疇四之四卦四之七小滿巳中	疇四之三卦四之六	疇四之二卦四之五	疇四之一卦四之四立夏巳初	疇三之九卦四之三	御龍子集	疇三之八卦四之二	疇三之七卦四之一穀雨辰中	疇三之六卦三之八	疇三之五卦三之七	疇三之四卦三之六清明辰初	疇三之三卦三之五	疇三之二卦三之四	疇三之一卦三之三春分卯中	疇二之九卦三之二

裂	兆	畏	留	敵	進	暈	去	幸	御龍子集	恬	泉	鬱	達	決	照	濡	依	擇
䷧	䷐	䷆	䷴	䷗	䷌	䷌	䷌	䷌	御龍子集	䷌	䷌	䷌	䷌	䷌	䷌	䷌	䷌	䷌
乾	元	息	進	隆	中	殺	退	消	御龍子集	但	元	息	進	隆	中	殺	退	消
疇四之九卦五之四	疇五之一卦五之五夏至午中	疇五之二卦五之六	疇五之三卦五之七	疇五之四卦五之八小暑未初	疇五之五卦六之一	疇五之六卦六之二	疇五之七卦六之三大暑未中	疇五之八卦六之四	御龍子集	疇五之九卦六之五	疇六之一卦六之六立秋申初	疇六之二卦六之七	疇六之三卦六之八	疇六之四卦七之一處暑申中	疇六之五卦七之二	疇六之六卦七之三	疇六之七卦七之四白露酉初	疇六之八卦七之五

沒	立	乳	迅	暄	歡	蹶	枯	圯	御龍子集	斃	凝	惕	旭	涸	轉	摧	泣	阻
䷧	䷐	䷆	䷴	䷗	䷌	䷌	䷌	䷌	御龍子集	䷌	䷌	䷌	䷌	䷌	䷌	䷌	䷌	䷌
坎	元	息	進	隆	中	殺	退	消	御龍子集	但	元	息	進	隆	中	殺	退	消
疇六之九卦七之六	疇七之一卦七之七秋分酉中	疇七之二卦七之八	疇七之三卦八之一	疇七之四卦八之二寒露戌初	疇七之五卦八之三	疇七之六卦八之四	疇七之七卦八之五霜降戌中	疇七之八卦八之六	御龍子集	疇七之九卦八之七	疇八之一卦八之八立冬亥初	疇八之二卦九之一	疇八之三卦九之二	疇八之四卦九之三小雪亥中	疇八之五卦九之四	疇八之六卦九之五	疇八之七卦九之六大雪子初	疇八之八卦九之七

宍三祖

時八之九卦九之八

右七十二乘當七十二候乘有五位計三百有六十以當一期之數每九乘爲一疇之始終亦一卦之始終當期之一節五日成候九候成節八節成歲而疇不失序卦不易方九八合而萬物生成其間一天地自然之數也

著法

用著百莖初營隨手平分爲四內取其一以四揲之餘一爲奇二爲用偶三爲用奇四爲偶二

御龍子集

卷之五

五

營三營如初四營合前著平分爲三內取其一以六揲之餘一爲少二爲壯三爲老四爲用少五爲用壯六爲用老五營如四五營畢而一乘備乃占其所用之位以列吉凶無用則占乘辭二用三用以至四用則以上用爲上五位全用仍占乘辭內卦爲貞外疇爲悔

著用百莖者圖之積數五十有五書之積數四十有五總之爲百乃天地之全數也故著草一本而百莖易用其半極用其全

辭與事應則依辭以見吉凶辭不與事應則以所問之事分別五行而以位之五行參之位生事則吉生于事則悔位尅事則凶尅于事則吝此則平又君有問得天臣有問得君人有問得臣俱吉君問得臣臣問得人人問得地有凶有吉隨其事理而參決之其庶幾乎


御龍子集

卷之六

六

參兩通極圖

每一乘當一候九候當一節八節為一暮元
巽午中元坎申初元艮酉中元坤亥初



元震子中元離寅初元兌卯中元乾巳初時
不失序卦不易方九八合而天地之性情見
矣

參兩通極卷之下

御龍子十一

消上范守已介儒著

寧夏侯廷明校
扶溝李時芳

上篇前

三

萌亨同類潛通需時其逢不利攸往

繹曰元震萌君子以存夜氣慎厥獨

專曰微陽下動而上應陰柔在中莫之遽勝故

萌亨需時其逢也陽方在姪幾至微也靜以畜

之乃有功天地之所以立心萬物之所以立命

御龍子集

參兩通極卷之一

脊是道也萌之時義大矣哉

初奇龍躍于淵其道未光利姪婦之貞

繇曰潛龍無光道未亨也利姪婦之貞慎厥動

也

二偶與地之震厲有悔從剛無咎

繇曰與地之震厲不害也

三偶蠶室蒙雪旭日赫赫無永終凶

繇曰蠶室之雪何可久也

四少兔絲附苓傳築是夢利求岩穴勿蔽自

繇曰兔絲附苓氣應也傳築是夢尚未逢也利求岩穴蔽弗通也

上少谷風習習卉木以息吉

繇曰谷風之吉陽欲舒也

三息

養元亨利就外傳折獄有功

繇曰息夷養君子以及時學問日進于高明

夷曰養以息乘夷也息生而夷明故元亨資明

以養故利就外傳時震初也威動而明折獄有

御龍子集

參兩通極卷之二

二

功天地以明養萬物而萬物熙熙聖人以明養

萬民而萬民昭昭觀其所養而天地聖人之仁

可見矣

初奇儘初蘇蘊以其類吉

繇曰蘊類之吉助其微也

二偶間其中不晦厥躬无咎

繇曰間其中淵默以守也不晦厥躬又何咎也

三奇厥德煌煌其道大光未被于四方

繇曰未被于四方陽方稚也

四少成王之辟公旦是依福履攸歸元吉繇曰成王之福履得所依也

上壯飄風虛然炤灼于天貞吉

繇曰虛然貞吉渝斯辟也

三進

拓貞吉利于澤昏妬亦孔之繆辟有悔

繇曰進兌拓君子以仕乎興邦綏厥民

夷曰拓陽進而遇也故利于澤長陽而乘少女

故昏妬亦孔之繆也君子不自汚以求容不違

御龍子集

參兩通極卷之三

三

時以固窮貞悔之辨見之早矣

初奇含德攸貞滋利萬物不顯厥功

繇曰含德之貞功不顯也

二奇悅不以偶往有悔

繇曰二奇之悔不以貞也

三偶悅以從人媚于大君貞吉

繇曰媚于大君貞斯吉也

四少入于澄波載浴載攜笑語嘻嘻无咎

繇曰載浴載攜衆澤之利也笑語嘻嘻悅非所

宜也

上老潰厥防淫泆不常厲無永終

繇曰潰防之厲陽道窮也

三乾

桓元亨大君虛明羣德彙征四海終清

繇曰隆乾桓人君以折節下賢保厥成

粵曰桓陽之盛也上剛明而下純粹君臣之際

蔑以加矣故四海為之終清天地以丑初而得

隆乾君臣以開國之初而得聖賢皆所以闢氛

御龍子集

參兩通經卷之一

四

陰而廓清之也上下相遇之幾豈偶然哉

初奇龍潛在淵志彼九天動往无咎

繇曰志彼九天以類從也動往无咎時可乘也

二奇龍躍于渚雲雷翼之利有攸往

繇曰雲雷翼之氣應也利有攸利彙征有慶也

三奇龍騰于空不雨丰風无咎

繇曰龍騰不雨陽無應也

四壯乘龍高騫上薄于天八荒我觀元亨不利

遺世

繇曰乘龍于天得所乘也不利遺世絕下無朋也

上少戴于乘龍既怖既忭无咎

繇曰戴于乘龍非所據也載怖无咎類不害也

三異中

關貞吉无終任下得諛受室得姬杜漸无咎

繇曰中異關君子以中立不倚過人欲于方萌

粵曰關陽極而陰返也惟貞乃吉然不能却其

來也是以无終任下得諛陰邪逞也受室得姬

御龍子集

參兩通經卷之一

五

女德病也巽不生于巽而生于震中陰陽倚伏

之幾甚可畏也夫

初偶澤中遇女莫之或語无咎

繇曰遇女莫語嚴其防也

二奇臨陂勿濡足无咎

繇曰臨陂濡足邪斯入也

三奇依于金隄佇足不移七月不危

繇曰七月不危陰不害也

四壯日中于天大風薄之其景黯然无咎

繇曰風薄无咎陰不勝也

上壯光霽以風有鳥高翔于天之中弋繳不及其羽吉

繇曰弋繳不及陰莫加也

三三坎

竹月減其菟谷橫于原不利攸奔東南或存西北其隕終厲

繹曰殺坎駐君子以引身辟難不陷于危

粵曰陽衰不可復恃也陰險不可嘗試也故不

御龍子集

卷之二

六

利攸奔東南陽方可無虞也西北陰隅何能驅也君子察微知著可以深長思矣

初偶没于淵滅其顛至日其拏雖危无咎

繇曰没淵无咎上有援也

二奇陷于窮谷没其足二旬其突

繇曰二旬其突陽未絕也

三偶陷于河濡没其骸號于長年莫之能揪无

咎

繇曰没骸之厄不害也

四壯臨于深壑其畏惕若厲无咎

繇曰臨壑无咎懼乃安也

上老臨于高崖載怖載循徐依其儕厲終吉

繇曰高崖之厲害不及也

三三艮

縮億不能遂艮其位如山之屹終虧一簣無成無敗

繹曰退艮縮君子以六十反政優遊林壑

粵曰縮陽退而止其所也故億不能遂知止不

御龍子集

卷之二

七

殆君子之所以存終也何敗焉豈惟出處之際為然哉善養生者不極力以罷精善保國者不貪功以敗成縮之時義大矣哉

初偶退于麓艮其足不墮于谷吉

繇曰于麓之止得所安也

二偶退于阜依于其屋如磐之固元吉

繇曰于阜之安有社也

三奇退于巔雖高亦安无咎

繇曰雖高亦安又何咎也

四老度其時度其力未暮以歸載止載息終吉
繇曰未暮以歸義自吉也

上少幼其形殫其精急止有功忘反亡終

繇曰急止有功豈乃益也忘反亡終形不可恃也

三三
坤

瘠羸其肌乘于羣匹固躬猶危動往有悔

繇曰消坤瘠君子以靜正自守保厥躬

粵曰瘠陽老而坤羣陰也故羸其肌固躬猶危

御龍子集

卷兩通極卷之一

八

也動往其自戒矣何悔如之此一陽之季也乃其勢幾不可爲何哉湯興而有大有甲之顛履武成而有三監之流訛長至之後而有大有之震雷其幾一也不有扶陽抑陰之畧而何以弘濟其艱難哉

初偶媚其趨以蠱我娛不念我痛衆妒是阻終莫我虞

繇曰終莫我虞勢不及也

一偶媚其禱不任厥愆夫婦反目我貞无咎

繇曰不任厥愆陽道億也夫婦反目貞何尤也

三偶媚于床柔順有常其保不亡

繇曰柔順有常位中正也其保不亡不隕厥命也

四老困于仇不我是由凶

繇曰困以從仇凶可知也

上壯遠于羣醜碩果不剖无咎

繇曰碩果不剖陽不害也

三三
震

御龍子集

卷兩通極卷之一

九

耄耄茅苞穀无咎不利子征

繇曰但震耄君子以潛心于密敬厥德

粵曰耄一陽既盡有藏在下而無應也故枯茅苞穀藏不終絕震時以烈故无咎時止莫營不

利于征是故君子退藏于密不動而無不動蓄

之義大矣哉

初奇雷伏地中無臭無聲吉

繇曰雷伏地中不終藏也

二偶衆悔如狂我依其良含貞有常

繇曰我依其良比初也含貞有常靜以待時也

三偶小人持中錮我童蒙不顧其終凶

繇曰小人持中乘衰也錮我童蒙俾不通也

四老既耄既耄輕車搖搖說于窮郊中心切切

厲

繇曰說于窮郊非其所也中心切切乘震之厲

也

上老病癯癯說于巢車不馳不驅无咎

繇曰巢車无咎功有止也

御龍子集

卷四通極卷之一

十

三

元

遂無不利元良治仁明光被萬物咸遂

繇曰元良遂君子以獻獄存死遂厥民

粵曰元良元陽乘離也內文明而外類應故無

不利既仁且明元良之貞故治治而光被無窮

也天地以仁明而萬物遂其性聖人以仁明而

萬民遂其情遂之用不既大乎

初奇藉燧以燁其然歛如利干歛噓吉不利拯

焚

繇曰利干歛噓明下臨也不利拯焚厝火以薪也

二偶旭日初升赫赫矇矇無不利

繇曰赫赫矇矇離精布也

三奇灼灼烈烈耀于天闕未罔或滅元吉

繇曰耀于天闕明上達也

四少利見明德以乘以載元吉

繇曰以乘以載仁明合也

上少春自載舒其氣溫如萬物熙熙

御龍子集

卷四通極卷之二

十一

繇曰萬物熙熙自春陽也

三

息

既元亨利用樹蓺乃大有功婚媾惟良室家之

慶

繇曰息兌既君子以仁愛育民民悅無疆

粵曰既養以乘澤也陽長而育澤滋而悅故利

樹蓺婚媾有慶也天地以息澤而萬物莫不向

榮聖人以息澤而萬民莫不向風君子以息澤

而萬善莫不向躬

初奇源泉淳如含澤欲施无咎

繇曰源泉未施仁在內也

二奇龍遊于淵載振狂淵欲雨于天吝

繇曰欲雨之吝位在下也

三偶澤溢其流以漑我來牟載茂載秀農夫之

休元亨

繇曰漑我來牟澤及物也載茂載秀陽所育也

四少童游于陂少女是攜其樂施施元吉

繇曰童游之吉待適也

御龍子集 卷之十一 圭

上壯太和充宇以作時雨潤我下土吉

繇曰以作時雨陽所滋也潤我下土物之吉也

三進乾

奔利有攸往利貞

繇曰進乾奔君子以乘時奮庸亮天之工

專曰壯陽乘天奔陽遂而乾健也故利有攸往

羣剛並進躁動而不止也必有爭先而奔遂者

矣故利貞天以貞而其行有常人以貞而其進

不狂

奇巢由之栖遲惟吝

繇曰巢由之吝不從時也

二奇有援自上利見大人貞亨

繇曰有援之亨與類逢也

三奇東國之鈞以人事君吉无咎

繇曰東國之鈞上有應也以人事君下彙征也

四少舍已從人富有日新未終慶

繇曰舍已從人道不亢也富有日新未終之慶

也

御龍子集 卷之十一 圭

上老奔倦于勤羣雄來窘凶

繇曰倦勤雄來莫可遠也

三隆巽

巽亨終風不雨自我南郊利申大命幾諫有功

繇曰隆巽巽君子以憂治危明保邦于未危

專曰盛陽乘風曰巽故終風不雨自我南郊南

陽之會也風動而入故利申大命幾諫有功陽

方盛而風至斯變國方靜而令煩斯變有君天

下之責者其知所慎乎

初偶伏虺于穴莫之或扶无咎

繇曰伏虺无咎扶斯災也

二奇愠于宵人憂心殷殷不墜厥聞无咎

繇曰愠于宵人乘初也不墜厥聞上有孚也

三奇一人受知言從計施職思其極無已康居

吉

繇曰一人受知與四比也職思其極危厥始也

四壯一人元良庶績咸康宵人伏藏不揺我良

而峻其防乃保終慶

御龍子集 卷兩通極卷之一 五

繇曰宵人伏藏時不能爲也而峻其防杜其危

也

上少蛟薄于天羊角翼之終厲无咎

繇曰蛟薄于天位在上也終厲无咎陽斯亢也

三坎中

梁跨深谷逾險无危而有後虞有戒心終吉

繇曰中坎梁君子以敬作所用戒不虞

粵曰梁跨深谷以亢陽而乘險也陽道凌騰不

騫不崩故逾險而无危亢極斯變陰賊伺之故

有後虞离方中而遇坎坎不生于坎也陰陽互

根之幾微矣哉達天之道見幾之理非君子其

孰能之

初偶梁之址玄石齒齒莫之敢犧厲

繇曰玄石齒齒莫之敢犧陰惡不可近也

二奇梁之券白石粲粲行人之便或没在波不

礙其過无不利

繇曰行人之便陽道亨也没波之過陰覆不害

也

御龍子集 卷兩通極卷之一 五

三偶梁之欄黝石安安行人之歡

繇曰行人之歡履不墜也

四壯飛鳥循梁不睹其洋吉無不利

繇曰不睹其洋視險若夷也吉無不利以中勝

也

上壯墜魑魑之窟无咎不利度杠罷而蹶越

繇曰墜魑魑之窟杜陰實也度杠蹶越陽道

也

三殺

戰谷鴻摧其羽止于高岑无咎利縣車之貞
繹曰殺良戢君子以見幾而止不隨人于厄
粵曰殺陽道敗也敗不可為故吝敗而得止又
何咎焉萬物以涼颺而良其榮君子以衰微而
良其衡天地以晚莫而良其生其義一也

初偶殺其醴穉生去悔亡

繇曰穉生之去又何悔也

二偶殺其輶爰返我屋爰止我幄吉

繇曰殺輶而返旋得所也

御龍子集 卷之一 六

三奇溫于其羣畜乎其君憂心孔殷不我能侵
時獲上心无咎无祉

繇曰憂心孔殷下黨而上虧也時獲上心四壯
也无咎无祉時不昌也

四壯任其骨鯁羣邪莫逞无永終

繇曰羣邪莫逞有所畜也无永終陽以縮也

上老鴻殺其翼止于岑爰无咎

繇曰岑爰无咎高不危也

三退
坤

伏利臥丘園即穉有秋帥師無良裨不利攸征
辟敵无咎婚媾凶

繹曰退坤伏君子以引身含章順像天命

粵曰伏陽老而乘坤也陽老而歛坤順而成故

即穉而有秋陽已亢矣而偏裨無良帥焉攸濟

老夫壯嫗室焉攸安是故君子審勢而保衆量

時而固躬

初偶伏于郊原無畔無援无不利

繇曰伏于郊原志未遠也

御龍子集 卷之一 七

二偶伏于幽谷同心是即無殆無辱

繇曰同心是即以類藏也無殆無辱何不臧也

三偶伏于荒裔獨寐寤息永終吉

繇曰獨寐寤息人莫我即也永終之吉以順也

四老疲瘡疋羸羣下弗依謹受上命亡悔狂行

有災

繇曰受命亡悔隨人伏也狂行有災衆不我與

也

上少勿恃血氣之勇往敗乃衆惟惕惟靜悔亡

三消
絲曰往敗乃衆自用也惕靜悔亡若乃衆也

危貞厲跪不寧動罔或濟

繹曰消震危君子以終日憂懼用戒厥虞

夷曰危陽消而乘震也震驚不寧哀憊其傾故

罔濟惕厲以防厥虞君子其庶幾乎

初奇突如爆如其來躍如利襲龍寇大有功

絲曰襲龍有功利在我也

二偶乘虺號號不我能噬屬无咎

御龍子集
參雨通極卷之一
大

絲曰乘虺无咎柔以隨也

三偶泛驪龍之淵雷突闕闕蕩覆欻然凶

絲曰泛淵之凶位弗當也

四老靈獻惟君董曹惟臣爰震厥宸莫之能禁

涕泗紛紛

絲曰震宸涕泗時不可爲也

上壯龍薄于空密雲不雨潛蛟欲翬莫之能舉

永終其逢有亨

絲曰密雲不雨亢無從也永終有亨上下類同也

三止

晦日入昧谷萬有宜莫不利折獄利淵默之真

繹曰徂晦晦君子以遵養厥德藏明于獨

夷曰徂離二陽之窮也窮而晦明何真如之故

不利折獄日月晦其明而萬世常新天地晦其

精而萬有常伸君子晦其光而萬善常真然則

晦豈終窮而已哉

初奇日臨掩噬藏息无咎

絲曰藏息无咎往有悔也

御龍子集
參雨通極卷之一
无

二偶燭燎之輝婦紅可爲貞吉

絲曰婦紅可爲遠弗届也

三奇晦其晷弗覩厥月動往惟躋

絲曰晦晷之躋陽俱夷也

四老旣耄旣昏婦見是狗惟家之焚厲

絲曰婦見是狗何能昭也惟家之焚以類招也

上老星隕漠漠無所睹灼无咎

絲曰星隕不睹陽無遺也

參雨通極卷之一

參兩通極卷之二

御龍子卷之二

有上范守已介儒著

寧夏侯廷鳳校
扶溝李時芳校

上篇後

元

滋元亨利用娶女室家之慶厥身惟男子厥德

惟良

繹曰元兄滋人君以春和綏萬民民悅無疆

粵曰滋陽道舒也故元亨利陽而乘少女也故

利婚媾陽少而能施女悅而能化陽倡而陰隨

御龍子集

參兩通極卷之二

一

也故厥身惟男子厥德惟良陰陽訖合而萬物

滋生君臣訖合而萬化滋盛滋之時大矣哉

初奇潛滋无咎无譽耕歷以之

繇曰潛滋无譽下无求也

二奇媒來娵娵倉庚于飛之子于歸有雨祁祁

元吉

繇曰媒來于歸應以正也有雨元吉天人竝也

三偶媚于良人无咎不利于田雨不克禽

繇曰媚良无咎志匪邪也雨不克禽柔以澤也

四少鳳凰于飛其鳴喈喈醴泉是依載育載輝

元吉

繇曰鳳凰于飛匹以適也載育載輝時所滋也

上少蒼梧人之拒讓无咎

繇曰拒讓无咎不妄說也

息

毓一人其童戴有羣雄不危迺躬不利命師蹠

危厲

繹曰息乾毓君子以朝夕惕若任賢勿貳

御龍子集

參兩通極卷之二

二

粵曰毓稚陽而乘剛也剛正而不阿以戴幼主

相與以有成也何危之有羣剛而邇于主斯善

矣以寄閭外之託靖共之節莫能保也故有跋

扈之厲上惕若以馭其臣下惕若以翊其君國

之所以康毓而日隆也有由然哉

初奇利巢由之貞

繇曰利巢由貞責有在也

二奇弼迺后日懋迺德如金斯礪如舟斯楫大

有慶

繇曰弼后有慶上下應也

三奇周公負宸傳陸叅乘明明迺后弗諒厥貞
匪躬无咎

繇曰弗諒厥貞勢震主也匪躬无咎貞迺乎也
四少孺子乘龍憂心忡忡无咎

繇曰乘龍无咎憂不害也

上壯有雷自天龍翥翮翺遺我瑤璠元吉

繇曰龍翥元吉大得下也

三進

御龍子集

卷之二

三

飄風不雨自我南郊不利行舟有女遨遊遇于

衛周言笑由由來歸无咎其終有悔

繇曰進巽飄明王以宣布仁聞洽于四海

粵曰飄盛陽乘風也故飄風不雨長女而逢陽

剛也故遇于衛曲來歸无咎一陰之藏漸不可

長求終之慮君子于是慎始矣漢武之于鈎弋

用是道哉是故終殲迺躬也

初偶飄于深谷湊其戛戛我肌骨不利攸往

繇曰不利攸往下能裁也

三奇飄于唐載入我房載挾我床剥膚有裁

繇曰剥膚之災又何尤也

三奇飄于林丘有鳥伊咻女求柔桑行彼郊陬

詭之有侮

繇曰女求柔桑乘時也詭之有侮潰厥防也

四少飄于逢遇女于樊載笑載言同歸于軒我

壺是顓室家之儔

繇曰言笑同歸無能持也顓壺之儔陽不敵也

上老飄于獻股顓顓鴻庚于天羊沿于榦危

御龍子集

卷之二

四

繇曰飄獻之危風斯下也

三隆

盈利涉人川舟楫便便潮正滿月正圓不溢不

抗庶其萬全

繇曰隆坎盈君子以謙虛有容弘迺德

粵曰亢陽而乘險曰盈陽浮而固故利涉舟楫

惟安也水月坎類也滿而或溢圓而或抗斯虧

矣是故君子持盈之有道也

初偶沈山于礪其流變爻即涉濡足初厲終夷

无咎

繇曰其流弋災陰未敷也濡足終夷害斯拔也

二奇龍泳于淵雲雷覆之即涉无虞

繇曰即涉无虞龍正中也

三偶濟洶洶終風惟猛濟川凶

繇曰涉川之凶險莫濟也

四壯萬斛之船泊于回淵不危以安

繇曰不危以安陽德盛也

上少燕翔于海不墜迺羽无咎

御龍子集 卷之二 五

繇曰燕翔无咎險在下也

三

居元亨富有宅中宮于磐石不遷不崩三世其

厄

繇曰中艮居君子以執中安厥止居德有常

專曰居陽德正中而得止也止以居中何亨如

之正中則可大得止則可久故富有宅中宮于

磐石不遷而不崩也山遇雷而始傾故三世而

有厄君子明于安危之故則所以保世滋大者

亦必有道矣

初偶居于麓金以爲屋藩以叢木吉

繇曰金屋之吉獲所資也

二偶居于阿壁以爲羅藩以松柯碩人之適

繇曰壁以爲羅居所珍也碩人之適無他歆也

三奇居于峯玉以爲宮藩以金墉太乙是從元

吉

繇曰玉以爲宮居純德也藩以金墉內外絕也

太乙是從與天遊也

御龍子集 卷之二 六

四壯龍蟠泰岱之巔三年不騫雲流雨宣澤及

八埏

繇曰三年不騫安如止也澤及八埏業可富也

上壯有鶴盤旋于彼中天不下不翻无咎

繇曰鶴旋中天無復往也不下不翻德斯常也

三

稼來牟如櫛既穎既粒夫有疲疾婦護其穡无

咎

繇曰殺坤稼先王以勞去民力穡省厥秋成

粵曰坤厚而長養陽歛而成實曰稼來牟得其先而既穎既粒穡事之所以兆始也陽衰而陰盛故夫疲而婦護也室家之豐惟婦迺功丈夫是憑不隕迺躬又何咎焉是故君子順時而養厥生不矯強以立名

初偶稼于隰不盈迺粒婦嘆于室貞厲

繇曰不盈迺粒陽莫施也婦嘆于室辭以吁也

二偶稼于膏既秀既苞婦巡于蔣惟家之饒

繇曰既秀既苞得所養也婦巡于蔣時能長也

御龍子集 卷之三 七

三偶稼于岡旱暵爲殃夫婦乖張闕于中唐

繇曰旱暵爲殃時不交也闕于中唐內外驚也

四老夫黃耆倚于其姥飲食是有惟躬之醜

繇曰倚于其姥弗能養也惟躬之醜亦可惻也

上壯日赫赫暴彼羣穡萬民是德

繇曰萬民是德大得下也

三退震

霖墮其露殷殷其雷五日淋漓農人嘻嘻悔

亡

繹曰退震霖先王以載戢干戈與民休息

粵曰霖陽歛而陰敷也雲行而雷動也是以墮墮其露殷殷其雷五日而淋漓惟莫之春播我嘉穀之會也是以農人嘻嘻天地以退震而萬物向榮聖人以退震而萬民樂生霖之時用大矣哉

初奇雷奮于淵厥音闐闐不利有攸往大雩吉

繇曰雷奮雩吉從上也

二偶震于腓淋其頰厲吉悔亡

御龍子集 卷之三 八

繇曰厲吉悔亡中不害也

三偶濡首于原艱貞吉

繇曰濡首之吉以艱貞也

四老乘雷于虛涕泗霖如貞厲

繇曰涕泗霖如耄不任也

上以霽如霽如飛霆字如翊蛟以其南征元亨

繇曰翊蛟南征類以方也

三消

暮貞吝近適无咎勿用娶女

繹曰消离暮君子以永終明德弗惰志于冥冥
專曰陽已遁而乘明曰暮則是明之衰而永
也故貞吝明不足以遠陽不足以攝陰是以
近道勿咎而勿用娶女也量時而制其行藏非
君子其孰能之

初奇日高春霾曠蒙蒙喪車于其途无咎

繇曰喪車无咎行可止也

二偶日下春伏治于陘炬燎熒熒言說我朝厲
悔亡

御龍子集

卷之二

九

繇曰伏治于陘志在上也言說我朝尼不放也
三奇日入蒙泉跳于治遯遁替无咎

繇曰跳于治遯固我窮也遁替无咎不用明也

四老衛靈之暮无咎

繇曰衛靈之暮任下明也

上壯返照照其電下民望之吉

繇曰照其電下上合也

三兌

利幽人之貞不利于歸

繹曰祖兌潛君子以遯于丘園從吾所好
專曰潛上絕而下說也利幽人之貞自樂其樂
也不利于歸往无從也守已而不媚于世蒙莊
以之

初奇潛于深淵抱其驪珠五年不瞻吉

繇曰抱其驪珠所固有也

二奇潛于陂澤朋從是悅

繇曰明從是悅有所連也

三偶潛于波載笑載歌丈夫無過涕泗滂沱吝

御龍子集

卷之二

十

有悔

繇曰載笑載歌志有求也丈夫不過外無與也

四老臨淵惕惕載陷載跌艱厲

繇曰臨淵艱厲勢不可拔也

上老勿拯溺无咎

繇曰勿拯无咎靜自閑也

三乾

齊元亨无不利用建皇極乃統天十世永賴

繹曰元乾齊帝王以純仁配天育民无疆

專曰霽剛健而純粹也剛健則有爲純粹則不
息是以元亨无不利剛健而純粹君德脩矣參
天地而无媿也是以建皇極而統天十世永賴
逢坎災也天地以元乾而蕃育萬物聖人以元
乾而蕃育萬民君子以元乾而蕃育萬善霽之
時義大矣哉

初奇霽于朝敷寸俱消卉木天天元吉

繇曰卉木夭夭陽道光也

二奇霽于中光被八封惟恒大有功

御龍子集

卷之二

土

繇曰光被八封文明普也惟恒大有功是即隳
也

三奇霽于暮昕夕不渝萬有之祐

繇曰昕夕不渝體純白也萬有之祐隆大業也

四少駕羣龍搏羊角下民之莫貞吉

繇曰搏羊角位在上也下民之莫道大行也

上少御風凌于太空屬星隕自天當廼躬

繇曰御風凌空位不當也星隕當躬極乃來也

三息

噓元亨利播大命君子于征其道大行
繇曰息巽噓先王以發政施仁感民心而天下
和平

專曰噓陽長而乘風也長養而利于推行是以
元亨利播大命誥多方也君子于征其道大行
時熙昌也

初偶有輻于張觸于長楊屬

繇曰觸于長楊上有閔也

二奇初淒若後熙若噓于木末其華灼灼大吉

御龍子集

卷之二

土

繇曰初淒後熙未離下也其華灼灼道初布也

三奇噓于高峯鶴翔于空元亨

繇曰鶴翔于空志大舒也

四少噓于天庭萬舞翎翎元亨見梟來升梓之
吉

繇曰萬舞翎翎大和形也梟升梓吉絕其瞋也

上壯利羽人之貞

繇曰利羽人貞絕類以上也

三進

北征艱无咎師左次吝失得勿卹乃大有功
繹曰進坎拯君子以幹蠱致命委志

粵曰極陽有爲而值險也北征艱无咎剛不阻
也師左次吝失厥行也失得勿卹乃大有功君
子濟險勞可望也

初偶陷于審載號載問元夫在原莫之能近二
日有聞无咎

繹曰莫之能近險在下也二日有聞終見助也
二奇據于洲朋來其摯載蕩厥舟終吉

御龍子集

卷南通極卷之二

圭

繹曰蕩舟終吉波不窮也

三偶伏戎于陂掩我師其行次且

繹曰伏戎掩師志比初也其行次且勢莫撼也
四少見虎舐舐載張我孤號如其突如艱夫悔
亡

繹曰載張我孤健可當也號如其突如慎以嘗
也

上老隨拯若厲乃大有勞无咎

繹曰乃大有勞從剛也

三

阜富有丘原永亨吉日中不昃月盈不虧七歲
微頽十年猶歸

繹曰隆艮阜君子以安安居德積小以高大
粵曰盛陽而得所止曰阜富有丘原永亨吉大
可久也日中不昃月盈不虧陰陽守也七歲微
頽坤來遇也十年猶歸順不遠也天地以盛止
而萬物遂其榮聖人以盛止而萬民遂其生阜
之時大矣哉

御龍子集

卷南通極卷之二

占

初偶壯于泉永業迺田无不利利貞

繹曰壯于泉宜山趾也永業利貞過無與也

二偶壯于宮厥構棟隆惟家之豐不利迺工吝
繹曰厥構棟隆三所庇也不利迺工時當息也
三奇壯于觀美輪美奐惟家之燦主惟弱冠款

枕燕燕元吉

繹曰壯觀惟家之燦陽道光也款枕燕燕何不
臧也

四壯龍蟠于臺其光燁燁无咎

繇曰龍蟠于臺无咎止以時也

上少鳳翔千仞覽岐山而下之吉

繇曰鳳下岐山得所止也

三坤

包士夫得其老婦厥育羣若吉乃多女子惟家

用縮

繇曰中坤包君子以及時居德悉有衆美

粵曰包陽正中而乘牝倫順德以承君也士夫

得其老婦時雖過而無它也厥育羣若精不頗

御龍子集

主

也乃多女子惟家用縮陰以時夥也乾方巾而

包坤陰陽倚伏之幾甚可畏哉

初偶喪牛于隰不失厥匹无咎

繇曰喪牛得匹陰有餘也

二偶包有瓜言笑亞亞吉

繇曰包有瓜美在中也言笑亞亞內外應也

三偶包有橘櫟口實无咎咥甘以其子

繇曰包有橘櫟美在上也咥甘以其子陰有養

也

四壯包有娶閑于金限吉

繇曰閑于金限固厥防也

上壯金墉屹屹虺蜺莫害藏于中穴厲无咎

繇曰金墉屹屹勢莫害也藏于中穴伏以息也

三殺

妄動往有悔无大咎利用侵伐不戰潰敵

繇曰殺震妄君子以慎動蓄威不乘人于危

粵曰陽衰而乘動曰妄內躁而外虧動往之所

以有悔也陽猶可為故无大咎雷震震而當者

御龍子集

夫

自靡況有自潰之勢乎是以利用侵伐不戰潰

敵也

初奇龍奮于淵不雲而陳者貞觀

繇曰不雲而陳何能往也

二偶妄動于門惕若其鄰无大咎

繇曰妄動于門未及遠也惕若其鄰亦可慚也

三偶妄動于庭觸于阿翁艱厲

繇曰觸于阿翁躁以犯上也

四少无妄震迺躬涕泗忡忡无咎

絲曰无妄之震又何咎也

上老震來轟轟危岩欲崩凶

絲曰震及危岩何可久也

三退

是无咎利用授經雉陰翳桑或躍于庭貞吉

繹曰退離是君子以引身居業明明于勿替

粵曰是陽已退而乘離也猶有陽焉至明未虧

故无咎利用授經明足以及物也雉陰翳桑或

躍在庭文明時蔽動往燁燁也日月不以時是

御龍子集

卷一

七

而廢照臨之功聖人不以時過而廢昭明之用

君子不以時屈而廢昭晰之衷

初奇雉尾離離藏于中閨吝

絲曰藏于中閨明不彰也

二偶承是婦隱于牖停厥刺繡

絲曰婦隱于牖益迺是也停厥刺繡文明息也

二奇雉飛煙中夕陽耀之亨

絲曰夕陽耀之光不滅也

四老衛靈之老无咎

絲曰衛靈之老明在下也

上少匪是之或扼之尚亦有著于沒齒无咎

絲曰匪是之或扼之戀厥類也尚亦有著于沒

齒保厥世也

三消

乖凶婦言囂囂夫病不朝終焉遁逃

繹曰消兌乖君子以窮不失色有孚于厥家

粵曰乖陽欲絕而乘少女也少女而說夫病而

无乖戾之所由生也何凶如之陽不足以攝陰

御龍子集

卷二

八

陰不欲以從陽也是以婦言囂囂不朝而遁逃

也

初奇從君无咎貞艱其莫有庸

絲曰從君无咎志未變也其莫有庸上艱也

二奇貞吉悔亡莫告之或笑之

絲曰貞吉悔亡正以自守也莫告之或笑之志

不孚也

三偶有孚在門我心紆紆凶

絲曰有孚在門志在外也

四老困于床莫之或望

繇曰莫之或望同人乖也

上壯或遺之十朋之賂違之无咎乃亦有終

繇曰違遺无咎不隨人于昏也

三

裂厲有繆在下莫之克庸之无咎不利于征

繇曰徂乾裂君子以剛正自守不試于艱險

粵曰裂上圯而下剛也躁內而絕外動而裂故

厲有繆在下莫之克庸之上無適也得乾體焉

御龍子集

參兩通極卷之二

九

剛正而不隨又何咎耶不利于征往來之也

初奇栖于窮岩災弗逮其身吉

繇曰栖于窮岩災何及也

二奇主迺羣脫迺輪五年弗巡无咎

繇曰主迺羣保厥類也脫迺輪五年弗巡靜正

以衛也

三奇出門迺如樞木類如焚如摧如肌膚堆如

凶

繇曰迺如頽如逢其殃也

四老幅宇瓜裂憂心懾懾白駒在谷不我是卽
貞艱

繇曰幅宇瓜裂時不再也不我是卽下所舍也

上老天裂貞以初亂終吉

繇曰初亂終吉不久復也

御龍子集

參兩通極卷之二

平

參兩通極卷之二

參兩通極卷之三

御龍子十三

消上范守已介儒著

寧夏侯廷舉校
扶溝李時芳校

下篇前

元

兆亨一人有命四海承風女謁勿庸

繹曰元異兆君子以見微知著防患于未然

彘曰兆亨陽維而乘風也陽舒而風通故亨一

人有命四海承風元良在上仁聲洋溢入人心

于无間也女謁勿庸陰柔在下當防其漸也天

御龍子集

參兩通極卷之三

一

地之積陰兆于元異國家之積亂兆于微釁察

屈信者其可忽諸

初偶利有攸往无咎吝莫觀元夫

繹曰利有攸往柔以入也莫觀元夫或能燭也

一奇兆于室團圍以適終否

繹曰兆于室釁在內也團圍以適亦不知媚也

三奇兆于家謂莫我加酣舞以譁吝

繹曰兆于家形已彰也酣舞以譁于何臧也

四少一人元良靜共是將有孤皇皇來蹇袞袞

莫之克逐之于心有疚

繹曰靜共是將陽有翼也有孤蹇袞陰來入也

于心有疚憂不釋也

上少青鳥于飛鼠望于隈无咎

繹曰鼠望于隈害弗及上也

息

畏臨深兢兢无咎利涉大川

繹曰息坎畏君子以臨難戒懼不蹈于危亡

彘曰陽方長而乘險曰畏陽明而能照長慮而

御龍子集

參兩通極卷之三

二

不疑也是以臨深兢兢而无咎利涉大川陽道

亨也人君知畏弗亡其國人臣知畏弗亡其家

庶人知畏弗亡其身畏之義大矣哉

初偶有滋在目勿敢投足无咎

繹曰勿敢投足慎事也

二奇濡其軸其形无憂心惟谷則莫我覆

繹曰濡其軸及險中也憂心惟谷慎守窮也則

莫我覆保迺躬也

三偶濡于干憂心孔艱或濟以承軒

繇曰或濟以承軒險斯拔也

四少立于絕崖動往或頽惟畏元畏元吉

繇曰惟畏元畏義元吉也

上壯馮河罔濟大凶

繇曰馮河罔濟亦不知畏也

三進

留元吉違衆獨立介于磐石爰築我壁有獲良

壁

繇曰進良留君子以進不競時止乎其所願

御龍子集

卷兩通極卷三

三一

專曰留陽欲進而能止也進而能止則無競進

之失是以元吉違衆獨立介于磐石中行獨止

見不搖也爰築我壁有獲良壁固以自守獲所

操也天地以進止而厚蓄厥施君子以進止而

厚養厥為留之義不既深乎

初偶有約于征不出門庭无咎

繇曰有約于征志在外也不出門庭得我介也

二偶留自門樂我田園元吉

繇曰留自門不遠居也

三奇牽進留自原其友有言无咎

繇曰牽進留原獨行願也其友有言又何患也

四少翩翩于征載奔于京遇我良朋言掣我衡

我心怍怍无咎

繇曰言掣我衡裁以正也

上老進退終吝

繇曰進退終吝志不定也

三坤隆

敵否厲夫婦違心主臣違音載拒載侵凶

御龍子集

卷兩通極卷三

四

繇曰隆坤敵君子以厚責厥躬無爭于人

專曰敵陽與陰而兩盛也陽上而陰下其氣不

相通而其德不相為用也是以否厲夫婦違心

主臣違音載拒載侵也陰陽沴而寒暑交攻天

地且然而况于人乎

初偶敵不于躬于其鄰惕若无咎

繇曰敵不于躬在下也惕若无咎能自護也

二偶敵來翻翻終弗與言戈爰自還

繇曰終弗與言中正也戈爰自還孚乃應也

三偶捍敵弗勝血殷其軀厲有悔

繇曰捍敵弗勝柔不抗剛也

四壯敵來脫脫其虐不遂謀于冥昧不戒有悔

繇曰謀于冥昧陰以中也不戒有悔備迺勝也

上少懼敵无咎

繇曰懼敵无咎遠能虞也

䷧中

遯亨震驚于天上下響應不利宵人災迺身

繇曰中震遯先王以威震反側消姦宄于已萌

御龍子集

卷兩通極

五

粵曰陽正中而雷動遯雷陽類也以類而應厥

聲不窮是以震驚于天上下響應也不利宵人

災迺身無所容也天地以中震而陰邪無所容

其愆聖人以中震而七愆無所容其姦遯之時

用大矣哉

初奇遯于泉及于祁連元亨利興義旅九重其

予之

繇曰利興義旅動以剛也九重其予應在一也

二偶遯于席蘇蘇以泣凶

繇曰蘇蘇以泣凶何如也

三偶遯于基棟宇斯頽傾墜莫支

繇曰傾墜莫支上下屬也

四壯王用興師伐彼女戎丈人秉鉞如雷如霆

不戰有功

繇曰王用興師志用剛也丈人秉鉞威四方也

上壯勿遯之或幸之靜應无咎

繇曰或幸之位過剛也

䷧殺

御龍子集

卷兩通極

六

暈有小青烏颺其形漸闕厥明无咎

繇曰殺離暈君子以憂旣治察察勿庸

粵曰暈陽殺而明滅也殺而明于何能榮是以

有小青烏颺其形漸闕厥明則是闇然者日彰

而離明不施也竊處者載揚而昏德欲滋也時

雖无咎其何救于滋至之患哉

初奇薄暈无咎

繇曰薄暈无咎義在初也

二偶暈有輝厥烏于飛日中見奎大有咎

繇曰厥鳥于飛離精者也日中見奎光明闕也

三奇暈有珥日中見觜凶

繇曰日中見觜昏欲冥也

四少暈其外澄其內厥明燿燿无咎

繇曰厥明燿燿體不蔽也

上老瞽如昧如蒙而亨如厲有咎

繇曰瞽如昧如陽德頽也

三退兌

去无咎讒口嚙嚙載脂我韉載理我牾言釣于

御龍子集

卷之三

澮

繇曰退兌去君子以辟讒遠世無求于人

勇曰去陽欲退而乘兌也見幾而作又何咎焉

讒口嚙嚙載脂我韉口舌用而正直行也載理

我牾言釣于澮修所有事以自悅也

初奇雨霖霖濡厥軸无咎

繇曰雨霖霖澤未滯也濡厥軸行且憇也

二奇青蠅在鼎雉飛一梗

繇曰青蠅在鼎道欲否也雉飛于梗辟厥毀也

三偶有狐綏綏踞于公扉小人吉君子危

繇曰小人之吉何可與也

四老說用婦言鴻鴈于騫莫之能存厲有大咎

繇曰說用婦言昏不悟也莫之能存去不顧也

上少鴻戾于空无咎

繇曰鴻戾于空去斯高也

三消乾

幸无大咎困憊以難載得騏驎六轡翻翻利丙

不利壬

御龍子集

卷之三

八

繇曰消乾幸君子以沉潛剛克力行所不足

勇曰陽已消而遇剛曰幸剛以濟消是以无大

咎也困憊以難載得騏驎獲所乘以濟其欲也

利丙不利壬乾亨東南西北促也萬物幸而衰

後逢陽枝葉載揚國家幸而衰後逢良福祚延

長幸之時豈小補哉

初奇柱礎无譽

繇曰柱礎无譽亦不知功也

二奇柱其傾不墜厥聲赫赫聲利艱貞

錄曰不墜厥莛上有賴也赫赫厥聲其勞人也
三奇大廈欲摧厥棟之危枝撐拄持百艱是虞
厲利貞

錄曰百艱是虞亦不幸也

四老蘇蘇索索倚于羣碩无咎

錄曰倚于羣碩大有幸也

上壯鳴幸无終

錄曰鳴幸无終下不與也

三

御龍子集

九

恬涼颺颺臥榻之宜不利御女厲有悔

繹曰狙異恬君子以靜養厥躬防人欲于屋漏

勇曰恬陽已伏而乘木也木靜而風微是以涼

颺颺臥榻之宜也女壯而陽伏是以不利御

女厲有悔也天地以恬而養萬物君子以恬而

養萬善恬之義不既深乎

初偶不恬以砭小有社終吝

錄曰不恬以砭因所性也小有社時非正也

二奇恬于門內弗納其饋无咎

錄曰弗納其饋介莫入也

三奇恬于堂皇外高內藏叔季偕行悔亡

錄曰外高內藏上下類絕也叔季偕行同氣協

德也

四老恬于波淵靜日和不可以過

錄曰恬于波素澤不汙也不可以過陽絕欲敗

也

上老鳥恬于巢不鳴不翔无咎

錄曰鳥恬无咎與時息也

御龍子集

十

三

泉元亨居高乃行循科乃貞君子有成小人恬

終

繹曰元坎泉先王以鑄幣天府布之民

勇曰泉陽方生而乘坎也陽熙而坎容是以元

亨乘高乃行泉下濟也循科乃貞習坎利也君

子有終百折不滯也小人恬終濫以繼也

初偶泉于谷其出滑滑吝

錄曰其出滑滑勢不達也

三奇泉于坪其出冷冷龍以為溟元亨

繇曰龍以為溟陽在中也

三偶泉于峯其出沖沖瀑落于空汔于大東无

咎

繇曰汔于大東有所歸也

四少導泉于洫滋我百穀元吉

繇曰滋我百穀陽有長也

上壯泉溢于涯汔我禾麻長于之嗟

繇曰汔我禾麻水上汔也長于之嗟嬰其患也

御龍子集

參兩通鑑卷之三

十一

三息

鬱吝鷁雛于飛困于丘隅三年載戢不戾天衢

繇曰息良鬱君子以困而能亨勿有躁志

粵曰鬱陽方長而乘止也鬱而不獲伸故吝鷁

雛于飛困于丘隅文明欲彰而止非其所也三

年載戢良其翼也不戾天衢志未得也天地鬱

而大化不流賢人鬱而大業不就萬民鬱而大

器不守有國家者可以深長思矣

初偶鬱于腎膈吝

繇曰鬱于腎膈困在下也

三偶鬱于肺附不茹不吐有厲

繇曰鬱于肺附困于心也不茹不吐厥病深也

三奇鬱于喉飲藥其瘳无咎

繇曰飲藥其瘳困可拔也

四少掣我與舍茵以去吉

繇曰舍茵以去志在上也

上壯鷁雛載颺戾彼蒼茫于頡于頄利貞

繇曰鷁雛載颺鬱斯脫也戾彼蒼茫奮斯過也

御龍子集

參兩通鑑卷之三

十二

于頡于頄動不括也

三進

進夫欲于征婦欲居烹載嗽戰爭終吝

繇曰進坤違君子以動必僉謀勿遂已私

粵曰違陽欲進而陰欲靜也動靜不相符是以

夫欲于征婦欲居烹也歲云秋矣利烹以養而

志在觀光婦言莫嚮是以載嗽而戰爭也大時

違而進止罔從君臣違而謀謨罔功違之所歸

大矣哉

初偶无違言无咎

繇曰无違言志未失也

二偶中間是顙自有肺肝寤寐長歎貞吝

繇曰自有肺肝志為養也寤寐長歎違厥想也

三偶違于顏如杌如板室家之愆

繇曰如杌如板外內乖也

四少桓桓于邁不甞中饋不念中饋貞吝

繇曰桓桓于邁志在外也不甞中饋婦子乖也

上老中行來復室家是鞠无咎

御龍子集 卷之三 主

繇曰中行來復倦于往也室家是鞠安斯養也

三震

決元亨利貞震驚宇宙罔兩喪精无咎利用三

驅

繇曰隆震決君子以剛健克己弘迺德

專曰決陽盛而乘震也陽健而震迺是以元亨

健而迅或傷則猛也匪貞何利焉罔兩喪精陰

邪伏也利用三驅禽無所突也天地匪決無以

勝羣陰人君匪決無以鋤不仁決之義不既大

乎

初奇決蛟龍之窟无咎

繇曰決蛟龍之窟助其奮也

二偶決其門及其藩凶

繇曰決門及藩又何吝也

三偶決其肢焚斯棄斯大凶

繇曰焚斯棄斯震無遺也

四壯朋來決決得所助也

繇曰朋來決決得所助也

御龍子集 卷之三 古

上少憑決无咎

繇曰憑決无咎功不與也 與去聲

三離

照大明中天昭臨八埏元亨利有恒

繇曰中離照帝王以正位聽治明見萬里

專曰照陽正中而乘離也正中而明其道不窮

方正位乎天中昭臨萬里是謂元亨然明易翳

而中易傾匪恒曷終是故君子危治世而憂日

中

初奇照于扶桑雄走躑躅

繇曰照于扶桑道未光也雄走躑躅文未彰也

二偶日中有子其光著也无咎

繇曰蒼紫无咎光在外也

三奇大明炎炎麗于中天萬方俱瞻元吉

繇曰萬方俱瞻離明普也

四壯乘燭龍以當天八荒我觀元亨

繇曰乘龍當天位在上也

上壯凌空倒影危不克終

御龍子集 卷之三 五

繇曰倒影无終明過高也

三殺

濡耽我獻顧我廬勿用進趨无咎

繇曰殺允濡君子以優游泉壑無求于世

粵曰濡陽已衰而乘兌也陽衰則止兌悅則戀

是以濡滯而不前耽我獻利澤之益也顧我廬

室家是悅也勿用進趨一得无獲也是故君子

棲遲自樂不濡足于甕渚

初奇廬于塘望厥洋五載是常无咎

繇曰廬塘望洋不濡以悅也五載是常久不輟也

二濡于陂爰獲我宜

繇曰爰獲我宜志無往也

三偶濡于洋載需我裳終厲

繇曰濡洋需裳亦不知止也

四壯獻于深澤二龍是獲不他適吉

繇曰二龍是獲大得朋也不他適吉棲遲亨也

上老濡于干決歲不遷无咎

御龍子集 卷之三 六

繇曰濡于不遷亦可安也

三乾退

依晨風歸飛于彼崔嵬无不利行人來歸三日

為期

繇曰退乾依君子以引年拂衣歸休于耆英

粵曰依陽已退而逢剛也退而有逢故依依而

不合剛高明也高明不窮喜與類同是以晨風

歸飛于彼崔嵬无不利也行人來歸三日為期

退而能健畫可例也

初奇不我依獨行淒淒无咎

繇曰不我依外無應也

二奇有客來依龍鍾其姿心腹是輸資之无咎終厲

繇曰資之无咎類與合也終厲无復碩也

三奇來依憧憧不我求容敬之終吉

繇曰不我求容志亢也

四老來蘇蘇僕痛馬瘡逢彼元夫言資我居依之有社

御龍子集 卷之三 七

繇曰逢彼元夫道不孤也

上少弗依之或思之終吝

繇曰弗依或思終无歸也

三消

繇曰蕭蕭西風飄搖凶利用侵敵大有功

繇曰消異擇君子以領惡刑惡陳言

夷曰陽已消而乘風擇木欲擇矣而風不已其有能存者蓋寡矣何凶如之利用侵敵大有功

先聲以奪其衷也

初偶颺于林下厥木若故无咎

繇曰厥木若故風弗及上也

二奇颺于條末擇其敗落小有青

繇曰颺于條末垂在下也擇其敗落堅若素也

三奇颺于柯其枝婆娑言墜其巢厲

繇曰言墜其巢擇斯甚也

四老擇藋藋風戛戛既秃既沒如訴如哭大凶

繇曰既秃既沒殘陽既也如訴如哭風為厲也

上壯童童沃若後羣弗擇无咎

御龍子集 卷之三 六

繇曰後羣弗擇壯不害也

三坎

沒于重淵二歲不瞻大凶鑿井无泉窺窔就堙

終厲

繇曰但坎沒君子以窮不犯難保厥躬

夷曰沒陽已盡而乘險也是以沒于重淵二歲

不瞻死喪而莫之見凶莫大焉鑿井无泉陽道

窮也窺窔就堙陰險重也

初偶沒于重泉鱣齒食旌大凶

繇曰鱷齒食旃險難竝也難去聲

二奇沒于蛟宮依于潛龍屬无咎

繇曰依于潛龍陽可乘也

三偶沒于濤載沉載漂莫我是挑終厲

繇曰莫我是挑與類絕也

四老泛泛于波死喪日多凶

繇曰死喪日多沒久以浮也

上老附于朽木不終沒厲无大災

繇曰附于朽木不沒于波也

御龍子集
參兩通極卷之三
元

參兩通極卷之三

參兩通極卷之四

御龍子十四

消上范守已介儒著

寧夏侯廷珪校
扶溝李時芳

下篇後

三
元

立亨定礅建柱構我華竟无言不利啓行

繇曰元艮立君子以立不易方定遇性

專曰立陽初生而乘止也止而不窮故亨艮在

下而可乘陽在上而可寧也是以定礅建柱構

我華竟无言不利啓行往無庸也嶽峙雲烝天

御龍子集
參兩通極卷之四
一

地立經山屹水穹聖人立功石介星貞君子立

名

初偶立之足如鼯如元无咎

繇曰如鼯如元力以定也

二偶立之股不移不柱吉

繇曰不移不柱剛柔節也

三奇立如磐碩人之盤來止來安元吉

繇曰碩人來安立有與也

四少立于磐七歲不遷有友在巔莫之能攀元

答

繇曰七歲不還逢息坤也莫之能攀志不存也

上少立于巔載危載安貞厲

繇曰載危載安貞亦厲也

三坤息

乳元亨小子在膺保母烝烝三歲其興利稼穡有獲勿用與師

繇曰息坤乳君子以就保傅涵養其德性

夷曰乳陽初長而乘坤也坤有育養之德焉是

御龍子集

卷兩通極卷之四

二

以乳元亨小子在膺保母烝烝志相得也三歲其興陽可立也利稼穡有獲長養協也勿用與師反其則也

初偶乳無審元咎

繇曰無審無咎無正應也

二偶乳淋漓元子來敬既飽既宜大有慶

繇曰乳淋漓美在中也既飽既宜大有功也

三偶乳恡无終吝

繇曰乳恡无終時已渝也

四少怡乳娛娛四體之肥元亨利有節

繇曰怡乳娛娛得所養也利有節否不暢也

上壯乳口斯脫飲食是樂无咎

繇曰飲食是樂又何咎也

三震進

迅厲亨震來衝奮飛于空不令不寧乃往有功

繇曰進震迅王者以災致福允升于大猷

夷曰陽欲進而乘雷迅迅有所激而故疾也是

御龍子集

卷兩通極卷之四

三

以厲亨震來衝奮飛于空下薄而上騰也不令不寧乃往有功因災以成禎也天地震而潛龍奮翬國家震而賢人奮庸迅之時大矣哉

初奇憾如撞如旬如崩如從龍以邁莫之降予

无咎

繇曰旬如崩如厲自我也莫之降予時不可也

二偶震迅自闕載伏載蹈厲

繇曰載伏載蹈柔莫振也

三偶震迅自階不我能摧惕若艱厲

繇曰惕若艱厲未能去也

四少震其宮載飛于空百川沸騰獨據應龍初厲終亨

繇曰獨據應龍震不災也

上老飛而不騰无咎

繇曰飛而不騰倦于迅也

三隆

暄元吉利用賓于王不利孚祀

繇曰隆離暄先王以純德御世敷文命于四方

御龍子集

參兩通極卷之四

四

勇曰暄陽正隆而乘明也明以濟隆是以元吉

剛正御極而明德在上下交而其志通也是

以利用賓于王不利孚祀陰德微也

初奇釀暄煖煖大亨

繇曰釀暄煖煖陽欲升也

二偶弗暄暄之不自為德人莫我說

繇曰弗暄暄之陰陽根也人莫我說功不烜也

三奇炎炎于空耀于域中元亨

繇曰耀于域中暄著明也

四壯向明以朝羣后萬國是囿大有慶

繇曰萬國是囿陽明普也

上少熒熒燿燿耀于大角无咎

繇曰耀于大角高未普也

三兌中

歡元亨利貞濟川无危娶女有悔

繇曰中兌歡君子以賞功弗僭執厥中

勇曰陽方中而乘悅歡無過不及而怡情暢達

是以元亨然中易頗而悅易隨也是以利貞濟

御龍子集

參兩通極卷之四

五

川无危陽盛浮也娶女有悔陰少莫投也

初奇親歡无咎

繇曰親歡无咎歡在外也

二奇隨歡歡來大有祉

繇曰隨歡歡來適我願也

三偶或牽我裳或親我牆厥歡若狂俄焉有殃

吝

繇曰牽裳親牆二其行也俄焉有殃義有孚也

四壯有女娵娵我以為室予唱汝隨无咎

繇曰唱隨无咎以中正也

上壯觀觀不有歡終吝

繇曰觀觀无歡其道吝也

䷀ 乾殺

蹶小有青乘黃千里失足是警无咎不利赴敵
繇曰殺乾蹶君子以戒懼脩途不懈于遠到
勇曰蹶陽乘健而忽衰也健行不息乘衰以躋
故小有青乘黃千里失足是警也大得而小失
義无咎也不利赴敵蹶莫救也

御龍子集 卷之四 六

初奇馬壯于出門庭无咎

繇曰于出門庭未節虞也

二奇馬馳百里是趨謹其銜轡无咎

繇曰謹其銜轡導不蹶也

三奇千里趨利道遠莫至載舍悔亡

繇曰載舍悔亡趨有虞也

四少稚子乘騏馳騁亡歸顛越終厲

繇曰稚子馳騁終有厲也

上老老夫嬰繇載驚載連顛覆以殞凶

繇曰老夫載連顛覆以殞不知止也

䷀ 巽退

枯厲不利樹蓺暨昏娶諷諭以事聞主无咎

繇曰退巽枯君子以居危邦巽言以致主

勇曰枯陽已退而乘風也氣返而風陵之木之
所以就枯也何厲如之不利樹蓺罔功也暨昏
娶上窮也諷諭以事聞主无咎悖有吝也

初偶自我枯枯有吝无咎

繇曰自我枯枯取自物也

御龍子集 卷之四 七

二奇淒其巽巽不我能枯厲

繇曰不我能枯中以堅也

三奇枯其鄰謂我不仁匪我能禁悔亡

繇曰謂我不仁疑當悔也

四老匪風枯枯自我為痛凶

繇曰自我為痛匪風枯也

上少枯自下厥顛濡露无咎

繇曰厥顛濡露枯不及也

䷀ 坎

地橋臨流往來之憂厲利禦寇

繹曰消坎圯君子以臨難消阻如臨深淵

粵曰陽已消而臨險圯險難而消敗也是以圯

橋臨流往來之憂其道厲也利禦寇險在我也

初偶圯其柱隨湍欲去人莫知思厲

繇曰人莫知思圯于不見也

二奇圯其梁巨壑茫茫行人坐望

繇曰行人坐望未即行也

三偶圯其闕濤湧漫漫行人之艱

御龍子集
卷之四
八

繇曰行人之艱阻厥險也

四老圯其橋瞽夫來邀載淪載號凶

繇曰瞽夫來邀淪號凶也

上壯橋圯浮波无咎

繇曰浮波无咎壯不沒也

三
民

斃與化俱徂悔亡

繹曰徂斃君子以考終正命安厥止

粵曰斃陽已絕而得止也衰者不得不絕行者

不得不止天地之大化也與化俱徂又何悔焉

嗒焉而喪厥有頽焉而委如丘君子之得正而

斃也如此哉

初偶喪其內止厥慮无咎

繇曰止厥慮內斯靜也

二偶喪其神不睹不聞无咎

繇曰不睹不聞神斯逸也

三奇喪其軀言歸于虛萬事告畢

繇曰萬事告畢無不止也

御龍子集
卷之四
九

四老冥冥杳杳遊無何有

繇曰遊無何有歸大化也

上老无聲无臭復入于機吉

繇曰復入于機不終絕也

三
坤

凝亨利鎮靜之貞東北烝烝西南寧寧不利攸

征

繹曰元坤凝君子以无思无為聚迺至德

粵曰陽初生而乘地凝陽舒而地成故亨陰

而陽輕輕不勝重也是以利鎮靜之貞東北
承坤與陽逢也西南澤澤異來陰乘也不利攸
征速往無能也天地以元坤而藏利萬物聖人
以元后而藏利萬民凝之時義大矣哉

初偶脂土未凝靜正无咎

繇曰靜正无咎動斯災也

二偶凝如脂匪冰匪斯勿馳勿驅

繇曰勿馳勿驅安不害也

三偶凝如膠勿琢勿雕吉

御龍子集

卷南通鑑卷四

十

繇曰勿琢勿雕安厥常也

四少安土敦仁元吉

繇曰安土敦仁靜有常也

上少其欲逐逐離母之腹小有厲

繇曰離母之腹逐欲動也

三息

惕震來惕若不喪體粥无咎

繇曰息震惕君子以臨變惺惺不喪所守

勇曰惕陽方長而遇變也長而未固其氣歛也

是以震來而惕若陽道方寸長養便便是以不
喪體粥也萬物息震殆而愈舒國家息震危而
愈安惕之時用大矣哉

初奇匪安匪息自我為惕衆怨所歸屬有悔

繇曰自我為惕衆志怒也

二偶惕來薄牀偃息伏藏无咎

繇曰偃息伏藏柔中則也

三偶惕我居兀捏踟躕終厲

繇曰兀捏踟躕位不當也

御龍子集

卷南通鑑卷五

十一

四少惕惕若霆若擊無朝無夕終吉

繇曰若霆若擊危可安也

上壯匪惕勿惕无咎

繇曰匪惕勿惕患莫及也

三進

旭元亨如日之升亦莫不增利見大人揚明于

王庭大有慶

繇曰進離旭君子以自昭明德緝熙于光明

勇曰旭陽方進而乘明也如日之升亦莫不增

是以无亨進而遇明是以利見大人揚明于王
庭赫赫矇矇萬象昭融天地之旭也顯顯明明
萬化流行帝王之旭也聖同天不既深乎

初奇旭于虞淵无咎

繇曰旭于虞淵光未著也

二偶旭于扶桑有翳其光无咎

繇曰有翳其光陰不明也

三奇旭于蜃樓光于九州无亨

繇曰光于九州道大亨也

御龍于泰泰南道極泰而主

四少曦馭雙龍馳于九重利賓興无吉

繇曰馳于九重進自下也利賓興獲其佐也

上老弗進弗明眇視无咎

繇曰眇視无咎明不及也

三兄隆

涸谷厥夫驕矜厥婦哀器惟家之辛利揭大津

无咎

繇曰隆兌涸君子以虛受滋厥德不多言以悅

大

粵曰亢陽而乘澤涸陽亢則旱暵隨之澤之所
以日枯也故杏厥夫驕矜道悻悻也厥婦哀器
勢難靜也內外違齟罔不病也利揭大津澤不
就也

初奇澤无泉厥汙填填匪涸自天

繇曰匪涸自天自无出也

二奇澤无底其涸立俟厲

繇曰其涸立俟位從上也

三偶涸其汪惟塵埃凶

御龍于泰泰南道極泰而主

繇曰惟塵埃微陰絕也

四壯烈日赫赫暴彼泥渥不我是德

繇曰暴彼泥渥涸自我也

上少夾日以其薰風无怨无德

繇曰无怨无德不以暴也

三兄

轉元亨利貞无往不利

繇曰中乾轉君子以至健迪德從善如轉環

勇曰轉陽正中而乘健也中正而剛健是以无

亨利貞无往而不利元以資始亨以顯仁利以盡變貞以成終天之所以周流而巳也元以存神亨以達化利以達功貞以藏用聖人之所以同天而无間也君子修此四德而天下之事无不濟矣故曰元亨利貞无往不利

初奇桓桓玄枵肇自困救臨于攝提格大吉

繇曰臨于攝提未及遠也

二奇臨于執徐天衢是馳元亨

繇曰天衢是馳上自地也

御龍子集

卷南通極來之四

占

三奇臨于敦牂中天徜徉亨利永貞

繇曰中天徜徉過則艱也

四壯臨于浚灘步趨孔艱元咎

繇曰步趨孔艱健不衰也

上壯臨于閼茂厥行遲遲吝

繇曰厥行遲遲窮于次也

䷗ 異殺

推厲不利升高靡草從風亦不龍蔥利用代亂

繇曰殺異摧君子以申布文詰招來攜貳

專曰摧陽已敗而乘風也摧敗而不固必隕是以不利升高也靡草乘風亦不龍蔥異以殺殺也利用伐亂乘其殺也

初偶摧自本三月其殞

繇曰三月其殞傾漸覆也

二奇摧其揅堅不能瘡无咎

繇曰堅不能瘡陽在中也

三奇摧其枝燥者先披厲

繇曰燥者先披位自亢也

御龍子集

卷南通極來之四

占

四壯喬木凌風挺立无咎

繇曰喬木凌風又何咎也

上老枯揚之摧顛如推如凶

繇曰枯揚之摧何可支也

䷗ 退坎

滋厲多凶行人欲返中途際險來歸蹇蹇

繇曰退坎滋君子以如履薄冰保厥危

專曰滋陽已退而乘險也陽退則陰進矣陰柔

方疑渙散難乘是以厲多凶行人欲返中途際

險與坎逢也來歸蹇蹇道未窮也

初偶滋有伏流言沒其輶行人之憂勿涉无咎

繇曰勿涉无咎初未進也

二奇滋有伏石沒脛履實厲九大災

繇曰沒脛履實厲不災也

三偶滋有淖勿踐勿蹈

繇曰勿踐勿蹈艱可辟也

四老履滋沒軀大凶

繇曰履滋沒軀凶莫救也

御龍子集

參兩通極卷之四

六

上少履滋之沙便僇无虞

繇曰便僇无虞陽不沒也

䷋

艮消

阻安止无咎不利于征峻坂其傾厲

繇曰消艮阻君子以忘怨寡慾保厥躬

夷曰阻陽已消而乘止也消而能止與時息也

是以安止而无咎不利于征峻坂其傾憊而陟

山道不行也

初偶无阻我為阻之居麓无咎

繇曰我為阻之志不進也居麓无咎安自近也

二偶阻于高巖殿石嶢嶢止于丘咸无咎

繇曰止于丘咸勿復返也

三奇壁立萃律匪我能越仰止勿踣无咎

繇曰仰止勿踣知所止也

四老驀山弗過阻于高阿進退惟疴厲

繇曰進退惟疴憊無為也

上壯有力如虎不我能阻艱亨

繇曰不我能阻壯在上也

御龍子集

參兩通極卷之四

七

䷁

坤徂

窞大凶君子正終小人喪躬

繇曰徂坤窞先王以掩骼埋胔厚坤終物

夷曰窞陽已絕而乘坤也乘坤以藏窞窞無光

是以大凶君子正終考終正命也小人喪躬自

絕悻悻也陽畢陰藏萬物告終坤含乾養天地

成能窞之時義大矣哉

初偶窞于窟載號載哭

繇曰窞于窟陽不復也

二偶復其窟不顯其木悔亡

繇曰不顯其木土乃藏也

三偶封厥窟如堂如屋无咎

繇曰封窟无咎坤德容也

四老歸于窀穸冥冥寂寂永貞吉

繇曰永貞之吉窀穸固也

上老游菟憧憧弗即迺宮吝

繇曰弗即迺宮失厥貞也

御龍子集

參兩通極卷之四

大

參兩通極卷之四

參兩通極卷之五

消上范守已介儒著

御龍子十五
寧夏侯廷芳撰
扶溝李時芳校

索辭上

源索第一

易曰天地變化聖人效之何言其變化也天以一而神地以兩而化一動為三三三而九消息進退終始無端天之所以神變無方也兩分為四二四為八代謝往來對待不紊地之所以化行有漸也聖人者體天地之撰者也是故有以

御龍子集

參兩通極卷之五

一

通變而達化通極乎晝夜之道而不疑焉之書以類萬物之情發鬼神之靈而不爽

易曰河出圖洛出書聖人則之圖以言乎其十生成相從同居其方虛五含十八卦之原也書以言乎其九奇偶相從各守其隅體數敘紀九疇之綱也聖人兼兩而則之八九同用矣作易云乎哉

易曰參天兩地而倚數參天者所以生疇九疇立而天經備矣兩地者所以列卦八卦成而地

維彰矣本天經達地維體萬物運四時倚乎數而不盡于數聖人之通極性命也如是夫

劉子曰河圖洛書相為經緯八卦九章相為表裏是故九章為表以運于外八卦為裏以運于內圖書之所以經緯而无間也倚圖而廢書為律曆為運氣為潛虛拘攣而無圓通之妙倚書而廢圖為太玄為洞極為洪範皇極牽合而非自然之機象數之所以不明理氣之所以莫晰嫌疑之所以莫定有由然哉

御龍子集

參兩通極卷之五

二

龍馬陽也天類也為圖十為位方陰根陽也龜陰也地類也為書九為位圓陽根陰也陰陽互為其根可相有而不可相無也明矣哉

天之道運動不居乎地之道靜正有常乎不居者九之所以運也有常者八之所以維也九以經之八以緯之天之所以不遺乎地八以經之九以緯之地之所以克配乎天天地合德萬物以發

天也者以神為用者也地也者以質為用者也

神故無體質故不化是故九者天之體也九九

者天之用也八者地之體也八八者地之用也天不用體故去其體之九以隨地地亦用用故加其用之八以應天是故疇以八終卦以九止疇二而卦三者何也疇數奇而用偶卦象偶而用奇也用偶者委終于地用奇者代終于天卦之數八也而用則九老陰居四而用六少陽居三而用七少陰居二而用八老陽居一而用九是也九固所以究八也匪九則八不行疇之

御龍子集

參兩通極卷之五

三

數九也而用則八曰三德曰五行曰五事曰五紀曰稽疑曰庶徵曰五福六極曰八政是也八固所以立九也匪八則九不止是故九必有以去其九八必有以益其八九八八九疇卦斯守造化之自然耶私智之強為耶

易有太極超乎八卦之外者也範有皇極立乎九疇之中者也言極則卦疇皆九去極則卦疇皆八會而通之比類而合之此通極之所以獨也與

一屈一伸命之流行而不已也本乎天也疇之
所以不測也有剛有柔性之一定而不移也本
乎地也卦之所以不易也知疇而不知卦可以
語命而不可以語性也知卦而不知疇可以語
性而不可以語命也通極乎性命之道而周知
非天下之至聖其孰能與于斯

撰索第二

陽生于元極于中絕于徂陰生于殺極于徂絕
于隆中半為純陽半後為陰始此九疇循環之

御龍子集

參兩通極卷之五

四

機也其言陽而不言陰者疇天道也一陽進退
而陰之倚伏隨之矣

陽始于震極于乾殺于巽盡于坤陰始于巽極
于坤殺于震盡于乾陽與陰互為貞勝者也舉
一端而二氣之往來見矣其言陽而復言陰者
卦地道也剛柔錯陳對舉而不可遺也

九疇去體而存用故應乎卦而為八于是有元
震也元離也元兌也元乾也元巽也元坎也元
艮也元坤也元統九卦卦不離次八以經之九

以緯之舉卦以從疇而不見其有餘

八卦增用以濟體故應乎疇而為九于是有徂
震也徂離也徂兌也徂乾也徂巽也徂坎也徂
艮也徂坤也次分八疇疇不移元九以經之八
以緯之舉疇以從卦而不見其不足

震始于中盡丑末巽始午中盡未末兌始卯中
盡辰末艮始酉中盡戌末二至二分之氣無或
爽也乾始巳初盡午中坤始亥初盡子中離始
寅初盡卯中坎始申初盡酉中四立之氣無或

御龍子集

參兩通極卷之五

五

差也是故九疇為一氣八氣為一歲始終過續
如環無端往來屈伸無間可息於穆之所以不
已與

元乾乾之始也徂乾乾之終也內含六卦乾之
化也中坤乾之育也不化不足以盡變不育不
足以盡神神變無方化育有常卦得疇而顯其
用乎坤與六子莫不皆然

乾一化而為巽再化為坎三化為艮五化為震
六化為離七化為兌皆從乾之氣以為用也而

不能有以變乎乾惟四化為坤則乘乾之中以有神卒將為坤以代乾也坤一化而為震再化為離三化為兌五化為巽六化為坎七化為艮皆從坤之氣以為用也而不能有以變乎坤惟四化為乾則乘坤之中以育精卒將為乾以代坤也是故一卦之中六化而一育化為雜氣育為正應

震之中有巽離之中有坎兌之中有艮乾之中有坤陽之所以育陰也亦陰之所以根陽也巽

御龍子集

參兩通極卷之五

六

之中有震坎之中有離艮之中有兌坤之中有乾陰之所以育陽也亦陽之所以根陰也陰陽互根此天地之道所以不貳而不息與

洪範次五曰建用皇極皇極者何曰中是已故云無偏無陂無反無側非天下之至中何有于是耶前乎中者有吉而無凶後乎中者多凶而少吉是故五行五事八政五紀無凶之可言也三德則過乎中矣故有剛克柔克之偏剛克柔克雖不言凶而凶之端倪肇矣至于稽疑則有

貞悔庶徵則有脩凶福極則有六凶

一為元元者始也故授之以五行五行萬化之始也二為息息長養也故授之以五事五事隨人以長亦人所當致養也三為進進自下以之上自卑以之尊也故授之以八政食貨所以進之君祀所以進之神司空司徒司寇賓師所以進之尊位也四為隆隆高大也故授之以五紀日月星辰極其高歲序曆數極其大也五為中故授之以皇極皇極天下之大中也六為殺殺者減也減則不中故授之以三德正直減于中和剛克柔克又減于正直也七為退陰陽相半陽當退而未能決也故授之以稽疑五卜二占所以決其未決也八為消陽消則氣亂故授之以庶徵休徵盡人以回天也咎徵隳人以干天也九為徂陽絕而純陰也故授之以福極陰純則靜正而固五福之所以生也陽絕則離散而乖六極之所以來也

元息進隆有吉而無凶殺退消徂有凶而無吉

御龍子集

參兩通極卷之五

七

震離兌乾多吉而少凶異坎艮坤多凶而少吉
元息進隆乘乎震離兌乾有吉而無凶乘乎異
坎艮坤有吉而有凶殺退消徂乘乎震離兌乾
少吉而多凶乘乎異坎艮坤無吉而多凶中乘
吉卦則吉乘凶卦則凶

元索第三

萌之候日南至五蚓結養麋角解拓水泉動桓
鴈北嚮闢鵲始巢佇雉維縮雞乳瘠征鳥厲疾
蓄水澤腹堅兆之候日北至鹿角解畏蜩始鳴

御龍子集

參南通極卷之五

八

留半夏生敵溫風至遊蟋蟀居壁鷹鷹始擊去
腐草為螢幸土潤溽暑恬大雨時行乘當一候
九乘一節三十六乘一至七十二乘一歲
五歲為比九比為序四序為連二連為運五運
為章九章為部四部為紀二紀為元元有十二
萬九千六百歲紀有六萬四千八百歲部有一
萬六千二百歲章有一千八百歲運有三百六
十歲連有一百八十歲序有四十有五歲
天地之數終于八而總于九故一元有二紀八

部七十二章三百六十運七百二十連二千八
百八十序二萬五千九百二十比一十二萬九
千六百歲曰歲曰比曰序曰連曰運曰章曰部
曰紀八者終而一元之數盡矣以元統八總之
為九

以一歲言之有二至八節七十二候三百六十
日七百二十晌二千八百八十段二萬五千九
百二十舍一十二萬九千六百度與一元之數
實相符合五度為舍九舍為段自子時中至
丑時為一段四

御龍子集

參南通極卷之五

九

段為晌自子中至午
中為一晌二晌為日五日為候九候
為節四節為至

以一運言之有二連八序七十二比三百六十
歲七百二十至二千八百八十節二萬五千九
百二十候一十二萬九千六百日與一元一歲
之數亦相符合

曜索第四

冬至日行所躔之次約六十六歲八月而退一
度二萬四千三百五十歲而退三百六十歲

四分度之一是一為一週五週而退一十二萬一千七百五十歲當一元之數虧七千八百五十歲若一月之朔虛元多七千八百五十歲若一月之氣盈三元積虛二萬三千五百五十歲當閏一週若月之三年一閏焉

方天之開乎中也日生于卯故畢鳥入之月生于酉故房兔入之卯之中房初度也故冬至之躔日起房初焉自時厥後約六十六歲八月而退一度至堯起甲辰歷一萬九千二十餘歲而御龍子集

參兩通極卷之五

十

冬至日躔乃在子中虛之六度矣

天地之道生物于元離盡物于徂艮元離寅之初也徂艮戌之末也至元坤而天氣沒徂坤而地體散中乾而天育氣中巽而地復鬼元坤亥之初也中乾亥之中也徂坤子之中也中巽丑之初也天沒于亥初歷七千二百歲而育氣又歷九千歲而天開是為子中地沒于子中歷七千二百歲而復鬼又歷九千歲而地開是為丑未故亥為天門丑為土府

坤靜也震動也匪靜則天不沒匪靜極則天不生故沒于元坤而育于中乾中乾靜極而動也匪動則地不散匪動極則地不生故散于元震而復于中巽中巽動極而靜也

天育鬼于中乾而不能即成其象者坤氣猶盛也坤氣猶盛則靜而不能動是故震一動而天象開矣地復鬼于中巽而不能即成其形者震氣猶盛也震氣猶盛則動而不能靜是故震一徂而地形成矣

御龍子集

參兩通極卷之五

上

天地之壽悠久而不窮故其生也亦從容而不迫人物之壽促故其生也亦速天胎于亥後而開于子中地胚于丑前而闢于丑末皆九千歲而後成也人物胚胎于寅初即生于寅初不越數歲而兩間之物皆備矣不待寅中而後生也以七十二乘配一元乘得一千八百歲位得三百六十歲自天開于中以及丑末歷一萬六千二百歲逾乘者九自人生寅初當燧之初奇歷二千八百二十餘歲為堯元年甲辰逾乘者一

逾位者二是為漑之三偶三百二年也

自人生于寅初未幾而有有巢氏教以巢居未幾而有燧人氏教以火化二氏未知其姓名年歲諒亦不逾數百年也嗣是而宓戲一百一十有五年神農一百二十年其子孫八代五百三十年黃帝一百一十年少昊八十四年顓頊七十八年帝嚳七十年帝摯五年遂為帝堯之甲辰是宓戲至堯一千一百餘年耳上及巢燧不過千五百年也有巢以前蠢動無知之民千有

御龍子集

卷兩通集卷之五

十三

五百年耳春秋緯所稱三百二十七萬四千餘歲經世書所推六萬四千八百歲皆不知而妄作也至若天皇十二頭地皇十一頭人皇九頭與夫五龍攝提諸紀大庭拓皇諸氏謬妄不經皆出臆說豈知天地終始之數者哉

人生之初蠢爾愚耳風氣日開則聰明日啓情實日多智巧術數日新月盛權變機橫出不窮天下以漸而多事必至午中而後極也午中以後風氣日閉然後人物日愚情實日窒至于

酉戌之末無復知能歸于蠢動而後已則天地于是乎毀而一元于是乎終矣

人生于寅初歷千有五百餘年而有有巢氏又二百餘年而有燧人氏燧人常燧之上少也庖羲氏亦當其時故德皆文明光昭于萬世庖羲九十三年而交漑乘之初奇未幾而神農氏興漑長養以乘澤也故神農開粒食以養萬民黃帝四十有八年交漑之三偶少昊顓頊帝嚳帝堯俱當其時故德澤洋溢于四海帝堯五十八

御龍子集

卷兩通集卷之五

十三

年交漑之四少舜禹皆際其盛故仁洽四海萬民胥悅帝不降四斗有一年交漑之上壯陽亢于上而悅乃在下也故有成湯之放商大戊五十八年交奔乘之初奇康辛六年交奔之二奇奔乾德在下而上進也初猶安其所居二則進而莫遏矣故有武王之伐周厲王十有九年交奔之三奇三則乾德衰矣奔走不寧厥居也故有東遷之事敬王二十年交奔之四老上替下陵之會也故有戰國之無君秦漢之爭奪漢武

元年交奔之上少故有莽操之逼篡昭烈元年
交馳乘之初偶馳異陰薄陽也初又以陰賊而
剿之故有魏晉南北之亂隋文帝元年交馳之
二奇陽迫于陰貞勝無常故有隋唐之勘定而
亦有隋唐之禍亂石晉高祖六年交馳之三奇
三陽德而正中也故有宋之休明然陰賊剝虐
之患終不能免故有金元之禍元成宗七年交
馳之四壯四壯陽所宜也陰來據之終非所有
故有我

御龍子集 參兩通極卷之五

太祖之驅逐迄今癸未歷二百八十餘年陽德
方亨無有極紀萬世之治安端在是矣
一元有三百六十運一運有三百六十年以年
擬運而吉凶消長無不同也

參兩通極卷之五

參兩通極卷之六

御龍子十六

消上范守已介儒著

寧夏侯廷鳳校

索辭下

韞索第五

萌震之元也養震之離也拓震之兌也桓震之
乾也闢震之巽也佇震之坎也縮震之艮也瘠
震之坤也蓄震之祖也一震為主而七卦從之
終始為震故雖有隆乾而非元乾之比兆巽之
元也畏巽之坎也留巽之艮也敵巽之坤也遊
御龍子集 參兩通極卷之六

巽之震也暈巽之離也去巽之兌也幸巽之乾
也怙巽之祖也一巽為主而七卦從之終始為
巽故雖有隆坤而非元坤之比以類推之而八
部之情可識矣
元震為萌元離為燧元兌為滋元乾為震元巽
為兆元坎為泉元艮為立元坤為凝是為八始
八卦得始而肇其用極之所以顯諸有也
祖震為蓄祖離為晦祖兌為潛祖乾為裂祖巽
為怙祖坎為沒祖艮為斃祖坤為夢是為八終

八卦得終而成其能極之所以藏諸無也

中巽為闢中坎為梁中艮為居中坤為包中震為迸中離為照中兌為歡中乾為轉是為八中陽部以中而值陰陰部以中而值陽極之所以通其變也

萌惕迅決迸妄霖危蓄震之九變也兆噓飄颺闢摧枯擇恬巽之九變也燧養旭暄照暈昇暮晦離之九變也泉畏拯盈梁佇滋圯沒坎之九變也滋既拓涸歡濡去乖潛兌之九變也立鬱

御龍子集

卷之六

二

留阜居戰縮阻覽艮之九變也霽毓奔桓轉聲翳依幸裂乾之九變也凝乳達敵包稼伏瘠窳坤之九變也疇左旋于外以象天體卦右轉于內以象二曜

同類潛通需時其達不利攸往何謂也曰天下類異而心殊類比而心合君子孳孳居德非以干祿也而上有元良万陋是慕焉明揚亦及而氣類為之相感矣是故非鸞之占良弼之夢先後為之同符也苟非時至而自達寧免干進之

辱哉

枯茅苞穀无咎何謂也曰心如穀種雖至耜亡者生生之幾不息也形存則心存心存則幾存一涵養之而美大之業從此出矣又何咎焉用建皇極乃統天十世永賴何謂也曰天道好生而惡殺先仁而後義君道尚德而緩刑體元以居正是故元也者在天為天心在君為皇極皇極之建天之所以弗得也聖人體仁以長人與天相似故不違豈惟十世利之而已哉

御龍子集

卷之六

三

洪範用中通極用元何謂也曰範以九九尚其體也極以八九存其用也體以九而建極故中為天下之大本用去九以錫極故元為天下之太用極之元即範之中也體用二乎哉是故堯如天舜好生皆所以體元也亦皆所以執中也包有契閑于金限无咎何謂也曰陰柔美而善漬者也羣陰在內匪金限其何能錮之晉惠唐玄可為世之永鑒矣四壯包之主也剛而能制其堅若金其无咎也不亦宜乎

龍奮于淵不雲而陟者貞艱何謂也曰時動時靜時伏時興天之道也天道无妄動故動而不括動而不括故日新而富有陳勝田廣之流妄動而不知止雖正亦危矣况未必正乎此夷戮之禍終不能免與

利有攸往无咎吝莫觀元夫何謂也曰小人之欲得上也必有以入其心而後有以行其志當兆之初陰柔得志之時也故無往而不相入小人之无咎也其利亦可羞矣元夫剛明非其所

御龍子集

卷南通極卷之六

四

能入也觀之自辱而已矣伯詒之遇伍員祿山之遇九齡所以幾于不免與
違衆獨立介于磐石爰築我壁有獲良壁何謂也曰衆止而我亦止所操猶夫衆也衆進而我亦進所競猶夫衆也衆進而我獨止是必有以真見其可止者在也真見其可止而止之不移吾之所獨得者多矣管寧陶潛以之揚雄昧是道矣

桓桓玄枵肇自困敦臨于攝提格大吉何謂也

曰天道左陽而右陰造化善始而惡終人道始勤而終怠是故行百里者銳二十銳以趨左左以趨善天道之所以日昌人道之所以日蹙也何吉如之

臨于敦牂中天徜徉亨利永貞何謂也曰日中則昃月盈則虧天之道也自古國家之禍曷嘗不自豐亨豫大基之乎唐玄宋徽足為明鑒此永貞之道所以不容已也與

用索第六

御龍子集

卷南通極卷之六

五

昔者渾闢之初頡頏洞無涯民生其間靡室靡家杯飲振食卉衣穴處蓋未知器用之為利也聖人生而仰觀頽察得之心而制之用于是乎備物盡利民得其便而不知故蓋有可得而言者矣

亥子及丑天地終而復始人物未生是故十有八乘之間無可則以制用者元離之初人物既生燧人氏取則于燧而鑽火以為煖是曰燧皇神禹取則于漑而制溝洫以變境土以厚稼穡

取則于梁以為橋梁以濟不通

上古聖人取則于居以為宮室以辟寒暑風雨

取則于稼以播五穀興地利以養萬民

後世取則于叔以興援師以卹患難取則于阜

以為臺榭以樂林丘取則于包以備妾媵以蕃

子姓取則于敵以作六師以龕定禍亂

上古聖人取則于泉以鑿井泉取則于照以為

陽燧取則于濡以為罍釣取則于立以為柱礎

取則于乳以置侏母取則于迅以為礲石取則

御龍子集

參兩通極卷六

六

于翳以為蓋笠

續索第七

通極之道其君子脩身之要行乎是故萌德之
基也養德之自也桓德之用也蓄德之藏也燧
德之著也既德之施也載德之守也伏德之固
也滋德之裕也居德之貞也包德之量也畏德
之修也恬德之安也泉德之本也決德之斷也
照德之明也立德之操也凝德之質也惕德之
辨也轉德之果也

萌以慎動養以主靜桓以徙義蓄以存神燧以
明體既以達用戢以固躬伏以遠害滋以對育
居以安止包以持美畏以存敬恬以定性泉以
敦化決以篤行照以燭幾立以振顏凝以釋躁
惕以抑志轉以從善

乾丙坤壬剛柔位矣離甲坎庚左右配矣震癸
巽丁兌乙艮辛陰陽類矣元祖消息終始倫矣
進退隆殺屈伸不匱矣一變而九九紀于八萬
物生成無不遂矣

御龍子集

參兩通極卷七

七

萌震而有逢兆謁而勿庸養樂畏戒拓達留窮
桓任下而有成敵抗上而相爭闢遊之義或入
或驚佇月滅其魂暈日虧其精縮以憊而去以
讒瘠多危而幸多亨蓄苞穀而无咎恬乘木而
不傾

燧遂泉通既利鬱困奔喜違怒颺感決奮梁有
後虞照將終吝戢羽无咎濡足有恨伏利丘園
之貞依得元夫之問危琬琰而不寧擇颺搖而
不任曰晦曰汲幽憂足信

滋有慶立有功毓日盛乳日豐飄風不雨迅雷
薄空盈利涉而暄利進歡无危而居有終稼勞
而嘏青霖休而枯窮暮各圯厲潛吉斃凶
齊元亨凝利貞噓雖雖惕惺惺拯號呼于元夫
旭明揚于王庭阜乃富有涸以驕矜包以居德
轉以赴功妄動有悔摧敗无終是貞而可吉滋
厲而多凶乖矣臨澤阻其陟峯裂者陽之窮寥
者陰之終

室索第八

御龍子集

參兩通極

六

八

後一六前二七左三八右四九中五十關朗以
為圖劉牧以為書要之為數之陰也積之五十
有五後右一六西右二七前左四九東左三八
厥中獨五關朗以為書劉牧以為圖要之為數
之陽也積之四十有五合圖與書其數盈百陰
陽之全數天地之道極也易之著用其半以役
八卦極之著用其全以兼九疇

老陽體一而用九老陰體四而用六少陽體三
而用七少陰體二而用八易之八卦以法天者

也用用而不用體也故老陽用九而老陰用六
也用變爻而不用本爻也故用老陽老陰而不
用少陽少陰也極之八卦以法地也先體而後
用也故老陽用一而老陰用四也用本位而不
用變位也故用少陽少陰而不用老陽老陰也
一為少之體而四為少之用二為中之體而五
為中之用三為老之體而六為老之用七者少
之衰也八者壯之窮也九者老之終也非體而
非用之極之九疇以法天者也用用而不用體

御龍子集

參兩通極

八

元

也故少用四而不用一壯用五而不用二老用
六而不用三

易著五十左右俱揲極著用百而揲其四分之
一者何也曰易之陰陽用九用六九以三四六
以三八其取數也多故其用著也全極之陰陽
用三用二以三為奇二以為耦其取數也少故
其用著也略易之用全也不越五十太極兼兩
儀也極之用略也幾于三十四象取一隅也四
時竝運而代王去聲者一時四象竝列而用事者

一象是故舉一隅而三隅之情寓其中矣
其疇著三分而六揲者何也曰一炁之運有二
序焉三序分而九疇之體立矣三序再而九疇
之用行矣是故六者所以行乎其三者也後三
之體前三之用也揲之所以用六也有由然哉
易言過揲以當菴而極不言者何也曰易以用
為用者也故不用過揲而用其餘過揲者其體
也餘其用也用其餘而存其體易之所以顯仁
也因其餘而知其體易之所以藏用也極之
御龍子集 卷之十一

通極卷之六終

璣譚卷之

御龍子十七

消上范守已介儒著

寧夏侯廷珮校
扶溝李時芳

璣譚第一

史云秦孝公合諸侯于逢澤漢書曰逢澤在
開封東北尉氏志乃謂逢澤在其縣北門外非
是按古開封縣在尉氏西苑陵東逢澤在其東
北當在尉氏西北數十里也

春秋時中牟為晉地故佛盼據之以叛其國
屬鄭不屬晉不應在中牟郭外然則今之中牟

御龍子集

卷之十一

一

非春秋之中牟矣以穆天子傳考之今中牟當
是邴邑井公所居之地也廣輿圖謂中牟為制
為廣武非是鄭莊公曰制嚴邑也號叔死焉杜
元凱釋為滎陽鄭邑也中牟非鄭地何得為制
廣武在滎澤河陰間去牟尤遠

左傳隱公五年四月衛人以燕師代鄭燕人畏
鄭二年而不虞制人六月鄭二公子以制人敗
燕師于北制註曰北制鄭邑今河南成皋縣宣
公十年諸侯遷于制田註曰苑陵縣東有制城

是為南制

洧水出密縣馬嶺山東流受溱水又東過新鄭受黃水南至于長葛北至于洧川東南至鄢陵東至于扶溝與鄭水合南至于西華與潁水合東南至于潁上與淮水合自密至西華其水春夏可褰裳涉也三月水增謂之桃花水夏秋淫潦暴集潰嚙不常居人謂之小黃河以其岸善崩故也或謂鄭水為小黃河誤謂為賈魯河亦誤

御龍子集

渠碑卷之一

二

漢書河南郡有京有密註云故國有大騾山潁水所出南至臨潁入潁潁川郡有陽城註云陽城山洧水所出東南至長平入潁過郡三行五百里陽乾音干山潁水所出東至下蔡入淮過郡三行千五百里案陽城今登封縣潁水所出是矣當時自有密縣豈割洧源之地屬之登封邪河南郡有滎陽註云汴水逢池皆在西南有狼音浪湯渠首受汴東南至陳入潁過郡四行七百八十里陳留郡有浚儀註云有睢水首受

御龍子集

渠碑卷之一

三

湯水東至取慮入泗過郡四行千三百六十里陳留郡有陳留註云魯渠水首受狼湯渠東至陽夏入渦渠有封丘註云濮渠水首受汴東北至都關入羊里水過郡三行六百三十里淮陽國有扶溝註云渦水首受狼湯渠東至向入淮案汴即濟水所謂濟水入河南洑為滎者也卽汴水汴水即狼湯渠亦作葭蕩唐宋以前其水自滎澤竝河而東經中牟浚儀至彭城與泗水合至泗州入淮蓋當時河自大伾東北入海故汴得專流若是長也其後大河南徙奪汴泗之道以入于淮則汴渠遂沒于河不復專流南下矣所可見者唯滎水北流不數十里入河耳故至今徐州志猶以大河為汴河據此則曰汴曰滎曰狼湯曰汴皆相流貫也第所謂狼湯渠至陳入潁睢水受狼湯至取慮入泗魯渠受狼湯至陽夏入渦濮渠受汴至都關入羊里水渦水受狼湯至向入淮者又何支離若是也豈其正流合睢水入泗其支流又各不同邪今

基莫可考據

漢書云滎陽下引河東南為鴻溝以通宋鄭陳蔡曹衛與濟汝淮泗會于楚是鴻溝在狼湯渠北滎河東南下與濟泗合流南入于淮者也其支派與宋鄭陳蔡諸水皆相流通厥後河徙不常故流遂絕正統間河自中牟南行由開封西南經通許睢陳東流入淮由是汴南諸水之故跡俱沒于河已而河復北徙止遺河形瀾漫而已古跡茫然莫可復辨今西華猶稱古鴻溝

御龍子集

瑛譚卷之一

四

莊子徐無鬼篇黃帝將見大隗乎具茨之山方明為御昌寓驂乘張若謂朋前馬昆闌滑稽後車至于襄城之野七聖皆迷適遇牧馬童子問塗焉朱得之通義以為擬為地名人名耳按水經註黃帝登具茨山升于洪隄受神芝圖于黃蓋童子則莊子之言不為無據云其山今在禹州北四十里州志云山下有軒轅避暑洞密縣志稱為大隗山其北有大隗鎮襄城在禹州南八十里七聖皆迷之所也後人稱襄鄧襄樊皆

此若南郡之襄陽以襄水名陳留之襄邑以襄陵名今睢州與此不同

商丘古亳地湯所居也寧陵古葛國去亳不五十里故有耕餉之事今之亳州乃漢之薄縣地又古譙國臣瓚以為湯都誤矣伊尹耕莘在今陳留野去亳甚邇鳴條亦在陳留間後人謂亳為東亳偃師為西亳與商丘為三亳不知所據漆洧二水合流而東居人謂之雙洧河然古人唯稱漆洧子產以乘輿濟人于漆洧是也或稱

御龍子集

瑛譚卷之一

五

洧淵龍鬬于鄭時門外洧淵鄭之富人有溺洧淵者人得其死其子求之不得問于鄧析是也三事皆鄭事皆指二水既合處言之若毛詩所謂漆與洧方渙渙兮則指未合處而言曲洧舊聞云密縣超化寺乃畿西山水勝處詩所謂洧訌且樂者以此曰管曰芍藥皆山中物故士女以之相贈者自鄭以東兩岸皆砂礫之區惡有所謂管所謂芍藥

漢書尉氏縣應劭曰古獄官曰尉氏鄭之別獄

也文獻通考云鄭大夫尉氏之邑案左傳襄公十年子駟與尉止有爭將禦諸侯之師而黜其車尉止獲又與之爭子駟為田洫司氏堵氏侯氏子師子皆喪田焉故五族聚不逞之人因公子之徒以作亂於是子駟當國子國為司馬子耳為司空子孔為司徒冬十月戊辰尉止司臣侯晉堵女父子師僕帥賊以入殺子駟子國子耳劫鄭伯以如北宮子產攻盜于北宮殺尉止子師僕盜衆盡死侯晉奔晉堵女父司臣尉翩

御龍子集

樂譚卷之一

六

司齊奔宋十五年鄭尉氏司氏之亂其餘盜在宋鄭人以子西伯有子產之故納賂于宋據此則尉氏乃鄭大夫尉止之故居也豈其掌獄而因以為氏乎

漢書陳留郡有偽應劭曰鄭伯克段于鄆是也潁川郡有偽陵莽曰左亭李奇曰六國為安陵則晉楚戰于鄆陵是也東漢魏晉俱因之不知何者為今鄆陵縣至于苑陵莽亦曰左亭豈鄆陵與苑陵接壤王莽俱廢之以其地置左亭縣

邪大氏陽翟以東新鄭以南其地平曠無名山惟多岡陵橫亘曲屈不下三二十許故左傳所謂陽陵大陵魚陵鄆陵六國所謂安陵馬陵皆在其地第今不能悉其所在耳唯安陵為尉氏地漢為富平縣者是

左傳襄公十八年楚師伐鄭次于魚陵右師城上棘遂涉潁次旃然焉子嗎公于格率銳師侵費滑胥靡獻于雍梁右回梅山侵鄭東北至于蟲牢而反子庚門于純門信于城下而還涉于

御龍子集

樂譚卷之一

七

魚齒之下註云魚陵魚齒山也在南陽旃然水出滎陽成臯縣東入汴胥靡獻于雍梁皆鄭邑河南陽翟縣東北有雍氏城梅山在滎陽密縣東北魚齒山之下有澧水故言涉案上文言子庚帥師治兵于汾註云襄城縣東北有汾丘城茲乃謂魚陵為魚齒山在南陽豈子庚治兵于襄城及欲伐鄭乃南還走南陽邪然則魚陵之不為魚齒山明甚况下文又言魚齒山何故于此言魚陵邪至于梅山若在密縣東北則是新

鄭西北矣左氏何以云右回梅山侵鄭東北也
元凱之癖多此類

開封六國時魏邑名惠王都大梁在開封東秦
屬三川郡西漢置開封縣屬河南郡漢書註云
逢池在縣東北又有浚儀縣屬陳留郡註云惠
王自安邑徙此所謂大梁也東漢因之開封屬
河南尹浚儀屬陳留郡晉開封屬滎陽郡浚儀
屬陳留國東魏置開封郡屬梁州北齊廢開封
郡併入陳留郡後周改梁州為汴州隋廢陳留

御龍子集

璩譚卷之一

八

郡煬帝初廢汴州唐復置汴州後改為陳留郡
浚儀開封二縣屬之五代梁以為東都升開封
為府後唐為汴州罷東都後晉復為開封府號
東京宋因之郭內分開封祥符二縣罷浚儀金
以為南京案此則古開封縣在今城西中牟之
南尉氏之西矣非今之祥符地也

睢州春秋時承筐地宋襄公葬于此因曰襄陵
秦併天下置襄邑縣屬碭郡兩漢晉宋北魏俱
因之改屬不常北齊併入雍丘縣隋復置之宋

御龍子集

璩譚卷之一

九

崇寧間置拱州以襄邑為附郭縣金改為睢州
洪武初省襄邑縣或謂即襄牛非也首止大棘
曲棘鄆邳小黃滑亭俱在其地漢時置服官主
織冕服故後人名其池曰濯錦池古語云遊睢
渙者工藻績之妍以此睢渙二水名睢水在城
北六里首受荥蕩渠東至取慮入泗渙水不可
考城北六十里有巴河疑即渙也今皆湮塞
考城古戴國春秋時鄭取之為穀城秦置菑縣
東漢始名考城以周封伯邑考之後于亳北故

名其地有葵丘齊桓會諸侯處鄉有蒙澤莊周
故里有外黃有武安城也
柘城古朱襄氏之邑春秋為陳株野毛詩所謂
株林是已漢置柘縣以有柘溝故名

永城春秋時名犬丘亦為芒縣地西漢置犬丘
芒二縣東漢改芒為臨睢改犬丘為太丘晉併
入鄆縣鄆音嵯非南陽之鄆也南陽地音贊隋
置永城縣金為永州碭山在城北八十里漢高
祖所隱處也山下有石洞曰夫子岩相傳夫十

避雨于此今肖像事之城西北三十里有太丘城陳仲弓為令地也其鄉有邵平陳平墓疑假禹州古夏地大禹初封于此徐廣云夏居河南初在陽城後居陽翟是也受禪後都安邑啓卽鈞臺以享諸侯春秋時屬鄭曰櫟邑周襄王取櫟陽翟為畿內地韓景侯徙都陽翟歷烈文三侯垂三十年為秦所滅遂置潁川郡項羽封韓王成于此漢高帝亦封韓王信于此尋徙之復為潁川郡晉遷潁川郡于許昌罷故郡為陽翟

御龍子集

珠璣卷之一

十一

縣屬河南郡東晉置陽翟郡東魏因之隋開皇罷郡以陽翟縣屬嵩州大業間改屬襄城郡唐後改屬不常劉豫置潁順軍金大定間置順州尋改為鈞州萬曆二年改為禹州其地有禹山荆山具茨山九山翟山空同山有潁水

韓退之南陽人古今人物志略遂收退之于南陽府不知南陽屬河內今脩武縣左傳僖公四年晉文公圍南陽史記白起攻韓南陽太行道絕豈今南陽府邪修武故名南陽秦始皇更今

名今有文公祠山東濟寧之南亦有南陽則魯欲使慎子伐齊以取者也

河南洛陽漢二縣名東西相距四十里案文獻通考河南古郊鄆地知鄆是為王城洛陽占成周地是為下都蓋武王克商定鼎于郊鄆至成王卜澗水東澧水西而宅洛邑王城是也又于澧水東卜之亦吉遷殷頑民居之則下都是也平王東遷居王城王敬王與子朝爭立出奔晉定公使魏舒率諸侯之大夫會于狄泉城成周

御龍子集

珠璣卷之一

十一

居王時子朝在王城故甚弘云西王天棄之東王必大克蓋以成周在王城東故也成周本王城下都之總號至是以下都為成周別于王城云成周有狄泉在城中有殷王冢東北有芒山王城西有穀城至孝王封其弟于河南以續周公之職是為桓公其孫惠公封少子于鞏號東周君至是又以成周為西周矣王赧立又徙都王城是為東西二周秦滅二周置三川郡漢置河南郡乃以成周為洛陽縣附郡王城為河南

縣在郡西東漢置河南尹屬司隸魏晉改為司
州後魏亦為河南尹北齊為洛州隋後改為不
常二縣俱自若也宋為西京二縣俱附郭金省
河南縣至今因之其地東有成皋虎牢之險西
有函谷關南阻伊闕嵩少諸山北帶大河其間
沃壤三百餘里伊洛諸水紫帶周回真帝王之
都會也惜其規模為少隘耳

嵩高山在偃師縣東南登封境內縣延周二百
里其山之最高者曰太室少室東西對峙相距

御龍子集

環譚卷之一

上

殆二十里太室二十四峯少室三十六峯皆直
立挿雲表而少室峯尤秀如玉笋排空然少室
後有寺曰少林魏孝文帝為跋陀師建也寺東
北八里曰嵩嶺口在五乳峯東其北即轅轅道
一十二曲古稱最險處唐高宗欲幸少林乃發
徒鑿其嶺可通輦騎云寺負五乳峯面少室若
玉屏梵宮後有講堂堂後左有立雪亭惠可侍
達磨處西北山上有達磨菴九年面壁處菴後
室中有達磨影石高二尺許其影宛然乃面壁

時精神所貫也後有達磨洞寺中有唐太宗為
秦王時賜寺僧教鐫之豐碑其辭云王世充叨
竊非據敢違天常法師等竝能深悟幾變早識
妙因擒彼兇孽廓茲淨土聞以欣尚不可思議
今東都危急旦夕殄除竝宜勉終茂功以垂令
範蓋是時寺僧立功者十有三人曇宗拜大將
軍餘不受官賜地四十頃故云云至今寺僧以
技擊聞其由來久矣俗傳錦那羅變形禦寇事
或因此附會之爾嘉靖末寺僧月空者受檄禦

御龍子集

環譚卷之一

上

倭于松江其徒三十餘人自為部伍持鐵棒擊
殺倭奴甚衆卒以智屈被殲亦可為永戒云太
室黃蓋峯下有嶽神祠祠後有盧巖二寺蓋唐
盧鴻隱處有廢嵩陽觀觀內三古柏大者圍三
丈許漢武帝封為大將軍次為次將軍輪囷怪
甚其末有崇福宮亦廢稍東有啓母石塗山氏
所化也說見淮南子子嘗西走秦雍東過徐兗
南遊吳會北至燕趙所見名山亦多未有若斯
之秀者

空同山在汝禹二州境上有大仙觀盤旋以上懸崖有瀑布水飛下石澗淙淙振林木崖巔有石洞中有白犬常遊洞外因號其冢為玉狗峯上有廣成子廟及空同觀下有廣成墓及城卽黃帝問道處平涼臨洮各有空同山各云廣成子隱地第莊子言黃帝問道空同遂言見大隗迷于襄城之野其為此山無疑

孟津縣有夷齊扣馬處其旁有山因名曰首陽案馬融曰首陽山在蒲坂華山之北河曲之中

御龍子集

璣譚卷之一

古一

史記又曰趙盾田首山息桑下似不在于孟津也隴西烏鼠山東北亦有首陽山

函谷關故在弘農縣今陝州漢楊僕有功于漢恥為關外人上書自以己財移關于新安從之故弘農為秦關新安為漢關

閔鄉古鼎湖地黃帝採首山之銅鑄鼎荆山之陽鼎成有龍下迎乘之而去因名其地曰鼎湖按禹貢道汧及岐至于荆山逾于河壺口雷首至于太嶽則荆山鼎湖之地固自不相遠也

衛水出共之百泉東北至直沽與潞水合其源距河不五十里沁水自山西經懷孟至武陟入河其委距衛源不百里沁有故道由修武新鄉入于衛水可為

國家通漕之一助

御龍子集

璣譚卷之一

生

璣譚卷之一

吳譚卷之二

御龍子十八

消上范守已介儒著

寧夏侯廷珩校
扶溝李時芳校

吳譚第二

漢書吳縣云南江在南東入海揚州川毗陵云江在北東入海揚州川蕪湖云中江出西南東至陽羨入海揚州川是孟堅所謂三江也今案南江卽婁江在崑山縣南中江卽宜興之西九水與溧陽高淳當塗衆相流通者今築東瀾絕之使不東下矣北江卽揚子江禹貢云三江既

御龍子集

吳譚卷之二

一

入震澤底定意或指此蓋震澤所包者廣凡揚州之湖陂俱是不獨言太湖也今人專以太湖為震澤而謂吳淞為南江婁為中江白茆為北江誤矣

後漢書云震澤在吳縣西後名具區澤案周官職方氏揚州數曰具區川曰三江澤曰五湖則澤自澤湖自湖明甚爾雅云吳越之間有具區郭璞曰吳縣南太湖也是以太湖為具區矣豈震澤卽太湖邪若爾則揚州之數卽揚州之澤

矣多草木曰藪多水曰澤合而一之可乎

志青浦者言青浦故由拳縣陷為湖今泖水澄時隱隱下見城郭案左傳越敗吳于檣李杜預註曰由拳縣南有檣李城于寶搜神記曰秦始皇東巡望氣者云五百年後江東有天子氣始皇至今因徙十萬人掘汙其地表以惡名故改之曰由拳縣漢計偕簿云海鹽縣之故治順帝時陷而為湖今謂為當湖大旱湖竭城郭之處可識則陷者海鹽非由拳也由拳之地蓋為始

御龍子集

吳譚卷之二

二

皇所汙爾

郭璞曰太湖中有句山山下有洞庭穴潛行水底無所不通今謂之包山又謂洞庭山誤矣越絕書曰太湖周三萬六千頃又有大雷山小雷山周處風土記遂謂為雷澤舜所漁處大誤郭璞曰陽羨縣有張公山洞密有二堂今宜興東南有張公洞予與韓克一曾入其中信為瓌奇然不知孰為二堂也縣西北又有善卷洞者上下二重若堂室然豈璞以善卷為張公邪

越絕書曰毘陵縣南城在荒地上湖中冢者季子冢也名延陵皇覽曰暨陽鄉今案季子冢在江陰縣西南不知漢時毘陵城在今何地去其冢當不遠今謂武進為毘陵誤

吳越之地秦置會稽郡治吳縣領縣二十六北至曲阿丹徒南至富春東至鄞句章西至陽羨烏程西漢因之項羽殺會稽太守殷通在今吳縣後漢順帝時移會稽郡于山陰以其地置吳郡割富春餘杭以北十三縣屬之丹陽郡漢初

御龍斗集

卷之二

五

為故鄣郡治故鄣縣在安吉州北武帝更名丹陽移治宛陵領縣十七東至句容南至黟於潛西至蕪湖北至江乘內有丹陽縣不知今何地晉改為丹楊以城西有山多赤柳故當不在句容東也唐置丹陽縣于丹徒東不知何據考之乃古曲阿縣地孫吳割會稽丹陽地置吳興郡治烏程其臨安餘杭武康於潛故鄣安吉皆屬之與吳郡丹陽謂之三吳

丹陽郡舊有石城縣漢書云縣有分江水首受

江東至餘姚入海過郡二行千二百里是漢時江水曾分流東南入海也未知何代湮塞爾其縣不知在今何地案晉史建鄴秣陵江乘屬丹陽郡石城屬宣城郡則非今石頭城可知今謂石頭城為石城誤

故鄣郡漢初所置高帝封吳王濞王會稽豫章故鄣三郡是也武帝元封二年改故鄣為丹陽漢書原無秦置字范曄後漢書文云秦鄣郡武帝改名蓋見鄣郡上有故字遂謂非漢郡不知

御龍斗集

卷之二

四

故鄣自是縣名漢高以之立郡故鄣縣在今安吉州境內古鄣地也非謂故時之鄣縣晉書承訛遂大書云秦始皇并天下置鄣郡大誤案秦分天下為三十六郡無所謂鄣郡者劉敞謂故鄣非郡名亦未是

陳沂金陵圖考云秦并天下以金陵地屬鄣郡改楚金陵邑為秣陵縣及東遊會稽過吳從江乘浦渡置江乘縣皆統于鄣郡郡不詳治所志云在石頭城地史載吳興郡西金陵本吳興西

境也案孫皓割會稽丹陽地置吳興郡治烏程領十縣西北至于潛故鄣安吉而止距金陵不啻四百里謂金陵為吳興西境可乎史謂吳興郡西正指故鄣縣非石頭城也

文獻通考云吳主孫權初鎮丹徒謂之京城後都于秣陵改為建業金陵圖考亦云建安十三年孫權領丹陽郡自宛陵還治秣陵改秣陵為建業郡在淮水南案吳志建安五年曹公表權為討虜將軍會稽太守也吳九年權弟丹陽太

御龍子集

環譚卷之五

五

守翊為左右所害以從兄瑜代翊十四年劉備表權行車騎將軍領徐州牧十六年權徙治秣陵明年石頭城改秣陵為建業是權未嘗領丹陽郡亦未嘗鎮丹徒也徙治秣陵為建安十七年事

宋濂遊鍾山記云歲辛丑二月癸卯晨出東門過半山報寧寺舒王故宅謝公墩隱起其後西對培塿小丘蓋舒王病濕鑿渠通城河處南則陸靜修茱萸園齊文惠太子博望苑案辛丑

歲太祖時為吳國公都城尚未改作曰東門今大中橋西也所謂半山在今朝陽門外無疑介甫曾有詩云我名公字偶相同我屋公墩在眼中公去我來墩屬我不應墩姓尚隨公則舒王宅謝公墩同在城外亦可知矣景濂之言似亦有據今志以永慶寺西山為謝公墩乃在城中人多以為誤案世說新語謝公與王逸少同登冶城山蕭然有出世之想則公所登者正永慶寺西山也李白詩云冶城訪遺跡猶有謝公

御龍子集

環譚卷之六

六

墩此為近是別無謝墩可考豈介甫誤以冶城為半山景濂因襲不之察邪介甫又有問樵樵不知問牧牧不言之句則介甫亦自疑矣古樂府有青溪小姑曲青溪金陵水名不知小姑為何許人案楊炯少室山少姨廟碑云蔣侯三妹青溪之軌跡可尋虞帝二妃湘水之波瀾未歇則小姑之為蔣妹可知矣又案蔣侯漢末為秣陵尉吳赤烏四年始鑿青溪則蔣侯時未有青溪也

雞鳴寺有金棺一具長五寸許白金槩稱之僧云太祖以施誌公者示改喪也予發其襲眎之槩下識云洪武戊辰歲造二百二十三號傍有金工姓名予忘矣是當時所鍛者不止一具似不專為誌公施也竟不知何意

世傳王荊公欲闢後湖地為田苦無決水處有為計者曰傍鑿一湖以瀦之乃得荊公一笑而止案金陵景定志云熙寧八年十一月王安石奏臣竊見金陵山廣地窄人煙湊茂為富者田御龍子集 一 環譚卷之二 七

連阡陌為貧者無置錫之地其北關外有湖二百餘頃古跡號為玄武前代以為遊翫之地今則空貯波濤守之無用臣欲于內權開十字河源泄去餘水決瀝微波使貧困饑人盡得螺蚌魚蝦之饒此目前之利水退之後分濟貧民假以官牛官種又明年之計也奉勅依行按此奏狀廢湖為田蓋始于王安石增收後湖田租則始于趙善湘田出穀麥所利者小湖關形勢所利者大故著廢湖之因以待復湖之人云元

引之如此則荊公之說蓋不徒謬之口舌而已宜興縣有東九水西九水居人不識其義加水為汎郡縣志水利考諸書俱作汎字案汎音軌側出泉也豈得音九史記地理志云北江從會稽毘陵縣北東入海中江從丹陽蕪湖縣東北至會稽陽羨縣東入海南江從會稽吳縣南東入海水經及荊州記云江出岷山至潯陽分為九道東會于彭澤經蕪湖名中江東北至南徐州為北江金陵志云中江舊經溧陽州界今永

御龍子集

一 環譚卷之二

八

陽江亦名九陽江在州西北三十五里即其遺跡前漢地理志桑欽水經皆云出蕪湖縣西南東北至陽羨入海開元間蔣日用作宜興城隍記云此縣南壓中江風波不借云云景福三年楊竹密將臺濠作五堰施輕舸饋糧其遺跡在溧陽界銀林雙河東壩之地蘇東坡奏議云溧陽縣之西有五堰所以節宣九陽江之衆水直趨太平州蕪湖後之商人販賣簾木東入二浙以五堰為阻因給官中廢去五堰旣廢則宣歙

金陵九陽江之水或遇暴漲皆入宜興之荆溪而入震澤矣時元祐六年也是時中江尚通其後東壩既成中江遂不復東惟九陽江水入荆溪耳據此則東九西九正所謂九陽江也可得為汎乎

秦淮舊云秦時望氣者言五百年後金陵有天子氣始皇於是東遊以厭之乃鑿方山斷長蘆為瀆入江故曰秦淮秦桑欽水經言淮水出陵陽縣東南北入大江實錄注亦云本名龍藏浦御龍子集 秦碑卷之二 九

有二源一出華山經句容西南流一出東廬山經溧水西北流至江寧方山埭而合西注大江則非始皇所鑿明甚故昔人多云淮水不云秦淮祥符江寧圖經云淮水去縣一里山謙之丹陽記云建康有淮源出華山輿地志云淮水發源華山在丹陽之界徐爰釋問云淮水西北貫都吳時夾淮立柵宋元嘉中浚淮起湖熟廢田千餘頃是也惟孫盛晉春秋云是秦所鑿不知何據或曰方山西瀆三十餘里秦鑿也

金陵圖考云孫吳都城在淮水北五里據覆舟山下周迴二十里十九步今據覆舟山南距淮水僅五里耳案方圓圍徑法周二十里十九步方五里有餘也豈當時都城北負覆舟山南臨淮水邪又何以云在淮水北五里也又云都城之正門曰宣陽又南五里至淮水有大航門豈古時里數狹小邪抑淮水遷徙無常邪

江乘地記云石頭城山嶺嶂千里相重若一游歷者以為吳之石城猶楚之九疑山上城御龍子集 秦碑卷之二 十

因以為名建安間孫權修理改為石頭城用貯軍糧器械案今石頭城山不二里許所謂千里相重者豈以沿江諸山盡名石頭城邪

金陵志考證曰秦宮室記吳遷都建業有曰太初宮者即長沙王故府有曰臺城蓋宮府之所寓也有曰東府蓋丞相之所居也有曰西州蓋諸王之所宅也有曰倉城蓋儲蓄之所在也皆不出都城之內案臺城在宮後即吳之苑城宋元嘉二年臺城東西開萬春千秋二門侯景

攻臺城燒太司馬門大司馬門官府前門也

臺城與府宮為一可知又案宋書徐羨之住西州高祖嘗思之即步出西掖門往見焉則西州似在都城內又案晉書謝安鎮新城欲須經理大定自江道還東雅志未就遂遇疾篤上疏乞返旆詔許還都聞當入西州門自以本志不遂慨焉自失及薨後有所知羊曇者輟樂彌年誓不由西州路嘗因石頭大醉不覺至門左右曰此西州門曇悲感不已因慟哭而去則西州門御龍子集

珠譚卷之二

土

又似都城西門也又案晉安帝義熙十年冬城東府在青溪東南臨淮水去臺城四里則東府不在都城內矣輿地志云石頭城環七里一百步緣大江南抵秦淮口去臺城九里若爾則石頭城在都城西別為一城矣何周札開門迎王敦入石頭城而都城遂不復守也使當時嚴守都城則敦雖據石頭亦未必旬日能陷都城何至使敦軍劫掠外官省奔散惟有侍中二人侍帝邪豈石頭

城即都城之門戶別無城隍可守邪則所謂西陽等門者又何門哉丹陽記云石頭城東有巨石狎呼為塘岡乃王敦害周顗戴淵處惜乎顗淵輩不知城守計而送死于都城之西也

燕譚第三

輟耕錄云元初有望氣者言其地某山有天子氣金主謂元主曰請以某山歸我元主許之金乃發卒十餘萬一夕鑿其山輦致于燕置于北郭外及元得燕京改築城郭其山遂在大內後

御龍子集

珠譚卷之二

土

于山上建蓬萊仁智諸殿為遊觀之所據此則今禁中萬歲山是也在金為郭外地則金之城邑當在今都城南矣乃北安門內有蕭太后樓考其地又在山西北豈遼之都邑在金城北邪不知置山石時有此樓否有則不應棄于野外若先無而後構則非遼氏故物矣曰蕭太后樓妄也

上谷郡圖經曰黃金臺在易水東南十八里昭王置千金其上以延天下士梁任昉曰臺在幽

州燕王故城中土人呼為賢士臺亦為招賢臺
案史記昭王為隗改築宮師事之新序亦言築
宮不云築臺至後漢孔融始言昭王築臺以延
隗不知何據然亦不言金臺也酈道元水經注
云固安縣有黃金臺言金言臺不言在燕王城
中今都城東南十有六里有黃金臺後人偽為
爾

都穆遊西山記曰甕山之陽有元耶律楚材墓
其西數百步有玉泉山金章宗嘗建行宮今廢
御龍子集 環譚卷之二 三

山北麓鑿石為螭頭出泉潄為池所謂玉泉東
流入湖經大內注都城東南入大通河案金史
宛平縣有玉泉山行宮玉泉之名其來久矣
李西涯云西湖方十餘里有山趾其涯曰甕山
其寺曰圓覺又三里為功德寺其南路盡乃有
玉泉散為溪池池上有亭 宣廟巡幸駐蹕處
又一里為華嚴寺又二十里為香山樓宇臺殿
與石高下其絕頂勝甕山其泉勝玉泉案金李
晏有碑云西山蒼蒼上干雲霄重岡疊翠來朝

皇闕中有古道場曰香山上有一大石狀如
爐蝦蟆有泉自山腹下注溪谷亦號小清涼是
香山之勝亦非一日矣

蘆溝或謂為蘆溝即蘆龍之水案水經注濕水
東逕下洛縣故城南又東左得于延水又東過
涿鹿縣北南至馬陘山謂之落馬河又南入山
瀑布飛梁縣河注壑瀾湍十丈許謂之落馬洪
自南出山謂之清泉河又東南逕良鄉縣之北
界歷梁山南高梁水出焉又東過廣陽薊縣南
御龍子集 環譚卷之二 四

又東與洗馬溝水合又東南高梁之水注焉又
東至漁陽雍奴縣入于苟溝魏氏土地記曰清
泉河上承桑乾河東流與潞河合考之水經濕
水與桑乾異源同流又會如渾水合為一河逾
山而東別名清泉河是蘆溝之本名也其稱蘆
溝者以至宛平縣境內從葫蘆溝東南入潞故
爾

水經注云西湖有二源俱出薊縣西北平地道
泉流結西湖東西二里南北三里蓋燕之舊池

也淶水澄澹川亭遠望亦為遊矚之勝所也湖水東流為洗馬溝側城南東門注昔鮑期啓戰處也其水又東入濕水是今之西湖蓋自古遊眺之所勝跡甲于薊北矣

昌平志云高粱河自并州黃河之別源東逕州治沙澗入東南逕高粱店入都城海子元馬祖常詩云天下名山護此邦水經曾見註高粱一觴清淺出昌邑幾折縈迴朝帝鄉案水經注高粱水出薊城西北平地泉東注逕燕王陵北又御龍子集

璣譚卷之二

主

東逕薊城北又東南流入濕水魏氏土地記曰薊東一十里有高粱之水是高梁水不出并州也况可云黃河之別源乎詩韓奕云溥彼韓城燕師所完王錫韓侯其追其貊奄受北國朱傳謂為陝西韓城縣水經注云聖水東過良鄉縣南又東過長鄉縣北又東逕長興城南又東逕方城縣故城又東南逕韓城東詩所謂溥彼韓城者也王肅曰今涿郡方城縣有韓城世謂寒號非也觀此則非陝西之

韓城矣水經注又云濕水逕良鄉縣之北界歷梁山南高粱水出焉是涿郡亦有梁山也詩所謂奕奕梁山正止此言之矣不然馮翊去燕二千餘里燕師曷得遠離鄉土築城于彼耶必不爾耳

世言易州有涑水余每過保定北不知何為涑水及查水經言巨馬水出代郡廣昌縣涑山注云卽涑水也東逕迺縣又東南逕容城縣北督亢溝水注之督亢溝受涑水出涑谷東南逕迺

御龍子集

璣譚卷之二

末

北又東逕涿縣樓桑里南又東逕督亢澤苞方城縣謂之督亢水又南謂之白溝水南逕廣陽亭西又南入于巨馬水則今之白溝河其涑水之枝流也涑水正流自涑谷西南出漸微不復成川至迺縣北重源再發結為長潭謂之渠水亦名巨馬水又東南逕范陽縣故城北易水注之易水出涿郡故安縣西山寬中谷歷武夫關東出是兼武水之稱故燕之下都擅名武陽矣又東逕故安城南謂之故安河又東過范陽縣

故城東與濡水合亂流入涑自是易水與諸水互攝通稱東逕容城縣故城北渾濤東注至平舒縣與代之易水合代之易水出代郡廣昌縣東南郎山東逕西故安城又東南過武遂縣南新城縣北又東范陽陂水入之范陽陂南通梁門淀東南流注易謂之范水易水自下有范水通目又東逕范陽縣故城南又東逕容城縣故城南王莽更名深澤矣又東逕渾渥城南東合涑水自下涑易通稱矣又東逕易縣南太子丹御龍子集

璣譚卷之二

七

祖荆軻處又東至文安縣與胥池合是謂之南易至平舒縣與北易合東過東州縣東南入于海是涑水與二易水異源同委通名互稱矣今之流離河疑卽北易而南易在新城縣北下經深澤文安疑今之胡梁河也

璣譚卷之二

璣譚卷之三

御龍子十九

有上范守已介儒著

寧夏侯廷

雍譚第四

漢書云文王作豐顓師古註曰今長安西北界靈臺鄉豐水上是而杜元凱註左氏則曰豐在始平鄠縣東是在長安西南矣未知孰是命按大雅云既伐于崇作邑于豐又曰豐水東注維禹之績又案豐水出終南山東流過鄠縣與銅水合北流入渭鄠古崇國也則豐在鄠縣可知

御龍子集

璣譚卷之三

一

若在長安西北則豐水正北流不可云東注矣漢書云武王治鎬師古曰今昆明池北鄠陂是說文曰鎬在上林苑中鎬與鄠同皇甫謐帝王世紀曰武王自鄠居鎬諸侯宗之是爲宗周今澧水之東長安之南三十里去鄠二十五里鎬池卽其故都鄠道元水經注曰自漢武穿昆明池鎬京基構淪陷今無可究是鎬在豐東無疑小雅云玁狁匪茹整居焦獲侵鎬及方至于涇陽正指鎬京而言蓋鎬與涇陽相距不遠焦獲

亦在涇陽境內涇陽在漢爲池陽地漢書池陽下註云爾雅十藪周有焦獲郭璞曰將輒中是也則焦獲在涇陽可知方則或非朔方耳劉向以鎬爲千里之鎬不知所據

周有蒿宮或謂以鎬京得名案大戴禮曰周德澤和洽蒿茂大以爲宮柱名爲蒿宮然不知其在豐在鎬爾又案呂氏春秋曰周之明堂茅茨蒿柱土階三等以見節儉又案毛詩序我將祀文王于明堂也則蒿宮即明堂所在周公作之

御龍子集

卷之三

二

當在鎬京無疑

顏師古曰灞澹涇渭灃鎬澇澇是爲八川案相如上林賦曰蕩蕩乎八川灃澇澇澇涇渭灃澇有駟水而無灃水豈駟即灃之本名耶又案漢書泝水出藍田谷北至霸陵入灃水灃水亦出藍田谷北入渭顏師古曰滋水秦穆公更名以章霸功視子孫霸水之不爲灃水可知矣

故長安城在今西安府西北北臨渭水三輔舊事曰城南爲南斗形北爲北斗形今觀城形信

然及閱漢志及班張二賦皆不言及後見長安

故圖其城南面三曲正南曰安門亦曰鼎路門獨凸出向前左曰覆盎門右曰西安門各縮後數丈北面亦三曲東北獨凸出數丈其西以漸而縮東北第一曲無門次西一曲有二門東曰廚城門西曰洛門又次西一曲無門又次西一曲有一門曰橫門東面無曲其直如引繩有三門中曰清明門北曰宣平門南曰霸城門西面二曲西南獨凸出亦有三門中曰宣城門在曲

御龍子集

卷之三

三

中西北向南曰章城門西向北曰雍門亦西北向蓋其城沿渭水而築故其曲折皆隨水許初非有意爲斗形也唐人謂鎬此斗城偶以形似言之耳

船司空漢縣名顏師古曰本主船之官遂以爲縣在今華陰東北渭水入河處其南爲桃林塞即今之潼關也

下邳蓮勺俱漢縣名今皆在渭南縣境內蓮勺音輦酌在渭水北

渭北漢有武城縣今入華州是不獨魯有武城也今臨清北亦有武城乃齊地

郃陽漢縣名應劭曰在郃水之陽也師古曰即大雅大明詩所謂在洽之陽案大明詩云在洽之陽在渭之將今郃陽去渭頗遠尚隔朝邑槐里漢縣名周曰犬丘懿王都之秦更名廢丘漢高祖三年更名槐里惠帝二年起黃山宮是不獨豫州之大丘初爲犬丘也槐里今興平縣郁夷漢縣名有泝水祠顏師古曰小雅四牡之御龍子集

卷之三

四

詩曰四牡騤騤周道倭遲韓詩作周道郁夷言使臣乘馬行于此道遂以爲縣名亦可笑也今爲泝陽縣杜陽漢縣名有杜水南入渭顏師古曰大雅綿之詩曰人之初生自土漆沮齊詩作自杜言公劉避狄而來居杜與漆沮之地也案杜陽今爲麟遊縣漆在今郃州三水縣沮即洛水爲洛川縣相去頗遠謂土爲杜陽可乎朱傳爲是郃州舊有三原古枸邑漢書云有豳鄉公劉所

都顏師古曰枸讀與荀同案汲郡古文晉武公滅荀以賜其大夫原氏黯是爲荀叔臣贊曰荀當在晉之境內不當在扶風今河東有荀城荀國則不爲枸邑明甚又案左氏云畢原鄭郕文之昭也又云郕侯賈伯伐晉詩又云四國有王郕伯勞之是郕爲周之同姓與荀爲二國然則所謂枸邑者得非郕伯之故地耶而字形不同恐亦未然

大華山有明星王女祠不知何神案漢書地理御龍子集

卷之三

五

志陳倉縣有上公明星黃帝孫舜妻育冢祠然則明星王女豈即舜妻耶第云上公又云育冢義不可曉

漢書云池陽縣有嵯峨山在北師古曰嵯峨即今所呼嵯峨山長安故圖云池陽今三原縣案今嵯峨山在涇陽縣北則池陽爲涇陽明甚故圖謂爲三原而以涇陽爲古沈陽雲陽地恐未然也後漢書云雲陽有荆山禹鑄鼎處今其下有荆渠不聞涇陽有荆山也

地道記云池陽有截嶺山有鬼谷案史記鬼谷在潁川陽城不在池陽

胡松與知舊書云涇州以涇水得名回中山在其城北一里許其下爲涇河漢文帝時匈奴入蕭關燒回中宮卽此地予嘗至涇州其守亦告曰此回中也西門外有山突起如萬斛困其上

有王母祠俱言漢武帝幸回中卽此予亦信之案後漢書右扶風汧縣有回城名回中註云來歙開道處則回中之不爲涇州明甚

御龍子集

彙註卷之三

六

漢有涇陽縣屬安定郡非今之涇陽也當在平涼府西北漢書云涇陽縣西有開頭山禹貢涇水所出顏師古曰開音牽此山在今靈州東南土俗語訛謂之汧屯山而郭璞注山海經乃曰涇水出朝那縣西丹頭山案朝那今固原州不聞有丹頭師古之言似爲有據

後漢書云朝那有湫淵方四十里停不流冬夏不增減不生草木案胡松與知舊書云朝那湫有二俱在今固原境內一在州東二十里一在

州西三十里水各方數十里深不可測傳有蛟龍藏其中世逸忘其本名土人呼爲東海子而西海子水流百數十里經隆德靜寧界卽好水川也宋與夏人戰場在焉然則漢書所謂停而不流者豈獨指東湫言邪抑漢時未有西湫耶湫卽秦文王詛楚處

平涼西有瓦亭驛在華亭固原界上亂山紛錯至不可列騎其道西北通固原以走寧夏西南過六盤山走甘肅亦要地也案後漢書烏枝縣

御龍子集

彙註卷之三

七

有瓦亭牛邯軍處前漢書作烏氏則瓦亭之名其來久矣

平涼西有空同山志謂黃帝問道廣成子處案史記帝西至于空桐登雞頭南至于江登熊湘則此山乃空桐非空同也空同山在河南汝州境內與具茨相近

涇州南有靈臺縣或謂爲文王築臺處案長安志靈臺在長安城西豐水上不在涇州

漢書北地郡有歸德縣縣有洛水出北蠻夷中

八河是不獨河南邠州各有洛水而已

明月山在乾山西北志謂其上有婁敬種金坪言敬學仙隱居于此能種金以利人案漢書方伎傳不言婁敬有仙術當無是事

近代墳墓間有翁仲石馬諸物不知所自起案長安圖志載唐太宗昭陵在醴泉縣北五十里九嶷山上其規模皆太宗所自經營貞觀二十二年八月畢工先葬文德皇后長孫氏爲刻蕃酋之形琢六駿之像以旌武功列于北闕其諸

御龍子集

葉譚卷之三

八

蕃酋長貞觀中擒伏歸和者琢石肖形狀而刻其官名凡十四人六駿一曰青驊平寶建德時所乘二曰什伐赤平王世充時所乘三曰特勒驃平宋金剛時所乘四曰颶路紫平東都時所乘五曰拳毛騶平劉黑闥時所乘六曰白蹄烏平薛仁果時所乘各有贊語四言四句此則翁仲石馬所自始也至武后之葬乾陵則石刻酋長六十一人高七尺石人二十高一丈五尺石馬十六高九尺龍馬二高一丈五尺石獅

其二高一丈五尺其二高丈有二尺朱雀二高六尺不止如昭陵而已至今猶雜臥草樹間

臨潼志謂臨潼在秦爲櫟陽漢高塋上皇其地改爲萬年縣案水經注濁谷水出原注鄭渠又東經太上陵南北屈與沮水合至白渠與澤泉合俗謂之柴水又謂之柴沮水絕白渠東逕萬年縣故城北爲櫟陽渠城卽櫟陽宮也漢高帝塋皇考于是縣起墳陵署邑號改曰萬年也地理志曰馮翊萬年縣高帝置關駟曰縣西有涇

御龍子集

葉譚卷之三

九

渭北有小河由是觀之萬年在渭水之北涇水之東高陵阜平之間不在驪山趾下明甚

西安府學宮有石經世傳爲蔡邕書水經注云穀水東逕開陽門又東逕國子太學石經北漢魏以來置太學于國子堂東靈帝光和六年刻石樓碑載五經立于太學講堂前悉在東側蔡邕以嘉平四年與五官中郎將堂谿典光祿大夫譚議郎張訓韓說太史令單颺等奏求正定六經文字帝許之邕乃自書丹于碑鐫刻立于

太學門外魏正始中又立古篆隸三字石經是石經原在洛陽不應有于關中也况邕書原是八分今爲楷書尤非故筆攷唐書乃文宗時宰相李石等奉勅分書刻于太學者非漢碑也

公劉居邠在今邠州三水縣梁山在其南今在永壽縣西南去邠不百里而遙西南距岐山三百餘里孟子所謂去邠踰梁山邑于岐山之下言正符合或謂爲韓城之梁山非是邠州志載履跡坪隘巷諸跡謬妄亦甚蓋后稷生邠今武御龍子集

葉譚卷之三

十

功不在邠州也其所謂皇涇凌陰室猶爲近似涇州西門外有回山上有王母祠志謂爲漢回中道案文帝時匈奴入蕭關燒回中宮武帝屢幸回中似不在此涇水經涇州城外齒城東南下汭水注之汭水出隴州北弦蒲數東北流入涇詩所謂汭鞠之卽者卽此

鎮原縣在平涼東北百有六十里漢王符故居在焉有書臺舊趾後人作思潛亭其上今廢本朝胡松復爲立石

靈臺縣去古豐邑五百餘里非古靈臺地或者文王曾過其處後人作臺以寄思爾左丘明皇甫謐牛弘牛僧孺皆生其縣今祠墓宅墅俱在九成宮在麟遊縣歐陽詢所書記石猶存字多剥落不可讀矣

喜雨亭在鳳翔府東門外東湖上蘇長公所爲作記者亭旁有凌虛臺湖上花木水竹之勝不減江左長公爲鳳翔僉書判官常遊其地又有憶弟子由詩刻石尤存

御龍子集

葉譚卷之三

十一

皋蘭山在蘭州南城外有五泉雷唐之盛第童無草木望之一土石陵阜爾其高數百仞橫亘數十里山下沃野可畊一望平疇東至閭王溝約四十里居民賴之

吳山在隴州東南七十里古稱西鎮周職方氏所謂西岳李義山所謂吳岳曉光連翠嶽指此九峯壁立如玉笋出地秦中山之秀拔者

鄠縣故崇侯國文王取之作豐邑在長安南七里有漢陂在紫閣峯下環抱山麓方廣可

里中有芙蓉鴈雁之勝杜子美有半陂以南純浸山之句指此

說經臺在盤屋縣東二十里終南山坳上松栢石逕遙邈以上最上有洞可容數十百人蓋老子與關尹喜傳經處長楊五柞宮亦在盤屋境內

驪山在臨潼縣城南去長安不五十里山北麓有溫泉唐置華清宮明皇與太真戲遊其地今有官署爲往來遊浴之所

御龍子集

卷之三

主

太白山舊云在武功縣今在鳳翔之郿縣高五十餘里夏有積雪不消其上有龍池澄淨不涸歲旱禱雨輒應故西安城爲立太白山神廟嚴祀之其山一名太乙水經注云山下軍行不得鼓角鼓角則疾風雨至

藍田東南至商州二百里皆崇山峻嶺連亘不絕初入山爲六盤嶺盤曲四十餘里逾嶺爲藍谷藍水北流出山爲灞水者杜詩所謂藍水遠從千澗落指此沿谷東走十餘里爲藍橋裴航

遇雲英處又東南山上有瑩田洞土人謂此洞

西南去可通輞川未知然否又沿谷東南去五十餘里爲藍關韓文公賦詩示姪孫湘處又南五里爲秦嶺上有文公祠嶺北北流者藍水也嶺南南流者丹水也沿谷南去又百里出山有四皓祠又七里爲商州丹水逕州城南東去逾武關爲丹江水經謂丹水出上洛縣西北冢嶺山指此大抵秦嶺爲總名其山糾錯起伏各有名稱水經謂洛水出上洛縣謹舉山亦在此地

御龍子集

卷之三

主

山海經所謂陽虛玄扈禹貢所謂熊耳俱不出此百里外但不知其爲某山耳其水亦參錯亂出山巔石鐸間積消滴爲細流湊合成谷北出藍田谷爲灞水南出息邪谷爲丹水東出洛汭爲洛水耳實非各出一山也

水經注引國語曰華嶽本一山當河河神巨靈手盪脚蹻開而爲兩今掌足之跡仍存華嶽又云有好事者故升華嶽而觀厥跡焉自下廟歷列栢南行十一里東迴三里至中祠又西南出

五里至南祠謂之北君祠諸欲升山者至此
祈請焉從北南入谷七里又屆一祠謂之石泰
父母石龜木主存焉入南出一里至天井井栽
容人穴空迂迴傾曲而上可高六丈餘山上又
有微涓細水流入井中亦不甚沾人上者皆所
由涉更無別路欲出井望空視明如在室窺窻
也出井東南行二里峻坂斗上斗下降此坂二
里許又復東上百丈崖升降皆須扳繩挽葛而
行矣南上四里路到石壁緣傍稍進逕一百餘

御龍子集

集卷之三

苗

步自此西南出六里又至一祠名曰胡趨寺神
像有童子之容從祠南歷夾嶺廣裁三尺餘兩
箱崖數萬仞窺不見底祀祠有感則雲與之平
也然後敢度猶須騎嶺抽身漸以就進故世謂
斯嶺爲榻嶺矣度此二里復屆山頂上方七里
靈泉二所一名蒲池西流注于澗一名太上泉
東注澗下上宮神廟近東北隅其中塞實雜物
事難詳載自上宮東北出四百五十步有屈嶺
東南望巨靈手跡唯見洪崖赤壁而已都無山

下上觀之分均矣今案所引國語近世本不
不知所據其序升嶽路向亦與今山徑不同
掌登斯嶽至絕嶺爲記五篇志之所經道無不
悉識者與所言大不相合所謂天井栽容人傾
曲而上可高六丈餘不知所指其云峻坂斗上
斗下者疑今之九折坂也其云百丈崖扳繩挽
葛者疑今之千尺幢也其云石壁緣旁稍進者
疑今之閭王砭也其云夾嶺廣裁三尺雲平然
後敢度猶須騎嶺抽身漸進者疑今之蒼龍嶺

御龍子集

集卷之三

五

也其云太上泉者疑今之玉井也其它祠廟宮
寺則古今興廢不一不可拘泥以求矣
秦漢時有函關而無潼關潼關之名不知所自
始唯水經云河水南至華陰潼關渭水從西來
注之注云河在關內南流潼激關山因謂之潼
關有灌水注之灌水出松果之上北流逕通公
世亦謂之通谷水東北注于河述征記所謂潼
谷水者也或說因水以名也也河水自潼關
北流水側有黃坂謂之黃卷坂傍絕澗峽此

以升潼關所謂汴黃卷以濟潼關矣據此則潼關漢魏已有第非以潼水得名耳今城中有水北流俗呼爲潼水則古之所謂灌水矣

潼關河北有風陵世以爲女媧陵水經注云關之直北隔河有層阜巍然世謂之風陵戴延之所謂風埽也不聞稱女媧陵

揚譚第五

古揚州兼吳越而言秦并天下置九江會稽二郡漢武帝分置十三州復爲揚州領會稽丹陽

御龍子集

樂譚卷之三

六

豫章三郡共六十一縣後漢揚州領九江丹陽廬江會稽吳郡豫章六郡共九十二國邑廣陵江都諸縣不在其內漢武分置徐州領琅邪東海臨淮三郡楚國廣陵泗水六安四國共一百八縣後漢徐州領東海琅邪彭城廣陵下邳五郡共六十二國邑廣陵江都諸縣俱在部內則今之揚州乃徐州故地不當云揚州也古揚州先治歷陽今和州後治曲阿今丹陽最後治建康又治會稽尤與江都無干涉

今揚州地漢初屬淮南國英布死後屬荆國劉賈徙後屬吳國劉濞滅後景帝更名爲江都國徙汝南王爲江都王武帝更名爲廣陵國立于胥爲廣陵王領縣四曰廣陵曰江都曰高郵曰平安其北爲臨淮郡領縣二十有九曰徐曰取慮曰淮浦曰盱眙曰朐曰朐曰射陽曰開陽曰贅其曰高山曰睢陵曰鹽漬曰淮陽曰淮陵曰下相曰富陵曰東陽曰播旌曰西平曰高平曰開陵曰昌陽曰廣平曰蘭陵曰襄平曰海陵

御龍子集

樂譚卷之三

七

曰與曰堂邑曰樂陵內四縣屬今揚州射陽鹽漬海陵與是也嘉靖中盛儀作惟揚志乃曰廣陵國屬縣無考豈漢書地理志儀未之見耶且以惟揚爲志名亦可一噓王莽改廣陵爲江平東漢復爲廣陵郡劉宋改爲南兖州北齊改爲東廣州後周改爲吳州隋初爲揚州大業間改爲江都郡唐武德二年復名南兖州七年改爲邳州後又改邳州爲揚州立揚州大都督府及淮南節度使皆治江都由

是揚州之名始在江都矣

今人呼揚子江不知所由名案隋江陽縣有揚子宮遂名揚子鎮唐改爲揚子縣南唐改揚子爲永貞縣宋復爲揚子縣後陞爲真州治揚子政和七年賜名儀真揚子江之名以此揚忠愍有詩曰揚子懷人渡洋子乃以揚子爲洋子誤矣

惟揚志云晉老姥廣陵人元帝時每旦提一茗器往市人競買之自旦至夕其器不減所得錢

御龍子集

葉譚卷之三

大

散路傍乞人衆異之州法曹執之獄中至夜老姥攜茗器飛出不知所之案後漢書廣陵有東陵亭博物記曰女子杜姜左道通神縣以爲妖閉獄桎梏卒變形莫知所極以狀上因以其處爲廟祠號曰東陵聖母晉老姥之事豈因聖母而附會耶抑范曄所書卽晉時事耶

惟揚志云伍員奔吳至江上有遇浣紗馮氏女及漁父丈人事今儀真胥浦乃漁父艤舟處留雞山乃員留雞祭浣紗女處案溧水有投金灘

爲伍員酬浣紗處不聞其留雞以祭也遇漁父事在昭關不在儀真

惟揚志云如皋縣本漢廣陵郡地晉義熙七年分置春秋傳云賈大夫娶妻三年不言不笑御以如皋射雉獲之其妻始笑卽此地故名如皋雉亭東皋云案廣陵地春秋時屬吳賈大夫不應射雉于此

實應縣漢爲平安縣東漢爲安宜縣隋分置石幣縣唐改爲寶應以一縣名而前後美惡不同

御龍子集

葉譚卷之三

九

如此

太平廣記云關死中有趙郡李氏嫁賀若氏夫士爲尼號曰真如居鞏縣孝義橋天寶元年七月七日有五色雲自東方來雲中引手授真如以囊曰寶之後流寓安宜縣肅宗元年建子月真如恍惚登天帝授以寶前所授小囊內五寶人臣可得見今此八寶惟王者宜見之汝往令刺史崔旌進之真如詣縣言其事以狀聞州遣從事盧恒訊之恒至真如以五寶示恒一曰玄

二曰玉雞三曰穀璧其四其五俱王母玉環各一枚以達節度使崔圓圓召真如歷視之又出八寶一曰如意珠二曰紅靺鞨其三其四皆琅玕珠凡二顆五曰玉玦六曰玉印七曰皇后採桑鉤八曰雷公石斧圓命盧恒隨真如上獻時史朝儀方圍宋州路梗不可行遂取江路西上抵商州入關以建巳月十三日達宗師肅宗召代宗曰汝自楚王爲皇太子天祚汝也即日改爲寶應元年代宗監國遂改安宜爲寶應縣案

御龍子集

樂譚卷之三

干

肅宗上元二年改建子月爲寶應元年非肅宗元年也肅宗初卽位稱至德元載不稱元年又按唐書崔圓以天寶十五載同平章事乾元元年罷相上元二年不爲楚州節度使也又案上元元年王仲昇爲淮西節度使李岷爲淮東節度使劉展爲江淮都統展反以宋州兵七千趨廣陵李岷發兵拒之衆潰展入廣陵遂陷昇潤濠楚滁和等州橫行江淮間勅平盧兵馬使田神功討展連戰平之亦不聞有刺史崔旆也

泗州有水母廟又有水母井世謂爲龍母鎮于此井案禹因淮水不寧鎮支無祁于龜山之下則是水禽非龍母也

淮安有桃源縣縣內有桃園驛不知所由名唐宋以前俱無此縣想元以後所置也或謂桃源卽桃花源陶靖節所記者大謬桃花源在常德府武陵西或謂爲玄德結義處尤謬桃園在涿州

御龍子集

樂譚卷之三

圭

樂譚卷之三

璩譚卷之四

御龍子二十

洧上范守已介儒著

寧夏侯廷珉校
扶溝李時芳校

晉譚第六

平陽府趙城縣有豫讓橋郡縣志俱云讓死所也按水經注引魏土地記曰太原城東有汾水南流水上舊有梁清汧殞於梁下豫讓死於津側亦襄子解衣之所在也則豫讓橋在太原明甚况智伯決晉水以灌晉陽襄子結韓魏以滅智伯原在此處不應更至趙城順德府亦有豫讓橋于集

橋俱出附會

霍州志云霍山西有觀槌峯余問其名義不知所解按水經注堯水西流逕觀阜北故有邑也原過之從襄子也受竹書于王澤以告襄子襄子齋三月親自剖竹有朱書曰余霍太山山陽侯天吏也三月丙戌余將使汝反滅智氏汝亦立我于百邑也襄子拜受三神之命遂滅智氏祀三神于百邑使原過主之世謂其處為觀阜也據此則觀槌者觀阜之訛爾水經注又云霍

太山有岳廟廟甚靈鳥雀不棲其林猛虎常守其庭又有靈泉以供祭事鼓動則泉流聲絕則水竭所謂觀槌者豈以鳴鼓致泉而名之乎否耶

路安襄垣縣西六十里有禡亭驛朱秉器汾上續談云左傳晉城虎祁即其地也前漢書曰銅鞮有上虎亭下虎聚其宇正作虎余疑其地去絳遠甚晉侯不宜作宮于此及閱水經注汾水逕絳縣故城北又西逕虎祁宮北橫水有故渠

御龍子集

璩譚卷之四

二

截汾水中凡有三十柱柱徑五尺水經又云澮水出河東絳縣東澮交東高山西過其縣南又西南過虎祁宮南又西至王澤注于汾水合而觀之虎祁宮在絳縣西南明甚安得以禡亭為虎祁也至于崔知古遇虎妖為妻事附于禡亭尤為不根

水經注云鞮水出銅鞮縣西北石磴山東南流逕于惠墓前又東逕故城北城在山阜上下臨岫坐東西北三面咀衮二里世謂之斷梁城即

故縣之上虎亭也又東逕銅鞮縣故城北城在水南山中晉大夫羊舌赤銅鞮伯華之邑也漢高祖破韓王信于此又東南逕項城西卽縣之下虎聚也又南逕朝邑西又東屈逕其城南又東逕襄垣縣入于漳據此則虎亭正古之銅鞮縣地不爲虎祁尤明變虎爲琥未知何義

太行山行本音行止之行不音抗淮南子曰武王欲築宮于五行之山周公曰五行險固德能覆也內貢迴矣使吾暴亂則伐我難矣君子以

御龍子集

樂譚卷之四

三

爲能持滿高誘云今太行山也在河內野王縣西北上黨關也詩所謂徒跣野王道傾蓋上黨關卽此酈道元云太行之阜山則五行之異名也其爲行音可知不知後世何故變爲抗音

楊州有邳溝人皆知之太行山南有邳水邳關邳亭邳城邳臺人多不知水經注云邳水出太行之阜山南流逕邳城西故邳關也城南有邳臺春秋僖公二十四年王將伐邳富辰諫曰邳武之穆也京相璠曰今野王西北三十里有故

邳城邳臺是也城當太行南路口道出其中邳水又東南經孔子廟前又東南逕邳亭西又南流注于沁

桑欽云沁水出上黨沮縣謁戾山南過穀遠縣東又南過猗氏縣東又南過陽阿縣東又南山過沁水縣北又東過野王縣北而酈道元云或言出穀遠縣羊頭山世靡谷二說不同案穀遠卽今岳陽沁源二縣地無所謂羊頭山者今志沁有二源一出沁源縣西北綿山東谷一出

御龍子集

樂譚卷之四

四

縣東北馬園溝俱南流至交口合逕縣城東又南逕岳陽東境又南逕沁水縣東古端氏縣界亦不知何者爲沮縣何者爲謁戾山也山海經云謁戾之山沁水出焉其東丹林之水出焉南流注于河嬰侯之水出焉北流注于沁水注謂沁水逕中都縣入鄆陂歸于汾流則謁戾卽今之綿山矣大氐介休以南靈石以東沁源以北其山衆多今通謂之綿山不知在古各有名稱也又按司馬孚請修石門表云沁水源出銅鞮

山屈曲周回水道九百自太行以西王屋以東層岩高峻天時霖雨衆谷走水小口漂逝所稱沁源又與諸說頗異

明道遺書云澤州北望有桑林卽成湯禱雨處澤州志云伊侯山在城西北二十里成湯禱雨伊尹從之降毒龍于此上建伊尹祠按成湯都亳先在商丘後移偃師去澤州遠甚安得逾太行而禱雨于此穆天子傳曰天子里圃田之路南至于桑野北盡經林左傳昭公十六年九月御龍于桑

樂集卷之四

五

許長百餘步世傳孔子將見趙簡子聞殺竇鳴犢舜華至此回車又云天井關有孔子廟在城南四十五里回車處按水經注邠水出太行之阜山南流逕邠城西京相璠曰野王西北三十里有故邠城當太行南道路出其中邠水又東南逕孔子廟東廟庭有碑魏太和元年孔靈度等修復野王令范愛衆河中太守元真刺史咸陽公高允表聞立碑碑云仲尼傷道不行欲北從趙鞅聞殺鳴犢遂旋車而返及其後也晉人御龍于桑

樂集卷之四

六

思之于太行嶺南爲之立廟蓋往時迴轅處也又云魯國孔氏官于洛陽因居廟下以奉蒸嘗是回車之說所從來久矣第諸書俱載孔子臨河而返何嘗到太行南麓耶其廟爲孔氏子孫官洛陽者所立明甚原在野王縣北二十餘里不在山北天井關也安得車轍百步許遺于關下水經注又云沁水出山過沁水縣北南逕石門謂之沁口水西有孔山山上石穴洞開穴內石上有車轍牛跡耆老傳云自然成者非人工

所就也據此則沁口又有車轍矣不但天井關
爲然皆不可曉

史記魏伐趙斷羊腸坂正義曰羊腸坂在太行
山上南口屬懷州北口屬潞州正今所由萬善
星軺驛路也水經又云汾水出太原汾陽縣北
管涔山注云汾陽縣漢高帝十一年封斬彊爲
侯國後立屯農積粟在斯謂之羊腸倉山有羊
腸坂在晉陽西北石磴縈委若羊腸馬故倉坂
取名矣是二處皆有羊腸坂也有謂晉陽西北

御龍子集

卷之四

七

者爲是謬矣漢地理志云壺關有羊腸坂長三
里曲盤如羊腸是又不獨管涔山也

忻州有九原驛志云城西有九龍原亦名九原
趙文子與叔向遊處天慶觀碑亦云然余按水
經注侯甲水出原平縣胡甲山西北逕太谷謂
之太谷水出谷西北流逕祁縣故城南西接鄆
澤是爲祁藪也爾雅所謂昭餘祁矣又西逕京
陵縣故城北于春秋爲九原之地也國語趙文
子與叔向遊處故其京尚存漢興增陵于其下

故曰京陵馬甲水又西北逕中都縣故城南春
秋昭公三年晉侯執陳無宇于中都者也漢文
帝爲代王都此甲水又西合嬰侯水逕鄆縣故
城南謂之鄆水又西北入鄆陂歸于汾流中都
今平遙縣京陵在祁縣平遙之間其去忻州三
百餘里安得以九龍原爲九原也原平縣在今
祁縣武鄉間

代州新志云代古唐國秦改鴈門郡漢管陰館
卽今治魏徙鴈門治廣武今州西故城尋還陰

御龍子集

卷之四

八

館按水經云濕水出鴈門陰館縣東北過代郡
桑乾縣南又東過涿鹿縣北鄴道元云濕水出
累頭山東北流出山逕陰館縣故縣西縣故樓
煩鄉也漢景帝後元三年置濕水又東北流左
會桑乾水又東北逕魏亭西又東北經白狼堆
南又東逕班氏縣南又東逕北平邑縣故城南
又東逕猗氏縣故城北又東逕道人縣故城南
又東逕昌平縣故城北又東北逕桑乾縣故城
西魏土地記曰代城北九十里有桑乾城城西

渡桑乾水又按郡志應州古唐國趙爲代郡山陰漢爲陰館縣尉州秦爲代縣漢爲代王國而元魏置桑乾縣于朔州地皆在今大同部內若陰館爲今代州則濕水何緣得東北流逾崇山疊嶂達于代郡之桑乾也

代志又云餅墜穆天子至此作黃竹詩水經注曰涇山南北有長嶺嶺上東西有通道卽餅墜也蓋謂餅墜在代州境內故但言水經注而不言出某水條下余按水經言汾水南過平陽縣

御龍子集

璩譚卷之四

九

東又南過臨汾縣東酈道元注云天井水出東涇山西南北有長嶺嶺東西有通道卽餅墜也穆天子傳曰乙酉天子西絕鉏磴西南至鹽是也其水三泉奇發西北流摠成一川西逕堯城南又西流入汾蓋言天井水出東涇山西北入汾耳其山在臨汾縣東南與鹽澤相近故云天子西絕鉏磴西南至鹽也不在代州明甚郡志云丹水出發鳩山舊號洺水舊志引方輿勝覽云白起坑秦卒于此流血成川故名丹水

恐未可據按山海經云謁戾之山沁水出焉其東有林焉名曰丹林丹林之水出焉南流注于河又曰發鳩之山漳水出焉是丹水不出于發鳩也水經注云丹水出高都縣故城東北阜下俗謂之源源水山海經所謂丹林之水卽斯水矣洺水導源洺氏縣西北玄谷東南入高都縣右入丹水上黨記曰長平城在郡南山中丹水出長平北山南流秦坑趙衆流血丹山由是俗名丹水斯爲不經矣由此觀之丹洺本自二水

御龍子集

璩譚卷之四

十

烏得謂丹水舊號洺水也血流成丹之說自古而云然矣不爲無據州志謂長平北山爲丹朱嶺解云堯封丹朱于此頗謬又有謂爲丹朱陵者謂丹朱葬此皆丹林之誤稱也其謂長子爲丹朱封國者亦誤

志稱藐姑射山在平陽城西二十五里平山其支阜也平水出焉至襄陵縣城北入汾又名晉水按水經注云汾水過平陽縣南與平水合平水出平陽西壺口山尚書所謂壺口治梁及岐

也其水東逕狐谷亭又東逕平陽城南東入汾俗以爲晉水非也據此則平水所出爲壺口不爲藐姑射明甚安得援莊子之言以重其地

徐溝縣有驛名同戈義不可解水經云洞渦水出沾縣北山西過榆次縣南又西到晉陽縣南西入于汾而郡志謂洞渦水出樂平縣西流經平定州榆次縣至太原縣入汾則流經徐溝陽曲二縣之間矣同戈之名其洞渦之訛音乎水經注又有原過水南流注于洞渦水西有原過御龍子集

卷之四

十一

祠蓋懷道協靈受書天使傳芳後日水取名焉今志作源渦水亦同前謬矣

左傳魏獻子爲政分祁氏之田以爲七縣分羊舌氏之田以爲三縣司馬彌牟爲鄔大夫賈辛爲祁大夫司馬烏爲平陵大夫魏戊爲梗陽大夫知徐吾爲塗水大夫韓固爲馬首大夫孟丙爲孟大夫樂霄爲銅鞮大夫趙朝爲平陽大夫僚安爲場氏大夫鄔城在今祁縣西梗陽塗水俱在今榆次縣銅鞮爲今沁州襄垣地楊氏爲

今洪洞縣祁平陽孟今仍亡名惟平陵馬首不知所在祁縣驛名賈令其以賈辛之故與

河東鹽池山海經謂之鹽販之澤水經注云涑水西南逕鹽縣故城城南有鹽池水承鹽水出東南薄山西北流逕巫咸山又逕安邑故城南西流注于鹽池地理志曰鹽池在安邑西南許慎謂之鹽鹽長五十一里廣六里從鹽古聲呂宿曰沈沙煮海謂之鹽今鹽池紫色澄渟渾而不流水出石鹽自然印成朝取夕復終無減

御龍子集

卷之四

十一

損唯水暴兩澍甘潦奔洑則鹽池用耗池西又有一池謂之女鹽澤東西二十五里南北二十里在猗氏縣故城南春秋晉大夫曰鄔瑕地沃饒近鹽服虔曰鹽鹽也土人引水裂沃麻分灌川野畦水耗竭土自成鹽卽所謂鹽鹺也而味苦號曰鹽田鹽鹽之名始資是矣觀此則今之晒鹽其來亦久而味苦不堪食正所謂鹽也與自生石鹽價當倍蓰矣詩云王事靡盬鹽當是苦意靡盬言不苦也近註欠安左傳晉侯夢楚

子伏已而盥其腦當是用鹽鹽揉入腦中故子
犯曰吾且柔之矣杜元凱訓鹽爲噍尤無義意
靈石縣南道沿汾水上崎仄危頓縣志云隋開
皇十里文帝欲幸太原傍汾河開道獲一石有
文曰大道永吉因以爲瑞遂于其地開設縣治
則未開道之前其險當不止此水經云汾水南
過寇爵津注云在介休縣之西南俗謂之雀鼠
谷數十里間道隘水左右悉結偏梁閣道累石
就路縈帶巖側或去一丈或高六丈上戴山阜
御龍子集 卷之四 主

下臨絕澗俗謂之爲魯般橋蓋通古之津隘亦
在今之地險也按寇爵津正今靈石地禹工未
施之先當與龍門同一嶮阻矣

桑乾河水經注謂出桑乾縣西北上下七泉卽
潦涓水東南流右會馬邑川水又東南右合濕
水濕水出陰館縣累頭山一曰治水至此相合
桑乾濕水竝受通稱矣又東逕班氏縣南如渾
水注之如渾水出涼城旋鴻縣西南五十里東
流逕水固縣又東南至班氏入濕水以今考之

元魏桑乾縣在今朔州馬邑境內而漢之陰館
爲今應州山陰縣亦與馬邑接壤班氏則在今
應州東北也是桑乾出馬邑縣右合山陰之濕
水至應州東與如渾水合古則隨地異名今通
謂之桑乾矣但今志稱濕水爲渾水又謂爲潦
涓河卽桑乾之源則非也

水經注云陶渠水出梁山東南流逕夏陽縣故
城南又東南逕司馬子長墓北墓前有廟廟前
有碑永嘉四年漢陽太守殷濟立太史公自叙

御龍子集 卷之四 主

曰遷生于龍門是其墳墟所在矣夏陽今韓城
地龍門在其東北是遷爲韓城人可知今謂爲
河津人誤

國語子夏教授西河汾州志以爲在其境內水
經注云徐水出梁山東南流逕漢武帝登仙宮
東逕劉仲城北又東南逕子夏陵北東入河水
經云河水又南逕子夏石室注云南北有二石
室側臨河崖卽子夏廟室也又云橫溪水出三
梁山東流注于峒谷溪側山南有石室西北面

各有二石室皆因阿結牖連扇接闔北坎室上
有微涓石溜費周瓢飲似是栖遊隱學之所昔
子夏教西河卽此由是而觀不在汾州明甚

御

集

卷之

一

五

樂譚卷之四終

曲洧新聞卷之一

御龍子二十一

浦上范守已介儒著

事夏便廷舉校
扶游李時芳

近世以博洽稱者楊太史用修王侍郎元美陳
觀察晦伯楊之著述數十種王有四部稿諸書
陳有正楊學圃蕙蘇天中集諸書元美兼楊而
翰陳嘗有言曰晦伯之博誠不可及第令聯三
字作句則不佳耳其抑揚之若此

何侍郎璫曾作陰陽樂律儒學各管見趙王墓
印以傳目為栢森三書崔大史銑跋其後曰

御龍子集

新聞卷之一

一

子超卓之見具此三書可謂前無古人僕矢
竭力欲企其一二而媿未能云其揚翹也至矣
自今觀之樂律一書力破蔡氏之謬真為卓越
陰陽諸說亦有獨得其妙者其論儒學則無大
發明未足以籍紫陽之召又有醫學管見其論
風痺痿厥傷寒心痛及相火虛損諸章有以發
前人之未發醫書所當收錄者而大史不之及
豈當時偶未之見耶抑以其醫家者言不之重

南京御用監在西華門內乃舊丞相府堂序巍
峩階庭方廣可數十畝當時盆松雜卉布列庭
際者今皆穿盆自植大或拱抱矣猶詰曲作龍
蛇形堂前竝列五檜皆分身為二而連其末若
連理然名曰虬門檜不知當時為此何意其正
南半里許為儀門故址門外夾牆若永巷循巷
東去折而南二百餘武別為一院有屋四楹兩
楹間有井一名曰酒井內豎指曰此胡惟庸詐
稱醴泉誑

御龍二集

卷之二

二

太祖處也夾牆內皆屯甲之所非雲奇幾陷虎
口矣予歷視之亦為太祖危且笑胡之不知
天命也

相府南百步有第宅故址內豎指曰此韓王府
太祖以育韓成子姓者其說似亦有據第成未
嘗贈王耳蓋此地當時俱在西安門外丞相罷
後以其府為御用監乃更築西城在外故東安
門止兩重而西安門有五重焉

武英殿在西華門內規模不甚宏邃大門至

門止丈餘耳二門內至露臺亦止三四丈其御
道高三尺許甃石甚整殿止四楹九架深不及
五筵廣不及九筵耳御屏後亦有穿堂長三四
丈其後燕寢亦不甚大太祖之儉德如此
予在武英殿見太祖成祖真容其太祖
真容有二壯年者黑髯長寸餘面微長而豐色
甚皙眉目有異暮年者鬚鬢若銀面益豐而圓
矣色更皙乃知外間所傳龍頤虬鬚面有癍痣
者妄也成祖髯長尺餘面色凜凜有殺氣望

御龍子集

卷之三

三

之使人心懾

辛巳年蘇州葑門內有錢生者死已半歲神附
其僕言動若平生呼其妻子與之語皆往事人
不及知者妻子神之一日欲與妻敘歡其妻拒
之不已衆責之曰汝心神雖其夫身則僕也僕
不可以犯主母乃已又一日語人曰適在帝王
廟前見張相公荷校而立鬼卒牽之欲進聽鞠
審時江陵方盛聞之者皆駭懼而走後數月其
神乃歇盡然故僕也明年六月江陵死

江陵初病痔得一醫僧以毒藥攻之稍愈而毒積腹中乃瀉而後重有薦一崔尹者山東人江陵命診之曰非大黃不可江陵曰吾亦欲服之乃合大劑用大黃五錢飲之須臾遂大下不止跨廁而絕諸子欲收崔下吏而江陵甦徐曰吾意也不必罪之崔乃得免自是屢下不少止脫肛垂牀第問穢不可近數日而死明春大計吏崔尹以殿當去考功氏語其僚曰尹固當去第一劑藥賢于白簡數十通功可錄也存之以償

御龍子集

曲洧新聞卷之一 四

江陵病時馮璫假兩宮旨遣中使建醮于諸宮觀祈福祐九卿聞之遂各率其屬斂金爭為齋醮南京聞之亦然各藩臬聞之亦然旬月之間徧滿天下予在南京獨不欲往託疾閉門而已後聞同僚往者為予言府部大小諸臣俱長跪朝天宮下聽道士讀青詞移晷乃起科道官暗察人數有不到者籍記之欲達政府中以他故也又言君獨不到吾為君危之予微笑而已不數日江陵死人始有服予者其青詞頌揚功

德至比之伊傅禹周云

古今頌相功者不敢言舜禹江陵時有奸諛者繪周公負成王及舜命禹圖獻之為壽江陵大悅常懸舜禹于堂中己卯秋有典南闈者將出京擇試目十餘道密白政府請教江陵閱之首點舜亦以命禹一目典闈者至南京即出試士同事者爭之不可試錄一出人皆駭異而諂媚之徒遂公然爭頌聖相禹字不置口矣

御龍子集

曲洧新聞卷之一 五

士項忠者能為木人長三寸許用符錄攝鍊能跪啓飛行偵探未來事其語若蠅鳴可聽聞公購得之日置懷袖中欲命出刺事以大仙呼之祝以所欲聞其人即從袖中躍几上跪辭而去雖千里須臾還報也一日公之長郎有微恙公適坐堂上命伊入宅探候其仙至屏後復回啓曰門神阻我不得入公問何以得入曰令門子傳語門神放我進去則得入矣公如語傳之乃得入還報曰食積潮熱爾勿藥當自愈又語公

曰每坐堂時門神土地神皆來參謁當少拱手以答其禮公從之又一日公命伊至汴偵探家中事須臾還報曰家中亡恙因言其門庭堂寢狀歷歷若親睹者又云我還過祖塋見公之先人皆亡恙太爺寄語思念公欲一見耳時倭亂方殷公使之海上探寇情還報曰明日海上當有事公勿出為幸公遂杜門移疾明日官軍果大勦當事者多被褫職公亦以畏避論罷久之公問曰尔係何人靈通乃尔對曰我被術士採御龍子集

曲清新聞卷之一

六

禹州陽夏王者宗室之賢者也與李守備燦雲善丁亥秋與予言有蒲州守禦所舍餘田姓者事一神能言休咎事至必以夜言語酬酢若人也唯不見其形王與李曾邀其人求與神語其人為潔一室焚香候之初昏後神果至入室語其人曰吾且避形命災燭室中衆視有物否其人焚燭偏索室中無有也乃出燭神命設座連布三胡牀命王居東李居西自坐其中俱南向前布三卓子命田姓者酌茶置中卓上須臾神御龍子集

曲清新聞卷之一

七

神曰何年生者李曰猴年神笑曰勿復言猴犯
吾相矣李謝之乃知為猴祇也神因曰人之形
體最難得吾修行多年尚未得人體得人體修
行最易仙道最易成二公勿以人體易得輕自
墮棄每語輒左右肘之問王李曰吾言是否二
人覺其肘觸及身不敢用手竊持也久之神去
寂然不復聞矣主與予言駭其事以為不經見
予謂古曾有之漢武帝所與對飲之神君皆是
物也其言萬餘歲詐耳

御龍子集

曲消新聞卷之一

八

萬曆初有盧侍御者獨居燕邸納一姬亡何姬
之母謂姬曰汝善事之彼嬴死橐中皆吾有矣
且得不遠去姬如其命牀第間無餘力也久之
歸寧母母曰嬴否曰未也母詬曰婢子無能為
也命其姊同往其姊亦處子也假以看姬故至
其邸盧果狎之姊不為避忌遂與同臥起復久
之俱歸母復問嬴否曰未也母詬曰二婢子無
能為也吾當自往矣假以看女故至其邸夜不
復歸數以言詭盧盧亦狎之由是三人者迭進

不時休盧遂大損不月餘死矣其母收其橐中
裝夜半攜二姬逸去不知所往嗚乎宦都門者
視此可以寒心矣

黃侍御師顏者閩之泉州人也其婦妒甚黃自
司理徵入京即送婦歸泉州自居京邸久之納
一姬臨清倡家女也能絲竹善歌黃寵重之出
臺則彈絲酣歌其室中客至門敕閤者勿得通
也其婦聞之詬詈不絕口欲拚一死恫喝之黃
不得已徵婦至京入門拌姬大辱之黃不能禁

御龍子集

曲消新聞卷之一

九

也荷荷而已亡何奉命按部滇南遣其婦姬歸
至滇首上疏言妒婦律輕故婦得以凌其夫請
更議律凡夫毆妒婦死者得不抵死 上報聞
遠邇見之莫不捧腹為之絕倒亡何以大計謫
官歸其婦不與見也乃竊其姬營別墅居之不
半歲以嬴死姬之父母竊其囊中金而逃婦貧
無以自立

顧郎中良材吳人也在金陵時常奉一箕每夜
降書以為常一日問今歲 東宮立否書曰此

國家大事予不能知問汝為誰曰鬼也問何為來此曰借燈燭之光且觀人氣耳問鬼亦樂乎曰俯仰無累有何不樂第遭公詰問則又何樂之有

郁比部者浙人其妻無子且與比部反目也有妾生一子八歲矣比部攜其母子居京邸妻自隨其弟入京與比部大鬭比部無以難也一日比部上陵昌平州其妻呼一皂入命其妾從早去妾不肯大箠之妾苦其風箠也飲泣從御龍子集

曲消新開卷之一 十

之去其早得婦遂潛遁不知所往妻乃買棺一具實灰其中固釘之比部還泣而告曰兒之母不幸急疾死待汝不至吾為之蓋棺矣比部信之為置喪具僚友聞之皆來弔禮而葬之亡何兵馬司緝得一夫婦踪跡詭秘者送刑部問同舍郎鞫之則郁比部妻也乃知前棺之詐同舍郎不欲彰其事為隱其所由來罪其早而賣其人之久之頗有聞者比部之官遂南沈侍御時敘妻李氏尤妒有妾數人不得近先

起為舉人時私一媵有身已而上公車李賣媵于黃生媵在黃生家生一男子黃生以其子也善視之沈登進士科歷事吏部二年不得歸及除官曲沃令歸而問其媵曰死矣莫有告者又數年沈為侍御史按部關中卒于官其妻以其無子也移其帑于母家侍御弟憾之投牒直指使曰吾兄有子為媵氏所鬻今在黃生家媵不得盜兄帑于他人直指下其牒于部使者移郡縣鞫之不妥以其子歸沈氏而歸之帑侍御龍子集

曲消新開卷之一 十一

御汴人也為予同年士故知之審戚總兵繼光妻悍甚不容戚畜姬妾然而不育戚憂之為置別第畜姬其中久之生一子其妻不知也戚詐言是某將佐子令入見其妻見其子穎秀可念厚賜子以為常一日戚謂其妻曰吾老矣而箕裘無人可柰何終不令吾置一妾乎妻佯曰今則可矣戚與之約某日納某氏女入室妻佯為不禁也及期戚令昇卒昇一與直入置庭中其妻怒甚操大刀立與側急呼曰出

不應連呼之終不應輒以刀砍其輿已而褰帷視之其中無所有也戚大笑曰汝言不復妒今復何如妻亦笑然自是不復言納姬事因敕令將佐有敢言別第中生子者死其敕左右僕役及親識尤謹人亦無肯言者妻聞其有別第也恐有他姬亦時時出不意造其第戚密為追捕但有出門意輒閉匿其諸姬空第以待妻至索之無所得乃去一日妻病其從子婦來問疾其妻謂婦曰吾夫妻百歲後此第宅囊篋皆汝有

御龍子集

曲消新聞卷之一 十一

矣其婦私念伯父自有子吾安能得此不若乘此言之使伯母殺其子則歸我必矣乃笑曰此自叔叔所有吾何有焉其妻問叔叔為誰其婦曰伯母不知乎吾伯父他姬子今年十餘歲矣其妻聞之大怒呼戚詰之必欲殺諸姬戚不敢驟見命將佐迭進百計說之妻怒稍解戚因曰今來見當若之何曰待之以不死戚曰彼誠有罪然生子亦有微勞可但不死來時吾執大挺杖之數十可也妻許諾乃令來見跪廳下妻數

其罪不輟戚令諸姬各伏地受杖各數十乃令入室已而命其子入見則常日受賜予者也遂為母子無它

蘇長公手書醉翁亭記筆勢飛動最為精絕後有趙子昂跋文原是內府供御物也徽王之國時受賜攜至禹州嘉靖末徽藩敗府中物俱沒入官此卷倉皇遺棄塵土中為一運卒所得鬻于徐某以餽高少師肅卿少師寶重之命蘇州文彭模寫上石欲以流布人間而以其真

御龍子集

曲消新聞卷之一 十二

卷什襲巾笥中非其所親暱不以相示也久之江陵張相公欲得此卷禁不肯與江陵歸葬時道過新鄭時少師病甚江陵至其榻下問訊因求此卷得之居數歲江陵敗抄入禁中有少師從子務實者為武英殿中舍見

今上書畫品目中收此卷于能品於乎名賢筆跡為世所共寶似有神物呵護其間雖間經捐棄終歸御府么麼子不得而有也王元美危言以為非長公親書雖極辨博余終不以為然

也

御龍子集

曲消新聞卷之一

南

曲消新聞卷之一

曲消新聞卷之二

御龍子二十二

浦上范守已介儒著

事夏侯氏瑯校
扶溝李時芳

王元美尚書嘗夢為子瞻後身因輯東坡遺事
欲剞劂之既而問宜真子宜真子曰公前身頭
陀葛順也順初不檢後修菩薩行得不二法門
卒後受生為貧難子報其前因今世乃為名卿
受諸福祿爾

是有術士者能以符書攝鬼言吉凶事然不用
箕止封白紙置壇內閉戶候之已而發視則大

御龍子集

曲消新聞卷之二

一

古篆滿紙精絕駭人矣所言多奇中紙尾或自
署宜真子字庚辰春王元美王元馭二侍郎致
之家各得篆書數紙因問其姓名曰予徵諸生
李世熙也生時修黃老術多行陰德因不得子
繼母亡命入閩死而有知云元美勸令皈依曇
陽師父之報云予因介紹得有所歸因其人追
攝不已予薦閩中解元章日聞代為入壇爾已
而叩其術士所言禍福果不大驗

德甫知府言下第時過淮陰見一人頭有雙

角長二寸許加恰于角之前其口鼻亦有異稍類牛形攜一女賣藥市中有市藥者女子答之其人不言也觀之者若堵牆以是觀之則古所謂牛首人身者當不妄云

蘇登甫御史言甲戌春試畢頭痛至不可忍一夜腦後骨突起三分許以手捫之稜稜若雙角亡何放榜得奏名特對後登進士授蘇州司理廣辰春與予同在吳江言予頭又痛腦後骨又起當是何祥未幾徵拜侍御史人之升沉固有

御龍子集

由南新聞卷之二

二

定分人力豈得而與之

賈光祿待問年十五時夜臥書屋中雷雨大作屋傾人不知也翌日其父母始聞之大慟意公必死徐令人發其屋公固亡恙蓋傾棟欹敗垣上得不至塌然財咫尺耳發者為之心怖公臥自若也未幾登進士為成寧令徵拜諫議給事黃門遂歷今官

太倉季德甫副使家供一箕能書符却鄰婦病人共神之為季作壽椿軒記辭頗爾雅復命紙

作篆書隨字畫繁簡湊合心體勢若飛雲紙尾

自署呂岩字又為季作祠堂記興廢始末具備又作修真論三章頗與玄指有曰真即是氣修真即修氣又曰其要莫先于養心皆近道語王元美以一手卷求書即握筆書其首云百省之圖元美不知所謂明日某省字百種其後跋曰王元美有餘厚人也第不知省省之當自內火始一日王元馭侍郎送菊于季適正扶箕箕動搖若索簡欲觀狀季因置簡箕下箕以筆速點

御龍子集

由南新聞卷之三

三

元馭姓名因書其傍曰亦有緣人衆皆異之庚辰夏予至太倉叩其壇書云六載刑司雖路阻三巡還得上銀臺試看秋月嬋娟夜元是青驄鐵面來又云斗轉星移幾度秋烏啼花落幾添籌問尔身終應節鉞須知甲甲盡歸謀不解所謂後雲陽仙師聞之語元馭曰吾在此可容此輩惑衆耶命移壇召之元馭與予衡扶箕亦有所書仙師自扶箕則寂然矣仙師數之曰吾道寬大有容本不介校然我既在此豈容汝作此

伎倆遠遁為幸于是元馭授箕乃書曰吾本邪鬼假仙真自重尔不敢有他今退矣遂不復書異日復為書命李察郎以紫檀盒遺仙師仙師不受自是影響遂絕然不知其何鬼也

曇陽仙師元馭仲女也去離守志辟穀不食者數年仙真屢降其家靈異種種不能具述年二十三白日誓眾端立而化詳見王元美所撰傳中予亦有述既化後宜真子報元美曰仙師在繇竹山與崔仙姊同居既而仙師亦有書遺元御龍子集

由清新開卷之二 四

馭言在繇竹是時郢縣有周中丞滿者詣繇竹瓦屋山玉皇廟中見一女獨立廊廡間端麗駭眾就問其姓名不答徐出廟門尾之不知所去中丞大駭以為仙真而未知有曇陽事也久之乃聞其縶繇竹令王純心者為立觀于鹿堂致純太倉亦有觀俱名恬澹云

仙師初隨元馭在京師江陵公欲見之垂簾謁于戶外既退元馭曰何如曰亦好亡何仙師還吳丁丑後屢以手書趣元馭歸曰可已矣元馭

不果及奪情議起吳編修一行趙檢討用賢等皆有論列江陵大怒欲置于理元馭慨然曰何至是乃率諸翰林往見江陵解之江陵哀經執杖出元馭曰某某等皆書生不知大計乞先生原之江陵面赭曰書生何得言大計且宋儒頭巾語可施于今日乎不顧而退元馭出歸志遂決明日有旨吳趙等各杖六十削籍為民國是為之紛紛矣

初杖吳趙二翰林時馮璫遣火者馳呼云張師御龍子集

由清新開卷之二 五

傳有命著實打賴馬相公陰為之地得不危殆仁聖聞之謂馮璫曰尔勿作孽大深言者自言不去者自不去已矣何至是馮璫跼蹐而退明日杖沈艾二尚書郎不復敢傳呼矣然陰嗾縱騎卒其枝反重

馮璫自 穆廟末顯恣江陵結為腹心友 宮中晏駕日為璫遺旨入掌司禮監 今上卽位日馮恣肆立御座上給事中程文等劾之馮計窮求救于江陵乃為畫計矯稱 宮中旨遂首

扣因匿其章事得寢自是兩人者固如膠漆矣
既而引直北門眷遇日隆縉紳之禍膠不可解
云

乙亥丙子以後以言得罪者南給事中余懋學
削籍御史傅應禎譴戍御史劉臺徵詣廷尉削
籍已而復謫戍死于道路編修吳中行檢討趙
用賢俱廷杖削籍員外艾穆主事沈思孝進士
鄒元標俱廷杖謫戍御史朱洪謀孟一脉員外
王用汲俱削籍趙參魯趙世卿俱竄逐張位習

御龍子集

由清新聞卷之二

六

孔教俱以疑似左遷

江陵歸葬日有新野令傳某者獻竹輿方五六
天外施帷帳內設几案胡牀立二僮其側揮白
羽為涼計江陵大喜往返俱乘之昇者五六十
人方列以進衣綵鮮明為快有新鄉令者令昇
夫皆白帟白衫襦意謂當得其歡心江陵甚惡
之抵京後徵新野令給事黃門而黜新鄉令
戊寅秋予入賀都門已由潞水南下將至河西
務見兩岸旌旗蔽野有巨艘數十連亘四三

餘皇舳舻無筭其甲士擐鎧著兜鍪暴立樓船
上亦無筭鉦鼓之聲絡繹不絕移時乃盡問之
江陵太夫人也擁護後先者有巨璫緹騎帥各
一人督撫大中丞一人總兵副總兵參遊帥四
三人所過州縣供奉果脯諸物至數十百盪挽
卒至三千人為蝦鬚纜牽之瀕河諸守令爭事
侈靡取媚至有為廬舍河旁施錦繡帷幄羅珠
玉寶玩充牣內外者自古舟行之盛未有若此
朱侍郎大器嘗言金五行精氣也常流行而不

御龍子集

由清新聞卷之三

七

已居官治生勿得多積金多積不散則滯而不
得行是為拂金之性必將為崇為既求行而後
已故小積則有小既大積則有大既未有無既
而自散者予每繹其言當為古今至論

上將大婚時遣司禮監隨堂孫隆來蘇杭等府
督造袍服計共七千餘套約用工料銀十萬餘
兩已而蘇湖大水帑藏積金搜括已竭無可加
徵者填撫大中丞為請于上得減其半予在
雲間時見其所織多錯綵二色錦幅闊二尺有

半疋長四丈厚比五銖錢亦有金地羅金地紗
絹地羅之類皆厚重不可服不知何用又有鋪
地錦者闊厚倍常宮寢中用以鋪地尤可惜也
時歲時將暮促織燈籠錦進用皆錯絲為殿閣
燈球形歲牲炫耀蓋三宮所服為元宵日宴賞
也又有飛花布疋用工料五兩細膩而已無他
奇絕

賈學叔光祿乃父贈松江公曰民者年二十時
遭父喪廬于墓側三年不歸結黍菁為簇坐臥

御龍子集

由清新聞卷之二

八

其中風雨不辟易每自為爨朝夕獻墓所有一
大隨而衛之不舐其餒一日有巨蛇盤踞來向
公臥處若有欲嚙狀公不為動蛇乃去詰旦蛇
死墓道傍時仲夏淫潦時至所居前陸地忽生
荷葉亭亭若擎蓋月餘生菌莖數枝人咸異之
以為孝感所致云學叔守雲間時與予數言其
事欲著一傳不果今志于此

予在徐少師子升家見世廟批答及御劄其
多凡閣臣題奏皆用硃筆批答潦倒滿紙有

令再奏者其閣臣擬旨皆用白籙紙闊一
寸細字楷書以進上覽畢用硃筆攷定甚
至存數字耳亦有駁下再擬者再擬不當則出
別劄讓之其劄用白紙數摺其字或硃或墨隨
手漫書字方一寸許一摺止一二行或紙盡則
分行書之面上署一答字外用小黃封發出亦
有用御封圖書者閣臣見封無不悚息急開視
之無它乃已至于祈謝祝辭亦皆閣臣具草
上裁定之塗攷改易不一而足世廟之英明

御龍子集

由清新聞卷之二

九

剛斷類如此當時閣臣亦猶有所顧忌云
又見穆廟留徐少師一劄殆二十字字若指
面大楷書不甚端麗却有敬慎意

徐少師以嘉靖二年癸未及第授編修久之以
言祀禮忤旨出為推官遷府同知提學僉事
副使嘉靖十八年選定宮僚乃入補司經局
洗馬累官禮部尚書三十一年壬子入閣參預
機務歷晉少師在閣十有七年六考一品滿隆
慶戊辰致仕萬曆癸未卒于其家壽八十一贈

太師諡文貞敷歷中外四十六年居一品位十有八年優游林下十有五年福祿榮壽之盛我朝所僅見者

予在吳中接見大老甚多內閣則華亭徐公常熟嚴公尚書則華亭陸公樹聲長洲錢公邦彥上海潘公恩湖州董公份宜興萬公士和曹公三陽江陰劉公光濟嘉定徐公學謨常熟徐公拭侍郎則上海董公傳策太倉王公錫爵大理卿則王公世貞華亭公位望隆重凡撫巡各臺御龍子集

由清新聞卷之三

十一

及監司府縣造拜者不為造謝唯命公子太常卿璠等躬齋名紙詣官寺代謝之至于登舟解維之日公乃親詣舟次拜送或為郊宴致饘饘焉陸公則稱有疾有造拜者幅巾褰綸以見既而命蒼頭齋名紙代叩官寺上海董公亦倣之然衣冠以見亦命蒼頭代叩或躬詣門外一投名紙而去其餘未有不造謝者至于潘公則徑示先施矣

予至常熟謁嚴公于東第已而還舟坐定忽傳

嚴相至急出一視之見一小艇鼓柁而來疎逵隘甚一蒼頭運楫一僮臂架官袍立舷上須臾抵予舟側見公微服偃僂踈蓬下艇定乃出登舳頭命僮著袍予迎勞之曰老先生何自苦乃爾曰恐先生揚舲偶無僕御在傍遂借租艇而來耳何得言苦乃登予舟交揖進茗不飲而去人不知其相國也予嗟咤久之

今上好翰墨一日山房數握命司禮監分送講官書詩以進有山陰王家屏者用圖書識其末

御龍子集

由清新聞卷之三

十一

江陵見之謂非御賜圖書不可王大臣阻以水湔之其痕不滅也及逸覽上不悅王恩移疾以歸越三歲復就官

甲戌五月五日內閣階下盆池內開芙蓉一枝江陵謂發花太早當是瑞蓮適翰林院齋中生白燕子以為瑞燕江陵上疏稱賀復命諸翰林為白燕蓮花詩以進已而有中旨歸功元輔矣禁中有成祖文皇帝四駿圖一曰龍駒鄭村壩大戰中一矢都指揮丑丑拔矢二曰赤兔

白溝河大戰宵中一矢都指揮亞失帖木拔矢
三曰棗駢小河大戰宵右曲池各中一矢安
侯脫火赤拔矢四曰黃馬靈壁縣大戰後右曲
池中一矢指揮維兄拔矢萬曆間 上命中官
出示儒臣命題詩其上王侍講家屏各為長短
句一首題之其一曰天馬徠翼飛龍蹄削玉耳
垂筒碧月懸雙頰明星貫兩瞳 文皇將士盡
羆虎復有龍駒助神武流矢當宵戰不休汗溝
血點桃花雨壩上推鋒第一功策勳何必減元

御龍子集

曲甫新聞卷之三

五

戎君不見虎士標題麟閣裏龍駒亦入畫圖中
其二曰雷鉤鉤北軍來赤兔走黃雲開搜身超
夾澗策足絕塵埃白溝原頭振顰鼓貫陳穿營
猛如虎穆王赤驥詎為奇昭陵發雷應難數百
戰間關未解鞍箭瘢還向畫圖看只今四海昇
平日誰識當年締造艱餘不具錄

上喜圖畫遇有扇面小景卽發司禮監付儒臣
題詠申張二閣老及陳學士總邦何侍郎洛文
許學士國于侍講慎行王侍講家屏輩俱有所

作而陳學士荷亭一律當為絕唱其詩曰滄洲
深幾許野色近霏微雨歇小舍潤林迴燕未歸
雲陰多覆座荷氣細薰衣却望煙波青幾從太
液歸

宣廟工翰墨有御筆水鳥山石白馬諸圖藏之
大內 上命諸儒臣題贊陳學士題其右曰一
拳留 御墨千仞鬱崔嵬上漢樓難取中流柱
不迴三峯分萬萬古長莓苔擬獻如磐頌誰
堪若礪才

御龍子集

曲甫新聞卷之三

五

華亭徐少師三子曰璿曰琨曰瑛俱以蔭為列
卿長太常次俱符臺其田賦在華亭者歲運米
萬有三千石歲租銀九千八百餘兩上海青浦
平湖長興者不計也佃戶不下萬人公晚年好
佛獨居一室以二童子自隨家柄任諸子不令
開白客至曳一履一鞢迎之偶語終日或設酒
食相勞覓一二僮稚清歌以節劇談云爾家不
畜聲伎古今傳奇諸書亦未嘗覽一日餞予于
郊有優人演馮當世戲劇公訝為新聞而不知

其侑觴几席者比比也

董尚書富冠三吳田連蘇湖諸邑殆千百頃有
質舍百餘處各以大商主之歲得子錢數百萬
家畜僮僕不下千人大航三百餘艘各以號次
聽差遣其青童都雅者五十餘人分為三班
攻鼓吹戲劇諸技無事則絲衣絡臂趨侍左右
一遇宴會則聲歌雜沓金碧奪目引商刻羽雜
以調笑公對客流覽其間以為大媮快也庚辰
歲以女孫女于吳縣申公子妝奩衣飾至滿三
御龍子集

曲洧新聞卷之二 古

百筭已而陳于閭門外筭各一凡出女子六百
人昇之亙古未有

常熟嚴相公有東府南府兩夫人主之公遨遊
二府間府各半月所在處應用禮物俱出自夫
人所所入禮其夫人得之公不有也性喜戲劇
家畜青童十餘人每宴演戲侑觴夜深不厭
王元美祖曰質菴公官至侍郎父曰思質公官
至都察院右都御史兼兵部右侍郎元美席有
先業其家亦巨萬新蔡張助甫者元美友也一

日客元美家時歲將終矣諸質舍筭子錢者類
造帳目呈覽主子錢者舛簿白元美曰已筭明
元美問曰幾何曰今歲不往年若也三十萬耳
元美頷而收之助甫歸以語方允治允治大駭
蘇州有范文正公祠祠藏文正公手書一軸乃
楷書伯夷頌也字不盈三分太遒勁可觀其後
皆名賢跋記自兩宋胡元及我朝弘正間跋
者不下百人程伊川秦檜賈似道皆有俱其手
書真草不一各有圖書識其下又有忠宣公拜

御龍子集

曲洧新聞卷之二

五

相告身一道其制若今之誥命前書命相之辭
後書某官某行辭某官某書其字皆行書末楷
書一制字制字下御筆書一可字年月上密用
小璽五六顆硃色脫落不能辨其文璽方二寸
許耳萬曆初其奉祀者落鬼不檢遂質二軸于
王元美家得白金六十兩庚辰歲元美謝家柄
檢二軸出欲返其人不責子錢也慮復為人所
得乃焚券歸其軸于蘇州府封置庫中自為跋
書軸尾記其事予至蘇州朱太守文科出示

予故得見之亡何范太僕惟一請而藏之家惟一
一文正族人也居華亭

王元美家有宋板前漢書字疎朗大若五銖錢
紙極堅白繕治精絕係一世家故物元美用白
金一百四十兩購之貯以紫檀匣寶若拱璧
王鈞美提學為尚寶丞時有人以淳化帖求售
視其紙墨點畫真宋物也購以白金百有一十
兩久之乃覺其贗

蘇州有黃虎者自稱為子澄後善翰墨巧黠過

御龍集

由清新聞卷之二

未

人郡人有清明上河圖宋人名筆也分宜于世
蓄求之不得虎就其人借觀遂自寫一軸點染
拂拭模仿其色澤逼真矣乃持售于世蕃大喜
以為真宋物也予之白金千有一百兩久之事
露撤蘇州府繫虎追其金虎石狴犴數年罄產
不能償其半日為小畫方尺寸託獄卒出售為
餬口計蘇人爭欲得之久之分宜敗乃得釋

萬曆初 詔雪革條諸臣崐山有子澄墓虎曰
吾祖也寒食日率其族人祭之忽震雷壞其墓

修之有志石見其銘曰忠臣無頭萬年出頭田
出兩頭土木增頭讀者不能解或曰萬年萬曆
年也田出兩頭是中字土木增頭是王宋二字
時崐山知縣中君思科蘇松監兵使者王君叔
杲督撫大中丞宋公儀望也為之立祠祀之其
志銘今有榻本好事者多有之

蘇松觀察使李公頤與予言台州有老醫者善
太素脉已卯夏為診浙藩右轄滕公伯輪徐曰
杪秋當署藩司印弟明春大計不免耳時左轄

御龍集

由清新聞卷之二

七

勞公堪與公俱有時名俱計時期開府者頗不
然其說亡何督撫大中丞吳公善言與勞公構
卻上書自劾勞公得調去公果署其司印乃大
驚曰此而驗明春奈何至冬末御史謝師啓列
公不稱職左遷去時喬君因阜視學浙中聞之
召令診其脉為剋期定遷轉所言皆驗喬為太
僕卿攜以北上至通州辭曰予命不利近顯貴
人不願入京公強之入居京邸公卿爭邀致之
亡何墮馬折其股乃隨李公南下時李公尚為

湖州守也以入覲歸公有一蒼頭私求診視曰
汝妻某日產一男亡何得家報果然至湖州董
尚書份邀之飲有青童善歌舞尚書愛之令為
一診乃大驚曰此子月內當死然童本不病尚
書駭問之對曰腹為蟲窠久矣月內當發發則
不可為計尚書疑其欲治不病也不之信亡何
其童腹痛而死又嘗診一婦謂其腹有蟲當長
數丈以藥下之其蟲滿桶量之長四丈予聞言
以為真神醫也辛巳春予與倪潤仲訪于太倉
御龍子集 由消新聞卷之三 大

郎中診予兩人無一驗者豈李公之言或過其
實邪抑其術有時而窮邪後予會縉雲李誌郎
中亦以李公之言為不妄

曲消新聞卷之三

御龍子二十三

消上范守已介儒著

寧夏侯廷璠校
扶溝李時

康德涵有甥曰張鍊者大有乃舅風能為古文
辭五七言律駸駸與德涵爭牛耳其樂府似在
乃舅上泚東碧山等快中多小令不甚佳其為
北調大套曲歌之簌簌可落梁上塵矣

茹觀察宗舜監兵莊浪萬曆戊子春有子六七
歲矣戲于廳中忽兩手反接廳柱上自言為鬼
所縛繫一家大駭茹命五六人提取之不能下

御龍子集

曲消新聞卷之三

一

竟死柱間茹哭之慟或言此舍不可居有厲若
斯古今所罕聞者宜避之茹不以為意也曰小
兒自當死厲何能為居亡何茹遭疫厲五日死
江陵柄政時有為兩廣總督者鍛金作大盆內
以銀鑿峯巒高二尺許綴以珊瑚珠璣雜寶錯
落名曰聚寶盆遺江陵為壽受之大為愉快亡
何其人入參樞筦矣

天驚絨古未之聞殷司寇正茂總督兩廣時購
得一疋遺政府價用白金六十兩然裁殺一禱

諭而已後又得一長足者則八十金矣云是天
鷲毛所緝出海外顏色各異披毳若剪絨錦
江陵秉國久頗有異志其黨與爲一行卷首標
曰天與人歸四大字遞送諸學士卿貳題詠其
後有一少宗伯者爲序其端極其翊戴餘各爲
歌行五七言古詩近體諸什爛然盈卷矣江陵
得之喜甚亡何江陵殂少司寇丘公檉給事中
楊廷相中官張誠往籍其家見其卷欲聞于
朝按名行誅當路恐其株連無已爲寢其事今
御龍子集 曲清新聞卷之三 二

卷尚存中官家

龍宗武者江右人初爲吳郡司理以放達稍遷
同知太平府府瀕大江而蕪湖其要地也宗武
理江防事鎮蕪湖時江陵遣中官奉 詔迎其
母舟過蕪湖宗武席帽窄袖衫率邏卒左右其
舟止則登岸跪啓太夫人嚴憚甚又分賂其中
官及江陵第爲錦衣者先是有飛章假海瑞名
言時事而宣城生員吳仕期者素有特名爲仇
家所擠誣飛章爲仕期筆言于行江大中丞胡

檟檟聞于江陵怒甚遺書檟曰國君不讐匹夫
斃之杖下可也檟以示宗武宗武曰是在我矣
乃移仕期蕪城獄絕其飲食日夜虐之仕期餓
至嚙敝韞袍殆盡七日不死乃囊土殺之以報
檟曰結矣檟以聞江陵大喜其母及弟爲錦衣
者至京復爲廷譽遂擢宗武守河南府而按吳
部使者不知宗武有奧援也大計時疏其理吳
不法事臧至數百千法當褫職江陵不能難也
稍謫爲別駕亡何遽擢僉事分巡楚地又亡何
御龍子集 曲清新聞卷之三 三

假戡黎平功晉少寮駸駸向用矣宗武亦自以
爲得計壬午秋江陵殂仕期妻貢氏白其寃狀
于南臺上聞于 朝下南畿兩臺勘問不妄宗
武及檟俱戍邊士論快之
覺空和尚消人也初傭于虎臺寺飯牛所得菽
粟儲于寺冬以飼鳥雀或冰牛而己年三紀餘
聽寺僧誦觀音經微之目不識一字久之晝夜
坐一禪榻上不少寐也數年遂前知消人聞之
有來就觀者輒語寺僧曰某時某方有客來可

評掃以待無不符合者寺僧以爲神乃爲祝髮
嚴事之名之曰覺空然厭人喧逐輒自亡去入
少室山穴內跏趺坐人無知者饑餓幾死七日
有聞者遺以米屑藟松葉鬻食之得不死居三
數年復還洊結廬城北之道傍不竈不榻跏趺
其中有檀越施食者至則食不至不索也而城
內有寺曰福昌其僧明陽字太和余族父行也
嘗遊諸名山剎博極羣典覺空閒之閒往來其
寺中聽太和師講諸品太和師客之閒爲太和
御龍子集 曲洧新聞卷之三 四

師語寺僧某某以過受陰適不久當惡死亡何
果各以所言謫證發病死丁亥秋余還洧上太
和師過余問訊言無際在寺中寧無一與語乎
余約以明日往無際者空宇也知余欲與語輒
逸去不知所往他日又來寺內余聞之不令人
知夜跨馬從一蒼頭言往寺前訪同社友至則
輒抵寺扣其扉太和師出延余丈室中裁相揖
空自東廂中來就余曰蒙大人賜顧貧僧當叩
一首蓋已知余爲渠來也余禮之命坐與語所

言皆見性語余問何以前知曰若有所見爾問
見以目乎以心乎曰見以心爾目中何得有見
又言渠在少室時見山峯浮動若龍騰久之化
一白衣女拜首渠前它人不之見獨北山誦密
陀佛老僧與渠同見也今不知所在

東平民家生一子周歲能言自云兒是北平張
舉人名某者因赴試 都門爲煤毒薰灼死冥
司以兒爲某縣城隍神曾託夢其友人令來廟
中驗視兒神像動搖以爲證久之見有婦女焚

御龍子集

曲洧新聞卷之三

五

香者心頗動輒生爲今兒因誦其中式時題目
及墨卷文論無遺亡者好事者爲購其試錄驗
之良是事聞于州官給月米一石資贍之後十
餘歲乃稍稍忘之矣

緬甸在雲南西南金沙江外其北爲孟養其東
北爲麓川其東南爲木邦其南爲八百大甸其
西爲大古刺 國初以緬甸孟養木邦古刺各
爲宣慰司統領土夷而緬甸地獨大所領有孟
艮府干崖隴川二宣撫司灣甸鎮康二州芒市

孟璉二長官司東至木邦南至南海西至曼里
北至麓川周迴數千里其酋莽姓每世及襲替
請命于朝得命乃敢泣其官近因襲替爲需
求所苦漸有異志有莽應復者遂自立僭稱帝
號署官列職號召各土夷安撫等司受命其國
爲之易置揉綏各土夷樂其近而畏我之遠樂
其寬而憚我之嚴羣然從之無復有赴闕請
命者矣有廣西人陳安者初爲郡吏亡命入緬
應復信任之署爲丞相教以侵畧疆土之計應

御龍子集

曲清新聞卷之三

六

復有子二人俱稱驍勇詭詐百出而岳鳳者羽
翼其間常領夷目逾金沙江掠我內地孟養麓
川木邦三宣慰司酋長觀望畏縮不敢捍禦滇
中大震國家用師征討不得要領朝野以爲
憂萬曆甲申間僅僅擒一岳鳳獻捷于朝而
止應復之僭竊付之度外不問矣國家二百
年幅員遂失一畝有識者爲之浩歎
劉御史臺按部遼東時疏言江陵不法事
擅逐顧命大臣高公拱江陵深恨之擬

逮繫詔獄刑訊之視職爲民怒未已更遣御史

于應昌按遼東覈臺贖銀有無入橐中以僉都

御史王宗載爲江西巡撫廉臺里中不法事應

昌遂奏臺侵牟贖銀四千餘金宗載廉臺無所

得恩無以塞政府意乃殃其郡司理陳紳授意

惡少不逞者使赴闕奏臺吞噬小民狀江陵

得之大喜下兩臺勘問而按部御史陳世寶者

詞譎尤甚遂比宗載實其事以聞有旨請臺

成廣西仍置行律中完臧後遣繫經年破產以

御龍子集

曲清新聞卷之三

七

償幾死桎梏者屢屢矣乃遣就道竟死于途中

死之日卽江陵屬續夕也明年追奪江陵官有

言及臺事者旨下卽訊陳紳于應昌皆論輸

鬼薪宗載適戍邊陳世寶幸而得脫抵家暴卒

盜劫其資裝殆盡

嘉靖末有一婦人姓孔者善謳能扮演古傳奇

領下生髯長數寸許人呼爲孔鬚子嘗往來尉

氏長葛諸縣衆皆見之不知何許人或云山東

洧上地平衍素無虎萬曆初城南忽一虎號然

出不知所從來鄉人見者皆持戈矛追擊之虎不至人亦不急遽走徐至西南張氏莊躍入一園踞坐不爲動鄉人數百人環牆投之以戈虎睥睨欲上不可得探爪攫一人墻頭上絕其袖袪得不攫去衆奮戈攢刺之虎遂傷死縣令聞之徵至縣剝之爲臯比而磔其骨肉焉古有談虎色變者有人素不搏虎一見能殺之亦一奇事

穆觀察煒曾言渠會試時不第南下至揚子江御龍子集

曲清新聞卷之三

八

遇盜尾其舟忽登舫抽刃劫之舟中人皆駭散觀察謂羣盜曰余皆下第士子耳橐中裝能幾何公勿動吾當傾橐金奉公爲壽盜許之公乃呼同行者各輸其所有總之百餘金予盜盜取之徐躍在來舟上謂公曰公等他日皆有官守寄幸勿讐吾輩吾輩用暫詘適然邂逅敢請公相濟耳意本無它公曰不敢盜請爲誓以示公與之誓羣盜聽畢再拜而去此亦盜之有禮者江陵爲相久改築其先塋名其山曰大輝亡何

家人言大輝山木上有甘露降時陳瑞巡撫楚中爲作甘露頌立石坐內而封其草于政府江陵謂人曰吾家德積未厚恐不堪此瑞又言吾昨夢身化爲龍升天遊雲霧中不知是何祥其黨白所謂飛龍在天也江陵領之相顧而笑亡何遂罹于禍予謂所云甘露其雀餵之類與天亦先示敗兆矣

隆慶間江左有男子顏正者貌頗端潔其母巫也正十餘歲時母教以刺繡針黹少長遂爲女御龍子集

曲清新聞卷之三

九

子妝粉黛雙鬟珥璫弓鞋嫣然一美姝也其母以巫往來諸縉紳家見一縉紳家有及笄女遂進說曰小姑學針黹否吾有一女工女紅可伴小姑縉紳家大喜徵正入女室同事針黹晝夜同臥起其父母不知有它也久之其母呼正欲去其家厚賞資女亦私有所遺贈仍訂約爲後會期也乃又至一家亦如之所過十餘家無不亂其婦女者所得亦不貲最後至一家主人欲私之擁之牀上男子也乃訟于官其前所過家

猶以訟者為誣妄爭直之已而驗視不妄爭直者乃慚而歸各讓其女無及矣官檢律無所比竟擬其母以左道律絞正為從來戍邊久之母死囹圄正久繫不之遺余為雲間司理從郭直指思極錄囚蘇州讀正獄詞大恨之郭直指筆正六十餘欲斃杖下不得今正仍存

蘇州欽即中汝止家有蒼頭黠悍甚汝止在京師其父母妻子俱不從也蒼頭在家盜其囊橐數百金欽父疑是蒼頭蒼頭窘於欽父曰此有

御龍子集

曲清新聞卷之三

十

術士者能鍊將言休咎事曷問謀欽父從之蒼頭乃與其黨為計從我指使不得違計定請術者至其家為壇場藝香以待術者亦不知蒼頭所欲為也為焚符念所常持咒未畢蒼頭遽躍然曰吾乃王靈官汝今請我何為而壇場不潔享獻不備若是左右為我擒治之于是其黨梓術者伏階下命拔其兩髻殆盡亂笞幾死而術者不知其偽也以為真靈官降伏罪請死欽父亦以為然屏息聽命即中婦聞之窺伺屏後蒼

頭役曰此家主婦不良安得窺視我梓來罪之其黨遽梓至亦命拔其髻無遺髮繼命梓欽父至數之曰汝自失銀物曷得瀆我神明命梓階下重箠二十仍用大槌夾其踵痛楚幾死久之乃釋欽父不敢出一語已而告神去其家乃驚定旬日欽父微知其偽鳴于官鞠訊盡得其狀擬以毆家長律罪至死久繫囹圄予錄囚時見其人

林紹用閩之永福人萬曆癸未進士是年六月

御龍子集

曲清新聞卷之三

土

除茶陵知州久之奉其父之官泣任三日往長沙府謁見守丞去州裁三十里輿中忽為拱揖狀口籍籍有所言昇卒恠之又里許拔劍自剄血淋漓衣袂上從者急置輿走報其父父至問兒何故乃自賊紹用張目曰兒乃某仙官嘗治此地今輿衛來迎故欲去爾不信當檢吾篋中素有某仙官圖書也言訖遂絕

蔣吏部遵箴言其祖為諸生時夜讀書屋中忽聞叩扉聲啓戶一女子入請薦枕公納之臨去

公問何姓氏女不答但曰吾卯年卯月卯日卯時生也父之其妻殂公遊學千里外館穀者以公無室人憐憫爲續絃求得某氏女入門儼然書屋中女子也公異之問其生卯年卯月卯日卯時也問曾到全州否曰吾幼處閨門曷得飛身至千里外公曰某年入吾書屋與吾同宿者非汝乎女子恍然曰然吾曾夢遊其處耳公乃知前日乃其神交也情好愈篤後生吏部父叔數人至有今日於乎姻之前定乃如此

御龍子集

由有新開卷之三

五

許尚寶穀有子爲光祿署丞曾與予言 穆廟大祥時光祿寺置宴三筵與 兩聖母及 今上釋練服計費白金三千二百餘兩問其筵何豐乃爾曰每筵七十卓諸珍果皆滿大盒盒廿餘觔也異品不勝記

江陵家畜一奄人項忠者其父乃賣菜傭假其子欲結有司部使者凡遇官輿過輒道獻盃茗以爲常有司部使者厭惡之不爲禮有陳中丞者巡撫楚中至荊州忠父亦道傍獻茗中丞以

忠故欲下輿相與揖而昇卒不肯止中丞踉蹌甚走里許謂昇卒曰少止吾欲下溺音耳與果止中丞得下乃呼忠父前與之揖昇卒掩口而笑抵州求見江陵母強而後出項忠侍江陵母坐上座中丞西向坐母見中丞無可言漫曰看顧項忠中丞俯身曰只有項公公看顧得陳某陳某安能看顧項公公母無它言而退聞者爲之絕倒

蘇州有惡少年羣聚毆人名曰打行棍一人有御龍子集

由有新開卷之三

五

不逞則呼類共爲枰扶不殘傷人不已且搥擊各有法轉相授受或脅或肋或下腹或腰背中傷各有期限或三月死或五月死或十月一年死刻期不爽也人以殺人告理則出辜限外矣不得抵罪以故其黨跳梁市肆中衆皆搖手而避之茅觀察一坤有子挑達人也從蒼頭數人遊蘇州舟過一村強取其雞烹之雞主人怒呼類登舟枰茅子羣毆之舟中人皆避匿不敢抗已而釋之徐語曰善爲調治過五月則無恙

矣茅子歸家五月死

邢諫議守庭居京師僦一方住其舍中兒言某隅有鬼物白晝形見諫議曰再見當白我他日來白諫議乃衣緋衣往觀之果見一物翮頭楮衣自腰以下裸而跣楸如而步見諫議來有退縮狀諫議曰彼畏我可無畏矣乃進步逼之其物遂退至墻角下縮入地內諫議故撒溺其處聞地中有慨嘆聲諫議因與約曰吾僦居此房不知有汝誠恩汝但一時無房可移耳約一月御龍子集

由清新聞卷之三 古

當遷居鬼遂不再見而諫議因循不果遷滿一月則又出盤散于庭矣諫議自責夤緣僦他房而去然亦無它松江董侍郎傳策初以主事疏言時事世廟怒逮繫詔獄褫職謫戍廣西隆慶初錄用累官少宗伯以與人爭訐論歸年未五十也居家蹇傲不情有司部使者登門造拜竟不報謝遣一蒼頭投名紙代叩而已有青衣將可成者初為僮給事書屋中既長以為心膂得出入房闥內

不禁也遂與其婢紫榴通公知之數可成罪重

箠六十而鞭紫榴數百置之其僕朱濟有機械公夫人私之盜去橐中裝萬餘金公不知也偶以小罪逐之濟恨公可成乃號召濟及嘗被公箠楚者十餘人夜隱後園內重樓上濟求食于公夫人與之食是夕公與其妾臥西室中紫榴臥于榻下夫人臥東室俱同堂邇甚而東室牆外有小門東向出可達後園路委曲暗甚非嘗所經行者不能知三鼓後可成率衆直入小門

御龍子集 由清新聞卷之三 圭

外叩扉紫榴從中啓重關納之濟等突入臥榻前梓公下昇至西牖外公以為劫盜也連曰公等但求財物當自取去勿苦我衆曰來索命耳遂用斧斫其腦後及脅而死明日可成走訴府官言家主被盜殺死乞緝盜官至第諦視之知變自內發也逮其僕婢即訊紫榴言火下認是濟等所為而濟已逃遁不知所往矣乃鞫可成等當以殺主罪而公弟舉人傳心者力言其嫂與殺狀請並逮問部使者親詣其堂寢隔帷諦

審公夫人夫人言不知狀而詞頗忸怩夫人兄
李侍御人龍也從史諸縉紳言董公事已慘不
可更蟻及夫人爲士風羞乃舍夫人而緝得濟
于蕪湖與可成等九人俱磔于市

戊子歲虜犯西寧殺其將李魁殲軍二千甘肅
撫臣上言先是有天狗見兆主兵衄不戒乃及
于旣余時巡關內詢及西人士皆言天狗人所
習見者無足異西番山中有此物狀若犬而赤
睛能乘雲霧行見則爲雹亦主兵西域有異僧
御龍子集

曲洧新聞卷之三

夫

乙酉秋河南旱暵尉氏縣有神憑人言是關侯
者人問雨期曰縣東有黑嫗祠今方爲厲故旱
焚之乃可得雨衆信之鳩衆數十百人往焚其
祠而祠頗壯麗土人謂爲天仙廟不肯焚聚衆
守之欲焚者往白其令除用賓用賓諭之不云
因曰焚之不改禁若無雨汝等當爲鼎建耳衆

躍然去夜實薪其祠中爇火爲灰燼矣明日雨
大澍二旬不止遠邇俱霑足然不知其何鬼也

御龍子集

曲洧新聞卷之三

七

曲洧新聞卷之三

曲洧新聞卷之四

御龍子二十四

洧上范守已介儒著

寧夏侯廷輝撰
狀講李時卿撰

黃公傑字七英洧人五歲不能言七歲喪母不食者累日繼母周嚴重難事伯仲不能堪公默先意志得其歡心嘗與羣兒戲樹下有相者指之曰此兒當大貴可善育之然貧甚不能自力學年十八猶困于芻牧亡何父淵爲六合令從之官自請渡江從國子林先生懋受尚書及博士家言不數歲隸博士籍天順三年遂舉于鄉

御龍子集

曲洧新聞卷之四

一

癸未赴對公車塲屋災死者數十人公自垣棘中出身無完膚丙戌登進士授濟南推官府故多滯獄公至剖決如流積滯遽空歲饑有假貸子錢強取人穀及畜者守欲置之法公以人衆物寡且以饑故悉縱之第約令豐年收責守承檄發倉廩民闌入跡藉有至死者部使者聞之急檄公往至則與民約魚貫乃予穀衆始定亦無不得者部使者嘉之勞以金幣樂陵民圖不訖肅聚倡儼公承檄收捕之殲其魁案籍所連

及殄萬人公愍其無知火其籍大中丞牟公倖欲止其功公辭不居也癸巳徵拜侍御史按治陝西南司隸所至有聲最後按治司隸有易州守李某者不法事露公偕緹騎帥劉潛覈之或得李私書語連勢要及中貴人潛欲發其事公謂與匿名書同置不問潛密以聞帝怒徵公詣闕下筮之復繫詔獄亡何憲廟念公識大體釋之尋擢順天府丞以忤權貴故出佐肇慶公至不鄙夷其民撫捺徭至徭僮德之嘗出遇

御龍子集

曲洧新聞卷之四

二

羣徭峽中皆下馬邏拜曰此我東衙主人也衛之出境弘治初遷知慶陽府尋察政陝西壬子擢順天尹甲寅晉尚書地官侍郎總督國儲已升滿三載晉階通議大夫贈封父母大父母如其官丙辰乞骸骨不許久之得允遂卒于京訃聞遣官諭祭于家并營塋域公爲人長厚亡町畦獨嚴取予其介不可寇敫歷中外幾三十年田盛不加其舊云持身行已大類古人官至少司徒不立別號以字行而已自謗其軒曰直節

人因稱爲直節軒公

高少師肅卿 穆廟初以浮言歸第角巾故里不爲崖異嘗跨驢走東里人不知其少師也一日立墅門有荷蓋者過之公問大蓋所直其人地擔聲喏曰啓齋長公曰爾何地人曰密縣公笑曰爾縣有如此大齋長否其人亦笑而去里中有沙彌速公飲公從之飲異日一道士亦來速公公笑曰若見吾與僧遊當不若拒也吾亦不得拒若復與之飲其坦夷近人類如此

御龍子集

曲清新聞卷之四

三

安陽郭相爲布衣時與一士子相友善罷相後言者履錯戶外其人默不公惟問其故知其貧也媿不欲來公使人強之其人老且憊矣戴臆額怡敝縕以來公迎謂曰故人無恙何至棄絕若是語間問及兒女其人曰老夫無依止有弱女耳公命僕具湯沐請入浴浴已衣以新衣其人不欲公強之因呼其幼子出拜之命爲翁婿其人辭以貧公曰母資以百金使爲具乃卜吉納六禮焉一時喧傳以爲古今所未有

臨穎賈相歸田後跨驢謁武當山道逢部使者辟行人公不下問之曰臨穎賈詠部使者駐節欲道謝公驅驢去矣不得與之言

密縣東五里有碧霞元君祠內有白松一株三榦扶疎皮如傅粉相傳黃帝時有三女同學玄女術後歸省母家一夕俱沒合瘞于此遂生此松未知所據游覽者題詠頗多當爲數百年物也曲洧舊聞中不載豈少張未之見邪抑當時未之有邪

御龍子集

曲清新聞卷之四

四

虎牢關在汜水縣西其東近滎陽皆坦夷道入境地漸高峻至縣城中突起一山如萬斛困出西郭則亂嶺紛糾一道迂回其間斷而復續使一夫荷戈而立百人自廢信乎爲洛陽之門戶矣

洛陽西至新安道路平曠自新安西至潼關殆四百里重岡疊阜連綿不絕終日走破中亡方軌列騎處其間破石及靈寶閼鄉間尤爲險要古之崤函在此真所謂百二重關也周在東不

能西禦秦唐在西不能東禦祿山悲夫

禹州馬公文昇初盤仕時宿一郵亭中夜有老
狐爲女子蠱之公佯與飲醉而禽之置書囊中
狐醒求出不得乞哀于公公曰爾何能曰能前
知公曰知吾所終乎曰老馬怕添渠耳釋之不
知所謂後公累官大司馬累宰功名震世忌者
嫉御史何天衢中以浮言遂去位

愛中丞以平者亦禹人爲主事時畜一妾有身
其嫡忌之道逸去公卒無子謝政後居嘗鬱鬱

御龍子集

曲清新聞卷之四

五

然忽一士子來謁曰予父兒也公詰其故曰兒
母以巾櫛事父中道自絕生兒于某氏之室兒
母沒時以其故語兒且示兒以父體隱疾令兒
歸父以爲信公大喜子之遷其私人州里呼爲

新公子

劉司空麟江右人僑寓長興縣爲人倜儻無城
磨以不以榻每以大木桶盛褥坐其中令人舁
置屋梁上詰旦取下以爲常一日乘小舟夜泊
野港有萬叅戎者過之月下見一物若白猿躍

田中尾之走入舟問爲誰氏船曰劉尚書也時
人因目公爲白猿精

海中丞瑞瓊州人初以乙科爲邑博士縣令俱
有聲徵守尚書郎乃上書數世廟闕失下之
詔獄穆廟初擢爲寺丞太常卿尋拜大中丞
巡撫南司隸十郡刻意冰蘖以三尺繩所部有
害巨室漁民者輒置于理盡奪其所有予民由
是珥筆之徒益肆無忌時華亭謝政歸里人不
逞者售詞于公輒羣詢其門日散數千緡不能

御龍子集

曲清新聞卷之四

六

塞望華亭公不能堪夜駕小艇避匿蒼雲間有
蔡觀察者希瑞指置華亭子于理論爲城旦久
之乃得雪亡何瑞亦去位然撫吳時出必乘驄
不以與令所部官以文綉謁臺下皆近年所未
有

世廟時分宜柄政務結奄人偵帝有至閣中
白一語者輒厚賚之以故大內動靜無不預
知遇有行幸建置輒先爲頌贊青詞之類待之
聞命卽上故帝悅其敏如有所彈劾輒經

營解語自救故得掩其惡據位二十餘年不至
搖動者以此

隆慶戊辰山西男子李良雨年二十許娶妻數
載矣以反目故出宿于外與里中白某同臥起
忽一日腹痛不止遂變為女子亡何天歿至白
某乃通之遂為女子妝為室家計其兄知之白
于縣官縣官疑其本非男也追其妻詰之不妄
乃上其事

趙全者雲川衛餘卒也以罪自竄于狄與其鄉

御龍子集

申清新聞卷之四

七

人李自馨趙龍呂老祖周元等同投虜酋酋割
板升地居之久之亡命多依全等部落日衆全
有衆萬餘馬五萬匹牛羊三萬頭粟二萬斛自
馨有衆六千元有衆三千牛羊稱是虜酋俺答
者悉心任之每圖大舉必就全全作宮寢館之
置酒高會計定而後行聲東擊西謫詐百出歷
年塞上多故皆其謀也隆慶初石城之變為禍
尤慘嘗為俺答計入據雲中上谷北塞雁門東
隘居庸興遼金故業虜不能用庚午九月有把

漢那吉者來降納之把漢俺答孫也答念之不
置款塞求還時新鄭柄國計令獻全等易把漢
答喜遣其黨哈台吉伍奴柱收全等來獻周元
仰藥自殺全等至京師磔于西市

把漢那吉者父曰黑台吉俺答次子也台吉死
俺答疑其諸婦盡屠之時把漢財三歲俺答命
妻一克哈屯字之把漢長保甚俺答愛焉已而
約取免捨金女為小妻未之婚也而襖兒都司
者部落亦衆俺答以甥女許之既而微其甥美

御龍子集

申清新聞卷之四

八

遂自納為姬而以捨金女子襖兒把漢怒大詢
俺答有阿力哥者其乳母夫也懼俺答誅把漢
趣之歸我把漢以為然遂攜其妻妾比吉等款
塞來歸守臣以聞 朝議受之授官指揮使賞
賚甚厚俺答聞之率兵屯塞外欲納貨贖之歸
既而聞中國欲得趙全等乃縛全等九人以獻
把漢得歸為言中國恩信俺答感泣不已上書
謝恩願為外藩自效 朝議從之封為順義
許歲貢馬駝通市塞下焉

萬曆庚辰夏上海川沙堡獲海船一艘夷衆二
一人部使者下予鞠之其人出牒呈一紙內
書行濟州使司兼水軍兵馬都統使云云右牒
呈戶曹萬曆八年二月日有梁成貴者能書予
爲片紙詰問之成梁答云係朝鮮國濟州島人
因往本國遭風飄蕩至此乞由山海關送還予
又詰云牒內不稱本國年號疑是詐假成貴答
云本國奉大明正朔別無年號予因驗圖經濟
州在朝鮮國南海中若中國之瓊州然蓋古百
御龍子集 曲消新聞卷之四 九

倭奴辛五郎者爲總兵官郭堅所畜能爲中國
語問其國俗對曰日本國最强高大麗琉珠諸
國俱修貢不絕惟海東一國其人長大多氣力
冬夏無衣以鹿皮蔽前後無兵刃人持一大棒
常來侵擾每戰舉棒橫擊無不立死倭人甚畏
之

之問其國名曰我不識字似是夜由國爾
謝行人杰返自琉球與予言琉球在海中最稱
小南北五十里東西三十里耳其王亦習禮儀
跪起簡劄皆如中國第臨國人時自用夷俗也
其地亦出瓜果刀布諸物第無美酒王市暹羅
酒以供天使有容安和尚者日本人能爲絕句
詩及他藝其王客之使教國人聞天使在館來
謁獻所爲詩句中多用三山字問之曰中國爲
唐山與日本琉球共爲三山蓋唐時曾破日本
御龍子集 曲消新聞卷之四 十

海外畏之至今猶稱唐云第以中國爲一山則
亦夜郎王之見爾
隆慶末順義王乞貢市許之有治兵使者朱裳
溫人也主其事順義屯塞外要裳來見裳詣其
營左右脅以見諸王禮裳不從又不敢以長揖
見因思塞外以曲脰側首爲拜乃曲一脰側其
首議者以爲拜虜罷之以成安蔡可教繼其事
順義復要之見可教先賂其妻妾使爲之地乃
來見順義復脅以見諸王禮可教曰皇朝臣子

見內地諸王皆不拜順義不能屈客之其妻
從史王使留飲乃邀可教雜坐飲食之妻妾操
琵琶侑觴極歡而罷議者以爲辱國以大計去
趙卽中世卿歷城人初在南曹上書言五事俱
有所諷首云賈誼在漢文時痛哭流涕議者以
爲通達國體以臣觀之可爲大笑云云當路街
之出爲荊府長史荊王國長沙時謂誼一哭而
得長沙王傳公一笑而得長沙王傳

已卯秋淮安黃浦口一夜雷雨地陷爲穴深丈

御龍子集

由有新開卷之四

七

餘闊二十丈中積龍骨甚多人爭取之楊州同
知韓相言于治河尚書潘公移檄收其骨復于
民家屋後得龍頭骨大如馬首乃具疏以聞貢
骨入內府

萬曆初日食 京師及河南有光如新月蘇松
食旣星見羣雞鳴

丁丑九月蚩尤旗見尾箕間長十餘丈本狹末
闊若植蕤然微曲而東指日漸東行歷斗牛抵
文虛兩月乃滅臺官以爲災六不知所主當

昔以爲義當掃除乃大蔽輦轂吏去私怨數
人應之已而薊遼吳越皆大水又皆有兵事
庚辰秋彗出女宿近墳墓星長三尺許逆行入
天市月餘乃滅十二月九日宜妃楊氏薨妃有
身當免矣有饋藥者飲之而薨

黃士英侍郎爲兒時父淵歲貢士也偶他出縣
尹過其門以不灑道捕其母施以夾指之刑後
士英爲御史清陝西軍伍尹在其部內戶有五
卒當補伍者俱以法遣行

御龍子集

由有新開卷之四

三

平湖縣外有觀音菴者其像剝落隆慶中一商
攜金過之解囊施一金爲飾其像羣僧利其餘
金夜醉以酒逼使自絞死其商泣而從之遷延
至夜半乃自絞時有邏卒過其菴後見一婦攜
燈出汲疑其姦藪也尾之其婦入門不見排闥
索之乃見自絞者解懸得蘇言其故衆遂縛僧
詣縣置于理焉人皆以爲神明之報

定州有浮屠觚稜干霄中有磔道盤轉上可容
數百人嘉靖末一日登者磔道上下皆滿忽坐

上者若有所見驚悸跌蹉而下以次壓墜皆倒枕藉以死者二百餘人州守趣視之令人出其屍不得爲文祭之久乃出

庚辰秋松江漁者得一物于黃浦似龜而大徑三尺許頭目胸背龜也而四足如鴛鴨趾有膜連趾間漁者不能名焉孝廉家以白金二兩贖而放之海閭太守邦寧以問予予檢吳都賦注名曰鼃鼃而人無識者

江陵相公家蒼頭允守禮者便佞善伺相公意

御龍子集

曲肅新聞卷之四

五

中外欲納賂者皆求爲先容巡撫重臣至有投名紙自稱通家者餽遺無算一給事中黃綠欲得政府意乃與守禮締婚相得甚驩先是吏部選取臺諫臣選曹預具姓名請政府去取批下乃敢上聞取旨壬午夏相公病不起杜門者已兩月而所徵中外官集闕下待選者久之選曹仍具姓名送相公邸時相公危頓欲屬續矣選曹即日伺于門廡不得命更求守禮促之守禮入私自竄定其人素來趨附者留之不

相聞者去之出示選曹曰已得請矣選曹唯唯奉行故所選多便佞士

予家所藏有故宋傅堯俞手卷一軸前列拜講官拜黃門侍郎二勅皆正色紙行書制辭後署一勅字年月用玉璽一方硃色黯淡不可辨次張九成所作傳公傳次傳公真容次九成所作像贊次傳公自撰家乘序次楊時王佐文天祥吳澂班彦功題跋而岳飛周必大劉敞則題其卷首岳題至寶二大字周題家寶二篆字劉題

御龍子集

曲肅新聞卷之四

六

簪纓繼世南渡人家八大字各極體勢而劉筆尤飛動適勁可愛其真容自有以上筆紋精細點染蒼黝冠裳皆泥金細描色澤可翫真不世之奇珍可與文正公伯夷頌手卷並稱墨寶而世無知者故標出之

馬侍御文煒巡邏兩淮日久駐廣陵署中夜有女子自稱某上真夫人求薦枕馬辭謝不能遂狎之已而日相黷弗避匿馬頗苦之爲拒絕狀亡何索印其柙中則亡矣馬不知所爲女子大

嬉笑蓋竊而移置他所矣遜謝久之乃還其印
一日告去馬大以爲幸不旬日中堂案上有檄
其文曰某夫人某日自成都府起馬前往揚州
勾當公事馬見之大駭思已而果至騷屑如前
馬少拂其意輒移易其衣物不在故處久之馬
大困憊疏上請告遣奏差者齎奏去行數日原
疏仍在其几上馬知是乃所爲也浩嘆而已奏
差者至中途檢其疏不得大恫思歸白請罪馬
原之無如乃何因移駐于他府馳疏告歸亦無
御龍子集 曲清新聞卷之四 五

它虞也

陳洪者許昌人原姓郭名某禮部選枚奄人時
所給印票被他奄人攫去徒手不得入乘間更
攫他奄人印票執之票中姓名乃陳洪也遂以
爲姓名數年積官至司禮監監正隆慶初掌司
禮事權傾中外新鄭高公當國時相得驩甚然
馴謹不敢干預政府事 穆廟崩之日倭奄馮
保矯旨同受 顧命外朝訥訥而江陵陰結保
欲傾高公 今上卽位高公疏請收司禮柄馮

保持不下爲臺省所劾保窘甚求解于江陵江
陵爲畫矯 旨遂高公因放洪于南京保因寓
書內守備禁錮 皇城內不許出入久之爲羣
盜所劫喪其裝貲盡論者復隨其漫藏也後洪
郊外四十里守皇妃墓因餒幾死江陵殂沒馮
保家放置南京而張洪掌司禮監乃還洪居南
京洪僦民居于郭門內天界寺傍小樓三楹居
之歲餘保欲見洪請釋前怨洪拒不與見也久
之保裝爲門下奄客用所奪又以論劾成孝陵
御龍子集 曲清新聞卷之四 六

與洪若出一轍洪嘗與予言高公持正而暗于
事幾當保夤緣入司禮時吾疏具其惡欲上請
褫其職而公力言不必乃爾嘗徐圖之疏乃不
果上卒罹其禍若此使公早從吾必不至有今
日也意若甚憾公而不知進退予奪自有造物
者主之非人所得而逆料也不然居正與保內
外結綵執天子之柄者十年王食威福擅之自
已人力不至于此

新鄭南有子產廟土人以爲生產之神塑翁媼

二像其中及羣嬰兒于左右祈子者男女皆至
也人有皮場公廟其神乃湯陰張森唐宋累封
惠應三者今人不知以爲子皮固誤乃有皮匠
二十餘人認爲祖師歛錢穀禱賽之尤可捧腹
此可與杜十姨同入笑藪

御龍十集

曲洧新聞卷之四

七

曲洧新聞卷之四終

吹劍草卷之一

御龍子二十五

洧川范守已介儒著

寧夏侯廷珩校
扶溝李時芳校

騷類

同騷

伯氏洧余間關旅孤幾三十載余謬錄
甲榜後出餉西陲伯氏遂抱病越數月
竟不起暨余除雲間奉母氏之署婺媼
弱敵執難偕往而奴丁爲蠹陰肆憑陵
余聞之終夜傍徨遑遑莫之制因念伯氏

御

丁集

吹劍草卷之一

一

素豪俠使不棄世爲慶何如今若斯命
也慙慙無聊乃爲騷以自悼其辭曰

帝陶唐之苗裔兮皇初祖曰御龍豕韋稱霸而
比商兮周爲唐杜曰附庸羗左儒駢儻以快逆
鱗兮宗杜丘墟幸遺胤流而之晉兮范氏聿崇
越秦漢與夫唐宋兮詰人起而代有迄神州洧
于奇渥溫兮依臨海而憧憧我大明之普暨
萬寓兮載負耒于洧之潞履五世其豐亨兮肇
誕毓寧迺躬命伯仲以嘉名兮粹薰篋以弄之

情翺翺日相追逐兮思共紹夫迺宗望鶴翼倏
忽而脩舉兮二雛救敗陰臯閒而寥廓兮母氏
幼勞朝相哺以荼蓼兮夕相瀉以滄潦藉荆棘
以為柔毳兮聚齒豁為奇着叩叩巨虛拾甘草
以相并兮鸛鷀比翼而相要余好脩姱以自潔
兮伯氏任曠達以相高輕輜輶而兩馳兮亦各
拉轡而相驕余畹荃蘭與薜荔兮滋玉芝以盈
畎渠植梧櫟豫章兮琳琅炳其盈輦緝芙蕖以
為余相兮綴芷蓀以為裳渠腰墜離之長缺兮

御龍子集

火劍草卷之一

二

擎鑿落之鉅觥鹽與梅異味而相為蘇兮匏土
殊音而不相反繫余徽先人之靈貺兮奮長翼
于青雲搏羊角而直上兮問顧兔于月闕駕赤
虬翺翔于九天兮超

帝都排紫府而獻其和璧兮子續紛勅余輓珠
桂于西裔兮望粉榆而至止眇常華而韡韡光
榮兮既蘇樂而孔員朝分袂于消之曲兮莫說
余駕于洛下暴澍傾盆以洗中唐兮金甌焚輪
而歛瓦余中宵頗以不寐兮忽魂遊于里舍聞

旬旬有聲其如雷霆兮適在堂皇之後楚忙啟
關而諦眎兮寔智井之為孽歟炎火以灼天兮
燔彤霄其如赭余驚惶而目若重暈兮思求所
目彌之既燄燼而水溢兮四漫汗而傍寓余傍
徨而憬目寤兮中心搖搖而憂疑惵門庭其有
灾咎兮而特不知其故也復覲目目凝思兮再
返旆于家之隈有伻於悒而來諗兮嗟伯氏之
蒙災天水違而對吏兮乃鞠幽于囹圄紛榜撻
日剝膚兮遂奄棄寧喧亟余聞言而慟裂兮鬼

御龍子集

火劍草卷之一

三

與魄而離析歎覺來而惶怖兮汗浸淫目如煖
欲驅騶而馳故里兮念簡書之不可遁心養養
而蜚驚于臯蘭兮急揮輓以言迴入門覲佗僚
目呻吟兮因錯愕而失色問渠嬰何疹目為疹
兮曰予抱沈疴而中于風賊余悸夢幻之將符
兮憂心怛怛而巨測謁盧扁與巫陽兮使各奏
其所得唉二豎軫輶于膏肓兮匪砭劑之所能
逼羗尸蠱萸菲于庚申兮神巫歆直而莫識竟
偃蹇卧目即徂兮竊不知其神之所極肯得年

才逾四九兮何造物不仁而希嗇堯母氏震懼
而籲天兮出入皇皇而哽咽余擗踊而摧裂五
內兮涕泗瀼瀼而橫臆憶先君之蚤昇昊昊兮
母氏焦勞而有今日茲兩雖其尤孱孱兮夫何
為而再罹此棘歎皇天之不憖遺兮膺余趾而
復刺其擊訝造化其如小兒兮酷相侮而不知
其刻遺惇嫠孀獨目屈疚兮孤崽團團而泣血
余又辟除東海之禺兮不能守故廬而殫閔惻
途遙遙兮脩碣兮渺雙鱗家旣脆而莫之庇處

御龍子集

吹劍草卷之一

四

兮豺虎為群鬼車夜啼于周廡兮鴝鵒畫隼
蛇盤結于窰突兮封豕據門天吳曠九首目魚
然兮舌欲談其欲吮猙獰礪錯齟以睥睨兮目
炯炯而蠱人魑魍魎日逐突于中雷兮獲狝
攫猱復從衡于堂之陳驚驚縮脰目自保兮禿
鶩啞啞目相招惡鱷振尾以肆雷兮飼鱸潛伏
而沈淪析木難以為楫兮委揭車于衛左眎江
離其若棲苴兮銍蒹葭而殫其朵噫余遭家不
造兮日懜懜而不知所為詭炎熒方為燎邈兮

胡廼燼微而有此既夫子瑜委質于秣陵兮伏
龍吟歎于南陽彼何梟仲之楚楚兮而迺子遺
呂虞我昔伯氏之振長風兮庠崧衡而狃宇宙
騁腰褭目蹀躞兮韝鷲鷯目從獸走宋鵠與韓
盧兮便僂僂而如雨逐狡獪與夫封狐兮不崇
朝而兼收重信陵之然諾兮羅趙李于穀中閭
嬋娟目懽豫兮揮千金而眎之如垢去固烝足
目吞吐虹霓兮執凌厲犀蒼茫猱猱而却武
兮魑魅亦為之伏藏余方獲貯于閑窻兮藉幃

御龍子集

吹劍草卷之一

五

帝而托處胡為犀歛臍白雲兮捐濁寓而邀帝
鄉惜鷦鷯巢夫一枝兮迴颺颺而摧之越鵲
鵲並啄于蓬莖兮蜚隼攫其侶而椎之鰈喁喁
于廣滌兮懶斷斷而血其左背狼狽駢肩而跟
蹠兮墮軼軻而斃其右肢余胡遭其迷邈兮心
忼忼而中結精搖搖目排阨兮秉熒熒而崩泐
嗤聶豹于雲間兮望粉榆于鷄籠水森森目彌
濟兮恨聯聯而鳴噓鷗雛嚶嚶目號機兮竊脂
據肥雋而饜之彼蟾蜍其何惠于世兮踞月窟

而躍玉闕并幹栢星嶽崙而棲霞兮魑魅穴之
而踴躍金谷平泉蕪穢而不治兮野火怒目而
顛蹶粵伯有介而為厲兮駟帶兆既于國之人
神固焄熹其不亡兮遐不巴罔兩而齧齧嫫母
盜玉環而至日癸兮如姬矇眊而竊符澆浞弄
大阿日軋王室兮甲覲白骨而稱杰回祿挾少
女日為虐兮帝江舞手感而自雄曾不虞迴颺
其自炳兮蠲首頤日何能顧彼蠛蠓與黉冥兮
寄形影于毫睫余驅蜚燕日埽盪兮固將偏側

御龍子集

吹劍草卷之一

六

而無所容咄英皇灑涕于湘筠兮越千禩而泯
泯緬陶獻之芳躅俱存兮又何得抽茨而隤其
墉心憊憊調饑日怒兮竟飄飄而無所之思寢
寐其或一眴兮訴離憂日抒私忽聞習而希日
夷兮神兮丁而踟躕越奮蜚而上蒼兮覓靈府
之所屈振豐霽日為輶兮譚箕伯而命驟激烈
缺日轉余轂兮望舒清路于雲達揭蹄螭日為
旄旌兮颺蚩尤之靈旗鳳皇翹翹而掌節兮
虞駉駉而導儀鞭玉虬日長鳴兮靈鷲側翼日

護持歷九垓日尚羊兮遍四極以旁求叩宣父
于廣桑兮詣湘君于九嶷陟抱犢詢彼叔夜兮
慕八海而吊靈均諮景純西抵雲臺兮誅君平
于蛾鼠走羅鄴而諗子雲兮拂北斗而問臧洪
衛華陽致音于曼倩兮說遮須而揚摧于曹植
揖元亮于蓬萊兮卜季主于南華過萊菴賓于
曼卿兮質萊公次且于浮提夫何众真之烺烺
羅列兮觀斯世如在其肱睫也羌伯氏其何遊
息兮獨落莫而不覲其蹄轍也究妖孽之所由

御龍子集

吹劍草卷之一

七

起兮咸給余日罔知余心益為之惶惑兮愈悵
悵而莫由以控說也迺乘沆瀣日遊太清兮叫
閭闔而闢之揖虞譚日闔玉振兮望帝閭欣奔
日夕之倩巫咸介紹日通帝命兮余屏息偃僂
欽承日繹之帝日朕王女兮日憂蹇蹇重華兮
罷教而鰥雛之盤兮司馬其恫孔既聖兮皮嗣
日安肯屯蹇兮蟪蛄應龍而嘷之雨泠泠兮張
八翼而虎豹避關彭殤有數兮命所司自造自
化兮朕所弗知彼歸元馭兮何形何色爾後師

偃兮母嗟母咨女既抱夫明月兮豈污壤之所
能涵歸守貞一日埃命兮屏智巧而莫施余耿
耿若有所得兮辭帝宸而載馳心陶陶夷猶于
宇內兮併萬慮而忘之率皇途徜徉歸兮埃
夫天命更奚疑亂曰梁木中摧室不兢兮虺蜴
衡闕心如病兮守一委化帝所命兮巫咸有言
莫余更兮無棄無違以保余慶兮

沈索

夫何乾坤瀕洞而光煨兮萬物駘蕩而揚揚歟

御龍子集

吹劍草卷之一

八

余心之繭塞而莫放兮眇塵寓其茫茫五官情
而失職兮六府闌珊而紛結魂黯黯以尸居兮
魄兀兀而莫攝口咄咄而無言兮足彳亍而無
所往首岑岑其有所戴兮神黯黯而惘恍當其
時辭景媚鳥語花菲山川獻秀野老忘機輕風
蕩袂皓月揚輝遇之者神王賞之者忘歸獨捫
心而弗顧意憤懣其如摧乃若契濶云父千里
言旋閭姬捧袂夷光晤顏粉白黛翠藻悅華簪
競眴目而巧笑爭取寵以乞憐此人情之至樂

亦懷惻而忘言又若賓進既啟鐘鼓交發琴瑟

靜好墳笳間歇韓娥度曲秦青按節迴風起舞

樊素動舌滿堂為之誼笑獨向隅而不悅意慘

慘兮何所求似調饑兮不知其由有物團圓兮

宛在心頭遣之不去兮濬之不流扁鵲視之而

不見兮秦緩療之而無所投何膠葛吾之胸臆

兮隨所之以同遊嗟嗟我生兮逢何辰遭此荼

毒兮造化不仁縛騏驎于鹽車兮放鯢鯨于蹄

涔飼鷄雛以腐鼠兮固樊離以園麟神執竿而

御龍子集

吹劍草卷之一

九

閑於兮心惻惻以沈淪翳長裾以蹙蹙兮漫跣
蹢而四顧望周道其鞠茂草兮雜灌莽與荆榛
羌鳥鵲昔昔而雜鳴兮厭喧闐之聒耳紛雲霓
霍霍以布空兮憂霍療之彌津緬子晉之吹笙
兮在嵩之巔跨玄鶴以尚羊兮上薄于天友浮
丘而侶羨門兮不與我同歡世恩恩而號歎兮
雜列珉璠精光鬱而射斗兮誰辨龍淵玄妻御
而脊身兮白台遠佇而嬋媛合德席寵于上陽
兮班婕棄捐曼倩三為偷兒兮何王母之弗與

昇妻竊靈藥以奔月兮乃亦安處而嬋娟彼吳
剛其有何辜兮伐仙桂而歷多年美子春嘿嘿
而守爐兮又何歷迫以多難睹往牒而眩瞶
莫知其端心悅悅而煩憤兮何為其然蛇女豔
旋于河上兮望嬰兒其遠隔金虎俛首于重淵
兮覓蒼龍以莫得繫頃襄之帶雌劍兮而躍鴻
其有所索余何慮而何求兮若盈抱以礫屑豈
造化真如小兒兮能令予心之終結亂曰天地
兮無垠靈宇兮無塵暫翳兮浮雲真境兮何氛

御龍子集

吹劍草卷之一

十

走風雷兮驅玄霧一瞬息兮見天心

吹劍草卷之一

吹劍草卷之二

御龍子二十六

消上范守已介儒著

寧夏侯廷珮校
扶溝李時芳校

賦類

登大華賦

余既與原叅藩登大華矧其勝歸而神
警者察日每交映輒踟躕層巒上居常
眄睠剗削成諸嶽戲悄悅跬步閒也初
余亦躋肯遇會心處輒題近體一二章
泉下山椒遽為五記識其際豈山霧薄

御龍子集

吹劍草卷之二

一

我寂寥語故盼蠻即我重有所索邪于
是迺鴻毫專赫蹕而賦之悅與山霧相
左右賦成擊玄石朗誦一過依然坐我
五千仞上嵐光翠藹勃勃焉襲人襟裊
矣其辭曰

二炁垓北日燥曆兮五嶽歲褻而爭雄白帝躍
霧于咸壑兮雙華聳立而龍從峙層巒峩峩而
迴合兮悅瀚海錯湧軍夫容泉靈汭砰礫而噲
飲兮水天橋鬱鬱而龍葱靈黠黠吞吐于縣岫

兮雲霏微颺實于晴空羗三峯獅狌而磨莧兮
緊湏洞簌盪于玄精匪崑壑硤硤而黥黯兮隼
璠珉劣列而崢嶸紛沓寥窅而窸窣兮嶽嶺
罪截薛而枝撐石屹嶺巖轟而嶙峋兮水涵突
碑碎而鏗鉤路嶮熾偪側于山椒兮櫟旣稊般
散于谷口渡碩硃熾熾而赴赴兮趾屢屢蹭蹬
而先後踞之而彳亍而蹙蹙兮衣揭襤褸而
糾紐披縣瀑敷薄而泌漈兮峯岫嶮良其覆
正慶余褰袪裾而履屐兮伏筇藜目踉蹌躑躅
御龍子集 次劍草卷之二 二

齧趾而咂咭須欹州捩而哀嗥兮戴鷄掌駛而
雜沓踰縹緲之靈臺兮飢杏覲之神硃穿白雲
之霍霍兮聽蒼虬之唵唵兮臭龍之孤岑兮峙
駘蕩之新亭峴町噲之蜺聚兮迷岷嶠之蜚磴
印二曜之縣像兮瞥崩泐之危巖蹙閭浮之阮
砭兮瞽僂掌之嶽嶽險髮髮之鉏鋤兮儼談舐
之魑魍蹠蒼龍之峻嶺兮風颼颼目掀髯跬蹵
躑而盤跚兮神習恍而徒倚躡苗疑而顛躑兮
据蒙茸目跪起簞宗土之旁唐兮矐玉峯之砢
御龍子集 次劍草卷之二 三

數暴目踣墮塊踉蹌即齡暮兮伯儼狂
趨呂跋摩蔚會蕤蒙躑躅容與于孤嶂兮輶轄
偃蹇怵鼻于巒外斲劍脊之菖蒲兮揮美菁之
蘆花攢叔卿之碁子兮追道廣之磨車掃千葉
之青蓮兮揆五粒之松華驅萬頭之石羊兮譁
五色之神鷄辨巨霸之踵痕兮趾輶輶而屏顏
瞰斧劈之墜邑兮窵間砌而矜研汰僊油之石
碩兮漾滴湑而泌渤陟種藥之僊坪兮炁晻菱
而必弗迨窮媧之夷猶兮眇閭易而戍削逞來

御龍子集

次劍草卷之二

四

便嫺而嫺嫺兮體嫺肩而綽約從青葉與處妃
兮並便嫺而纖弱駕鷓鴣與彩羽兮競微睇而
繇藐既延佇而嬾媛兮亦翕菁芻羅而方攘余
其躑躅隗而裴回兮蹙駭賊目頡頏顛曉晴之
峯嶺兮摹彤霄而俛芻荒藁青縹而稠敷兮簇
箭鏑目縱橫蝸嶙隱而萬角齧齧兮璣璣漏而
千房嶺嶺或支順而何倭佗條兮或臙膏而連
蛇昂藏或橋塞而天吳猙獰兮或柴虎而冥寐
倔強或嶠嶠而短釘厝瞰兮或堪巒而輪菌渺

茫或如猱攫之踰踞而繫繫兮或如陳寶之矯
翮而鷄鶩或如吉士之宛辟而提提兮或如雲
孫之拱揖而傍徨紛總總而千章鬱律兮碧蘿
鄰而萬浪簸揚頌昌枯菑排千葉之玉笋兮砉
抽何挿聚萬枝之琳琅咄嚙豎之崛起孟陬兮
嘻九變之崑崙乾維噬熊耳之偃仰南陸兮繫
太白之壘歸于西陸緬吳岳之崛崎而遙立兮
悵秦嶺之屹岌而俾倪諦玉壘之怪碧于悅莽
兮泊祁連之碶碣于依稀番冢磴礫而卷屹兮

御龍子集

次劍草卷之二

五

崆峒崑崙而支離羌河流之潏潏而澎湃兮絳
龍沙而翻縞帶矧涇渭之澆潏而淫潏兮又安
能溶潏而容一芥審滌灑與夫漆沮兮曾不若
晦沍而猷滄頤丹與洛之拾漚而允溶兮又何
稱困繇而名厲瀨嗟阿房之複衙連雲兮固鎧
封之麗軍陂陀况構榱桷之枝梧兮屈指荷
陽與馭娑五柞長楊泉井泉兮藐不知其所址
雲陽林允與華清兮河槐安之南柯余既超塵
寓而踈太清兮叩閭闔其可闢白榆歷歷將過

捫兮顧兔與與欲闌而呵禁昀王清于北斗兮
招子登于崑崙揖帝閭之虞譚兮訊崧高之子
晉挾旬始呂為余帙兮攝格淖呂為余旄噤若
工于汗漫兮邀纖阿呂消搖微天台之二姝兮
逢句曲之三茅拍洪崖而從陵陽兮侶倕仉而
任伯僑駕應龍而驕倨赴蜺兮服虬虎而畔岸
忽休余將以馭于崦嵫兮剡丹霞于層霄驚
八極而凌厲兮睨上下而汰寥歲斯世而脫屣
兮邈不知其颺颺重曰喟喟兮磅礴凌倒景兮
御龍子集 次綱草卷之二 六

讀書臺賦有序

大司馬潘公時良築書屋于昆山之巔
其友人題之曰潘中丞讀書臺蓋公先
以大中丞納節偃臥其中故題云爾其
山在震澤蒼雪間去湖州不四三里吳
興諸山遙羅林外如抱如拱而波濤瀾

凌倒浸翠微北吐之下者則震澤也若
雪二水自西南來縈帶山麓若不欲去
道場蜚英兩浮屠雙嵒雲外如筆斯植
登是臺也吳會之大觀俱在眇眇中矣
下走未獲躬歷其勝而睹大司馬之所
狀則甚悉也乃為之賦

繫毘山之歲暮兮執峻嶒以嶽崙慶夸娥之堆
累兮岱嶽之蜚岑无嶺負而磅礴兮骨嶽刺
其簪嵒嶽劣削而崑崙兮木杲龍而輪囷石掌
御龍子集 次綱草卷之二 七

陟而虎擊兮陵阮辟而斷斷趾疊翠其霏微兮
谿窈窕而鄰鄰爾乃分蒼柝搗斲鄂剡熾城垣
陴巒棟坪楹萃公輪面方愚公運黃累崇臺兮
毘之巔縈雲構兮齡界間擱牙戢春以飲風鈞
心鞞鞞而凝煙繚週垣之魄嶺隱金椎以為堅
爰有闕血綺疏層甍殺青縹帙累如充楹哀小
酉之餘錄蒐苑委而駢呈發孔壁而抓琬琰探
汲冢而挾菁英髣髴兮天祿石渠之所藏於初
兮白虎東觀之所評乃若蔭文牕翳清牕橫扶

疏影糾繆萬箇篁千頭櫺丹桂秘醇而橫秋柳
梅枿枿而萼晝樅櫟栢梓豫章靈壽峙凌霄以
團雲襍薜蘿而並茂爾乃接離眉額輕裾坐紳
不借承武白疊製巾徜徉軍圖書之府夷猶于
翰墨之林鼓脩營之綠綺兮來南薰之颼颼彈
陸離之長鈇兮詞歸去之遺辭躡崩施以流憩
兮飲沆瀣于太清經窈窕而狝騫兮采歲蕤之
玉芝度鸞輶而陟危巒兮咤歲寓之判閏察縹
緲而眺埏紘兮嘆塊圯之依俟吳峰歛巔天目

御龍子集

吹簫草卷之二

八

匡廬直矗螭虬縹緲參差紛拏遐若拱揖適若踰
嶺屹屹律獻秀呈姝苕蘿尚羊于震紀白岳崱
嶇于坤維洞庭偃蹇于玄波武林差池于南碕
碧嶙峋兮挿天末之夫容羅森陰兮藹雲外之
屢屨乃若梵區竺祠玄宇霸觀瑤臺象即氤氲
璀璨聳七級之浮屠千重霄而葱蒨恍綵筆之
雙卓挺對植之玉鑽一流眇而蒸暘供優遊之
清翫羌具區之洪波兮于山之吐緬龍谿之皖
峴兮縈而帶之流潺湲而旬旬兮嚙山椒之破

陀振瀲灩而蓊瀾兮灌漭漭而濛濛望瀟渺之
澄波兮浮七十二峯而滉漾滢滢之連漪兮
飄千百頃之琉璃乃有艤餘鯨刺舳舻總留戢
挈筌簞泛瀟瀟之淼漠按鱗介之襍種片颿倏
忽而出沒濤子欸乃而酩酊驪以譁兮屬玉之
隨檣謹以譁兮天吳之逆艇緬八荒以為闕兮
目汎覽而無極眺湖山之勝槩兮奮凌風之羽
翼望蓬壺于渤澥兮要羨門以相即通縣圖于
昆侖兮來曼倩之爽瀝玩羲皇之妙畫兮契太

御龍子集

吹簫草卷之二

九

始于乾坤飲丘索之微言兮過浮雲而靜寂浩
浩摩天地以為襟兮與日月而同遊優優摩騶
萬古而一視兮曾不知窮達之異迹亂曰節彼
昆山氣鬱葱兮有仇斯臺勢隆豐兮有美一人
憩其中兮以誦以絃樂無終兮眺彼八紘杳無
窮兮與塵寓斯萬與天通兮出際風雲亮天工
兮彼美斯臺千古之宗兮

吹簫草卷之二